



Ex Bibliotheca
majori Coll. Rom.
Societ. Jesu

147.8.12

147.8.12

49
C
22.


49.5.22



293

— is





CHRYSOTOMI IAVELLI
CANAPICII, ORDINIS
PRAEDICATORVM,

Commentarij in Logicam Aristotelis,
Ad disciplinæ Peripateticæ normam & metho-
dum exarati, & sedulo elimati.

PARTIS HVIVS ARGVMENTA

vide in calce operis.



VENETIIS,
Apud Franciscum Laurentinum,
M. D. LX.

Roma. 1562.


Nona impressio

12.33 B. 27

CHRYSTOMILAVILLE
CANADIAN
MEDICAL

For further information, please contact:

Dr. J. H. M. van den Broek
Department of Psychology
University of Amsterdam
P.O. Box 1089
1000 BA Amsterdam



1841. 1842. 1843. 1844. 1845. 1846. 1847. 1848. 1849. 1850. 1851. 1852. 1853. 1854. 1855. 1856. 1857. 1858. 1859. 1860. 1861. 1862. 1863. 1864. 1865. 1866. 1867. 1868. 1869. 1870. 1871. 1872. 1873. 1874. 1875. 1876. 1877. 1878. 1879. 1880. 1881. 1882. 1883. 1884. 1885. 1886. 1887. 1888. 1889. 1890. 1891. 1892. 1893. 1894. 1895. 1896. 1897. 1898. 1899. 1900. 1901. 1902. 1903. 1904. 1905. 1906. 1907. 1908. 1909. 1910. 1911. 1912. 1913. 1914. 1915. 1916. 1917. 1918. 1919. 1920. 1921. 1922. 1923. 1924. 1925. 1926. 1927. 1928. 1929. 1930. 1931. 1932. 1933. 1934. 1935. 1936. 1937. 1938. 1939. 1940. 1941. 1942. 1943. 1944. 1945. 1946. 1947. 1948. 1949. 1950. 1951. 1952. 1953. 1954. 1955. 1956. 1957. 1958. 1959. 1960. 1961. 1962. 1963. 1964. 1965. 1966. 1967. 1968. 1969. 1970. 1971. 1972. 1973. 1974. 1975. 1976. 1977. 1978. 1979. 1980. 1981. 1982. 1983. 1984. 1985. 1986. 1987. 1988. 1989. 1990. 1991. 1992. 1993. 1994. 1995. 1996. 1997. 1998. 1999. 2000. 2001. 2002. 2003. 2004. 2005. 2006. 2007. 2008. 2009. 2010. 2011. 2012. 2013. 2014. 2015. 2016. 2017. 2018. 2019. 2020. 2021. 2022. 2023. 2024. 2025. 2026. 2027. 2028. 2029. 2030. 2031. 2032. 2033. 2034. 2035. 2036. 2037. 2038. 2039. 2040. 2041. 2042. 2043. 2044. 2045. 2046. 2047. 2048. 2049. 2050. 2051. 2052. 2053. 2054. 2055. 2056. 2057. 2058. 2059. 2060. 2061. 2062. 2063. 2064. 2065. 2066. 2067. 2068. 2069. 2070. 2071. 2072. 2073. 2074. 2075. 2076. 2077. 2078. 2079. 2080. 2081. 2082. 2083. 2084. 2085. 2086. 2087. 2088. 2089. 2090. 2091. 2092. 2093. 2094. 2095. 2096. 2097. 2098. 2099. 2100. 2101. 2102. 2103. 2104. 2105. 2106. 2107. 2108. 2109. 2110. 2111. 2112. 2113. 2114. 2115. 2116. 2117. 2118. 2119. 2120. 2121. 2122. 2123. 2124. 2125. 2126. 2127. 2128. 2129. 2130. 2131. 2132. 2133. 2134. 2135. 2136. 2137. 2138. 2139. 2140. 2141. 2142. 2143. 2144. 2145. 2146. 2147. 2148. 2149. 2150. 2151. 2152. 2153. 2154. 2155. 2156. 2157. 2158. 2159. 2160. 2161. 2162. 2163. 2164. 2165. 2166. 2167. 2168. 2169. 2170. 2171. 2172. 2173. 2174. 2175. 2176. 2177. 2178. 2179. 2180. 2181. 2182. 2183. 2184. 2185. 2186. 2187. 2188. 2189. 2190. 2191. 2192. 2193. 2194. 2195. 2196. 2197. 2198. 2199. 2200. 2201. 2202. 2203. 2204. 2205. 2206. 2207. 2208. 2209. 2210. 2211. 2212. 2213. 2214. 2215. 2216. 2217. 2218. 2219. 2220. 2221. 2222. 2223. 2224. 2225. 2226. 2227. 2228. 2229. 2230. 2231. 2232. 2233. 2234. 2235. 2236. 2237. 2238. 2239. 2240. 2241. 2242. 2243. 2244. 2245. 2246. 2247. 2248. 2249. 2250. 2251. 2252. 2253. 2254. 2255. 2256. 2257. 2258. 2259. 2260. 2261. 2262. 2263. 2264. 2265. 2266. 2267. 2268. 2269. 2270. 2271. 2272. 2273. 2274. 2275. 2276. 2277. 2278. 2279. 2280. 2281. 2282. 2283. 2284. 2285. 2286. 2287. 2288. 2289. 2290. 2291. 2292. 2293. 2294. 2295. 2296. 2297. 2298. 2299. 2300. 2301. 2302. 2303. 2304. 2305. 2306. 2307. 2308. 2309. 2310. 2311. 2312. 2313. 2314. 2315. 2316. 2317. 2318. 2319. 2320. 2321. 2322. 2323. 2324. 2325. 2326. 2327. 2328. 2329. 2330. 2331. 2332. 2333. 2334. 2335. 2336. 2337. 2338. 2339. 2340. 2341. 2342. 2343. 2344. 2345. 2346. 2347. 2348. 2349. 2350. 2351. 2352. 2353. 2354. 2355. 2356. 2357. 2358. 2359. 2360. 2361. 2362. 2363. 2364. 2365. 2366. 2367. 2368. 2369. 2370. 2371. 2372. 2373. 2374. 2375. 2376. 2377. 2378. 2379. 2380. 2381. 2382. 2383. 2384. 2385. 2386. 2387. 2388. 2389. 2390. 2391. 2392. 2393. 2394. 2395. 2396. 2397. 2398. 2399. 2400. 2401. 2402. 2403. 2404. 2405. 2406. 2407. 2408. 2409. 2410. 2411. 2412. 2413. 2414. 2415. 2416. 2417. 2418. 2419. 2420. 2421. 2422. 2423. 2424. 2425. 2426. 2427. 2428. 2429. 2430. 2431. 2432. 2433. 2434. 2435. 2436. 2437. 2438. 2439. 2440. 2441. 2442. 2443. 2444. 2445. 2446. 2447. 2448. 2449. 2450. 2451. 2452. 2453. 2454. 2455. 2456. 2457. 2458. 2459. 2460. 2461. 2462. 2463. 2464. 2465. 2466. 2467. 2468. 2469. 2470. 2471. 2472. 2473. 2474. 2475. 2476. 2477. 2478. 2479. 2480. 2481. 2482. 2483. 2484. 2485. 2486. 2487. 2488. 2489. 2490. 2491. 2492. 2493. 2494. 2495. 2496. 2497. 2498. 2499. 2500. 2501. 2502. 2503. 2504. 2505. 2506. 2507. 2508. 2509. 2510. 2511. 2512. 2513. 2514. 2515. 2516. 2517. 2518. 2519. 2520. 2521. 2522. 25

ANIMADVERTENS, Crescenti fili, sortitum te fuisse à summo rerum conditore ingeniosum docilemque; animum tam moralibus, quam speculatiuis habitibus facile decorandum, nefarium profecto atque impium quid commississe me arbitrari, si te quem (ut ita dixerim) intellectualiter genui, & à primis annis probatis moribus formare conatus sum, permitterem iam adolescentem uulgaribus terrenis atque mechanicis, ut degenerem & mente depressum, artibus & studijs inuolui, at rectius dixerim demergi atque sædari. Constanti igitur atque inflexibili proposito statui Deo Optimo, aspirante, te in limite disciplinabilis adolescentie iam constitutum, & in grammaticis Græcè Latineque; apprimè eruditum, ad eam quam appellamus logicam, siue dialecticam, utpote modum et regulam sciendi, rectissimo calle deducere & erudire. Hæc nanque unica est clauis & ianua ad quoscunque scientificos habitus. Sine ea, cæcutiens intellectus nescit quod tendat. Nam logica secundum magnum Albertum latitantem ueritatem aperit, errores damnat, falsitatem ostendit, & rectum lumen, quo in omni uerè contemplationis opere dirigimur, ostendit. Hac, ut fidissimo duce, ad phycas mathematicasque disciplinas, & ad diuinam, quam dicimus metaphysicam, patebit tibi aditus. Sine ea nullus artifex, siue practicus, siue speculatiuus praeualet, & quicunque absque logica docent addiscunt, disputant aut dictant, suadent aut determinant, in incer-

tum conceptus, & uoces, & propositiones, & rationes
iactant. Ergo per logicam omnes, sine ea nullæ pos-
sunt uenari, acquiri, & perfectè sciri artes. Vt autem
per rectas semitas, planas, & faciles ingeniolum tuum
non ui, sed natura docilem, iuxta nota mea dirigere
ualeam, ne multiplicibus & obscuris & contra sein-
uicem pugnatibus scribebant in hoc negotio tum rea-
liter, tum sophisticè, siue terminaliter tractatibus inuo-
luaris, formaturus sum tibi atque ordinaturus iuxta
mei consuetudinem, & innatam proprietatem totius
Logices compendium ad eam, quæ est apud Aristote-
lem, & non aliter isagogicum, resolutum, clarum, &
ordinatissimum. Quod non modò tibi, sed & futuris se-
culis, bonarum artium amatoribus quam utile fiet. Hoc
tu, tuique similes uelut stella immobili, & clara duce
pedetentim et gradatim ad optatissimum Philosophie
portum deducemini. Ne dubites. Vale ingeniale decus,
nec patiaris tantos talesq; tui gratia sumptos frustra-
ri labores.

runt principia, parua quidem magnitudine, & pauca numero, sed maxima & plurima uirtute. Deinde famosiores magisq; exercitari addiderūt multa, & posteriores ex multis collegerunt magis certa, superfluis, aut incertis, aut erroneis reiectis, sicq; tandem ars & scientia huiusmodi non solum incrementum, sed & completum suscepit. Per hunc modum dicit Aristoteles in secundo elench. omnes scientia rhetorice inuenta & acquisita sunt. Nam post primos rhetorice inuatores, secutus est Thestas, post Thestiam Theodorus, post illum multi multa inuenerunt & addiderunt. Hinc ars ipsa maximum iam habet incrementum, & in secundo metaphysica exēplificans de musica, inquit. Nam si Timotheus non fuisset, multā melodiā non haberemus. Si autē Phirnis, s. non præcessisset Timotheū, Timotheus non fuisset. s. instructus in principijs musicae, nec eam auxisset. Aliæ igitur artes & scientiæ primos habuerunt auctores, a quibus principia, deinde posteriores, a quibus paulatim augmentum & sufficientiam recepimus.

Quantum ad secundum aduerte, ut testatur Aristoteles in fine libri secūdi elenchorū, quod licet aliæ artes & scientiæ ante Aristotelem inuenta & augmentatae fuerint per famosos auctores, ut patet de scientia naturali per Thaletē & Melissum, & Empedoclem, & Heraclitum, licet ad istam multis erroribus tradiderint, quos ipse Aristoteles in omnibus physicae partibus reprobat; De mathematicis per Pythagoram & Euclidem antiquissimos Aegyptios. De diuinis, per Mercuriū Vermegistum, & Hesiodum. De moralibus, per Socratem & Platonem, & sic intellige de reliquis artibus, tamen logicæ sciētia ante Aristotelem inuenta non fuit. Nihil inuenimus de ea ordinatē traditum, quo, ut regula sciendi, dirigi posset addiscentis intellectus ad alias scientias acquirendas. Nam ut legimus apud Platonem in Gorgia & Protagora, & Euthidemosi, quam logicā sophistæ conabantur ostendere se habere, non ad sciendum, sed ad decipiendum utebantur, totūque studium eorum erat reddere discipulos, non uere, sed apparenter scientes, cum uere nihil in fine addiscendi retinerent, nisi captiunculas, friuolasque ac deceptorias rationes.

nes. Hos igitur Socrates & Plato semper insectati sunt, utpote non bonarum artium doctores, sed & deceptores, ac illusores humani ingenij. Verum quia nec Socrates nec Plato artem hanc adepti sunt: idè doctrinalem ordinem nec in sophistis reprobandis, nec in proprijs conceptibus enucleandis seruare potuerunt. Et licet potentes essent ad interrogandum siue dubitandum: non tamen ad respondendum & soluendum, propter logicæ carentiam. Vnde Socrates fatebatur se quidem scire interrogare: at respondere nescire. Vt igitur uera sciendi regula directiua humani intellectus in artibus & scientiis inueniretur, datus est nobis ab autore naturæ Aristoteles, qui suo penè diuino ingenio primus logicam ueram, inuenit, & secundum omnes partes ordinauit ac perfecit, ut declarabimus infra, diuidentes logicam descriptam ab Aristotele in partes, & assignabimus earum sufficientiam. Quoniam igitur Aristoteles hanc primus inuenit & perfecit, idè ut primo inuentori gratiæ habendæ sunt. Quod & ipse innuit in fine secundi Elenchorum, dicens: De rhetoricis erant multa & antiqua dicta. De syllogismis autè omnino nihil habuimus prius aliud dicere, quàm quod attritione quærentes, per multum tempus laborauimus. Si autè uideretur nobis cõsiderantibus uelut ex his, quæ a principio erant, habere artem hanc sufficiẽter super alia negotia, quæ ex traditione adaucta sunt, reliquũ erit, omnium uestrum, uel eorum, qui audierunt hoc opus, omnis quidem artis indulgentiam, inuentis autem multas habere gratias. Hæc de præsentis capite dicta sint.

Quid sit logica, siue dialectica.

CAP. II.

IN secundo capite ordo doctrinæ requirit, ut manifestemus quid sit logica siue dialectica. Oportet enim in una quaque arte & scientia præcognoscere quid significetur per nomen illius scientiæ, & artis, de qua tractandum est, aliter addiscens semper per incognita tenderet. Verum antequàm descendamus ad ueram logicæ diffinitionem, præscire te oportet, quid sit propriè diffinitio, & quomodo differt a descriptione, & ethymologia, & interpretatio. Deinde deueniemus ad propositum nostrum.

Tu

REVERENDI MAGISTRI CHRYS-

SOSTOMI IAVELLI CANAPICII OR-

dinis Prædicatorum, compendium Logicæ .

Isagogicum, ad eam, quæ est apud

Aristotelem .

ORDINATURVS Logicæ compendium pro neophytis,

intendo non recedere à via Peripatetica. Quod dico, ut

præseruem me à sophistarum captiunculis, quæ magis de-

discientes confundunt, quàm dirigant. In quibus nonnulli

per totam uitam laborant & insudant, & nunquàm ad ue-

ras doctrinas pertingunt. Neq; enim uere scire desiderant;

sed id tantum, quod secum disputantes, irretiant atque de-

capient. Erit igitur adolescentibus præsens compendium,

ut introductorium ad ea omnia, quæ Aristoteles diffusè in

singulis suæ logicæ libris pertractauit .

Diuidemus autem ipsum in undecim tractatus:

Primus erit, De aliquibus ut uniuersalibus principijs

præcognoscendis .

I. De partibus propositionis .

II. De propositione .

III. De quinque uniuersalibus siue prædicabilibus .

IV. De antepredicamentis, & prædicamentis, & post-

prædicamentis .

V. De syllogismo formali .

VI. De suppositionibus proprijs & improprijs, relati-

uis & absolutis .

VII. De ampliacionibus & appellationibus .

IX. De consequentijs .

X. De probationibus terminorum .

XI. De syllogismo demonstratio, in quo cõtinebitur

totà doctrina Aristotelis in libro Poster.

In hoc primo tractatù agendum est de aliquibus uni-

uersalibus ut principijs, sine quorum præcognitione, reñ-

deremus in omnibus sequentibus per incognita. Hæc au-

tem erunt septem, & sic præsens tractatus continebit se-

ptem capita.

Primo, quis fuerit ueræ logicæ primus & sufficiens autor.

TRACTATVS PRIMVS

- II. Quid sit logica, siue dialectica.
- III. Quod sit logicæ adæquatum subiectum.
- IIII. Quæ sit logicæ utilitas, uel necessitas.
- V. Qualis scia sit, & sub qua parte sciētix continetur.
- VI. Quomodo in partes suas diuidenda sit.
- VII. A quo primò incipiendum est in logica.

Quis fuerit ueræ logicæ primus auctor. Cap. I.

IN primo capite declarandum est, quis fuerit ueræ logicæ primus autor. Tu igitur aduerte, quòd Arist. in ij. lib. elenchorum c. ult. refert modum, quo reliquæ sciētix & artes primò inuentæ sunt. Deinde quomodo successu tēporis complementum susceperunt. Refert etiam modum, quo logica inuenta est primò, & sufficienter tradita.

Quantum ad primum, inquit Aristoteles, quòd quælibet scientia, & ars ab aliquibus primis inuenta quidem est, & excogitata: ualde tamen imperfectè, à posterioribus autem paulatim & subtilius elaborata. adèd incrementū suscepit, quòd tandem completa est. Tu tamē aduerte, quòd ut inquit Aristoteles, illud primum in qualibet arte & sciētia inuentum, licet paruum sit, utilius tamen ac melius est posterioribus inuentis & additis; est enim primum scientiæ, aut artis principium. Licet autem prima principia inuenta sint parua in magnitudine, sunt tamen maxima in uirtute, quoniā ab ipsis totum pendet. Nam, sicut arbor miræ altitudinis, uirtualiter cōtinetur in paruo seminis grano ex quo generatur; sic ars & sciētia uirtualiter cōtinetur in primis ac breuibus principijs, à primis autoribus inuentis.

Sicut autem principium primum artis & scientiæ à primo inuentum, quantuncūque paruum sit; est tamen optimum, sic & difficillimum est, neque quam primus inuētor accepit ab alio, neq; in parte, neq; in toto, sed longa & sagaci uestigatiōe tadē à se inuenit. Hinc est, qd ut, inquit Aristoteles, principia prima inuenire, perdifficile est, facile est autē inuētis addere. Idèd ex secundo metaphysicæ, agēdæ sunt gratiæ primis inuētoribus. Nā si illi nō fuisset, potiores arti aut sciētiæ nō addidisset, nec ad cōplemētū perduxissent. Hoc igitur modo aliæ partes & scientiæ inuentæ sunt, ac sufficienter traditæ, quia. s. primi primæ inuenerunt

primum; quòd sic nostro intellectui in acquirendis cæteris artibus, & scientijs aptissimum instrumentum. Huic descriptioni consonat ea, quæ solet ascribi duo Augustino, & hæc est, Logica est ars artium, & scientia scientiarum, quæ aperta oēs aperiuntur, & quæ clausa oēs aliæ clauduntur. Eidem concordat ea quæ formatur a Pet. Hispan. in principio summarum suatum sub nomine dialecticæ. Sumit autem dialecticam pro tota logica, & nō pro parte topica, de qua acturi sumus in octauo trac. Sic autem describit eam, Dialectica est ars artium. i. directiua intellectus, ut regula acquirendi alias artes, & scientia scientiarum. i. directiua, eodem modo intellectus in acquirendis alijs scientijs, ad omnium methodorum, id est, scientiarum principia uiam habens. Nā logica dat nobis uiam, & modum cognoscendi principia aliarum scientiarum, ex principijs autem cognitis acquirimus scientiam pendentem ex suis principijs. cognitis per logicam. Via autem, quam dat nobis logica ad cognoscendum principia omnium scientiarum, est ars diffinitiua, diuisiua inductiua, argumentatiua, de quibus omnibus pertractat logica, ut declarabimus in locis suis.

Et aduerte, quòd scientias appellat methodos. Est autem methodus propriè apud Græcū, quod Latinus propriè appellat callem. est autem callis, uia stricta, breuis, & recta, citò ducens maiorem ad optatum terminum. Transumptiuè igitur scientiæ acquisitæ per logicam, dicuntur methodi, quoniam per logicam breui tempore, & rectè ac uerè addiscuntur. Hinc patet, quòd qui absq; logica docent aut discunt, & scribunt, & qui addiscunt, semper inordinate, & in finita prolixitate procedunt, nec unquam ad ueram, & firmam rei notitiam perueniunt, nec se in dubiis resolvere, nec contra impugnantes se defensare possunt. Optimum est ergo ante oēs scientias logicam acquirere, nec cum logica uelle alias simul acquirere. Dicit enim Aristote. in secundo metaphysicæ, quòd absurdū est simul quærere scientiam, & modum sciendi. Et per modum sciendi, ut dicit Commentator Auerroes, intèdit logicam, quæ dat modos generales, & regulas, secundum quas in qualibet scientia procedendū est, Has autem regulas docebimus in tractatu

sexto, & septimo, & octauo, & decimo. Constat igitur tibi, quid sit logica diffinitiuè, & descriptiuè.

Quantum ad etymologiam, & interpretationem eius, aduerte, quòd logica quantum ad id, a quo nomen imponitur apud Græcum, interpretatur de sermone scientia, apud Latinum, est enim λόγος sermo, & ut sic, nisi aliud addatur communis est grāmaticæ, & rhetoricæ, & poeticæ, & logicæ propriè dictæ. Omnes enim sunt scientiæ de sermone, sed diuersa ratione, ut docuimus supra.

Quantum autē ad illud, cui nomen imponitur, interpretanda est logica, scientia de sermone uero, & falso, & sic est scientia distincta a grammatica, & rhetorica, & poetica, contenta tamen sub logica uniuersaliter dicta, ut est scientia de sermone &c. Et quoniam considerare ac pertractare habemus de logica directiua ueri, & falsi, & non absolute, & uniuersaliter dicta, ideo sua etymologia ac interpretatio erit hæc, ut non detur per manifestiora. Logica est scientia sermonis ueri, & falsi, in qualibet scientia, & arte diiudicandi, ut ab his, quæ uidentur primo aspectu uera, & non sunt, & ab erroribus ac falsis liberemur, ut ueritatem defendere, falsitatem impugnare, sophisticas rationes contra uerum soluere discamus, & rectum limitem in omni rationis opere prosequi, ac conseruare. Dialectica uero exponitur a Petro Hispano, quasi duorum sermo uel ratio, scilicet arguentis, & respondentis in disputatione. Verum melius est, ut exponatur dialectica quasi disputatiua, Deriuatur enim apud Græcum a διαλέγεσθαι, quod est, disputo Latine. Hæc de præsentī capite dicta sint.

Quid sit eius subiectum, circa quod uersantur.

C A P. I I I.

IN tertio cap. inuestigandum est, quid sit subiectum in logica, circa quod uersatur. Sed antequam descendamus ad resolutionem propositi duo præponenda sunt. Primo, quot modis consueuit accipi subiectum in doctrina Aristot. secundò, quas condiciones oportet attribuere subiecto scientiæ, & artis.

Quantū ad primū, aduerte q̄ subiectū dicitur quadruplīter. Primo, de eo, quòd præponitur uerbo in oratione,

ut

DE PRÆCOGNOSCENDIS.




Tu igitur aduerte, quòd in doctrinà Aristotelis diffinitio est oratio indicans quid sit res per essentialia, id est per ea, quæ sunt de essentia, & substantia rei, & sine quibus rei natura dari non potest, & hæc est uera, & propriissima diffinitio. Verbi gratia. Homo est animal compositum ex corpore humano, & anima rationali, hæc est uera diffinitio, quoniam dicit, & manifestat naturam hominis sufficienter, & facit ipsum differre a quolibet alio animali, & datur per substantialia hominis, quæ sunt, corpus humanum, & anima rationalis, & utrumque est substantia. Diximus, quòd diffinitio est oratio, quoniam solus unus terminus non facit diffinitionem, sed oportet saltem esse duos, quorū unus sit genus, tanquā magis communis, & alter differentia conuertibilis cum diffinito, ut tibi declarabimus in tracta de prædicabilibus. Requiritur & copula, id est uerbum substantiuum, ut prædicetur diffinitio de diffinito, ut hic, Homo est animal rationale, Homo est diffinitum, animal rationale est diffinitio, per ly est, prædicatur diffinitio de diffinito, ex consequenti constat, quòd diffinitio est oratio. Diximus, indicans quid sit res per essentialia, ut distinguatur diffinitio uera a descriptione, & etymologia, & interpretatione. Est enim descriptio, oratio indicans quid sit res per accidentalia propria, id est, quæ soli descriptio conueniunt. Vt descriptio hominis est hæc, Homo est animal stature rectæ, risibile, & beatificabile. Nam statura corporis recta, & risibilitas, & beatificabilitas, sunt proprietates consequentes solam naturam hominis. Quid autem sit rei proprietas, & quomodo emanet a forma rei, & eius specifica differentia, dicemus in tracta de prædicabilibus.

Ethymologia uerò, est manifestatio unius termini minus noti addiscēti, per alium terminum magis notum, & prius notum apud eundem, stando tamen in eodem idiomate, ut quando exponimus hunc terminum Sol, quasi solus lucens, & cælum, quasi omnia inferiora cælans, siue tegens, & lepus, quasi animal leuium pedum.

Interpretatio autē, ē unius termini declaratio ex uno idiomate ī aliud, ut *Κύριος* Græcè, ē dñs Latine, & *φύσις*, Græce, est





CHRYSHOTOMI IAVELLI
CANAPICII, ORDINIS
PRAEDICATORVM,

Commentarij in Logicam Aristotelis,
Ad disciplinæ Peripateticæ normam & metho-
dum exarati, & sedulo elimati.

PARTIS HVIVS ARGVMENTA

vide in calce operis.



VENETIIS,
Apud Franciscum Laurentinum,
M. D. LX.

Roma. 1562.

Antiqua scriptura


12.33 B. 27

CHRYSOTOMI, JAVELLE
GAMATI, JORDIS
BRADICATON, M.

[Faint, illegible handwriting]



ANIMADVERTENS, Crescenti fili, sortitum te fuisse à summo rerum conditore ingeniosum docilemque; animum tam moralibus, quàm speculatiuis habitibus facile decorandum, nefarium profectò atque impium quid commisisse me arbitrarer, si te quem (ut ita dixerim) intellectualiter genui, & à primis annis probatis moribus formare conatus sum, permetterem iam adolescentem uulgaribus terrenis atque mechanicis, ut degenerem & mente depressum, artibus & studiis inuolui, at rectius dixerim demergi atque sædari. Constanti igitur atque inflexibili proposito statui Deo Optimo, aspirante, te in limite disciplinabilis adolescentie iam constitutum, & in grammaticis Græcè Latineque; apprimè eruditum, ad eam quam appellamus logicam, siue dialecticam, utpote modum et regulam sciendi, rectissimo calle deducere & erudire. Hæc nanque unica est clavis & ianua ad quoscunque scientificos habitus. Sine ea, cæcutiens intellectus nescit quòd tendat. Nam logica secundum magnum Albertum latitantem ueritatem aperit, errores damnat, falsitatem ostendit, & rectum lumen, quo in omni uerè contemplationis opere dirigimur, ostendit. Hac, ut fidissimo duce, ad phycas mathematicasque disciplinas, & ad diuinam, quam dicimus metaphysicam, patebit tibi aditus. Sine ea nullus artifex, siue practicus, siue speculatiuus præualeat, & quicunque absque logica docent addiscunt, disputant aut dicunt, suadent aut determinant, in incer-



runt principia, parua quidem magnitudine, & pauca numero, sed maxima & plurima uirtute. Deinde famosiores magisq; exercitati addiderunt multa, & posteriores ex multis collegerunt magis certa, superfluis, aut incertis, aut erroneis reiectis, sicq; tandem ars & scientia huiusmodi non solum incrementum, sed & completum suscepit. Per hunc modum dicit Aristoteles in secundo elench. omnes scientiæ rhetoricæ inuentæ & acquisitæ sunt. Nam post primos rhetoricæ inuentores, secutus est Thestias, post Thestiam Theodorus, post illū multi multa inuenerunt & addiderunt. Hinc ars ipsa maximum iam habet incrementum, & in secundo metaphysicæ exēplificans de musica, inquit. Nam si Timotheus non fuisset, multā melodiā non haberemus. Si autē Phirnis, s. non præcessisset Timotheū, Timotheus non fuisset. s. instructus in principijs musicæ, nec eam auxisset. Aliæ igitur artes & scientiæ primos habuerunt auctores, a quibus principia, deinde posteriores, a quibus paulatim augmentum & sufficientiam recepimus.

Quantum ad secundum aduertē, ut testatur Aristoteles in fine libri secūdi elenchorū, quod licet aliæ artes & scientiæ antē Aristotelem inuentæ & augmentatæ fuerint per famosos auctores, ut patet de scientia naturali per Thaletē & Melissum, & Empedoclem, & Heraclitum, licet ad istam multis erroribus tradiderint, quos ipse Aristoteles in omnibus physicæ partibus reprobatur, De mathematicis per Pythagoram & Euclidem antiquissimos Aegyptios. De diuinis, per Mercuriū Vermegistum, & Hesiodum. De moralibus, per Socratem & Platonem, & sic intellige de reliquis artibus, tamen logicæ scientiæ antē Aristotelem inuenta non fuit. Nihil inuenimus de ea ordinatē traditum, quo, ut regula sciendi, dirigi posset addiscentis intellectus ad alias scientias acquirendas. Nam ut legimus apud Platonem in Gorgia & Protagora, & Euthidemosi, quam logicam sophistæ conabantur ostendere se habere, non ad sciendum, sed ad decipiendum utebantur, totūque studium eorum erat reddere discipulos, non uere, sed apparenter scientes, cum uere nihil in fine addiscendi retinerent, nisi captiunculas, friuolasque ac deceptorias rationes.

nes. Hos igitur Socrates & Plato semper insectati sunt, utpote non bonarum artium doctores, sed & deceptores, ac illusores humani ingenij. Verum quia nec Socrates nec Plato artem hanc adepti sunt: ideò doctrinalem ordinem nec in sophistis reprobandis, nec in proprijs conceptibus enucleandis seruare potuerunt. Et licet potentes essent ad interrogandum siue dubitandum: non tamen ad respondendum & soluendum, propter logicæ carentiam. Vnde Socrates fatebatur se quidem scire interrogare: at respondere nescire. Vt igitur uera sciendi regula directiua humani intellectus in artibus & scientiis inueniretur, datus est nobis ab autore naturæ Aristoteles, qui suo penè diuino ingenio primus logicam ueram, inuenit, & secundum omnes partes ordinauit ac perfecit, ut declarabimus infra, diuidentes logicani descriptam ab Aristotele in partes, & assignabimus earum sufficientiam. Quoniam igitur Aristoteles hanc primus inuenit & perfecit, ideò ut primo inuentori gratiæ habendæ sunt. Quod & ipse innuit in fine secundi Elenchorum, dicens: De rhetoricis erant multa & antiqua dicta. De syllogismis autē omnino nihil habuimus prius aliud dicere, quàm quod attritione quærentes, per multum tempus laborauimus. Si autē uidetur nobis cōsiderantibus uelut ex his, quæ a principio erant, habere artem hanc sufficiēter super alia negotia, quæ ex traditione adaucta sunt, reliquū erit, omnium uestrum, uel eorum, qui audierunt hoc opus, omisis quidem artis indulgentiam, inuentis autem multas habere gratias. Hæc de præsentī capite dicta sint.

Quid sit logica, siue dialectica.

CAP. II.

IN secundo capite ordo doctrinæ requirit, ut manifestemus quid sit logica siue dialectica. Oportet enim in una quaque arte & scientia præcognoscere quid significetur per nomen illius scientiæ, & artis, de qua tractandum est, aliter addiscens semper per incognita tenderet. Verum antequàm descendamus ad ueram logicæ diffinitionem, præscire te oportet, quid sit propriè diffinitio, & quomodo differt a descriptione, & ethymologia, & interpretatio. Deinde deueniemus ad propositum nostrum.

REVERENDI MAGISTRI DICHRY-

SOSTOMI FAVELLI CANAPICIOR-

dis Prædicatorum, compendium Logicæ

Ifagogicum, ad eam, quæ est apud

Aristotelem.

ORDINATURVS Logicæ compendium pro neophytis, intendo non recedere à via Peripatetica. Quod dico, Int præseruam me à sophistarum captiunculis, quæ magister discipulos confundunt, quàm dirigant. In quibus nonnulli per totam uitam laborant & insudant, & nunquàm ad ueras doctrinàs pertingūt. Neq; enim uerè scire desiderant, sed id tantum, quod secum disputantes, irriteriant atque decipient. Erit igitur adolefcentibus præsens compendium, ut introductorium ad ea omnia, quæ Aristoteles diffuse in singulis suæ logicæ libris pertractauit. Diuidemus autem ipsum in undecim tractatus: Primus erit, De aliquibus ut uniuersalibus principijs præcognoscendis.

- I. De partibus propositionis.
- II. De propositione.
- III. De quinque uniuersalibus siue prædicabilibus.
- IV. De antepredicamentis, & prædicamentis, & postpredicamentis.
- V. De syllogismo formali.
- VI. De suppositionibus proprijs & improprijs, reatiuis & absolutis.
- VII. De ampliacionibus & appellationibus.
- IX. De consequentijs.
- X. De probationibus terminorum.
- XI. De syllogismo demonstratiuo, in quo cõtinebitur tota doctrina Aristotelis in libro Poster.

In hoc primo tractatu agendum est de aliquibus uniuersalibus ut principijs, sine quorum præcognitione, reliqua deremus in omnibus sequentibus per incognita. Hæc autem erunt septem, & sic præsens tractatus continebit septem capita.

Primo, quis fuerit ueræ logicæ primus & sufficiens autor.

A 3 II. Quid

TRACTATVS PRIMVS

- II. Quid sit logica, siue dialectica.
- III. Quod sit logicæ adæquatum subiectum.
- IIII. Quæ sit logicæ utilitas, uel necessitas.
- V. Qualis, scia sit, & sub qua parte sciētix continetur.
- VI. Quomodo in partes suas diuidenda sit.
- VII. A quo primò incipiendum est in logica.

Quis fuerit, uera logica primus auctor. Cap. I.

IN primo capite declarandum est, quis fuerit, ueræ logicæ primus autor. Tu igitur aduerte, quòd Arist. in ij. lib. elenchorum c. ult. refert modum, quo reliquæ sciētix & artes primò inuentæ sunt. Deinde quomodo successu tēporis complementum susceperunt. Refert etiam modum, quo logica inuenta est primò, & sufficienter tradita.

Quantum ad primum, inquit Aristoteles, quòd quælibet sciētia, & ars ab aliquibus primis inuenta quidem est, & excogitata: ualde tamen imperfectè, à posterioribus autem paulatim & subtilius elaborata. adeò incrementū suscepit, quòd tandem completa est. Tu tamē aduerte, quòd ut inquit Aristoteles, illud primum in qualibet arte & sciētia inuentum, licet paruum sit, utilius tamen ac melius est posterioribus inuentis & additis; est enim primum sciētix, aut artis principium. Licet autem prima principia inuenta sint parua in magnitudine, sunt tamen maxima in uirtute, quoniā ab ipsis totum pendet. Nam, sicut arbor miræ altitudinis, uirtualiter cōtinetur in paruo seminis grano ex quo generatur; sic ars & sciētia uirtualiter cōtinetur in primis ac breuibus principijs, à primis autoribus inuentis.

Sicut autem principium primum artis & sciētix à primo inuentum, quantuncunque paruum sit; est tamen optimum, sic & difficillimum est, neque quam primus inuētor acceperit ab alio, neq; in parte, neq; in toto, sed longa & sagaci iuestigatiōe tadē à se inuenit. Hinc est, qd ut, inquit Aristoteles, principia prima iuenire, perdifficile est, facile est autē inuētis addere. Ideò ex secundo metaphysicæ, agēdx sunt gratiæ primis inuētoribus. Nā si illi nō fuisset, posteriores arti aut sciētiæ nō addidisset, nec ad cōplemētū perduxissent. Hoc igitur modo aliæ partes & sciētix inuentæ sunt, ac sufficienter traditæ, quia. scilicet. primi primæ inueni-

runt

primum; quòd sic nostro intellectui in acquirendis cæteris artibus, & scientijs aptissimum instrumētum. Huic descriptioni consonat ea, quæ solet ascribi, diuo Augustino, & hæc est, Logica est ars artium, & scientia scientiarum, quæ aperta oēs aperiantur, & quæ clausa oēs aliæ clauduntur. Eidem concordat ea quæ formatur a Pet. Hispa. in principio sumularum suarum sub nomine dialecticæ. Sumit autē dialecticam pro tota logica, & nō pro parte topica, de qua acturi sumus in octauo trac. Sic autē describit eam, Dialectica est ars artium. i. directiua intellectus, ut regula acquirere alias artes, & scientia scientiarum. i. directiua, eodem modo intellectus in acquirendis alijs scientiis, ad omnium methodorum, id est, scientiarum principia uiam habens. Nā logica dat nobis uiam, & modum cognoscendi principia aliarum scientiarum, ex principijs autem cognitis acquirimus scientiam pendentem ex suis principijs. cognitis per logicam. Via autem, quam dat nobis logica ad cognoscendum principia omnium scientiarum, est ars diffinitiuā, diuisiuā inductiuā, argumentatiuā, de quibus omnibus pertractat logica, ut declarabimus in locis suis.

Et aduerte, quòd scientias appellat methodos. Est autē methodus proprie apud Græcū, quod Latinus proprie appellat callem. est autem callis, uia stricta, brevis & recta, citò ducens maiorem ad optatum terminum. Transumptiuè igitur scientiæ acquisitæ per logicam, dicuntur methodi, quoniam per logicam breui tempore, & rectè ac uerè addiscuntur. Hinc patet, quòd qui absq; logica docent aut discunt, & scribunt, & qui addiscunt, semper inordinatè, & in finita prolixitate procedunt, nec unquam ad ueram, & firmam rei notitiam perueniunt, nec se in dubiis resolvere, nec contra impugnantes se defensare possunt. Optimum est ergo ante oēs scientias logicam acquirere, nec cum logica uelle alias simul acquirere. Dicit enim Aristote. in secundo metaphysicæ, quòd absurdū est simul quærere scientiam, & modum sciendi. Et per modum sciendi, ut dicit Commentator Auerroes, intēdit logicam, quæ dat modos generales, & regulas, secundum quas in qualibet scientia procedendū est, Has autem regulas docebimus in tractatu

sexto, & septimo, & octauo, & decimo. Constat igitur tibi, quid sit logica diffinitiuè, & descriptiuè.

Quantum ad etymologiam, & interpretationem eius, aduerte, quòd logica quantum ad id, a quo nomen imponitur apud Græcum, interpretatur de sermone scientia, apud Latinum, est enim λόγος sermo, & ut sic, nisi aliud addatur communis est grāmaticæ, & rhetoricæ, & poeticæ, & logicæ propriè dictæ. Omnes enim sunt scientiæ de sermone, sed diuersa ratione, ut docuimus supra.

Quantum autē ad illud, cui nomen imponitur, interpretanda est logica, sciētia de sermone uero, & falso, & sic est scientia distincta a grammatica, & rhetorica, & poetica, contenta tamen sub logica uniuersaliter dicta, ut est scientia de sermone &c. Et quoniam considerare ac pertractare habemus de logica directiua ueri, & falsi, & non absolute, & uniuersaliter dicta, ideo sua etymologia ac interpretatio erit hæc, ut non detur per manifestiora. Logica est scientia sermonis ueri, & falsi, in qualibet scientia, & arte diiudicandi, ut ab his, quæ uidentur primo aspectu uera, & non sunt, & ab erroribus ac falsis liberemur, ut ueritatem defensare, falsitatem impugnare, sophisticas rationes contra uerum soluere discamus, & rectum limitem in omni rationis opere prosequi, ac conseruare. Dialectica uero exponitur a Petro Hispano, quasi duorum sermo uel ratio, scilicet arguentis, & respondentis in disputatione. Verum melius est, ut exponatur dialectica quasi disputatiua, Deriuatur enim apud Græcum a διαλέγεσθαι, quod est, disputo Latine. Hæc de præsentī capite dicta sint.

Quid sit eius subiectum, circa quod uersantur.

C A P. I I I.

IN tertio cap. inuestigandum est, quid sit subiectum in logica, circa quod uersatur. Sed antequam descendamus ad resolutionem propositi duo præponenda sunt. Primo, quorū modis consueuit accipi subiectum in doctrina Aristo. secundò, quas condiciones oportet attribuere subiecto scientiæ, & artis.

Quantū ad primū, aduerte q̄ subiectū dicitur quadrupliciter. Primo, de eo, quòd præponitur uerbo in oratione,

ut

Tu igitur aduerte, quòd in doctrina Aristotelis diffinitio est oratio indicans quid sit res per essentialia, id est per ea, quæ sunt de essentia, & substantia rei, & sine quibus rei natura dari non potest, & hæc est uera, & propriissima diffinitio. Verbi gratia. Homo est animal compositum ex corpore humano, & anima rationali, hæc est uera diffinitio, quoniam dicit, & manifestat naturam hominis sufficienter, & facit ipsum differre a quolibet alio animali, & datur per substantialia hominis, quæ sunt, corpus humanum, & anima rationalis, & utrumque est substantia. Diximus, quòd diffinitio est oratio, quoniam solus unus terminus non facit diffinitionem, sed oportet saltem esse duos, quorū unus sit genus, tanquā magis communis, & alter differentia conuertibilis cum diffinito, ut tibi declarabimus in tractatu de prædicabilibus. Requiritur & copula, id est uerbum substantiuum, ut prædicetur diffinitio de diffinito, ut hic, Homo est animal rationale, Homo est diffinitum, animal rationale est diffinitio, per ly est, prædicatur diffinitio de diffinito, ex consequenti constat, quòd diffinitio est oratio. Diximus, indicans quid sit res per essentialia, ut distinguatur diffinitio uera a descriptione, & etymologia, & interpretatione. Est enim descriptio, oratio indicans quid sit res per accidentalia propria, id est, quæ soli descriptio conueniunt. Vt descriptio hominis est hæc, Homo est animal stature rectæ, risibile, & beatificabile. Nam statura corporis recta, & risibilitas, & beatificabilitas, sunt proprietates consequentes solam naturam hominis. Quid autem sit rei proprietas, & quomodo emanet a forma rei, & eius specifica differentia, dicemus in tractatu de prædicabilibus.

Ethymologia uerò, est manifestatio unius termini minus noti addiscēti, per alium terminum magis notum, & prius notum apud eundem, stando tamen in eodem idiomate, ut quando exponimus hunc terminum Sol, quasi solus lucens, & cælum, quasi omnia inferiora cælans, siue regens, & lepus, quasi animal leuium pedum.

Interpretatio aut, ē unius termini declaratio ex uno idiomate in aliud, ut *Κύριος* Græcè, ē dñs Latine, & *φύσις*, Græce, est

ut homo est animal, homo apud Logicum dicitur subiectum, animal dicitur prædicatum, est, dicitur copula, & aduerte, quòd id, quòd dicit Grammaticus suppositum, dicit Logicus subiectum, & quòd dicit appositum, dicit Logicus prædicatum, & quòd dicit uerbum, dicit Logicus copula. Copulat enim, & coniungit uerbum prædicatum cum subiecto. Secundo, dicitur de omni substantia, quæ in se recipit aliquam formam, uel accidens, & in hoc sensu dicimus manum, esse subiectum caloris, quia in se recipit calorem, eodem modo lapis, in quo fit figura Mercurii dicitur subiectum figuræ. Corpus, in quo recipitur anima, dicitur subiectum animæ. Intellectus, in quo recipitur scientia, dicitur subiectum scientiæ. Tertio, dicitur de partibus materialibus, ex quibus aliquid componitur, & in hoc sensu lapides, & ligna, & clauis, & cæmentum dicuntur subiectum domus, ut pro eodem sumatur subiectum, & materia, ex qua res fit. Quarto, dicitur de eo, circa quod agendum, aut curandum, aut cognoscendum intendit homo, & in hoc sensu domus est subiectum ædificatoris, dū fabricatur. corpus humanum est subiectum medici, dū medicatur, cælum est subiectum astronomi, dum circa ipsum speculatur, ens mobile, siue corpus mobile, est subiectum physici, &c. Et dicitur subiectum circa quod uersatur artifex, & sciēs, siue speculās, & cōsiderās. Relictis aliis modis pro nūc, intēdimus declarare, quid sit subiectum logicæ, iuxta quartū modū.

Quantum ad secundum aduerte, quod subiectum sumptum, quarto modo, tres oportet habere cōditiones simul iunctas, ita quod si una deficit, non erit uere subiectum. Primò, oportet esse principale consideratum in scientia. Vnde nullum secundario, aut consequenter consideratum potest esse uere subiectum in scientia. Verbi gratia. In arithmetica par, & impar, binarius, aut ternarius, aut quæcunque alia numeri, species, non possunt esse uere subiectum, sed numerus, ut numerus. Prinio enim, & principaliter considerat de numero, consequenter autem de proprietatibus, & speciebus numeri. Secundo oportet quòd omnia considerata in arte, aut scientia, considerentur non secundum se, sed in ordine ad ipsam. Verbi gratia, ideo

ideo domus est subiectum, artis ædificatorix, quoniam circa ipsam ædificandam artifex principaliter, & prima intentione intendit, & in ordine, ad ipsam considerat lapides, ut sunt apti construere domum, similiter, & ligna, & cetera. Non enim considerat lapides, ut sunt inanimati, neque ligna, ut uegetabilia, neque clauos ferreos, ut minerales. Hæc enim ad considerationem physici pertinent, sed ut partes aptæ, ex quibus cõstruatur, & firmetur domus. Tertio, oportet, ut per subiectum scientiæ, & artis sufficienter differat ipsa a quacunque alia, ideo grammatica differt a rhetorica, quia in ea subiectum est oratio congrua, in rhetorica autem oratio conipta, & arithmetica differt a geometria, quia in ea subiectum est numerus, in geometria autem quantitas continua diuisa in lineam, & superficiem & corpus, ut declarabimus in prædicamento quantitatis.

His prænotatis, aduerte, quod cum logica sumatur dupliciter, ut supra iam diximus, scilicet uniuersalissime, & proprie, uniuersalissime quidem, ut sub se continet grammaticam, & rhetoricam, & poeticam, & logicam argumentatiuam. Proprie uero, ut est scientia distincta a prædictis, & dicitur scientia rationalis argumentatiua. Subiectum in illa uniuersalissime sumpta, est ens rationis, id est, ens fabricatum ab intellectu, & non habet esse extra intellectum, quales sunt termini, siue dictiones componentes orationem congruam, aut ornatum, aut delectabilem, aut veram, & suum oppositum, & argumentatio, quæ componitur ex propositionibus modo, quo dicemus in tractatu sexto, & quidem quod ens orationis sit subiectum in logica uniuersalissime sumpta probatur sic. Sicut se habet scientia realis, ut physica, mathematica, & metaphysica ad ens reale, quod est ens extra intellectum, ut homo, terra, cælum, & cetera sic scientia rationalis se habet ad ens rationis. Sed scientia realis uersatur circa ens reale, ut subiectum, ergo scientia rationalis circa ens rationis. Sed logica uniuersalissime sumpta, est scientia rationalis, ut dicemus infra. Ergo subiectum logicæ uniuersalissime sumptæ, est ens rationis. Subiectum autem logicæ proprie sumptæ, est ens rationis sub discursu intellectus, quod est idem, quod argumentatio.

tatio. Et probatur sic, Idem est subiectum in tota scientia rationali, & in qualibet eius parte, sub diuersa tamen ratione. Sed ens rationis est subiectum in tota scientia rationali, quæ est logica uniuersalissime sumpta, ergo & in qualibet eius parte sub distincta ratione. Partes autem totius scientiæ rationalis sunt, grammatica, cuius subiectum est ens rationis congruum, & incongruum, & rhetorica cuius subiectum est ens rationis ornatum, & inornatum, & poetica cuius subiectum est ens rationis delectabile, & indelectabile, & logica proprie dicta, cuius subiectum est ens rationis ratiocinatum, quod est eadem quod argumentatio, Præterea, ut uidebis infra, tractabimus de terminis, & nomine, & uerbo per respectum ad orationem, quoniam sunt componentes orationem, & de oratione per respectum ad propositionem, & de propositione per respectum ad argumentationem, & illic erit status. Cum igitur omnia consideranda in logica proprie dicta, considerentur in ordine ad argumentationem, sequitur argumentationem, quæ est idem cum ente rationis discursiuo, ut ita loquar, esse in ea subiectum. Hæc de præsentis cap. dicta sint, ne ingenium nouitii confundamus. Nam quid sit ens rationis, & ens reale, abundantius dicemus in principio tractatus quarti.

Quæ sit logica utilitas, et necessitas. CAP. IIII.

- IN quarto capite declarandum est, si logica proprie dicta est nobis utilis, & necessaria. Sed antequam resolutio nem propositi descendamus, manifestandum est, quibus modis aliquid sit utile, & necessarium. Tu igitur aduerte, quod utile est illud, quod propter aliud appetitur, ut de seruiat appetenti consequi optatum. Sic equus dicitur utilis, quia deseruit sessori in delatione propriæ personæ, aut alicuius oneris. Utile autem est aliquid duobus modis. Primo, aliquid dicitur utile, quod dicit in se, & secundum sui naturam, non sit appetibile, nec amabile, imò abominabile, tamen in ordine ad aliquem finem amatum consequendum est appetibile. Hoc modo medicina fœtida, & abominabilis, dicitur utilis, pro quanto deseruit in firmo ad consequendam sanitatem, quæ alias nullo modo

do est appetibilis. Secundo, aliquid dicitur utile, quod est in se appetibile, & per respectum ad alterum consequendum. Hoc modo medicina delicata, & odorifera est utilis: quoniam non solum in ordine ad consequendam sanitatem, sed etiam secundum se est amabilis.

• Necessarium dicitur aliquid, sine quo res non potest esse, aut fieri, aut acquiri, aut seruari, ut cibus est necessarius uolenti uiuere, et naus necessaria uolenti transfretare. Hoc autem licet pluribus modis dicatur, pro nunc sufficient duo modi. Primo, aliquid est necessarium, sine quo res desiderata non potest absque materia difficultate acquiri. Sic equus dicitur necessarius eunti in Fraciam, quoniam, & si pedester posset ire, id tamen summe difficile sibi foret. Secundo, aliquid est necessarium, sine quo ullo modo potest finis intentus haberi. Sic cibus est necessarius, similiter, & respiratio intendenti uiuere.

His præhabitis dico pro resolutione propositi, quod logica non est utilis primo modo, nam licet in se sit aspera, & difficillima addiscenti, tamen in se non est abominabilis, cum sit uera scientia, & perfectiua, ac acutiua ingenii, ut alias declarabimus. Cum igitur scire, uniuersaliter sit nobis appetibile, sequitur quod logica in se sit appetibilis, sicut Grammatica, & Rhetorica, ex consequenti non est utilis primo modo, est autem utilis secundo modo; quoniam, & si in se sit appetibilis, tamen ex sua prima intentione ordinatur, ut deferuat intellectui in acquisitione aliarum scientiarum, & ideo est utilis secundo modo, est enim Logica intellectui inquirenti, & uenanti ueritatem in aliis scientiis, sicut canis solertissimus uenatori.

Quo ad necessitatem aliqui dicunt ipsam necessariam primo modo, & etiam secundo. Arbitrantur enim, quod sine Logica nulla scientia potest omnino acquiri, sicut ædificator sine arte non potest ædificare. Sed id non uidetur rationabiliter dictum, nam ante Arist. inuentorẽ Logicæ, ut si bi attribuit, apud Aegyptios, & Arabes, & Græcos sapientiss. fuerunt, & præcipue in Mathematicis, ut testatur Arist. in prohæ. Metaphysices, & iurittæ habet sciam ciuile, & tñ

non incumbunt studio Logicæ, & ideo melius est sic distinguere. Logica est duplex, scilicet naturalis & artificialis. Naturalis, est discursus innatus cuilibet videnti ratione. Nam cum distinguatur homo ab intelligentiis, ex eo quod illæ sunt merè intellectuales, homo autem rationalis, illæ simpliciter intelligunt, homo autem cum discursu. Hinc videmus idiotam loquentem formare consequentias conditionales, syllogismum expositorium, & multis modis arguere, & hac naturali via argumentatiua processerunt antiqui & procedunt iuristæ. Verum, quia natura per artem perficitur, & sine arte valde defectibiliter operatur, ut patet in cantante, siue citharizante ex naturali habitudine, antequam artē musices addiscat: ideo Logica artificialis necessaria est primo modo, naturalis autem secundo modo. Nam artificialis dāns modum recte & absque errore definiendi, diuidendi, argumentandi, ac respondendi, disponit & faciliat intellectum, ut prompte, & expedite, ordinate, & resolute se exerceat in prædictis actibus, quibus venatur veritatem, & falsitatem deuitat, & sine his, summa difficultate, & longissimo tempore, & admissione multorum errorum, verum ipsum attinget. Ergo ei est necessaria Logica primo modo, secundo autem modo Logica naturalis est necessaria: quoniam hominis natura, non simplici intelligentia, sed discursu à noto ad ignotum procedit. Vnde dixit Aristoteles in 1. metaphy. quòd hominum genus, arte & rationibus, id est, argumentationibus viuere, id est, operatur. Vtraque autem Logica est argumentatiua, ergo constat quomodo est utilis & quomodo necessaria. Hæc de præsentī cap. dicta sint.

Qualis scientia sit Logica, et sub qua parte scientia vniuersaliter diuise locanda sit. C A P. V.

In quinto capite manifestandum est, qualis sit scientia logica, & sub qua parte scientiæ vniuersalissime diuise contineatur. Ne igitur oporteat idem sæpius inutiliter repetere; præponemus. In primis vniuersalem scientiæ siue philosophiæ (ut volunt alij) diuisionem. Deinde determinabimus propositum.

Quantum ad primū, aduerte, quod ex doctrina Aristotelis

TRACTATVS PRIMVS.

colligitur hæc vniuersalis philosophiæ siue sciæ diuisio:

Scientiarum, alia speculatiua, alia practica.

Speculatiuarum, alia realis, alia rationalis.

Realium speculatiuarum, alia physica, alia mathematica, alia metaphysica.

Rationaliū speculatiuarum, alia grāmatica, alia rhetorica, alia poetica, alia logica siue dialectica, i. disputatiua.

Practicarum, alia actiua, alia factiua.

Practicarum actiuarum, alia ethica, alia politica, alia œconomica.

Practicae factiue diuiduntur in artibus, quas famose dicimus mechanicas, & communiter sunt septem scilicet lanificium, militia, nauigatio, agricultura, medicatio, venatio, & ars fabrilis. Ad has reducuntur omnes aliæ, vt facile cognoscere poteris.

Et ne hæc diuisio sit penitus incognita nouitio, dicemus cōpendiose quid sit vnumquodque prædictæ diuisionis membrum, donec ad philosophiam transeamus. Tunc enim exacte de vnoquoque membro quid sit, & quid sub se contineat pertractare intendimus. Tu igitur aduerte, quòd apud Aristotelem (vt docet in lib. 6. Ethic.) Scientia, vt distinguitur ab opinione, & a fide est certa, & euidens rei cognitio, quam intellectus acquirit per syllogismum demonstratiuum, vt declarabimus in tractatu decimo. Per hoc, quod dicitur, certa cognitio, distinguitur scientia ab opinione. Quæ enim opinamur, non firmiter cognoscimus nec eis adhæremus, nisi cum formidine alterius partis. Per hoc, quod dicitur euidens cognitio, distinguitur a fide. Nā ea proprie credimus, quibus firmiter assentimus, licet sint nobis immanifesta, vt credimus Deum creatorem mundi in tempore, licet potuerit eum creare ab æterno.

Scientia speculatiua est illa, cuius finis est scire, siue cognoscere subiectum suū, vt sciētia de cœlo, de Deo, de anima &c. est speculatiua. Neq; enim per nostrum scire possumus Deum, aut cœlum, aut animam operari.

Scientia practica est illa, cuius finis non est tantum scire, sed operari circa obiectum suum, vt scientia medicatiua & domificatiua, neque enim addiscens ædificare, con-

tenta-

DE PRAECOGNOSCENDIS. 10

tentatur scire ædificare, sed intendit ædificare.

Scientia speculatiua realis est illa, quæ versatur circa ens reale, quod habet esse extra intellectum: qualia sunt corpora naturalia, & cælum. & diuinæ substantiæ, & quantitates continua, & discreta.

Scientia speculatiua rationalis est illa, quæ versatur circa ens fabricatum ab intellectu, & quod non haberet esse nisi existeret intellectus: quales sunt termini & dictiones ex quibus componitur oratio, & ex orationibus componitur argumentatio. Similiter omnis sermo congruus & incongruus, ornatus & inornatus, delectabilis & indelectabilis, verus & falsus. Hæc enim omnia non essent, nisi intellectus ea fabricaret, intellectus autem est ratio, ideo dicuntur ens rationis, id est, ens fabricatum a ratione.

Scientia speculatiua realis physica est illa, quæ versatur circa ens mobile, quod est ens naturale, vt cælum, & elementa, & elementata.

Scientia speculatiua realis Mathematica est illa, quæ versatur circa ens quantum continuum, & discretum. Quantum continuum est linea, superficies, corpus, & omnes species figurarum, & de his omnibus pertractat Geometria. Quantum discretum, est numerus, & de numero ac proprietatibus numeri pertractat Arithmetica.

Quid autem sit Grammatica, & Rhetorica & poetica & logica, in quas diuiditur speculatiua rationalis, & circa quæ versentur, iam diximus supra.

Practica actiua est illa, quæ versatur circa humanas operationes regulandas, vt bene ac moraliter fiant.

Practica actiua ethica est, quæ regulat proprias operationes cuiuslibet hois volentis bene & virtuose vivere.

Politica autem, quam Latine dicimus ciuilem, est, quæ regulat ex regentis prudētia publicas & ciuium actiones, vt iuste & pacifice fiant.

Oeconomica vero, quam domesticam aut familiarem dicimus Latine, est, quæ regulat ex patrisfamilias prudentia & autoritate operationes totius familiæ, secundum quod vnumquemque familiæ gradum decet. gradus autem sunt vir, & vxor, parentes & filij, dominus & seruus:

TRACTATVS PRIMVS

ex his enim integratur familia in specie humana, vt docet Aristote. in. 1. Politicorum.

Practica factiua est illa, quæ versatur circa artificia manualia, quæ cõiter exercet̃ur plebeis animis, gratia lucri, & non gratia perficiendi intellectum, nec assequendi felicitatem, & ideo dicuntur mechanica, quia faciunt hominem intendere extra se, & non intra se, sicut adulter quærens alienam dissipantem, & relinquens sibi sociatam ad bonum proprium & constitutionem familie.

Distinctio autem sua in septem artes mechanicas notissima ac vulgarissima est, ideo eam pertrãseo. Constat igitur tibi vniuersalis scientiæ, siue philosophiæ diuisio, & compendiose quid sit quodlibet diuisionis membrum. Dixi compendiose, quoniam si ad vnguem & per omnia vellem de his tractare, nouitij ingenium, qui ex simplici Grammatica se ad logicam transfert, non docerem, sed confunderem. Intendo autem, Deo propitio, in philosophia naturali, & metaphysica, & morali, & politica, & æconomica peripatetica resolute, & diffuse de singulis pertractare. Nunc sufficit velut paruulis cibum leuiorem propinare, donec solidiorem naturæ virtus ferre valeat.

His prænotatis, facile tibi constare potest, qualis scientia sit Logica, & sub qua specie diuisionis generalis scientiæ contineatur. nam si interrogaris, qualis scientia sit, respondendum est, quod rationalis & non realis, ratione iam assignata. Item respondendum, quod speculatiua & non practica. Et si obiiciatur, quod non quæritur gratia sui, sed gratia acquirendi alias scientias per argumentationem, respondendum est, quod non propter hoc impeditur, quin sit speculatiua. nam quando dicitur, quod scientia practica est illa, quæ ordinatur ad opus, intelligendū est ad opus, quod sit alterius potentia, quàm intellectus, puta sit actus voluntatis, aut manus, aut pedis. Si autem ordinatur ad regulandum opus intellectus, puta quomodo formanda sit oratio affirmatiua aut negatiua, quomodo argumentandum sit ad probandum cõclusionem physicam vel mathematicam, non obstat quin sit speculatiua: aliter nec Arithmetica esset speculatiua, ordinatur enim

ad numerationē quæ est opus intellectus. similiter Astro-
nomia non esset speculatiua, quoniam ordinatur ad men-
surandum quantitatem cœli & stellarum, & eorum mo-
tum. Eodem modo, nec Grāmatica, nec Rhetorica essent
habitus speculatiui: cum vna ordinetur ad formandum
sermonem congruum & vitandum incongruum: altera
ad formandum sermonem ornatum, & vitandum inorna-
tum. Constat igitur qualis scientia sit Logica, & sub qua
parte scientiæ vniuersaliter diuisæ contineatur. Hæc de
præsenti cap. dicta sint.

Quomodo Logica in partes suas diuidenda sit. CAP. VI.

IN sexto capite aduerte, antequam descendamus ad
diuisiones Logicæ, quod omnis recta & valida diuisio, de-
bet esse per membra opposita, vt hic, colorum, alius albus,
alius niger. Si autem dicatur, hominum alius albus, alius
magnus, diuisio non est valida, quoniam non opponuntur
album & magnum, quoniam stant simul in eodem. Mem-
bra autem diuisionis validæ, non se compatiuntur in eo-
dem, sed si vnum affirmatur, alterum negatur ab eodem.
Verbi gratia: Si Sortes est magnus, ergo non est paruus.
Non sequitur autem, quod si Sortes est albus non sit ma-
gnus, quoniam potest esse magnus & albus. Item mēbra
validæ diuisionis debent sufficienter euacuare diuisum,
ita quod nihil contineatur sub diuiso, quod nō continea-
tur sub aliquo membro diuisionis. Vnde hæc diuisio est
valida: Animalium, aliud rationale, aliud irrationale, non
enim potest inueniri animal quin sit rationale, aut irratio-
nale. Hæc autem non est valida: Animalium aliud bipes
aliud quadrupes, nam inuenitur animal quod nullum ha-
bet pedem, vt vermis, aliud est quintupes & aliud octu-
pes &c. Oportet igitur sic diuidere Logicam, quod partes
diuidentes sint oppositæ, & sufficienter euacuent diuisum.

Tu igitur aduerte, quod in doctrina Aristotelis funda-
tur triplex diuisio Logicæ.

Prima est hæc. Logicæ alia naturalis, alia artificialis si-
ue ingeniosa. naturalis est inditus discursus, quo naturali-
ter homo utitur in cogitando de agendis, & per sermonē
explicando conceptus suos ac cōserendo. Cōponit enim

TRACTATVS PRIMVS

ex suo ingenio orationes ex terminis, & propositiones, & uarios modos arguēdi format, modo syllogismum, modo enthymema, modo inductionē, modò ab exemplo. Et hæc quidem naturali Logica regulati fuerunt antiqui in speculationibus suis, & eadem regulantur ciuiles, & negotiatores, & litigantes, & artifices mechanici, & breuiter omnis homo ratione utens. Et hæc quidem naturalis Logica, est innata promptitudo ad talem discursum, ita, quòd non ab alio acquiritur, sed rationale animal naturaliter cōsequitur, inæ qualiter autem iuxta maioris, ac minoris ingenij differentias. Nam sunt aliqui adeò depressi ingenij, q̄ vix uno gradu deprehenduntur differre a bruto. Isti pro maiori parte non logica naturali, sed instinctu, & motu passionum, more animalium operantur. Quidam autē sunt, qui ut diuini apparent, & adeo urgent ingenio, & subtilitate intellectus, quòd uidetur eis sufficere promptitudo naturalis discurrendi, argumentandi, & respondendi. Medij autem sunt innumeri.

Logica autē artificialis est, quæ ex ingenio & longo vsu homo adinuenit sub certis regulis infallibilibus, modos & species propositionū (de quibus dicemus infra) certas regulas, quibus discernimus utiles modos arguēdi ab inutilibus, & uerum modum definiendi, diuidendi, & determinandi dubia p̄posita secūdum subiectam materiā, ut declarabimus in suis propriis tractatibus, & hæc est, quā Aristoteles dicit in secundo elenchorum se inuenisse & compluisse, & de qua nunc pertractaturi sumus.

Secunda diuisio est hæc: Logica artificialis distinguitur in docentem, & utentem. Docens quidem est, quæ tradit formam definiendi terminos, & componēdi ueras propositiones, & ex eis per certos modos, & figuras formandi veros syllogismos & consequentias, & alia argumentandi genera, de quibus loquemur infra, & cōmuniter nō a proprio ingenio, sed a docente acquiritur, Hæc est, quā diximus regulare intellectum in aliis scientiis acquirēdis, de qua diximus, quòd ad omniū methodorū principia viā habet. Logica utens, est ipsamet docens, quā postquā didicimus, applicamus aliis scientiis acquirēdis, ut optimum instru-

strumentum, regulatiuum intellectus in definiendo, diuidendo, uerum a falso discernendo, in deducendo conclusiones ex propriis principiis, ut tibi manifestū erit in philosophia naturali. Neque enim scires definire, neq; diuidere ens mobile, neque probare proprietates subiecti scientiæ naturalis, nisi in logica didicisses modū definiendi, diuidendi, & demonstrandi. Tu tamen aduerte, quòd licet sit eadem realiter, ratione tamen distinguitur in quantum docens, & in quantum utens. Nam in quantum docens consideratur in se, in quantum utens respicit alias scientias.

Tertia diuisio est hæc: Logica docēs sufficienter diuiditur in tres partes. Prima est, in qua tractatur de terminis incomplexis, & hæc diuiditur in duas. In prima consideratur de terminis secundæ intentionis, & iste est liber prædicabilium. In secundā consideratur de terminis primæ intentionis, & iste est liber prædicamentorum, & post prædicamentorum. Secunda est, in qua tractatur de terminis complexis, id est de oratione, & propositione, & hic est liber Perihermenias. Tertia est, in qua tractatur de argumentatione, & hæc diuiditur in quatuor. In prima agitur de argumentatione syllogistica absoluta & simplici, id est, non applicata alicui materiæ, & hic est liber Priorum. In secundā agitur de syllogismo demonstratiuo, & hic est liber Posteriorū. In tertia agitur de syllogismo topico, id est probabilis, & hic est liber Topicorū. In quarta agitur de syllogismo fallaci, quē dicimus sophisticū, eo quòd per ipsum solum generatur deceptio, & hic est liber Elenchorum. Hæc est summa librorum, quos tradidit nobis Aristoteles inuentor Logicæ. Reliquos aut̃ minores tractatus, quos appellamus parua logicalia, non habemus formaliter ab Aristotele. Sed posteriores traxerunt uirtualiter ex prædictis libris Aristotelis, ita quòd eorum principia iam habuimus ab Aristotele, ut tibi declarabitur, quādo agemus de consequentiis, & suppositionibus &c. Et aduerte, quòd sufficientia prædictæ diuisionis sumitur hinc, Argumentatio (ut dictum est supra) est principale consideratum a Logico uelut eius finis: non enim. Logicam quærimus nisi ut acquiramus habitum faciliter, & recte argumentandi ad

quancumque cōclusionem. Argumētatio autem est quod
dam totum constans ex propositionibus, ut ibi declarabi-
tur loco suo, propositio uero cōstat ex terminis. Cum igitur
eadem scientia sit consideratiua totius & partium, ne-
cesse est Logicum uersantem circa argumentationē, con-
siderare de argumentatione, & partibus eius, partes autem
eius sunt duplices: scilicet, propinquæ, & remotæ. Propin-
quæ sunt propositiones, remotæ autē termini incomplexi:
nam propositiones componūt immediate argumentatio-
nem. Termini autem incomplexi non componunt eam,
nisi quia ingrediuntur propositionem. Ex quibus constat,
quod pars prima, in qua considerantur termini incomplexi
ordinatur ad secundam, in qua cōsideratur propositio,
& secunda ad tertiam, in qua consideratur argumentatio,
& in ea completur intētio Logici. Constat igitur quomō-
do diuidenda sit Logica, & quæ sint eius partes sufficiē-
ter ipsam diuidentes. Hæc de præsentī cap. dicta sint.

*A quo sit incipiendum in Logica, et quis ordo prosequendus, ne
confundatur ingenium nouitij.* cap. VII.

IN septimo capite inuestigandum est, a quo primo in-
cipiendum sit tractare in Logica, & quis ordo in tractandis
seruandus sit, ne nouitij ingenium confundatur.

Quantū ad primū aduerte, q̄ nonnulli cōsiderāt. Logicā
inquantum est Dialectica, idest disputatiua. alii autem in-
quantum uersatur circa argumētationē, quæ nō solū pōt
fieri voce, sed & mente & scripto. Primi considerantes di-
sputationem non fieri sine sermone, nec sermonem sine
voce, nec vocem sine sono, ideo à sono tanquā a priori &
cōiori definitiue & diuisiue dicunt inchoandū. Secundo lo-
co a voce definitiue, & diuisiue: Tertio loco a noīe & ver-
bo, ut habent esse in voce & componunt orationem, &
propositionem vocalem, ex quibus componitur syllogis-
mus siue argumentatio vocalis, qua fit disputatio inter
duos. Hunc ordinem seruat. Petrus Hispanus, & ratio ad
hoc mouens eum fuit, quia considerauit. quod Aristote-
les in suo libro Perihermenias, acturus de propositione
definit nomen & verbum, ut sunt eius partes integrales
per vocem, quasi quod non consideret de nomine & ver-
bo

bo, & oratione, & propositione & argumētatione, nisi vt deseruiunt disputationi, cui non deseruiunt, nisi vt sunt in voce. Reliquit ergo omnia prædicta, vt fiunt in mente & in scripto, & intendit de modo magis famoso, ac notiori ad sensum, qui est modus in voce.

Alij autem aduertentes, quòd licet modus iste famosior, & vulgarior sit, tamen experientes quòd omnia prædicta habent esse in anima, in voce, & in scripto, nec vnquam proferuntur voce, nec scribuntur nisi prius mente concipiantur. Vnde & dixit Aristoteles in primo per hermenias, quòd ea quæ sunt in voce, sunt earum quæ sunt in anima passionum, id est conceptum notæ, id est, signa, ideo arbitrati non sunt incipiendum a voce, nec a sono, sed a termino, id est dictione. Nam terminus, vt est in mente componit propositionem mentalem, & vt est in voce, componit propositionem vocalem, & vt est in scripto, componit propositionem in scripto, & quoniã nomen & verbum & oratio possunt esse in mente in voce & in scripto, ideo dicunt melius esse, quòd definiantur per terminum, vt pote magis communem, quàm per vocem. Hanc igitur viam vt vniuersaliorem sequemur, & præcipue, quia non contrariatur priori sententiæ. Nam sicut est verum dicere, Sortes est homo, ergo Sortes est animal, sic est verum dicere, nomen est vox significatiua, ergo est terminus significatiuus. In plus enim se habet terminus quam vox, quoniã vox non verificatur de nomine, nisi vt est in voce. Terminus autem verificatur de nomine, in mente & voce & in scripto. Incipiemus ergo à termino definitiue & diuisiue.

Quantum ad secundum aduerte, quòd cum termini in complexi sint priores & simplices oratione, & propositione in via compositionis, & propositiones sint priores syllogismo, quoniam cōponunt syllogismum, & nõ econuerso, ordo scientiæ requireret, quòd prius tractaremus de prædicabilibus & prædicamentis, & secundo loco de propositionibus, vt tractat Aristoteles in libro per hermenias, & tertio loco de syllogismis formalibus & topicis & sophisticis, & demonstratiuis eo ordine, quo de eis tractat Aristoteles in tota arte noua. Verum quia nouus

TRACTATVS PRIMVS

Logicæ auditor transiit immediate ab arte Grammaticæ ad Logicam, & Logicus accipit à Grammatico nomen, & verbum, & aliquas alias partes orationis (vt dicemus) prout componunt propositionem. & propositio componit syllogismum, ideo ne nouitij ingenium inuoluatur, expedit prius tractare de partibus orationis, deinde de oratione & enunciatione, sicut etiam tractat Grammaticus modò Grammatico. & secundo loco tractabimus de syllogismo formali, & tertio loco de prædicabilibus, & quarto loco de prædicamentis. Nam absq; notitia propositionis & syllogismi, non posset nouitius in illis erudiri modo logico, ut tibi manifestum erit. Deinde procedemus ad alios tractatus eo ordine, quem tibi manifestabimus loco suo. Constat igitur tibi à quo incipere intendimus, & quem ordinem seruare, ne nouitij ingenium inuoluatur. Hæc de præsentī cap. dicta sint.

Explicit trac. primus qui fuit de præcognitione
scendis, ordinatus per autorem, & re-
uisus per eundem.

TRACTATVS SECVNDVS, *qui est de partibus propositionis.*

P R A E F A T I O.

IN tractatu secundo agendum est de partibus propositionis, quæ apud Logicum præcipue sunt nomen, & verbum, & quoniam scire non poteris, quid & quotuplex sit nomen apud Logicum, similiter & verbum, nisi prius noveris quid sit terminus, & quotuplex sit. Et quod dico de termino, intellige de uoce. Primum enim quod ponitur in definitione nominis, & uerbi est terminus apud communiter tractatores de logicalibus, apud autem Arist. est uox, ut tibi declarauimus in tractatu præcedenti. c. 7. ideo hunc tractatum diuidemus in quatuor capita.
Primum, Quid & quotuplex sit terminus.
Secundum, Quid & quotuplex sit nomen & uerbum.
Tertium, Quid & quotuplex sit oratio.

Quartum

Quartum, Si Logico sufficiunt duæ partes orationis, scilicet nomen rectum, & uerbum rectum.

Quid et quotuplex sit terminus. C A P. I.

IN primo cap. inuestigandum est, quid sit terminus, & quot sint uniuersaliores diuisiones eius. Hic igitur duo agenda sunt. Primo definiemus terminum, declarantes singulas definitionis particulas. secundo, assignabimus communes, & uniuersales diuisiones termini.

Quantum ad primum aduerte, quòd hic non intendimus loqui de omni significato, in quò sumitur terminus in doctrina Arist. Sumitur autem tribus modis. Primo, sumitur pro maiori, & minori extremitate, & medio, & dicuntur tres termini, ex quibus componitur omnis uerus syllogismus, & de hoc modo loquemur in trac. de syllogismo formali, & absoluto. Secundo, sumitur pro definitione rei, quæ dicitur apud Arist. terminus, quoniam in se claudit, & terminat totam rei definitæ essentiã. & de hoc modo loquemur in trac. de syllogismo topico & demonstratiuo. Tertio, sumitur pro omni eo, ex quo propinque constituitur oratio, & propositio, & in quod resoluitur. Et dico propinque, quoniam sicut apud Grammaticum dictio componitur ex aliquibus remote, & ex aliquibus propinque, sic apud Logicum oratio & propositio ex aliquibus componitur utroque modo. Nam apud Grammaticum, dictio componitur propinque ex syllabis, quoniam ex seipsis & non mediante alio. componitur autem remote ex literis, quoniam nō ex seipsis sed mediante syllaba. Sic in proposito, apud Logicum oratio & propositio componuntur propinque ex terminis, quoniam ex seipsis & non mediante alio. componuntur autem remote ex syllabis & literis, literæ enim componunt syllabas, & syllabæ terminos, & termini orationem. Et in hoc tertio sensu solum intendimus in hoc trac. loqui ac definire terminum. Sed aduerte, quòd in tertio sensu, adhuc tripliciter sumi potest, scilicet communiter, strictè & strictissime. Communiter sumitur pro omni dictione propinque componente orationem, & sic non solum nomen & uerbum. sed
etiam

TRACTATUS SECVNDVS

etiam alie orationis partes, ut pronomen, præpositio, aduerbium &c. dicuntur termini. Strictè sumitur pro omni eo, quod est, uel potest esse subiectum, & prædicatum, & copula in propositione. In quo sensu, nec signa uniuersalia nec particularia, nec aduerbia sunt termini, quoniam non sunt, nec possunt esse per seipsa prædicatum aut subiectum, sed modi siue determinationes eorum. Similiter aduerbia sunt determinationes uerbi, ut bene currit, hodie uenit &c. Strictissime autem sumitur pro omni eo, quod est, uel potest esse extremum propositionis, extremum autem dico, subiectum & prædicatum, & in hoc sensu copula non est terminus, quia non est extremum, sed unitiuum extremorum, unit & copulat prædicatum & subiectum, & in hoc sensu definiuit eum Aristoteles in libro Priorum dicens, quod terminus est, in quem resoluitur propositio, ut in subiectum & prædicatum.

His præpositis aduerte, quod hic habemus diffinire terminum, non strictè nec strictissime sumptum, sed communiter, aliter non possemus ipsum diuidere, ut diuidemus infra. Nam una ex diuisionibus erit hæc, terminorum unus est per se significatiuus, alius non per se significatiuus. Constat autem ex prædictis, quod terminus non per se significatiuus, non est terminus strictè, nec strictissime sumptus.

Definientes igitur terminum communiter & absolute sumptum, dicimus quod est pars propinqua constitutiva orationis & propositionis. Dicitur pars propinqua, idest immediata orationis & propositionis, ad differentiam litterarum & syllabarum, quæ non nisi mediante termino componunt orationem. Vnde aduerte, quod sicut se habent lapides & ligna, & fundamentum, & paries ad compositionem domus, sic literæ & syllabæ & termini ad constitutionem orationis. Nam lapides & ligna, non componunt immediate domum, sed componunt immediate fundamentum, parietem & tectum, hæc autem immediate domum: ideo illæ remotæ, hæc autem propinquæ nuncupantur. Sic in proposito, literæ & syllabæ non componunt immediate orationem, sed terminum, terminus autem immediate

mediate orationem. patet ergo terminum esse immediatā & proximam partem orationis ad differentiam literarum & syllabarum. Dicitur constitutiva orationis, quoniam hic procedimus ex priori, ad differentiam resolutionis, quæ supponit constitutum ex partibus. Dicitur ergo constitutiva orationis, quoniam hic intendimus præparare materiam syllogismi, quæ est propositio, ideo inuestigamus in primis, ex quibus constituitur immediate propositio, & in trac. de syllogismo aperiemus, ex quibus propinque & immediate constituitur syllogismus. Hæc autem definitio conuenit termino, in mente, in uoce, in scripto: quoniam terminus in mente, est pars propinqua orationis mentalis: & in uoce, est pars propinqua orationis uocalis: & in scripto, est pars propinqua orationis scriptæ.

Viso quid sit terminus apud Logicum communiter & absolute sumptus, assignandæ sunt generales diuisiones eius, ut sciamus iuxta quod membrum ponendus est in definitione nominis & uerbi & orationis.

Prima diuisio: Terminorum aliquis est per se significatiuus, aliquis nihil per se, id est per se sumptus significatiuus. Terminus per se significatiuus est ille, qui ultra seipsum aliquid intellectui repræsentat, ut homo, animal, lapis: repræsentat enim homo intellectui animal rationale, & animal repræsentat animatum sensituum & per se motiuum, & lapis corpus terreum, durum, offendens pedem. Nam significare est aliquid intellectui repræsentare. Vnde idem est, terminum esse per se significatiuum, & esse per se repræsentatiuum alicuius apud intellectum. Dicitur ultra seipsum, quoniam repræsentare seipsum intellectui, est commune omni termino, cum sit intelligibilis ab intellectu, cuius obiectum est ens communissimum, ut se extendit ad ens reale & ens rationis, ut dicemus alias. Terminus nihil per se significatiuus est ille, qui per se sumptus ultra seipsum nihil intellectui repræsentat, ut buf & bas, & bileris. Dico per se sumptus, ut excipiam quando proferuntur ex intentione irridendi. Tunc enim ex proposito irridentis sumuntur, ut per se significatiui, sed id nō est ordinarium. Nam plerunq; proferuntur aut exeunt

TRACTATVS SECVNDVS

ex ore sine proposito aliquid ultra seipsum significandi. Ad hoc autem, quòd sit per se significatiuus, oportet ut naturaliter, uel ad placitum in aliquo idiomate ordinarie & consuetudine firmata, sic uel sic ultra seipsum significet.

Secunda diuisione est hæc: Dimisso termino nihil per se significatiuo, utpote inutiles proposito nostro, quando non componit orationem ordinarie, ut subiectum & prædicatum, nec est pars nec determinatio eorum ad differetiam signorum uniuersalium & particularium, diuidendus est terminus per se significatiuus. Et prima diuisione diuiditur in terminum per se significatiuum naturaliter, & in terminum per se significatiuum ad placitum. Terminus per se significatiuus naturaliter est ille, qui apud omnes homines idem ultra seipsum repræsentat intellectu, ut homo & animal in mente. Est autem homo in mente species siue similitudo, siue conceptus hominis. Sed habet enim huiusmodi similitudo siue conceptus, ut uera imago putæ Cæsaris, quæ apud omnes ex sui natura repræsentat Cæsarem. Sed aduerte, quòd non solum terminus in mente est significatiuus naturaliter, sed & quidam termini, dum proferuntur, & quædam animalium signa, ut dum infirmus gemit, apud omnes repræsentatur dolor: & dum canis latrat, apud omnes repræsentatur ira. Terminus autem per se significatiuus ad placitum, est ille, qui non apud omnes idem, sed in diuerso idiomate diuersa repræsentat, uel tantum in uno idiomate, aliquid determinate repræsentat, in alio autem nihil. Et causa huius est, quia huiusmodi termini, non significant ex instinctu naturæ, sicut interiectio nes, quæ non sunt bene transferibiles ex uno idiomate in aliud, sed impositi sunt ad sic assignandum ex decreto, & autoritate primorum instituentium, quibus sic placuit, rationabiliter tamen, in unoquoque idiomate res singulas sic uel sic nominare. Et aduerte, quòd ultra hoc quod terminus ad placitum differt a significatiuo naturaliter in hoc, quod non apud omnes idem repræsentat, dum proferitur, nec significat ex instinctu naturæ, sed decreto primi autoris: in duobus alijs differt, scilicet in modo proferendi,

ferendi, & in significato. Nam terminus ad placitum perfectē & distinctē profertur, modo non adsit ineptitudo linguæ ex parte proferentis. Termini autem naturaliter significatiui propter impetum passionis, amoris, aut timoris, aut gaudii, aut iræ, ut in pluribus truncate proferuntur, etiam remota ineptitudine linguæ. Differunt etiam ex parte significati, quoniam termini ad placitum significant conceptum intellectus: illi autē magis indicant affectum appetitus, quā conceptum intellectus. Sed ne nouitius inuoluatur, hic sisto, donec fiat ca pax solidioris doctrinæ.

¶ Tertia diuisio est hæc, Dimisso termino per se significatiuo naturaliter pro nunc, terminus significatiuus ad placitum multas sub se continet diuisiones, quātum frequēs est usus in doctrina Peripatetica, ex quibus una est, quod quidā est categorematicus, quidam syncategorematicus. Categorematicus est ille, qui tā per se sumptus, quā cū alio, tam in propositione quā extra, aliquid ultra seipsum intellectui repræsentat, ut homo, lapis, curro, amo: nā homo per se solū significat aīal rōnale, lapis tale corpus, curro actum currēdi, amo, actū amādi. Syncategorematicus est ille, qui p se solū sūptus nihil extra seipsum apud intellectum significat. Si autē sumatur cum alio, puta cum nomine substantiuo uel cum uerbo, simul significat, in quantum determinat nomen aut uerbum. Et sic signa uniuersalia, & particularia, & præpositiones, & aduerbia, & coniunctiones sunt termini syncategorematici. i. significatiui. Nam signa uniuersalia determināt nomen substantiuum positum in subiecto ad standum pro omnibus, aut pro nullo: ut, Omnis homo currit, Nullus homo currit. Signa autem particularia determinant subiectum particulariter: Ut, quidam homo currit. Quidam homo non currit. Præpositiones autem determinant nomen ad constructionem pro certo casu, puta ablatiuo uel accusatiuo. Aduerbia determinant uerbum pro determinato loco, ut aduerbia localia, uel pro determinato tempore, ut aduerbia temporis, uel pro determinato modo quantitatis uel qualitatis, ut aduerbia quantitatis & qualitatis. Cōiunctiones

iunctiones autem determinant terminos & orationes, secundum modum copulatiuum, uel disiunctiui uel illatiui. Exemplum primi, &, atque. Exemplum secundi, uel, aut. Exemplum tertij, ergo, igitur, itaque. Inter syncategorematicos terminos non comprehenduntur interiectiones: quoniam ut docuimus, significant naturaliter, nec pronomina primitiua, quoniam sumuntur loco proprii nominis, & certam significant personam. De deriuatiuis autem uidetur quod sic, quoniam sunt ut determinationes nominum substantiuorum, ut meus liber, tuus pater, nostra patria &c. Similiter participium non est terminus syncategorematicus: cõplectitur enim nomẽ substantiuũ & uerbum, ut legens loquitur, id est homo qui legit, loquitur. Ex his omnibus sequitur, quod cum sint octo partes orationis, tantum nomen & uerbum sumendo cum nomine pronomen primitiuum, & cum uerbo participium, sũt termini categorematici, aliz autem partes sunt termini syncategorematici apud Logicum. & causam huius dicemus, postquã definierimus nomen & uerbum.

Quarta diuisio. Terminorum categorematicorum, quidam est primæ intentionis, quidam secundæ. Prima intentio apud ueros Peripateticos est, primus conceptus fundatus immediate in re, quæ est ens reale, ut primo apprehenditur ab intellectu, ut animal rationale, est prima intentio, quam format intellectus, & immediate fundatur in natura hominis. Secunda autem intentio est secundus conceptus formatus ab intellectu, fundatus in re non immediate, sed mediante primo conceptu, ut esse prædicabile de pluribus differentibus numero in quid, est secundus cõceptus, quem format intellectus de homine. Nam postquã apprehendit, quod homo est animal rationale, aduertit, quod ut est animal rationale, cõuenit omni contento sub homine, & sic est prædicabilis de quolibet suo indiuiduo in quid, & tunc format secundum conceptum, dicens quod natura hominis ex eo, quod est animal rationale, est prædicabilis de pluribus differentibus numero in quid, & quod dico de homine, intellige de qualibet natura specifica contenta sub animali. Terminus igitur primæ

DE PARTIBVS PROPOSITIO. 17

primæ intentionis, est terminus significans primum conceptum fundatum immediate in essentia rei, ut homo, capra, leo. Terminus autem secundæ intentionis est terminus significans secundum conceptum, fundatum in natura rei mediante primo conceptu, ut genus, species, differentia, singulare, &c. Et ne confundatur intellectus nouitij, hic sisto. In tractatu autem de uniuersalibus siue prædicabilibus, diffusius & altius de terminis primæ, & secundæ intentionis loquemur. Et aduerte, quod diuisio termini in terminos primæ inpositionis, & secundæ inpositionis apud nos, qui sequimur uiam realium, non differt a præcedenti. Nam homo in mente excogitatus, & uoce probatus, & in scripto positus, significat primum conceptum: ideo est terminus primæ intentionis in mente, in uoce, in scripto. Et iste terminus species, excogitatus in mente, & in uoce, & in scripto, & secundæ intentionis, quia significat secundum conceptum modo, quo diximus. Non ergo est necesse ultra diuisionem factam inter terminos primæ, & secundæ intentionis, assignare eam, quæ dicitur primæ, & secundæ inpositionis, ut penitus distinctam a præcedenti, quæ fuit in primæ, & secundæ intentionis. Hæc enim continetur in illa.

Quinta diuisio: Terminorum quidam est communis, quidam singularis. Communis est, qui de pluribus prædicatur, ut homo, animal, lapis, & apud Grammaticum dicitur nomen appellatiuum, quoniam pluribus conuenit. Terminus singularis est, qui de uno solo prædicatur, ut Plato, & Sortes, & apud Grammaticum dicitur nomen proprium, quoniam uni soli conuenit: & aduerte, quod terminus singularis apud Logicum potest fieri quatuor modis, Primo, per nomen indiuidui: ut, Plato studet, Secundo, per nomen commune adiuncto pronomine demonstratiuo, ut hic homo studet, Tertio, per nomen circumlocutum, id est multas circumstantias singularizatum, ut Sophronisci primogenitus filius scribit, Quarto, per ly, quod apud Logicum, & Philosophum est signum demonstratiuum, ut, ly homo, ly, animal &c.

Sexta diuisio: Terminorum, quidam magis uniuersalis,

C

qui-

TRACTATUS SECVNDVS

quidam minus uniuersalis est, & utrunq; membrum continetur sub termino communi. Magis uniuersalis est, qui prædicatur de pluribus quàm minus uniuersalis; nam magis uniuersalis prædicatur de omnibus, de quibus prædicatur minus uniuersalis, & in hac diuisione continetur animal & homo; nam animal prædicatur de omnibus, de quibus prædicatur homo, & de aliis pluribus, ut de omni animalium specie, homo autem tantum de contentis sub homine indiuiduis, & iuxta hanc diuisionem assignabimus ordinationem contentorum in quolibet prædicamento, procedendo a generalissimo ad specialissimum.

Septima diuisio; Terminorum tam singularium, quàm communium, quidam est finitus, quidam infinitus, finitus est determinati, & certi significati; qui scilicet significat unam certam, ac determinatam naturam, & de nulla alia uerificatur, ut homo significat solam naturam rationalem, animal solam naturam sensitivam, &c. Infinitus est, qui negat unam naturam, eam, scilicet, quam significat terminus finitus, & uerificatur de quacunque alia, ideo dicitur infinitus, id est indeterminatus in significando, & terminus finitus fit infinitus per appositionem; non ut, Non homo, Non lapis, Non animal. Nam Non homo, negat naturam hominis, & uerificatur de quacunque alia. Vnde lapis est non homo, leo est non homo &c. Et aduerte, quòd quando terminus finitus, infinitatur per non, fit tota una dictio, ut non homo. Si autem stet non, per se, & homo per se, dicitur terminus non infinitatus, sed negatus, ut, Non homo currit, & per terminum negatum fit propositio negatiua. hæc enim est negatiua non homo currit, hæc autem est affirmatiua, non homo, puta leo currit.

Octaua diuisio; Terminorum quidam est positivus, quidam priuatiuus. Positivus est, qui significat aliquam formam siue habitum perficientem suum subiectum, ut uisus perficit oculum, lux aërem, iustitia animum, &c. Priuatiuus est, qui significat negationem talis formæ, relinquens tamen aptitudinem in subiecto, eò quòd est aptum habere talem formam, ut cæcitas, tenebra, iniustitia, mors, surditas, &c. Cæcitas enim significat negationem uisus

DE PARTIBVS PROPOSITIO. 18

in oculo apto habere uisum, modo, & tempore, quod est aptus uidere. Dicitur notanter, quod est aptum habere talem formam, quoniam si non est aptum, non verificatur de eo terminus priuatiuus, sed terminus positiuus negatus, ut non uidens, non lucens, non audiens. Vnde de lapide hæc est falsa. Lapis est cæcus, uel surdus, uel tenebrosus, hæc autem est uera: Lapis est non uidens, non audiens, non lucens.

Nona diuisio: Terminorum, quidam abstractus, quidam concretus. Abstractus est, qui significat formam per se sine conotatione subiecti, ut color, sapor, albedo, dulcedo, anima, iustitia, &c. Concretus est, qui significat formam connotando subiectum, ut coloratum album, nigrum, animatum, iustum, &c. Et aduerte, quod hæc diuisio coincidet cum illa, de qua erit sermo in ante prædicamentis, scilicet Terminorum, quidam est denominans, ut Grammatica, hic est idem, quod abstractus: quidam denominariuus, ut Grammaticus, hic est idem, quod concretus.

Decima diuisio: Terminorum, quidam in complexus, quidam complexus. Incomplexus est ille, qui est terminus simplex, uel compositus, uel uniens in se plures terminos per se significatiuos ad placitum; ita tamen quod habent uim unius. Exemplum primi, homo, capra, leo. Exemplum secundi, scutifer, armiger. Exemplum tertii, paterfamilias, primogenitus, Sanctus Georgius, Summus pontifex. Complexus est ille, qui in se aggregat plures terminos per se significatiuos ad placitum, qui non habent uim unius. sed siue aggregati, siue separati retinent suum proprium significatum. Et sic terminus complexus semper est oratio, aliquando sine uerbo, ut homo albus, animal uolatile, in qua, secunda pars determinat, & limitat primam, aliquando cum uerbo, ut homo est albus. Vnde Logici uniuersaliter dicuntur, quod terminus incomplexus est, ut dictio, Complexus autem, ut oratio. Tu tamen aduerte, quod terminus complexus communiter nominatur per orationem infinitiuam, ut deum esse trinum, hominem esse risibilem, quæ oratio dicitur esse quid complexum, & enuntiabile, ut ibi manifestabitur, cum loquemur de modalibus.

Vndecima diuifio : Terminorum, quidā significant fine tempore, quidam cum tempore. Significare, fine tempore est significare rem abfolutē ſumptam, non mēſuratam aliqua differentia temporis, cuius differētiæ ſiue partes ſunt præſens, præteritum, & futurum, & hoc modo ſignificat nomen & pronomen ſumptum loco nominis. Nam dum dico homo, ut animal, homo ſignificat rē, quæ eſt homo abſolutē, & non in quantum præſentem, aut præteritam, aut futuram. Tu tamen aduerte, quodd licet nomen ſignificet fine tempore, nihil tamen prohibet aliquod nomen ſignificare tēpus, aut partem tēporis, ut hæc noīa, tempus, hora, dies, hebdomada, menſis, annus. Nā licet ſignificēt tempus, non tamen aliquid diſtinctum a tempore, & mēſuratum tempore. Per oppoſitum, autem ſignificare cum tempore, eſt ſignificare rē adiuncta aliqua differentia temporis. Et hoc modo uerbum, & participium ſignificat cum tempore. Verbi gratia, Curro, & Currens, ſignificant curſum pro tempore præſenti, & nō aliter, Cucurri, pro præterito &c. Vnde ſignificare fine tēpore, ut dicemus infra, propriē cōuenit nomini. oppoſitum autē conuenit uerbo.

Duodecima diuifio : Terminorum, quidam uniuocus, quidam æquiuocus, quidam analogus. Vniuocus eſt, qui ſub una definitione naturam unā ſignificat, ſiue ſit una ſpecie. ſiue una genere, ut homo ſub hac definitione, quod eſt animal rōnale, ſignificat naturam humanam, quæ eſt una ſpecie, & animal ſub hac definitione, quod eſt corpus animatum ſenſitiuum, ſignificat naturam animalis, quæ eſt una genere. Aequiuocus eſt, qui ſub diſtinctis rōnibus, et abſque ordine, & immediate plures naturas ſignificat diſtinctas ſpecie, ut canis ſignificat immediate canem celeſtem ſub hac definitione, quod eſt ſyduſ in ore ſigni leonis, & canem latrabilem ſub hac definitione, quod eſt animal iracundum, & canem marinum, ſub hac definitione, quod eſt animal aquaticū, ſimile cani terreſtri. Analogus eſt, qui ſub diſtinctis rationibus uel ſub una inæqualiter participata, plures naturas quodā ordine prioris, & poſterioris ſignificat. Exemplum primi, Sanū ſub hac ratione, quod eſt eſſe adæquatum in humoribus, ſignificat animal ſanum.

DE PARTIBVS PROPOSITIO. 19

sanū. sub hac ratione, quod est esse causatiuum sanitatis, significat medicinam sanam. Sub hac ratione, quod est esse indicatiuum sanitatis, significat urinam sanam. Prius tamen dicitur de animali, posterius autem de medicina, & urina: quoniam non nisi in ordine ad animal sanū. Exemplum secūdi. Ens sub hac ratione, quod est cui debetur esse, significat primo substantiam, deinde accidens, quoniam substantia est ens simpliciter, & accidēs est secundū quid, & solum in ordine ad substantiam. i. Hic terminantur uniuersaliores diuisiones, quæ in doctrina Peripateretica frequenter sunt in usu, tam in libris terminorum Logices, quàm philosophiæ. Propositæ autem sunt, ut nouitius paulatim assuescat, & ne simus coacti frequenter singulas repetere. Hæc de j. cap. dicta sint.

Quid, et quotuplex est nomen, et uerbum, apud

Logicum. CAP. II.

IN secundo capite inuestigandū est, quid & quotuplex sit nomen, & uerbum apud Logicum: sunt enim principales partes propositionis, ut tibi manifestū erit, Primum igitur agendū est de nomine. secundū de uerbo. Et quoniam hic intendimus agere de partibus propositionis, & de propositione, & de syllogismo, non solum in uocē, sed & in mēte, & in scripto, ideo definiemus ea non per uocem, sed terminum, qui est cōis nomini & uerbo in mēte, in uoce, in scripto. in reliquis autem nō recedemus a uia, & modo definitionis seruato a Petro Hispano, qui Logicam suam formauit, ut compendium Logicæ totius traditæ nobis ab Aristotele, excepto libro Posteriorum. Non enim Petrus Hispan. formauit tractatum aliquem correspondentem libris Posteriorū, hac forte ratione, quoniam existimauit nouitium penitus incapacem syllogismi demonstratiui. Nos autem faciliiori modo quo poterimus, particularem tractatum formabimus, ut paulatim assuescat nouitij ingenium, & ne subito auditu libri Posteriorum confusus retrocedat. Licet autem Aristot. in libro Peri hermenias, & Petrus eius imitator definiant nomen, & uerbum per uocem, & nos per terminum, tamen non erimus oppositi, nisi in hoc, quod nos magis ample, illi autem magis stricte

TRACTATUS SECVNDVS
tē definiturunt. Considerarunt enim partes orationis so-
lum ut sunt uocales, nos autem ut possunt esse mentales,
& uocales, & scriptæ. Vnde sicut, & dicit Arist. & Petrus,
quoddam nomen est vox, similiter & uerbum, dicemus nos, quod
est terminus, sub quo continetur terminus uocalis, qui di-
citur uox &c.

Primo igitur agentes de nomine, definiemus, quid sit apud Logicum, & si multiplex est.

Quantum ad primum aduerte, quod nomen ad mentem Aristotelis in uoce, in scripto est terminus per se significatiuus ad placitum sine tempore, cuius nulla pars separata, aliquid significat finita, & recta.

Primo dicitur, quod est terminus, quoniam nomen est pars propinqua orationis & propositionis, ut patet. Et quoniam terminus est quid magis cōe, quam sit nomen, ut patet ex op. præcedenti. Nam & uerbum est terminus, non tamen est nomen, ideo in hac definitione ponitur terminus, ut genus: Nam ut declarabimus in tract. de syllogismo Dialectico, primus terminus in definitione positus, est loco generis, quoniam communior est ipso definito, reliqui autem ponuntur loco differentiarum, ut declarabimus.

Secundo dicitur, per se significatiuus, ut excipiantur termini non per se significatiui, ut bus, & bas, & termini syncretogorematici, ut signa uniuersalia, & particularia, ut, Omnis, Nullus, Aliquis, quæ licet apud Grammaticum sint nomina, non tamen apud Logicum, quoniam per se sumpta non possunt esse prædicatum nec subiectum propositionis, sed tantum determinant subiectum, aut prædicatum, ut docuimus in tertia diuisione terminorum.

Tertio, dicitur ad placitum, ad differentiam termini significantis naturaliter, ut Interiectiones, quas constat non esse nomina, quoniam non declinantur per casus, nec sunt subiectum aut prædicatum propositionis, nisi in suppositione materiali, ut heu, est interiectio, heu, est bisyllabum, & ad differentiam termini, id est conceptus in mente, qui naturaliter significat, ut declaratur in j. Peri her. u

Quarto dicitur sine tempore, ad differentiam uerbi, quod significat cum tempore. Quid sit significare sine tempore, &

& cum tēpore iam docuimus in undecima diuisione terminorum, & diximus quòd non inconuenit aliquod nomen significare tempus, uel partem temporis, ut dies, hora, non tamen cum tempore. Vide tu illic.

Quintò dicitur, cuius nulla pars separata aliquid significat, idest, si nomen diuidatur in partes suas, quæ sint syllabæ ut pater, et omne nomen simplex, uel quæ sint dictiones, ut in nomine composito, ut est paterfamilias, uel scutiferus, & sumatur per se, idest extra totum nomen, nihil significant. Quod sic intelliges, aut nihil omnino significant, ut mare. Nam nec ma, nec re, per se sumpta, aliquid significant. Vel si aliquid significat, non tamen habet illud significatum, quod habent in toto nomine. V. G. Hoc nomen dominus significat principem. Si autem resoluitur in do, & in minus, do utique significat. factum dandi, & minus significat oppositum magis, sed ut componunt ly, dñs nihil significant. s. de significato ly dominus. Idem intellige de nomine composito, cuius partes separatæ, & si aliquid significant, non tamen illud, quod significat totum nomen compositum, ut paterfamilias significat rectorem familiæ. Pater autem per se sumptus, significat genitorem, & familia familiam, ita qd in toto significat unum, separatæ autem significant duo. Et hæc expositio est cōis apud ueros Logicos. Vnde Auicenna recitat in Logica sua aliquos dixisse, quod uerbum incomplexum est, cuius nulla pars separata aliquid significat, scilicet, quod sit de intellectu, & significato totius, quoniam nihil prohibet aliquid aliud significare, ut magister. nam magis, aliquid significat, & ter, sed non retinent significatum, quod significat magister, nec in totum, nec in partem. Et sic patet, quòd hæc definitio conuenit nomini tam simplici, quàm composito, tam primitiuo, quàm deriuatiuo, dummodo intelligatur, ut exposuimus.

Sextò dicitur finitus, ad differentiam nominis infiniti, quod & si apud Grammaticum sit nomen, non tamen apud Logicum, quoniam apud ipsum hominem est illud, quod potest esse subiectum & prædicatum in propositione. Subiectum autem & prædicatum oportet, ut determinate aliquid signi-


DE PARTIBVS PROPOSITIO. 21

catum propositionis, constat ex dictis, quod non est multiplex, quoniam solum nomen rectum & finitum potest esse secundū se subiectum & prædicatum in propositione, modo, quo exposuimus. Vnde Logicus à Grammatico sumit sibi rectum, ut necessarium ad formandum absolutam propositionem significatiuam ueri & falsi. Reliquos autem casus sumit ad bene esse, & magis propter seruandam congruitatem, quam ueritatem sermonis, ne uideatur Logicus despiciere regulas Grammaticas. Hæc de nomine dicta sint.

Quantum ad uerbum, aduerte, quod ad mentem Arist. uerbum tam in uoce, quam in scripto sic definiendum est. Verbum est terminus per se significatiuus ad placitum cū tempore, cuius nulla pars separata aliquid significat, finitus & rectus, extremorum unitiuus.

Terminus ponitur loco generis, sicut in definitione nominis, quia est communior uerbo. Nam omne uerbum est terminus: sed non econuerso per se significatiuus ponitur eadem ratione, sicut in definitione nominis. Similiter ad placitum ad differentiam interiectionum, & uerbi mentalis, quoniam significant naturaliter, ut diximus in definitione nominis. Cum tempore, ponitur ad differentiam nominis, & pronominis, & conuenit in hoc cum participio, quod uenit, a uerbo. Quid sit significare cum tempore, & quare uerbum & participium significant cum tempore, uide in diuisione undecima terminorum. Cuius nulla pars separata aliquid significat, intelligendum est de uerbo tam simplici, quam composito, sicut exposuimus in definitione nominis, in hoc enim uerbum conuenit cum nomine, Finitus, ponitur ad differentiam uerbi infiniti. In finitatur autem uerbum sicut & nomen, per appositionem negationis, ut, Non curro, non laboro, Quod quidem apud Logicum non est uerbum, quoniam nihil determinate significat, sicut nec nomen infinitum. Vnde faceret propositionem inutilem: nisi determinetur sicut diximus de nomine infinito, sic dicendo, Sortes non currit, id est, scribit. Rectus ponitur ad differentiam uerbi obliqui. Est autem uerbum obliquum apud Logicum, uerbum

præteri-



præteriti & futuri temporis, & uerbum cuiuslibet modi præter modum indicatiuum. Vnde quædā sunt uerba obliqua ex tempore tantum, sicut uerba præteriti temporis, & futuri indicatiui modi, ut amauimus, amabo. Quædam autem ex modo tantum, ut imperatiua tempore præsentis. Quædam ex modo, & tempore, ut uerba optatiua, & subiunctiua, & infinitiua temporis præteriti & futuri. Ideo autem apud Logicum non sunt uerba, quoniam non faciunt primo & per seipsa propositionem ueram aut falsam, sed per reductionem ad uerbum indicatiui modi, & temporis præsentis. Nam hæc non est uera, Cæsar fuit, nisi quia aliquando fuit uerum dicere, Cæsar est. Similiter hæc non est uera, Eclipsis erit, nisi quia aliquando fuit uerum dicere, eclipsis est. Quoniam igitur solum uerbum rectum, id est, modi indicatiui præsentis temporis facit per seipsum propositionem ueram & falsam, & sola propositio indicatiua præsentis temporis facit syllogismum demonstratiuum, id est, scientialem, ut tibi declarabitur in trac. de syllogismo demonstratiuo, ideo dignatur Logicus recipere a Grammatico solum uerbum indicatiuum præsentis temporis, & precipue Summes, est: quoniam in ipsum ut dicemus resoluitur omnia uerba, dicta adiectiua. Extremorum unitiuus, ut in hoc distinguatur a nomine & pronomine sumpto loco nominis, nam illa sunt uel possunt esse extrema in propositione, id est subiectum & prædicatum, uerbum autem non, sed habet unire extrema. Vnde dicitur apud Logicum copula, quoniam copulat prædicatum cum subiecto. Item in hoc distinguitur a participio, quod licet significet cum tempore, ut uerbum: tamen non potest esse copula, nec facit per seipsum orationem perfectam, dicendo, Sortes legens, sed est necesse subintelligere uerbum. uerbi gratia, Sortes est legens, uel Sortes legens est studiosus. Constat igitur quid sit uerbum apud Logicum, & quare solum uerbum rectum, id est, quod non deriuatur ab aliquo priori: quale est uerbum solum indicatiui modi temporis, præsentis, meretur dici absolute uerbum. Reliqua autem tempora, & modi dicantur obliqui siue casus uerbi recti, quoniam descendunt, & deriuantur ab eo.

Quo-

DE PARTIBVS PROPOSITIO. 22

Quotuplex autem sit uerbum apud Logicum, non est immorandum, ex quo solum uerbum rectum meretur apud ipsum dici uerbum ex ratione iam dicta. Sed apud Grammaticum, ideo est multiplex uerbum, ut patet in coniugationibus uerborum, & in regulis suis, quoniam non attendit ad formandum propositionem ueram aut falsam, sed congruam, & uitare incongruam: & quoniam per omnes temporis differentias, & omnes modos uerborum formari potest, & alio modo per uerbum actiuum, alio modo per passiuum &c. ideo apud Grammaticum uerbum multiplex diuiditur. Nam Grammaticus concedit istam, utpote congruam: Homo est asinus, quam negat Logicus, ut falsam. Hæc de ij. cap. dicta sint.

Quid sit et quotuplex sit oratio apud Logicum. Cap. III.
IN tertio cap. postquam actum est de partibus orationis, agendum est de ipsa oratione, ut de toto constituto; cuius præcognitio ideo necessaria est, quoniam scire non possumus quid sit enuntiatio & propositio, ut tibi manifestabitur infra, nisi prius notum fuerit quid, & quotuplex sit oratio. Hic igitur tria agenda sunt. Primo, quid sit: secundo, quotuplex sit: tertio, quæ orationis species sit propositio.

Quantum ad primum, aduerte quod ad mentem Aristotelis oratio in uoce, & in scripto, sic definiri debet. Oratio est terminus per se significatiuus complexus ad placitum, cuius partes separatæ, aliquid significant.

Primò, dicitur est terminus per se significatiuus ea ratione, quia dictum est de nomine & uerbo, & ponitur loco generis, quoniam communior est. Nam omnis oratio est terminus per se significatiuus, sed non reuerso. Dictum est enim, quod nomen & uerbum sunt termini per se significatiui, non tamen sunt oratio.

Secundò dicitur complexus, ad differentiam nominis, & uerbi, quorum nullum siue simplex, siue compositum est terminus complexus. Quid autem sit terminus complexus, uide in diuisione decima terminorum, & illic inuenies quomodo proprie conuenit orationi.

Tertiò dicitur ac placitum, ad differentiam orationis
men-

mentalis, quæ significat conceptum mentalem complexū,
 - qui conceptus significat naturaliter, sicut diximus de no-
 - mino, & uerbo mentali. Præterea, quod oratio in uoce, &
 - in scripto significet ad placitum, probatur sic. Partes suæ,
 - scilicet, nomen, & uerbum, significant ad placitum, ut do-
 - cuimus in cap. præcedenti: ergo & ipsum totum consti-
 - tutum ex eis, quod est oratio.

Quartò, dicitur cuius partes separatæ aliquid signifi-
 - cant, id ponitur ad differentiam nominis & uerbi, quorū
 - partes, ut docuimus in eorum definitionibus, non signifi-
 - cant aliquid separate, modo quo illic exposuimus. Partes
 - autem orationis sunt termini categorematici, intelligen-
 - do de partibus principalibus, sicut intendit Arist. & nō de
 - partibus secundarijs, quæ possunt esse propositiones, ad-
 - uerbia &c. Termini autem categorematici tam in oratio-
 - ne, quàm extra, retinent suum significatum, ut docuimus
 - in diuisione tertia terminorum. Vnde si fiat hæc oratio,
 - Homo albus currit, homo, extra hanc orationem signifi-
 - cat animal rationale, sicut & in oratione; & albus significat
 - habens albedinē. Tu tamen aduerte, quod licet sit cōe o-
 - mni orationi habere partes, quæ separatæ aliquid signifi-
 - cant: non tamen id sit uno modo in omni oratione. Nā si
 - oratio sit sine uerbo, ut homo albus, partes suæ aliquid si-
 - gnificant modo, quo significat dictio. Si autem fiat ora-
 - tio simplex per uerbū, ut homo est animal, partes suæ se-
 - paratæ eodem modo significant, scilicet, ut dictio. Si autē
 - fiat oratio subiunctiua, ut, Si ueneris ad me, dabo tibi equū,
 - partes suæ sunt duæ orationes, ut patet. Vnde si separen-
 - tur, significabunt, non ut dictio, sed ut oratio. Verum quia
 - resoluitur in duas orationes, & duæ oratiōes in terminos
 - componētes, ut ego dabo tibi equum, ideo commune est
 - omni orationi, quod partes suæ separatæ aliquid signifi-
 - cent; aut ut dictio, aut ut oratio.

Sed dices, Quare in hac definitione non apponitur fini-
 - tus & rectus, sicut in definitione nominis & uerbi, præci-
 - pue quia dictum est, quod nomē infinitum nō potest esse
 - subiectū nec prædicatū, nec uerbū infinitū potest esse co-
 - pula. Similiter nec nomen obliquū, nec uerbū obliquū

Respon-

Respondetur, quòd ideò non apponitur, quia in definitione non debent poni nisi quæ conueniunt omni contento sub definito, non omnis autem oratio formatur ex nomine, & uerbo finito, & recto. Nam hæc est oratio, non homo currit, & hæc, Catonis est legere, & hæc, Homo curret. Quando autem diximus quòd nomen infinitum & obliquum non possunt esse subiectum, non sumus locuti de oratione, sed de propositione, quoniam sola oratio indicatiua præsentis temporis, ut dicemus, est propositio. Quoniam igitur aliqua oratio potest componi ex nomine infinito, & obliquo, similiter ex uerbo, & aliqua non, puta propositio: ideo non dicitur rectus, neque finitus, sed abstrahit ab utroque. Constat igitur, quid sit oratio apud Logicum.

Quantum ad secundum aduerte, quòd apud Logicum oratio prima diuisione diuiditur in orationem perfectam & imperfectam, deinde utrumque diuisionis membrum subdividitur, uidebis infra.

Oratio perfecta est illa, quæ perfectum sensum generat in animo audientis, id est, quæ audita quietat, quo ad significatum intentum a proferente uel scribente, animam auditoris. Verbi gratia: Sortes intendit notificare Platoni statum regis; & dicit: Rex ualet fortis in bello contra hostes. Hac oratione audita quiescit animus audientis. Quòd si dicat, Rex contra inimicos, & non ultra procedat, imperfectum sensum generat in animo audientis, id est non quietat ipsum, ideo dicitur oratio imperfecta. Nam audiens, quòd rex contra inimicos, & ultra non proceditur, dubitare incipit, utrum præualeat, an succumbat contra inimicos suos. Patet igitur orationis prima diuisione apud Logicum.

Oratio perfecta continet quinque species, quæ sunt indicatiua temporis præsentis, & omnium temporum modi indicatiui, ut Petrus amat, amabat, amauit, amaauerat, amabit. Imperatiua, ut fac ignem, deprecatiua, ut, ora Deum pro me, optatiua, ut, utinam te uideam doctum. coniunctiua, ut si ueneris ad me, honorabo te. Omnes istæ dicuntur perfectæ, quoniam auditiæ, quietant animum audientis, quo ad earum significatum, nec ipsum suspensum tenent.

mentalis, quæ significat conceptum mentalem complexum, qui conceptus significat naturaliter, sicut diximus de nomine, & uerbo mentali. Præterea, quod oratio in uoce, & in scripto significet ad placitum, probatur sic. Partes suæ, scilicet, nomen, & uerbum, significant ad placitum, ut docuimus in cap. præcedenti: ergo & ipsum totum constitutum ex eis, quod est oratio.

Quartò, dicitur cuius partes separatæ aliquid significant, id ponitur ad differentiam nominis & uerbi, quorū partes, ut docuimus in eorum definitionibus, non significant aliquid separate, modo quo illic exposuimus. Partes autem orationis sunt termini categorematici, intelligendo de partibus principalibus, sicut intendit Arist. & nō de partibus secundarijs, quæ possunt esse propositiones, aduerbia &c. Termini autem categorematici tam in oratione, quàm extra, retinent suum significatum, ut docuimus in diuisione tertia terminorum. Vnde si fiat hæc oratio, Homo albus currit, homo, extra hanc orationem significat animal rationale, sicut & in oratione; & albus significat habens albedinē. Tu tamen aduerte, quod licet sit cōe omni orationi habere partes, quæ separatæ aliquid significant: non tamen id sit uno modo in omni oratione. Nā si oratio sit sine uerbo, ut homo albus, partes suæ aliquid significant modo, quo significat dictio. Si autem fiat oratio simplex per uerbū, ut homo est animal, partes suæ separatæ eodem modo significant, scilicet, ut dictio. Si autē fiat oratio subiunctiua, ut, Si ueneris ad me, dabo tibi equū, partes suæ sunt duæ orationes, ut patet. Vnde si separentur, significabunt, non ut dictio, sed ut oratio. Verum quia resoluitur in duas orationes, & duæ orationes in terminos componētes, ut ego dabo tibi equum, ideo commune est omni orationi, quod partes suæ separatæ aliquid significant; aut ut dictio, aut ut oratio.

Sed dices, Quare in hac definitione non apponitur finitus & rectus, sicut in definitione nominis & uerbi, præcipue quia dictum est, quod nomen infinitum nō potest esse subiectū nec prædicatū, nec uerbū infinitū potest esse copula. Similiter nec nomen obliquū, nec uerbū obliquū

Respon-

Respondetur, quòd ideò non apponitur, quia in definitione non debent poni nisi quæ conueniunt omni contento sub definito, non omnis autem oratio formatur ex nomine, & uerbo finito, & recto. Nam hæc est oratio, non homo currit, & hæc, Catonis est legere, & hæc, Homo curret. Quando autem diximus quòd nomen infinitum & obliquum non possunt esse subiectum, non sumus locuti de oratione, sed de propositione, quoniam sola oratio indicatiua præsentis tēporis, ut dicemus, est propositio. Quoniam igitur aliqua oratio potest componi ex nomine infinito, & obliquo, similiter ex uerbo, & aliqua nō, puta propositio: ideo non dicitur rectus, neque finitus, sed abstractus ab utroq; Constat igitur, quid sit oratio apud Logicū.

Quantum ad secundum aduerte, quòd apud Logicum oratio prima diuisione; diuiditur in orationem perfectam & imperfectam; deinde utrunque diuisionis membrum subdividitur, uidebis infra.

Oratio perfecta est illa, quæ perfectum sensum generat in animo audientis, id est, quæ audita quietat, quo ad significatum intentum a proferēte uel scribente, animū auditoris. Verbi gratia: Sortes intendit notificare Platoni statum regis; & dicit: Rex ualet fortis in bello contra hostes. Hac oratione audita quiescit animus audientis. Quòd si dicat, Rex contra inimicos, & non ultra procedat, imperfectum sensum generat in animo audientis, id est non quietat ipsum, ideo dicitur oratio imperfecta. Nam audiens, quòd rex contra inimicos, & ultra non proceditur, dubitare incipit, utrum præualeat, an succumbat contra inimicos suos. Patet igitur orationis prima diuisio apud Logicum.

Oratio perfecta continet quinque species, quæ sunt indicatiua temporis præsentis, & omnium tēporum modi indicatiui, ut Petrus amat, amabat, amauit, amaauerat, amabit. Imperatiua, ut fac ignem, deprecatiua, ut, ora Deum pro me, opratiua, ut, utinam te uideam doctum. coniunctiua, ut si ueneris ad me, honorabo te. Omnes istæ dicuntur perfectæ, quoniam auditz, quietant animum audientis, quo ad earum significatum, nec ipsum suspensum tenent.

DE PARTIBVS PROPOSITIO. 24

quia intentum Logici, est uti oratione ad inuestigandum uerum, & falsum. Ergo eam proprie recipit, quæ secūdum se significat uerum & falsum, & hæc est indicatiua. Nam aliæ potius deseruiunt affectui mentis, quàm quòd sint ordinatæ ad enuntiandum uerum & falsum conceptum animi aut intellectus. Quod patet hinc. Imperatiua indicat uoluntatem superioris per imperium, Optatiua indicat desiderium siue affectum optantis. Depræcatiua indicat affectum inferioris erga superiorem per supplicationem. Coniunctiua autem licet uideatur exprimere uerum aut falsum conceptum mentis, non tamen determinate, sed suspensiuæ: est enim conditionalis, quæ ut dicemus in cap. de hypotheticis, nihil ponit in esse. Indicatiua autem determinate dicit uerum aut falsum. Nam hæc est determinate uera, homo est animal. & hæc determinate falsa, homo est lapis, ideo sola meretur dici propositio. Proponitur enim intellectui, ut per eam formet syllogismum, & per syllogismum deueniat in ueram conclusionis notiā. Constat igitur, quæ orationis perfecta species meretur Logicè dici propositio. Vnde aduerte, quòd Logicus non tantum magni facit orationem congruam & ornatam, quantum ueram ita quòd, etiam si esset incongrua, & inornata, modo uerum & falsum enuntiet, accepta est apud Logicum, propterea Logicus acceptat istam, Deus seruitur ab homine, licet eā reprobet Grammaticus, negans seruiori inueniri passiuum. Hæc de præsentī cap. dicta sint.

*An Logico sufficiant duæ orationis partes, scilicet nomen rectum,
et uerbum rectum.* CAP. IIII.

IN cap. quarto inuestigandum est, si duæ orationis partes scilicet nomen & uerbum rectum, sufficiunt Logico. Tu igitur aduerte, quòd Logicus rationabiliter recipit tantum duas, ut sibi necessarias, Grammaticus autem octo. Ratio uero differentię est hæc. Logicus & Grammaticus differunt fine. Intendit enim Logicus scire discernere uerū a falso. Grammaticus autē intendit scire discernere congruum sermonem ab incongruo. Ad consequendum primum sufficiunt nomen & uerbum, quoniam sufficiunt ad componendum propositionem, quæ est signi-

TRACTATVS SECVNDVS

significans uerū uel falsum, ut tibi manifestabitur in tract. sequentia, d. formandum congruum sermonem, & distinguendum ab incongruo non sufficiunt ad nomen & uerbum, sed oportet uti præpositionibus, & aduerbiis & conjunctionibus, &c. Et ideo ut Grāmaticus habeat omnem modum formandi sermonem congruum, necessariæ sunt sibi plures partes orationis, quàm nomen rectum, & uerbum rectum. Et quoniam istæ duæ sibi sufficiunt, ideo appellat eas categorematicas, idest per se significatiuas, alias autē syncategorematicas, idest simul significatiuas. Quis autem sit terminus catego. & syncate. diximus in diuisione terminorum.

Sed dices: Logicus indiget pronomine demonstratiuo, ut quando descendit sub subiecto propositionis uniuersalis affirmatiue, uel negatiue dicendo, omnis homo est animal, ergo & hic homo est animal, & hic est animal &c. Itē indiget participio, ut dicemus in tract. sequenti, quādo resoluit propositionem factam de uerbo adiectiuo, in suum participium, & sum, es, est, ut Sortes currit, Sortes est currens, ergo saltem quatuor partes orationis sunt ei necessariæ, scilicet nomen, & pronomen, uerbum, & participium.

Respondetur nomen, & pronomen apud Logicum sunt, ut una pars, quoniam utitur pronomine loco nominis, & participium stat cum nomine, & uerbo. Cum nomine quidem, quoniam potest esse subiectum propositionis, sicut & nomen, ut, Legens currit, & stat cum uerbo, quoniam significat cum tempore, ut docuimus supra, & ideo apud Logicum identificantur nomini, & uerbo, licet apud Grāmaticum remaneant distinctæ.

Constat igitur, quod sint partes orationis necessariæ Dialectico, ad formandam propositionem, & ex propositionibus syllogismum. Hæc de præsentī cap. dicta sunt.

Explicit tractatus secundus compendii Logices Peripateticæ, ordinatus per autorem, & fuit de partibus propositionis.

TRA-

TRACTATUS TERTIVS,

qui est de propositione et speciebus eius.

PROOEMIUM.

IN hoc tertio trac.agendum est de propositione , gratia cuius præmisimus tractatum præcedentem, in quo actum est de partibus eius,& de genere per quod definienda est,& hoc est oratio, ut tibi manifestabitur . Dividemus autem ipsum in sex capita. Primò agendum est de propositione definitivæ & divisiivæ, prima divisiivæ . Secundò , agendum est de categorica simplici , & de omnibus eius divisiivis .

Tertiò, agendum est de propositione hypothetica & eius speciebus .

Quartò, agendum est de propositione categorica modali .

Quintò, agendum est de æquipollentijs propositionū categoricarum simplicium , quæ sunt oppositæ cōtrariæ, subcontrariæ, contradictoriæ, & subalternæ.

Sextò, agendum est de æquipollentijs modalium oppositarum .

De propositione quid sit, et eius prima divisiivæ. Cap. 1.

IN primo capitulo agendum est de propositione quid sit, & quotuplex in genere siue prima divisiivæ .

Quantum ad definitionem adverte, quòd sic definitur de mente Aristotelis: Propositio, est oratio verum, uel falsum significans indicando .

Primò, dicitur oratio loco generis: est enim in plus oratio quàm propositio. dictum est enim in tract. præcedenti, quòd oratio perfecta, distinguitur in quinque species, ex quibus sola indicatiui modi est propositio . Ergo omnis propositio est oratio perfecta, sed non econverso , ex consequenti est genus propositionis, propositio autem est species orationis perfectæ . Sicut animal est genus hominis, homo autem est species animalis . Nam omnis homo est animal , sed non econverso .

Secundò dicitur, verum uel falsum significans . Pro cuius notitia adverte, quòd cum propositionum alia sit affir-

D mativa,

TRACTATVS TERTIVS

matiaua, alia negatiua, ut declarabimus infrà, significare uerum in affirmatiua, est significare rem, sicut est. Verbi gratia, hæc est uera, homo est rationalis, quia sic est ex parte rei. Vnde hominem esse rationalem est uerum. Significare uerum in negatiua, est significare rem sicut non est. Verbi gratia, hæc est uera, homo nō est asinus, quia sic est in re. Vnde hominem non esse asinū, est uerum. Significare falsum in propositione affirmatiua, est significare rem aliter quam sit. Verbi gratia, hæc est falsa, homo est lapis, quoniam significat hominem esse lapidem, & tamen aliter est. Significare falsum in propositione negatiua, est non significare rem sicut est. v. g. hæc est falsa, homo non est animal, quia non significat sicut est. Nā homo est animal, ergo falsum est ipsum nō esse animal. Dicitur ergo in definitione, uerum uel falsum significans, ad differentiā orationum imperfectarum, ut homo albus, asinus rudibilis, & oratio infinitiua, ut Sortē currere, & oratio famularis, ut Sortes incipit, nisi enim aliud addatur, non solū non quietant animum audientis, sed nec dicunt aliquid de uero, aut falso, nisi compleantur per aliud. Verbi gratia. Si ly homo albus addatur, homo est albus. Si ly Sortem currere, addatur, est uerum, uel possibile, uel contingens. Si ly Sortes incipit, addatur, esse bonus. Constat ergo, quod per se sumptæ nihil dicunt de uero, aut falso.

Tertiò dicitur indicando, quod dupliciter exponitur. Primo sic, indicando, id est, est oratio modi indicatiui uerum, uel falsum significans. Vnde alii definiunt propositionem dicentes, quod propositio est oratio indicatiua uerum, uel falsum significans. Et id ponitur ad differentiam orationum perfectarum, quæ fiunt per alios modos, per imperatiuum, optatiuum, &c. Nam istæ, ut docuimus in trac. præcedenti in capi. tertio, potius deseruiunt nobis ad manifestandum affectum mentis, quàm uerum, aut falsum conceptum intellectus. Orationes etiam modi indicatiui, temporis præteriti, & futuri, non significant primò, & per se uerum & falsum, nisi reducantur ad unam temporis præsentis indicatiui, ut in eodem loco docuimus. Sola ergo oratio indicatiua temporis præsentis, meretur dici

dici propositio, quia sola sufficit ad formandum syllogismum, alix autem non, nisi reducantur ad illam, ut tibi manifestum erit in tract. de syllogismo formali. Secundò, ab aliquibus exponitur ly indicando, i. asserendo. Verum id non uidetur cōuenire omni propositioni, sed tantū propositioni in materia naturali, quæ necessàrio est uera, & in materia remota quæ de necessitate est falsa. In materia autem contingenti, cum possit esse uera, & falsa, nō potest dici asseritiue, sed opinatiue, quòd significet uerum, aut falsum, ideo melius est stare in prima expositione, quæ etiā est de mente Aristo. in j. Peri her. Quid autem sit & quomodo fiat propositio in materia naturali, & contingente, & remota, dicemus infrā in hocmet tractatu. Constat igitur quid sit propositio apud Logicum.

Quantum ad primam diuisionem propositionis aduertè, quòd ac mentem Aristotolis in primo Peri her. diuiditur primo in categoricam, & hypotheticam, Dicitur categorica Græcè, prædicatiua Latine, *κατηγορέω* enim Græcè, prædicō Latine. Dicitur hypothetica Græcè suppositiua Latine, est enim Græcè *ὑπό*, sub Latine, & *θέσις* Græcè, positio Latine. Ratio autē diuisionis est hæc, quia omnis propositio significat uerum, aut falsum, & est quid cōpositū, & oē cōpositū est resolubile in sua immediate cōponētia. Vel ergo propositio cōponitur ex terminis immediate, & in eos resoluitur immediate, & in nō aliud immediate. Et sic est categorica, quæ cōponitur immediate ex subiecto, & prædicato & copula, modo, quo dicemus infra. Vel cōponitur immediate ex duabus orōnibus, per aliquā cōiunctionē, puta, ergo, si, &, uel, & immediate in eas resoluitur, & ille immediate in terminos, & sic est hypothetica, ut dicemus in cap. tertio huius tractatus. Categorica uero diuiditur in simplicem, & modalem. Simplex est, in qua prædicatum simpliciter dicitur de subiecto, ut, Homo est animal. Modalis est, in qua prædicatum dicitur de subiecto, non simpliciter, sed cum modo, & determinatione, ut, Homo est animal necessàrio, Homo est albus contingenter. Et de modali agemus in cap. quarto huius trac. Hæc de primo cap. dicta sint.

TRACTATUS TERTIVS

De propositione categorica, et omnibus eius diuisionibus. CAP. II.

IN secundo cap. inuestigādum est, quid sit propositio categorica, & quot sint eius diuisiones, & de singulis agendum est excepta modali, de qua agemus loco suo. Primo igitur definiemus eam, deinde accedemus ad diuisiones.

Quantum ad definitionem aduerte, quòd ad mentem Aristotelis sic definitur. Propositio categorica, est propositio quæ habet subiectum, prædicatum, & copulam, tanquam principia & partes sui. Ponitur propositio loco generis. Omnis enim propositio categorica, est propositio, sed non econuerso. Nam & hypothetica est propositio, & tamen nō est categorica. Dicitur, quæ habet subiectū, & hoc totum ponitur ad differētiā hypotheticæ, cuius partes principales sunt duæ orationes, in quas immediate resoluitur, ut patet in ista, Si tu curris, tu moueris, principales partes, & immediate non sunt termini, sed istæ duæ orationes, Tu curris, & tu moueris. Primæ autem & mediæ sunt termini, ex quibus hæc oratio cōponitur, Tu curris, & hæc, Tu moueris. Dicitur, igitur, quod principales partes categoricæ non sunt orationes, sed termini, ex quibus immediate componitur, quorum unum est subiectum, alterum prædicatum, alterum copula, ut homo est animal, homo est subiectum, animal prædicatum, est, copula; coniungit enim prædicatū cum subiecto. Sed aduerte, ut scias quomodo in omni categorica est subiectū, copula, & prædicatum, quod fit tribus modis, primo per uerbum Sum, es, est, de tertio adiacente. Est autem categorica de tertio adiacente, quādo post Sum, apponitur alius terminus; ut, Sortes est animal. In hac constat de subiecto, & prædicato, & copula. Secundò fit per uerbum adiectiuum. Est autem apud Logicum omne uerbum adiectiuū, præter Sum, es, est, in quod resoluitur omne uerbum adiectiuum, & in suum participium; ut, Sortes currit, sic resoluitur, Sortes est currēs. Sortes est subiectum, currens prædicatum. Est, copula. Tertio fit per uerbum Sum, es, est, de secundo adiacente. Est autem categorica de secundo adiacente, quando post Sum, es, est, alius terminus non sequitur, ut, Deus est,

est, cœlum est, & in hac est assignare subiectum prædicatū, & copulam, alio modo quàm in prædictis. Assignatur, autem dupliciter. primò sic, Deus est. i. Deus est habens esse, Deus est subiectum, habens esse est prædicatum. Est, copula. Secundò sic: Deus est, idest, Deus est existens. Deus est subiectum, existens prædicatum, Est, copula. Nonnulli dicunt, quòd in categorica de secundo adiacente, Est, gerit uicē copulæ, & prædicati, & id uidetur innuere Arist. in primo Periher. ubi definiēs uerbum, inquit, Et est semper eorum, quæ de altero prædicantur nota, idest uerbum semper se tenet a parte prædicati: Constat igitur quid sit propositio categorica simplex.

Sed dices, Quare magis dicitur categorica, idest prædicatiua, quàm subiectiua, cū tam subiectum quàm prædicatū sint partes eius? Præterea, quare terminus præcedens uerbum Sum, es, est, dicitur subiectum, subsequens autem dicitur prædicatum, & ipsum uerbum substantiuum dicitur copula?

Respondetur ad primum, quòd omne compositum denominandum est a parte sua digniori, Vnde homo dicitur rationalis & intellectualis ab anima intellectuali, quæ dignior est in eo, quàm sensitiua, & uegetatiua. Prædicatum autem dignius est subiecto, quoniā est sicut forma, subiectum uero sicut materia, & dicemus infra, q̄ talia sunt subiecta, qualia permittuntur a prædicatis. Congrue igitur dicitur categorica. i. prædicatiua, & non subiectiua.

Ad secundum dicitur, quòd ideo terminus præcedens uerbum dicitur subiectum, quia de eo dicitur prædicatū, ita quòd subiicitur prædicato. Vnde & Grammaticus appellat ipsum suppositum. Terminus uero subsequens uerbum, dicitur prædicatum, quia prædicatur, & dicitur de altero. i. de subiecto, Vnde apud Grammaticum dicitur appositum. Et aduerte, quòd totale subiectum est omnis terminus præcedens copulam, siue unus, siue plures sint. Verbi gratia, homo est animal, homo est subiectum, homo magnus, & honoratus est princeps in ciuitate, subiectū sunt omnes illi termini præcedentes, pars autem subiecti quilibet eorum. Idem intellige ex parte prædicati.

TRACTATUS TERTIVS

Sed dices, Quare subiectum, & prædicatum per se inuicem notificantur siue definiuntur, cum definitio circularis uideatur inutilis?

Respondetur, quia habent respectum adinuicem, subiectum. n. respicit prædicatū, & prædicatum respicit subiectum, sicut filius respicit patrē, & pater filiū. Respectiua autem conuenienter per se inuicē notificātur, & definiūtur, quoniā mutuam habent dependentiā. Sed de hoc altius loquemur in trac. de prædicabi. pro nunc sustine tu iuuenis ne inuoluaris. Cōstat igitur tibi quid sit ppositio catego.

Quantum ad eius diuisiones aduerte, ut habeas plenam de eis notitiam, sic disponendæ sunt.

Prima diuisio, Propositionum categoricarum, alia affirmatiua, alia negatiua.

Secunda, Alia uera, alia falsa.

Tertia, Alia alicuius quātitatis. alia uniuersalis, alia particularis, alia indefinita, alia singularis.

Quarta, Alię picipāt utroq; termīo, alię altero, alię nullo

Sexta Participantium, utroque termino, alię participāt utroque termino eodem ordine, alię ordine conuerso.

Septima, Participatiū utroq; termino siue eodē ordine, siue cōuerso, quædā formantur in materia naturali, quædā in materia contingenti. quædam in materia remota.

Octaua, Participantiū utroq; termino eodē ordine tā in materia naturali, quā in materia contingenti: & in materia remota, quædam sunt contrariæ, quædam subcontrariæ, quædam contradictoriæ, quædam subalternæ.

Nona: Participantium utroq; termino ordine conuerso, & in triplici materia, siue naturali. siue contingenti, siue remota quædam conuertuntur conuersione simplici, quædam conuersione per accidens, quædam conuersione per contrapositionem.

Omnes istæ diuisiones dantur de propositione categorica simplici, quæ dicitur de inesse. i. in qua prædicatū simpliciter, & sine determinatione facta per aliquem sex modorum, si uerum falsum necessarium contingens. possibile impossibile, dicitur de subiecto. Quæ autē ex his diuisionibus cōueniat etiā categoricæ modali dicemus in cap.

quar-

quarto huius trac. De singulis autem diuisionibus agendū est in specie & ordine, quo præpositæ sunt.

Verum antequā descendamus in specie, quoniam aliqua prædictarum diuisionum datur de substantia propositionis, aliqua de qualitate, aliqua de quantitate, ut tibi declarabitur infra, ideo ad uniuersalem notitiā diuisionū, quæ fient toto hoc nostro opere, ne simus coacti idē sæpius repetere, præponendi sunt omnes uniuersales modi, quibus solet fieri diuisio. Tu igitur aduerte, quòd in doctrina Aristoteli. diuisio fit quatuor modis generalibus.

Primò, generis in species. Secundò, totius in partes.

Tertio, uocis in significata. Quarto diuisio scđm accidēs.

Diuisio generis in species, fit duobus modis. Primo, generis in species subalternas, ut quando diuiditur corpus per animatum, & inanimatum, & animatum per sensitiuū, & non sensitiuū. Secūdò generis in species specialissimas, ut quando diuiditur color per albedinem, & nigredinem. Et hanc diuisionē cognosces in trac. de prædicabilibus.

Diuisio totius in partes fit quinque modis. primo, quā totū diuiditur in partes subiectiuas indiuiduales, ut quā diuiditur homo in Sortē, Platonē, Petrum, &c. Secūdo, quā totū diuiditur in partes essentielles, ut ens naturale cōpositū, diuiditur in materiā, & formā, sicut diuiditur homo in animā & corpus. Tertio, quā diuiditur totū cōtinuū in partes suas integrales, ut domus in fundamentū, tectū, & parietem, & corpus aīalis in partes, quæ sunt mēbra sua, ex quibus integratur corpus. Quarto, quā diuiditur totum discontinuum in partes suas, inter quas, & si nō sit cōtinuitas, est tñ ordo, & proportio. Hoc modo diuiditur exercitus in milites, equites, pedites, &c. Quinto quā diuiditur totū potētiale, siue potestatiuum, in partes suas potestatiuas, ut quā diuiditur anima per potentias suas, & uirtutes suas, ut tibi manifestabitur in libro de anima, & infra manifestabimus tibi in libro de syllogismo Topico.

Diuisio uocis in sua significata fit tribus modis. Primo, uocis utiuocæ in significata uniuoca, ut quando diuiditur homo in Sortem & Platonē &c. Secundo uocis æquiucæ in significata æquiucata, ut quā diuiditur cancer in stellā

TRACTATVS TERTIVS

sue signum cœleste, & aquaticū animal, & morbum. Tertiū uocis analogicæ in significata analogata, ut quando dicitur sanum in animal sanum, urinam sanam medicinā, cibum sanum aerem sanum, exercitum sanum, &c. Et hanc diuisionem cognosces in trac. de prædicamentis.

Diuisio secundum accidēs fit tribus modis. Primo subiecti, in accidentiā. ut hominum alius paruus, alius magnus, alius albus, alius niger, alius medio colore coloratus. Secundo, accidentis in subiecta, ut accidentium, quæ sunt in homine, aliud in anima, ut scientia, aliud in corpore, ut agilitas &c. Tertio, accidentis in accidentia, ut accidentium quædam dura, quædam liquida, quædam lucida, quædam tenebrosa, & hæc diuisio manifestabitur tibi in philosophia naturali, & præcipuè in libro de generatione.

Isti igitur sunt modi uniuersales famosiores apud Aristotelem, quibus fieri consuevit diuisio.

Quantum ad primam diuisionem, quæ est per affirmatiuā, & negatiuam aduerte, quòd affirmatiue dupliciter definitur. Primò sic, Categoricalis affirmatiua est propositio, in qua prædicatum affirmatur de subiecto. ut, Homo est albus. Sed aduerte, quod tunc prædicatū affirmatur de subiecto. quando negatio non præcedit copulam, quòd si præcedit negatio, negatur, prædicatum de subiecto, & efficitur negatiua, ut hic, Sortes non albus. Si autem subsequitur, non efficitur negatiua, sed permanet affirmatiua, ut, Homo est non albus. Item aduerte, quòd alio modo affirmatur prædicatū, de subiecto in affirmatiua uera, & in falsa. Nam in uera affirmatur re, & uoce, quia sic est in re, sicut dicitur, ut, Homo re, & uoce est risibilis. In falsa autē affirmatur uoce tantum, & non re. Nam licet dicam, quòd homo est asinus, tamen non sic est in re. Secundo definitur sic, Affirmatiua est, in qua uerbum principale affirmatur de subiecto, ut homo est animal. Dicitur, in qua uerbum principale affirmatur, ad differentiā uerbi secundarii, quod si negatur, uel affirmatur, propter ipsum non fit propositio affirmatiua, nec negatiua. Vnde ista non est negatiua, Sortes, qui non currit, mouetur, nec ista est affirmatiua, Sortes, qui currit, non mouetur. Nam in prima licet uerbum
secun-

secundarium, quod est currit, negetur, tamen principale, quod est mouetur, affirmatur, ideo permanet affirmatiua. In secunda autem fit opposito modo, ideo permanet negatiua. Et ratio huius est, quia uerbum secundarium se tenet a parte subiecti. Quod patet resoluendo in suum participium, siue actiuum, siue passiuum, ut hîc, Sortes qui non currit. i. Sortes non currens mouetur, Sortes qui currit. i. Sortes currens non mouetur. Subiectum autem coniunctum participio affirmatiuo, uel negatiuo, non facit propositionem esse affirmatiuam, uel negatiuam, sed negatio cadens super uerbum principale, siue immediatè, ut quando subsequitur subiectum, ut, Homo non est asinus, siue mediate, ut, Non homo est animal, dummodo sumatur negatio negans, & non infinitans terminum, cui opponitur, nam si infinitaret, non faceret negatiuam. Vnde hæc non est negatiua: Non homo currit, quoniam ly non homo, est nomen infinitum, & c. Vnde non homo currit, & qui pollet isti, asinus qui est homo non currit. Constat autem hanc esse affirmatiuam. Patet igitur, quid sit categorica affirmatiua.

Categorica negatiua dupliciter definitur. Primò sic. Categorica negatiua est propositio, in qua prædicatum negatur de suo subiecto, ut, Homo non est lapis. Secundò sic, est propositio in qua uerbum principale negatur. Dicitur uerbum principale, ad differentiã uerbi secundarii, quod, ut docuimus siue affirmetur siue negetur, nõ facit propositionem affir. aut nega. Et aduerte, q̃ propositio potest fieri affir. uel nega. dupliciter, s. explicitè, & implicitè. Si explicitè, fit per nomen, & uerbum, indicatiui modi, ut, Homo est risibilis. Si implicitè, pōt fieri per unicū terminū, ut quando dicimus, Homo est risibilis, & econuersò, ly econuerso æquipollet uni propositioni, quæ est hæc, & risibile est homo. Item aduerte, quòd diuisio per affirmatiuam, & negatiuam non solum conuenit categoricæ, sed etiam hypotheticæ & modalis, quomodo autem fiat hypothetica affirm. & negat. similiter modalis, dicemus agentes de eis. Nunc autem sustine, ne confundaris, ut nouus auditor. Hæc de prima diuisione dicta sint.

TRACTATVS TERTIVS

Quantum ad secundam diuisionem categoricæ, scilicet per ueram & falsam, aduerte, quòd categorica uera, tam affirmatiua, quàm negatiua dupliciter definitur. Primò sic, uera est, quæ significat uerum, id est significat rem sicut est, si est affirmatiua: uel significat rem sicut non est, si est negatiua. Sed de hac satis diximus in cap. præcedenti in declarando definitionem propositionis. Secundo autè sic definitur: Vera est illa, cuius significatum primariū est uerum. Significatum autè primarium est illud, quod exprimitur per orationem infinitiuam. Verbi gratia, hæc est uera, Deus est bonus, quoniam Deum esse bonū, est uerum. Sic enim est in re. Dico, cuius primarium significatum est uerū, ad differentiā secundarij, secundariū autè est, quod cōtinetur in primario & sequitur ad illud. uerbi gratia, primarium huius, Homo est rationalis, est esse rationalē, ad hoc aut sequitur esse animal, esse animatū, esse corpus, esse subiectū. Iuxta igitur significatū primarium & secundariū indicāda est propositio uera, quoniam est uera primò & per se ex eo, ex secundario autè est tātum cōsequēter. Nā bene sequitur, quòd si Sortes est homo, Sortes est animal. sed non econuerso, ut declarabimus in tract. de consequentijs. Similiter falsa dupliciter definitur. Primò sic. Falsa est, quæ aliter significat quàm sit in re, ut hæc est falsa, Homo est asinus, quia significat hominē esse asinū, & tamē aliter est in re, quia in re non est asinus, sed homo siue rationalis, & de hac definitione iā diximus in c. præcedenti in definitione propositionis. Secundò sic. Falsa est illa, cuius primarium significatum est falsum. Verbi gratia, hæc est falsa, Homo est asinus, quia hominem esse asinum est falsum, cū sit rationalis, & asinus irrationalis. Quòd si fieret iudiciū secundū secundariū significatū, quod est esse animal, esset uera. Nam hæc est uera, Homo est animal, non tamen sequitur, ergo est asinus, ut declarabitur tibi in tract. de cōsequētijs. Hæc de secūda diuisione dicta sint.

Quantum ad tertiam diuisionē, scilicet quòd aliqua est alicuius quantitatis, aliqua nullius. Alicuius quātitatis est illa, cuius subiectum stat, pro aliquo uel pro aliquibus, uel pro omnibus, uel pro nullo, ut declarabitur in diuisione sequenti.

sequenti. Nullius quantitatis est illa, cuius subiectum suspenditur a propria denominatione, ratione probationis termini præcedentis ipsum, qualis est exclusiua, exceptiua, reduplicatiua, de quorum probatione acturi sumus in tract. de probationibus ter. nunc enim apparebit tibi, quo modo istæ probantur, non ratione subiecti, ut probatur uniuersalis particularis &c. sed ratione signi siue syncategorematicis, ut exclusiua per tantum, reduplicatiua per inquantum, exceptiua per præter, &c. Tu igitur sustine, donec exercitatus magis fueris, & ad prædictum tract. de uenerimus. Hæc de tertia diuisione pro nunc dicta sint.

Quantum ad quartam diuisionem, scilicet quod propositionum alicuius quantitatis, alia est uniuersalis, alia particularis, alia indefinita. alia singula. duo agenda sunt. Primò declarandum est, quomodo hæc diuisio est sufficiens. secundò pertractandum est, de quolibet eius membro.

Quantum ad primum aduerte, quod quantitas propositionis attenditur penes subiectum, prout stat pro pluribus, aut pro uno solo. Potest igitur considerari subiectum dupliciter. Primò, si stat pro uno solo. Secundò, si pro pluribus. Si pro uno solo, ita quod uni soli conuenit, facit propositionem singularem. Si pro pluribus, hoc dupliciter, quia uel pro pluribus indeterminate, uel determinate. Si indeterminate, sic facit propositionem indefinitam. si determinate, dupliciter: quia hæc determinatio subiecti uel fit per signum uniuersale affirmatiuum, uel negatiuum, ut omnis, nullus, & sic est propositio uniuersalis, uel fit per signum particulare affirm. uel nega. & sic est propositio particularis. Cõstat igitur quod hæc diuisio est sufficiens. Et si quæras, quid sit quantitas propositionis, Respondeo, quod sicut quantitas subiectæ propriè accipitur iuxta mensuram longitudinis, & latitudinis & profunditatis, sic quantitas propositionis sumitur iuxta mensuram subiecti, prout uerificatur prædicatiue de uno, uel pluribus. Cõstat igitur quomodo hæc diuisio est sufficiens, & quid sit, & unde sumitur quantitas propositionis.

Quantum ad secundum aduerte, quod propositio uniuersalis dupliciter definitur. Primò, sic, Propositio uniuersalis tam affirm. quàm negatiua, est illa, in qua subiicitur termini communis signo uniuersali determinatus. Pri-

TRACTATVS TERTIVS

Primò dicitur, in qua subiicitur ter. communis, id est ponitur in subiecto ter. communis, id est, qui potest conuenire, & prædicari de pluribus, & apud Grammaticum dicitur nomen appellatiuum, ut, homo, capra, leo.

Secundò, dicitur signo uniuersali determinatus. signa uniuersalia sunt quædam affirmatiua, ut omnis, quilibet, quisque; negatiua sunt, nullus, nihil, neuter, & dicuntur uniuersalia, quia faciunt stare subiectum pro omnibus, aut pro nullo, ut ista est uniuersalis affirm. Omnis homo est animal. Verificatur enim subiectum pro quolibet homine in singulari. Nam si omnis homo est animal, ergo & iste, & iste, & iste, & sic de omnibus aliis est animal.

Tertiò dicitur, determinatus, id est, modificatus, siue limitatus ad standum nõ absoiute, sed pro omnibus aut pro nullo. diximus enim in tertia diuisione terminorum, quòd signa uniuersalia sunt termini syncategorematici, quoniam sumpti cum alio, id est cum nomine substantiuo determinant ipsum in propositione ad standum pro omnibus aut pro nullo.

Sed aduerte, quòd signum uniuersale ad hoc, quòd faciat propositionem uniuersalẽ simpliciter & proprie, debet apponi subiecto in recto & explicitè. Nam si apponitur subiecto in obliquo, non facit eam uniuersalem simpliciter, sed secundum quid. Vnde ista, cuiuslibet hominis asinus currit, non est uniuersalis absolutè, quoniam signum non apponitur ly asinus, quod est principale subiectũ, sed ly hominis, quod quoniam est obliquus est secundarium siue partiale subiectum. Vnde, prædicta propositio absolutè est indefinita, ut tibi declarabitur. Dicitur explicitè, quoniam si ponitur implicitè, uel uirtualiter, uel cum distinctione non facit propositionem uniuersalem formaliter, sed tantum interpretatiue. Sicut sunt istæ, totus Sorres est minor Sorte. Totum quod est in mundò, est in oculo meo. Non homo currit, &c.

Quomodo autem sint uniuersales interpretatiuè, declarabitur tibi in trac. de probationibus terminorum, ubi distinguemus de toto, & quomodo ista æquipolleat uniuersali negatiuæ, Non homo currit, declarabitur tibi in

cap. de æquipollentijs categoricarum. Nunc autem sisto ne te inuoluam. Similiter aduerte, quòd uniuersalis affirmatiua potest fieri dupliciter, scilicet collectiue, ut Omnes Apostoli sunt duodecim, & distributiue, ut, Omnis homo est risibilis. Et iterum distributiue potest fieri dupliciter, scilicet absolute & accōmodè. Verum quomodo fiant & quomodo uerificentur, declarabitur tibi in trac. de suppositionibus, pro nunc sustine. Hæc de propositione uniuersali dicta sint.

Propositio particularis est illa, in qua subiicitur terminus communis, signo particulari determinatus.

Dicitur, in qua subiicitur ter communis, ea ratiōe qua & in propositione uniuersali.

Dicitur particulari determinatus, ad differentiam propositionis uniuersalis: est autem signum particulare, determinatio termini communis, qui est subiectum in hac propositione, per quod designatur, subiectum accipi non pro omnibus sub eo contentis, sed pro aliquibus uel pro aliquo. ut, quidam homo currit: ergo uel iste, uel ille, uel iste currit: & sufficit: quòd uerificetur pro aliquo, posito quòd tantum unus currat.

Et aduerte, quòd propositio particularis potest fieri multis modis. Primo, quando subiectum est terminus communis cum signo particulari tam affirmatiue, quàm negatiue: ut quidam homo currit, quidam homo non currit. Secundo, per ly aliquid sumptum adiectiue: ut, Aliquid est in manu tua. Hæc est particularis uirtualiter, quoniam ly aliquid, sic exponitur, aliqua res est in manu tua. Dico sumptum adiectiue, quoniam sumptum substantiue facit propositionem iudefinitam, ut dicemus. Tertio, quando subiicitur terminus communis cum signo uniuersali, sed signo, præponitur negatio. Ut, non omnis homo currit, hæc enim æquipollet huic: quidam homo nō currit. Quarto, quando subiicitur terminus communis cum signo uniuersali affirmatiuo: sed præponitur negatio, & postponitur: ut hic, non omnis homo non currit, æquipollet enim huic, quidam homo currit. Sed tertium & quartum modū declarabimus sic esse in c. de æquipollentijs categoricarū.

Hæc

TRACTATVS TERTIVS

Hæc de propositione particulari dicta sint.

Propositio indefinita est illa, in qua subiicitur terminus communis, nullo signo uniuersali uel particulari determinatus, ut homo currit.

Primò dicitur, in qua subiicitur terminus communis eadem ratione, qua dictum est in definitione propositionis uniuersalis & particularis.

Secundò dicitur, nullo signo, ad differentiam propositionis uniuersalis & particularis.

Tertiò dicitur, nullo signo uniuersali uel particulari, ad differentiam exclusiuæ, in qua ponitur signum tantum, & in reduplicatiua, in quantum, quæ signa, quoniam nō sunt uniuersalia, nec particularia, ideo non faciunt propositionem alicuius quantitatis.

Sed dices, quare dicitur indefinita, cū æquipolleat particulari. Nam idem sensus est dicere, aliquis homo currit, & homo currit.

Respondetur, dicitur indefinita, id est, indeterminata, quia acceptio sui subiecti nō determinatur ad certam quantitatem secundum mundi enuntiandi per signum uniuersale, uel particulare; licet supponat subiectum determinate; ut dicemus in tract. de suppositionibus; & quando dicitur, quòd idem sensus est dicere; Quidam homo currit, & Homo currit, conceditur, quo ad suppositionem & uerificationem, sed non conceditur quo ad modum enunciandi; & sic intendimus ipsam esse indefinitam, & non quo ad uerificationem & suppositionem. Sed pro nunc sustine, donec tractemus de suppositionibus. Hæc de propositione indefinita dicta sint.

Propositio singularis est illa, in qua subiicitur terminus discretus uel terminus communis cum pronomine demonstratiuo primitiuæ speciei, ut, Plato currit; Iste homo comedit; Ille homo dormit.

Primò dicitur, in qua subiicitur terminus discretus, ad differentiam propositionis uniuersalis & particularis & indefinitæ, in quibus subiicitur terminus communis; opponitur autem terminus discretus termino communi, quoniam discretus de uno solo est aptus prædicari, & Grammaticas

maticus appellat nomen proprium, quod uni soli conuenit, ut Plato. Communis autem est aptus de pluribus prædicari, ut homo & animal, & Grammaticus uocat ipsum nomen appellatiuum, quod pluribus conuenit.

Secundò dicitur, uel terminus communis cum pronomine demonstratiuo. Nam licet terminus communis de se stet pro pluribus, tamen per pronomen demonstratiuum restringitur ad statum pro uno solo indiuiduo, ideo æqui pollet termino discrero. Vnde ista propositio: Hic homo currit, demonstrato Sorte æquipollet isti, Sortes currit.

Tertiò dicitur, primitiue speciei, ad differentiam pronominum deriuatiue speciei. Sunt autem pronomina demonstratiua primitiue speciei, ego, tu, sui, ille, ipse, iste, hic, & is. Deriuatiue autem sunt meus, tuus, suus, noster, uester, nostras, uestras. Ideo autem ea, quæ sunt primitiue speciei, constituunt propositionem singularem, quoniam trahunt subiectum ad supponendum pro uno solo, ut iste homo, demonstrato Sorte currit, & ego, scilicet, Petrus curro, & tu, scilicet, Plato curris, Ea uero quæ sunt deriuatiue speciei, ut meus, tuus, non constituunt propositionem singularem, non enim restringunt subiectum, cui apponuntur ad statum pro uno solo, sed potest uerificari de pluribus. Verbi gratia, Petrus habet decem asinos, & dicit, meus asinus currit, ly asinus non stat pro isto tantum, uel pro illo tantum, sed pro omnibus disiunctiue. Nam si meus asinus currit, & habeo decem, ergo uel iste, uel iste, qui est meus, currit. Pronomina autem demonstratiua primitiue speciei restringunt terminum communem ad statum pro uno solo demonstrato, ut ego, scilicet, Petrus scribo, Tu uero, scilicet, Plato dormis. Constat igitur quid sit propositio singularis.

Tu tamen aduerte, quòd non solum potest fieri per terminum discretum, & per terminum communem cum pronomine demonstratiuo primitiue speciei, sed & per terminum relatiuum, ut posito, quòd Sophroniscus habet tantum unum filium, cuius nomen ignoretur, si dico Sophronisci filius studet Papiæ, est singularis propositio. similiter si dico, Pater Calix uenit, est singularis, quoniam isti

TRACTATUS TERTIVS

termini relatiui æquipollent terminis discretis. Item potest fieri per terminū discre tum circunlocutum, ut si dico, Vir crispus rubeus, & claudus cantat in platea. Iste enim circūstantiæ manifestant talem hominem & non alium, ideo reddūt propositionem singularem. Patet igitur quid sit propositio singularis, & quot modis fieri contingit.

Item aduerte, quòd si quis te interrogat de substantia siue natura propositionis, dicendo, Quæ propositio est ista, Sortes est homo, respōdere habes, categorica, & quæ est ista, Si tu curris, tu moueris, respondere habes, hypothetica. Si autem quis te interrogat de qualitate propositionis dicendo, Qualis est ista, Sortes currit, respondere debes affirmatiua, & Qualis est ista, homo non est asinus, respondendum est, negatiua. Si uero quis te interrogat de quantitate propositionis dicēdo: Quanta est ista: Ois homo currit, Respondendum est, uniuersalis, & sic de alijs. Vnde Logici pro hoc triplici quæsito formauerunt hunc uersum: Quæ ca. uel hyp. qualis. ne. uel af. v. quanta. par. in. sin. i. Quæ categorica, uel hypothetica. Qualis, negatiua, uel affirmatiua. V. quanta, id est, uniuersalis uel particularis, indefinita uel singularis.

Sed dices: Quæ est substantia propositionis, & quæ eius quantitas, & quæ eius qualitas?

Respondetur, subiunctiua est eius natura siue essentia, puta quid sit, quid compositum ex talibus partibus, scilicet, ex subiecto, prædicato & copula, ut categorica, uel ex duabus orationibus per aliquam coniunctionem coniunctis: ut si tu curris, tu moueris, ut hypothetica. Quantitas eius, est extensio subiecti ad stāndum pro uno, uel aliquibus, uel omnibus, uel nullis. Qualitas eius est secundum quam dicitur qualis: ut affirmatio, negatio, ueritas, falsitas, necessitas, contingentia, possibilitas, impossibilitas. Nā omnia ista qualificant propositionem. Vnde interroganti qualis sit ista, Homo est animal, respōdere debemus, quòd est affirmatiua uera; nō solum possibilis, sed ēt necessaria.

Quantum ad quintam diuisionem, quæ est hæc, propositionum categoricarum quædam participant utroque termino, quædam altero, quædam nullo, aduerte, quòd

cum

cum termini componentes categoricam sint subiectum & prædicatum: quæ etiam dicuntur extrema propositionis, participare termino uel terminis, est cõuenire in subiecto, uel prædicato, uel in utroque. Non participare autẽ, est non conuenire. His præmissis aduerte, quod duas categoricas participare utroq; ter. est eas cõuenire in subiecto & prædicato, ita q̃ subiectũ primæ est subiectũ secundæ, & prædicatũ primæ, est prædicatũ secundæ, nec in alio differunt, nisi quod una est affirmatiua, altera negatiua, ut sunt istæ duæ, homo est animal, homo non est animal, participare in altero termino tantum, scilicet uel solum in subiecto, ut hic; homo est animal, homo est rationalis, uel in prædicato tantum, ut hic; homo est animal, Alinus est animal. participare nullo termino, est non conuenire in subiecto, nec in prædicato, ut hic, homo est risibilis. Alinus est rudibilis.

Et aduerte, quod hic loquimur de participatione formali, & uirtuali, quod dico, quoniam licet istæ duæ conueniant uirtualiter, homo est animal, risibile est animal; non tamen formaliter, quoniam formaliter non sunt idem homo, & risibile, dato, quod essent idem re. Quod tamẽ non conceditur in uia Teomistica.

Iterũ aduerte, quod hæc diuisio data est, ut cognoscatur oppositio contraria; subcontraria. contradictoria, subalterna propositionum categoricarum, de quibus acturi sumus infra. Nam illa supponit participationem propositionum oppositarum utroque termino formaliter, & non solum uirtualiter, ut tibi declarabitur in diuisione octaua.

Quantum ad diuisionem sextam, quæ est, quod propositionum categoricarum participantũ utroq; termino formaliter, quædã participat utroque termino eodẽ ordine, quædam ordine conuerso. Aduerte igitur, quod duas categoricas participare eodẽ ordine utroque termino, est sic, quod est subiectum in prima, est subiectum in secunda; & quod est prædicatum in prima, est prædicatum in secunda, ut hic; Sortes est homo; Sortes non est homo, & semper intelligendum est formaliter, & non uirtualiter tan-

TRACTATUS TERTIVS.

tum. Duas autem categoricas participare utroque termino ordine conuerso, est sic, quod est subiectum in prima, est prædicatū in secunda, & quod est prædicatū in prima, est subiectum in secunda, ut hic, homo est animal rationale, animal rationale est homo. Et hæc diuisio deseruiet, quando loquemur de conuersionibus propositionum categoricarum, ut tibi manifestabitur.

Quantum ad septimam diuisionem, quæ est hæc, Propositionum participantium utroque termino siue eodem ordine, siue conuerso, quædam sunt in materia naturali, quædam in cōtingenti, quædam in remota, aduerte, quòd illæ sunt in materia naturali, in quibus prædicatum semper & inseparabiliter conuenit subiecto, & id fit multis modis, Primo, quando genus, aut differentia, aut definitio, aut pprietas, aut qualitas naturalis prædicatur de re. Exemplum primi, homo est animal. Secundi, homo est rationalis. Terti, homo est animal rationale. Quarti, homo est risibilis. Quinti, Ignis est calidus, mel est dulce, aurum est alba. Item, quando idem prædicatur de seipso: ut Sortes est Sortes.

Ille autem sunt in materia contingenti. in quibus prædicatum potest aduenire, & remoueri a subiecto, absque hoc, q̄ corrumpatur subiectum, & propter hoc distinguuntur a propositionibus in materia naturali, quoniam in illis si auferatur prædicatum, non permanet subiectum. Nā si homo cessat esse aīal, aut rōnalis, aut risibilis, & si ignis cessat esse calidus &c. nec homo, nec ignis permanent, sed corrumpuntur, & desinunt esse. Tu igitur aduerte, quòd omnis propositio, in qua prædicatum esse accidens commune, & separabile, & etiam inseparabile, modo nō fluat a principiis speciei, fit in materia contingenti, ut illæ, hō est albus, Aethiops est niger, aqua est calida &c. Dico, modo non fluat a principiis speciei, ut præseruem rerum proprietates. ut est risibilitas in homine, par & impar in numero, curuum, & rectum in linea, summus calor in igne. Ille nanque faciunt propositionem in materia naturali. Qui uero sit fluere a principiis speciei declarabitur tibi in tractatu de prædicabilibus in cap. de proprio, & accidente.

Illæ uero fiunt in materia remota, in quibus prædicatum non potest uerificari de subiecto, immò adinuicem repugnat. Istæ autem sunt, in quibus subiectum, & prædicatum sunt opposita, contraria, uel contradictoria, uel priuatiuè, uel relatiuè opposita. Exemplum primi: Album est nigrum. Secundi, homo est non homo. Tertii, Cæcus est uidens. Quarti, Pater est filius. Et aduerte, quòd dicuntur fieri in materia remota, scilicet repugnanti, quoniam naturæ subiecti, & prædicati in omnibus prædictis repugnant adinuicem, nec se compatiuntur. Inde est, quòd omnis affirmatiua in materia remota semper, & de necessitate est falsa, negatiua autem semper & immutabiliter uera. In materia uero naturali est opposito modo. Nam affirmatiua semper est uera, negatiua semper est falsa. In materia contingenti est medio modo: quoniam affirmatiua, quàm negatiua aliquando est uera, aliquando falsa. Nam quando prædicatum inest subiecto, affirmatiua est uera, negatiua falsa; quando prædicatum remouetur, affirmatiua est falsa, negatiua est uera. Hæc de septima diuisione dicta sint.

Quantum ad octauam diuisionem, quæ fuit hæc: Propositionum categoricarum participantium utroque termino eodem ordine triplici materia, scilicet naturali, contingenti, & remota, aduerte, quod inter eas fit quadruplex oppositio. scilicet contraria, subcontraria, contradi. subalterna.

Oppositio contraria fit inter eas, quarum una est uniuersalis affirmatiua, & altera uniuersalis negatiua, de eisdem subiectis, & prædicatis, uniuocè, & æquè amplè, & æquè strictè acceptis.

Primò dicitur, quarum una est uniuersalis & c. Nam ut distinguantur a contradictoriis, debent esse eiusdem quantitatis, & diuersæ qualitatis. Si eiusdem quantitatis, ergo utraque est uniuersalis, uel particularis, nõ secundum, quia non essent contrariæ, sed subcontrariæ, ut dicetur infra; ergo primum. Si diuersæ qualitatis, ergo una est affirmatiua, & altera negatiua.

Secundo dicitur de eisdem subiectis, & prædicatis; ut, omnis homo est albus, nullus homo est albus, & defectu

TRACTATUS TERTIVS

huius istæ duæ non sunt contrariæ, omnis homo est albus, nullum risibile est album. Tu tamen adverte, quod subiectum, & prædicatum possunt esse idem tripliciter. Primo, secundum uocem tantum, & non secundum significatum. Secundo, secundum significatum tantum, & non secundum uocem. Tertiò, secundum uocem, & secundum significatum. Exemplum primi, omnis canis latrat: nullus canis latrat. Secundi, Omnis homo currit. nullum rationale currit. Tertij, Omnis homo est animal, nullus homo est animal, Prima identitas non sufficit ad contrarietatem, ideo dicitur in definitione, acceptis uniuoce. Constat autem, quòd canis est terminus æquiuocus. Secunda autem sufficit ad contrarietatem uirtualem, seu æquivalentem, sed non ad formalem. Tertia uero sufficit ad contrarietatem propriè dictam, & formalem. Vnde licet istæ duæ, omnis homo currit, nullum rationale currit, sint contrariæ uirtualmente, eo quòd secundum significatum, homo, & rationale sunt idem, non tamen formaliter, quoniam formaliter non participant utroque termino secundum uocem, & secundum significatum.

Tertiò dicitur, æquè amplè, & æquè strictè acceptis. Defectu huius, apud multos istæ duæ non sunt contrariæ; Omnis homo est animal, nullus homo est animal, quoniam in prima potest teneri tam pro masculis, quàm pro feminis, in secunda solum pro masculis. Tu tamen adverte, quòd secundum usum in utraque accipi consuevit pro masculis, ideo acceptantur, ut uere cōtrariæ. Item defectu huius istæ duæ non sunt contrariæ: Omnis homo est albus, nullus homo fuit albus, quia in prima restringitur ad præsentem, in secunda autem ampliatur ad præsentem uel præteritum. Sed pro nunc sustine, donec pertractemus de ampliationibus, & appellationibus. Tu tamen adverte, quòd prædictæ non sunt contrariæ, nō solum ratione dicta, sed quia copula non tenetur eodem modo in prima, & in secunda. Nam in prima est, ly est, in secunda est, ly fuit. Vnde in definitione intelligendum est, quòd contrariæ debent esse de eisdem subiectis, & prædicatis, & copulis. Hæc de contrariis dicta sint.

Oppositio contradictoria est inter eas, quarum una est uniuersalis affirmatiua, altera particularis negatiua, ut, omnis homo est animal, quidam homo non est animal, uel altera est uniuersalis negatiua, & altera particularis affirmatiua: ut, nullus homo currit, quidam homo currit, de eisdem subiectis, & prædicatis, & copulis, uniuocè, & æquè amplè, & æquè strictè acceptis. Omnia debent intelligi sicut expositum est de contrariis.

Vt autem habeas maiorem notitiam de cōtradictione, aduerte ex doctrina Aristotelis, quòd quatuor conditiones requirit, & defectu cuiuslibet earum, euitatur contradictoria oppositio.

Prima est, quòd sit affirmatio eiusdem de eodem, & negatio, dummodo sumatur idem secundum rem & uocem, ut, Sortes currit, Sortes non currit. Defectu cuius, ista apud Logicum non sunt contradictoria formaliter, sed uirtualiter, siue æquipollenter tantum ex parte rei, Cicero currit: Marcus non currit. Posito euim quòd sint synonyma ex parte significati, quia idem homo dictus est Marcus & Cicero, tamen distinguuntur uoce siue termino, quoniam duo sunt termini, Marcus & Cicero, ideo non sunt contradictoria formaliter, sed æquipollenter. Aequipollenter quidem, quoniam idem indiuiduum intelligitur per Marcum, & Ciceronem, formaliter autem non, quoniam Logicus obseruat oppositionem de uirtute sermonis, philosophus autè qui est artifex realis, de uirtute rei, & significat. Vnde apud physicum ista contradicunt, Materia prima est ens in potentia; Primum subiectum non est ens in potentia. Pro eodè enim accipit materiam primam, & primum subiectum.

Secunda est, quòd duæ propositiones cōtradictoriæ referantur ad idem, ut secundum idem, & propter huius defectum, istæ non contradicunt. Aethiops est albus dentes, Aethiops non est albus pedes; non enim fit prædicatio secundum eandem partem.

Tertia est, Quòd teneantur similiter, ideo istæ duæ non contradicunt, nullum animal est genus, animal est genus. Nam in negatiua stat animal pro supposito,

TRACTATUS TERTIVS

affirmatiua stat pro natura communi. Sed id non intelliges, donec in tract. suppositionum exercitatus fueris, ideò sustine.

Quarta est, quòd referantur ad idem tempus. Et defectu huius, istæ duæ non contradicunt, Sortes uenit hodie, Sortes non uenit heri. Et aduerte quòd omnes istæ conditiones exprimuntur indiffinitione contradictionis, quæ extrahitur ex doctrina Arist. præcipue in quarto Metaph. & est hæc: Cōtradictio est affirmatio & negatio, id est propositio affirmatiua & negatiua eiusdem prædicati de eodem subiecto. Ad idem secundum idem, similiter & pro eodem tempore. Hæc de contradictoriis dicta sint.

Oppositio subcontraria est inter eas, quarum una est particularis affirmatiua uel indefinita, altera autem est particularis negatiua uel indefinita de eisdem prædicatis, & subiectis, & copulis uniuocè acceptis, & de eodem modo supponentibus.

Primo dicitur, propositio affirmatiua & negatiua, particulares aut indefinitæ, ut excludamus duas singulares. Nam illæ sunt contradictoriæ secundum rem & significatum, licet non in figura, quoniam in figura, ut declarabitur tibi infra, oportet unam esse uniuersalem affirmatiua. uel negatiua, alteram, autem particularem affirmatiua. uel negatiua. ut patebit in figuris, quas infra describemus. Quare autem duæ singulares non sint subcontrariæ, ratio est hæc, quia duæ subcontrariæ possunt esse simul ueræ, ut, Quidam homo currit, Quidam homo non currit. Duæ autem singulares non possunt esse simul ueræ nec simul falsæ, sed una uera & altera falsa in omni materia, ut, si hæc est uera, Sortes non est asinus, hæc necessario est falsa, Sortes est asinus. Ergo sunt contradictoriæ.

Secundò dicitur, de eisdem subiectis &c. intelligendum est eodem modo, sicut dictum est in oppositione contraria.

Tertio dicitur uniuocè tentis, defectu cuius istæ non sunt subcontrariæ, Quoddam sanum est animal, Quoddam sanum non est animal.

Quarto dicitur, eodem modo supponentibus. Defectu cuius

cuius istæ non sunt subcontrariæ, Homo est species, Homo non est species, nam in prima homo supponit pro natura communi, in secunda pro natura partita in suppositis. Sic quidem dicimus pro nunc. In trac. autem suppositionum manifestabimus quomodo ista non est indefinita. Homo est species, sed singularis, & ideò manifestius tibi erit, quòd non sunt subcontrariæ, non solum, quia nō supponit homo in prima & secunda eodem modo, sed quoniā sunt singulares quas necesse est, ut, diximus esse oppositas contradictoriæ, secundum rem & significatum.

Oppositio subalterna est inter eas, quarum una est uniuersalis affirmatiua, & altera particularis aut indefinita, aut singularis affirmatiua. Vel, una est uniuersalis negatiua, & altera est particularis, aut indefinita aut singularis negatiua de eisdem subiectis & prædicatis, & copulis &c. ut dictum est in aliis oppositionibus.

Hic tria sunt declaranda. Primò, quare dicuntur subalternæ. secundò, quare duæ singulares affirmatiua & negatiua sunt subalternæ, & non subcontrariæ.

Ad primum dicitur, quòd ideo uniuersalis affir. & particularis affirmatiua dicuntur subalternæ, quia una sub altera ponitur scilicet particu. sub uniuersali, Vnde uniuersalis se habet, ut antecedens, particularis ut consequens. Nā bene sequitur. Omnis homo est animal. ergo quidam homo est animal, & hō est animal, & iste homo est animal, ut tibi manifestū erit in suppositis. Non aut sequitur econtrario, quia ab inferiori distributiue ad superius affirmatiue non ualet consequentia, non enim sequitur, aliquis homo est stultus, ergo omnis homo est stultus. Et aduerte, quòd sicut dicuntur subalternæ per respectum suppositionis, quem habet particulares ad uniuersales, sic dici possent superalternæ, per respectum superpositionis, quem habent uniuersales ad particulares. Sed primis placuit sic denominare ab inferioribus, quorum est subiici & supponi superioribus.

Ad secundum dicitur, quòd ideo duæ singu. affir. & neg. sunt subalternæ, quoniam sicut ualet consequentia ab uniuersali affir. uel nega. ad particu. & inde a fir. & nega. sic

TRACTATVS TERTIVS

ualet ad singu. affir. & nega. Nam si hæc consequentia ualet, Omnis homo currit, ergo aliquis homo, & homo currit. sic ualet, Ergo iste & ille currit, quoniam, ut declarabitur tibi in trac. suppositionum, signum uniuersale affirmatiuum & negatiuum distribuit terminum immediatè sequentem, & licet descēdere ad sua singularia diuisione. Sed pro nunc sustine, ne confundaris, donec habebis de suppositionibus notitiam. Et ideo sunt subalternæ, sicut particu- & indefi. Non autem sunt subcontrariæ ratione iam dicta, quoniam subcontrarias contingit esse simul ueras, duæ autem singulares negatiua & affirmatiua, in omni materia ita se habent, quòd si una est uera, altera est falsa; & non possunt esse simul ueræ nec simul falsæ, & ideo, ut diximus, nō sunt subcontrariæ, sed contradictoriæ. Constat igitur tibi, quomodo propositiones categoricæ participantes utroque termino & eodem ordine, constituunt quatuor genera oppositionum. Et quoniam possunt formari in materia naturali & remota & contingenti, ideo figutabimus tibi tres figuras. Prima erit de oppositis in materia naturali, secunda de oppositis in materia remota, tertia de oppositis in materia contingenti, ut patet infrà.




Figura oppositionum in materia remota.





Figura oppositionum in materia contingenti.



Pro completa intelligentia quatuor generum oppositionum, tam in materia naturali, quàm remota & contingenti, de quibus signauimus præpositas tres figuras: declarandum est, quomodo se habent ad ueritatem & falsitatem: & primò quomodo possunt esse simul ueræ uel falsæ, uel una uera, & altera falsa, in materia naturali. Secundò, quomodo in materia remota-tertiò, quomodo in materia contingenti.

Tu igitur aduerte, quòd in materia naturali, duæ contrariæ ita se habent, quòd semper affirmatiua est uera, & negatiua est falsa, nec possunt esse simul ueræ, nec simul falsæ. Et ratio huius est, quia in materia naturali, prædicatum de necessitate semper uerificatur, & conuenit subiecto: ergo propositio uniuersalis negans prædicatum

tum inesse subiecto, semper est falsa, & uniuersalis affirmatiua semper est uera.

Similiter duæ subcontrariæ in materia naturali ita se habent, quòd particularis affirmatiua semper est uera. Nam si hæc est uera de necessitate, Omnis homo est animal, bene sequitur, ergo & quidam homo, & homo, & hic homo est animal, ut tibi declarabitur in tract. de suppositionibus. Item, si uniuersalis negatiua semper est falsa, sequitur & particul. negati. esse falsum, quoniam sub negatiua uniuersali defenditur ad omnia supposita distributiua negatiua. Nam bene sequitur, Nullus homo est animal, ergo nec quidam homo, nec homo, nec Plato est animal. Vnde patet, quòd quoniam uniuersalis negatiua est falsa, particul. & indefinita & singul. negatiua est falsa. Et sic patet, quòd in materia naturali, natura & conditio contrariorum est, quòd una sit uera, & altera falsa, nec unquam sint simul ueræ, nec simul falsæ, dummodo seruetur prædicatio directa. Quod dico, quoniam in prædicatione indirecta, non inconuenit utranq; esse ueram, ut hic, omne animal est homo, nullum animal est homo. Nā ut patet, utraque est falsa, quoniam utraque est indirecta: minus enim uniuersale est prædicatum, quàm subiectum. Sed in doctrina Peripatetica semper loquendum est proprie & directè. Quid autem sit prædicatio directa, & indirecta, manifestabitur tibi in tract. de uniuersalibus, & in tract. de syllogismo formali, ideo pro nunc sustine.

Contradictoriæ uerò in materia naturali ita se habent, quòd si una est uera, altera est falsa, & econuerso. Nā hoc est primum principium, quod defenditur in quarto Meta physicæ ab Aristotole contra antiquos, scilicet quòd in nulla materia duo contradictoria possunt esse simul uera, nec simul falsa, ergo nec in materia naturali. Et ratio huius est, quia impossibile est idem simul & uerè affirmari & negari de eodem. Sed in contradictoriis affirmatur & negatur idem de eodem. Nam si ista est uera, omnis homo est animal, & hæc est uera, Quidam homo est animal, & demonstro Sortem. si ergo dicis, quòd particula-

TRACTATVS TERTIVS

ris negatiua est uera, scilicet quidam homo demonstrato Sorte. non est animal, ergo affirmatur & negatur simul & uere idem de eodem, scilicet esse animal, & non esse animal de Sorte, quod est impossibile.

Subalternæ ita se habent in materia naturali, quod uniuersalis affirm. & particularis affirm. semper sunt ueræ, quoniam particularis sequitur uniuersalem. Nam bene sequitur, Si omnis homo est animal, quod quidam homo sit animal, ut tibi declarabitur in tract. de consequentijs. Vniuersalis autem & particularis nega. semper sunt falsæ, quoniam prædicatum in materia naturali, ut docuimus supra, non potest remoueri, neque negari a subiecto. Vnde hæc semper est falsa, Nullus homo est animal, ex consequenti & ista, quæ est sua subalterna, quidam homo non est animal. Constat igitur tibi quomodo quatuor genera oppositionum se habeant ad ueritatem & falsitatem in materia naturali.

In materia autem remota sic se habent contrariæ, Vniuersalis affirmatiua semper est falsa, ut ois homo est asinus, & uniuersalis negatiua semper est uera, nullus homo est asinus, quia in materia remota, ut docuimus supra, prædicatum repugnat subiecto. Ergo propositio uniuersalis affirmatiua, qua affirmatur prædicatum conuenire subiecto, est falsa, & negatiua, qua negatur prædicatum, tale, puta asinum conuenire subiecto, puta homini, est uera.

Subcontrariæ eodem modo se habent, scilicet quod particularis affirmatiua semper est falsa. Nam bene sequitur, quod si omnem hominem esse asinum est falsum, etiam sequitur, quod aliquem hominem esse asinum, sit falsum, ut, tibi declarabitur in tract. consequentiarum.

Contradictoriæ, ut iam diximus in omni materia, ita se se habent, quod si una est uera, altera est falsa, & econuerso, ergo in materia remota.

Subalterna ita se habent, quod uniuersalis affirmatiua & partic. affirm. sunt falsæ. Nam bene sequitur, si oem hominem esse asinum est falsum, ergo & quendam hominem esse asinum, est falsum. Vniuersalis autem & partic. nega. sunt ueræ. Nam bene sequitur, si nullum hominem esse asinum est uerum, ergo quendam hominem non esse asinum, est uerum. Sed aduerte, quod
ueritatem

ueritatem harum consequentiarum non apprehendes tu nouici,donec consequentiarum tractatū adieris. Ideò pro nūc crede. Cōstat igitur, quomodo quatuor genera oppositionū se habēt ad ueritatē & falsitatē in materia remota.

In materia contingenti, id est quādo prædicatum adest & abest præter subiecti corruptionem, ita quòd nō est de essentia speciei, nec proprietas eius naturalis cōtrariæ ita se habent, quòd tam uniuersalis affirmatiua, quàm uniuersalis negatiua sunt simul falsæ, loquendo absolute & simpliciter, ut Omnis homo est albus, Nullus homo est albus. & ratio huius est, quia in materia contingenti respectu accidentis separabilis, prædicatum inest aliquibus indiuiduis, & aliquibus non est, ut patet de albedine & caliditate, de scientia, & de uirtute in homine. Nā aliqui homines sunt albi, sunt calidi, sunt docti, sunt uirtuosi, aliqui autem sunt opposito modo. Quando ergo aliquibus inest accidens separabile, Vniuersalis negatiua est falsa, quando autem aliquibus non inest, Vniuersalis affirmatiua est falsa, ergo utraq; est falsa. Dixi loquendo absolute, quoniam aliquo casu posito, una est uera, altera falsa puta. Data casu, quòd tantum decē homines essent in mūdo, & omnes uirtuosi. Hæc esset uera stante casu, & non aliter: Omnis homo est uirtuosus siue studiosus. & hæc est falsa, Nullus homo est studiosus. Dixi respectu accidentis separabilis, ut præseruem contrarias factas de accidēte inseparabili. Illæ enim se habent in ueritate & falsitate sicut contrarię in materia naturali. licet enim nō sit fluens a principijs speciei, tamē inseparabiliter cōsequentur omne indiuiduū talis speciei, puta nigredo omnem Aethiopem, albedo omnem niuē. Vnde istæ cōtrariæ nūquā sunt simul falsæ, sed uniuersalis affirmatiua est uera, negatiua autē est falsa.

Sed dices, nunquid in materia cōtingenti sicut possunt esse simul falsæ, etiam possunt esse simul ueræ?

Respondetur quòd nō, duplici ratione. Primò, quia uniuersalis affir. signat prædicatum inesse omnibus indiuiduis cōtēntis sub subiecto, ut, Oīs homo est albus, ergo iste, & iste, & iste, & sic de singulis est albus. Vniuersalis autē nega. signat prædicatū nulli contento sub subiecto, inesse, ut

Nul-

TRACTATUS. TERTIVS.

Nullus homo est albus, ergo nec iste, nec iste, & sic de singulis est albus. sed impossibile est, ut patet, prædicatum nullis suppositis & omnibus & inesse, ergo non possunt esse simul ueræ. Secundò, si possunt esse simul ueræ, ergo & duæ subcontrariæ, ergo & duæ contradictoriæ. Prima cõsequentia patet, quoniam si hæc est uera, omnis homo est albus, & hæc est uera, quidam homo est albus, & si hæc est uera, nullus homo est albus, hæc etiam est uera, quidam homo non est albus. Secunda autem consequentia probatur sic: si propositiones quatuor angulorum ut figurantur supra in tertia figura possunt esse simul ueræ, ergo uniuerſalis affir. & parti. neg. & uniuerſalis neg. & particu. affir. possunt esse simul ueræ. Istæ autem sunt contradictoriæ, ut patet in figura: ergo si duæ contrariæ in materia cõtingenti sunt simul ueræ, etiam duæ contradictoriæ. quòd tamen est impossibile in omni materia, ut diximus. Ex his corollarie sequitur, quòd duæ contrariæ in materia contingenti, non repugnant, nec opponuntur in falsitate, sed in ueritate. Quòd autem repugnent in qualitate, sed non in quantitate, est commune contrarijs in omni materia.

Subcontrariæ in materia contingenti & de accidēte separabili ita se habent, quòd utraque est uera, ut, Quidam homo est albus, Quidam homo non est albus. Nam prædicatum contingens separabile, non necessario inest omni contento sub subiecto, ergo potest aliquibus non inesse, & de facto non inesse, & tunc uerificatus particul. nega. Neque necessario remouetur ab omni contēto sub subiecto, ergo potest aliquibus inesse, & de facto inesse, & tunc uerificatur particularis affir. Dixi de accidente separabili, quoniam si fiunt de accidente inseparabili, dicendū est de eis, ut diximus de subcontrarijs in materia natu. in quibus affir. semper est uera, & neg. semper falsa, & nunquā sunt simul ueræ, nec simul falsæ.

Sed dices, Nunquid possunt esse simul falsæ, sicut possunt esse simul ueræ?

Respondetur, quòd non, quia si hæc est falsa, Quidam homo est albus, ergo & uniuerſalis affir. est falsa, scilicet, Omnis homo est albus. Et si hæc est falsa, quidam homo
non

non est albus, ergo & uniuersalis negatiua est falsa, scilicet nullus homo est albus. Ergo uniuersalis affirmatiua & particularis negatiua, & uniuersalis negatiua, & particularis affirmatiua possunt omnes esse falsæ. Sed sunt contradictoriæ, quæ in nulla materia possunt esse simul ueræ, & neque simul falsæ. Constat ergo, quòd duæ subcontrariæ in materia contingenti non possunt esse simul falsæ, sed simul ueræ, ex consequenti se habent oppositum modo respectu contrariarum. Nam diximus, quòd illæ possunt esse simul falsæ in materia contingenti, sed non simul ueræ: hic autem est opposito modo. Ex his sequitur corollarie, quòd duæ subcontrariæ in materia contingenti, non repugnant in ueritate: sed in falsitate. Quòd autem repugnēt in qualitate, sed non inquantitate, est commune omnibus subcontrarijs in omni materia.

Sed contrà, Videtur quod possunt esse simul falsæ, & arguitur sic: illæ duæ sunt subcontrariæ, cùm sint indefinitæ affirmatiua & negatiua: Homo albus omnem colorem habet: Homo albus nullum colorem habet. & utraq; est falsa, ut patet, ergo &c. Nec obstat, quòd non sunt duæ particulæ sed duæ indefinitæ, quoniam idem est iudicium de particul. & indefinitis in hoc, ut diximus suprâ.

Respondetur, quòd non sunt propriæ subcontrariæ sed potius contrariæ ex parte prædicati propter ly omnē colorem, & ly nullum colorem. Contrariæ autem in materia contingenti, ut diximus, possunt esse simul falsæ. si autem uis eas reducere ad subcontrarias, dices sic: Homo albus omnem colorem habet. Homo albus non omnem colorem habet, & tunc affirmatiua est falsa, & negatiua est uera: Sic dicunt aliqui: Mihi autem uidetur, quòd ex parte prædicati, magis sapiāt naturam cōtradiētoriarum, quàm subcontrariarum. Hæc enim est uniuersalis affirmatiua ex parte prædicati: Homo albus omnem colorem habet, & hæc est particularis negatiua. Homo albus nō omnem colorem habet. Et sic patet, quòd si subcontrariæ uerè, & propriè formantur, non possunt esse simul falsæ.

Contradiētorix in materia contingenti, sicut & in materia naturali & remota ita se habent, quòd si una est uera,

est falsa: Nā si falsum est aliquem hominem currere, multo magis falsum est omnem hominem currere.

Hoc igitur modo habent subalternæ affirmatiuæ in materia contingenti. Subalternæ autem negatiuæ ita se habent, quod si uniuersalis negati. est uera, particularis negati. est uera. Nam bene sequitur. Nullus homo currit, ergo quidam homo non currit. Prædicatum enim uniuersalis negatiuæ, remouetur ab omni contento sub subiecto. Cū ergo quidam homo contineatur sub homine, ut indiuiduū uagum sub specie, si currere remouetur uniuersaliter ab homine, ergo & a quodam homine. Quid autem sit indiuiduum uagum, & signatum, & species, manifestabitur tibi in tract. de quinque prædicabilibus. Si autem uniuersalis nega. est falsa in materia contingenti, non oportet particularem nega. eius subalternam esse falsam. nam si istæ duæ sunt falsæ, Nullus homo currit, Quidam homo non currit, cum contradictoria parti. nega. sit uniuersalis affir. puta, omnis homo currit, quæ est falsa, ut docuimus supra, sequitur quod duæ contradictoriæ essent simul falsæ, quod in nulla materia potest concedi. Constat igitur, quomodo subalternæ in materia contingenti se habent ad ueritatem & falsitatem.

Sed dices, Si duæ subalternæ in materia contingenti possunt esse simul ueræ, ergo non opponuntur in figura.

Respondetur ad hoc, quod duæ categoricæ eiusdem subiecti, & prædicati opponantur in figura, sufficit, quod opponantur, aut in ueritate, aut in falsitate, aut in quantitate, aut in qualitate, ex quo sequitur, quod quanto in pluribus opponuntur, tanto magis opponuntur, & quanto in paucioribus, tanto minus. Vnde contradictoriæ maxime opponuntur, quoniam ut docuimus in nulla materia sunt simul ueræ, & simul falsæ, sed si una est ueræ, reliqua est falsa. In figura autem, ut patet superius, opponuntur in quantitate, & qualitate, & sic omnibus modis opponuntur. Post contradictorias opponuntur contrariæ, quæ docuimus in materia naturali, & remota non posse esse simul ueræ, nec simul falsas in materia autem contingenti posse esse simul falsas, sed non simul ueræ. In figura uero conueniunt in

uantitate, sed differunt in qualitate. Post contrarias opponuntur subcontrariæ, quæ ut docuimus, in materia naturali, & remota repugnant in veritate, & falsitate, in contingenti autem repugnant in falsitate, sed non in veritate. In figura uero conueniunt in quantitate, sed differunt in qualitate. Post subcontrarias, opponuntur subalternæ, quæ in materia naturali, & remota, ut docuimus sic se habent: quod in materia naturali si uniuersalis est uera tã affirmatiua, quàm negatiua, particu. affirm. & negatiua est uera, & e conuerso, idem inuelligit de falsitate. In materia uero contingenti sic se habent, ut docuimus, quod uniuersalis affirm. est falsa, particu. non affirmatiua est uera. Nam licet omnem hominem currere sit falsum, tamen quendam hominem currere est uerum. Si tamen ponatur uniuersalis uera particularis est uera, sed non e contrario. Item si ponatur particu. falsa, uniuersalis erit falsa. Nam si falsum est quendam hominem currere, multo magis falsum est, omnem hominem currere. In figura uero conueniunt in qualitate, sed differunt in quantitate. Constat igitur quomodo apud Logicum subalternæ opponuntur in figura propter diuersam quantitatem, licet non opponantur in qualitate, nec semper in ueritate, & falsitate, licet aliquando sic, aliquando non, ut docuimus. Hæc de oppositionibus categoricarum participantium utroque termino eodem ordine, dicta sunt. Et sic compleuimus doctrinã octauæ diuisionis, in quam diuimus categoricas participantes utroque termino eodem ordine.

Quantum ad diuisionem nonã, quæ fuit, quod categoricarum participantium utroque termino ordine conuerso in triplici materia, quædam conuertuntur simpliciter, quædam per accidens, quædam per contrapositionem, sex agenda sunt. Primò, quid sit conuersio, de qua hic intendimus. Secundò, quot requiruntur ad ueram conuersionem, de qua hic locuturi sumus. Tertiò, an tantum tres sunt species conuersionis, scilicet simplex, per accidens, & per contrapositionem. Quartò, agendum est de conuersione simplici, Quinto, de conuersione per accidens. Sexto, de conuersione per contrapositionem.

Quan-

Quantum ad primū aduerte, quod in doctrina Arist. in ueniunt triplicem conuersionem, scilicet terminorum, quo ad prædicationem, correlatiuorum, quo ad mutuam referentiam propositionum, quo ad extremorum, id est, subiecti, & prædicati transpositionem. Ea quæ est terminorum secundum prædicationem, solet dici conuertibilitas, & est æqualis prædicationi duorum terminorum, ita quod de quocunque prædicatur unus, prædicatur & alter, & hæc conuersio inuenitur inter subiectū & propriā passionē; ut inter hominē & risibile, inter spēm & differentiam essentialem; ut inter hominem & rationale, inter diffinitionē, & diffinitum; ut inter hominem, & animal rationale, & hæc quæ tibi manifestabuntur in trac. de uniuersalibus, & in trac. de consequentijs. Ea, quæ est correlatiuorum, solet dici conuertentia, & est, quod mutuo se referunt, ut, pater filii pater, filius patris filius. Dominus serui dominus. Seruus dñi seruus, & hæc conuersio manifestabitur tibi in predicamento ad aliquid. Ea quæ est propositionum, dicitur apud Logicum transpositio extremorum modo quo nunc tibi manifestabitur. Relicta igitur conuersione primo, & secundo modo dicta, inuestigandum est, quid sit tertio modo dicta.

Tu igitur aduerte, quod conuersio tertio modo dicta solet sic definiri apud Logicos; Conuersio est transpositio prædicati in subiectū, & subiecti in prædicatū duarum propositionum categoricarū participantium utroque termino ordine conuerso. Ut, Homo est animal, Animal est homo. Verum nisi aliud huic definitioni addatur, ita conuenit conuersioni ueræ, sicut conuersioni falsæ. Nam sicut in istis homo est animal, animal est homo, transponitur subiectū in prædicatū, & prædicatū in subiectum, sic & in istis, Omnis homo est animal, Omne animal est homo, & tamen conuersio prima est uera, secunda autem est falsa, ut patet. Quoniam igitur hic intendimus loqui de uera conuersione propositionum categoricarum, quæ diuidenda est in simplicem, & per accidens, & per contrapositionem; addendum est prædictæ definitioni, ut ita conueniat conuersioni bonæ, quod non malæ. Sic igitur definitur, conuersio propositionum categoricarum est

TRACTATUS TERTIVS

transmutatio subiecti in prædicatum, & prædicati in subie-
ctum, ita quod inter, conuertentem, & conuersam, & eon-
uerſo, est vera, & formalis conſequentia, ut hic. Nam be-
ne ſequitur, homo eſt rationalis, ergo rationale eſt ho-
mo, & hic, bene ſequitur, nullus homo eſt aſinus, ergo
nullus aſinus eſt homo. Si igitur inueniſis tranſponi præ-
dicatum in ſubiectum, & eonuerſo, & tamen inter con-
uertentem, & conuerſam non ualere conſequentiam;
ut hic omnis homo eſt animal, omne animal eſt homo. Co-
gnosces, quod et non conuenit definitio uera, & bona
conuerſionis, cuius ſpecies ſingulas conſideraturi ſumus.
Hæc de primo dicta ſunt.

Quantum ad ſecundum aduerte, quod in omni uera, &
bona conuerſione quinque de neceſſitate requiruntur.
Primo, quod ſint due propoſitiones ex eiſde terminis co-
ſtitutæ. Secundo, qd ſint catego. Nā hypotheticæ nō pprie
conuertuntur. Tercio, qd ab una ad aliam ualeat conſeque-
tia. Quarto, quod totū prædicatū primæ, fiat ſubiectū ſe-
cundæ. Totum autē prædicatū, eſt totum quod ſequitur
copulā, nā ut declarabitur tibi in conuerſione ſimplici, ſi
totum prædicatū non fiat ſubiectum, multæ ſient fallaciæ.
Quinto, quod ſi propoſitio fiat de uerbo adiectiuo, reſol-
uatur in ſuum participiū, & in Sum, es, eſt, & participium,
& quicquid ſit adiunctū participio ponat pro ſubiecto ſe-
cundæ. Verbi gratia; Si hæc debet conuerſi. Aethiops ha-
bentes albos reſoluatur ly habet in participiū & ſum,
ſic dicendo, Aethiops eſt habens dentes albos, & ſic con-
uertatur; Habens dentes albos eſt Aethiops. His ſeruatis
nunquam fiet error in conuerſione propoſitionum.

Quantum ad tertium aduerte, quod conuerſio propoſi-
tionum dupliciter conſiderari poteſt. Primo, inquantū de
ſeruit reductioni ſyllogiſmorum qui ſunt indirecte in pri-
ma figura, & qui formantur in ſecunda, & tertia figura.
Omnes enim reduci debent ad quatuor primos modos
primæ figuræ, & reductio fit per conuerſionem propoſi-
tionum, ut tibi manifefſtatur in tract. de ſyllogiſmo for-
malī. Secundo, inquantum eſt paſſio propoſitionū catego-
ricarū, ſue ſint de ineſſe, ſue modales, ſue ſint alicuius

quantitatis, siue nullius. Si consideratur primo modo, tunc pro ueritate non sunt nisi duæ species conuersionis, scilicet Simplex, & per accidens. Iste enim tantum deseruiunt reductioni syllogismorum, ut patebit in tractatu de syllogismo. Vnde & Aristot. non fecit mentionem in lib. primo, nisi de his duabus, prætermittens conuersionem per contrapositionem. Si autem consideratur secundo modo, sic sunt tres, scilicet simplex, per accidens, & per contrapositionem. Cuius sufficientiæ ratio hinc sumitur, in omni conuersione est transmutatio prædicati in subiectum, & subiecti in prædicatum. Vel ergo in huiusmodi transmutatione termini habent positionem contrariam, ita quod si in conuersa sunt termini finiti, in conuertente transmutantur in infinitos, ut declarabitur infra. Et sic fit conuersio per contrapositionem, quæ est tertia species. Vel habent consimilem positionem, ita quod in utraque propositione permanet fini. Et hoc dupliciter, quia aut habent consimilem positionem conuertibiliter, id est seruata eadem qualitate, & quantitate, & sic fit conuersio simplex, aut habent consimilem positionem, sed non conuertibiliter, quia necesse est mutare quantitatem, & sic fit conuersio per accidens, & id tibi manifestum erit infra. Tres igitur sunt famosæ apud Logicos conuersionis species, quas etiam persequitur Boëtius in lib. suo de syllogismis. Dico famosæ, quoniam nonnulli moderni inuenerunt duas alias conuersionis species, quatum una est conuersio propositionum nullius quantitatis: ut exclusiue, & reduplicatiue. Nam sic conuertitur exclusiua tantum, homo est rationalis, omne rationale est homo. Reduplicatiua autem sic conuertitur, Homo in quantum homo, est rationalis. Rationale, est homo, in quantum homo. Item propositionum modalium; ut, hominem esse album est possibile; ergo possibile est hominem esse album. Item alii imaginati sunt duas alias species. Prima est, quando mutatur qualitas, & non quantitas; ut hic, omnis homo est animal, omne animal non est homo. Secunda est, quando mutatur quantitas, & qualitas; ut hic, Omnis homo est animal, aliquod animal non est homo. Verum quia huiusmodi conuersiones non

sunt in usu, nec nobis deseruiunt pro reductione syllogismorum, ideo immorabimur circa primam & secundam speciem, tangentes breuiter de tertia, omnibus aliis relictis. Quantum igitur ad conuersionem simplicem, duo agenda sunt. Primo, quid sit. Secundo, quae seruanda sunt, ut sit uera, & bona conuersio, ita quod a conuersa ad conuertentem ualeat consequentia.

Quantum ad primum aduerte, quod sic diffinitur, Conuersio simplex est transpositio praedicati in subiectum, & subiecti in praedicatum, manente eadem quantitate, & qualitate propositionum, absque alia terminorum compositione mutatione facta.

Primo dicitur, transpositio loco generis; est enim quid communius transpositio praedicati in subiectum, & econuerso, quam conuersio simplex. Nam omnis conuersio propositionum est transpositio praedicati in subiectum, & econuerso; & tamen non omnis conuersio est conuersio simplex, tum eius sint tres species.

Secundo dicitur, manente eadem quantitate, & qualitate propositionum, ita quod si una est affirmatiua particula, scilicet conuertens sit affir. particu. ut hic; quidam homo est animal, ergo quoddam animal est homo. Esi una est uniuersalis nega. conuertens sit nega. uniuersalis; ut hic; nullus homo est asinus, ergo nullus asinus est homo. Et aduerte duo. Primo, quod per hanc particulam, differt conuersio simplex a conuersione per accidens, in qua mutatur quantitas, sed non qualitas; ut tibi declarabitur. Secundo, quod licet partic. indefinita, & singu. sine distinctae quantitates, quantum ad modum pronuntiandi, & quantum ad terminum, qui subiicitur, ut docuimus supra; tamen quantum ad modum conuertendi reputantur, ac si essent eiusdem quantitates, ita quod quae conuersione conuertitur particula eadem conuertitur indefinita, & singu. Vnde ad hoc, quod seruetur eadem quantitas, sufficit obseruare, ne conuertatur uniuersalis in particularem indefinitam, aut singularem, nec econuerso, scilicet particula indefini. aut singula. in uniuersalem. Quod autem conuersa sit particu. & conuertens sit indefini. aut singu.

aut singul. aut e conuerso, propter hoc non mutatur quantitas, quoniam ut diximus in modo conuertendi reputantur eiusdem quantitatis. Vnde patet, quod per conuersionem simplicem, singularis potest conuertere in particularem & indefinitam, modo omnes sint affirmatiuæ, Nam bene sequitur. Sortes est homo, ergo quidam homo est Sortes, ergo homo est Sortes.

Tertiò dicitur, absque alia terminorum & c. ut per hoc differat a conuersione per contrapositionem. Nam licet in ea non mutetur quantitas, nec qualitas propositionum, tamen mutantur termini finiti in infinitos, ut infra declarabitur, Constat igitur tibi quid sit conuersio simplex.

Quantum ad secundum aduerte, ut simplex conuersio sit uera & bona, ita quod a conuersa ad conuertentem semper sit bona consequentia, septem obseruanda sunt.

Primò, si conuersa sit per uerbum adiectiuum, antequàm conuertatur resoluat uerbum in participium, & Sum es, est, & nunc participium, & si quid adiungitur participio, totum ponatur pro subiecto conuertentis, nam si solum additum participio ponatur pro subiecto, fiet error. Verbi gratia, Sortes uidet lapidem, non potest sic conuertere, ergo lapis uidet Sortem. Sed prius sic resoluat, Sortes est uidens lapidem, & tunc sic conuertatur, Videns lapidem, est, Sortes. Idem intellige de omnibus aliis categoricis formis per uerbum adiectiuum.

Secundo, si conuersæ copula est, Sum es est, & post copulam sequitur casus obliquus, puta ablatiuus antequàm conuertatur, sumatur participium, quod est Ens, siue existens, & simul cum casu obliquo fiat subiectum conuertentis, aliter fiet error. Verbi gratia. Sortes est in Pado, non potest sic conuertere, Padus est in Sorte. Sed sic, ens uel existens in pado est Sortes. Idem intellige de omnibus consimilibus.

Tertiò, si subiectum conuersæ sit casus obliquus, ut contingit in oratione facta per uerbum impersonale, antequàm conuertatur reducat ad rectum, & tunc fiat sic conuersio. Sor. interest disputare, Ille cuius interest disputare est Sortes. Me tædet uiuere. Ille quæ tædet uiuere, sum ego.

TRACTATUS TERTIVS

Quarto nullus terminus distribuatur in conuertente, qui non sit distributus in conuersa, aliter argueretur a positione superioris ad positionem inferioris, quæ cōsequētia non ualeat, ut declarabitur tibi in tract. de cōsequentijs, sed pro nunc sustine, ne inuoluaris. Hac de causa per conuersionem simplicem non conuertitur particu. neg. in se ipsam, sicut conuertitur particu. affir. nec uniuersalis affir. in se ipsam, sicut conuertitur uniuersalis nega. in se ipsam. Et huius ratio erit tibi manifesta in tract. de suppositionibus, & in tracta. de consequentijs. Pro nunc crede sic esse, donec noueris es.

Quinto, tam in conuersa quàm in conuertente, teneantur termini æquè amplè, & æquè strictè, aliter si in una teneantur amplè, & in altera strictè, & ecōuerso, sequuntur manifestissimi errores. Hæc autem tibi clara erunt in tract. de ampliacione & appellatione, pro nunc crede sic esse.

Sexto, teneantur termini æquè strictè secundū congruitatem grammaticalem, aliter sequitur error. Verbi gratia, hæc est uera, Nullus homo est mulier. Hæc autem est falsa, nulla mulier est homo, quoniam homo in conuersa stat pro genere masculino, in conuertente autem pro genere communi, restringatur ergo in conuertente ad genus masculinum, sic, nulla mulier est aliquis homo.

Septimo signum appositum subiecto conuersæ, apponatur toti subiecto cōuertentis, si oportuerit ipsum apponi. Verbi gratia, Quidam homo est albus, ergo quoddam album est homo. Nullus alinus est uolans, nullum uolans est alinus. Dixi, si oportuerit ipsum apponi, ut præseruem propositionem cōuertendam, cuius prædicatum est terminis discretus, ut hic. Quidam homo est Plato, ergo Plato est homo. Non enim oportet ly Plato, apponi signum quidam, quia est indiuiduum signatum. His igitur seruatis nunquam fiet error in conuersione simplici, & a conuersa ad conuertentem ualebit cōsequētia. Hæc de conuersione simplici dicta sint.

Quantum ad conuersionem per accidens, duo agenda sunt. Primo, quid sit. Secundo, quot obseruanda sunt, ne in ea fiat error.

Quantum

Quantum ad primum, aduerte antequam diffiniatur, quòd sicut præcedens species dicitur conuersio simpliciter, quia propositio conuertibilis simpliciter conuertitur per seipsam & non mediante alia, ut hæc per seipsam conuertitur in suam conuertentem, Homo est animal, animal est homo. & hæc, nullus homo est lapis, nullus lapis est homo. In conuersione autem per accidens, conuersa non conuertitur in suam conuertentē per seipsam, sed per aliam, nam oportet sub conuersa facere de sensu distributionum ex parte subiecti deinde aliquam acceptam sub tali de sensu conuerti simpliciter, & mediante ea conuertetur uniuersalis affirmatiua uel negatiua per accidens. Verbi gratia, Omnis homo est animal, ergo hic homo est aīal, & hic homo, & hic homo, &c. ergo per conuersionem simplicem quoddam animal est homo. Sequitur ergo mediante propositione simpliciter cōuersa, quòd si omnis homo est animal, quoddam animal sit homo. Dicitur ergo conuersio per accidens, quia uniuersalis affir. & neg. conuertitur in particularem affir. & nega. mediante particulari uel singulari conuersa simpliciter, modo quo exposuimus, & sic dicitur conuersio per accidens, idest mediante alia propositione, & non per seipsam.

His præpositis aduerte, quòd conuersio per accidens sic definitur, Conuersio per accidens, est transpositio prædicati in subiectum, & subiecti in prædicatum manente eadem qualitate, sed mutata quantitate, in qua conuertitur affir. uniuersalis in particularem affir. & nega. uniuersalis in nega. particulare. Vt, Omnis homo est animal, ergo quoddam animal est homo, nullus homo est lapis, ergo quidam lapis non est homo.

Primo dicitur transpositio, &c. intelligendum est eadem ratione, quā & in definitione conuersionis simplicis.

Secundò dicitur, seruata eadem qualitate, sed mutata quantitate, ut differat a conuersione simplici, & per contrapositionē, in quibus nō mutatur qualitas nec quantitas.

Quantum ad secundum aduerte, quòd in conuersione per accidens, ut sit bona consequentia a conuersa ad conuertentem, tria obseruanda sunt.

Primò

Primo, non fiat transitus a suppositione ad suppositionem sibi repugnantem: Repugnat autem materialis formali, & simplex personalis, ut tibi declarabimus in tract. de suppositionibus: Defectu huius, hæc non est bona cōuersio: Nullus homo est species. Ergo quædam species non est homo: Nam homo in cōuersa supponit personaliter, & est uera, in cōuertente autem supponit simpliciter, & est falsa. Vt ergo fiat homo in cōuertente personaliter, cōuertatur sic, ergo quædam species non est aliquis homo. Signa enim uniuersalia & particularia si sunt eiusdē generis cum termino cui adiunguntur, trahunt ipsum ad suppositionem personalem, ut tibi declarabitur loco suo. Pro tunc credes sic esse:

Secundo, teneantur termini tam in cōuersa, quam in cōuertente æque amplè, & æque stricte. Defectu huius, hæc cōuersio non ualet, Nullus homo est mulier, Ergo quædam mulier non est homo. Nam in cōuersa stat homo pro masculis tantum, in cōuertente autem stat pro masculis & foeminis. Vt ergo fiat uera cōuersio, & homo in cōuertente teneatur pro masculis tantū, sicut in cōuersa, dicatur sic, Ergo quædam mulier nō est aliquis homo.

Tertio, ut uideas aperte, quod conuenienter cōuertitur uniuersalis affirmatiua in particularem affirmatiuam, & uniuersalis negatiua, in particularem negatiuā. sub uniuersali affirmatiua accipe suam subalternam, & eam cōuerte simpliciter, & tunc uidebis quomodo per cōuersionem per accidens sequitur ad uniuersalem affir. Verbi gratia. Omnis homo est animal, Ergo quidam homo est animal, hæc est sua subalterna, & hæc sic cōuertitur per cōuersionem simplicem. Ergo quoddam animal est homo. Ad istam ergo, Omnis homo est animal, sequitur per cōuersionem per accidens, Quoddam animal est homo. Eodem modo intellige de uniuersali negatiua & particulari negatiua. Nam bene sequitur per cōuersionem simplicem, Nullus homo est lapis, ergo nullus lapis est homo. & ad hanc sequitur sua subalterna, scilicet quidam lapis non est homo. Ad istam ergo nullus homo est lapis, sequitur per cōuersionem per accidens, quod quidam lapis non est homo.

homo. Hæc de conuersione per accidens dicta sint.

Quantum ad conuersionem per contrapositionem, duo agenda sunt. Primò, quid sit. Secundò, declarandum quomodo uniuersalis affirmatiua conuertitur in seipsam per contrapositionem, & similiter quomodo particu. negatiua in seipsam.

Quantum ad primum aduerte, quòd sic definitur. Conuersio per contrapositionem est transpositio subiecti in prædicatum, & econuersò, non mutata quantitate nec qualitate propositionum, sed mutatis terminis finitis in terminos infinitos, per quam conuertitur uniuersalis affirmatiua in se, & particu. negatiua in se.

Primò dicitur transpositio subiecti, & c. eadem ratione sicut dictum est in prima & secunda specie.

Secundò dicitur, manente eadem quantitate, & qualitate propositionum, & in hoc non differt a conuersione simplici, licet differat a conuersione per accidens. Ut autem differat a conuersione simplici, & per accidens, additur mutatis terminis finitis in terminos infinitos. Quid autem sit terminus finitus, & terminus infinitus, uide supra in diuisione septima terminorum. Uniuersalis autem affirmatiua sic conuertitur, Omnis homo est animal, Ergo omne non animal est non homo, particu. autem negatiua sic conuertitur, Quidam homo non est lapis, quidam non lapis non est non homo. Dicitur autem conuersio per contrapositionem, quia termini non solum transmutantur quoad situm prout subiectum fit prædicatum, & econuerso. Hoc enim est commune omni conuersioni propositionum, sed etiam quoad significatum. Nam significatum termini finiti, opponitur significato termini infiniti, ut patet ex definitionibus eorum, ut docuimus in septima diuisione terminorum. Constat igitur quid sit, & quare dicitur conuersio per contrapositionem.

Quantum ad secundum aduerte, quòd omnis categorica alicuius quantitatis conuertibilis, est per aliquam trium specierum conuersionum, de quibus nunc agimus. Et quoniam per simplicem non conuertitur nisi uniuersalis negatiua in se, & particularis affirmatiua in se, & per conuersionem per accidens

non

non conuertitur uniuersalis affirmatiua in se, sed in particu-
 lara affirmatiua, & uniuersalis neg. non conuertitur in se,
 sed in particu. neg. conuertitur autem per conuersionem
 simplicem, restat conuertere uniuersalem affir. in uniu-
 salem affir. & particu. neg. in particu. neg. Non possunt au-
 tem conuerti per conuersionem simplicem. Cōstat enim,
 quod si uniuersalis affir. conuertitur in seipsam per con-
 uersionem simplicem non ualet consequentia formaliter,
 sed tantum gratia materiæ, puta quando termini sunt con-
 uertibiles, ut patet hic, Omnis homo est risibilis, ergo o-
 mne risibile est homo. absolute autem non ualet, ut patet
 hic, Omnis homo est animal, nō sequitur, Ergo omne ani-
 mal est homo. Similiter non ualet consequentia formali-
 ter, si conuertatur particu. neg. in seipsam, sed tantū gratia
 materiæ. Verbi gratia, licet ualeat hic. Quidam homo non
 est asinus, ergo quidam asinus non est homo, tamen non
 ualet in omnibus. Non enim ualet hic, Quoddam animal
 non est homo, ergo quidam homo non est animal. Nam
 conuersa est uera, conuertens autem est falsa. Necessē est
 ergo dare tertiam speciem, per quam infallibiliter & uni-
 uersaliter conuertatur uniuersalis affir. in se, & partic. neg.
 in se. Hāc autem inuenit Boetius, ut habemus ex libro suo
 de syllogismo categorico, quæ dicitur conuersio p contra-
 positionem ex causā, quam suprà diximus, & quoniā Aris-
 in lib. i. Priorum, de ea non fecit uerbum: ideo dicit partic.
 neg. non conuerti, quoniam non conuertitur simpliciter
 nec per accidens. Tu autem scias, quod per contrapositio-
 nem conuenienter conuertuntur uniuersalis affir. & par-
 ticu. neg. in seipsas mutatis terminis finitis in ter. infini-
 tos. Et primò, quod uniuersalis affir. puta, Omnis homo
 est animal, conuertatur in istam, Omne non animal est nō
 homo, declaratur sic: Omnis homo est animal, ergo nul-
 lus homo est non animal. nam cum animal & non animal
 contradicant, si animal affirmatur de homine, de eo ne-
 gatur non animal. Tunc ultra, Si nullus homo est non ani-
 mal, ergo per conuersionem simplicem, nullum non ani-
 mal est homo. Tunc ultra, Si nullum nō animal est homo,
 ergo omne non animal est non homo. Nam cum homo &

non homo contradicant, si homo non uerificatur de non animali, de eo uerificatur non homo, ergo ita est bona cōuersio, Omnis homo est animal, ergo omne non animal est non homo. Quod autem partic. neg. puta quidam homo non est asinus, bene, cōuertatur in seipsam mutatis terminis finitis in terminos infinitos, sic contendendo, Quidam non asinus non est non homo, declaratur sic, Quidam homo non est asinus ergo quidam homo est non asinus. Nam ut tibi declarabitur in trac. de consequentijs, à negatiua de prædicato finito, ad affir. de prædicato infinito ualeat consequentia. Tunc ultrà, Quidam homo est non asinus, ergo per cōuersionem simplicem, quidam, nō asinus est homo. Tunc ultrà, Quidam non asinus est homo, ergo quidam non asinus non est non homo, per locum a contradictorijs. Bene ergo sequitur per contrapositionē, quod hæc sit bona cōuersio. Quidam homo non est asinus, ergo quidam non asinus non est non homo. Hæc de cōuersione per contrapositionem dicta sint, quam non tradit nobis Arist. utpote non necessariam ad reductionem syllogismorum. Et præterea non uerè seruetur identitas terminorum quo ad significatum, cum terminus finitus & terminus infinitus habeant opposita significata. Ad formalem autem & perfectam cōuersionē, requiritur quod conuertens & conuersa, sint propositiones participantes utroque termino, ordine tamē conuerso, & ideo hanc tertiam speciem sic pertractasse sufficiat.

Ultimo aduerte, quod Logici inuenerunt quatuor uocales, quibus designarent uniuersalem affirmatiuam & negatiuam, & particu. affir. & nega. conuertibiles. Vocales sunt, a, e, i, o. a significat uniuersalem affirmatiuam, e uniuersalem negatiuam, i particu. affir. o particu. nega. & composuerunt hos uersus declarantes propositum.

Asserit a, negat e, sunt uniuersaliter ambe.
Asserit i, negat o, sunt particulariter ambe.

Ad cognoscendum autem qua specie cōuersionis conuertantur, composuerunt hunc uersum.

Ecce tibi, sim. armi. geros ac, arma. bono. con.

Et sic exponitur. Sim. i. per cōuersionem simplicem cō-

uertitur,

uertitur, ecce, id est e in e, id est uniuersalis negatiua in uni-
 uersalem negatiuam, tibi, id est i in i, id est, particularis af-
 fir. in particul. affir. Ac, id est, per conuersionem per acci-
 dens conuertitur. armi, id est a in i, id est uniuersalis affir.
 in particul. affirma. geros, id est e in o, id est uniuersalis ne-
 ga. in particul. neg. con. id est per conuersionem per contra-
 positionem conuertitur. arma, id est a in a, id est uniuersa-
 lis affirmatiua uniuersalem affir. bono, id est o in o, id est parti-
 ticu. neg. in particul. neg. De indefinita autem & singulari
 non fit particularis metio, quoniam eodem modo conuer-
 tuntur sicut & particularis tam affirmatiue, quam negati-
 ue. Hæc de conuersionibus dicta sunt. Et hic terminatur
 consideratio de propositione categorica de inesse, & de
 omnibus eius præmissis nouem diuisionibus. Sequitur
 consideratio de propositione hypothetica, & omnibus ei-
 us speciebus.

De propositione hypothetica, et eius speciebus. Cap. III.

In hoc tertio capite agendū est de propositione hy-
 pothetica: de qua tria agenda sunt. Primò, quid sit. Secun-
 dò, quare dicitur hypothetica, Tertiò, agendum est de sin-
 gulis speciebus eius.

Quantum ad primum aduerte, quòd sic definienda est.
 Propositio hypothetica est propositio, in qua coniungun-
 tur plures categoricæ, uel plures orationes habentes mo-
 dum categoricarum, coniunctæ per notam coniunctionis,
 tanquam principales partes sui.

Primò ponitur propositio loco generis: est enim cōmu-
 nior propositio, quàm propositio hypothetica. Nam & ca-
 categorica est propositio, & tamen non est hypothetica, se-
 habet igitur propositio ad propositionem hypotheticam,
 sicut genus ad speciem.

Secundò dicitur, in qua coniunguntur plures cate-
 goricæ &c. ad differentiam categoricæ, in qua solum coniu-
 guntur subiectum, & prædicatum per copulam uerbalem,
 ut, Homo est albus.

Tertiò dicitur, ut plures orationes, quoniam contingit
 fieri hypotheticam, & præcipuè conditionalem per alios
 modos uerbi, quàm per indicatiuum, per quem solū fit ue-

ra categorica, ut docuimus in cap. præcedent. i. Verbi gratia, hæc est conditionalis uera; Si homo habet alas, potest uolare: sufficit autem, quod istæ orationes assimilentur categoricæ in eo, quod habent subiectum, prædicatū, & copula, ut principales partes sui: & quod reduci possint ad ueras categoricas sic: Si homo habet alas, potest uolare.

Quartò dicitur, coniunctas per notam conjunctionis, quia, nisi sic coniungerentur, hypothetica non posset dici una propositio; sed plures simpliciter, sicut hic; Sortes est homo. Brunellus est asinus. Dicitur autem propositio conjunctione una. Vnde aduerte, quod sicut copula uerbalis uniens prædicatum cum subiecto, facit categoricam esse propositionem unam simpliciter. sic nota conjunctionis uniens plures categoricas, facit hypotheticam esse propositionem conjunctionem unam.

Quintò dicitur tanquam principales partes sui, ut in hoc formaliter & completiue distinguatur à categorica. Nam partes principales propositionis sunt illæ, in quas primò & immediate resoluitur. Sicut autem categorica primò & immediate resoluitur in subiectū & prædicatū; ita hypothetica primò & immediate resoluitur in categoricas componentēs ipsam, uel in orationes habentes modū categoricarū, & illæ in terminos suos, meritò ergo dicitur tanquam principales partes sui. Cōstat igitur tibi, quid sit hypothetica propositio.

Quantum ad secundum aduerte, quod hypothetica est terminus Græci idiomatis, & Latinæ sonæ suppositiua, eò quod ὑπὸ est sub, & θέσις positio. Dicitur ergo hypothetica, quod propositio suppositiua, eò quod in hypothetica, secunda propositio uel oratio supponitur primæ ut sequens ab ea. Nam secunda se habet ad primam, sicut consequens ad antecedens, ut patet in ista; Si Sortes est homo, Sortes est animal. Nam ex eo quod est homo, sequitur quod sit animal, & sic fundatur in prima, id eò dicitur supponi, id est poni sub prima per consequentiam, ut patet.

Sed dicet, Ergo sola conditionalis erit hypothetica, quia in ea sola subordinatur secunda primæ, ita quod ordinariè id obseruatur, de necessitate cōsequentia. Nam in copu-

Jatiua nihil refert; quæ ex categoricis ponatur in primo loco, & quæ in secundo. Verbi gratia, Sortes currit, & Plato dormit, nihil refert si secunda ponatur in primo loco, & prima in secundo, sic, Plato dormit, & Sortes currit. Idem intellige de disiunctiua, nihil enim differt si dicatur, Sortes uel est homo, uel est asinus, & sic, Sortes uel est asinus, uel est homo, ergo sola conditionalis est hypothetica, sumendo hypotheticam pro suppositiua.

Respondetur, si consideratur hypothetica quantum ad id, cui nomen imponitur, & quantum ad famosum modum loquendi non solum conditionalis, sed & copulatiua & disiunctiua dicuntur hypotheticae, eo quod in eis coniunguntur plures categoricae per notam coniunctionis, sicut & in conditionali. Si autem consideretur, quantum ad id, a quo nomen imponitur, scilicet a suppositione, tunc sola conditionalis est uere & proprie hypothetica, quoniam in ea sola, ut obiectio probat consequens, & ea cui supponitur dicitur antecedens: & huius sententiae uideatur fuisse Boetius, qui in libro suo de syllog. hypotheticis inquit, propositio uero omnis aut categorica est, quæ prædicatiua dicitur, aut hypothetica, quæ conditionalis uocatur. Et in j. lib. Topi. suorum inquit: Conditionalium propositionum quas Graeci hypotheticas uocant, partes sunt simplices categoricae, quarum quæ prius est, dicitur antecedens, & quæ posterius, consequens, & sic constat solas conditionales esse uere hypotheticas, alias uero magis secundum usum loquendi. Quantum ad tertium aduerte, quod si teneatur hypothetica strictè, ut iam diximus, non se extendit nisi ad conditionalem expresse, ea enim, est proprie suppositiua, etiam ideas, uirtualiter reducuntur ad conditionales, ut causalis & rationalis. Nam in causali prima propositio est antecedens, secunda autem consequens, ut hic. Quia sol est super terram, dies est. In rationali similiter, ut hic, Sortes est rationale, ergo est homo. Si autem sumatur secundum usum famosum, sub se continet conditionalem copulatiuam & disiunctiuam, & in his tribus speciebus concordant communiter antiqui & solenniores Logici. Quod dico, quoniam ex aliquibus modernis, non habetur determinatus nume-

ris harum specierum. Nam aliqui ponunt quinque, illis tribus addentes duas, scilicet causalem, & temporalem, ut hic, quando Sortes legit, Plato dormit. Quia Sortes legit, Plato ad discit, aliqui plures. Sed ne te inuoluam, nolo singulas recitare. Sufficit tibi quod quæcunque aliæ assignantur, non sunt uerè hypotheticæ, sed similitudinariæ, præter eas, quæ ad conditionales reducuntur, ut causalis, & rationalis. Reliquæ autem ut localis, & temporalis, & similitudinaria, & comparatiua, non possunt dici hypotheticæ, nisi quia in eis continentur duæ orationes coniunctæ per aliquam notam coniunctiuam, siue sit aduerbiū, siue coniunctio, ut patet in istis. Sortes dormit, ubi Plato comedit, ego dormio, quando tu uigilas. Sicut Sortes interrogatur, sic respondet, tam bonus est Sortes, quam bonus est Plato. Unde omnes istæ dicuntur esse categoricæ distinctæ. nec hypotheticæ sunt, nisi per quandam similitudinē, eò quod una non supponitur alteri per modum necessariæ cōsequentiæ, sicut se habent conditionales, & reducibiles ad eas, ut causalis, & rationalis. Sufficit igitur tractare in primis de uerè hypothetica, quæ dicitur conditionalis. Deinde de copulatiua, & disiunctiua, quæ secundum uniuersalem modum loquendi dicuntur hypotheticæ.

Quantum ad conditionalem tria agenda sunt. Primò, quid sit. Secundò quotuplex sit. Tercio, quid requiritur ad eius ueritatem & falsitatem.

Quantum ad primum aduerte, quod sic definitur, Conditionalis est propositio hypothetica, in qua coniunguntur plures categoricæ per hanc coniunctionem, si ex quibus categoricis prima dicitur antecedens, secunda autem consequens.

Primò dicitur propositio hypothetica, quæ est ut genus secundum modum famosum loquendi ad conditionalem, & copulatiuam, & disiunctiuam.

Secundò dicitur in qua coniunguntur plures categoricæ, quod est intelligendum formaliter, ut hic; Si tu curris, tu moueris. Vel uirtualiter, ut quando coniunguntur duæ orationes habentes modum categoricarum, ut hic; Si uenisses ad me saluasset te.

TRACTATUS TERTIVS.

Tertio dicitur per hanc cōiunctionem si, ut ex hoc differat a copulatiua, in qua partes coniunguntur per hanc notam, Et. Et a disiunctiua, in qua coniunguntur per, Vel.

Quarto dicitur, ex quibus prima dicitur antecedens, secunda autem cōsequens. Nā omnis conditionalis est consequentia. In omni autem consequentia, propositio prima dicitur antecedens, secunda autem consequens, quoniam ordine illationis sequitur ad primam. Nam hæc propositio. Sortes est animal, sequitur ad istam antecedentem: Sortes est homo. Nam bene & necessariè sequitur. si Sortes est homo. Sortes est animal. Constat igitur, quid sit conditionalis. Et aduerte, quòd propter ordinem necessarium, quem cognoscimus inter orationes cōponentes conditionalem reducimus ad eam propositionem causalem, & rationalem. Exemplum primi. Quia sol est in Cancro, dies longi sunt. Exemplum secundi, Tu curris, ergo tu moueris.

Quantum ad secundum aduerte, quòd cōditionalis potest fieri affirmatiuè, & negatiuè. Affirmatiuè quidè, quando nota cōditionis affirmatur, ut hic. Si tu es homo, tu es risibilis. Negatiuè autem, quādo ipsa nota negatur, ut hic, Non si tu es homo, tu es lapis. Vnde aduerte, quòd sicut affirmatio & negatio copulæ uerbalis, facit categoricam affirmatiuam, & negatiuam, sic affirmatio & negatio notæ conditionis, facit conditionalem affirm. & nega.

Negatiua autem fit tribus modis. Primo, quando negatio præponitur immediate ipsi notæ, sed non toti cōditionali, ut hic, Tu es homo, non si tu es asinus. Secundo, quādo negatio præponitur toti conditionali, sed non immediate ipsi notæ, ut, hic, Non tu es homo si tu es asinus. Tertio, qñ negatio præponitur toti conditionali, & immediate ipsi notæ: ut hic, Non si tu es homo, tu es asinus; & hic est modus ordinarius formandi conditionalem negatiuam. Affirmatiua uero regulariter fit uno modo, quando scilicet nota conditionis præponitur toti conditionali: ut hic, Si tu es albus, tu es coloratus.

Quantum ad tertium aduerte, quòd ueritas conditionalis dupliciter manifestatur: Primò sic, Ad ueritatem

eius requiritur, quod antecedens non possit esse uerum si
 ne consequente, id est, quod si ponis antecedens, ponas
 consequens: ut hæc est uera: Si tu curris, tu moueris. Nā
 non potes ponere antecedens quin adfit consequens. Im-
 possibile est enim te currere, si ponis te non moueri. Se-
 cundò sic. Ad ueritatem conditionalis requiritur, quod op-
 positum consequentis repugnet antecedenti; ita quod nō
 possunt stare simul antecedens, & oppositum consequen-
 tis. Verbi gratia, hæc est uera: Si tu es homo, tu es animal.
 Nam te esse hominem, & te non esse animal; quod est op-
 positum consequentis, non se compatiuntur, nam ex op-
 posito inferitur oppositum. Sicut enim sequitur: Tu es
 homo, ergo tu es animal; sic ex opposito sequitur: Tu non
 es animal, ergo tu non es homo. Et aduerte, quod isti duo
 modi, quibus manifestatur ueritas conditionalis, tendunt
 in idem, quo ad sensum. Nam idè antecedens non potest
 stare sine consequente in uera conditionali; quia opposi-
 tum consequentis repugnat antecedenti. Et ratio dicto-
 rum est, quia conditionalis est consequentia: ut decla-
 rabitur in trac. de consequentijs. Quæ ergo requiruntur
 & sufficiunt ad ueram consequentiam, requiruntur & suf-
 ficiunt ad ueram conditionalem. Ad ueram autem conse-
 quentiam, ut tibi declarabitur in principio trac. de conse-
 quentijs, oportet quod oppositum consequentis repugnet
 antecedenti; ideo hæc est uera, Tu es homo, ergo tu es
 animal: Nam hæc duo repugnant, Tu es homo, & tu nō
 es animal. Hæc autem est falsa, Tu es homo, ergo tu es
 Papa. Stat enim quod tu non sis Papa, & tamen quod sis
 homo. Cum igitur uera conditionalis sit consequentia ue-
 ra; eadem requiruntur & sufficiunt in utraque.

111 Falstas autem conditionalis modis oppositis manife-
 statur. Primò sic; ad falsitatē conditionalis requiritur quod
 antecedens possit esse uerū sine consequente, id est, quod
 stet antecedens etiā q̄ remoueatur consequens, & ponat̄
 eius oppositū. Verbi gratia, hæc est falsa, Si tu es homo, tu
 es iustus, stat. n. q̄ tu sis homo, & non sis iustus. Secūdo sic,
 & redit in idem, quo ad sensum. Ad falsitatē conditionalis
 requiritur & sufficit, quod oppositum consequentis nō a-

TRACTATUS TERTIVS

repugnet antecedenti. Vnde hæc est falsa, Si tu es homo, tu sedes. Nam hæc duo non repugnant, tu es homo, & tu non sedes, & ratio quidam horum est, quia ut diximus cōditionalis est consequentia. Ad consequentiam autem falsam, ut uidebis in tracta. consequentiarū, in principio, sufficit, quodd oppositum consequēis stet cum antecedente. Constat igitur quid requiratur & sufficiat ad ueritatem, & falsitatem conditionalis. Quot modi autem arguendi, tam boni, quā mali trahantur a condicionali, manifestabitur tibi in tractatu de consequentiis, ubi de hoc particulatiter tractabimus. Pro nunc ut nouitius sustine.

Ex omnibus prædictis sequuntur ex cōi sententia Logicorum duo cōrollaria. Quorum primum est; quodd non oportet in specie considerare de possibilitate, & impossibilitate, nec de necessitate, & contingentia conditionalis, quoniam sub uera continetur necessaria, & possibilis, sub falsa autem continetur impossibilis. Nulla uero est contingens. dicitur enim, quodd omnis uera est necessaria, ex consequenti possibilis, & omnis falsa impossibilis, ex consequenti non contingens, ut declarabitur tibi in cap. de modalibus. Ut autem scias quomodo omnis uera est necessaria, aduerte, quodd non est necessaria, quia scilicet antecedens sit necessarium, & consequens similiter, ut hic.^o Si homo est animal, est animatus. Nam potest antecedens esse possibile, & consequens similiter, & esse contingens, & consequens similiter, & antecedens impossibile, & consequens similiter, & tamen condicionalis erit uera, & necessaria. Exemplum primi, Si sortes est iustus, deletatur iustitia. Exemplum secundi, Si Sortes sedet, quiescit. Exemplum tertii, Si Sortes est asinus, est rudibilis. Omnes istæ sunt ueræ, quia non stat antecedens sine consequente, ut patet, & tamen nec antecedens, nec consequens sunt necessaria in se, sed dicitur necessaria ex infallibili sequela consequentis ex antecedente. Nā ex antecedente siue necessario, siue possibili, siue cōtingenti, siue impossibili necessitate illationis sequitur consequens, at stante hoc antecedente, Tu curris, necessario sequitur, ergo tu mone-
ris. Constat ergo, quodd in quo sensu omnis uera condi-

tionalis est necessaria, ex consequenti est possibilis. Nam possibile alium sequitur ad necesse, sicut genus ad speciē; Quid autem sit possibile alium, declarabimus in ca. de modalibus; pro nunc sustine. Quomodo autem omnis falsa sit impossibilis, aduerte, quod non dicitur impossibilis impossibilitate antecedentis, aut consequentis. Stat enim antecedens, & consequens esse impossibilia, scilicet, Sortes est asinus, & Sortes est rudibilis, & tamen hæc conditionalis est uera, Si Sortes est asinus, Sortes est rudibilis. Dicitur igitur omnis falsa impossibilis, quoniam cum omnis uera sit necessaria, modo quo oppositum est, & falsa opponatur ueræ, oportet ipsam esse impossibilem: quoniam si dantur duo opposita, puta Sortem esse asinum, & Sortem esse hominem, si unum est necessarium, puta Sortem esse hominem, alterum est impossibile, puta Sortem esse asinum; Nam impossibile directè opponitur ipsi necesse, ut tibi declarabitur in cap. de modalibus. Cum igitur probatum sit omnem ueram esse necessariam, & falsa opponatur ueræ, sequitur quod si uera sit necessaria, falsa sit impossibilis, ex consequenti nulla est contingens. Nam ut dictum est, omnis uera est necessaria, omnis falsa est impossibilis.

Hinc patet ueritas illius uulgarissimi dicti; *Conditio-
nalis uera nihil ponit inesse*. Nam dato, quod conditionalis sit uera ex necessaria sequela consequentis ex antecedente, non sequitur antecedens, & consequens poni in rerum natura, puta, licet sit uerum dicere, Si tu es Papa, tu es Vicarius Dei, tamen non sequitur de facto, te esse Papam, aut uicarium Dei. Hæc de hypothetica conditionali dicta sint.

Quantum ad copulatiuā, tria agenda sunt. Primo, quid sit. Secundo, quotuplex sit. Tertiò, quid requiratur ad eius ueritatem, & falsitatem, & possibilitatem, et contingentiam, & impossibilitatem.

Quātum ad primum aduerte, q̄ sic definitur, *Copulatiua est propositio hypothetica, in qua plures categoriæ, uel orationes habentes modum categoricarum, coniunguntur per notam copulationis, & aut sibi æquivalentē.*

Primo, dicitur propositio hypothetica & c. usque ibi, coniunguntur, quod totum intelligendum est, sicut in definitione conditionalis.

Secundo, dicitur per notā copulationis, & ut in hoc distinguatur a condicionali, & disiunctiua, in quam altera coniunguntur plures categoricæ, per Si, & in altera per Vel. Itē ut distinguatur a categorica de subiecto aut prædicato copulato. Pro cuius notitia aduerte, quod nota copulationis potest teneri copulatiuē, & copulatiuē. Teneatur copulatiuē, quando mediat inter terminos, ut hic, Sortes & Plato sunt amici. copulatiuē autem, quando mediat inter propositiones, ut hic, Sortes scribit, & Plato dormit. ad hoc ergo, quod nota copulationis constituat hypotheticam copulatiuam, oportet ut mediet inter propositiones. Tu tamen aduerte, quod nota copulationis accepta copulatiuē, potest teneri diuisiue, & collectiue, Si diuisiue, categorica de extremo copulato æquipollet uni copulatiuæ ueræ, quia potest resolui in duas categoricas coniunctas per &, ut hic, Sortes & Plato currunt, ergo Sortes currit, & Plato currit. Si collectiue, non potest æquipollere uni copulatiuæ ueræ, & resoluitur, utraque categorica erit falsa, ut hic, Sortes & Plato trahunt nauē; supposito, quod neuter per seipsam sufficiat, sed ambo simul, & non aliter sufficiant.

Quarto dicitur, & sibi æquiualem, quoniam non solum ly & sed etiam ly que, & ly, atque constituunt copulatiuam, æquipollent enim apud Grammaticum & Logicum. Constat igitur quid sit copulatiua. Quantum ad secundū aduerte, quod copulatiua diuiditur in affirmatiuam, & negatiuam, & utraque diuiditur in ueram, & falsam. Item diuiditur copulatiua in necessariam, & impossibilem, impossibilem, & contingentem, & de omnibus in specie sic accipe.

Copulatiua affirmatiua est, in qua nota copulationis affirmatur, ut hic, Sortes currit, & Plato disputat.

Negatiua est, in qua nota copulationis negatur, ut hic, Non Sortes currit, & Plato disputat. Tu tamen aduerte, q̄ negatiua fit duobus modis Primo, quādo præponitur toti

toti copulatiuæ, ut hic, Non tu curris, & comedis. & hic est modus famosus & consuetus. Secundo, ponitur post primam categoricam sed ante copulam, ut hic. Tu curris non & tu comedis, sed iste modus non est in usu ideo stantur est in primo.

Copulatiua affirmatiua uera est illa, quæ requirit utramque partem principalem ueram, ita quod non sufficit unâ esse ueram, ut hic, Sortes est homo, & Sortes est risibilis. Hæc autem non est uera, Sortes est homo, & Plato est asinus, quoniam secunda pars non est uera, & ratio huius est. Quia sicut totum essentialie se habet ad existentiam, sic copulatiua affirmatiua uera ad ueritatem. Sed ad existentiam totius essentialis oportet omnes suas partes esse, quod si una deficit, desinit esse totum, utpote de homine, cuius partes essentielles sunt anima & corpus unitæ, ergo ad ueritatem copulatiuæ affirmatiuæ ueræ, requiritur utramque partem principalem esse ueram, & si una deest, non permanet uera.

Sed aduerte, quod dicitur copulatiua affirmatiua uera, ad differentiam negatiuæ ueræ, ad cuius ueritatem sufficit unâ partem esse ueram. Nâ hæc est uera, Non tu es hō, & tu es asinus. Et quod sit uera probatur sic, Sua affirmatiua est falsa, scilicet, Tu es homo, & tu es asinus, ergo negatiua est uera, quoniā sunt duæ copulatiuæ singulares cōtradietoriz. Contradictoriarum autem oportet alteram esse ueram, & alteram falsam, ut docuimus in cap. præcedenti.

Copulatiua affirmatiua falsa est illa, cuius utraq; pars principalis, uel saltem altera est falsa, ut hic, Sortes est asinus est, & est rudibilis. Vtraque pars est falsa, & hic, Sortes est homo, & est asinus.

Sed dices, propter quid ad ueritatem copulatiuæ affirmatiuæ, oportet utramque partem esse ueram, ad falsitatem autem sufficit unam esse falsam. Respondetur, quia plura requiruntur ad construendum quàm destruendum. Nâ ad hoc, quod homo sit sanus, oportet omnes humores esse adæquatos, ad hoc autem quod ægrotet, sufficit unum in adæquari. affirmatiua autem uera est sicut totum constructum, negatiua autem ut destructum. & ideo ad eius

fit. Secundò quod duplex fit. Tertiò, quid requiritur ad ueritatem eius & falsitatem, & necessitatem, & impossibilitatem, & possibilitatem & contingentiam.

Quantum ad primum, sic definitur, hypothetica disiunctiua est propositio, in qua coniunguntur plures categorice per hanc coniunctionem, uel aut sibi cõsimilem, ut Sorres est homo, uel est alius.

Primò dicitur propositio in qua &c. quod intelligendum est, sicut in alijs definitionibus datis de conditionali & copulatiua.

Secundò dicitur, per hanc coniunctionem uel, ad differentiam conditionalis, cuius nota coniunctionis est si, & copulatiue, cuius nota coniunctionis est, &.

Tertio dicitur, aut sibi cõsimilem, quoniam nota disiunctionis apud Grammaticos non solum est uel, sed aut, & si quid aliud æquipollet.

Sed hic dubium, quia non uidetur ly uel, coniungere categoricas, sed potius disiungere, aliter deberet dici propositio hypothetica coniunctiua, & non disiunctiua. Præterea, quòd non coniungat, sed disiungat, signum sumitur ex eo, quòd uera & propria disiunctiua sit de partibus impossibilibus, ut hic, uel tu es sanus uel tu es æger. Vel tu es cæcus, uel tu es uidens. Quòd si fiat de partibus cõpossibilibus, nõ est propria, ut hic, Tu es hõ, uel tu sedes, ergo &c.

Ad hoc responderetur communi sententiã, quòd inter coniunctiones, quædam coniungunt sensum & terminos, sicut propositiones, quales sunt coniunctiones conditionales & rationales, & causales, & copulatiue, & istæ constituunt primam & secundam speciem hypotheticæ. Quædam autem coniungunt solum uoces aut terminos, aut propositiones, sed disiungunt sensum ac significatum, & tales sunt ly, uel, aut, &c. Obiectio quidẽ concludit, quo ad significatum, nõ autem quo ad uoces, aut uel propositiones, &c. Et aduerte quòd dico, quo ad uoces & terminos, ut includam disiunctiuam in uoce in mente in scripto.

Aduerte etiã, quòd sicut diximus notam copulationis teneri aliquando copulatiuim, aliquando copulatiue, sic & coniunctio disiunctionis aliquando tenetur disiunctiue, aliquando

aliquando disiunctiue. Disiunctim quidem, quando ponitur inter prædicatum aut subiectum. Exemplum primi, Sortes est homo, uel asinus. Exemplum secundi, Sortes, uel Plato currit, & hæc dicitur categorica de extremo disiuncto, quæ aliquando potest resolui in unam disiunctiuam, ut hic, Sortes uel Plato scribit. Nam bene sequitur, Sortes scribit, uel Plato scribit, aliquando autem non, ut hic, Sortes uel Plato trahunt nauem, nõ enim sequitur, quod Sortes trahat nauem, aut Plato trahat nauem, supposito quod neuter diuisim sufficiat. Disiunctiue autem tenetur, quando est nota inter duas propositiones categoricas, ut hic, Plato currit, aut Plato quiescit. Constat igitur tibi, quid sit hypothetica disiunctiua.

Quantum ad secundum aduerte, quod disiunctiua diuiditur in affirmatiuam & negatiuam, in ueram & falsam, in necessariam & impossibilem, impossibilem & contingentem. Exemplum de affirmatiua, tu es homo uel asinus. De negatiua. Non tu es homo uel asinus. De uera, tu curris uel quiescis. De falsa, tu es asinus, uel rudibilis. De necessaria, Deus est, uel Sortes mouetur. De possibili, Sortes est asinus, uel tu es Papa. De impossibili, uel Deus nõ est, uel tu asinus. De contingentia, Antichristus est albus, uel tu curris. Verũ non sufficiunt & exemplaria, sed de singulis in specie agendũ est, ut dicemus in immediatè sequentibus. Quantum igitur ad tertium aduerte, quod disiunctiua affirmatiua est illa, in qua nota disunctionis affirmatur, ut tu es homo, uel tu es asinus.

Negatiua est illa, in qua nota disunctionis negatur, negatur autem, si cadit negatio super illam, ut hic, Nõ tu es homo, uel tu es asinus, potest autem cadere dupliciter super illam. Primò quando præponitur toti disiunctiue; ut hic, Non tu es homo, uel tu es asinus. Secundò, quando postponitur primæ categoricæ, sed præcedit notam disunctionis, ut hic, Sortes est asinus; non uel est hõ. Sed primus modus est ordinarius & clarior, ideo sequere illũ.

Vera est illa, cuius una pars est uera, & alia falsa, ut Sortes est homo, uel est asinus, & hæc est propria. Nam cum nota disunctionis habeat disiungere significatum, & con-

iungere propositiones siue uoces, aut terminos, si utraq;
pars esset uera, non disiungeret significatum, ut patet hic;
Vel tu es homo, uel tu es risibilis, æquipollet enim copu-
latiue ueræ, scilicet tu es, & tu es risibilis, & ideo tenendū
est, quodd ad ueram & propriam disiunctiuam, oportet par-
tem unam esse ueram, & aliam falsam. Si autem utraque
sit uera erit disiunctiua uera, quo ad modum pronuntian-
di, sed non propria, quo ad significatum.

Falsa est illa cuius utraque pars est falsa. Nam si una est
falsa, & alia uera, iam diximus, quodd disiunctiua esset ue-
ra & propria. Ut ergo distinguatur falsa a uera, cum sit ei
opposita, oportet utranque partem esse falsam. Vnde hæc
est falsa, Sortes est asinus, uel habet alas.

Necessaria est illa, cuius utraque pars est necessaria, uel
saltem una. Exemplum primi, Deus est, uel homo est aīal.
Exemplum secundi, Deus est, uel Sortes mouetur. Licet
enim una pars, ut necessaria, & altera contingens, tamen
denominatur a digniori, & ueriori, quæ est necessaria.

Possibilis est illa, cuius utraque pars est possibilis, ut
Sortes est albus, uel Plato currit. Nota tamen, quodd suffi-
cit unam partem esse possibilem, ut hic. Antichristus est,
uel homo est asinus, nam ista uel est impossibilis, uel pos-
sibilis. Non impossibilis, quoniam ut dicemus, ad impossi-
bilem oportet utranque partem esse impossibilem, ergo
est possibilis.

Contingens est illa, cuius utraque pars est contingens,
ut, Sortes est albus, uel ipse scribit, & ad cognoscendum
disiunctiuam contingentem datur hæc regula. Si copula-
tiua facta de partibus oppositis disiunctiue est contin-
gens, disiunctiua est contingēs, Verbi gra. Hæc est contin-
gens, tu curris, uel tu non moueris. Sumatur oppositum de
ly, tu curris, scilicet, tu non curris, & oppositum de ly,
tu non moueris, scilicet tu moueris, & formetur hæc
copulatiua, Tu non curris, & tu moueris. Patet, quodd
est contingens, quoniam contingit te non currere, & ta-
men moueri, ut quando simpliciter ambulas, ergo &
hæc disiunctiua est contingens. Tu curris, uel non moue-
ris. Hæc de disiunctiua dicta sint, & per consequens de o-
mnibus

TRACTATUS TERTIVS

in omnibus speciebus famosis propositionibus hypotheticæ. Quo modo autem, & quod modis liceat arguere a disiunctiva, manifestabitur tibi in tract. de consequentijs.

De propositione categorica modalis. Cap. IIII.

IN cap. quarto agendum est de propositione modalis categorica: & hic sex agenda sunt. Primum, in quo distinguitur categorica modalis à simplici categorica. Secundò, per quos & quod modos sit apud Logicum uera & propria propositio modalis. Tertiò, quid sit. Quartò, quot sunt. Quintò, quomodo sumuntur in eis quatuor genera oppositionum. Sextò, declarabitur hæc distinctio famosa. Modalium alia est de sensu diuiso, alia de sensu composito.

Quantum ad primum aduerte, quòd simplex categorica est illa, in qua simpliciter & sine limitatione aut alterius termini appositione prædicatum dicitur de subiecto, siue sit de secundo, uel de tertio adiacente. Exemplum primi, Deus est, homo est, cælum est. Exemplum secundi, Deus est iustus, homo est animal, cælum est incorruptibile: & huiusmodi categoricæ dicuntur de inesse, quoniam sunt de simplici inhaerentia prædicati ad subiectum. Categorica modalis est illa, in qua prædicatur prædicatum de subiecto cum adiectione termini adiectiui determinantis substantiuum, uel oppositione aduerbij ad ipsum uerbum. Nam sicut adiectiuum determinat substantiuum, sic aduerbium determinat actum uerbi. Exemplum primi, homo albus currit. Nam currere non dicitur de homine simpliciter, sed de homine sic determinato, scilicet per album. Exemplum secundi, Sortes currit uelociter, currere prædicatur de Sorte, non simpliciter & qualitercunque, sed cum uelocitate. Dicitur ergo modalis à tali determinatione uel limitatione: quæ apud Logicum dicitur *modus*. Vnde sic definitur consuevit, *Modus est adiacens rei determinatio, id est, modus est limitatio siue restrictio appositæ rei, id est substantiuo, quæ limitatio fit per adiectiuum, ut homo iustus dominatur, homo fortis defensat patriam, Quotuplex ergo est adiectiuum, totuplex est modus. Adiectiuum autem est duplex,*

plex, scilicet nominis & uerbi: Adiectiuum nominis, est omne nomen adiectiuum adiacens nomini substantiuo, ut bonus Deus, bonus homo, fortis equus, alba uestis. Adiectiuum uerbi, est aduerbium adiacens uerbo in oratione. Ut Sortes hodie uenit, Sortes bene currit.

Sed aduerte, quòd aduerbia quatuor modis modificant & determinat uerbum. Primò, gratia compositionis, id est, indicant qualiter uerbum componat prædicatum cum subiecto, utrum scilicet necessariò uel contingenter, uel possibiliter, uel uerè uel falsè. Et sic per huiusmodi aduerbia qualificatur propositio, ut dicatur necessaria uel contingens, & possibilis &c.

Secundò, modificant & determinat uerbum, gratia rei uerbi, id est significati, ut aduerbia qualitatis, ut dicendo, Sortes uelociter currit, signatur quòd cursus qui importatur per uerbum Curro, non est qualiscunque, sed uelox.

Tertiò, modificant uerbum gratia temporis, & est quando significat actum uerbi sub differètia temporis determinati, ut, Hodie legam in uespere, cras disputabo in mane.

Quartò, modificant uerbum gratia modi, ut aduerbia hortandi, ut eia aduocata nostra, adiuua nos. quædam gratia optandi, ut, Utinam audias me, & horum quatuor modorum ratio hinc sumitur. Verbum quatuor modis consideratur. Primò, ut designat compositionem prædicati cū subiecto, propter quod dicitur copula apud Logicum, & ut sic aduerbium determinat uerbum, gratia compositionis prædicati cum subiecto. Secundo, ut significat actum suum. Et ut sic determinat uerbum aduerbia qualitatis. Quarto, ut significat cum tempore ad differentiam nominis, ut docuimus in tract. Secundo, & ut sic determinat uerbum, aduerbia tēporis. Quartò, ut notat actum suum cum determinato modo, puta per modum imperantis, ut hortantis aut desiderantis, comminantis, aut miserantis, & ut sic determinat uerbum aduerbia imperandi, hortandi, optandi, miserandi. Constat igitur quomodo differat simplex categorica a categorica modali, & quid sit modus, & quomodo adiectiuum est modus substantiuū, & aduerbium modus uerbi, & quot modis aduerbia determinat uerbum.

Quan-

Quantum ad secundum aduerte, quòd apud Logicum tantum isti sex modi constituunt propositionem modale, scilicet necessariò, contingenter, possibiliter, impossibiliter, uerè & falsè, qui possunt accipi nominaliter sic, necesse, contingens, possibile, impossibile, uerum, falsum. Possunt etiam sumi aduerbialiter, ut, necessariò, contingenter, tamè sumpra nominaliter consueto modo, & propriè constituunt propositionem modalem. Cum igitur soli isti sex apud Logicum constituant propositionem modalem, omnes alii relinquendi sunt, siue sint nomina adiectiua, siue aduerbia. Sunt enim magis deseruietes Grammatico, quàm Logico. Præterea, tantum ista sex determinant verbum gratia compositionis prædicati cum subiecto, ut diximus supra. Cum igitur ad Logicum spectet considerare de propositione, pro ut ex ea componitur syllogismus, eius est considerare quomodo isti modi cõstituunt & qualificant propositionem. Item aduerte, quòd licet uerum, & falsum annumerentur inter istos sex modos, tamen relinquuntur, quoniam oppositio & æquipollentia propositionum, quæ per eos constituuntur, hnt eodem modo, sicut in categoricis de inesse, ut tibi declarabitur in cap. vi. Nostra igitur intentio uersabitur circa hos quatuor, necesse, contingens, possibile, impossibile.

Quantum ad tertium aduerte, quòd sic definitur: Propositio modalis est propositio categorica, quæ propriè & uisitatè modificatur aliquo istorum quatuor modorù, qui sunt necesse, contingens, possibile, impossibile, ut Sortem currere est contingens, uel Sortes currit contingenter.

Primò dicitur, quòd est propositio categorica, quoniã habet subiectum, prædicatum, & copulam tanquàm partes principales sui. Quòd patet, quando fit per modum sumptum aduerbialiter, ut, Sortes est homo necessariò. Nam Sortes est subiectum, homo prædicatum, copula est necessariò autem, neque subiectum neque prædicatum, neque copula, sed modus signans hanc esse necessariam, Sortes est homo. Idem patet, si fiat per modum sumptum nominaliter, ut hic, Sortem currere est contingens. Nam infinitiua oratio est subiectum, contingens prædicatum,

est, copula.

Secundò dicitur, quæ propriè, & usitate fit aliquo isto-
rum quatuor modorum, ad differentiam earum, quæ sũt
per hos modos uerum & falsum, & ad differẽtiam earum,
quæ sunt per hos modos, per se & per accidens, ut hic,
Homo est animal per se, Sortes currit per accidens. Nam
licet prima æquipolleat modali de necesse, & secunda mo-
dali de contingenti, tamen sunt formaliter modales. Et
quidem quòd æquipolleat patet hinc, si homo est animal
per se, ergo necesse est ipsum esse animal, si Sortes currit
per accidens, ergo contingens est ipsum currere. De illis
autem quæ sunt per hos modos, uerum & falsum, non
est curandum, quoniam relinquendi sunt ratione su-
prà dicta.

Quãtum ad quartum aduerte, quòd si isti quatuor mo-
di sumantur nominaliter, quilibet eorum facit quatuor
propositiones modales, & sic in summa fient quater qua-
tuor. i. sexdecim. Pro cuius notitia aduerte tria. Primò,
quòd omnis modalis facta per modum nominaliter sum-
ptum, constat ex dicto & modo. Modus quidem tibi iam
manifestus est, ut necesse, possibile, contingens, impossibi-
le. Dictum autem, est oratio infinitiua. Verbi gratia, Sor-
tem currere est contingens, ly Sortem currere, est dictum
ly contingens, est modus. Secundò aduerte, quòd licet di-
ctum possit subijci, id est poni pro subiecto, & modus præ-
dicari, id est poni pro prædicato, & etiam econuersò: ut
patet hic, Sortem currere est contingens. Contingens est
Sortem currere, tam ordinariè modus debet prædicari; &
dictum subijci, dummodo fiat modalis de sensu composi-
to. Nam sicut se habet copula in categorica de inesse, sic
modus in categorica modali. Constat autem, quòd in illa
se tenet copula à parte prædicati. Vnde Aristoteles in pri-
mo Peri hermenias, postquam definiuit uerbum, inquit,
Et semper est eorum; quæ de altero prædicantur nota.
Ergo & modus in modali debet se tenere a parte prædi-
cati. Dixi dummodo fiat modalis in sensu composito:
quoniam ut declarabimus, quando fit in sensu diuiso, me-
lius est, ut mediet inter pates dicti, ut hic album possibi-
le

TRACTATUS TERTIVS

le est esse nigrum.

Tertio aduerte, quòd quilibet modus pòt facere quatuor propositiones, quarum prima erit affirmatiua de dicto & de modo, ut, Sortem currere est contingens, Secunda erit negatiua tantum de dicto, ut, Sortem non currere est contingens, Tertia erit negatiua tantum de modo: ut, Sortem currere non est contingens. Quarta erit negatiua de dicto, & de modo, ut Sortem non currere nò est contingens, eodem modo formabis quatuor de possibili, & quatuor de necesse, & quatuor de impossibili, & sic omnes simul sumptæ erunt.

Sed dices, si dictum debet subijci, & modus prædicari, quare Aristoteles in libro secundo Peri hermenias sic situat modales, quòd modus semper subiicitur, & dictum prædicatur? Sic enim ordinat eas; Possibile est Sortem currere, possibile est Sortem non currere &c.

Respondetur, quòd secundum uerum ordinem debet modus prædicari ratione iam dicta. Aristoteles autem in ij. Peri hermenias, non tantum attendit ad uerum ordinem, quantum ad declarandum oppositiones inter modales. Oppositio autem clarius & citius deprehenditur, si modus subiiciatur. Nam fit oppositio per negationem additam modo & non dicto, ut istæ duæ, Possibile est Sortem currere. Nam possibile est Sortem currere, opponuntur. Hac igitur de causa Arist. situat modum in subiecto, & dictum in prædicato.

Quantum ad quintum aduerte, quòd sic in categoricas de inesse quædam sunt contrariæ, quædam subalternæ, quædam contradictoriæ, quædam subalternæ: sic & in modalibus, sed ualde differenter. Nam in categoricis fit oppositio propter signa uniuersalia, & particularia appositæ subiectis, & propter negationem. Verbi gratia, ratione ly omnis, & ratione ly nullus, istæ duæ sunt contrariæ, Omnis homo currit, Nullus homo currit. Sed in modalibus non fit oppositio per signa, sed per modos qui correspondent signis. Vnde aduerte, quòd possibile, & contingens correspondent ly quidam, & possibile non, & contingens non, correspondent ly quidam non. Propter quod sicut

istæ

istæ sunt duæ particulares subcontrariæ de inesse: Quidam homo currit, Quidam homo non currit; sic istæ sunt duæ particulares subcontrariæ modales. Possibile est Sortem currere, possibile est Sortem non currere. Necesse uero, correspondet omni, & impossibile nulli. Unde sicut in illis de inesse, istæ duæ sunt contrariæ, Omnis homo est albus, & nullus homo est albus, Sic in modalibus istæ duæ sunt contrariæ, Necesse est hominem currere, impossibile est hominem currere. Habitis subcontrariis, & contrariis modalibus facile est habere contradictorias, & subalternas. Nam sicut in illis de inesse istæ sunt contradictoriæ, Omnis homo currit, Quidam homo non currit. Nullus homo currit, quidam homo currit, sic in modalibus istæ contradicunt, sortem non currere non est possibile. Sortem non currere est possibile, sortem currere non est possibile. sortem currere est possibile. Et sic in illis de inesse istæ sunt subalternæ. Omnis homo currit, Quidam homo currit, Nullus homo currit, Quidam homo non currit, sic in modalibus, istæ sunt subalternæ, sortem non currere, non est possibile, sortem currere est possibile, sortem currere non est possibile, sortem non currere est possibile. sed dices, ista assignatio contradictoriarum, & subalternarum uidetur discordare ab immediate supradictis. Nam assignata sunt contrariæ per propositionem de necesse esse, & per propositionem de impossibile esse, ergo & contradictoriæ assignandæ sunt per easdem, ut scilicet dicatur, quod propositio de necesse esse, & propositio de possibile non esse, contradicunt. similiter propositio de impossibile esse, & de possibile esse contradicunt, eodem modo assignandæ sunt subalternæ. Hic autem quatuor genera propositionum assignata sunt solum secundum quatuor propositiones de possibili, ut patet, ergo assignatio ista discordat a supradicta.

Respondetur, licet discordet in terminis, non tamen in sensu. Nam tota negatiua de possibili æquipollet toti affirmatiuæ de necesse, ut si non est possibile sortem non currere, necesse est ipsum currere. Negatiua autem de modo æquipollet toti affirmatiuæ de impossibili. nā sor-

Hæc de quatuor generibus oppositio: in modalibus dicta sunt.
 Quantum ad sextum adverte, quod apud Logicos, & in doctrina Peripatetica, Modalis est duplex. Vna in quatuor de sensu composito, altera de sensu diuiso, differunt autem primo in modalibus de sensu composito. Modus aut præponitur, aut postponitur toti dicto, ut hic, Albū esse nigrū est possibile, uel sic: Possibile est albū esse nigrū. & ut appareat eius ueritas uel falsitas, debet resolui oratio infinitiua in indicatiuā sic, Hæc propositio est possibilis, albū est nigrū, & sic statim apparet, quod est falsa quoniam opposita essent in eodē, scilicet albedo, & nigredo; in modalibus autem de sensu diuiso. Modus nec præponitur nec postponitur dicto; sed mediat inter partes dicti, ut hic, Albū possibile est esse nigrum; & sic exponitur, Res, quæ est alba, potest fieri nigra, uel denigrari, & sic est uera; nam res, quæ hodie est alba, potest amittere albedinem, & recipere nigredinem. Secundo differunt, quia modalis de sensu composito debet tota sine discontinuitate proferri, ut scilicet non fiat pausa inter partes dicti, nec inter dictū, & modum, sed continuetur prolatio sic, Album esse nigrum est possibile. Ea autem quæ est de sensu diuiso, proferri debet cum discontinuatione, ut scilicet proferatur subiectum dicti, & in eo fiat punctum, deinde proferatur modus cum copula, & reliquo dicti, ut hic, Album possibile est esse nigrum; Tertio differunt, quoniam in ea de sensu composito, subiectum dicti stat pro re, & pro forma sibi inharēte, id est, ut est sub forma, a qua denominatur, puta in ista. Album esse nigrum est possibile, stat ly album, pro re, ut in se habet albedinem. In sensu autem diuiso stat solum pro re, ut potest esse sua forma, puta in ista, Album potest esse nigrum; ly album, stat pro re, non in quantum est alba, sed pro re in se considerata, quæ potest esse sub albedine, & nigredine, non simul, sed diuisim. Quarto differunt, quia omnes modales factæ de dicto, leuius subiectum, & prædicatum denominatur a formis oppositis, ut hic, Calidum esse frigidum est possibile, in sensu composito sunt falsæ, quoniam impossibile est oppositas formas inesse eidem coniunctim. In sensu autem diuiso sunt ueræ, quoniam non inconuenit eidem inesse oppositas

TRACTATVS TERTIVS

formas diuifim, fiue fucceffiuè. Si autem fiant de non oppo-
fictis in utroq; fenfu poffunt effe ueræ. Nam fupra re
frigida, puta niue; fi formetur talis, conditionalis in fenfu
compofito, frigidum effe albu effe poffibile, effe uera; quo-
niam non repugnat rei frigida, ut effe fub frigiditate effe
album fimul, ut patet de niue, & multis lapidibus, fi etiam
formetur in fenfu diuifo erit uera, fic dicèdo, frigidu poffi-
bile effe elfe album, quoniam non repugnat rei potenti ef-
fe frigidam, poff frigiditatem recipere albedinem. Vnde
folas modales factas de oppofictis, formis oportet diftin-
guere per fenfum compofitum, & diuifum, quoniã in uno
funt ueræ, in alio falſæ. Factas autem de non oppofictis, nõ
oportet fic diftinguere, quoniam utraq; poteff effe uera.
Hæc pro nunc fufficiant, ne tu inuenis cõfundaris. Hæc de
præfenti capite dicta funt.

*De æquipollentiis categoricarum oppofictarum de
inelle.* CAP. V.

IN capite quinto, agendum effe de æquipollentiis cate-
goricarum de inelle & modalium. Ordo enim doctrinæ re-
quit, ut poftquam de earum oppofictionibus pertractaui-
mus, nunc de earum æquipollentiis confideremus, & prius
quidem de æquipollentiis categoricarum de inelle, quo-
niam funt priores modalibus, utpote fimpliciores. Igitur
in præfenti cap. de æquipollentiis categoricarum de inelle
tria agenda funt. Primò, quid fit æquipollentia propofictio-
num, de qua hic intendimus. Secundò, quot regulis fuffi-
cienter fit, & de fingulis regulis in fpecie pertractandum
effe. Tertiò, foluetur duo dubia.

Quantum ad primum aduerte, quodd fic defcribitur apud
Logicum; Æquipollentia, effe æquiualentia duarum
propofictionum in fignificato, ficutum in figura oppofictio-
num, pèt aduentum negationis facta, ita quodd ab una ad
alteram effe bona confequentia.

Primò dicitur æquipollentia, quoniã effe genus, & quid
magis commune. Omnis enim æquipollentia propofictio-
num, effe æquiualentia, fed non omnis æquiualentia effe in
propofictionibus; effe etenim in terminis incomplexis, ut
duo fynonyma æquiualent in fignificato. Effe etiam in

rebus commutabilibus quo ad pretium, aliter in emptio-
ne & uenditione non seruaretur æqualitas & iustitia, est
& in bonitatibus rerum unde solemus dicere, hanc medi-
cinam æquiualeere illi.

Secundò dicitur, duarum propositionum in significato,
ut excludamus propositiones factas de terminis æquiuo-
cis, quæ licet conueniant in uoce, non tamen in significa-
to, ut hic, Omnis canis lucet, nullus canis lucet.

Tertiò dicitur sitarum in figura propositionum, ad dif-
ferentiam aliquarum propositionum quæ æquiualeant in
significato, ut istæ duæ, Tantum homo est rationalis, ergo
omne rationale est homo, & tamen nō dicuntur propriè
æquipollere, quoniam æquipollentia de qua hic intendi-
mus, est tantum inter propositiones alicuius quantitatis,
quæ participant utroque termino eodem ordine. Cōstat
autem hanc, tantum homo est rationalis, non esse forma-
liter alicuius quantitatis, nec est eiusdem subiecti, & præ-
dicati eunt ista, Omne rationale est homo, ut patet.

Quartò dicitur facta per notam negationis, quoniam
ut declarabitur ex eo solo, quòd negatio præponitur, &
postponitur, aut præponitur, & postponitur, duæ præpo-
sitiones oppositæ, æquipollent. Verbi gratia. Istæ duæ con-
tradiciunt, Nullus homo currit, Quidam homo currit.
Si ly nullus, præponitur non, ut non nullus homo currit,
æquipollet isti, Quidam homo currit. Nam bene sequitur,
Non nullus homo currit, ergo quidam homo currit.

Quintò dicitur ita, quòd ab una ad alteram ualet con-
sequentia: quoniam cum declaratum fuerit duas præpo-
sitiones æquiualeere in significato, una sequitur ad alterā,
& econtrersò. Nam bene sequitur, Non omnis homo cur-
rit, ergo quidam homo non currit, & econtrersò, & hæc
ultima particula opponitur, ut scias quantum tibi prode-
rit scientia æquipollentiarum in arguendo & responden-
do. Cōstat igitur, quid sit æquipollentia propositionum
categoricarum de inesse, de qua nunc intendimus.

Quantum ad secundum aduerte, quòd Logici in tri-
bus regulis comprehendunt æquipollentias omnium pro-
positionum oppositarum in figura, quarum quedam sunt

TRACTATVS TERTIVS

contrariæ, quædam subcontrariæ, quædam contradicto-
riæ, quædam subalternæ. & aduerte, quòd per regulas se-
quentes intendimus æquipollentiam fieri prædictarum
propositionum, quo ad qualitatem, & quantitatem, & ue-
ritatem, & falsitatem earum.

Prima igitur regula est hæc. Negatio præposita signo
uniuersali, uel particulari, facit æquipollere contradicto-
rias, ut, Non omnis homo currit, ergo quidam homo cur-
rit, non nullus homo currit, ergo quidam homo currit.
Pro notitia huius regulæ aduerte tria.

Primò, quòd Logici conuenienter incipiunt æquipol-
lencias in contradictoriis, quoniam maximè opponuntur.
Opponuntur enim in omni materia, quo ad qualitatem,
& quantitatem, & ueritatem, & falsitatem, ut docuimus
supra in cap. secundo huius tractatus. Contrariæ uerò in
nulla materia opponuntur, quo ad quantitatem. Nec
quo ad ueritatem, & falsitatem, nisi in materia naturali
& remota. Nam in materia contingenti, ut docuimus in
eodem cap. sunt simul falsæ. Subalternæ autem non op-
ponuntur in qualitate, sed quantitate, nec in ueritate, &
falsitate, possunt enim esse simul ueræ: ut docuimus, in
eodē cap. Subcontrariæ uero minime opponuntur, & tñ
non possumus dare regulam, per quam æquipollegant.

Secundo aduerte ad hoc, quod negatio adueniens fa-
ciat propositionum oppositarum æquipollentiam, oportet,
q̄ sit negatio negans. Pro cuius notitia aduerte, quòd in
doctrina Peripatetica inuenimus triplicem negationem,
scilicet negantem, infinitatem, & priuantem. Negans est
illa, quæ quicquid post se inuenit, destruit, & suū opposi-
tum inducit. Vnde si inuenit propositionem uniuersalem, fa-
cit eā particularem, & si affirmatiuā facit eā negatiuā, & eō-
uerso, & si uerā facit eam falsam, & econuerso, & hoc ma-
xime uerificatur in contradictoriis quorum unum est ue-
rum in omni materia, & alterū falsum. Vnde negatio præ-
posita, facit æquipollere duas contradictorias in qualita-
te, quantitate, ueritate, & falsitate. Negatio infinitans est
illa, quæ apposita termino finito, facit ipsum infinitum,
id est indeterminatum in significato. Quid autem sit ter-
minu

minus infinitus, & terminus finitus, & quæ eorum significata, iam docuimus in tract. secundo in diuisione septima terminorum. negatio priuans, est negatio habitus, aut formæ, aut qualitatis perficientis subiectum, relicta tamen aptitudine in subiecto, & sic omnis priuatio, ut cæcitas, tenebra, mors ignorantia &c. dicitur negatio priuans. negatio infinitans, & priuans, pro nunc relinquantur, donec pertractabimus de consequentiis. Nam æquipollentius propositionum, quibus nunc intendimus, sufficienter deseruit negatio negans. De ea igitur ut facit æquipollere contradictorias, data est præposita regula.

Tertio aduerte, quod ideo negatio negans præposita toti subiecto, & signo contradictoriarum, facit eas æquipollere, quia ut diximus. quicquid post se inuenit, destruit, & eius oppositum inducit. Inuenit autem in contradictorias discordare in qualitate, quoniam una affirmatiua, altera negatiua, ut omnis homo est albus, & quidam homo est albus. Si igitur uniuersali affirmatiuæ præponatur negatio, facit eam negatiuam, ut, non omnis homo est albus, est negatiua sicut ista, Quidam homo non est albus, & e conuerso, ergo facit eas æquipollere in qualitate. Item inuenit eas discordes in quantitate, quoniam una est uniuersalis, altera particularis. Si igitur negatio præponatur uniuersali, facit eam particularem, & e conuerso, ut, non omnis homo est albus, est particularis sicut ista, Quidam homo non est albus, & e conuerso; facit ergo æquipollere contradictorias in quantitate. Item inuenit eas discordes in ueritate, & falsitate. Si igitur præponatur propositioni contradictoriæ falsæ, facit eam ueram. v. g. sit ista falsa, Omnis homo est albus, sit ista uera, Quidam homo non est albus, præponatur ergo nega. falsæ, ut non omnis homo est albus, destruet falsitatem, & faciet eam ueram. Vnde ista, non omnis homo est albus, est ita uera, sicut ista, Quidam homo non est albus. Et e conuerso, & quod dixi de uniuersali affirmatiua, & particulari negatiua, intellige etiam de uniuersali nega. & particulari affirmatiua. Constat igitur ueritas primæ regulæ.

Secunda regula est ista, negatio, negans postposita signo uniuersali, & toti subiecto, facit æquipollere duas contrarias.

H 4 Ad-

TRACTATUS TERTIVS

Aduerte, quod hæc regula indiget duplici limitatione. Prima est, quod ponatur negatio immediate ante copulam, ita, quod exerceat uirtutem suā super copulā & totū prædicatū, & ponatur oīno post signū uniuersale, & post totū subiectū, ita quod nullo modo præualeat supra signū, nec supra subiectū, quo ad mutationē quantitatis. Defectu cuius istæ duæ non æquipollent. Omnis non hō est animal, Nullus homo est animal. Sed si dicatur, Omnis homo non est animal. Ergo nullus homo est animal. Vel sic, Nullus homo non est animal, Ergo omnis homo est animal.

Secunda est, fiant duæ contrariæ, quæ teneantur uni fortius. scilicet, distributiue, & non alterā collectiue, puta uniuersalis affirmatiua, & altera distributiue, puta uniuersalis negatiua, ut hic, Omnes apostoli Christi sunt duodecim, nulli apostoli Christi sunt duodecim; non. n. istæ duæ æquipollent, Omnes apostoli Christi non sunt duodecim, ergo nulli apostoli Christi sunt duodecim. nam hæc est uera, Nulli apostoli Christi sunt duodecim. stat enim distributiue, sy nulli apostoli. Hæc autem est falsa, omnes Apostoli Christi non sunt duodecim, quoniam affirmatiua est uera, scilicet, omnes apostoli Christi sunt duodecim. quoniam ly omnes apostoli, tenetur collectiue.

Quod autē hæc secunda regula sit recte & sufficienter posita ratio hinc sumitur. Contrariæ uniuersaliter et in omni materia sumptæ, discordant in qualitate, & conueniunt in quantitate. In materia autē naturali & remota non solum in qualitate, sed & in ueritate & falsitate discordant, quoniam ut docuimus supra, non possunt esse simul ueræ, aut simul falsæ. In materia uero contingenti, non sic pugnant, quoniam ambæ possunt esse simul falsæ. Ut ergo non mutetur quantitas, ponitur post signū uniuersale, & totum subiectum, neque enim habet uim supra subiectum, neque supra signum, nisi cadat supra ipsum. Et sic non destruit uniuersalitatem contrariarum. Ut autem mutet qualitatem, ita quod si inuehit affirmatiuam, faciat negatiuam & e converso, ponitur ante copulam & totum prædicatum. Et sic, facit uniuersalem affirmatiuam æquipollere uniuersali negatiuæ, & e converso. Unde illa, Omnis ho-

DE PROPOSITIONE. 61

mo non est asinus, est negatiua uniuersalis, & æquipollet isti. Nullus homo est asinus, & ista. Nullus homo non est asinus,, est affirmatiua uniuersalis, & æquipollet isti, Omnis homo est asinus. Constat ergo quomodo contrariæ æquipollient per positionem negationis post subiectum, & ante copulam ac totum prædicatum. Et sic patet ueritas secundæ regulæ.

Tertia regula est ista, negatio præposita & postposita facit æquipollere duas subalternas siue affirmatiuas, siue negatiuas. Hæc, regula sic debet intelligi, negatio præposita signo uniuersali, uel particulari, tam affirmatiuo, quam negatiuo, & toti subiecto, & postposita signo ac toti subiecto, tamen ante copulam & totum prædicatum facit æquipollere subalternas, ut hic, Non omnis homo non currit, ergo quidam homo currit, & econuerso. Non nullus homo non currit, ergo quidam homo non currit, & econuerso. Ratio autem regulæ est hæc. Subalternæ conueniunt in qualitate, & discordant in quantitate, ergo sic situanda est negatio, quod mutet quantitatē, & relinquat eandem qualitatem, ita quod non destruat eam. Vt ergo mutetur quantitas, oportet eam præponere, sicut diximus de contradictorijs, nisi autem postponatur alia negatio, prima mutaret quantitatē & qualitatem, ita quod uniuersalem faceret particularem, & econuerso, & affirmatiuam faceret negatiuam, & econuerso. Vt ergo impediatur uirtus negationis præpositæ, ne mutet qualitatem, postponitur alia impeditiua primæ. Vnde sicut prima per seipsam negat, adiuncta alteri, affirmat, quoniam duæ negationes affirmant.

Constat igitur quomodo tres prædictæ regulæ sufficiunt ad æquipollentiam, de contradictorijs & contrarijs, & subalternis. Pro quarum notitia, Logici hunc uersum artificiose compoluerunt.

Per contradic. post contra. præ postq. subalter.

Et sic exponitur præ. id est præposita signo, & subiecto, contradic. id est facit æquipollere contradictorias. Post id est, posita post signum & totum subiectum, contra, id est sunt æquipollere contrarias. præ postquæ, id est præposita

in quibus speciebus famosis propositionibus hypotheticis. Quo modo autem, & quot modis liceat arguere a disiunctiva, manifestabitur tibi in tract. de consequentijs.

De propositione categorica modali. Cap. IIII.

In cap. quarto agendum est de propositione modali categorica: & hic sex agenda sunt. Primum, in quo distinguitur categorica modalis à simplici categorica. Secundò, per quos & quot modos sit apud Logicum uera & propria propositio modalis. Tertiò, quid sit. Quartò, quot sunt. Quintò, quomodo sumuntur in eis quatuor genera oppositionum. Sextò, declarabitur hæc distinctio famosa. Modalium alia est de sensu diuiso, alia de sensu composito.

Quantum ad primum aduerte, quòd simplex categorica est illa, in qua simpliciter & sine limitatione aut alterius termini appositione prædicatum dicitur de subiecto, siue sit de secundo, uel de tertio adiacente. Exemplum primi, Deus est, homo est, cælum est. Exemplum secundis, Deus est iustus, homo est animal, cælum est incorruptibile: & huiusmodi categoricæ dicuntur de inesse, quoniam sunt de simplici inhaerentia prædicati ad subiectum. Categorica modalis est illa, in qua prædicatur prædicatum de subiecto cum adiectione termini adiectiui determinantis substantiuum, uel oppositione aduerbij ad ipsum uerbum. Nam sicut adiectiuum determinat substantiuum, sic aduerbium determinat actum uerbi. Exemplum primi, homo albus currit. Nam currere non dicitur de homine simpliciter, sed de homine sic determinato, scilicet per album. Exemplum secundi, Sortes currit uelociter, currere prædicatur de Sorte, non simpliciter & qualitercunque, sed cum uelocitate. Dicitur ergo modalis à tali determinatione uel limitatione: quæ apud Logicum dicitur modus. Vnde sic definiri consuevit, Modus est adiacens rei determinatio, id est, modus est limitatio siue restrictio appositæ rei, id est substantiuo, quæ limitatio fit per adiectiuum, ut homo iustus dominatur, homo fortis defensat patriam, Quotuplex ergo est adiectiuum, totuplex est modus. Adiectiuum autem est duplex,

plex, scilicet nominis & uerbi: Adiectiuum nominis, est omne nomen adiectiuum adiacens nomini substantiuo, ut bonus Deus, bonus homo, fortis equus, alba uestis. Adiectiuum uerbi, est aduerbium adiacens uerbo in oratione. Ut Sortes hodie uenit, Sortes bene currit.

Sed aduerte, quòd aduerbia quatuor modis modificant & determinat uerbum. Primò, gratia compositionis, id est, indicant qualiter uerbum componat prædicatum cum subiecto, utrum scilicet necessariò uel contingenter, uel possibiliter, uel uerè uel falsè. Et sic per huiusmodi aduerbia qualificatur propositio, ut dicatur necessaria uel contingens, & possibilis &c.

Secundò, modificant & determinat uerbum, gratia rei uerbi, id est significati, ut aduerbia qualitatis, ut dicendo, Sortes uelociter currit, signatur quòd cursus qui importatur per uerbum Curro, non est qualiscunque, sed uelox.

Tertiò, modificant uerbum gratia temporis, & est quando significat actum uerbi sub differentia temporis determinati, ut, Hodie legam in uespere, cras disputabo in mane.

Quartò, modificant uerbum gratia modi, ut aduerbia hortandi, ut eia aduocata nostra, adiuua nos: quædam gratia optandi, ut, Utinam audias me, & horum quatuor modorum ratio hinc sumitur. Verbum quatuor modis consideratur. Primo, ut designat compositionem prædicati cū subiecto, propter quod dicitur copula apud Logicum, & ut sic aduerbium determinat uerbum, gratia compositionis prædicati cum subiecto. Secundo, ut significat actum suum. Et ut sic determinat uerbum aduerbia qualitatis. Quarto, ut significat cum tempore ad differentiam nominis, ut docuimus in tract. Secundo, & ut sic determinat uerbum, aduerbia tēporis. Quartò, ut norat actum suum cum determinato modo, puta per modum imperantis, ut hortantis aut desiderantis, comminantis, aut miserantis, & ut sic determinat uerbum aduerbia imperandi, hortandi, optandi, miserandi. Constat igitur quomodo differat simplex categorica a categorica modali, & quid sit modus, & quomodo adiectiuum est modus substantiuū, & aduerbium modus uerbi, & quot modis aduerbia determinant uerbū.

Quan-

Quantum ad secundum aduerte, quòd apud Logicum tantum isti sex modi constituunt propositionem modale, scilicet necessariò, contingenter, possibiliter, impossibilitèr, uerè & falsè, qui possunt accipi nominaliter sic, necesse, contingens, possibile, impossibile, uerum, falsum. Possunt etiam sumi aduerbialiter, ut, necessariò, contingenter, tamè sumpta nominaliter consueto modo, & propriè constituunt propositionem modalem. Cum igitur soli isti sex apud Logicum constituant propositionem modalem, omnes alii relinquendi sunt, siue sint nomina adiectiua, siue aduerbia. Sunt enim magis deseruientes Grammatico, quàm Logico. Præterea, tantum ista sex determinant verbum gratia compositionis prædicati cum subiecto, ut diximus supra. Cum igitur ad Logicum spectet considerare de propositione, pro ut ex ea componitur syllogismus, eius est considerare quomodo isti modi constituunt & qualificant propositionem. Item aduerte, quòd licet uerum, & falsum annumerentur inter istos sex modos, tamen relinquentur, quoniam oppositio & æquipollentia propositionum, quæ per eos constituuntur, fit eodem modo; sicut in categoricis de inesse, ut tibi declarabitur in cap. vi. Nostra igitur intentio uersabitur circa hos quatuor, necesse, contingens, possibile, impossibile.

Quantum ad tertium aduerte, quòd sic definitur: Propositio modalis est propositio categorica, quæ propriè & uisitatè modificatur aliquo istorum quatuor modorū, qui sunt necesse, contingens, possibile, impossibile, ut Sortem currere est contingens, uel Sortes currit contingenter.

Primò dicitur, quòd est propositio categorica, quoniā habet subiectum, prædicatum, & copulam tanquàm partes principales sui. Quòd patet, quando fit per modum sumptum aduerbialiter, ut, Sortes est homo necessariò. Nam Sortes est subiectum, homo prædicatum, copula est: necessariò autem, neque subiectum neque prædicatum, neque copula; sed modus signans hanc esse necessariam, Sortes est homo. Idem patet, si fiat per modum sumptum nominaliter, ut hic, Sortem currere est contingens. Nam infinitiua oratio est subiectum, contingens, prædicatum,

est

est, copula.

Secundò dicitur, quæ propriè, & usitate fit aliquo istorum quatuor modorum, ad differentiam earum, quæ fiunt per hos modos uerum & falsum, & ad differentiam earum, quæ fiunt per hos modos; per se & per accidens, ut hic, *Homo est animal per se, Sortes currit per accidens*. Nam licet prima æquipolleat modali de necesse, & secunda modali de contingenti, tamen sunt formaliter modales. Et quidem quod æquipolleat pater hinc, si homo est animal per se, ergo necesse est ipsum esse animal, si Sortes currit per accidens, ergo contingens est ipsum currere. De illis autem quæ fiunt per hos modos, uerum & falsum, non est curandum, quoniam relinquendi sunt ratione suprà dicta.

Quântum ad quartum aduerte, quod si isti quatuor modi sumantur nominaliter, quilibet eorum facit quatuor propositiones modales, & sic in summa fient quater quatuor. i. sexdecim. Pro cuius notitia aduerte tria. Primò, quod omnis modalis facta per modum nominaliter sumptum, constat ex dicto & modo. Modus quidem tibi iam manifestus est, ut necesse, possibile, contingens, impossibile. Dictum autem, est oratio infinitiua. Verbi gratia, *Sortem currere est contingens*, ly *Sortem currere*, est dictum ly *contingens*, est modus. Secundò aduerte, quod licet dictum possit subiici, id est poni pro subiecto, & modus prædicari, id est poni pro prædicato, & etiam e converso: ut patet hic, *Sortem currere est contingens*. Contingens est *Sortem currere*, tam ordinariè modus debet prædicari; & dictum subiici, dummodo fiat modalis de sensu composito. Nam sicut se habet copula in categorica de inesse, sic modus in categorica modali. Constat autem, quod in illa se tenet copula à parte prædicati. Vnde Aristoteles in primo Peri hermenias, postquam definiuit uerbum, inquit, *Et semper est eorum; quæ de altero prædicantur nota*. Ergo & modus in modali debet se tenere a parte prædicati. Dixi dummodo fiat modalis in sensu composito: quoniam ut declarabimus, quando fit in sensu diuiso, melius est, ut mediet inter partes dicti, ut hic *album possibile*

TRACTATUS TERTIVS

le est esse nigrum.

Tertiò aduerte, quòd quilibet modus pòt facere quatuor propositiones, quarum prima erit affirmatiua de dicto & de modo, ut, Sortem currere est contingens, Secunda erit negatiua tantum de dicto, ut, Sortem non currere est contingens, Tertia erit negatiua tantum de modo: ut, Sortem currere non est contingens. Quarta erit negatiua de dicto, & de modo, ut Sortem non currere nō est contingens, eodem modo formabis quatuor de possibili, & quatuor de necesse, & quatuor de impossibili, & sic omnes simul sumptæ erunt.

Sed dices, si dictum debet subijci, & modus prædicari, quare Aristoteles in libro secundo Peri hermenias sic situat modales, quòd modus semper subijcitur, & dictum prædicatur? Sic enim ordinat eas, Possibile est Sortē currere, possibile est Sortem non currere &c.

Respondetur, quòd secundum uerum ordinem debet modus prædicari ratione iam dicta. Aristoteles autem in ij. Peri hermenias, non tantum attendit ad uerum ordinē, quantum ad declarandum oppositiones inter modales. Oppositio autem clariùs & citius deprehenditur, si modus subijciatur. Nam fit oppositio per negationem additam modo & non dicto, ut istæ duæ, Possibile est Sortem currere. Nam possibile est Sortem currere, opponuntur. Hac igitur de causa Arist. situat modum in subiecto, & dictum in prædicato.

Quantum ad quintum aduerte, quòd sic in categoricas de inesse quædam sunt contrariæ; quædam subalternæ, quædam contradictoriæ, quædam subalternæ: sic & in modalibus, sed ualde differenter. Nam in categoricis fit oppositio propter signa uniuersalia, & particularia apposita subiectis, & propter negationem. Verbi gratia, ratione ly omnis, & ratione ly nullus, istæ duæ sunt contrariæ, Omnis homo currit, Nullus homo currit. Sed in modalibus non fit oppositio per signa, sed per modos qui correspondent signis. Vnde aduerte, quòd possibile, & contingens correspondent ly quidam, & possibile non, & contingens non, correspondent ly quidam non. Propter quod sicut

istæ

istæ sunt duæ particulares subcontrariæ de inesse: Quidam homo currit, Quidam homo non currit; sic istæ sunt duæ particulæ subcontrariæ modales. Possibile est Sortem currere, possibile est Sortem non currere. Necesse uero, correspondet omni, & impossibile nulli. Vnde sicut in illis de inesse, istæ duæ sunt contrariæ, Omnis homo est albus, & nullus homo est albus, Sic in modalibus istæ duæ sunt contrariæ, Necesse est hominem currere, impossibile est hominem currere. Habitis subcontrariis, & contrariis modalibus facile est habere contradictorias, & subalternas. Nam sicut in illis de inesse istæ sunt contradictoriæ, Omnis homo currit, Quidam homo non currit, Nullus homo currit, quidam homo currit, sic in modalibus istæ contradicunt, sortem non currere non est possibile. Sortem non currere est possibile, sortem currere non est possibile. sortem currere est possibile. Et sic in illis de inesse istæ sunt subalternæ. Omnis homo currit, Quidam homo currit, Nullus homo currit, Quidam homo non currit, sic in modalibus, istæ sunt subalternæ, sortem non currere, non est possibile, sortem currere est possibile, sortem currere non est possibile, sortem non currere est possibile. sed dices, ista assignatio contradictoriarum, & subalternarum uidetur discordare ab immediate supradictis. Nam assignatæ sunt contrariæ per propositionem de necesse esse, & per propositionē de impossibile esse, ergo & contradictoriæ assignandæ sunt per eandem, ut scilicet dicatur, quod propositio de necesse esse, & propositio de possibile nō esse, contradicunt, similiter propositio de impossibile esse, & de possibile esse contradicunt, eodem modo assignandæ sunt subalternæ. Hic autem quatuor genera propositionum assignata sunt solum secundum quatuor propositiones de possibili, ut patet, ergo assignatio ista discordat a supradicta.

Respondetur, licet discordet in terminis, non tamen in sensu. Nam tota negatiua de possibili æquipollet toti affirmatiuæ de necesse, ut si non est possibile sortem non currere, necesse est ipsum currere. Negatiua autem de modo æquipollet toti affirmatiuæ de impossibili. nā sor-

DE PROPOSITIONE. 59

Hæc de quatuor gñibus oppositiōi modalibus dicta sunt. Quantum ad sextum aduerte, quòd apud Logicos, & in doctrina Peripatetica, Modalis est duplex. Vna in quatuor de sensu composito; altera de sensu diuiso, differunt autem primo in modalit de sensu cōposito. Modus aut præponitur, aut postponitur toti dicto, ut hic, Albū esse nigrū est possibile; uel sic: Possibile est albū esse nigrū. & ut appareat eius ueritas uel falsitas, debet resolui oratio īfinitiua in indicatiuā sic, Hæc propositio est possibilis, albū est nigrū, & sic statim apparet, q̄ est falsa quoniā opposita essent in eodē, scilicet albedo, & nigredo; in modalit autē de sensu diuiso. Modus nec præponitur nec postponitur dicto; sed mediat inter partes dicti, ut hic, Albū possi. est esse nigrū; & sic exponitur, Res, quæ est alba; pōt fieri nigra, uel denigrari, & sic est uera; nam res, quæ hodie est alba, potest amittere albedinem, & recipere nigredinem. Secundo differūt, quia modalis de sensu composito debet tota sine discontinuitate proferri, ut scilicet non fiat pausa inter partes dicti, nec inter dictū, & modum, sed continuetur prolatio sic, Album esse nigrum est possibile. Ea autem quæ est de sensu diuiso, proferri debet cum discontinuatione, ut scilicet proferatur subiectum dicti, & in eo fiat punctum, deinde proferatur modus cum copula, & reliquo dicti, ut hic, Album possibile est esse nigrum; Tercio differunt, quoniā in ea de sensu composito, subiectum dicti stat pro re, & pro forma sibi inhærente; id est, ut est sub forma, a qua denominatur, puta in ista: Album esse nigrum est possibile, stat ly album, pro re, ut in se habet albedinem. In sensu autem diuiso stat solum pro re, ut potest esse sua forma, puta in ista, Album potest esse nigrum; ly album, stat pro re, non in quantum est alba, sed pro re in se considerata, quæ potest esse sub albedine, & nigredine, non simul, sed diuisim. Quarto differūt, quia omnes modales factæ de dicto, cuius subiectum, & prædicatum denominatur a formis oppositis, ut hic, Calidum esse frigidum est possibile, in sensu composito sunt falsæ, quoniam impossibile est oppositas formas inesse eidem cōiunctim. In sensu autem diuiso sunt ueræ, quoniā non inconuenit eidem inesse oppositas

TRACTATUS TERTIVS

formas diuifim, ſive ſucceſſiue. Si autem hiant de non op-
poſitis in utroq; ſenſu poſſunt eſſe ueræ. Nam ſumpta re
frigida, puta niue, ſi formetur talis, conditionalis in ſenſu
compoſito, frigidum eſſe albū eſt poſſibile; eſt uera; quo-
niam non repugnat rei frigide, ut eſt ſub frigiditate eſſe
albam ſimul, ut patet de niue, & multis lapidibus, ſi etiam
formetur in ſenſu diuiſo erit uera, ſic dicēdo, frigidū poſ-
ſibile eſt eſſe album, quoniam non repugnat rei potenti eſ-
ſe frigidam, poſt frigiditatem recipere albedinem. Vnde
ſolas modales factas de oppoſitis, formis oportet diſtin-
guere per ſenſum compoſitum, & diuiſum, quoniā in uno
ſunt ueræ, in alio falſæ. Factas autem de non oppoſitis, nō
oportet ſic diſtinguere, quoniam utraq; potest eſſe uera.
Hæc pro nunc ſufficiant, ne tu inuenis cōfundaris. Hæc de
preſenti capite dicta ſunt.

De æquipollentiis categoricarum oppoſitarum de

ineſſe. CAP. V.

In capite quinto, agendum eſt de æquipollentiis cate-
goricarum de ineſſe & modalium. Ordo enim doctrinæ re-
quirat, ut poſtquam de eorum oppoſitionibus pertractaui-
mus, nunc de earum æquipollentiis conſideremus, & prius
quidem de æquipollentiis categoricarum de ineſſe, quo-
niam ſunt priores modalibus, utpote ſimpliciores. Igitur
in præſenti cap. de æquipollentiis categoricarum de ineſſe
tria agenda ſunt. Primò, quid ſit æquipollentia propoſitio-
num, de qua hic intendimus. Secundò, quot regulis ſuffi-
cienter ſit; & de ſingulis regulis in ſpecie pertractandum
eſt. Tertiò, ſoluetur duo dubia.

Quantum ad primum aduerte, quòd ſic deſcribitur a-
pud Logicum; *Æquipollentia, eſt æquiualentia duarum*
propoſitionum in ſignificato, ſitarum in figura oppoſitio-
num, per aduentum negationis facta, ita quòd ab una ad
alteram eſt bona conſequentia.

Primò dicitur æquipollentia, quoniā eſt genus, & quid
magis commune. Omnis enim æquipollentia propoſitio-
num, eſt æquiualentia; ſed non omnis æquiualentia eſt in
propoſitionibus; eſt etenim in terminis incomplexis, ut
duo ſynonyma æquiualent in ſignificato. Eſt etiam in

rebus commutabilibus quo ad pretium, aliter in emptio-
ne & uenditione non seruaretur æqualitas & iustitia, est
& in bonitatibus rerum unde solemus dicere, hanc medi-
cinam æquivalere illi.

Secundò dicitur, duarum propositionum in significato,
ut excludamus propositiones factas de terminis æquiuo-
cis, quæ licet conueniant in uoce, non tamen in significa-
tione, ut hic, Omnis canis lucet, nullus canis lucet.

Tertio dicitur sitatum in figura propositionum, ad dif-
ferentiam aliquarum propositionum quæ æquivalent in
significato, ut istæ duæ, Tantum homo est rationalis, ergo
omne rationale est homo; & tamen nō dicuntur propriè
æquipollere, quoniam æquipollentia de qua hic intendi-
mus, est tantum inter propositiones alicuius quantitatis,
quæ participant utroque termino eodem ordine. Cōstat
autem hanc, tantum homo est rationalis, non esse forma-
liter alicuius quantitatis, nec est eiusdem subiecti, & præ-
dicat: eunt ista, Omne rationale est homo, ut patet.

Quartò dicitur facta per notam negationis, quoniam
ut declarabitur ex eo solo, quòd negatio præponitur, &
postponitur, aut præponitur, & postponitur, duæ præpo-
sitiones oppositæ, æquipollent. Verbi gratia. Istæ duæ con-
tradiciunt, Nullus homo currit, Quidam homo currit.
Si ly nullus, præponitur non, ut non nullus homo currit,
æquipollet isti, Quidam homo currit. Nam bene sequitur,
Non nullus homo currit, ergo quidam homo currit.

Quintò dicitur ita, quòd ab una ad alteram ualet con-
sequentia: quoniam cum declaratum fuerit duas præpo-
sitiones æquivalere in significato, una sequitur ad alteram,
& econtrersò. Nam bene sequitur, Non omnis homo cur-
rit, ergo quidam homo non currit, & econtrersò, & hæc
ultima particula opponitur, ut scias quantum tibi prode-
rit scientia æquipollentiarum in arguendo & responden-
do. Cōstat igitur, quid sit æquipollentia propositionum
categoricarum de inesse, de qua nunc intendimus.

Quantum ad secundum aduerte, quòd Logici in tri-
bus regulis comprehendunt æquipollentias omnium pro-
positionum oppositarum in figura, quarum quædam sunt

TRACTATUS TERTIVS

contrariæ, quædam subcontrariæ, quædam contradictoriæ, quædam subalternæ, & aduerte, quòd per regulas sequentes intendimus æquipollentiam fieri prædictarum propositionum, quo ad qualitatem, & quantitatem, & ueritatem, & falsitatem earum.

Prima igitur regula est hæc. Negatio præposita signo uniuersali, uel particulari, facit æquipollere contradictorias, ut, Non omnis homo currit, ergo quidam homo currit, non nullus homo currit, ergo quidam homo currit. Pro notitia huius regulæ aduerte tria.

Primò, quòd Logici conuenienter incipiunt æquipollentias in contradictoriis, quoniam maximè opponuntur. Opponuntur enim in omni materia, quo ad qualitatem, & quantitatem, & ueritatem, & falsitatem, ut docuimus supra in cap. secundo huius tractatus. Contrariæ uerò in nulla materia opponuntur, quo ad quantitatem. Nec quo ad ueritatem, & falsitatem, nisi in materia naturali & remota. Nam in materia contingenti, ut docuimus in eodem cap. sunt simul falsæ. Subalternæ autem non opponuntur in qualitate, sed quantitate, nec in ueritate, & falsitate, possunt enim esse simul ueræ: ut docuimus, in eodẽ cap. Subcontrariæ uerò minime opponuntur, & tñ non possumus dare regulam, per quam æquipollean.

Secundo aduerte ad hoc, quòd negatio adueniens faciat propositionum oppositarum æquipollentiam, oportet, & sit negatio negans. Pro cuius notitia aduerte, quòd in doctrina Peripatetica inuenimus triplicem negationem, scilicet negantem, infinitatem, & priuantem. Negans est illa, quæ quicquid post se inuenit, destruit, & suũ oppositum inducit. Vnde si inuenit propositionem uniuersalẽ, facit eã particulare, & si affirmatiuã facit eã negatiuã, & e cõuerso, & si uerã facit eam falsam, & econuerso, & hoc maxime uerificatur in contradictoriis quorum unus est uerum in omni materia, & alterũ falsum. Vnde negatio præposita, facit æquipollere duas contradictorias in qualitate, quantitate, ueritate, & falsitate. Negatio infinitans est illa, quæ apposita termino finito, facit ipsum infinitum, id est indeterminatum in significato. Quid autem sit ter

minus infinitus, & terminus finitus, & quæ eorum significata, iam docuimus in tract. secundo in diuisione septima terminorum negatio priuans, est negatio habitus, aut formæ, aut qualitatis perficientis subiectum, relicta tamen aptitudine in subiecto, & sic omnis priuatio, ut cæcitas, tenebra, mors ignorantia &c. dicitur negatio priuans. negatio infinitans, & priuans, pro nunc relinquuntur, donec pertractabimus de consequentiis. Nam æquipollentijs propositionum, quibus nunc intendimus, sufficienter deseruit negatio negans. De ea igitur ut facit æquipollere contradictorias, data est præposita regula.

Tertio aduerte, q̄ idē negatio negans præposita toti subiecto, & signo contradictoriarū, facit eas æquipollere, quia ut diximus quicquid post se inuenit, destruit, & eius oppositū inducit. Inuenit autem in contradictorias discordare in qualitate, quoniā una affirmatiua, altera negatiua, ut omnis homo est albus, & quidam homo est albus. Si igitur uniuersali affirmatiuæ præponatur negatio, facit eam negatiuā, ut, non omnis homo est albus, est negatiua sicut ista, Quidam homo nō est albus, & econuerso, ergo facit eas æquipollere in qualitate. Itē inuenit eas discordes in quantitate, quoniam una est uniuersalis, altera particularis. Si igitur negatio præponatur uniuersali, facit eam particularem, & econuerso, ut, non omnis homo est albus, est particularis sicut ista, Quidam homo non est albus, & econuerso; facit ergo æquipollere contradictorias in quantitate. Item inuenit eas discordes in ueritate, & falsitate. Si igitur præponatur propositioni contradictoriæ talis, facit eam ueram, y. g. sit ista falsa, Omnis homo est albus, sit ista uera, Quidam homo non est albus, præponatur ergo nega. falsæ; ut non omnis homo est albus, destruet falsitatem, & faciet eam ueram. Vnde ista, non omnis homo est albus, est ita uera, sicut ista, Quidam homo non est albus. Et econuerso, & quod dixi de uniuersali affirmatiua, & particulari. negatiua, intellige etiam de uniuersali nega. & particulari. affirmatiua. Constat igitur ueritas primæ regulæ.

Secunda regula est ista, negatio negans postposita signo uniuersali, & toti, subiecto, facit æquipollere duas cōtrarias.

TRACTATUS TERTIVS C

Aduerte, quod hæc regula indiget duplici limitatione. Prima est, quod ponatur negatio immediate ante copulam, ita, quod exerceat uirtutem suam super copulam & totum prædicatum, & ponatur oīno post signū uniuersale, & post totū subiectū, ita quod nullo modo præualeat supra signum, nec supra subiectū, quo ad mutationē quantitatis. Defectu cuius istæ duæ non æquipollent. Omnis non hō est animal, Nullus homo est animal. Sed si dicatur, Omnis homo non est animal. Ergo nullus homo est animal. Vel sic; Nullus homo non est animal, Ergo omnis homo est animal.

Secunda est, fiant duæ contrariæ, quæ teneantur unifor-
miter, scilicet, distributiue, & non altera collectiue, puta
uniuersalis affirmatiua, & altera distributiue, puta uniuer-
salis negatiua, ut hic, Omnes apostoli Christi sunt duode-
cim, nulli apostoli Christi sunt duodecim; non in istæ duæ
æquipollent, Omnes apostoli Christi non sunt duodecim,
ergo nulli apostoli Christi sunt duodecim. nam hæc est ue-
ra, Nulli apostoli Christi sunt duodecim. stat enim distribu-
tue, ly nulli apostoli. Hæc autem est falsa, omnes Aposto-
li Christi non sunt duodecim, quoniam affirmatiua est ue-
ra, scilicet, omnes apostoli Christi sunt duodecim. quoniam
ly omnes apostoli, tenetur collectiue.

Quod autē hæc secunda regula sit recte & sufficienter
posita ratio hinc sumitur; Contrariæ uniuersaliter et in
omni materia sumptæ, discordant in qualitate, & conue-
niunt in quantitate. In materia autē naturali & remotā non
solum in qualitate, sed & in ueritate & falsitate discordant,
quoniam ut docuimus supra, non possunt esse simul ueræ,
aut simul falsæ. In materia uero contingenti, non sic pu-
gnant, quoniam ambæ possunt esse simul falsæ. Ut ergo
non mutetur quantitas, ponitur post signum uniuersale, &
totum subiectum, neque enim habet uim supra subiectum,
neque supra signum, nisi cadat supra ipsum. Et sic non
destruit uniuersalitatem contrariam. Ut autem mutet
qualitatem, ita quod si inuenit affirmatiuam, faciat negati-
uam & e converso, ponitur ante copulam & totum prædi-
catum. Et sic, facit uniuersalem affirmatiuam æquipolle-
re uniuersali negatiuæ, & e converso. Unde illa, Omnis ho-

mo non est asinus, est negatiua uniuersalis, & æquipollet isti. Nullus homo est asinus, & ista. Nullus homo non est asinus,, est affirmatiua uniuersalis, & æquipollet isti, Omnis homo est asinus. Constat ergo quomodo contrariæ æquipollent per positionem negationis post subiectum, & ante copulam ac totum prædicatum. Et sic patet ueritas secundæ regulæ.

Tertia regula est ista, negatio præposita & postposita facit æquipollere duas subalter nas siue affirmatiuas, siue negatiuas. Hæc, regula sic debet intelligi, negatio præposita signo uniuersali, uel particulari, tam affirmatiuo, quam negatiuo, & toti subiecto, & postposita signo ac toti subiecto, tamen ante copulam & totum prædicatum facit æquipollere subalter nas, ut hic, Non omnis homo non currit, ergo quidam homo currit, & econuerso. Non nullus homo non currit, ergo quidam homo non currit, & econuerso. Ratio autem regulæ est hæc. Subalternæ conveniunt in qualitate, & discordant in quantitate, ergo sic situanda est negatio, quod mutet quantitatem, & relinquat eandem qualitatem, ita quod non destruat eam. Ut ergo mutetur quantitas, oportet eam præponere, sicut diximus de contradictorijs, nisi autem postponatur alia negatio, prima mutaret quantitatem & qualitatem, ita quod uniuersalem faceret particularem, & econuerso, & affirmatiuam faceret negatiuam, & econuerso. Ut ergo impediatur uirtus negationis præpositæ, ne mutet qualitatem, postponitur alia impeditiua primæ. Vnde sicut prima per seipsam negat, adiuncta alteri, affirmat, quoniam duæ negationes affirmant.

Constat igitur quomodo tres prædictæ regulæ sufficiunt ad æquipollentiam de contradictorijs & contrarijs, & subalternis. Pro quarum notitia, Logici hunc uersum artificiose compoluerunt.

Per contradic. post contra. præ postq. subalter.

Et sic exponitur præ id est præposita signo, & subiecto, contradic. id est facit æquipollere contradictorias. Post id est, posita post signum & totum subiectum, contra, id est sunt æquipollere contrarias. præ postquæ, id est præposita

TRACTATUS TERTIVS

lita & postposita, ut docuimus, facit & equipollere subalternas, Vt autem oculo uideas prædictas & equipollentias, descripsi figuram sequen.

Omnis homo currit. Contrariæ repugnant. Nullus hō currit.

Omnis homo non currit. Contrariæ & equipollentes, Nullus hō currit.

Omnis homo currit. Contradic. rep. Quidā hō nō currit.

Non omnis homo currit. Contradic. & equipol. Quidā hō non currit.

Nullus homo currit. Contradi. repu. Quidā hō currit.

Nonnullus hō currit. Contradi. & equipol. Quidā hō currit.

Omnis homo currit. Subalter. repu. Quidā hō currit.

Non omnis homo currit. Subalt. & equipollen. Quidā homo non currit.

Nullus hō currit. Subalt. repu. Quidā hō nō currit.

Non nullus homo currit. Subalt. & equipol. Non quidā hō non currit.

Constat igitur tibi in præsentī ordinatione, quomodo contrariæ & contradictoriæ & subalternæ adinucem repugnant, & adinucem & equipollent. Quare autem non descriperimus subcontrariarum repugnantiam, & & equipollentiam, dicemus in immediate sequentibus, ut compleamus tibi notitiam oppositionum, & & equipollentiarum in propositionibus categoricis de inesse.

Quantum ad tertiā, duo dubia circa prædicta solvenda sunt. Primum est, quare non assignatur quartā regula pro & equipollentia subcontrariarum, & præcipue, quia repugnant in qualitate, & si non in quantitate, & in materia

naturali, & remota, repugnat in ueritate, & falsitate, sicut & contrariæ. Licet enim in materia contingenti possint esse simul ueræ, sicut & contrariæ simul falsæ, ut docuimus supra: non tamen in materia naturali & remota, sed de necessitate, si una est uera, altera est falsa, & econuerso.

Secundum est, cum proprium sit negationis negare, sicut affirmationis affirmare, unde est, quod duæ negationes affirmant, & tamen duæ affirmationes non negant, imò magis affirmant. Idem ergo uidetur dicendum de negationibus, quod quanto plures sunt, tanto magis negant: sicut priuationes quanto plures sunt, tanto magis destruant habitum. Vnde uidemus, quod infirmitates, quando magis complicantur, tanto magis destruant sanitatem & disponunt ad mortem.

Ad primum respondetur, quod cum æquipollentia fiat per aduentum negationis præpositæ, aut postpositæ, aut præpositæ, & postpositæ, & non sint alij modi ponendi negationem, nullo prædictorum modorum potest fieri æquipollentia in subcontrariis. Nam negatio præposita, ut in contradictoriis, & præposita ac postposita, ut in subalternis, mutat quantitatem, subcontrariæ uero non opponuntur secundum quantitatem, ergo per negationem præpositam, aut præpositam & postpositam non possunt æquipollere. Si uero postponatur, ut in æquipollentia contrariarum, aut postponetur affirmatiuæ aut negatiuæ. Non affirmatiuæ, quia tunc nullo modo differret a negatiua, ut si huic, Quidam homo currit, postponatur negatio, & dicatur, Quidam homo non currit, patet quod nullo modo differt a subcontraria negatiua. Quæ autem æquipollent, & si conueniant in significato, differunt tamen in compositione, ut patet in prædictis æquipollentibus. Si autem postponitur negatiuæ, fiet negatio dicendo, quidam homo non currit, quæ uitanda est tam a Logico quam a philosopho. Non ergo possunt æquipollere, & ideò tantum tres regulæ inuentæ sunt, quæ quantum ualeant propter negationem aduenientē, declaratur his uersibus; Non ois, quidam nō. Ois non, quasi nullus. Non nullus, quidā, sed

TRACTATUS QVARTVS.

sed nullus nō ualet omnis. alter, neuter, neuter non præ-
stat uterque. Ad letundum dicitur, quod negatio, ut negatio semper
negat, & destruit, sicut affirmatio, ut affirmatio, semper
affirmat. Quod autem oppositum inducat, hoc est ex cō-
ditione sue naturæ, quæ est adeo maligna, quod quicquid
pōt se inuenit, destruit, & oppositum inducit, ex quo se-
quitur, quod si inuenit affirmatum, facit negatum, & ecō-
uerso. & hinc est, quod dux negationes affirmant. Nam
si negatio de nouo adueniens, repetit aliam præcessisse,
impedit præcedentem ne amplius neget, & uirtutem eius
ac effectū destruit, quo destructo inducit oppositū, quod
est affirmare, nec ualet similitudo sumpta ab affirmatiōe,
quoniam affirmatio habet uim constructiuam, negatio au-
tem destructiuam, non solum eius, quod affirmatio con-
struxit, sed etiam eius, quod alia negatio sibi similis destru-
xit, & oppositum inducit. Nec est simile de infirmitatibus
complicatis, quoniam non sunt præ negationes, sed qua-
litates cōtrariantes sanitatibus oppositis. Hæc igitur
de æquipollentijs categoricarum de inesse dicta sufficiat,
& hic terminatur caput quintum.

De æquipollentijs categoricarum modalium. Cap. vi.

IN sexto capitulo agendum est de æquipollentijs pro-
positionum categoricarum modalium. Et hic quatuor
agenda sunt. Primò, quot sint ordines modalium opposi-
tarum, & per quas ordinantur. Secundò, possentur regu-
læ, per quas cognoscantur æquipollentiæ dictorum ordi-
num. Tertiò, assignabuntur alie regulæ, per quas cogno-
scemus æquipollentijs omnium propositionum sexdecim,
quæ formantur per hos quatuor modos, possibile, inpos-
sibile, necessarium, & contingens. Quartò, soluetur du-
bium de his duobus modis, uerum & falsum, quos supra
diximus relinquendos.

Quantum ad primam aduerte, quod modalium æqui-
pollentium quatuor assignantur ordines designati per has
quatuor dictiones. Anabimus, eideñtali, Iliacæ, Purpureæ,
& quælibet earum continet quatuor syllabas cū quatuor
uocalibus, scilicet a, e, i, u. A, signat affirmatiuam de dicto

& mo-

& modo. u. totam negatiuam de dicto & de modo. e. negatiuam de dicto tantum. i. negatiuam de modo tantum. Vnde uersus. Destruit. u. totum, sed a, confirmat utrumq. Destruit e, dictum. Destruit. i. que modum. Isti ordines sic disponuntur, quod primus est amabimus, secundus edentuli, tertius, Iliacæ, quartus purpurea. Primus & secundus opponuntur subcontrariæ, quartus & tertius contrariæ: quartus & secundus contrariæ, tertius & primus contradictoriæ: quartus & primus subalternæ: tertius & secundus subalternæ. Quilibet horum horum quatuor ordinum continet quatuor propositiones. Prima est de possibili, secunda de contingenti, tertia de impossibili, quarta de necesse. Ea; de contingenti, est penitus similis ei, quæ est de possibili, ita quod si ea, quæ est de possibili, est tota affirmatiua, sic & ea quæ est de contingenti: & si tota negatiua, similiter & illa &c. Nam possibile & contingens conuertuntur. Possibile est enim quod potest esse, & non esse, contingens uero, quod contingit esse, & non esse. Propterea cuiusque æquipollet propositio de possibili, eidem æquipollet consimilis de contingenti, ut tibi declarabitur in regulis sequentibus.

Sed aduerte, quod possibile sumitur dupliciter. Primo absolute, secundo contracte, ut distinguitur contra necesse. Primo modo est superius ad necesse, & ad possibile contractum. Nam possibile absolute est illud, quod potest esse, & ut sic sequitur ad necesse. Nam bene sequitur. hoc est necesse esse, ergo est possibile esse. Vel enim est possibile uel impossibile esse, non impossibile, ut patet, ergo possibile. Possibile autem contractum est illud, quod potest esse & non esse, & hoc conuertitur cum contingenti, & opponitur ipsi necesse, nec sequitur ad ipsum. Nam illud est necesse, quod non potest non esse, possibile autem contractum, quod potest esse & non esse. Hic ergo, quando dicimus, quod possibile, & contingens conuertuntur, intendimus de possibili contracto, & non de possibili absolute. & aduerte, quod possibile absolute apud Philosophum dicitur possibile altum, id est communius, quam necesse & possibile contractum. Possibile autem contractum dicitur

TRACTATUS TERTIVS

dicatur possibile contingens: ut declaratur in libro nono primæ philosophiæ. His præpositis, descendendum est ad regulas æquipollentiarum.

Quantum igitur ad secundum aduerte quatuor regulas. Per primam manifestatur æquipollentia totius affirmatiuæ de possibili, scum tota affirmatiuæ de cōtingenti, & cum negatiua de modo de impossibili, & tota neg. de necesse. Est ergo regula prima talis.

Cūcunque dicto affirmato attribuitur possibile, eidem attribuitur contingens, ab eodem remouetur impossibile ab eius opposito, id est à dicto negato remouetur necesse. Sensus regulæ est iste, ab affirmatiua tota de possibili, ad affirmatiuam totam de contingenti, ualet consequentia. Vt, sortem currere est possibile, ergo sortem currere est contingens. Ab eadem ad negatiuam de modo de impossibili, ualet consequentia. Nam si sor. cur. est possibile, ergo sort. cur. non est impossibile. Ab eadem ad totam negatiuam de necesse, ualet consequentia. Nam si sortem currere, est possibile. Sortem non cur. non est necesse; quia potest currere & non currere: si autem esset necesse eum currere, non posset non currere. Patet ergo ueritas primæ regulæ. Et aduerte, quod tota prædicta regula manifestatur per primum ordinem dictum amabimus; & patet in figura sequenti.

Figura A sortem cur. est possibile.
 Primæ ma Ergo sor. cur. est contingens.
 Ordinis, bi Ergo sor. cur. non est impossibile.
 Amabilis, mus. Ergo sor. non cur. non est necesse.

Secunda regula est hæc. Cūcunque dicto negato, attribuitur possibile, eidem attribuitur contingens, ab eodem remouetur impossibile, ab eius opposito, id est à dicto affirmato remouetur necesse.

Sensus huius regulæ talis est, negatiua de dicto de possibili, ad negatiuam de dicto de contingenti, ualet consequentia nam bene sequitur, si sor. non currere est possibile, ergo, sor. nō cur. est contingens. Ab eadem ad totam

negatiuam de impossibili, ualeat consequentia. Nam bene sequitur, si sor. non cur. est possibile; ergo sor. non cur. non est impossibile. Ab eadem ad negatiuam de modo tantum de necesse, ualeat consequentia. Nam bene sequitur, si Sor. non cur. est possibile. ergo sor. cur. non est necesse. Ergo regula est uera, de qua patet hic figura.

Figura E Sor. non cur. est possibile.
secundi den Ergo Sor. non cur. est contingens.
ordinis, tu Ergo Sor. non cur. non est impossibile.
Edentuli. li Ergo Sor. cur. non est necesse.

Tertia regula talis est, A quocunque dicto affirmato remouetur possibile, ab eadem remouetur contingens, eidem attribuitur impossibile, eius opposito, id est dicto negativo, attribuitur necesse.

Sensus huius regulæ talis est; A negatiua de modo de possibili, ad negatiuam de modo de contingenti, ualeat consequentia. Nam bene sequitur, si Sor. cur. non est possibile, Ergo Sor. cur. non est contingens. Ab eadem ad totam affirmatiuam de impossibili ualeat consequentia. Nam bene sequitur, si Sor. cur. non est possibile, ergo Sor. cur. est impossibile. ab eodem ad negatiuam tantum de dicto de necesse ualeat consequentia. Nam bene sequitur, Si Sor. cur. non est possibile, ergo non cur. est necesse, ergo constat ueritas regulæ, cuius figura patet hic.

Figura I Sor. cur. non est possibile.
tertij li Ergo Sor. cur. non est contingens.
ordinis a Ergo Sor. cur. est impossibile.
Iliacæ cz Ergo Sor. non cur. est necesse.

Quarta regula talis est. A quocunque dicto negativo remouetur possibile, ab eodem remouetur contingens, eidem attribuitur impossibile, eius opposito, id est dicto affirmato attribuitur necesse.

Sensus regulæ est iste: A tota negatiua de possibili ad totam negatiuam de contingenti, ualeat consequentia.

Nam

TRACTATUS TERTIVS

Nam bene sequitur, si Sor. non cur. non est possibile, ergo Sor. non cur. non est contingens. Ab eadem ad affirm. de dicto tantum de impossibili, ualet consequentia. Nam bene sequitur, si Sor. non cur. non est possibile, ergo Sor. non cur. est impossibile. Ab eadem ad totam affirmatiuam de necesse, ualet consequentia. Nam bene sequitur, si Sortem non cur. non est possibile, ergo Sor. cur. est necesse, & sic constat ueritas regulæ, figura eius patet infra.

Figura pur. Sor. non cur. non est pos.
 quarti pu. Ergo Sor. non cur. non est contingens.
 ordinis re Ergo Sor. non cur. est impossibile.
 purpurea a. Ergo Sor. cur. est necesse.

Quantum ad tertium aduerte, quod ultra quatuor præmissas regulas, Logici inueniunt alias pro habendis æquipollentijs inter sexdecim propositiones modales, formatas ex his quatuor modis, possibile, impossibile, contingens, & necesse. sunt autem tres, quoniam licet propositiones de contingenti, & de possibili, sint distinctæ, tamen eodem modo æquipollent, eo quod possibile & contingens conuertuntur modo, quo diximus supra. Prima igitur deseruiunt propositionibus de possibili & impossibili, secunda propositionibus de possibili & necesse, tertia propositionibus de impos. & necesse. Quæ autem deseruiunt propositionibus de pos. deseruiunt etiam propositionibus de contingenti, quoniam idem est iudicium de utrisque.

Prima igitur est hæc, Omnes propositiones de possibili & impossibili æquipollent uerbo similiter se habente, & modo dissimiliter. Pro cuius notitia aduerte, quod dicitur uerbū se habere similiter, qñ negatur in utraq;, uel affirmatur in utraq;. Si autem affirmatur in una & negatur in alia, dissimiliter se habent. Idem intellige de modo se habente similiter uel dissimiliter. Hæc igitur regula sic intelligitur, Propositione prima de possibili, quæ est tota affirmatiua, æquipollent tertiæ de impossibili, quæ est negatiua de modo, ut, Sortem cur. est possibile, ergo Sortem currere non est impossibile. Secunda de possibili, quæ est negatiua de dicto,

dicto, & equipollet quartæ de impossibili, quæ est tota negatiua, ut Sor. non cur. est possibile. Ergo sor. nō cur. non est impossibile. Tertia de possibili, quæ est affirmatiua de dicto & negatiua de modo, & equipollet toti affirmatiuæ de impossibili, ut sor. cur. non est possibile, ergo sor. cur. est impossibile. & hæc est, prima de impossibili. quarta de possibili, quæ est tota negatiua & equipollet secundæ de impossibili, quæ est negatiua de dicto, & affir. de modo. ut sor. non cur. non est possibile, ergo sor. non cur. est impossibile. & equipollētæ huius primæ regulæ patēt ī figura seq.

Prima. sor. cur. est pos. ergo sor. cur. non impos. tertia
 2 sor. non cur. est pos. ergo sor. nō cur. nō est impos. 2
 3 sor. cur. non est pos. ergo sor. cur. est impos. 1.
 4 sor. nō cur. nō est pos. ergo sor. nō cur. est impos. 2

Secunda regula est hæc. Omnes quatuor propositiones de possibili, & de necesse, & equipollent dicto & modo dissimiliter se habentibus. Hæc regula sic intelligenda est. si propositio de possibili sit tota affirmatiua, propositio de necesse sit tota negatiua, ut hic, sor. cur. est possibile, bene sequitur, ergo sortem non cur. non est necesse, & sic & equipollent prima de possibili, & quarta de necesse. si propositio de possibili est negatiua, de dicto, & affirmatiua de modo, propositio de necesse sit affirmatiua de dicto, & negatiua de modo, ut hic. sor. non cur. est possibile, Ergo sor. cur. non est necesse, & sic & equipollent. secunda de possibili, & tertia de necesse. si propositio de possibili est negatiua de modo, & affirmatiua de dicto, propositio de necesse, sit affir. de modo, & negatiua de dicto, uti hic, sor. cur. non est possibile, ergo sort. non currere est necesse, & sic & equipollent, tertia de possibili, & secunda de necesse. si propositio de possibili est tota negatiua, propositio de necesse sit tota affir. ut hic, sortem non currere non possibile, ergo sortem currere, est necesse. figura veritatis huius regulæ patet infra.

prima. sor. cur. est possibile. Ergo sor. nō cor. nō ē nec. 4.
 2 sor. non cur. est pos. Ergo sor. non est necesse. 3.
 3 sor. cur. non est pos. Ergo sor. non cur. est neces. 2.
 4 sor. nō cur. nō est pos. Ergo. sor. cur. est necesse 1.

TRACTATVS TERTIVS

Tertia regula talis est. Omnes propositiones de impossibili, & de necesse, aequipollent dicto dissimiliter se habenti, & modo similiter, Haec regula sic intelligenda est, si propositio de impossibili sit tota affirm. propositio aequipollens de necesse sit neg. de dicto tantum, & sic aequipollent prima de impossibili, & secunda de necesse. Vt si Sor. currere est impossibile, Sor. non currere est necesse. Si propositio de impossibili sit negatiua de dicto tantum, propositio aequipollens de necesse, sit tota affirm. & sic aequipollent secunda de impossibili, & prima de necesse. Vt Sor. non currere est impos. ergo Sor. currere est necesse. Si propositio de impossibili est nega. de modo tantum, propositio de necesse sit tota nega. & sic de aequipollent tertia de impossibili & quarta de necesse. Vt Sor. currere non est impossibile, ergo Sor. non currere non est necesse. Si propositio de impossibili est tota negatiua, propositio aequipollens de necesse sit nega. tantum de dicto. Et sic aequipollent quarta de impossibili, & secunda de necesse. Vt Sor. non currere non est necesse. & sic patet ueritas tertiae regulae. De quatuor autem propositionibus de contingente, non datur specialis regula, quoniam idem est iudicium & aequipollentia de eis, sicut de quatuor de possibili. Diximus enim possibile, & contingens esse convertibilia, sumendo possibile contractum, & non possibile altum, siue absolutum modo quo supra docuimus. De tertia regula formamus sequentem figuram. Deinde describemus uniuersalem figuram, qua ad oculum uidebis aequipollentias oppositionum omnium modalium.

- Prima. Sor. cur. est pos. Ergo Sor. non cur. est necesse. 2.
 2 Sor. non cur. est pos. Ergo Sor. non cur. est necesse. 1.
 3 Sor. cur. non est pos. Ergo Sor. non cur. non est necesse. 4.
 4 Sor. non cur. non est pos. Ergo Sor. cur. est necesse. 3.

Figura uniuersalis aequipollentiarum in modalibus
iuxta regulas quatuor priores.

Ordo quartus.

Ordo tertius.

Pur. Sor. non cur. non est pos. Contrariæ: E Sor. non cur. est ipos.
 Pur. Sor. non cur. non est cōtingēs li Sor. cur. non est cōtingēs.
re

re Sor. non cur. est impos.

a Sor. cur. est impos.

a. Sor. cur. est necesse.

ce. Sor. nō cur. est neces.



A Sor. cur. ē pos. subcōtrariz. E Sor. non cur. est pos.
 ma Sor. cur. est contingens. dē sor. cur. est cōtingēs.
 bi sor. cur. non est impos. tu sor. nō cur. nō ē impos.
 mus. sor. nō cur. nō est neces. li. sor. cur. non est neces.

Ordo primus.

Ordo secundus.

Hæc dicta sint de oppositione, & æquipollētia modalium.
 Quantum ad quartum, soluendum est hoc dubium. Cū
 isti duo modi uerū, & falsum, numerētur inter modos sex
 faciētes propōnem modale, quare nō memorātur in op-
 positione, & æquipollentia propositionum modalium?

Ad hoc respondetur, qd propositio modalis, pōt sumi tri-
 pliciter. Primò, gñalissimè, secūdò gñaliter, tertio specialiter.
 Gñalissimè dicitur modalis, cuius subiectum uel præ-
 dicatū modificatur aliquo adiectiuo, ut homo albus cur.
 Princeps iniustus regnat, Sortes est homo ignorans &c.
 Gñaliter dicitur, qñ modus determinat copōnē prædicari

TRACTATVS TERTIVS

eum subiecto, ita tñ quòd oppositio, & æquipollentia sit eodẽ modo, sicut in his de inesse, & sic uerũ & falsum faciunt, propõnẽ modale, sicut & isti modi, opinabile, imaginabile, intelligibile, credibile, & eorũ opposita. v.g. opinabile est æstatẽ futurã pluuiosam, intelligibile est solem esse maiorẽ luna, &c. Spãlter aut dicitur, qñ modus ita de terminat compositionem prædicati cum subiecto, q̃ constituit propositionem, cuius oppositio, & æquipollentia non possunt fieri eo modo, quò & in propositionibus de inesse, & in hoc tertio sensu soli quatuor modi, s. Possibile. Contingẽs, Impossibile, Necesse constituunt propõne modalem. Vnde quia uerũ & falsum locantur in secundo sensu, ideo relinquũtur. Vt autem scias, quòd oppositio, & æquipollẽtia fiunt in propositionibus formatis per hos modos. uerum, & falsum, prius resoluas eas in orationes indicatiuas sic, Omnem hominem esse animal, est uerum, idest, hæc est uera, Omnis homo est animal. Nullum hominẽ esse animal est falsum. i. hæc est falsa. Nullus hõ est animal, eodem modo procede ad subcõtrarias, & contradictorias, & subalternas, ut patet in sequenti figura,

Ois hõ est
aial, est uera,
Oẽm ho. est
aial ē verũ.

Contraria.

nullus hõ est
aial est falsa,
Nul. hoĩem
eẽ aial ē fal.

Subalterna.

*Contra
dictoria*

Subalterna.

quidẽ hõ esse
aial, est uerã,
quidã hõ est
aial est, uera,

Subcontraria.

quidã hõ nã
eẽ aial, ē fal.
quidã hõ nõ
ē aial est fals,

Si autē uolueris uidere æquipollentias sicut in categoricis de inesse, appones negationem modis, quibus dictum est in æquipollentiis propositionum de inesse, scilicet contradictoriis præpones, contrariis postpones, subalternis præpones, & postpones, subcontrariæ æquipolleri non possunt, ut supra ostendimus. Verbi gratia, si uis facere æquipollere in ueritate duas contrarias in figura præmissa in ueritate, sic facies, *Omne hominem esse animal est uerum*, ergo *nullum hominem non esse animal est uerum*. Si autem uis eas facere æquipollere in falsitate, sic facies, *nullum hominem esse animal, est falsum*, ergo *omne hominem non esse animal est falsum*. eodem modo procedes ad æquipollentiam contradictoriarum, & subalternarum locando negationem, sicut in illis de inesse.

Constat igitur quare duo modi, scilicet uerū, & falsum relinquuntur, nec faciunt propositionem propriissimè modalem, nec constituunt aliam oppositionem, nec æquipollentiam, quam illæ de inesse, & sic terminamus hic tractatum tertium, qui est de propositione categorica simplici, & modali, & de hypothetica, & earum oppositionibus, & æquipollentiis: Hæc de capite sexto dicta sint.

TRACTATUS QUARTUS, QUI ERIT DE QUINQUE PRÆDICABILIBUS;

sive uniuersalibus, quorum scientiam accepimus à

Porphyrio in lib. de Isagogis ad categorias

Aristo. id est, in lib. de introductione

in lib. de prædicamentis

Aristotelis

POSTQUAM considerationem compleuimus de propositione, & speciebus eius, & suis proprietatibus, quæ sunt conuersio, oppositio, æquipollentia, ordo doctrinæ consuetus apud Logicæ tractatores pro ordinatè instituendis nouitiis requirit, ut de terminis incomplexis communibus, & uniuersalibus pertractemus.

TRACTATUS QUARTIVS

mus, ex quibus propositiones scientificæ præcipue componuntur, & ex huiusmodi propositionibus formædi sunt doctrinales & demonstratiui syllogismi. Sunt autem isti termini incomplexi quinque prædicabilia, scilicet, genus, species, differentia, proprium, & accident, & decem categoriæ, quæ apud Latinum dicuntur decem prædicamenta, scilicet Substantia, Quæritas, Qualitas, Relatio, Actio, Passio, Vbi, Quando, Situs & Habitus. Horum igitur notitia sic ordinanda est. Prius agendum est de quinque prædicabilibus, & hoc in præsentî tracta. posterius autem de decem prædicamentis, & hoc in sequenti tract. Hunc autem tracta. diuidemus in sex capita.

Primò agendum est de aliquibus quorum præcognitio necessaria est antequam descendamus ad considerationē singuli prædicabilis.

Secundò, agendum est de genere.

Tertio, de specie.

Quarto, de differentia.

Quinto, de proprio.

Sextò, de accidente.

De præcognitione. C A P. I.

In hoc primo capit. tria in primis præconsideranda sunt quorum notitia præexigitur, ne tu nouiti absque ordine erudiaris, & ne eadem sæpius repetere simus astricti.

Primò, propter quid, prius agendum est de quinque uniuersalibus siue prædicabilibus, quàm de prædicamentis.

Secundò, ut definiamus uniuersale, & prædicabile, de quo hic intendimus, inuestigandum est quot modis dicitur, & sub quo sensu consideratur a Logico. Nā Metaphysicus & Physicus, & Logicus de uniuersalibus cōsiderant.

Tertio, agendum est de sufficientia quinque uniuersalium, siue prædicabilium.

Quantum ad primum aduerte, quòd ideo prius de prædicabilibus agendum est quàm de prædicamentis, quoniam prædicamentum constat ex ordinata collectione plurium prædicabilium secundum sub, & supra in recta linea prædicamentali, & à latere. In recta quidem ordinantur genera

genera & species usque ad specialissima. A latere autem ordinantur differentiae, ut tibi manifestabitur in quolibet praedicamento, ergo necesse est praecognoscere quid genus, & quotuplex genus, idem dico de specie, & de differentia. Praeterea in quolibet praedicamento sunt quaedam propria quae distinguuntur contra communia, & se habent ut accidentia, ergo necesse est praecognoscere quid proprium, & quot modis dicitur. Idem dico de accidente, aliter esset impossibile scientiam habere praedicamentis. Rationabiliter igitur tract. praesens, praecedit tra. de praedicamentis, & hac de causa composuit Porphyrius Isagogas. Vnde in principio libri sui inquit, Cum sit necessarium ad eam, quae est apud Aristotelem praedicamentorum doctrinam, nosse quid genus, quid species, quid differentia, quid proprium, quid accidens, &c. tentabo breuiter, uelut introductionis modo ea, quae ab antiquis dicta sunt aggredi.

Sed aduerte, quod non solum ad habendam praedicamentorum doctrinam oportet praecipere notitiam de praedicabilibus; sed etiam ut habeatur doctrina definitionis & diuisionis, & demonstrationis, teste Porphyrio. Nam definitio uera & propria datur tantum de specie, ut declarabitur infra. Et definitionem ueram ac essentialem non ingrediuntur nisi genus proximum, & differentia specifica, & excludendum est proprium & accidens a definitione, ut manifestatur in septimo libr. Metaphysicae. Ergo si uolumus recte definire, oportet ista praecognoscere. Praeterea, diuisio aliquando est generis in specie, aliquando generis in differentias, aliquando est generis in speciei in indiuidua, aliquando subiecti in propria, aliquando subiecti in accidentia communia; ergo ut habeamus doctrinam recte diuidendi, atque definiendi, oportet ista praecognoscere. Praeterea, sine notitia istorum non est possibile habere scientiam demonstrandi ex consequenti, nec aliquam scientiam acquirere; quoniam sola demonstratio facit scire, ut declarabitur in tracta. de syllogismo demonstratiuo. In demonstratione autem oportet subiectu conclusioni esse aut genus aut speciem, praedicatum

TRACTATVS QVARTVS

uero proprium, & cauere, ne sit accidens, medium uero esse definitionem subiecti aut passionis. Definitionem autem oportet constare ex genere & differentia, ergo sine notitia quinque prædicabilium nec syllogismus demonstratiuus, nec aliqua scientia haberi potest. Vt ergo præparetur nobis uia ad notitiam prædicamentorum, ad peritiam definiendi, & diuidendi, & demonstrandi merito præponitur nobis præfens tract. Et ut uerbo complectamur, qui sine præhabita istorum quinque prædicabilium notitia, ad acquirendum cuiusque generis scientiam contendit, est sicut ambulans nesciens quo uadat.

Quantum ad secundū aduerte, quod in doctrina Peripatetica uniuersale multipliciter accipitur, ut infra.

Primò dicitur uniuersale signum distributiuum termini, cui opponitur, ut Omnis, et Nullus, & Quilibet, & de hoc locuti sumus in tract. præcedenti agentes de quantitate propositionum, et oppositione et æquipollentia.

Secundò dicitur uniuersale potentia animæ omniū cognoscitiua, & non solum in singulari, sed & in uniuersali, & hic est intellectus, cuius obiectum est ens cōmunissime sumptum, & per oppositum sensus est quid singulare, quoniam non nisi singulare cognoscit, & de hoc consideratur a Physico in tertio libro de anima.

Tertiò dicitur uniuersale, quod est in se contentiuum omnium perfectionum, & causatiuum cuiusque rei extra ipsum, & sic Deus benedictus dicitur uniuersale in essendo, & in causando, & post Deum intelligentiæ cum corporibus cœlestibus, & de hoc consideratur a Metaphysico in lib. ij.

Quartò dicitur uniuersale illud, quod est oīum uel plurium representatiuum, & sic Deus est uniuersale, & species intelligibilis, quæ est repræsentatiua naturæ communis, & non solum singularis, ut species intelligibilis, qua intellectus intelligit naturam hominis, repræsentat hominem, ut homo est, & non solum, ut est hic, uel hic homo, & de hoc uniuersali pertractatur in lib. iij. de anima, sicut & de specie sensata.

Quintò dicitur uniuersale, quod in pluribus est, uel est aptum

aptum esse in multis, & praedicatur uel praedicabile est de multis, & sic animalis est uniuersale, & homo, & capra, & leo. Nam natura animalis est in omni specie animalis, & de omni eius specie praedicatur, sic & natura hominis est in omni indiuiduo humano, & de hominibus singularibus praedicatur, ut Sortes est homo, Plato est homo, &c. & hoc dicitur uniuersale in praedicando, quod sub diuersa ratione est de consideratione Metaphysici & Physici, & Logici. Nam si consideratur in quantum definibile est, & quoad praedicata sua essentialia, puta homo in quantum est animal rationale, spectat ad Metaphysicum. Solus enim considerat, quod quid est, ut alias tibi manifestabitur. Si autem consideratur in quantum in rerum nat. habet esse in singularibus, & non aliter, sic spectat ad Physicum. Vnde praedicata accidentaliter verificantur de tali uniuersali, ut existit in singularibus, ut haec est uera, homo sanatur, quia aliquis homo sanatur. Si autem nullus homo existeret, esset falsa. Haec tamen semper est uera, etiam nullo homine existente, homo est animal rationale, ut manifestabitur tibi in tracta. de suppositionibus. Si uero consideratur in quantum tali naturae communi attribuuntur ab intellectu praedicata intentionalia, quae, scilicet, inuenit intellectus, postquam apprehendit communitatem & uniformitatem, & conuenientiam eius in suis inferioribus, puta postquam intellectus apprehendit animal esse naturam sensitiuam, animatam, corpoream, aduertit id conuenire omni speciei animalis, & ideo attribuit sibi, quod animal est praedicabile de multis distinctis specie, ut de homine, & leone, ex consequenti attribuit sibi, quod est genus, quod quidem praedicatum non reale sed intentionale dicitur, quoniam est factum per opus intellectus speculantis super naturam communem, quantum sit ex se, sic consideratur a Logico, & in hoc ultimo sensu habemus hic pertractare de quinque uniuersalibus, scilicet, de naturis, ut sunt sub istis conceptibus secundis, quos dicimus intentiones secundas, genus, species, differentia, proprium, accidens. Constat igitur relictis aliis modis, quomodo definiendum sit uniuersale, de quo intendimus in hoc tract.

TRACTATVS QVARTVS.

Aſſignatis modis, quibus dicitur uniuersale in uia Peripatetica, aſſignandi ſunt modi, quibus ſumitur prædicabile. Tu igitur aduerte, quòd apud Logicum, qui ſolus modos prædicandi conſiderat, amoſiores ſunt tres.

Primò illud dicitur prædicabile, quod de uno uel de pluribus aptum eſt prædicari, ſiue prædicetur uniuocè, ſiue æquiuoce, ſiue analogicè, ſiue directe, ſiue indirecte, ſiue per ſe, ſiue per accideſ. Et hic dicitur comuniſſimus modus, quo dicitur prædicabile. Hoc enim eſt commune generi, ſpeciei, indiuiduo, quod ſaltem de ſeipſo prædicatur, ut *Sortes eſt Sortes*, & de hoc non intendimus hic.

Secundò illud dicitur prædicabile, quod de multis prædicatur ſiue uniuocè, ſiue æquiuoce, ſiue analogice, & hoc modo non intendimus hic. Nam hoc modo ſanum, canis, ita eſſet prædicabile & genus, quod non eſt uerum, ut declarabitur, ſicut animal, & ſpecies, ſicut homo & capra, & hic dicitur modus communis.

Tertiò illud prædicabile dicitur, quod de multis & non de uno ſolo aptum eſt prædicari uniuoce, & eſt determinatæ naturæ, puta, aut ſubſtantia aut quantitas aut qualitas &c. & ſic de prædicabili intendimus hic. Poſitis igitur modis, quibus prædicabile dicitur & quibus uniuersale, nunc definienda ſunt iuxta ſenſum ſecundum quem intendimus hic de eis pertractare.

Tu igitur aduerte, quòd uniuerſale apud Logicum eſt natura communis determinata, ut eſt in multis, uel nõ repugnat ſibi eſſe in multis, ut animal, homo, lapis, &c.

Dicitur natura communis, ad differentiam naturæ indiuiduatæ & ſingularis, ut eſt hic lapis, *Sortes* & *Plato*, quæ non eſt apta eſſe, niſi in uno ſuppoſito. Dicitur determinata ad differentiarum ſex transcendentium, quæ ſunt, *Ens*, *Vnum*, *Verum*, & *Bonum*, De hiſ formauimus ſpeciale tractatum. Iſagogicum ad Metaphyſicam, quæ de ſex transcendentibus nuncupauimus. Iſta transcendentia non poſſunt dici uniuerſalia in ſenſu, quem intendimus, quoniam aliquid inſunt; non ſolum in multis, ſed in omni re cuiuſcunque res, naturæ, ſiue ſit res ſubſtantia, ſiue accidentis, ſiue increata, ſiue creata, ſiue corporea, ſiue incorporea.

corporea. In omnibus enim inueniuntur. Nam & Deus est maxime ens, uerum, bonum, unum, aliquid, & res. Non ergo sunt uniuersalia, sed superuniuersalia, utpote circundantia omne genus entis.

Dicitur, ut est in multis, uel sibi non repugnat esse in multis, quoniam aliqua natura communis de facto est in multis, ut homo, capra, leo, & omnis natura specifica completa in mundo inferiori, quae recipit perpetuitatem ex successione indiuiduorum, aliqui excipiunt Phœnicem sed de hoc transeat, aliqua autem non de facto est in multis, sed ei non repugnat esse in multis, in natura solis, & lunæ, & intelligentiarum, quorum natura specifica perpetuatur in uno indiuiduo, & ideo non est opus eam partiri in multis indiuiduis. Est tamen in potentia primi ea multiplicare, secundum quod sapientia sua disponderet. Vnde non est impossibile creati plures soles, & lunas, & cætera ex consequenti, non repugnat naturae solis & lunae communicari pluribus suppositis, & ut sic est natura uniuersalis.

1. Praedicabile autem alio modo definitur a Logico nominali, & a Logico reali ac uere Peripatetico. Nam Logicus nominalis dicit, quod praedicabile est terminus uniuocus aptus natus praedicari de pluribus, ut ly animal de homine & asino, & ly homo de Sorte & Platone. Et sic nullus terminus discretus siue singularis, ut Sortes, nec transcendens, ut ens & unum, nec compositus siue complexus, ut hominem esse animal, nec aequiuocus potest esse praedicabile & uniuersale, quod idem est. Ad hoc ergo quod sit praedicabile, & uniuersale, oportet quod sit terminus cōis, simplex, uniuocus aptus de pluribus praedicari. Quid autem sit terminus aequiuocus, & uniuocus, & analogus, manifestabitur tibi in tract. sequenti.

2. Logicus autem realis dicit, quod praedicabile est natura cōis, apta nata praedicari de pluribus uniuoce, id est, est natura cōicabilis multis, siue speciebus, siue indiuiduis, nō in se considerata, sed ut stat sub hoc cōceptu, scilicet praedicari de pluribus actu uel aptitudine, et uniuoce, id est, secundum eandem rationem, et non secundū diuersas. Ver-

TRACTATVS QVARTVS.

Verbi gratia, Genus est natura communis & non singularis, ut stat sub hoc conceptu secundo, qui dicitur secunda intentio; scilicet prædicari de pluribus differentiis specie; ut animal de homine, capra, equo, asino, & cætera. & sic secundum hanc viam uniuersale & prædicabile, non dicunt naturam communem absolute & in se consideratam; quia ut sic non cadit sub consideratione. Logici, sed Metaphysici, sed dicunt naturam communem; ut stat sub secunda intentione, quæ est conceptus secundus fundatus super primum, qui dicitur prima intentio. Qui conceptus secundus est prædicari de pluribus uniuocè, ita quod prædicabile, nec est natura tantum, nec conceptus tantum, quem nominales dicunt terminum mentalem, sed natura communis sub conceptu modo, quo diximus. Et hanc viam intendo sequi, & in cap. sequenti in definitione generis manifestabitur, quomodo genus nec aliud uniuersale definitur, ut terminus mentalis, sed ut natura: ut stat sub secunda intentione. Cõstat igitur, quorũ modis dicitur uniuersale & prædicabile, & quid utrumque sit secundum illum sensum, quem hic intendimus. Et aduerte, quod utrũque est idem secundũ rem & conuertibiliter, sed differunt ratione. Nam natura communis dicitur uniuersale, inquam est apta esse in multis. Dicitur autem prædicabile, in quantum est apta prædicari de multis uniuoce.

Quantum ad tertium aduerte, quod uniuersale & prædicabile sumpta in ultimo sensu iuxta distinctiones præpositas, sunt autum quinque: scilicet genus, species, differentia, proprium, & accidens, quorum sufficientia sumitur ex hoc, Omne uniuersale & prædicabile iuxta ultimum præpositæ diuisionis sensum, & in multis & prædicabile de multis, ergo uel est prædicabile de multis, uniuocè in quid, uel in quale. Istenim sunt uniuersalissimi modi prædicandi; ut declarabitur tibi in tracta. sequenti, si in quid hoc potest esse dupliciter; quoniam uel in quid, de pluribus differentiis specie, & sic est genus. Vel in quid, de pluribus differentiis numero, & sic est species. Si in quale, hoc dupliciter. quia uel in quale, quod est de essentia rei, & hæc est differentia essentialis, uel generica, uel speci-

specifica. Generica quidem, ut sensitium; specifica autem, ut rationale. Vel in quale, quod est accidens in re. Et hoc dupliciter, quia uel tale accidens est proprium fluens à natura rei, sicut risibile fluit à natura rationali, & sic est quartum prædicabile, quod dicitur proprium. Vel tale accidens est commune, non fluens à principiis rei, & sic est quintum prædicabile, quod facit propositionem accidentalem; ut homo est sedens, est currens, est sanus, est æger, &c. Sed aduerte, quòd accidens siue proprium, siue commune, constituunt quartum & quintum prædicabile, non respectu esse, sed respectu modi prædicandi, eò quòd proprium constituit propositionem per se accidens autem, constituit prædicationem per accidens; ut tibi declarabitur loco suo, quando, scilicet, tractabimus de differentia quarti & quinti prædicabilis. Constat igitur tibi, quàm sufficiens sit diuisio uniuersalis, & prædicabilis in quinque scilicet in genus, speciem, differentiam, proprium, & accidens, ita quod hæc conclusio est uera. Tantum quinque sunt uniuersalia, & prædicabilia iuxta sensum intentum à Logico,

Quòd si dicas, si tantum quinque sunt uniuersalia, & prædicabilia, ergo omnia uniuersalia & prædicabilia sunt quinque. Hoc autem est falsum, quoniam genus esset quinque prædicabilium, similiter species & differentia &c. consequentia patet, quoniam ab exclusiua ad uniuersalem affirmatiuam ualet consequentia; ut tibi declarabitur in tract. de consequentiis.

Respondetur, negatur consequentia, ad probationem dicitur, quòd regula non tenet, quando mutatur suppositio. Constat autem, quòd ly quinque in exclusiua tenetur collectiue, in uniuersali autem affirmatiua, uidetur teneri distributiue. Vel dic, quòd ab exclusiua ad uniuersalem affirmatiuam non ualet consequentia, in terminis numeralibus. Hæc de primo cap. dicta sunt.

De genere.

CAPVT II.

IN cap. secundo agendum est de genere Logico, quod est primum & magis commune inter quinque uniuersalia & prædicabilia. Et hic tria agenda sunt. Primum, ut sciamus, quòd

&

TRACTATUS QVARTVS

& quid sit genus Logicum, declarandum est, quot modis sumitur genus. secundò definiendum est, iuxta sensum intentum a Logico. tertio diuidendum est.

Quantum ad primum aduerte, quòd hic non intendimus assignare quoscunque modos, quibus consuevit sumi genus, sed tantù illos, qui nostro proposito deseruiūt. Quod dico, ut præseruem me à modis, quibus sumitur genus apud Grammaticum: ut genus masculinum, fœmininum, neutrum, promiscuum &c. Hæc enim nullam habent similitudinem cum genere Logico, idèò relinquātur. Nostro uerò proposito deseruit genus politicum siue ciuile, eò quòd, ut declarabitur, assimilationem habet cum genere Logico: & ideo assignandi sunt modi, quibus apud ciuilem sumitur genus, ut per ipsos manu ducamur ad genus Logicum.

Tu igitur aduerte, quòd genus ciuile duobus modis sumitur. Primo, pro collectione, siue aggregatione multorum hominum se habentium ad inuicem, & ad unum primum, à quo esse traxerunt. Pro cuius noticia aduerte, quòd genus sic dictum, tria requirit. Primò, quòd sit hominum multitudo aggregata. Vnde neque unus homo, neque duo, neque tres tantum, constituerent genus ciuile. Sed oportet quòd sit euidentis multitudo, qualis est Romanorum. Græcorum, Hebræorum &c. Secundo, oportet, quòd tales homines habeant inter se ordinem cognationis, siue consanguinitatis, sicut ad hoc, quòd talis uel tanta hominum multitudo sit & dicatur exercitus, oportet quòd inter eos sit officiorum & potestatum ordo, aliter non erit exercitus. Hac de causa, si homines aggregati non haberent ordinem parentelæ ad inuicem, non magis essent genus, quàm cumulus lapidum. Tertio oportet, quòd habeant ordinem non solum inter se, sed etiam ad unum primum, à quo effectiue per successionem traxerunt esse, & à quo denominantur. Et in hoc sensu dicitur Romanorum genus, quia esse traxerunt à Romulo. Et aduerte, quòd si una ex his conditionibus deficeret, non seruaretur ratio generis sic accepti. Sicut nec ratio exercitus, præcipue si non adesset unus primus dux, à quo singuli

li ordines regulantur, & in quo stat plena autoritas.

Secundò, sumitur genus apud ciuilem, pro primo principio generatiuo uel conseruatiuo in esse uniuscuiusque, id est, singulæ generationis: ut pater, & patria, & locus, in hoc secundo sensu dicuntur genus. Pro cuius notitia aduerte, quòd genus hoc secundo modo dictum requirit tria. Primò, quòd sit primum principium, à quo ordinata multitudo per successionem trahit esse. Vnde licet Sortes pater Platonis, dici possit genus Platonis, quia est generans Platonem, tamen rectius primum generans à quo multitudo ordinatè genita, ut a primo fonte trahit originem, dicendum est genus hoc secundo modo. In quo sensu, Adā est hominum genus, Romulus Romanorum genus, Heber Hebræorum genus. Secundò, quòd sit primum principium essendi uniuocum, & eiusdem speciei cum multitudo genita. Defectu cuius, nec Dominus, nec Cælum, nec Sol potest dici hominum genus, quoniam sunt principia æquiuoca uniuersalia, nec eiusdem naturæ, cum genitis, licet sit uerum dicere, quòd Deus & Cælum, & Sol generant hominem. Tertiò requiritur, quòd tale principium disunctiuè sit, uel productiuum uel conseruatiuum talis multitudinis per successionem prouenientis, ut excludamus locum, & patriam uolentam. Hæc enim non dāt nec conseruant, sed potius destruūt genitum. Vnde nec aqua potest dici genus hominum, nec aer pestifer, nec terra infœcunda. Solus ergo locus naturalis, meretur dici genus hoc secundo modo acceptum.

Visis modis, quibus dicitur genus apud ciuilem, declarandus est modus, quo sumitur apud Logicum, deinde manifestabitur, quam similitudinem habet, & quam differentiā genus ciuile primo & secundo modo sumptum, cum genere Logico:

Tu igitur aduerte, quòd tertiò sumitur genus pro eo, cui supponitur species, & hoc est genus Logicū, in quo sensu color est genus, quia ei supponitur albedo: ut species & nigredo, & medij colores. Idem dico de animali, cuius supponitur homo, capra, leo, canis &c. Hic declarandus esse sensus huiusmodi generis, & defini-

TR ACTATVS QVARTVS

tionis suæ. Verum quia infra replicabitur, ideò præ nunc sustine.

Viso quid sit genus tertio modo acceptum, quod est genus Logicum, declarandum est quam convenientiam, & differentiam habet cum eo genus ciuile primo & secundo modo acceptum. Tu igitur aduerte, quòd genus ciuile primo modo sumptum in uno conuenit cum genere Logico, sed in duobus differt. Conuenit quidè in hoc, quòd sicut genus ciuile importat collectionem multorum hominum ordinatorum inter se, prout descendunt ab uno primo, ad quod respiciunt; sic genus Logicum importat multitudinem specierum, quæ sub ipso continentur actu aut potentia; ut tibi infra declarabitur, & sunt adinuicem ordinatæ. Sunt enim rerum species, ut numeri; ut declaratur in nono lib. metaphysicæ, inter quas datur una perfectissima, ut mēsurā aliarum, sicut in genere animalis datur homo, ut perfectissima species, & in genere metalli datur aurum. Differt autem in duobus. Primo, quia genus ciuile primo modo sumptum, est quoddam totum per modum totius integrale, cuius partes sunt homines unius cognationis descendentes ab uno primo, sed genus Logicum non est totum integrale, quoniam totum integrale est compositum ex partibus; genus autem Logicum non est cōpositum ex suis speciebus, imò est suæ species, ideò dicitur totum uniuersale. Quomodo autem differant totum essentiale & integrale, & uniuersale, & potestatiuū, manifestabimus in tract. de syllogismo topico. Secundo differt, quia genus ciuile primo modo sumptum, non prædicatur in recto de his, quæ sub eo continentur, quoniam totum integrale nō prædicatur in recto de partibus. Hæc enim est falsa, paries est domus, sic falsa est ista, Cæsar est genus Romanorum sumptum primo modo. genus autem Logicum cum sit totum uniuersale, prædicatur in recto de speciebus sub eo contentis. Nam homo est animal, & leo est animal &c. Et ratio huius est, quia totum integrale differt realiter a partibus; totum autem uniuersale, non differt realiter, sed ratione a contentis sub eo, ut tibi in philosophia manifestabitur. Constat igitur, quomodo conueniunt,

conueniunt, & quomodo differunt genus ciuile, primo modo sumptum, & genus Logicum.

Differunt etiam, & conueniunt genus ciuile secundo modo sumptum, & genus Logicum. Conueniunt quidem in hoc, quod sicut genus ciuile secundo modo sumptum est principium multitudinis ordinatæ ab eo descendentes, sic & genus Logicum est principium suarum specierum constitutum: nam animal adiuncto rationali, constituit hominem, & adiuncto irrationali, constituit brutum. Differunt uero in hoc, quod genus ciuile secundo modo sumptum est principium extrinsecum productiuum. Nec est de essentia eorum, quorum est principium, genus autem Logicum est principium intrinsecum suarum specierum, & est sicut materia. Vnde species apud Logicum constituitur ex genere, & differentia, sicut apud Physicum res naturalis ex materia & forma. Sed pro nunc crede, donec in philosophia erudiaris. Constat igitur tibi, quomodo conueniunt, & differunt genus ciuile. Secundo modo sumptum, & genus Logicum. Rationabiliter ergo præmissimus tres modos, quibus dicitur genus.

Quantum ad secundum dimisso genere ciuilitate dicto, definiendum est genus Logicum: tu igitur aduerte, quod apud nominales sic definitur. Genus est terminus uniuocus prædicabilis in quid de pluribus differentibus specie.

Primo dicitur terminus, qui debet intelligi, terminus mentalis, qui est conceptus intellectus, & non natura rei, quæ concipitur, quoniam apud eos natura rei, non est de consideratione Logici, sed philosophi, qui est artifex realis. Logici autem est considerare conceptus, & uoces tam complexas, quam incomplexas.

Secundo dicitur uniuocus, quoniam terminus æquiuocus siue analogus, ut diximus supra, non est aliquod uniuersalius. Vnde neque canis, neque sanus, neque ens, nec aliud transcendens potest esse genus, quoniam non sunt uniuoca, ut tibi declarabitur in tractatu sequenti, in antepredicamentis.

Tertio dicitur prædicabilis in quid, ad differentiam differentiarum, & proprii, & accidentis, quæ prædicantur in qua-

TRACTATUS QVARTVS.

le. Nam facta interrogatiōe, qualis est homo, respondetur rationalis, risibilis, albus uel niger. Genus autem prædicatur in quid, ut quid est homo, respondetur, est animal. Quid est albedo, respondetur, est color.

Quartò dicitur de pluribus differentibus specie, ad differentiam speciei specialissimæ, quæ prædicatur de pluribus differentibus solo numero, & non specie, ut homo de hoc, & hoc homine. idem. intellige de asino & equo, & cætera.

Hæc definitio tota acceptatur à Logico reali præter primam particularem scilicet ly terminus. Nam apud realem, genus non est terminus, idest conceptus mentis, sed natura communis, ut stat sub conceptu, qui est secunda intentio. Siue ut alii dicunt, genus sumitur hic pro re substracta secundæ intentioni, quæ quidem res est ipsa natura communicabilis pluribus speciebus, & ided Porphyrius sic definit. Genus est, quod prædicatur de pluribus differentibus specie in eo quod quid sit, ut animal de homine & leone.

Primò dicitur, est quod prædicatur, ly quod, refert illud quod est genus, illud autem nō est terminus nec conceptus, quoniam hæc est falsa, homo est terminus uel conceptus. Dicit autem Porphyrius, quòd id, quòd est genus, ut animal, prædicatur de homine, & de asino, ergo ly quod refert illam rem siue naturam, ut est communicabilis pluribus speciebus, & ut sic attribuitur sibi ab intellectu, prædicari de pluribus. Nam ex hoc, quod est communicabilis & participabilis à pluribus, sequitur, quod sit prædicabilis de pluribus, cuius signum est, quòd cum indiuiduum non dicat naturam communicabilem pluribus, non est prædicabile de pluribus; sed tantum de uno solo.

Sed dices, si genus pro re siue natura, & non pro termino mentali hic definitur, ergo Logicus considerat res & non intentiones. Quod est falsum, quoniam hoc spectat ad Physicum & Metaphysicum, qui versantur circa ens reale.

Respondetur, Ad Logicum spectat considerare & definire res siue naturas, ut stant sub prædicatis intentionali-
bus

bus sibi attributis ab intellectu. ut negotiatur circa eas, ut puta definire, & cōsiderare animal, ut genus hominem, ut species est, Sortem, ut indiuiduum est, & hoc est cōsiderare res & naturas, ut stant sub intentionibus secundis. Ad philosophum autem spectat considerare, & definire rerum naturas, ut de eis uerificatur prædicata realia, quæ sibi conueniunt remoto omni opere intellectus puta animal, in quantum mouet seipsum, & est sensitium, & compositum ex materia, & forma, & cætera. Ad obiectionem, ergo, nego falsitatem consequentis, ad probationem dico, quod nos spectat solum Physicum, & Metaphysicum considerare res & naturas, nisi in hoc sensu, scilicet quoad prædicata realia. Nam quantum ad prædicata intentionalia, ut diximus, spectant ad Logicum. Aliter Aristoteles non fecisset tractatum de decem prædicamentis, quoniam constat, quod sunt entia realia, & ut realia simpliciter considerantur a Metaphysico, ut patet in libro v. Metaphysicæ.

Secundò dicitur, quod prædicatur de pluribus. Aduerte hic duo. Primò ly prædicatur, intelligendum est in aptitudine, & non in actu, ut dicatur sic, Genus est, quod est prædicabile, uel aptum natum prædicari de pluribus. Nā posito casu, quod omne animal desineret esse præter hominem, adhuc animal esset genus: quoniam & si de facto natura sensitua, a qua dicitur animal, esset in solo homine, & de eo prædicaretur, tamen ex sui natura, quæ est communis, esset aptum esse in pluribus, & prædicari de pluribus speciebus. Secundò subintelligendum est uniuocè, & immediate, & per lineam rectam, & non a latere, propter primum excluduntur æquiuoca, ut canis & cancer; quoniam & si prædicantur de pluribus, non tamen unica ratione, ideo non sunt genus, propter secundum excluditur prædicatio de indiuiduis. Nam & si genus prædicatur de pluribus indiuiduis, ut hæc est uera, Sortes est animal, Plato est animal, tamen non potest dici genus indiuiduorum, qui non prædicatur de eis immediate, sed mediante specie, propter tertium excluditur prædicatio de differentia. Nam genus non prædicatur per lineam

TRACTATUS QVARTVS

rectam de illa sed a latere, neque enim supponitur generi, sed locatur a latere, ut uidebis in arbore, quam figurabimus infra, licet ergo genus prædicetur de pluribus differentibus; in quas diuiditur puta rationale est animal, & irrationale est animal, tamen non dicitur genus per respectum ad illas, quoniam non est prædicatio per lineam rectam, sed per lateralem.

Tertiò dicitur, de pluribus differentibus specie, pro cuius noticia aduerte, quòd licet Porphyrius non immoretur ad declarandum hanc particulam differentibus. Tamen author minoris Logicæ Petrus Hispan. propter nouitiorum instructionem diffusè hic immoratur, & quoniam idem, & differens opponuntur, & unum oppositorum cognoscitur per alterum, ideo prius manifestat modos, quibus dicitur idem, deinde transfert se ad modos, quibus dicitur differens. Quantum igitur ad modos identitatis, ponit tres famulos, & tertium subdiuidit in quatuor.

Primus modus dicitur idem genere; secundus idem specie; tertius idem numero.

Idem autem numero patitur quatuor modis, scilicet idem nomine, idem definitione, idem proprio, idem accidente nunc, singuli declarandi sunt, & resoluendi, ut infra.

Aduerte igitur, quòd illa dicuntur eadè genere, quæ sub uno genere contiuentur, ut homo, & asinus sub animali; albedo, & nigredo sub colore.

Hic modus indiget duplici limitatione. Prima est quòd contineatur sub eodem genere proximè, & non sub eodem genere absolute aliter homo & pomum essent eadem genere, quoniam continentur sub corpore animato. Verum quia inter hominem & corpus animatum, mediat aliud genus scilicet animal, sub quo continetur homo, & non continetur pomum, ideo homo, & pomum non sunt in eadem genere, scilicet, proximo de quo solo hic intendimus.

Secundò, quòd contineantur saltem sub eodem proximo genere Logico, licet non physico, quòd dico propter

per corpus corruptibile, ut terra, & incorruptibile, ut
cælum, quæ licet nō sint eadem genere Physico, ut decla-
rauimus in decimo Metaphysicæ, sunt tamen eadem ge-
nere Logico, quoniam continentur immediate sub cor-
pore, quod de eis secundum unam rationem prædica-
tur. Quæ quidem ratio est hæc, Corpus est substantia
trina dimensione, idest longitudine, & profunditate signa-
ta. Hæc autem ratio competit tertiæ, & cælo, ut patet.
Constat igitur quæ sint eadem genere.

Eadem specie sunt, quæcunque sub eadem specie con-
tinentur, ut Sortes, & Plato.

Hic modus indiget unica limitatione, scilicet quod cō-
tineantur sub eadem specie specialissima, quæ scilicet non
habet sub se alias species. Defectu huius Sortes, & hic ali-
nus non sunt eadem specie, licet contineantur sub anima-
li, quod est species corporis animati. Nam animal non
est species specialissima, sed subalterna, ut tibi declarabi-
tur in capitulo sequenti, pro nunc sustine. Intelligatur
ergo sic, eadem specie sunt, quæ sub eadem specie spe-
cialissima continentur, ut duo homines sub homine, duo
asini sub asino.

Eadem autem numero sunt, quæ non distinguuntur sup-
posito, & in hoc distinguuntur eadem specie, & eadem
numero. Nam eadem specie licet sint unum in natura
specificata, non tamen sunt unum suppositum, sed plura, ut
Sortes & Plato, eadem autem numero sunt unum sup-
posito, ut Marcus, & Tullius &c. & omnia synonyma.

Eadem autem numero sunt quadruplicia, quoniam
quædam nomine, quædam definitione, quædam proprio,
quædam accidente. Et in omnibus istis modis seruat
identitas numeralis, quia seruat identitas suppositi.
Nam licet multiplicentur nomina synonyma, tamen idem
suppositum seruat, ut Marcus Cicero scribit. Simili-
ter licet Sortes sit homo, & sit animal rationale, & li-
cet sit homo, & risibilis, & licet sit homo, & sit albus, ta-
men Sortes semper est idem suppositum quoniam defi-
nitio & definitum sunt idem essentialiter. Res autem, &
proprietas eius, & accidens commune existens in ea, sunt

TRACTATVS QVARTVS

eadem subiecto, ex consequenti non multiplicantur supposito, propterea, in omnibus quatuor prædictis modis stat identitas numeralis.

Sed dices, quæ sunt eadem proprio, ut Sortes risibilis. & eadem accidente, ut Sortes albus, non videntur esse eadem numero, quoniam non sunt eadem specie, nec eadem genere. Sortes enim est in specie hominis, & sua albedo in specie coloris, quod uero non sint eadem genere patet, quoniam Sortes est in genere substantiæ, & albedo in genere accidentis puta in qualitate, ergo non sunt eadem numero. Probatur consequentia, identitas numeralis est maxima identitas. Maxima autem supponit minorem. Minor uero est identitas specifica, & generica, quoniam stant cum distinctione suppositorum, quam excludit identitas numeralis, ergo &c.

Respondetur, negatur consequentia, ad probationem dico, quod identitas maxima, non supponit minorem, nisi quando identitas maxima est essentialis, qualis est inter synonyma. Nam si Marcus Tullius est idem homo numero, est idem specie, & idem genere. Verum est enim dicere, quod Marcus Tullius est homo, est animal, & cætera. Si autem identitas maxima sit accidentalis, non oportet supponere minorem. Hinc est, quod stat accidentalitatis identitas numeralis, siue suppositalis inter Sortem, & risibile, & albedinem; quæ sunt in eo sine identitate eorum specifica, & generica.

Positis modis, quibus aliqua sunt eadem cum differēs, & idem opponantur, & per se inuicem cognoscantur, assignandi sunt modi, quibus aliqua differunt. Tu igitur aduerte, quod sicut tribus modis iam assignatis dicuntur eadem, sic & tribus modis differentia siue diuersa. Sumitur enim hic differens communiter. Quomodo uero proprie distinguantur diuersum, & differens, declarabitur in ca. de differentia. Igitur quædam sunt differentia genere, quædam specie, quædam numero.

Differentia genere sunt, quæcunq; sub diuersis generibus continentur, ut homo, & arbor sub genere. Nam homo continetur sub genere, quod est animal, & arbor sub gene

re quod est planta.

Aduerte hic duo. Primò, quòd intelligitur sub diuersis generibus proximis. Non enim inconuenit aliqua esse, & contineri sub uno genere remoto, & tamen non dicentur idem genere, quoniam continentur sub distinctis generibus proximis. Verbi gratia, licet homo & arbor contineantur sub corpore, quod est unum genus, tamen non dicuntur idem genere, quoniam proxime & immediate continentur sub distinctis generibus proximis, quæ sunt animal & planta. secundò aduerte, quo ad hunc modum reducuntur quæcunque sunt ita diuersa genera, quòd neque sub uno, neque sub distinctis generibus continentur, ut decem prædicamenta, quæ dicuntur genera prima diuersa, & dicuntur decem generalissima, ut declarabitur infra.

Differentia specie quæcunque sub diuersis speciebus continentur, ut Sortes & hic asinus, Sortes enim continentur sub homine, & hic asinus sub asino.

Aduerte hic duo. Primò, quod intelligitur de diuersis speciebus specialissimis, & non subalternis. Nam licet Sortes, & hic asinus contineantur sub una specie subalterna, puta sub animali, tamen non dicuntur unum specie, quoniam non continentur sub una specie specialissima, sed sub diuersis, quæ sunt homo & asinus. Secundò aduerte, quòd ad hunc modum reducuntur quæcunque non solum sub diuersis speciebus continentur, ut duo indiuidua diuersarum specierum, sed etiam quæcunque sunt diuersæ species specialissimæ, ut homo & asinus, albedo & nigredo, dulcedo & amaritudo &c.

Differentia numero sunt, quæcunque diuersum numerum constituunt, id est, quæ sunt plura supposita & non unum sub una specie specialissima contenta, & sic omnia indiuidua eiusdem speciei differunt numero, ut, Sortes, Plato, Petrus, Ioannes &c.

Positis & enumeratis modis, quibus aliqua sunt idem, & quibus aliqua differunt, reuertendum est ad declarationem definitionis de genere, in qua dicitur, quòd prædicatur de pluribus differentibus specie, per quam particulam differt genus a specie specialissima, & a differentia specifi-

TRACTATUS QVARTVS

ca, & a proprio. Hæc enim ut declarabitur tibi infra, prædicantur de differentibus solo numero, ut homo de Sorte, & Platone, & rationale quod est differentia specifica de hoc, & hoc homine, & risibile quod est proprium de hoc, & hoc homine.

Vltimo dicitur in definitione generis, in eo, quod quid ubi nota, quod illud prædicatur in quid, ad quod conuenienter respondetur per interrogationem factam per quid, sed per genus conuenienter respondetur ad interrogationem factam per quid. Nam quando Interrogatur quid sit homo, conuenienter respondetur, quod est animal, quod est genus. Sed aduerte, quod hæc ratio sumitur a signo. Sed ex natura rei ideo genus prædicatur in quid, quia habet modum substantiæ, & quidditatis, sicut & differentia & proprium habent modum qualitatis, ideo non in quid, sed in quale prædicantur, ut dicemus loco suo. Cõstat igitur quo modo definitio præmissa de genere uerificatur quo ad singulas particulas. Rursus sic definitur. Genus est, cui supponitur species, id est genus est illud, siue illa natura cõmunis modo supra exposito, cui supponitur species. Pro cuius notitia aduerte, quod genus dupliciter considerari potest. Primo, ut est natura communis prædicabilis de multis & ab eis participabilis, quæ differunt specie, & sic data est præmissa definitio. Secundo, ut respicit speciem sibi inferiorem. Nam genus & species sunt relatiua, ut dicemus infra, est enim genus speciei genus, & species generis species, & sic de eo datur hæc secunda definitio, scilicet, genus est cui supponitur species quæ sic habet intelligi. Genus est, cui directè & immediatè & tanquàm sub superiori supponitur species.

Primo dicitur directè, ad differentiam diuidentium genus, quæ non directè, sed lateraliter respiciunt genus, ut tibi manifestabitur in arbore Porphyriana, quæ scilicet Porphyrius adinuenit & ordinauit.

Secundò, dicitur immediatè, ad differentiam indiuiduorum quæ supponuntur generi, sed mediante specie, ut Sortes subiicitur animali, sed mediante specie hominis, & hic asinus subiicitur animali, sed mediante specie asini.

Tertio

Tertiò dicitur, & tanquam superiori, ad differentiam in diuidui uagi, cui supponitur indiuiduum signatum, non tanquam inferius sub superiori formaliter & essentialiter, sed tanquam singulare certum sub singulari incerto, & indeterminato, in hoc enim distinguuntur indiuiduum signatū, & indiuiduum uagum, ut tibi declarabitur infra. indiuiduū autem signatum est, quod signatur nomine proprio aut pro nomine demonstratiuo, ut Sortes, & hic homo, & hoc facit propositionem singularem. Indiuiduum autem uagum, signatur nomine specifico siue cōi cum signo particulari, ut, quidam uel aliquis homo. Patet igitur, quomodo secunda definitio data de genere est uera. Hæc de definitione generis tam prima, quàm secunda dicta sint.

Quantum ad tertium, scilicet quomodo diuiduatur genus apud Logicum, & de mente Porphyrii aduerte, quòd diuiditur in genus generalissimum, & in genus subalternū. Nam cum non sit processus in infinitū ascendendo in quolibet prædicamento in generibus, ut alias tibi manifestabitur in 1. Metaphysic. & in j. Post. & c. est deuenire ad unum primum, quod prædicatur uniuocè de omni contento sub tali, uel tali prædicamento, ut tibi declarabitur in tract. sequenti. & hoc erit genus generalissimum, ut substantia in prædicamento substantiæ, & quantitas in prædicamento quantitatis, & cum sit descensus a generalissimo ad speciē specialissimam per lineam rectam & per multos gradus, ut, tibi manifestabitur in arbore Porphyrij inter media erunt genera subalterna, quoniā prædicantur de pluribus differentibus specie in eo, quo quid, & subalternatur, idest supponuntur generi superiori, ut corpus substantia, & corpus animatum sub corpore, & animal sub corpore animato. Videndum est igitur, quid sit genus generalissimum, deinde quid genus subalternum, postremò elicietur corollarium.

Tu igitur aduerte, quòd genus generalissimum sic describitur apud Logicum & Porphyrium. Genus generalissimum est illud, super quòd non est aliud genus superueniens. & sic intellige. Genus generalissimum est illud genus in singulo prædicamento, quod supra se non habet,
aliud

TRACTATUS QUARTIVS

aliud genus, & sub se cōtinet omnia alia genera illius prædicamenti, ut in prædicamento substantiæ, generalissimum est substantia, quæ licet supra se habeat ens & alia transcendētia, non tamen aliud genus. Transcendentia enim, ut dicemus, non sunt genera, & sub se continent alia genera in eodem prædicamento. Nam sub substantia est corpus, & corpus animatum, & animal. Hæc igitur sit prima definitio generis generalissimi, ex qua sequitur secunda, quæ est hæc. Genus generalissimum est illud, quod cum sit genus, nō potest esse species, Pro cuius notitia aduerte, quod genus generalissimum non respicit superius genus, cum nō habeat genus supra se, respicit autem inferiora. in quæ diuiditur, ut substantia diuiditur in substantiam corporeā, & incorpoream. Omne autē, quod potest esse species, respicit aliquod superius, ut genus, respectu cuius dicitur species. Vnde substantia corporea siue corpus. est species specialissima. Cum igitur generalissimum non habeat genus supra se, ita est genus, quod non potest esse species, species enim est alicuius generis in aliquo determinato prædicamento species, & sic patet, quod prima definitio est causa secundæ, quod quidē generalissimum diuiditur in decem capita decem prædicamentorū, ut tibi manifestabitur in trac. sequenti. Sunt autē hæc decem capita. Substantia, Quantitas. Ad aliquid, idest relatio, Qualitas, Actio & Passio, Vbi, Quando, Situs, & habitus. De quibus pro nūc nihil dicimus. Dicemus autē in trac. sequenti. Genus autem subalternum est illud, quod cum sit genus, potest esse species, nam est medium inter generalissimū et specialissimum, ut animal est mediū inter substantiā & hominem, & non solum inter substantiā, sed inter corpus & hominem, et corpus animatum & hominem, ex consequenti respicit superius & inferius, ut respicit superius, est eius species, quoniam est eius pars subiectiua, ut animal est pars subiectiua corporis animati, ut respicit inferius, est eius genus, quoniam est magis commune uniuocum, & sic animal, quod est species respectu corporis animati, est genus respectu hominis, & asini & leonis, ideo subalternum dicitur, idest alternatim positum secundum sub respectu superioris & secun-

secundum supra respectu inferioris, & secundum sub est species, & secundum supra est genus. Constat igitur, quid sit genus generalissimum, & genus subalternum.

Ex his corollarie sequitur, quòd nec ens nec alia transcendencia, ut unum, uerum, bonum, aliquid, & res, licet sint superiora, & praedicentur de generalissimis, tamen non sunt genera, quoniam ad hoc, quòd aliquid sit genus, oportet ut dicat determinatam naturam, & non uerificetur de omni natura, nec contineat omnem naturam. Sed ens, & alia transcendencia non dicunt determinatam naturam. imò continent omnem, & uerificantur de omni natura, nō enim tantum substantia est ens, unum, uerum, bonum, &c. sed & quantitas & ad aliquid & qualitas, & omne contentum in quolibet praedicamento est ens, unum, uerum, &c. Non ergo sunt genera, & aduerte, quòd Porphyritus aliam rationem adducit, dicens quòd decem generalissima non conueniunt in ente uniuocè, sed æquiuocè. Genus autem debet esse uniuocum, ut diximus supra, ergo ens et alia transcendencia non sunt genera. In libro autem Metaphysicæ, Aristot. aliam rationem adducit, quia scilicet omne genus diuiditur per differentias formales, quæ sunt extra conceptum generis. Sed nihil est extra conceptum entis, quoniam praedicatur de omnibus, ergo nec ens, nec alia transcendencia sunt genera. Verū quia huiusmodi rationes potius sunt Metaphysicales, quàm Logicæ, ideo sustine, et pro nunc fidem habeas sic esse. Hæc de primo praedicabili dicta sint, & hic terminatur secundum caput.

De specie.

CAPVT III.

IN tertio capite agendum est de specie, cuius consideratio rationabiliter subsequitur considerationem de genere, quoniam sunt relatiua. Est enim genus speciei genus, & species generis species, relatiua autem per se inuicem cognoscuntur, sicut per se inuicem definiuntur. De specie igitur tria uidenda sunt, primò. Quot modis sumitur, ut sciamus modum, in quo consideratur a Logico. Secundò, quid sit secundum Logicum. Tertiò, quomodo diuiditur apud Logicum.

Quantum ad primum aduerte, quòd species in variis scientiis

87 TRACTATUS QVARTVS.

Scientiis diuersimode sumitur, apud Grammaticum sumitur pro originali dispositione dictionis, prout originatur a priori dictione, uel non originatur. Nam si non appellatur dictio primitiue speciei ut cœlum, si sic, appellatur dictio deriuatiue speciei. Ut cœlestis. Apud Rethores & Poetas sumitur pro aspectu & dispositione, quam ostendit homo in facie, prout est tristis, aut lætus, aut amicus, aut inimicus. Apud Physicum sumitur pro rei similitudine, & in libro secundo de anima sumitur pro similitudine, qua res sensibilis sensu apprehenditur. & dicitur species sensata, quæ imprimitur in sensu, sicut imago in speculo. Idem fit in intellectu, & dicitur species intelligibilis, de qua per tractatur in tertio de anima, ubi inquit Aristoteles, quod lapis non est in anima, sed species lapidis. Apud Metaphysicum, Physicum sumitur pro forma exemplari, quæ apud Græcum dicitur Idea, iuxta quem sensum Plato naturas specificas appellauit Ideas, de quibus satis disputatur in libro septimo Metaphysicæ. Apud communiter loquentes sumitur pro particularitate, & id frequentatum est apud Iuristas, nam dicentes, & id in specie intendunt in particulari. Sumitur & pro pulchritudine. Vnde famosum est illud, Species Priami digna est imperio. & illud, Speciosus forma præ filiis hominum. Sumitur uulgatissime pro aromate. Sed nullus horum modorum consideratur a Logico, nec illi deseruit præter modum, quo sumitur pro pulchritudine, cuius & meminit Porphyrius in principio capituli de specie dicens. Species autem dicitur uniuscuiusque forma, secundum quam dictum est, Priami quidem species digna est imperio. A Logico autem sumitur species pro natura communicabili pluribus indiuiduis, quæ sub determinato & certo genere ponitur, ut homo sub animalibus, albedo sub colore, dulcedo sub sapore, & relictis omnibus aliis modis de hoc ultimo itēdimus hic qui aliquammodo assimilatur speciei sumptæ pro pulchritudine. Nam sicut pulchritudo perficit iuuentutem, ut dicit Aristoteles in decimo Ethicorum, sic species actuat & perficit genus. Vnde de comparatur ad ipsum, ut forma ad materiam sicut tibi manifestabitur in Philosophia, pro nunc sustine.

Quantum

Quātum ad secūdum aduerte, quòd de specie apud Lo- cum duplex definitio formatur. Prima conuenit soli specialissimæ. secunda autem conuenit communiter spe- cieī subalternæ & specialissimæ, quomodo autem diffe- rant dicemus infrà,

Prima igitur est hæc, Species est, quæ prædicatur de pluribus differentibus numero tantum; & in quid.

Primò dicitur, quæ, id est illa natura communicabi- lis, ad differentiam naturæ/indiuidualis & singularis, quæ non species sed suppositum dicitur.

Secundò dicitur, quæ prædicatur. Aduerte, sicut diximus in definitione generis, intelligendum est non actu, sed apti- tudine; ut sic exponatur, quæ prædicatur, id est apta quan- tum sit ex se prædicari de pluribus. Nam stat, quòd sub natura communicabili pluribus sit tantum unum indiu- iduum, & tamen sit species: ut licet in creatione hominis fieret, & tantum Adam: aphuc homo est species, quia na- tura humana ex se est apta communicari pluribus. Idem intellige de sole, & aliis erraticis astris, quæ omnia diffe- runt specie, licet sub se de fato non habeant nisi unum in- diuiduum. Sed causa huius manifestabitur tibi in libro de cælo.

Tertiò dicitur, de pluribus differentibus numero tantum, per quod distinguitur species specialissima à genere, quod prædicatur de pluribus differentibus specie, & etiam de differentibus numero, sed mediatè. hæc enim est uera, ho- mo est animal, & hæc est uera, Plato est animal.

Quartò dicitur, & in quid; ut distinguatur à differen- tia & proprio & accidente, quæ prædicantur in quale, & non in quid. Nam si interrogaris quid sit Sortes, respon- des, quòd est homo, ergo species prædicatur in quid.

Contrat igitur quomodo prædicta definitio est uera. Sed aduerte, ad hoc, quòd aliqua natura communis sit spe- cies, ultra contradictiones positas, & declaratas in defini- tione, requiritur quòd sit natura integra & perfecta, & non sit pars: propterea anima hominis non est species, sed pars speciei apud Aristotelem; quia anima non est homo, sed pars essentialis hominis, nec aliqua pars cor- poris

TRACTATUS QVARTVS

foris est species, sed pars speciei integralis, & tamen anima prædicatur in quid de hac, & illa anima, quæ differunt numero. Similiter manus & caput prædicatur de hac & illa manu, & caput de hoc & illo capite, & tamen non sunt species ratione dicta.

Secunda definitio est hæc, species est, quæ ponitur sub assignato genere, & de qua genus in eo quod quid est, prædicatur.

Aduerte primò, quòd hæc definitio differt à præcedenti, eò quòd est communior. Verificatur enim non solum de specie specialissima sicut præcedens, sed & de subalterna. Nam animal ponitur sub certo, & determinato genere, ut sub corpore animato, respectu cuius animal est species subalterna, & sic ascendes usque ad generalissimū; ut tibi manifestabitur in arbore Porphyrij.

Aduerte secundo in hac definitione, sic subintelligendum est, species est, quæ ponitur sub assignato genere directè & immediatè, ut per ly directè excludatur differentia, quæ non directè secundum ordinem præsentalem in ascendendo ponitur sub genere, sed à latere; ut patet in arbore Porphyrij, & per ly immediatè excludatur indiuiduum, quòd non nisi mediante specie ponitur sub assignato genere. Nam Sortes non ponitur sub animali, nisi mediante homine, neque hic triangulus ponitur sub figura, nisi mediante triangulo.

Aduerte tertio, quòd licet secunda definitio generis & secunda definitio speciei uideantur circulares, tamen non sunt inutiles, quoniam licet absoluta non debeant definiri circulariter, hoc non est inconueniens in relatiuis, eò quòd per se inuicem cognoscuntur, ex consequenti per se inuicem debent definiri. Genus autem & species sunt relatiua, quoniam, ut inquit Porphyrius, genus est alicuius speciei genus, & species est alicuius generis species.

Quomodo autem secunda pars definitionis sit uera, in qua dicitur, & de qua genus in eo quòd quid est prædicatur, constat ex hoc, quòd genus de pluribus differentibus specie prædicatur in quid. Ergo de qualibet eius specie, quæ sub eo ponitur, prædicatur in quid. nam bene sequitur, animal prædicatur de homine & asino & equo, & sic de

de singulis in quid, ergo & de homine in quid. Constat igitur quid sit species apud Logicum.

Quantum ad tertium, scilicet, quomodo diuidatur species, aduerte quod apud Logicum & ad mentem Porphyrij diuiditur sufficienti diuisione in specialissimā & subalternam, nec datur medium. Nam sicut omne genus, ut declaratum est supra, est generalissimum aut subalternū, sic & omnis species est specialissima, aut subalterna. De specialissima dantur quatuor definitiones. Prima iam dicta est quæ fuit ista, species est quæ prædicatur de pluribus differentibus numero tantum in eo quod quid. Secunda est hæc, species specialissima est illa, quæ cum sit species, non potest esse genus. Nam sicut genus generalissimum est illud, ut diximus supra, quod cum sit genus, non potest esse species, quia sub nullo superiori genere continetur, respectu cuius dicatur species. Sic species specialissima est illa, quæ cū sit species, non potest esse genus, quia sub se nō continet aliqua inferiora respectu quorum dicatur genus. Tertia est ista, species specialissima est illa, sub qua non est inferior species, nam sicut genus generalissimum est illud, sicut diximus, supra quod non est aliud adueniens genus sic species specialissima est illa, sub qua non est inferior species, & aduerte, quod hæc tertia est causa secundæ, & se habet ad illam, ut antecedens ad consequens. Nā bene sequitur, Species specialissima est illa, sub qua non est inferior species, ergo ita est species, quod nō potest esse genus. Quarta est ista, species specialissima est illa, quæ cū sit tantū species, nō diuiditur in species, sed tantū in indiuidua, & propter hoc differt à specie subalterna; ut statim apparebit. De specie autem subalterna datur duplex definitio, quarū prima est ea, quæ præmissa est, scilicet, species est, quæ ponitur sub assignato genere. Hæc tamen definitio cōis est speciei subalternæ, & speciei specialissimæ; ut supra docuimus. Secunda uerò, quæ soli subalternæ cōpetit, est hæc, species subalterna est illa, quæ cū sit species, non potest esse genus. Nā sicut genus subalternum, ut supra docuimus, est illud quod cum sit genus, scilicet, respectu inferioris, est species respectu superioris. Verbi gratia corpus

TRACTATUS QVARTVS

corpus animatum comparatum ad animal, ut suum inferius, est genus. comparatum autem ad corpus, quod est superius, est species. Sic est de subalterna specie, puta de animali, nam comparatum inferioribus puta, ut est homo asinus, leo &c. est genus, comparatum autem superiori, id est, corpori animato, est species, quoniam minus commune est, quam corpus animatum; ut uidebis in arbo-
re Porphyrij.


Sed dices, quomodo idem potest esse genus, & species, cum sint opposita, sicut magis commune; & minus commune?

Respondetur respectu eiusdem est impossibile, quoniam ut obiectio probat sunt opposita, nec opposita possunt simul inesse eidem. Respectu autem diuersorum nihil prohibet, & ut sic non sunt opposita. Pro cuius noticia aduerte, quod in prædicabilibus de quibus nunc loquimur, datur generalissimum & specialissimum. & media. Generalissimum quidem non respicit nisi inferiora. Specialissimum autem tantum superiora. Media uero respiciunt superiora, & inferiora. Hac de causa generalissimum ita est genus, quod non species. Specialissimum ita est species, quod non genus. Media uero ut, respiciunt superiora, sub quibus continetur, sunt illorum species; ut autem respiciunt inferiora, quæ continent, sunt illorum genera. Verbi gratia. In ordinatione prædicamenti substantiæ datur unum generalissimum, quod est substantia, non habens supra se nisi ens, & alia transcendentia, quæ ut supra docuimus, non sunt genera, datur sub substantia; corpus, sub corpore, animatum corpus. Sub animato corpore animal, sub animali homo, sub homine Sortes & Plato omnia inter media inter substantiam & hominem, utpote speciem specialissimum, sunt genera respectu suorum inferiorum & species respectu suorum superiorum.


Sed dices, Quare species specialissima non est species subalterna, cum sub se contineat, indiuiduum uagum, & indiuiduum signatum, & licet indiuiduum signatum non prædicetur de pluribus, sed de uno, quoniam nominatur
termino

termino proprio siue discreto, ut Sortes & Plato, tamen indiuiduum uagum praedicatur de pluribus, sicut species specialissima, quoniā nominatur termino communi cum signo particulari: ut, Quidam homo currit, ergo hic homo currit, uel hic homo currit, & sic de singulis.

Respondetur, species specialissima ideo non est subalterna, quia non diuiditur in sua indiuidua, siue uaga, siue signata, per differētiās formales constitutiuas indiuiduorum, sed per materiam; ut tibi declarabitur in philosophia. Sed pro nunc sultine. Ad hoc autem, quod sit species subalterna, oportet ut diuidatur per differētiās formales constitutiuas inferiorum. ut quia animal diuiditur per rationale, & irrationale, & rationale constituit hominem, irrationale uero brutum: ideo est species subalterna. Quia uero homo non multiplicatur in suis indiuiduis per differētiās formales, sed per diuisionem materiae ideo non est species subalterna, sed specialissima, quam Aristoteles uocat indiuiduam, siue indiuisibilem, quia non est diuisibilis in alias species sicut diuiditur subalterna. Vt autem omnia praedicta tibi pateant, ad oculum descripsi infra figuram, quae uocatur arbor Porphyrij.



Arbor Porphyrij.



IN cap. quarto agendum est de differentia, cuius consideratio rectè subsequitur cōsiderationem generis & speciei quoniam illa prædicantur in quid, differentia autem in quale. Sed sicut quidditas & substantia rei præcedit naturaliter qualitatem rei, quoniam qualitas fundatur in substantia, sic prædicatio in quale, posterior est prædicatione in quid. Vnde qui ordinate de aliqua re interrogat, primo interrogat quid sit, secundo qualis sit conueniente ergo post genus & speciem agendum est de differentia. De qua tria uidentur. Primo, quot modis sumitur, ut sciamus modum in quo est, tertium uniuersale, siue prædicabile, & possumus diffinire. Secundo, assignandæ sunt eius diffinitiones, & declarandæ. Tertio ponendæ sunt diuisiones eius.

Quantum ad primum, aduerte, quòd ad mentem Porphyrii, & Petri Hisp. dicitur tripliciter, scilicet communiter, proprie, & magis proprie.

Differentia communis est omne accidens separabile, quòd inest alicui, per quod differt a quocunque alio non habere illud, uel saltem non æquali gradu, uel differt a seipso, ut Sort. sanus differt a Plat. infirmo, per sanitatem; quia inest Plato, & ipsemet Sort. existens sanus: differt a se ipso respectu illius temporis, quo erat infirmus. Dixi uel saltem non æquali gradu, puta licet Sor. hodie & heri febricitauerit, si tamen heri intensius, hodie uero remissiùs, uerum est dicere, quòd Sortes hodie febricitans, differt a seipso febricitante heri.

Differentia propria, est omne accidens proprium, uel commune inseparabile ab eo, in quo est, per quod differt a quolibet non habente illud, ut Sortes per risibile differt a brunello asino, & coruus per nigredinem differt a cygno; & aduerte, quòd tam proprium, quam accidens commune inseparabile, faciunt differre differentia propria, licet accidens proprium pertineat ad quartum prædicabile, de quo loquemur in capitulo quinto, & accidens commune inseparabile pertineat ad quintum prædicabile, de quo loquemur in capitulo sexto; quoniam utrumque

TRACTATUS QVARTVS

est accidens, & est extra rei essentiam, & diffinitionem, neque enim proprium, neque accidens commune, siue separabile, siue inseparabile admittendum est in diffinitione, ut alias tibi manifestabitur.

Differentia magis propria est, quia una res differt ab altera essentialiter, & quidditative, ita quod remoto quocunque accidere siue proprio siue communi, siue inseparabili, siue separabili, adhuc differunt per aliquod essenziale intrinsecum, ut homo essentialiter a te quodcunque accidens differt ab asino per rationale. Vnde rationale est differentia magis propria, & hæc sola continetur in arbore Porphyrij, eo quod sola diuidit genus essentialiter, & constituit speciem ut declarabitur infra, & de hac tantum hic agendum, eo quod communis, & propria non constituunt distinctum prædicabile. Continetur enim communis in quinto prædicabili, & propria, quo ad accidens proprium in quarto, & quo ad accidens commune inseparabile in quinto. Sed magis propria constituit tertium prædicabile, ut manifestabitur tibi in definitione eius.

Quantum ad secundum aduerte, quod aliter definitur apud nominales, & aliter apud reales. Nominales definiuntur sic: Differentia magis propria, est terminus uniuocus prædicabilis de pluribus in quale essenziale, & rationale, quod prædicatur de Sorte & Platone, in eo quod quale, quia ad interrogationem factam per qualis est Sortes, responderetur, quod est rationalis.

Terminum uniuocum sumunt in eo sensu, quem exposuimus in diffinitione generis data per nominales. Dicunt prædicabilis de pluribus, aliter non esset prædicabile propriè dictum, ut patet ex diffinitione prædicabilis propriè dicti. quam assignauimus in primo capitulo huius tractatus.

Non dicunt de pluribus differentibus specie uel numero, sed absolutè de pluribus, & hæc diffinitio possit verificari de differentia generica, quæ prædicatur de pluribus differentibus specie, ut sensitiuum de homine, & asino, & equo, &c. & de specifica convertibili cum specie specialissima, quæ prædicatur de pluribus differentibus numero

tan-

tantum, ut rationale de Sorte, & Platone. Nam differentia magis propria abstrahit a generica, & specifica, & ideo potest utrique applicari, & quando applicatur genericæ, prædicatur de pluribus differentibus specie. Si autem applicatur specificæ, prædicatur de pluribus differentibus numero tantum.

Dicunt in quale, ad differentiam generis, & speciei, quæ prædicantur in quid.

Dicunt in quale essenziale, ad differentiam proprii, & accidentis, quæ prædicantur in quale accidentale.

Hæc diffinitio acceptatur a realibus præter primam particulam: quoniam apud eos, & de mente Porphyrii uniuersale & prædicabile, ut docuimus in capitulo de genere, non sunt termini siue conceptus, sed natura communicabilis multis, ut stat sub secunda intentione, modo quo supra exposuimus.

Tu igitur aduerte, quòd apud reales, differentia magis propria, & de mente Porphyrii, quintupliciter diffinitur.

Primo sic, Differentia magis propria est quod prædicatur de pluribus differentibus specie in eo, quod quale scilicet essenziale.

Primo dicitur, est quod, id est, est illud prædicabile uel uniuersale, quod prædicatur &c.

Secundo dicitur de pluribus differentibus specie, & exemplificat Porphyrius de rationali, sicut & Petrus Hispanus. Dicit enim, quòd rationale prædicatur de homine & de diis, quoniam sumus rationales nos, & dii, sed illi immortales, nos autem mortales, & sic secundum ipsum rationale est differentia generica, & non specifica.

Sed hic est dubium, cum Porphyrius & Petrus non assignent aliam diffinitionem de differentia, ut est quid prædicabile de pluribus. uidetur prætermisisse ueram & specificam differentiam cōuertibilem cum specie specialissima. Constat enim, quòd cum sit cōuertibilis cum specie specialissima, non prædicatur, nisi de differentibus numero, sicut & ipsa species, ergo Porphyrius, & Petrus sunt diminuti.

Respondetur, Petrus sequitur Porphyrium, est enim

TRACTATUS QVARTVS

eius breuiator, Porphyrius intendit diffinire differētiā, quā cognoscimus, & non aliter. Experimur autem, & est sententia Aristotelis, quod proprias, & conuertibiles, & essentialies differentias específicas ignoramus, & ideo Porphyrius non diffinit eam, sed sufficit, quod diffiniat eam, quam cognoscimus, & communi, sententia nominamus differentiam. Hæc autem est generica ut animarum, & sensitium, & rationale, secundum Porphy. Ex hoc sequitur, quod si Porphyrius specificam cognouisset, eam utique diffinisset per prædicari de pluribus differentibus numero in quale essentialē, sicut diffiniuit speciem specialissimam per prædicari de pluribus differentibus numero in quid. Non ergo fuit diminutus, quia non cognouit specificam. ergo excusatur. Quod si quis tanti fuerit ingenij, ut eam cognoscat, rectè utique diffiniet per prædicari de pluribus differentibus numero in quale.

Sed dices, si propria & specifica differentia non est nota, ergo nulla erit uera, & essentialis diffinitio.

Respondetur, Conceditur consequentia. Verum, quia per multas differentias circumloquimur, unā specificam conuertibilem cum diffinito, uel accipimus loco differentię propriū rei emanans a substantia, aut forma, aut materia rei, ideo dignamur dicere tales diffinitiones esse ueras & essentialēs. Verbi gratia, quia secundum Porphyriū rationale est cōmune diis, & homini, & mortale est cōe omni animali licet utrumque sit magis commune, quā homo, tamen simul sumpta conuertuntur, & ideo per utrumque simul sumptum circumloquimur differentiā propriam homini, diffinientes enim dicimus, quod homo est animal rationale mortale, & tunc patet, quod licet rationale per se sumptū similiter & mortale, prædicentur de pluribus differentibus specie: tamen simul sumpta in diffinitione conuertuntur cum homine, & prædicantur de pluribus differentibus numero tantum, sicut & homo. Solus enim homo est animal rationale mortale.

Tertio dicitur in eo quod quale, scilicet essentialē, quod quidem declaratur signo & ratione. Signo quidem, quoniam ad interrogationem factā de homine qualis sit,

rñdetur rōnalis, mortalis, factā de asino, rñdetur rudibilis & c. ratione autem, quoniā ut declarabitur in prædicamento qualitatis, differētia habet rationē qualitatis, ergo sicut qualitas est, per quam quales dicimur, sic per differētiā efficitur quales. Verum quia per proprium & accidens commune separabile & inseparabile, dicimur quales, idēdō subintelligitur in diffinitione differētiæ magis propriæ in quale essentialiter, quoniam proprium & accidens qualificant accidentaliter, differētia uero magis propria essentialiter. Constat igitur quomodo uerificatur primo diffinitio data de differētia magis propria.

Secunda diffinitio est hæc. Differētia magis propria est illa qua abundat species a genere. Pro cuius notitia aduerte, quod genus in sui ratione siue diffinitione nullam differētiā generis diuisiuam actu includit, neque enim animal, ut animal est rationale, uel irrationale. Nam si animal in sui ratione differētiās suas diuisiuas actu contineret, in quocunq; inueniretur, de eodem prædicaretur, sicut & genus, puta si de sui ratione esset rationale, cum alius sit animal, esset animal rationale, si autem irrationale, cum homo sit animal, esset animal irrationale. Constat ergo, quod genus nullam suam differētiā diuisiuam eiusdē includit actu. Sed species includit genus actu, cui subijcitur actu, & ultra genus includit alteram differētiarum diuisarum generis, quoniam per ipsam constituitur, & per ipsam distinguitur actu a qualibet alia specie. Verbi gratia, homo includit animal actu, & includit rationale actu, eo quod per rationale constituitur, & diuiditur a quacunque alia animalis specie. Cū ergo dicitur. Differētia est, qua abundat species a genere, sic intellige, Differētia est, quam in sui ratione species supra genus actu includit, quā non includit genus, & in hoc sensu dicitur, quod species abundat differētia a genere, eo quod genus ab utraque differētia sui diuisiua abstrahit, quas species oppositæ includunt, ut homo includit rationale, brutum uero irrationale.

Præterea, Dicitur differētia, qua abundat species a genere, quoniam omnia quæ sunt de diffinitione generis,

TRACTATUS QVARTVS

sunt etiam de diffinitione speciei. Sed species ultra omnia illa superaddit propriam differentiam. Verbi gratia, Animal sic diffinitur, Animal est substantia corporea, animata, sensitiva. Hæc omnia sunt etiam de diffinitione hominis, sed superaddit rationale mortale. Nam homo est substantia corporea, animata, sensitiva, rationalis, mortalis, propterea dicitur, quod differentia est, qua abundat species a genere.

Tertia diffinitio est ista, Differentia magis propria est illa, quæ apta nata est diuidere genus, & ea, quæ sub genere posita sunt. Pro cuius noticia aduerte, quod duo sunt actus differentiarum. primus est diuidere genus. Nam ut probatur in decimo Metaphysicæ. Quodlibet genus diuiditur duabus primis differentiis contrariis, ut substantia per corpoream & incorpoream, & quantitas per continuam & discretam, & lineam per rectam & obliquam, & hoc tibi patet in arbore Porphyrii supra posita. Secundus actus est, quod differentia simul cum genere constituit speciem siue subalternam siue specialissimam. Exemplum primi, Corporeum adiunctum substantiæ, constituit corpus, & incorporeum adiunctum substantiæ, constituit substantiam separatam, quam dicimus intelligentiam, & in diuina lege dicimus angelum. Exemplum secundi, Congregatiuum adiunctum colori, constituit nigredinem, est enim nigredo color congregatiuus uisus. Disgregatiuum autem adiunctum colori, constituit albedinem, est enim albedo color disgregatiuus uisus. Ex his ergo constat, quod differentiarum contrariarum diuidentes genus, constituunt species oppositas, contentas sub genere diuiso, quæ licet conueniant in genere, tamen diuiduntur siue distinguuntur ab inuicem per differentias, quæ diuiserunt genus, & simul cum genere constituerunt ipsas species. Ideo bene dicitur, quod differentia magis propria est illa, quæ est apta diuidere genus, & ea, quæ sub genere posita sunt.

Quarta diffinitio est hæc, Differentia magis propria est illa, qua differunt a se singula. Pro cuius noticia aduerte, quod sicut apud Physicum entia naturalia conueniunt in materia, & differunt a se inuicem suis propriis formis,

ut omnia metallâ conueniunt in aqua. Nam in eis prædo-
minatur aqua, aliter non liquefierent, sed differunt propriis
formis. Alia est enim forma auri, alia argenti, &c. sic & apud
Logicum singulæ species contentæ sub uno genere conue-
niunt in genere, quod se habet, ut materia, & differunt a se
inuicem suis propriis differentiis, quæ emanant a propriis
formis, ut rationale ab anima intellectiua. Constat ergo,
quomodo differentia est, qua differunt a se singula.

Quinta diffinitio talis est, Differentia magis propria,
est quæ conducit ad esse rei, & eius quod est esse rei pars
est. Pro cuius notitia aduerte, quod differentia in duobus
assimilatur formæ rei. Nā sicut apud Physicum forma dat
esse composito etiam in artificiatis, ut forma gladii dat esse
gladio: neque enim ferrum est actu gladius, antequam re-
cipiat formam gladii, sic apud Logicum differentia, quæ
sumitur a forma, dat esse speciei. Nam ex eo, quod ho-
mo est rationalis, habet esse hominis, & non ex eo, quod
est animal. Nam ex eo quod est animal, non habet esse nisi
animalis, in quo non differt ab aliis speciebus cōtentis sub
animali. Similiter forma apud Physicum est pars essentia-
lis rei compositæ, & spectat ad quidditatem eius, sic apud
Logicum differentia est pars essentialis speciei. Sicut
enim homo, ut compositum naturale, componitur ex
materia & forma, puta ex corpore & anima, sic homo, ut
species componitur ex genere & differentia, puta ex ani-
mali & rationali. Hæc tamen compositio differt ab illa,
quoniam apud Physicum illa est realis, distinguuntur enim
realiter materia & forma ut potentia & actus, apud Lo-
gicum autem est compositio generis & differentię secun-
dum rationem, quoniam genus & differentia non reali-
ter differunt. Sed pro nunc sustine, quoniam ista non re-
soluuntur ultimæ, nisi apud Metaphysicum, ut docui-
mus in quæstionibus nostris Metaphysicalibus. Constat
igitur quomodo differentia conducit ad esse rei, & est
pars eius, ut distinguitur a proprio & accidente, quæ &
si dant aliquo modo esse rei, non tamen essentialiter, nec
sunt essentielles partes, neque secundum rem, neque se-
cundum rationem, quoniam non ingrediuntur definitio-

TRACTATVS QVARTVS.

nem. Differentia autem ingreditur & complet, ut alias tibi manifestabitur. Constant igitur tibi omnes definitiones, quæ dari censuerunt apud Logicum de differentia magis propria, in quibus omnes conueniunt tam differentia genericæ, quam specificæ præter primam, quæ, ut sonat, non conuenit nisi genericæ, licet aliqui dicant quòd conuenit etiam ultimæ specificæ non repugnanter, id est quia non repugnat differentia, ut differentia est prædicari de pluribus differentibus specie, aliter repugnaret omni differentia, sicut non repugnat cælo. ut corpus est diuidi in partes, uerum hæc opinio quantum ualeat pronunc relinquatur, ne confundatur nouitius, & standum est in expositione, quam supra posuimus in solutione obiectionis factæ contra primam definitionem datam de differentia.

Quantum ad tertium aduerte, quòd ad mentem Porphyrij, differentia quintupliciter diuiditur.

Prima diuisio est hæc, Differentiarum quædam facit alterum, quædam facit aliud. Illa facit alterum, quæ facit differre habentem a non habente accidentaliter, ut accidens proprium, & accidens commune, siue separabile, siue non: quoniam neutrum est de essentia rei differentis, & id, scilicet facere alterum competit differentia communiter, & proprie acceptæ, licet magis conueniat differentia communiter acceptæ, quam proprie. Nam proprie accepta, & si non secundum se, tamen in quantum proprium accidens fuit a principiis speciei, uidetur participare actum differentia magis proprie, quæ facit aliud, quoniam licet homo differat essentialiter ab asino per rationale primò, tamen secundariò differt essentialiter per risibile. Nam bene sequitur homo est risibilis, ergo distinguitur essentialiter & specificè ab asino, quod non est uerum de differentia communi. Non enim sequitur, Homo est albus, ergo differt essentialiter a coruo, ut patet. Illa autem facit aliud, quæ facit differre habentem a non habente essentialiter, ut differentia magis propria, quæ est de essentia rei differentis, ut sensitiuum in animali, & rationale in homine. Nam bene sequitur, Animal est sensitiuum, ergo differt

fert essentialiter a planta, homo est rationalis, ergo differt essentialiter ab asino.

Secunda est, Differentiarum quædam est separabilis ab eo, cui inest, ut differentia cõiter accepta, quæ sit per accidens cõe. Quædam inseparabilis, quæ scilicet sit per accidens proprium, & est differentia propriè dicta, uel per differentiam essentialẽ, quæ dicitur differẽtia magis propria. Nam & proprietas rei, ut risibile, & differentia essentialis, ut rationale, sunt inseparabiles a re, cui insunt, quoniã alterum fuit ab essentia, alterum est de essentia rei.

Tertia est, Differentiarum inseparabilium quædam sunt per se, quædam per accidens. Aduerte, quòd apud Porphyrium, differentiæ per se sunt illæ, quæ ingrediuntur diffinitionem, & istæ sunt magis propriæ, ut sensitiuum, quod ingreditur diffinitionem animalis, & rationale, quod ingreditur diffinitionem hominis, Differentiæ autem per accidens sunt illæ, quæ licet prædicentur per se de subiecto, ut risibile de homine, tamen non ingrediuntur diffinitionem rei, nisi sumantur loco differẽtiæ essentialis, sicut solemus diffinire asinum per rudibile, & equum per hinnibile, & canem per latrabile, eo quòd proprias & essentielles ignoramus differentias. Igitur inter differentias per accidens in sensu dicto, numeramus accidentia propria, de quibus loquimur in capitulo sequenti.

Quarta est, Differentiarum quædam suscipiunt magis & minus, quædam non. Quæ suscipiunt magis & minus, sunt differentiæ communiter dictæ, quæ fiunt per qualitates communes, & præcipue in tertia specie qualitatis, ut sunt colores & sapes, & odores, & tangibiles qualitates. Nam de Socrate uerum est dicere, quòd differt a Plat. in albedine, quoniam & si uterque sit albus, tamen magis albus est Socra. uel minus, quàm Pla. Quæ autem non suscipiunt magis & minus, sunt differentiæ propriæ & magis propriæ, non enim dicitur unus homo magis risibilis, aut magis rationalis quàm alius.

Quid aut sit recipere magis & minus, declarabitur tibi in trac. sequenti, cū loquimur de proprietatibus prædicamẽti sub̃æ. Pro nunc sustine, ne idẽ inutiliter repetamus.

Quinta

TRACTATUS QVARTVS

Quinta est, differentiarum, quædam est diuisiua, quædam constitutiua. Pro notitia huius quintæ diuisionis, aduerte primò, quòd non datur nisi de differentia magis propria, quoniam illa tantum diuidit genus essentialiter & cōstituit speciem, ut patet ex definitionibus suprà positis. Aduerte secundò, quòd membra huius diuisionis nō oportet esse distincta realiter, sed sufficit quòd sint distincta secundum rationem. Nam eadem differentia est diuisiua, & constitutiua, sed respectu diuersorum, quoniam diuidit genus & constituit speciem. Vt autem diuidit, dicitur diuisiua, scilicet generis, ut uerò constituit, dicitur constitutiua, scilicet speciei, & sic distinguitur ratione a seipsa, ut diuidit & constituit. Verbi gratia, Rationale & suum oppositum diuidunt animal, ut patet in arbore Porphyrij, quoniam animalium aliud rationale, aliud irrationale, & utrūque istorum simul cum genere constituit speciem. Nam rationale additum animali, constituit hominem. Irrationale additum animali, constituit brutum. Aduerte tertio, quòd differentie magis propriæ tres sunt actus. Primus est, diuidere genus, & ab hoc dicitur diuisiua. secundus est, constituere speciem siue subalternam siue specialissimam, ut sensitiuum constituit animal. Rationale constituit hominem, & ab hoc dicitur constitutiua. Tertio facit differre ab inuicem ea, quæ constitunt, ut per rationale differt homo à bruto, & ab hoc dicitur differentia. Nā quæ differunt, differentia differunt. Aduerte quarto, quòd ex eo quòd differentia simul cum genere constituit speciem, sequitur eo rollariè, quòd sola species diffinitur. Nā uera diffinitio constat ex genere & differentia essentiali. Hæc autem duo constituunt speciem, ergo sola species diffinitur. Vnde quæcunque diffiniuntur & non sunt species, aut subalterna, aut specialissima, qualia sunt decem generalissima, sex transcendentia, omnia individua cuiuscunque prædicamenti, non uerè & propriè diffiniuntur, sed describuntur. Quomodo autem differant uera diffinitio & descriptio, manifestabitur tibi in Tractatu de syllogismo topico. Bene ergo dixit Boetius, quòd sola species diffinitur. Constant ergo tibi diuisiones datæ de

diffe-

differentia simul cum definitionibus suis, eo modo, siue illis modis, quibus potest notificari. Hæc de præsentī capi- dicta sint.

De Proprio.

CAPVT V.

IN quinto capitulo, agendum est de quarto prædicabili, quod dicitur *Proprium*. Cuius consideratio ordinatè sequitur considerationem generis & speciei, & differentie: ea nanque prædicantur essentialiter. *Proprium* uerò prædicatur accidentaliter. Sed essentialē præcedit accidentale, ergo post considerationem illorum trium, ordo doctrinæ requirit, ut tractemus de *Proprio*. Quare autem prius de *Proprio* quàm de accidente, cum utrunque sit accidentale, dicemus in capitulo sequenti. De *proprio* autem tria uidentur. Primò, quot modis sumitur. Secundò, quid sit *Proprium*, quod ponit quartum prædicabile, Tertiò, si solus ultimus modus, quo dicitur *Propriū*, est unum ex quinque prædicabilibus.

Quantum ad primum, aduerte quòd ad mentem Porphyrij, & in doctrina Peripatetica, quatuor sunt modi, quibus dicitur *Proprium*.

Primò illud dicitur *Proprium*, quod competit soli uni speciei, sed non omni indiuiduo illius speciei, imò reperitur in minori parte, ut esse *Logicum* siue *Grammaticum*, esse *medicum* esse *moralis*, & *honestæ uitæ*, competit soli homini, quoniam solus homo inter omnia animalia uiget parte intellectuā: hæc autem insunt ei propter intellectum & uoluntatem, quæ ad partem intellectuā spectant. Sed esse *Logicum* siue *medicum*, est *proprium* primo modo, dummodo importent esse actū *Logicum* siue *medicum*, si enim importarent solam aptitudinem, non essent *proprium* primo modo, sed quarto modo, sicut & risibile in homine. Nam licet soli homines, & pauci sint actū *logici* siue *medici*, omnes tamen & soli sunt apti esse *logici* &c. aliter illud principium Aristotelis in primo suæ *Metaphysicæ* esset falsum. Omnes homines natura scire desiderant. Desiderium autem sciendi supponit aptitudinem naturalem ad scientiam. aliter uanum esset desiderium. Et aduerte, quòd est simile de ridente & risibili, nam esse

TRACTATUS QVARTVS

esse actu ridentem, conuenit soli homini, sed non omni homini, quoniam non omnes actu rident. Sunt enim eadem hora aliqui flentes, aliqui ridentes. esse ergo ridentem, est proprium homini primo modo. esse uero aptum ad ridendum, conuenit soli & omni homini, & semper: ergo est proprium hominis quarto modo, ut declarabitur.

Secundò illud est proprium, quod omni indiuiduo aliquius speciei, & semper conuenit remoto impedimento, & casu, sed modò soli speciei sic esse bipedem, est proprium hominis secundo modo, nam esse bipedem & gradi duobus pedibus, conuenit omni homini, qui sit uerus homo, sed nò soli homini, conuenit enim multis animalibus, & præcipuè uolatilibus.

Dixi remoto impedimento, ut secludantur homines, qui ex infirmitate aut abscissione non sunt bipedes.

Dixi & casu, propter monstra, quorum aliqua aut nullius, aut unius, aut plurium, quàm duorum sunt pedum, de quibus iam locuti sumus in secundo Physicorum.

Dixi, uerus homo, ut excludam quædam animalia habentia effigiem humanam, ut dicitur, quòd in India inueniuntur homines qui tantum unum habent pedem, & unum oculum in fronte, qui gradiuntur saltando. Isti non sunt magis homines, quàm simia, ideò de eis nò est hic sermo.

Sed aduerte, quòd quando dicitur, Illud est proprium secundo modo, quod omni, sed non soli conuenit. Exponendum est ly conuenit, pro accidit, aliter esse animal est proprium secundo modo. Conuenit enim omni homini, sed nò soli, ut patet, licet autem conueniat omni homini, sed non soli, non tamen accidit homini, sed est de essentia eius, quoniam prædicatur de eo, in quid.

Tertiò illud est proprium, quod conuenit soli uni speciei, & omni eius indiuiduo, sed nò omni tẽpore, imò solū in tali tẽpore, puta esse canē uel canescere, cōuenit soli & omni homini, sed non nisi in senectute, loquendo de canescere naturaliter, id est secundū ordinē naturæ, & propriè.

Dico secundum ordinem naturæ, quoniam accidit ex alijs causis hominem canescere ante senectutem, & præcipuè ex longa & intensa animi tristitia, propterea inquit

Boetius

Boetius in primo de consola. Metro primo; *Intempestiui funduntur tempore crini.* scilicet, capilli, Aut propter malam, & intemperatam complexionem qualis est phlegmatica, & melancholica. Vtraque nāque est frigida & canicies ex frigidityte prouenit. Nam ideo canescit homo in iuuentute, quia calor naturalis superabundat temperās frigidum, in senectute autem ex defectu caloris superabundat frigidum & humidum superfluum, ideo in senectute canescit homo, & inter alias complexiones sanguinea tardius canescit, post ipsam cholericā, propter caloris abundātiā temperantis frigidum, & consumentis humidum indigestum, siue superfluum.

Dico proprie, quoniam licet aliqua animalia, ut lupus, & canis, uideantur mutare pilos suos naturales in albos, non tamen proprie canescunt, sed potius gricescunt. Nam causa proprie canicie, est superabundans frigiditas cerebri, quæ inest homini super oīa alia animalia, & ideo male odoratur homo, ut dicitur in ij. de anima. Quod autē aliqua bruta mutant pilos in albos, non est ex superabundātiā, & indigesta frigidityte, cerebri, cuius signum est, quod usq; in finem uitæ subtilissimè odorāt, sed est ex indigestis frigidis humoribus respersis per totū corpus, & præcipue quando brutum est uorax, sicut lupus, & canis.

Quarto illud est proprium, quod conuenit soli uni speciei, & omni eius indiuiduo, & semper. i. pro omni tempore & necessario, ut esse risibile, est propriū hominis hoc quarto modo. Nam homo cum sit rationalis, semper est aptus natus ridere, licet non semper actu rideat, & aduerte quod ly conuenit exponendum est pro accidit, aliter rationale esset proprium quarto modo, quoniam conuenit soli; & omni homini & semper, & necessariē, cum sit gradus eius distinctiuus a bruto. Pro tanto autem non est proprium, sed differentia, ut docuimus suprā, quoniam est de essentia, & de diffinitione hominis. proprie autem quarto modo id non competit, cum sit accidens fluens a forma rei, aut materia, a forma quidem, ut risibile, & disciplinabile ab anima humana a materia autem, ut corruptibile a cōpositione contrariorū elementorū. Cōstat igitur, quot sint modi, quibu

TRACTATVS QVARTVS

quibus consuetum est sumi proprium. Nunc autem relictis alijs, immorandum est circa quartum, quoniam solus iste est quartum prædicabile, ut declarabimus.

Quantum igitur ad secundum, manifestandum est quid sit in via Peripatetica. Tu igitur aduerte, quòd nominales sic definiunt. proprium quarto modo est terminus uniuocus prædicabilis de pluribus in eo, quod quale accidentale, & conuertibiliter.

Dicitur terminus uniuocus loco generis, eo quòd est magis communis, nam ut patet suprà apud nominales & genus & species & differentia sunt terminus uniuocus, & tamen non sunt proprium; ergo in plus est esse terminum uniuocum, quàm esse proprium quarto modo.

Dicitur prædicabilis de pluribus, aliter nõ esset uerum prædicabile computatum inter quinque; ut docuimus in cap. primo huius tract.

Dicitur, de pluribus indistinctè non explicando distinctis siue differētibus specie uel numero, quoniam aliquod proprium consequitur genus: ut esse aptum dormire, & uigilare consequitur animal. Solum enim animal & omne & semper scilicet, pro aliquo tempore dormit & uigilat: ut docuimus in lib. de somnò & uigilia. Aliquod autè consequitur speciem specialissimam, ut risibile & flebile. primum quidem prædicatur de pluribus differētibus specie, sicut & genus. secundum autem de pluribus differentibus numero, sicut & species specialissima.

Dicitur in eo, quod quale, ut distinguatur à genere & à specie, quæ prædicatur in quid. Verū quia differentia prædicatur in quale, idè ut distinguitur ab ea, subiungitur, in quale accidentale. Nam differentia, ut docuimus suprà, prædicatur in quale essentiale, cum sit de essentia eius, cuius est differentia. Proprium autem prædicatur in quale accidentale, cum sit extra essentiam eius, cuius est proprium, & non sit pars eius.

Dicitur conuertibiliter, aliter non esset proprium quarto modo. Nam si prædicaretur de aliquo, de quo non prædicaretur illud cuius est proprium, iam non conueniret soli illi, puta si risibile prædicatur de aliquo, de quo non prædicatur

prædicatur homo, non conueniret soli homini, ex consequenti non esset proprium hominis quarto modo, sed secundo modo.

Tota hæc diffinitio acceptatur a Logico reali excepta prima particula, quoniam realis Logicus, ut sæpe diximus, non concedit, prædicabile esse terminum siue conceptum, sed naturam communem pluribus, ut stat sub hoc conceptu, scilicet, prædicari de pluribus uniuoce inquit, uel in quale, ut docuimus in capitulo primo, & secundo huius tractatus.

Posita igitur definitione Proprii secundum nominales, uide dum est, quid sit ad mentem Aristotelis. Tu igitur aduerte, quod in primo topico sic definitur. Proprium est, quod inest omni soli, & semper, & conuersim prædicatur de re, & non indicat quid est esse rei.

Per primam particulam, scilicet, soli, omni, & semper, distinguitur ab aliis modis Proprii. nam iuxta primum modum inest soli, sed non omni. Iuxta secundum, inest omni, sed non soli, iuxta tertium inest omni, & soli, sed non semper, quarto autem modo, inest soli omni, & semper.

Per secundam particulam, scilicet, & conuersim, id est, conuertibiliter prædicatur, de re, distinguitur ab accidente cōmuni, quod est quintū prædicabile, quod non conuertitur cum eo, cui inest. Nam licet ista sit uera, Omnis coruus est niger, hæc tamen est falsa, omne nigrum est coruus. In proprio autem quarto modo prædicatio conuertitur. Nā si omnis homo est risibilis omne risibile est homo.

Per tertiam particulam, scilicet, & non indicat, quid est esse rei, distinguitur a definitione. Nam ut declarabitur tibi in tractatu de syllogismo topico. Definitio est oratio indicans quid est esse rei per essentialia, id est, declarans essentialiam, & naturam rei definitæ per sua principia priora, & intrinseca, quæ sunt genus, & dñia. Et quoniam propriū nō est principium prius intrinsecū, & essentialiale eius, cuius est proprium, sed est, quid posterius fluens ab ipsis principiis, ut risibile originatur a rationali. Nam ex eo, quod homo est rationalis, naturali sequela concluditur, quod est risibilis, & non concluditur e conuerso a priori, sed a posteriori.

DE PRAEDICABILIBVS.

ri, ideo non indicant naturam rei a priori, sicut indicat uera definitio.

Dico a priori, quoniam cum propria rerum differentia sint nobis incognita, ueniamur rerum quidditates per effectus proprios, & per suas proprietates, & ut in pluribus assumimus propria accidentia in definitionibus, loco differentiarum. Sed hoc est indicare, quod quid est rei, a posteriori, & non a priori. Et quando dicitur in definitione praemissa de proprio, quod non indicat quid est esse rei, intelligendum est a priori ad differentiam uerae definitionis. A posteriori autem non est dubium, aliter non uerificaretur illud in primo de anima. Accidentia, scilicet propria, magnam partem conferunt, id est, multum nobis deseruiunt ad cognoscendum, quod quid est, id est rei essentiam, & naturam. Verum, quia haec sunt altioris negotii, id est, re, Metaphysici, ideo tu nouiti ne desperes, si nunc non penetras, sufficiat tibi superficialiter apprehendere. Constat igitur tibi, quid sit proprium quarto modo secundum nominales, & reales, sed tu sequere uiam realium, ut pote magis conformem doctrinae Peripateticae.

Quantum ad tertium aduerte, quod proprium non omnibus modis est uniuersale, sed tantum quarto modo. Nam solum quarto modo praedicatur accidentaliter conuertibiliter modo, quo exposuimus, & suum adaequatum subiectum est proprie species specialissima ex consequenti, sicut species specialissima praedicatur uniuocè, & immediate de pluribus differentibus numero, quae sunt eius indiuidua, sed praedicatur in quid. Sic eius proprium praedicatur de eisdem, sed in quale, ideo facit distinctum praedicabile ab omnibus aliis. Haec de proprio dicta sint. Quomodo autem faciat distinctum praedicabile ab accidente, cum & ipsum proprium sit accidens, dicemus in capitulo sequenti. Haec de capitulo quinto dicta sint.

De accidente. CAP. VI.

IN capitulo sexto agendum est de quinto praedicabili quod dicitur accidens, cuius consideratio ordinate sequitur considerationem de proprio: quoniam licet utrumque praedice-

prædicetur de pluribus, in quale accidentaliter in quantū utrunque est accidens, tamen in perfectiori modo prædicatur, quàm proprium. Nam proprium, prædicatur conuertibiliter, non autē accidens, ut declarabitur. Item, Proprium facit propositionem per se, non autem accidens. De accidente igitur quatuor uidenda sunt. Primò, quot modis sumitur, ut sciamus modum, iuxta quem ponitur quintum prædicabile. Secūdo, quid sit, ut est quintum prædicabile. Tertio, quomodo diuiditur. Quarto, quomodo facit distinctum prædicabile a proprio, cū & proprium sit accidens.

Quantum ad primum aduerte, quòd famosiores modi in uia Arist. quibus sumitur accidens, sunt quatuor.

Primò sumitur pro omni eo, quod non est de ratione alicuius, & sic omnia quæ non sunt de ratione hominis, sunt accidentia homini. Cum igitur risibile non sit de ratione hominis, nec sortes, nec Plato sint de intellectu hominis, potest n. intelligi homo non intellecto Sorte, & Platone, & cuius signum est, quòd hæc est indirecta, homo est Sortes, sequitur, quòd in hac prima acceptione, & proprietates specie & indiuidua sint accidentia homini, & iuxta hunc modum in tractatu de syllogismo sophistico assignabitur fallacia accidentis.

Secundo sumitur accidens pro omni ente, quod non est substantia, sed inhæret substantiæ, & diuiditur in nouem prædicamenta ut declarabitur tibi in tractatu sequenti, iuxta quem modum dicimus quantitatem, & qualitatem esse accidentis, & appellatur accidens prædicamentale. Et est alterum membrum diuisionis, qua diuiditur ens in substantiam, & accidens.

Tertiò, sumitur accidens pro omni eo, quod euenit præter intentionem agentis, ut quando homo fodit agrum, ut seminet, si fodiendo inuenit thesaurum, est accidens, & hoc accidens dicitur fortuna & casus, de quo agitur in ij. Physicorum.

Quarto sumitur accidēs, pro omni eo, quod positum in prædicato facit propositionem per accidens, siue illud sit substantia, siue accidens prædicamentale, siue non. Ad hoc autem, quòd fiat propositio per se, oportet prædicatū esse

TRACTATUS QVARTVS

de essentia, aut de ratione subiecti, aut proprium eius quato modo. Omnia ergo alia prædicata faciunt propositionem per accidens. Vnde hæc est per accidens, Animal est homo, & hæc, homo est Sortes, & uniuersaliter quando inferius prædicatur de superiori, & omnis propositio in qua prædicatum est accidens commune, siue separabile, siue inseparabile, quoniam tale accidens non est de definitione subiecti, nec eius proprium aliter soli subiecto conueniret. Vnde hæc est propositio per accidens, homo est albus, nix est alba, Aethiops est niger. & solum quarto modo est prædicabile distinctum ab aliis. Et quidem, quod sit prædicabile, probatur quoniam prædicatur de pluribus uniuoce differentibus, siue specie, siue numero. Nā nigredo prædicatur uniuoce de coruo, & carbone, & Aethiope, qui differunt specie, & prædicatur de hoc, & illo coruo, qui differunt numero. Quod autem sit distinctum ab aliis, patet de genere & specie, quoniam prædicatur in quale, illa autem in quid, patet de differentia, quoniam illa prædicatur in quale essentiale, hoc autem in quale accidentale. de proprio etiam constat, quoniam proprium prædicatur in quale accidentale conuertibiliter, accidens autem inconuertibiliter. Constat ergo quot modis sumitur accidens, & iuxta quem modum sit prædicabile.

Quantum ad secundum aduerte, quod apud nominales accidens, ut est quintum prædicabile, sic diffinitur. Accidēs est terminus uniuocus de pluribus prædicabilis in eo, quod quale accidentale non conuertibiliter.

Primò dicitur terminus uniuocus in eodē sensu, in quo est diffinitum, genus, & species, & differentia, & proprium secundum nominales, & ut in secundo cap. exposuimus. Secundo dicitur de pluribus prædicabilis quoniā ex hoc habet, quod sit prædicabile proprie dictum, modo prædicetur uniuoce: ut patet ex definitione data de prædicabili in j. cap. Et aduerte, quod non dicitur de pluribus differentibus specie siue numero, quoniam contingit accidens prædicari de differentibus genere: ut animal est album, nix est alba. Et de differentibus specie, ut coruus est niger, et homo est niger, puta Aethiops, & de differentibus numero.

mero, ut Sortes est albus, & Berta est alba. propter hoc igitur diffinitur accidens prædicabile prædicari de pluribus indistinctè siue specie, siue numero.

Tertiò dicitur in eo quod quale, quoniam ad interrogationem factam qualis est homo, responderetur, albus aut niger, aut sanus, aut æger.

Quartò dicitur accidentale, ut distinguatur a differentia, quæ ut supra docuimus, prædicatur in quale essentiali, quoniam est de definitione eius, cuius est differentia.

Quintò dicitur conuertibiliter, ut distinguatur a proprio, sicut iam supra docuimus.

Hæc diffinitio tota acceptatur a Logico reali, præter primam particulam: quoniam, ut sæpe diximus, realis Logicus non concedit prædicabile esse terminum uel conceptum, sed esse naturam communicabilem multis, ut stat sub hoc conceptu, quod est esse prædicabile de multis. Aliæ particule omnes acceptantur.

Apud realem autem Logicum & ad mentem Porphyrij de accidente, ut est quintum prædicabile, datur triplex diffinitio.

Prima est hæc, Accidens est, quodd adest & abest præter subiecti corruptionem.

Aduerte, quod hæc diffinitio alio & alio modo intelligenda est a Logico & aliter a Philosopho. Nam Logicus considerat accidens secundum modum prædicandi; Philosophus autem secundum modum essendi. Logicaliter ergo sic intelligitur: Accidens est illud prædicabile, quodd adest & abest, id est, quodd prædicatur affirmatiue & negatiue de suo subiecto, præter subiecti corruptionem: id est, absque hoc quodd remoueat subiectum. Verbi gratia, esse album, sedere, stare, currere, sunt accidentia homini, quæ uerificantur de homine affirmatiue & negatiue. Nam utraque harum est uera, cum sint indefinite in materia contingenti. Homo est albus. Homo non est albus, & adhuc stat homo, siue sit albus, siue non sit albus, non solum autem uerificantur istæ dux sumendo hominem. ut stat pro distinctis suppositis, sed etiam respectu eiusdem pro diuerso tamen tempore. Nam uerum est

TRACTATUS QVARTVS

dicere, quòd hic homo aliquando est albus, aliquando non est albus, & tamen stat subiectum. Realiter autem, & apud Philosophum sic intelligitur. Accidēs est ens, quod adest, & abest, idest, quod aduenit subiecto iam constituto in esse, quo ad substantiam, & adest illi, & remouetur ab eo, & tamen subiectum non desinit. Et definitio sic intellecta, verificatur proprie de accidente communi, quod scilicet nō consequitur subiectum ex natura subiecti, ut excludam accidens proprium consequens naturam specificam, ut risibile in homine, uel principia indiuiduantia, quibus hic homo, est hic homo. Ista enim non remouentur, quin corrumpatur subiectum. Hæc enim semper est falsa, homo non est risibilis, quia licet possit intelligi homo non intellecto risibili, cum non sit de essentia eius, tamen non potest existere sine risibili, quoniam naturaliter fluit, a natura hominis, sicut lux a Sole. Licet autem prædicta diffinitio intelligi possit, & exponi Logicaliter, & Physicè; in præsentī loco exponenda est Logicaliter, quoniam Logicus non habet considerare accidens ut ens, sed ut prædicabile est.

7. Secunda diffinitio est hæc, Accidens est, quod contingit eidem, scilicet subiecto inesse, & non inesse, ut esse sanum, tristem, lætum, honoratū &c. est accidens Sorti, quoniam aliquando est sanus, aliquando æger, aliquando tristis, aliquando lætus, & hoc modo accidens conuertitur cum contingenti. Contingens est, quod potest esse, & vñ esse. Et adverte, quòd per hanc secundam definitionem probatur prima. Nam bene sequitur, Accidens est, quod potest inesse, & non inesse subiecto, ergo accidens est, quod adest, & abest præter subiecti corruptionem.

Tercia diffinitio est hæc, accidens, scilicet prædicabile, est illud quo neque est genus, neque species, neque differentia, neque proprium, inest autem alteri.

Dicitur accidens prædicabile, ut excludam accidens in quantum est prædicamentale, puta albedinem in prædicamento qualitatis, corpus, & superficiem in prædicamento quætitatis. Nam albedo est species coloris, corpus, & superficies sunt genera quantitatis continuæ. Non

inconuenit ergo accidens prædicamentale esse species, & genus &c. Sed inquantum est prædicabile, id sibi repugnat. Est autem prædicabile ex particulari modo prædicandi, qui est prædicari de pluribus in quale accidentaliiter inconuertibiliter. Per hunc autem modum prædicandi negatur sibi posse esse genus & species, quia prædicantur in quid. Similiter esset differentia, quia prædicatur in quale essentialiter. Similiter esset proprium, quia prædicatur in quale accidentale, sed conuertibiliter. Constat igitur tibi, quid sit accidens, ut prædicabile.

Quantum ad tertium aduerte, quoddam apud Porphyrium datur tantum una diuisio de accidente prædicabili, quod est accidens commune, distinctum contra proprium, quod est quartum prædicabile. Petrus autem Hispanus adiungit secundam.

Prima est accidentium communium, quæ prædicantur per accidens de subiecto, quoddam est separabile, quoddam inseparabile. Separabile, ut, Homo est sedens. Inseparabile, ut coruus est niger. Ratio huius diuisionis est, quia aut accidens causatur in subiecto a causa naturali fixa, & perseverante quasi immutabiliter, sic est accidens commune inseparabile, ut nigredo in coruo, quæ causatur ex iuncta caliditate, & siccitate complexionali, quæ prædominantur in eo supra frigidum & humidum. Et nigredo in Aethiope, quæ causatur ex adustione regionis, a qua nullo tempore multum elōgatur sol: habitant enim circa tropicum Cancrī, aut causatur in subiecto a causa instabili diuersimodè, se habente pro diuerso tempore, & sic est accidens separabile, ut albedo, & denigratio in Sorte Italo. Nam in æstate ad Solem denigratur propter accessum ad caput nostrum, in hyeme autem dealbatur propter elongationem. Idem intellige de calore & frigiditate aeris in climate quinto, & sexto & septimo & magis ultra. Cōstat igitur quomodo hæc diuisio est sufficiens.

Sed aduerte, quoddam hæc diuisio magis verificatur apud Physicum, quàm apud Logicum. Physicus enim considerat accidens prædicamentale, & modum suum realem essendi in subiecto. Logicus autem considerat accidens

TRACTATUS QVARTVS

sub modo intelligendi & prædicandi. Quantum igitur spectat ad Physicum. Profectò uerum est, quod aliquod est separabile, ut accidens aduentitium, sicut album & nigrum calidum, & frigidum in homine. Aliquod autem est inseparabiliter inhærens, ut calidum in igne, nigrum in coruo, album in niue, dulce uel austerum in hoc, uel illo pomo, & breuiter omne accidens congenitum fluens a principiis indiuidui, & tali uel tali commissione elementorum, apud Logicum autem omne accidens, quantum ad modum intelligendi, uel prædicandi est separabile, quoniam subiectum, quo ad essentialia sua potest intelligi, & diffiniri nõ intellecto accidente siue proprio siue communi. Proprio quidem, ut possum intelligere ac diffinire hominem, nulla facta mentione de risibili. Constat enim prima apprehensio & quidditatiua diffinitio ex solo genere & differentia, communi autem aduentitio constat. Communi uero congenito, ut nigredine in coruo constat. quod possum intelligere & diffinire, quo ad principia essentialia, absque hoc, quòd fiat mentio de accidente congenito. Possum enim intelligere hominem, qui est Aethiops in quantum homo est, ut inquit Porphyrius nitentem candore. Non enim Aethiops, ut homo habet nigredinem, sed ex regione ad iusta radios solis. cuius signum est, quòd si Aethiops deducatur ad regionem temperatam. paulatim per successionem generationis, geniti albescent. Hæc ergo diuisio accidentis per separabile & inseparabile, licet in aliquo sensu posset intelligi Logicaliter, absolute tamen exponenda est Physice, quòd innuens Porphyrius posita prædicta diuisione, ne uideretur contradicere diffinitioni datæ, qua dictum est accidens esse illud, quod potest adesse & abesse, &c. ex consequenti uidetur omne accidens esse separabile, quasi soluens inquit. Potest autem intelligi & coruus albus & Aethiops nitens candore præter subiecti corruptionem. Ac si dicat, licet Physicè non omne accidens postquam aduenit subiecto, possit remoueri, tamen Logicaliter quantum ad modum intelligendi subiectum, potest remoueri modo, quo diximus, nulla ergo est contradictio. Verum ergo est dicere, quòd apud Physicum
datur

datur accidens separabile, & inseparabile quantū ad inesse subiecto. Sed apud Logicum omne est separabile, quantum ad hoc, quod est intelligere & diffinire subiectum.

Secunda diuisio, quam ponit Petrus Hispanus est hæc, Accidentium quoddam est commune, quoddam est proprium. Aduerte, quod accideus potest dici cōmune & proprium dupliciter. Primo, quodd illud dicatur cōmune, quod aptum est inueniri in multis substantiis genere & specie dictis, ut calidum, frigidum, humidum, & siccum, asperum, lene, graue, leue.

Proprium autem dicatur illud, quod uni soli generi uel speciei conuenit conuertibiliter, ut rerum proprietates, ut summa lux in Sole, & summum calidum in igne, par est impar in numero, risibile in homine. Secundò, ut dicatur accidens commune, cuius subiectum nominatur terminò communi, & non discreto, ut homo albus, coruus niger. Illud autem dicatur accidens proprium, cuius subiectum nominatur terminò discreto, ut Sortes albus, uel albedo in Sorte. In hac secunda diuisione sumitur commune & proprium in secundo significato, & non in primo. Nam iuxta primum distinguitur quartum prædicabile a quinto. Iuxta autem secundum tam commune, quàm proprium continetur in quinto prædicabili. Constat igitur, quomodo diuidatur accidens apud Logicum in prædicabilibus. Dico in prædicabilibus, quoniam alio modo diuidendum est in prædicamentis, ut tibi manifestabitur in tractatu sequenti.

Quantum ad quartum, ut scias, quomodo accidens facit quartum prædicabile distinctum a quinto, cum tamen utrumque sit accidens, & non substantia, aduerte, quodd accidens dupliciter considerari potest. Primò, ut est ens distinctum contra substantiam. & quid in tractatu sequenti distinguemus in nouem prædicamenta accidentium. Secundò, ut dicitur prædicatum per accidens distinctum contra prædicatum per se, iuxta quem sensum, omne quod prædicatur per accidens de altero, dicitur accidens, & omne quod prædicatur per se, dicitur per se, & iuxta eundem sensum accidens facit propositionem, & prædicationem
per

TRACTATUS QVARTVS

per accidens. Per se autem facit propositionem per se, quæ quomodo & quot inodis fiat, declarabitur in tracta. de syllogismo demonstratiuo.

Iuxta primum sensum nō datur medium inter substantiam & accidens, quia ut manifestum tibi erit in tracta. sequenti, ens sufficienter diuiditur in substantiā & accidens, nam ens, aut est aptum esse in subiecto, uel nō in subiecto. Si primum, est accidens, si secundum, est substantia. & sicut inter duo contradictoria non potest dari medium, sic nec inter substantiam & accidens sic accepta, potest dari medium. Iuxta autem secundum sensum datur medium inter substantiam & accidens. Nam proprium non est substantia, nec est accidens. i. prædicatum per accidens. Non enim facit prædicationem per accidens, sed per se in secundo modo, qui modus manifestabitur tibi in tract. de syllogismo demonstratiuo. Ad propositum ergo dico, quod accidens distinctum contra substantiam, non facit quintum prædicabile distinctum a quarto, quoniam & ipsum proprium continetur sub accidēte primo modo sumpto. Accidens autem sumptum pro prædicato per accidens, distincto contra prædicatum per se, facit quintum prædicabile distinctum a quarto, quoniam illud est prædicatum per se, ex quibus sequitur, quod omne accidens commune in quantum facit prædicationem, & propositionem per accidens continetur in quinto prædicabili, & omne prædicatū prædicationis indirecte, scilicet quando inferius prædicatur de superiori continetur in eodem prædicabili. In quo sensu dum prædicatur homo de animali, homo est accidens in quinto prædicabili.

Vt autem scias, quæ sit prædicatio indirecta & accidentalis, quæ faciunt quintum prædicabile, declarandum est quid sit directa & indirecta, essentialis & accidentalis apud Logicum.

Tu igitur aduerte, quod prædicatio directa est illa, in qua superius prædicatur de suo inferiori, id est, magis commune de minus communi, uel æquale de æquali. Exemplum primi, homo est animal, animal est corpus, corpus est substantia, substantia est ens. Exemplum secundi, homo est

est risibilis, aīal est sensitium, numerus est par uel impar.

Indirecta autem est, quando inferius praedicatur de superiori. i. minus commune de magis communi, ut substantia est corpus, corpus est animal, animal est homo. !

Praedicatio essentialis est illa, in qua termini sunt eiusdem praedicamenti, dummodo sit directa, ut homo est animal, quoniam subiectum & praedicatum sunt de praedicamento substantiae, & praedicatur superius de inferiori. Idē esset, si praedicaretur aequale de aequali, ut quando praedicatur differentia specifica de specie, ut hō est rationalis.

Praedicatio accidentalis est, in qua termini sunt distinctorum praedicamentorum, ut homo est risibilis, homo est albus. Nam homo est in praedicamento substantiae, risibilitas uero & albedo sunt, in praedicamento qualitatis. Sed aduerte, quod accidentalis est duplex. Quaedam enim est accidentalis per se, & fit, quando praedicatur proprium accidens de proprio subiecto, ut homo est risibilis, numerus est par uel impar, & est in quarto praedicabili. Quaedam est accidentalis per accidens, & fit, quando praedicatur accidens commune de subiecto, ut homo est albus, coruus est niger, & haec est in quinto praedicabili. In eodem etiā est praedicatio inferioris de superiori, ut animal est homo. Accidit enim animali esse hominem. Nam posito, quod homo non esset, adhuc potest esse aīal, quia potest saluari in alia specie, puta in equo in leone, &c. propterea haec & similes sunt per accidens & in quinto praedicabili, aīal est hō, corpus est aīal, substantia est corpus. Haec de sexto capite dicta sint, in quo terminatur intentio nostra expositiua super quinque praedicabilia. Nec mireris tu nouiti, si relinquimus proprietates & cōitates, quas assignat Porphyrius, & Pet. Hisp. & differentias quinque praedicabiliū adinuicē comparatorū, quoniam declaratis & expositis singulorū praedicabiliū definitionibus, quo ad singulas particulas, ut supra exposuimus, poteris per te ipsum huiusmodi cōitates & differentias comprehendere. Ideo hoc sistendum est.

Explicit trac. qui est quartus in ordine compendii Logicae Peripateticae, & est de quinque uniuersalibus sine praedicabilibus ordinatus per Reuer. magistrum Chrysostomum

TRACTATUS IV. PARS I.

solum ordinis prædicatorij, Philosophiæ & divinæ scientiæ professorem. Post hunc tractatū sequitur Quintus, qui erit de decem categoriis, quas Latini dicunt decem prædicamenta. Quorum consideratio erit hic tantum logicaliter, quod si aliquo modo physice aut metaphysice, hoc erit præter intentionem, ut tibi manifestabitur.

TRACTATUS QUINTVS: QVI

est de Antepredicamentis, et Predicamentis et

Postpredicamentis.

P R A E F A T I O.

POST habitam considerationem de quinque universalibus siue prædicabilibus, doctrinæ ordo requirit, ut de categoriis, quæ apud Latinum prædicamenta dicuntur, pertractemus. Ordinavit enim Porphyrius Isagogas ad habendam eam prædicamentorum doctrinam, quam tradidit nobis Aristoteles. Præterea in trac. præcedenti actum est de rationibus & definitionibus ac divisionibus quinque universalium. In trac. autem præsentī acturi sumus de ordinatione quinque universalium, qua constituitur prædicamentum, ut dicemus; ergo necesse fuit præseire ipsa quinque universalia, ut in præsentī tract. sciamus ea ordinare in linea prædicamentali. Vanè enim conatur ordinare, qui prius non novit ordinabilia. Rationabiliter ergo post doctrinam traditam de quinque universalibus, agendum est in præsentī tractatu de prædicamentis, quem dividemus in tres partes, sicut & Aristoteles videtur divisisse.

Pars prima erit de Antepredicamentis.

Secunda de Prædicamentis.

Tertia de Postpredicamentis.

Partem primam dividemus in quatuor capita.

Primò pertractanda sunt quædam, quæ præcognoscere oportet, ne per incognita procedamus; aut simus coacti ea sæpius repetere.

Secundò, agendū est de primo antepredicamento sumpto in genere, quod continet tres definitiones s. æquiuocorum

uocorum, uniuocorum, & denominatiuorum. Tertiò agendum est de secundo ante prædicamento sumpto in genere, quod continet duas diuisiones terminorum. Quartò agendum, est de tertio anteprædicamento sumpto in genere, quod continet duas regulas, quarum prima ualet ad cognoscendū ea, quæ locantur secundum sub & supra ordinatē. secunda autem ualet ad cognoscendum impermissionem prædicamentorum.

De præcognoscendis.

CAP. I.

IN primo capitulo agendum est de his, quorum præcognitio necessaria est, antequam descendamus ad tractandum in specie de anteprædicamentis & de prædicamentis, & de postprædicamentis, & sunt quatuor. Primò, quid sit prædicamentum. Secundò, quid anteprædicamentum. Tertiò, quid postprædicamentum. Quartò si ad logicum spectat, & quomodo tractare de prædicamentis.

Quantum ad primum aduerte, ut scias in quo sensu tractare intendimus de prædicamento, quod quadrupliciter sumi potest. Primò, pro omni termino prædicabili siue de uno, ut Sortes siue de pluribus, ut homo. Nam cum prædicamentum à prædicando dicatur, quicquid de aliquo, uel de aliquibus prædicatur, dici potest in hoc primo sensu prædicamentum. secundo pro omni termino, quo de pluribus prædicatur, ut ab hoc secundo sensu excludatur terminus discretus tertio pro genere generalissimo cuiuscunque prædicamenti, in quo sensu substantia, quantitas, qualitas, ad aliquid &c. dicunt prædicamenta. quarto pro coordinatione plurium prædicabilium, quæ se habent, ut inferius & superius essentialiter in linea recta prædicamentali, ut tibi in singulis prædicamentis declarabitur infra. & in hoc quarto sensu acturi sumus de prædicamento diffiniendo quid sit.

Tu igitur aduerte, quòd uno modo diffinitur apud nominales, & alio modo apud reales. Nam nominales sic diffiniunt, prædicamentum est coordinatio plurium terminorum secundum & sub supra, & ly per plurium terminorum, intendunt plurium prædicabilium. Nam ut docuimus in tract. præcedenti, tenent prædicabilia non esse res

suæ

TRACTATUS V. PARS I.

siue naturas communicabiles multis, sed terminos siue cōceptus. Et quoniā reales non concedunt prædicabilia esse terminos, sed naturas communes modo quo in tract. præcedenti exposuimus, idē non acceptant prædictam diffinitionem, nisi aliud addatur. Igitur apud reales sic diffinitur, Prædicamentum est ens dicibile, incomplexum, ordinabile in genere secundum sub & supra, prout substat termino talem ordinem significanti.

Primò dicitur ens, ad differentiam non entis, ut est chimera, & negationes quæ non reponuntur in prædicamento. Nam ut probatur in lib. vj. Metaphysicę solum ens extra animam, quod est ens reale, reponitur in prædicamento, & sic excluditur ens rationis, & ens fictitium, & negationes & priuationes, inquantum sunt negationes & priuationes, inquantum sunt negationes.

Secundò dicitur, ens dicibile, id est, de aliquibus prædicabile, ad differentiam singularium, quæ non propriè reponuntur in prædicamento, eò quòd aliquibus subiicitur, id est speciebus, sed de aliquibus non prædicantur, cū non habeant inferiora. Vnde coordinatio cuiuslibet prædicamēti, clauditur inter generalissimum & specialissimum.

Tertiò dicitur incomplexum ad differentiam complexorum, quæ secundum se tota in nullo uno prædicamento reponuntur, sed per partes in distinctis, ut hominem esse album, per ly hominem reponitur in prædicamento substantiæ, per ly albū, in prædicamento qualitatis. Quòd si in eodem prædicamento reponitur, non tamen in uno genere, uel una specie, sed secundum unam partem reponitur in genere, & secundum aliam in specie. Ut hominem esse animal. Constat enim hominem locari in specie, & animal in genere.

Quartò dicitur, ordinabile in genere, ad differentiam transcendentium, quæ licet sint ens prædicabile & incomplexum, tamen non reponuntur in aliquo uno prædicamento, sed circundant omne prædicamentum: prædicantur enim de decem generalissimis, & de omnibus contentis sub decem generalissimis. Quicquid autem reponitur, in prædicamento, non egreditur limites illius prædicamenti,

menti, ut tibi manifestabitur infra.

Quintò dicitur, secundum sub & supra. Oportet enim ut oë per se & directè reponibile in prædicamēto, se habeat ad aliud, ut inferius ad superi⁹, uel ecòuersò, & dicitur p se & directè, ut per ly per se excludantur ea, quæ tantū reduc̃tue sunt per se in prædicamento, ut partes essentielles & integrales, quæ non sunt per se in prædicamēto, sed gratia totius. Vnde materia & forma nō sunt in prædicamēto, nisi quia totum compositum est in prædicamēto & per in directè excludūtur differētiz, quæ nō directā lineā, sed à latere, ut patet in arbore Porphyrii, cōtinētur ī prædicamēto.

Sextò dicitur, prout substat termino talem ordinem significanti, ut scias, quòd prædicamenta non considerātur a Logico, ut simpliciter sunt entia realia, sicut declarabimus infra, sed ut stant sub conceptibus secundis, qui per terminos significantur, puta consideratur substantia, ut generalissimum. Similiter quantitas & qualitas &c. Constat igitur tibi quid sit prædicamentum.

Quantum ad secundū aduerte, quòd antepædicamentum est præuium traditum nobis ad Arist. cōferens immediate ad prædicamentorum sciētīā consequendā. Pro cuius notitia aduerte, q̃ & prædicabilia tradita nobis à Porphyrio, & etiā ab Arist. in li. topi. sub rōne prædicamentorū, & antepædicamēta tradita hic ab Arist. cōferūt sciētīæ prædicamentorū cōsequēdæ, sed diuersa ratione. Nā prædicabilia cōferunt primò & mediate. Impossibile est. n. scire ordinē prædicamentalem, nisi præsciamus quid genus, quid species, & multiplices eorū diuisiones, ut docuimus ī trac. præcedenti. Antepædicamenta aut supposita notitia prædicabiliū proxime & immediate cōferunt, ut tibi manifestabitur. Sed aduerte, quòd & post prædicamenta conferūt, aliter nō fuisset ab Arist. eorū notitia annexa doctrinæ prædicamentorū. Consetunt tamē aliter quàm antepædicamēta. Nā ex parte addiscētis antepædicamēta sūt priora cognitiōe, quā prædicamēta & postprædicamenta. Sed postprædicamēta cōplent notitiā prædicamentorū. Vnde antepædicamenta sunt principiū cognitionis prædicamentalis. Sed postprædicamenta sunt terminus eiusdem cogni

TRACTATUS V. PARS I.

cognitionis. Hinc est, quòd aliqui dicunt antepredicamenta conferre à priori, postpredicamenta uerò à posteriori.

Quantum ad tertium aduerte, quòd postpredicamentum, ut ex præmissis potes coniecturare est de documentum traditum ab Arist. pro complemento doctrinæ prædicamentalis. Dicit enim Aristot. in prædicamentis assignans proprietates prædicamentorum, puta in prædicamento substantiæ, quòd substantiæ nihil est contrarium, quòd eadem numero substantiæ, & si non simul, successiue tamen est receptiua contrariorum. Hæc autem non possumus perfectè scire, nisi cognoscamus quid sit oppositio, & quæ eius species, cuius una est oppositio contraria. Item oportet scire modos simultatis, & motus &c. & de singulis agendum est in postpredicamentis. Ergo ad complendam prædicamentorum doctrinam oportet in ultima parte tracta. de postpredicamentis agere. Constat igitur tibi, quid sit postpredicamentum, & ad quid ordinatum est.

Quantum ad quartum aduerte, quoniam famosum est. Logicam uersari circa entia rationis & intentiones secundas, prædicamenta autem sunt entia realia & entia extra animam; ut tenet Arist. in l. b. vj. Metaphysicæ, ideò non uidetur, quòd ad Logicum spectet pertractare de prædicamentis, sed ad Metaphysicum, cuius officium est considerare de maxime uniuersalibus in causando, quales sũt substantiæ abstractæ, & in prædicando qualia sunt transcendencia & uniuersales modi essendi: ut potestas, & actus, unum & multa, finitum & infinitum necessarium & contingens, per se & per accidens &c. Et decem prædicamenta. Vnde Aristot. in lib. quinto Metaph. pertractat de substantia & quantitate, & de ad aliquid, & de qualitate &c.

Vt igitur scias in quo sensu spectat ad Logicum considerare de prædicamentis, & in quo non, aduerte duas distinctiones, Prima est hæc, Ens rationis sumitur dupliciter. Primò, solum pro eo, quod fabricatum est ab intellectu, & extra intellectu nullum habet esse, & sic oratio, proposi-

propositio, syllogismus, consequentia, & antecedens, consequens, subiectum, praedicatum, uniuersale, singulare, suppositum, genus species, differentia, & reliqui termini secundae intentionis, dicuntur proprie entia rationis. Secundo sumitur pro omni ente reali non secundum se, sed in ordine ad rationem, & prout ratio circa illud negotians, attribuit sibi aliquod fabricatum per rationem, puta negotians circa animam, attribuit sibi conceptum generis, & homini conceptum speciei, ut Sorti conceptum singularis, & in hoc sensu omne ens, reale potest dici ens rationis. Et quando dicitur, quod Logica uersatur circa entia rationis. Et secundas intentiones, concedendum est primo, & secundo modo, ita quod nihil consideratur ab ea, quin sit ens rationis primo, aut secundo modo. Et quando dicitur, quod praedicamenta sunt entia realia, concedendum est secundum sui naturam, cum quo tamen stat, quod ut intellectus eis attribuit secundas intentiones puta conceptum generis generalissimi, & subalterni, & specialissimi, & aliquas proprietates in ordine ad rationem, puta dici de subiecto, & non esse, uel esse in subiecto, dici possunt entia rationis secundo modo, & ut sic considerantur a Logico, secundum autem naturam suam, considerantur a Metaphysico.

Secunda distinctio est haec, ens reale potest in aliqua scientia considerari dupliciter. Primo modo reali. i. in ordine ad passionem reales, puta ut subiicitur motui, uel tempori, uel loco, aut in quantum est finitum, uel infinitum corruptibile generabile, uel suum oppositum. secundo modo Logicali. puta, ut refertur ad subiici, & ad praedicari, & ut alia praedicata intentionalia attribuit ei ratio puta esse ordinabile in genere, aut in specie. &c.

Primo modo scientiae reales considerant de ente reali, ut Physica, & Mathematica, & Metaphysica. Secundo modo, scientiae rationales, inter quas est Logica, considerat de ente reali, quod ut diximus sic consideratum potest dici ens rationis, secundo modo sumptum iuxta distinctionem praecedentem, & sic constat tibi, quomodo Logicus de praedicamentis, quae sunt entia realia, pertractat modo Logicali, & non modo reali.

Sed dices, imo Logicus considerat praedicamenta modo

N reali.

TRACTATVS V. PARS I.

reali. Nam Aristoteles, ut tibi manifestabitur in prædicamento substantiæ, & quantitatis, & qualitatis considerat eorum proprietates, & cōitates reales modo reali, puta q̄ substantiæ nihil est contrarium, quòd est susceptiua contrariorum, quod non recipit magis, & minus &c. ergo &c.

Respondetur, Logicus habet considerare prædicamenta principaliter, & ex proposito modo logicali, q̄ aut ali-quo modo reali hoc est secundario, & incidenter, prout, s. talis consideratio modo reali confert considerationi pleniori habendæ modo logicali, & hoc non uideatur mirū. Nam, ut, inquit Arist. in iij. Metaphy. circa idem uersatur Dialecticus. & Metaphysicus. Vnde sicut Metaphysici est cōsiderare de omnibus, sic Dialectici, sed diuersa ratione, ut tibi alias manifestabitur, Hinc est, quòd Arist. in scientia reali, puta in Physica, aliquando utitur rationibus logicalibus, quæ dicuntur rationes communes, & in Logica aliquando procedit modo reali, ut insinuet uniuersalitatem, & conformitatem, quæ sunt in logica, & metaphysica: ideo dicuntur scientiæ communes. Constat igitur tibi, quòd obiectio præposita non præualet determinationi factæ. Hæc de primo cap. huius primæ partis Tract. v. dicta sint. Nunc accedendum est ad specificam considerationem antepædicamentorum.

De primo antepædicamento in genere.

CAP. II.

IN cap. secundo agendum est de primo antepædicamento in genere, quòd dicitur diffinitio, quoniā tres continet diffinitiones conferentes ad cognitionem prædicamentorum. Prima est de æquiuocis, secunda de uniuocis, tertia de denominatiuis. Primò igitur diffiniendæ sunt æquiuoca, secundò uniuoca, tertio denominatiua.

Quantum ad primum, antequam deueniamus ad diffinitionem, aduerte duo. Primò uoluit Aristoteles notificare æquiuoca, & uniuoca, & denominatiua, ut admoneret addiscentem, nullum æquiuocū reponendū esse in prædicamento. Admoneret etiam totam coordinationem unius prædicamenti debere constare ex uniuocis. Admoneret quoque quomodo accidentia reducenda sunt ad substantiam per prædicationem denominatiuā: neque enim ac-
ciden-

cidentia uerificantur de substantia in abstracto, sed in concreto, ut declarabitur. Hæc enim est fallax. Homo est albedo, sed hæc est uera, Homo est albus. Secundò aduerte, quod æquiuocum est duplex, scilicet æquiuocans, & æquiucatum. Aequiuocans est nomen, siue terminus plura, id est, diuersa secundum naturam significans, ut canis, significat animal latrans, & sidus cœleste, æquiucatum est ipsa res, siue natura diuersa per illud nomen significata, ut aīal latrans & sidus cœleste, sunt æquiucata huius noīs canis. Eandem distinctionem intellige de uniuoco, nam aliquod est uniuocās, aliquod uniuocatum. Vniuocās, est nomen, siue terminus communis pluribus conuenientibus in una natura communis, siue in una ratione, id est diffinitione. Vt animal uiuum est uniuocum uniuocans, quoniam prædicatur de omni specie aīalis, secundum hanc rationem, scilicet, quod est substantia animata sensitiua. Vniuocata sunt res conuenientes in uno nomine, & in una natura, uel saltem in una ratione diffinitiuæ, ut homo, capra, leo, &c. sunt uniuocata huius nominis animal uiuum, Hic Arist. intendit diffinire æquiuocum æquiucatum, & non æquiuocans. Idem intellige de uniuoco, his prænotatis aduerte, quod æquiuoca sic diffiniuntur. Aequiuoca, scilicet, æquiucata dicuntur, quorum solum nomen est commune, & ratio substantiæ est diuersa, quæ diffinitio sic intelligenda est.

Primò dicuntur, id est significantur illa, quorum nomen &c. & aduerte, quod Aristoteles diffinit ea, per dicuntur, & non per sunt, quoniam cum æquiucata sint entia realia, non spectat ad Logicum considerare ea, quo ad esse, sed quo ad dici, & prædicari, & hoc est considerare ea modo Logicali, & non modo reali, qui ad philosophum spectat, ut diximus in cap. præcedenti.

Secundò, quorum solū nomen est commune: id est, quæ in nullo præterquam in nomine conueniunt, quia sic placuit primo instituenti ea nominare, & sumitur nomen pro termino per se significatiuo categorematico, siue sit nomen, siue uerbum, nam & in uerbo datur æquiuocatio. Plura enim omnino diuersa per idē uerbum significantur.

TRACTATUS V. PARS I.

Ut hoc uerbum, habeo, significat rem tenere siue possidere, & significat intelligere. Nam cum dicit loquens audenti, habes me, intendit, intelligis me.

Tertio, ratio substantiæ est diuersa, aduerte, quod hic non sumitur ratio pro sola & propria diffinitione, sed pro quacunque descriptione, siue notificatione, qua manifestatur nobis rei æquiucata natura. Præterea, hic non sumitur substantia ut distinguitur contra accidens, alioquin in sola substantia daretur æquiucatio, quod est falsum, nam, & magnitudo est æquiucum nomen & acutum, & cætera multa, ut tibi nota erunt locis suis. Sumitur autem substantia, ut extenditur ad significandum cuiuscunque rei essentiam, siue sit uere substantia, siue quantitas, siue qualitas &c. Est ergo talis prædictæ diffinitionis intellectus, æquiuca æquiucata dicuntur illa, quæ in solo uno nomine conueniunt per appellationem, sed in ratione notificatiua essentiae eorum nullo modo conueniunt, quoniam alia est ratio unius in intellectu, & alia ratio alterius in eodem intellectu, sicut alia, & alia est essentia eorum. Quæ omnia patent in animali latrante, & pisce marino, & sidere cœlesti, nam licet hæc tria appellentur hoc nomine canis, tamen sicut alia est natura sideris cœlestis, & animalis latrantis, sic est alia, & alia ratio notificatiua essentiae eorum. Constat igitur, quid sit æquiucum æquiucatum. Quomodo autem distinguatur per æquiucum à consilio, & æquiucum à casu manifestabimus infra.

Quantum ad secundum aduerte, quod apud Aristoteli uniuoca uninocata (de his enim proprie intendimus, sicut diximus etiam de æquiucis) sic diffiniuntur. Vniuoca dicuntur, quorum nomen est commune, & ratio substantiæ secundum illud nomen est eadem, ut homo, bos, & leo, sunt uninocata respectu animalis, quoniam in nomine, & in una ratione animalis conueniunt. Nam hæc est uera, homo est animal, & hæc, bos est animal &c. ergo conueniunt in uno communi nomine, & hæc est uera. Homo est substantia animata sensitiua, & hæc. Bos est substantia animata sensitiua, ergo conueniunt in una cōmuni ratione substantiæ:

Sic

Sic ergo intelligatur hæc diffinitio. Uniuoca dicuntur, id est, significantur, illa quæ in uno nomine communi, & una communi ratione indicatiua substantiæ, id est, essentiæ siue naturæ eorum conueniunt, siue sit uera diffinitio, siue descriptio notificatiua substantiæ. Quod dico, quoniam si oporteret eorum rationem esse ueram diffinitionem, sola specialissima esset apud Logicum uniuoca; quoniam ut diximus in tract. præcedenti sola species diffinitur. Verum quia apud Logicum non solum species specialissima, sed & generalissimum, & subalterna genera usque ad specialissimam speciem sunt uniuoca, & tamen non proprie diffiniuntur, ideo ly ratio sumenda est, ut se extendit ad diffinitionem, & descriptionem, & notificationem essentiæ, quocunque modo possit haberi.

Sed aduerte, quod uniuocum est duplex, scilicet Logicum, & Physicum, quæ in aliquibus conueniunt, & in aliquo differunt. Nam conueniunt in tribus. Primo, in uno nomine, secundo in una ratione formata ab intellectu, tertio, inconuenientia aequali illius rationis, oportet enim, quodd illa una ratio aequaliter uniuocatis cōueniat. nam si prius uni, & posterius aliteri conuenit, non stat uniuocatio, sed erit analogia, ut dicemus infra. Hac de causa, sanum non est uniuocum, quoniam ratio sani prius conuenit animali sano, posterius autem urinae, & medicinæ, quoniam non cōuenit eis, nisi in ordine ad animal sanum. Haec tria ergo oportet inueniri in uniuoco, tam Logico, quàm Physico. Sed Physicum addit quartum, quod non est necessarium in uniuoco Logico. Hoc autem quartum est unitas naturæ, nam quæ sunt diuersarum naturarum, non uniuocantur in aliquo uno importante diuersas naturas, etiam q̄ de eo habeatur una ratio cōis, in qua cōueniūt. Hac de causa corpus non est uniuocū Physicum, sed Logicum tantum, quoniam diuiditur per corruptibile, ut est elementum, & per incorruptibile, ut est cælum, quæ sunt omnino diuersarū naturarum, eadem causa species specialissimæ apud Physicum non uniuocantur in genere suo proximo, quoniam cuiuslibet speciei natura diuersa est formaliter ab alia, quam diuersitatem indicant diffe-

TRACTATVS V. PARS I.

rētix essentielles diuidentes genus & constituentes speciē. Vnde in vii. Physicorum dixit Aristoteles, quòd iuxta genera, scilicet, apud Physicum, licet non apud Logicum latent æquiuationes. Sola autem species specialissima est uniuoca Logicæ & Physicæ, Logicæ quidem, quoniam est unius nominis & rationis, in quibus conueniunt omnia sua indiuidua æqualiter. Physicæ autem, quoniam natura specifica ex se est una, nec est apta plurificari formaliter per differentias formales, sed solum per materiam, qua plurificantur indiuidua, ut tibi manifestabitur in Metaphysica. Sed pro nunc sustine. Constat igitur tibi, quid sit uniuocum, & quo modo conueniunt ac differunt uniuocum Logicum, & uniuocum Physicum.

Quantum ad tertium, ut scias quid sint denominatiua, de quibus hic intendimus, & quorum prænoticiam reputamus opportunam ad habendam prædicamentorum doctrinam, præponenda sunt duo notabilia.

Primum est, quod denominatiua sunt triplicia. Nā quædam sunt uoce tantum, quædam significatione tantū, quædam uoce & significatione simul ea sunt denominatiua uoce tantum, quæ ita se habent, quòd denominans & denominatum dicunt eandem naturam, sed differunt solum, sicut apud Grammaticum per nomen primitiuum, & nomen deriuatiuum, & hoc modo homo, & humanitas, animal, & animalitas, Deus & deitas, se habent ut denominatum, & denominans. deriuatur enim homo ab humanitate, Deus à deitate, sed homo non dicit aliam naturam ab humanitate, nec animal ab animalitate, nec Deus à deitate, ea sunt denominatiua significatione tantum, quæ ita se habent, quòd denominans & denominatum conueniunt in significato, sed non in nomine. Nam aliud nomen imponitur denominanti, & aliud denominatiuo, ita quòd non conueniunt in principio, nec differunt in fine, & hoc modo apud mortales se habent uirtus, & studiosus, Dicitur enim studiosus ille, qui habet & operatur secundū uirtutē, & uulgariter dicitur uirtuosus à uirtute, ergo à denominante dicitur studiosus, denominatiue secundum significationem, sed nō secundum uocem, quoniam

quoniam in uoce & prolatione nullo modo conueniunt uirtus, & studiosus, ea autem sunt denominatiua uoce & significato, quæ conueniunt in uoce siue termino in principio & differunt sine, a denominante & dicunt siue addit aliam naturam a natura denominantis, nam denominans dicit accidens, denominatiuum autem dicit substantiam in se habentem tale accidens, hoc modo se habent apud Logicum & Physicum albedo & album, iustitia & iustus, sapientia & sapiens. Hic non intendimus loqui de denominatiuis, nisi in tertio sensu, quoniam ea sunt proprie & formaliter denominatiua.

Secundo notandū, quod apud Philosophū denominans dicitur abstractum, quasi simplex & pura forma, ut albedo apud Grammaticum dicitur primitiuū, quasi non depēdens, nec originatum ab altero. Denominatiuū autem apud Philosophum dicitur concretum, quasi compositum ex subiecto & forma ut album, apud Grammaticum autem dicitur deriuatiuū, quasi descendens ab altero. Sed aduerte, quod Logicus & Grammaticus in hoc ualde differunt. Nam Logicus dicit illud nomē esse abstractum, quod significat formam secundum se, & non per modum inhærentis subiecti. Nomen autem concretum dicit esse illud quod significat formam in subiecto, ut album. Nam licet album puram qualitatem significet, ut dicemus infra, tamen subiectum concernit. Grammaticus autem qui uersatur circa dictiones & syllabas, dicit illud esse nomen primitiuū quod est pauciorū syllabarū. Deriuatiuū autē, quod est pluriū. Vnde apud ipsum iustus est primitiuum, iustitia est deriuatiuum cum tamen quo ad ueritatem rei, sit oppositum, quoniam dicitur homo iustus a iustitia, & non econuerso. Vnde intellectus Logici rationabilior est, utpote consideratiuus ueri & falsi.

His prænotatis aduerte, quod denominatiua in tertio sensu sic describuntur ab Aristotele. Denominatiua dicuntur quæcunq; ab aliquo, solo differentia casu, secundū nomen habent appellationem, ut a fortitudine, fortis. Hæc descriptio sic intelligenda est. Denominatiua, scilicet nomina, quæ apud Physicū dicuntur concreta, dicuntur

TRACTATUS V. PARS I.

esse illa, quæ sunt differentia ab aliquo, s. nomine denominante siue abstracto. secundum Physicum, solo casu, i. sola terminatione, quoniam conueniunt in principio dictionis, & differunt in fine, ut iustus & iustitia, & secundum illud nomen, s. concretum habent appellationem, i. prædicantur de subiecto, non enim denominantia siue abstracta prædicantur de subiecto, sed denominatiua siue cōcreta. Hæc enim est falsa, Homo est iustitia. Sed hæc de uera. Homo est iustus. Ex quibus omnibus patet, quod ad ueram & formalem denominationem acceptam in tertio sensu tres conditiones requiruntur. Prima est, quod abstractum & concretum conueniant in uno nomine, quo ad principium dictionis. Secunda, quod differant in fine. Tertia, quod concretum dicat aliam rem, siue naturam a subiecto, ut hic, Homo est albus. nā homo est substantia, album autem quod albedinem cum connotatione subiecti importat, spectat ad prædicamentum qualitatis, & sic patet, quod quando prædicatur differentia essentialis de genere, aut de specie, ut animal est sensitivum, homo est rationalis. nō est uera & propria prædicatio denotatiua, quoniam differentia essentialis nō dicit alienam naturam ab eo cuius est differentia. Restat ergo, ut uera denominatio fiat iuxta quartum & quintum prædicabile prædicatione directa, quoniam ut docuimus in tracta. præcedenti, dicunt naturam accidentalem aduenientem subiecto, quod denominat, ut risibile est in prædicamento qualitatis, & album & nigrum &c. Subiectum autem, quod denominatur, est in prædicamento substantiæ. Dixi prædicatione directa, quoniam indirecta parum exilitatur in arte, cum sit merè accidentalis. Hæc de æquiuocis & uniuocis & denominatiuis quæ comprehenduntur in primo ante prædicamento dicta sufficiant, & in his terminatur secundum caput.

De secundo antepredicamento.

CAP. III.

IN tertio capit. agendum est de secundo antepredicamento in genere, quod continet duas diuisiones. Quarum prima est de terminis per se significariuis & categorematicis, qui de aliquo uel aliquibus apti sunt prædicari. Secunda est de entibus, quæ apta sunt in subiecto esse, uel
de

de subiecto dici, & quæ non. Istæ autem duæ diuisiones antepredicamentorū hic reponuntur, quoniam cognitioni prædicamentorum omnino. opportunæ sunt. nā prima deferuit ad cognoscendū differentiam eorū quæ ponuntur in prædicamento ab his, quæ non ponuntur. secunda autē deferuit ad cognoscendum differentiam eorū ab inuicem, quæ reponuntur in prædicamentis, ut uidebis. Primò igitur manifestanda est prima diuisio, secundò secunda.

Quantū ad primum aduerte, quòd Arist. intēdens præmonere discipulum, ex quibus constet ordinatio & dispositio prædicamentalis, inquit, eorū quæ dicuntur, quædam quidem secundum cōplexionē dicuntur, quædā sine cōplexione, quæ secundum cōplexionem dicuntur, sunt, Homo currit, Homo uincit. Ea uero quæ sine cōplexione dicuntur, sunt, ut homo, bos, currit, uincit, &c.

Pro notitia huius diuisionis aduerte tria. Primò, quòd coincidit cum ea, quam posuimus in trac. Secundò, assignantes diuisiones terminorum, & est decima diuisio, quæ fuit hæc, Terminorum alius cōplexus, alius incomplexus. Hic autem dicit Arist. eorum, quæ dicuntur, id est dictionum, quæ uoce proferuntur, quædam sunt cum cōplexione, id est sunt cōplexæ, quædā sine, id est sunt incomplexæ. Secundò aduerte ut scias, quid sit uerè complexum, et quid incomplexum. de quibus intendit Aristoteles hic loqui, quod complexum est triplex, scilicet uoce tantum, significato tantum, uoce & significato simul.

Complexum uoce tantum est, quando per plures uoces per se significatiuas circumloquimur aliquam unam rem, quam nescimus uno proprio nomine nominare, ut primogenitus Socratis filius Atheniensis. Incomplexum tali complexo oppositum est, quando per unam uocem per se significatiuam uniuocam rem unam nominamus, ut Socrates homo, asinus &c.

Complexum significato tantum est, quando unam uocem tantū quæ tamen plura habet significata proferimus, ut canis, cancer, sanū. Nam sub una uoce plura indistincte cōplectimur. Incomplexum tali cōplexo oppositum est, quando unam uocem tantum habentem tantum unū significatum proferimus, ut homo, capra, leo, &c.

Comple-

TRACTATVS V PARS I.

Complexum uoce & significato simul est, quando plures uoces plura significantes proferuntur, ut homo, albus, homo currit, homo est animal, & hoc complexum semper est oratio, aut perfecta, si est cum copula, ut homo est albus, aut imperfecta, si est sine copula, ut homo albus, incomplexum huic complexo oppositum est, quando una uox simplex, uel composita significans unum profertur. Exemplum primi, homo, animal, Exemplum secundi armiger, scutifer, paterfamilias, œconomus.

Aduerte tertio, quod Aristoteles hanc diuisionem fecit, ut innueret, quod in prædicamento non reponitur secundum se totum complexum secundo modo, & tertio modo dictum, quoniam omne repossibile secundum se totum in prædicamento, dicit unam & determinatam naturam, cum sit aut genus, aut species, aut differentia. Sed complexum secundo, & tertio modo, non dicit unam & determinatam, sed plures, ut patet de cane, & de hac oratione homo est albus, nam homo importat substantiam, & albus qualitatem. Dixi secundo & tertio modo, ut excipiam complexum primo modo, quoniam re est incomplexum, licet uoce sit complexum. Ideo non excluditur a prædicamento, sicut nec incomplexum uoce & re. Dixi secundum se totum, ut excipiam partes, nam licet totum hoc complexum, homo albus, non reponatur in aliquo uno prædicamento, tamen secundum distinctas reponitur in distinctis prædicamentis, ut homo in prædicamento substantiæ, & albus in prædicamento qualitatis. Restat ergo ut in prædicamentis reponantur sola incomplexa, siue significantur nomine simplici, siue composito, siue circumloquuto. Hæc de prima diuisione dicta sint.

Quantum ad secundum aduerte, quod Aristoteles relicto primo membro, primæ diuisionis subdiuidit secundum, scilicet incomplexa, & format secundam diuisionem continentem quatuor partes, & est talis, eorum quæ sunt, alia de subiecto dicuntur, sed in subiecto non sunt: Alia in subiecto sunt, sed de subiecto non dicuntur, Alia de subiecto dicuntur, & in subiecto sunt, Alia neque de subiecto dicuntur, neque in subiecto sunt.

Pro euidentia huius diuisionis, quæ est diuifio incomplexorum tria aduertenda sunt, deinde exponemus singulas partes diuifionis.

Aduerte primo, quòd hæc diuifio fupponit, ut fcias modos generales, quibus res dicitur eſſe in aliquo, puta an ſicut pars in toto, uel ſicut totum in partibus, an ſicut accidens in ſubiecto, uel ſicut ſuperius in ſuo inferiori, & qui Ariſtoteles modos generales eſſendi in, numerauerat in quarto libro Phyſicorum agens de loco, noluit hic repetere, quoniam forte libros de Phyſico auditu prius traderat, quàm artem ueterem. Verùm quia nouitius in Logica, libros de Phyſico auditu nòdum nouit, ideo ad inſtructionem eius, ne tendat per incognita, numerandi ſunt hic modi eſſendi in, ut ſcias in quo ſenſu loquitur Philoſophus cum dicit, alia ſunt in ſubiecto &c.

Tu igitur aduerte. ut recolligit Petrus Hiſpa. in antepredicamentis, modi eſſendi in, reducuntur ad octo. Primus eſt, ſicut pars integralis in toto, ut manus, brachium, caput in corpore humano. Secundus eſt econuerſo, ut corpus humanum in ſuis membris, & tectum, paries, & fundamentum in domo eſt econuerſo. Tertius eſt ſicut ſpecies in genere, ut homo in animali, & omne inferius in ſuo ſuperiori. Quartus eſt, ſicut genus in ſpecie, & omne ſuperius in ſuo inferiori. Quintus eſt ſicut forma in materia, & iſte ſubdiuiditur, quoniam ut declarabitur in Primo Phyſicorum forma eſt duplex, ſcilicet ſubſtantialis, ut anima in homine, & accidentalis, ut albedo in manu. Subſtantialis dicitur proprie eſſe in materia, quoniam immediatè in ea recipitur. Accidentalís uerò dicitur proprie eſſe in ſubiecto conſtituto ex materia & forma, & dicitur materia ſecunda. Sed pro nunc ſuſtine, donec erudiaris in Philoſophia naturali. Sextus eſt, ſicut effectus in cauſa efficiente, ut flos in radice, regnum in rege. Septimus eſt, ſicut aliquid in fine, ut, uirtus in beatitudine. Octauus eſt ſicut contentum in continente, ut locatum in loco, & res temporalis in tempore. Vnde verſus:

TRACTATUS V. PARS I.

1 2 3 4 5

Insunt pars, totum, species, genus, et calor igni.

6 7 8

Rex in regno, res in fine, locoq; locatum.

Assignatis modis essendi, in aduerte secundò quòd quā do dicit Arist. alia sunt in subiecto, non accipit subiectū pro toto, nec pro genere, nec pro superiori, nec pro inferiori; nec pro materia, in qua recipitur forma substantialis, sed pro corpore, in quo recipitur accidens, & dicitur subiectū inhaesionis siue sustentationis, quoniam accidens nō potest esse apud Aristot. sine subiecto.

aduerte tertio, quòd cum dicit Arist. quaedam dicuntur de subiecto, per ly dicuntur, intendit praedicantur, per ly de subiecto, intendit de inferiori, & non intendit de subiecto accidentis, sicut quando dicit, quaedam sunt in subiecto.

His praenotatis, praedicta diuisione quatrimebris sic debet intelligi eorum, quae sunt, id est entium siue rerum, quaedam dicuntur de subiecto id est praedicantur de inferiori, ut pater in arbore Porphy. in praedicamento substantiae descendendo à generalissimo per subalterna usque ad specialissimam inclusiue. nam substantia praedicatur de corpore, corpus de animato, animatum de animali, animal de homine, homo de Sorte, & Platone, in subiecto uerò non sunt, id est non inhaerent, nec recipiuntur in subiecto, sicut accidentia quae sustentantur per subiectum, & haec pars prima diuisionis conuenit omnibus generibus & speciebus & differentiis praedicamenti substantiae. Quedam non dicuntur de subiecto, id est non praedicantur de inferiori, nec sunt in subiecto, id est non recipiuntur, nec sustentantur per subiectum, sicut accidentia, & haec secunda pars diuisionis conuenit omnibus indiuiduis signatis, quae continentur sub specie specialissima in praedicamento substantiae. Nam sub indiuiduo non datur inferius, aliter indiuiduum non esset indiuiduū, sed genus aut species. Dixit indiuiduis signatis, ut excipiam indiuiduum uagum. quoniam & si secundum rem, non praedicantur de inferiori, sicut praedicatur species; tamen

tamen secundum uocem praedicatur. Praedicatur enim quidam homo de Sorte & Platone, & Ioanne &c. Quaedam dicuntur de subiecto. id est praedicantur de inferiori, ut in praedicamento quantitatis, incipiendo à generalissimo usque ad specialissimum inclusiue. Nam quantitas praedicatur de continua & discreta, & continua praedicatur de linea & superficie, & corpore, & linea praedicatur de linea curua & linea recta, & sunt in subiecto, id est, recipiuntur & sustentantur per subiectum. quoniam sunt accidentia, quorum esse, est inesse ut dicemus infra, & haec tertia pars diuisionis, conuenit omnibus generibus, & speciebus praedicamentorum accidentium, & eorum differentis. Quaedam autem non dicuntur de subiecto, id est non praedicantur de inferiori, ut omnia indiuidua praedicamentorum accidentium, ut haec albedo, haec dulcedo, haec linea, hic locus &c. Nam cum sint indiuidua, eis repugnat habere inferiora, de quibus praedicentur. Sed sunt in subiecto; quoniam cum sint accidentia, sustentari non possunt sine subiecto, & haec quarta pars conuenit omnibus indiuiduis nouem praedicamentorum accidentium. Constat igitur tibi, quis sit sensus secundae diuisionis antepredicamentalis. Constat etiam, quantum deferuiat cognitioni praedicamentorum. nam per primam & secundam partem cognosces, quomodo se habent tant substantiae uniuersales, quam singulares in praedicamento substantiae. per tertiam & quartam cognosces, quomodo se habent accidentia uniuersalia & singularia in nouem praedicamentis accidentium. Haec igitur dicta sint de secundo antepredicamento in genere, & hic terminatur tertium caput.

De tertio antepredicamento.

Cap. IIII.

IN quarto cap. agendum est de tertio antepredicamento in genere, quod duas regulas continet deferuiens doctrinae praedicamentorum, ut tibi manifestum erit. Tu igitur aduerte, quod prima ualet ad cognoscendum ordinem eorum, quae in eodem praedicamento ordinantur secundum sub & supra, quomodo scilicet unum de altero praedicatur. Igitur circa primam regulam duo agenda sunt.

primò

TRACTATUS V. PARS I.

primò declaranda est secundum uerum sensum Arist. secundò assignandæ sunt cōditiones obseruandæ in ipsa regula, ne error in ipsa eueniat.

Quantum ad primum aduerte, quòd regula prima apud Aristotelem talis est, quando alterum de altero prædicatur ut de subiecto, quæcunque de eo, quod prædicatur, dicuntur, omnia etiam de subiecto dicuntur, ut homo prædicatur de quodam homine, animal uerò de homine, ergo & de quodam homine prædicatur animal, quidam enim homo est homo, & est animal.

Hæc regula sic intelligenda est, Quando superius, de inferiori, ut animal de homine, quicquid prædicatur de superiori, essentialiter prædicatur. Verbi gratia, quia in arbore Pnrrhyrij, homo essentialiter prædicatur de Sorte, & de homine essentialiter prædicatur animal, & de animali corpus animatum, & de corpore animato corpus, & de corpore substantia, omnes istæ consequentiæ ualent per regulam istam, Sortes est homo, homo est animal, ergo Sor. est animal. Homo est animal, animal est corpus animatum, ergo homo est corpus animatum, & sic ascende usque ad generalissimum. Vnde patet; quòd hæc regula optimè deseruit ad cognoscendum ordinem essentialē inter superiora & inferiora in quolibet prædicamento.

Quantum ad secundum aduerte, quòd Arist. hanc regulam non introduxit infallibiliter ueram, nisi in ordine essentiali superiorum & inferiorum in eodem prædicamento, in quibus nunquam est error. Qui autem uolunt eam extendere ad aliud propositum, conantur apponere diuersas conditiones quibus nō seruatis regula nō ualeat. Quid igitur in ordine essentiali prædicamentali ualeat absolute, & sine aliqua limitatione, patet ex se. Si autem uis ea uti in alijs propositis, oportet, ut serues sex conditiones.

Prima est, ut arguas in prædicatis per se, prædicatur autē per se genus species differentia & proprium. Vnde bene sequitur, Sor. est hō, Homo est rationalis, ergo Sor. est rationalis. Itē Sor. est homo, hō est risibilis, ergo Sor. ē risibilis. In prædicatis autē in per accidēs nō ualeat. Vnde nō sequitur, sor. est homo, Hō est albus, ergo Sor. est albus.

Se.

Secunda est, ut arguas in prædicatis per se est primæ intentionis, ut hic, Sor. est homo, homo est animal, ergo Sor. est animal. Nam in prædicatis secundæ intentionis non ualet. Non enim sequitur, Homo est animal, animal est genus, ergo homo est genus. Nam genus est terminus secundæ intentionis.

Tertia est, ut serues prædicationem directam præcipue in secunda propositione. Vnde non sequitur, Homo est animal, animal est asinus, ergo homo est asinus.

Quarta est, quod non facias utranque propositionem negatiuam. Vnde non sequitur, Homo non est asinus, Asinus non est rationalis, ergo Homo non est rationalis.

Quinta est, quod quando primò propositio sit per uerbum adiectiuum, aut per Sum, es est, sed prædicatum est obliquum. primo modo resoluator in suum participium, & totum, quid sequitur copulam, sit subiectum propositionis secundæ, aliter sequitur error, ut hic, Homo habet manus, man⁹ sunt duæ, ergo hō est duo. Nō sequitur, sed dicatur sic, Homo habet manus, habens manus est duo, ergo &c. arguitur quidem per regulam, sed secunda propositio est falsa: ideò neganda. secundo modo sumatur participium de Sum es est, quod est, ens cum ipso obliquo, & fiat subiectum secundæ propositionis, aliter sequitur error, ut hic: Nauis est in mari, in mari sunt pisces, ergo nauis est piscis. Non ualet, sed dicatur sic, Nauis est in mari ens in mari est piscis, ergo &c. arguitur quidem per regulam, sed secunda propositio est falsa, neq; enim omne ens in mari est piscis, & ideò neganda est.

Sexta est, ut teneantur termini in utraq; propositione uniformiter. Nam si fiat transitus à concreto ad abstractum, aut mutetur suppositio, sequitur error. Exemplum primi, Non sequitur, Homo est albus, album est accidens uel qualitas, ergo homo est accidens, uel homo est qualitas. Exemplum secundi, Homo est animal, animal est trisyllabum, ergo est trisyllabum, sit enim transitus à suppositione formali ad suppositionem materialem. Ne igitur decipiaris, aut concede prædictam regulam solum in ordine prædicamentali, sicut eam introduxit Arist. aut in alii

TRACTATUS V. PARS I.

propositis concede eam cum limitationibus præpositis, & non aliter, alioquin erit tibi causa deceptionis, & non ueritatis. Hæc pro prima regula dicta sunt.

Circa regulam secundam aduerte, antequàm descendamus ad eam, quòd Aristot. introduxit eam, ut cognoscas coordinationes prædicamentorum esse penitus impermixtas, ita quòd nec idem genus, nec eadem species, nec eadem differentia potest poni in distinctis prædicamentis, nec distincta genera nec distinctæ species, nec distinctæ differentix possunt poni in eodem prædicamento, modo, quo tibi exponemus. Primò igitur assignabitur regula cum uero sensu Arist. secundò defenlabitur.

Quantum ad primum aduerte, quòd apud Aristotelem regula talis est. Diuersorum generum & non subalternatim positorum, diuersæ sunt species & differentix, ut animalis & scientiæ; animalis quidem differentix sunt, ut gressibile & uolatile, & bipes, scientiæ uerò nulla harum est, neq; enim scientia à scientia differt in eo, quòd est bipes. Subaltenorum uerò generum nihil prohibet eadem esse differentias. Superiora enim de inferioribus prædicantur, quare quæcunque fuerint prædicati differentix, erunt eadem subiecti.

Pro notitia huius regulæ, declarandum est, quæ sint genera subalternatim posita, & quæ non, deinde exponetur regula. Tu igitur aduerte, quod genera subalternatim posita sunt illa, quorum unum ponitur sub altero immediatè, ut animal sub animato, & animatum sub corpore, & corpus sub substantia, uel duo sub uno tertio, ut animal & planta sub corpore nò subalternatim posita sunt illa, quorum unum non ponitur sub altero neque immediatè, neque mediate, neque duo sub uno tertio, utpote quia non ordinantur in eadem linea prædicamentali, sed in diuersis, ut animal & color nò subalternantur. Spectat. n. animal ad prædicamentum substantiæ, & color ad prædicamentum qualitatis. Constat igitur, quid sit genera subalternari, & quid non.

Sensus autem regulæ talis est, Si dantur duo genera, quorum unum non ponitur sub altero, neque ambo sub
tertio,

tertio, necesse est eorum esse diuersas species, & differentias, ita quòd impossibile est, eandem speciem locari sub distinctis generibus non subalternatis. Idem intellige de differentia. Verbi gratia, asinus non potest locari sub animali, & sub colore. Rationale non potest locari sub animali, & sub numero, & rō huius regulæ est hæc, Diuersorum principiorum, diuersa sunt principiata, sicut diuersarū causarū, diuersi sunt effectus. Sed genera sunt principia specierū, & differentiarū, ergo qñ sunt diuersa genera, & non subalternatiua posita, necesse est esse diuersas species, & differentias, ex opposito aut sequitur, quòd si duo sint genera subalternatiua posita, non inconuenit eandem spēm sub utroq; locari, sed immediate sub uno, mediate sub altero, ut homo immediate locatur sub animali, mediate autē sub corpore animato. nā hæc est uera, homo est animal, & hæc, homo est corpus animatum, quia animal est corpus animatum, & hoc est, quod dicit Aristot. quia superiora de inferioribus prædicantur, differentiarū species erunt eadem.

Quantum ad secundū, aduerte, quòd per hanc regulam non intendit negare, quin una, & eadem res non possit locari in diuersis prædicamentis. Hoc enim contradiceret doctrinæ suæ. Tenet enim in iij. Phyl. eundem motum locari in prædicamento actionis, & in prædicamento passionis, & scientiam & sensum locari in prædicamento qualitatis, & relationis, & hominem generantem in prædicamento substantiæ, & in prædicamento relationis. Sed inrēdit, quòd nulla res sub una, & eadem ratione potest sub diuersis prædicamentis locari, quòd si locatur, hoc erit propter aliam, & aliā rōnem. Verbi gratia, motus ut est a mouente, est in prædicamento actionis, quia mouere est actio mouētis, ut aut recipitur in mobilibus, est in prædicamento passionis, quia mouere est passio motus, siue mobilis, & sci ut qualificat, & perficit intellectu, est in prædicamento qualitatis, ut aut refertur ad scibile, est in prædicamento relationis, quoniam scia est scibilis sciētia, sicut sensus est rei sensate sensus. Vnde sensus in quantum est potentia animæ, est in prædicamento qualitatis, in quantum autem respicit obiectum sensatum, est in prædicamento relationis, & huius

partem distinguemus in undecim capita.

Primò quid requiritur ad hoc, quòd aliud reponatur secũdum se in prædicamento, & quot sint.

Secundò, agendum est de substantia.

Terttò, de quantitate.

Quartò, de ad aliquid, idest de relatione.

Quintò, de qualitate.

Sextò de actione.

Septimò de passione.

Octauo, de quando.

Nono, de ubi.

Decimò, de situ.

Vndecimò de habitu.

Post hæc aggrediemur doctrinam de post prædicamentis, ut compleatur intentio nostra in hoc quinto tractatu.

Quid requiratur ad hoc, quòd aliquid sit secundum se in prædicamento, et quot sint prædicamenta secundum doctrinam

Aristotelis. CAPVT. I.

IN primo capitulo inuestigandum est; quid requiratur ad hoc, quòd aliquid secundum se reponatur in prædicamento. Deinde quot sint, & hoc secundum doctrinam Peripateticam.

Quantum ad primum, aduerte, quòd quatuor cõditiones requiruntur ad hoc, quòd aliquid secundum se, siue per seipsum reponatur in prædicamento. Primo requiritur, quòd sit incomplexum, & huius rationem assignauimus in parte præcedenti, capitulo secundo, declarantes, quare complexum non secundum se totum, sed solum per partes reponitur in prædicamento. Secundo requiritur, quòd sit uniuersale, ita quòd sit aptum esse in multis, & prædicari de multis, ex quo sequitur, quòd Deus non est reponibile in prædicamento. Profanum enim est dicere Deum esse, quid uniuersale uel particulare, cum sit omnino implurificabilis, nec sub aliquo genere, aut specie contineatur, ut tibi declarabitur in Philosophia. Tertio, requiritur quòd sit ens extra intellectum. id est, ens reale, & non ens rationis, quale est ens imaginatũ, ut chimera, &

TRACTATUS V. PARS I.

secundæ intētionēs , quas intellectus rebus attribuit, ut in-
tentio generis, & speciei, & subiectum, & prædicatum, & si-
milia. Nam Aristoteles in sexto Metaphysicæ diuidit ens,
in ens in anima, quod dicitur ens rationis, & ens extra ani-
mam, quod partitur in prædicamenta. Quarto requiritur,
quod sit ens limitatæ, & determinatæ naturæ, puta quod
sit substantia, & non quantitas, quod sit quantitas, & non
qualitas. Ex quo sequitur, quod sex transcendentia non
reponuntur in prædicamentis, sed superiora sunt, & de
quolibet prædicantur. Nam substantia, & quantitas &c.
sunt ens, & uerum, & bonum, & aliquid, &c.

Quantum ad secundum aduerte, quod apud aristotelem
prædicamenta sunt decem, signata per decem dictiones in-
complexas, de quibus inquit Aristoteles, Eorum, quæ se-
cundum nullam complexionem dicuntur, id est, Dictorum
incomplexorum singulum significat, aut substantiam, ut
homo, equus, aut quantitatem, ut bicubitum, aut qualita-
tem, ut album, aut ad aliquid, ut duplum, aut ubi, ut esse
in loco; aut quando, ut esse in tempore, aut situm, ut sedet,
iacet; aut habitum, ut calciatum esse, armatum esse, aut fa-
cere, ut secare, urere; aut pati, & secari, & uri. Horum quidē
sufficiētiā diuersimodē assignant Logici, atque Philo-
sophi, ut patet in tercio Physicorum, & in quinto Meta-
physicorum. Verum ne nouitijs inuoluatur leuiori modo procedentes
pro nunc talem sufficiētiā assignamus, prædicamenta
dicuntur a modis prædicandi, modi autem prædicandi, si
debent esse ueri, & non fictitii, neque chimerici, debent su-
mi a modis æssendi. Quot ergo sunt modi, generalissimi
prædicandi, & æssendi, tot sunt prædicamenta. Tales autē
modi sunt decem. Quod sic declaratur, Omnis modus æs-
sendi, aut est non in alio, aut in alio, aut aliud. Si non in a-
lio, conuenit substantiæ; ut dicemus infra, si in alio duplici-
ter, quia aut res existens in alio conuenit ei ratione mate-
riæ, & sic est quantitas, aut conuenit ei ratione formæ, &
sic est qualitas. Si ad aliud aduerte, quod ad aliud impor-
tat respectum, qui est duplex. scilicet intrinsecus, & extrinsecus.
Intrinsecus facit prædicamentū relationis. Extrinsecus au-
tem facit sex ultima prædicamenta, quæ distinguuntur à
quatuor

quatuor primis per denominationē extrinsecam, quæ denominationis aut sit per actionem, & sic constituitur prædicamentum actionis, aut per passionem, & sic constituitur prædicamentum passionis, aut per tempus, & sic constituitur prædicamentum quando, aut per locum comparando ipsum ad totū locatū, & sic constituitur prædicamentū ubi, aut cōparando locum ad partes locati, & sic constituitur prædicamentū situs, qui & positio dicitur, aut per ea, quæ adiacēt corpori humano, ut sunt uestes, & arma, & alia tegumenta, & sic constituitur prædicamentum habitus, qui uidetur competere soli homini, & brutis, ut deputatur humano obsequio: Hæc pro nunc dicta sufficiant, neq; enim poteris hæc plenē capere absque philosophia, quæ cōsiderat materiā, formā, motū, actionem, passionem, tēpus, & locū. Sustine igitur, & sufficiat nobis assignasse tibi cōditiones requisitas ad hoc, quod aliquid reponatur secundum seipsum in prædicamento, & quot sint prædicamenta superficialiter exemplando: sicut exemplauit Aristot.

Et aduerte, q̄ hic semper loquimur secundū doctrinam Arist. ut excludā imaginationes Pythagoricas, quas refert Aristoteles in lib. 1. Meta. Posuit enim Pythagoras uiginti prædicamenta; decem quidem ex parte boni, & decem ex parte mali. Quæ nunc referre superflūū est, & inutile prædicamenti proposito. Ideo pertranseundum est. Hæc de prædicamenti cap. dicta sint.

De prædicamento substantiæ.

CAP. II.

IN cap. secundo agendum est de prædicamento substantiæ; utpote de primo, & perfectiori, est enim fundamentum substantiarum omnium accidentiū, de quibus extant nouem predicamenta sequentia. De prædicamento igitur substantiæ tria agenda sunt. Primò, diuidenda est, secundò diffinienda, & eius diffinitiones declarandæ, tertio, tractandum est de proprietatibus substantiæ.

Quantum ad primum, ut scias in quo sensu tractaturū sumus de substantia, formabimus duas distinctiones. Prima erit ad mentem philosophi, secunda ad mentē Logici.

Prima fit hæc, substantiæ apud Physicum dicuntur prima corpora, ex quibus omnia inferiora componuntur, &

TRACTATUS V. PARS I.

sunt principales partes mundi inferioris, & appellantur quatuor elemēta. Item, quod est primum fundamentum cuiuscunque rei constitutiuum, aut sustentatiuum, & conseruatiuum, dicitur rei substantia. In quo sensu, fundamentum est substantia domus, & cibus bene nutritiuus est substantia animalis. Item forma rei naturalis dicitur substantia eius, quoniam dat esse rei, & conseruat inesse, & ipsa remota definit rem esse. In quo sensu anima est substantia hominis, cuiuscunque animati. Item essentia, & natura & quidditas cuiusque rei, dicitur substantia eius. In quo sensu sumpta est substantia in diffinitione uniuersorum, & æquiuocorum, ut exposuimus in parte præcedenti. Item sumitur substantia pro omni eo, quod substat accidentibus, in quo sensu manus calida est substantia caloris, nix est substantia albedinis. Anima est substantia scientiæ & uirtutis. Et dimissis omnibus prædictis aliis significatis, quoniam ad Philosophum purum pertinent, considerandus est in Logica ultimus sensus, quoniam ut uidebis, Aristoteles describet substantiam per hoc, quod est accidentibus substare.

Secunda igitur distinctio sit hæc: Substantia quantum ad id, a quo nomen imponitur aliquando dicitur a substendo. i. a per se essendo, prout per se esse opponitur inesse alteri non simpliciter, sed inhærenter, & in hoc sensu quicquid non inest alteri, sed per se subsistit, ut sunt supposita, & indiuidua naturalia; ut Sortes, hic asinus, hic lapis, sunt substantia: Et posito, quod essent in alio, dummodo non inhæreant, sicut accidens inhæret subiecto, & sunt substantia. In quo sensu partes essentielles, compolita, & naturalis, quæ sunt forma, & materia, sunt subiecta, & partes integrales eiusdem, ut in homine caput, manus, pedes, ossa, caro, & nerui sunt substantia. In eodem sensu Deus, & intelligentiæ sunt nobilissimæ substantiæ, quia per se, & in seipsis, & non in altero, ut partes subsistunt. Aliquando dicitur substantia a substando, quia sola substat accidentibus sustentans ea; quoniam ut dicemus infra, esse accidentis, non est esse ens per se, sed in altero, id est in subiecto, quod est substantia. Et in hoc sensu, omnis substantia

præter

præter Deum dicitur substantia; omnis enim substantia præter Deum substat aliquibus accidentibus, ut tibi in Philosophia manifestabitur. Et quoniam omnis nostra cognitio incipit à notioribus, & ad sensum nobis constat substantias corporales substat accidentibus, ideò Arist. in prædicamentis contentatus est notificare substantiam, ut dicitur à substando, relinquens sensum pro nunc, ut dicitur à subsistendo; utpote magis occultum & spectatè ad altiore scientiam, quàm sit Logica. Hanc igitur substantiam à substando dictam, Arist. antequàm diffiniat, diuidit in primam & secundam, cuius diuisionis ratio est, quòd iam cum substantia, ut hic consideratur, dicitur à substando, & alia sit uniuersalis, ut animal, & homo, alia particularis ut Sortes, & Plato, substat contingit dupliciter, scilicet, per se primò, & non per se primò, sed per aliud. Si per se primò, sic est prima substantia, quæ particularis est. Si per aliud, sic est substantia secunda, quæ est uniuersalis, & hæc tibi manifesta erunt in diffinitionibus earum.

Sed dices, Quare non prius diffinitur substantia, quàm diuidatur in primam & secundam?

Respondetur, quoniam substantia ut dicitur à substando, non est quid uniuocū, sed analogum. Nam substat prius conuenit primæ substantiæ. Deinde in ordine ad primam conuenit secundæ. Neque enim homo est albus, nisi quia hic uel hic homo est albus. Omne autem analogum cum declinet ad æquiuocum, prius est diuidendum, quàm diffiniendum. Quòd autem analogum declinet ad æquiuocum, patet ex eo, quòd uniuocum dicit unam rationem tantum, & æqualiter participatam à suis uniuocatis; æquiuocum autem dicit plures rationes omnino diuersas conuenientes suis æquiuocatis, & absque ordine; ut docuimus in parte præcedenti. Analogum autem ut mediū magis declinans ad æquiuocum, quàm ad uniuocum, dicit plures rationes in ordine tamen ad primum analogatum, ut sanum. Vel unam inæqualiter partici-

patam, eo quod primò & per se conuenit primò analogato, posterius autem aliis in ordine ad primũ, ut ens. Est enim ens, cui debetur esse, quæ quidem ratio primò & per se conuenit substantiæ, quoniam est ens simpliciter: secundariò autem conuenit accidenti in ordine ad substantiam, nam accidens nõ est ens, nisi quia est entis, id est, nisi quia respicit substantiam, ut subiectum sustentatiuum. Et in eodem sensu substantia dicta a substando, est analogum, quoniam eius ratio est hæc, substantia est, quæ substat accidentibus, quæ quidem ratio primò & per se conuenit substantiæ primæ. Deinde in ordine ad primam conuenit secundis, ut tibi manifestabitur per definitiones sequentes. Ergo est analogum declinans ad æquiuocum. Et confirmatur, quoniam solet analogum dici æquiuocum à consilio, ergo &c. Hæc de primò dicta sint.

Quantum ad secundum positis prædictis distinctionibus, diffinienda est substantia prima & secunda, ut dicitur a substando. Tu igitur aduerte, quod ad mentem Arist. substantia prima est, quæ propriè, principaliter, & maxime substat dicitur. Item substantia prima est, quæ neque in subiecto est, neque de subiecto dicitur.

Primò dicitur, quæ propriè. Aduerte, quod subintelligendum est, quæ immediatè: ut excludatur materia prima, quæ licet sit primum subiectum substans formæ substantiali, & accidentibus eius, non tamen immediatè sed median te forma substantiali in uia nostra. Nam forma substantialis immediate recipitur in materia, accidens autem in composito existente actu substantialiter, ut tibi manifestabitur in philosophia. Dicitur autem propriè, ad differentiã superficiiei, quæ uidetur immediatè & propriè substat colori. Nam ut inquit Arist. infra, Quanta est superficies, tantum album dices, & tamen nõ propriè, sed apparenter substat, quoniam non per seipsam sed uirtute substantiæ, cui inest. Dicitur principaliter, ad differentiã secundæ substantiæ, quæ est genus aut species. Nam licet hæc sit uera, Homo est albus, non tamen est uera, nisi quia hæc est uera, Hic homo uel hic homo est albus, ergo albedo principaliter est in substantia singulari, quæ dicitur substantia prima,

prima, & secundariò; quoniam propter primam est in substantia uniuersali, quæ dicitur substantia secunda. Dicitur maximè, quia est ratio, quòd secundæ substantiæ & partes primæ substantiæ substent accidentibus, non enim partes ignis sunt calidæ, nisi quia totus hic ignis est calidus, nec partes niuis sunt albæ, nisi quia tota hæc nix est alba. Constat ergo quomodo substantia prima est illa, quæ immediatè & propriè & principaliter, & maxime dicitur sub stare, id est, subesse accidentibus, tanquàm primum eorum subiectum receptiuum.

Pro euidencia autem secundæ diffinitionis primæ substantiæ, quæ dicitur, quòd est illa, quæ neque de subiecto, neque in subiecto esse dicitur, aduerte quòd per primam particulam differt prima substantia a secunda. Nam cum omnis secunda substantia sit uniuersalis, ex consequenti prædicabilis de pluribus, oportet, quòd dicatur de subiecto, id est de inferiori, ut genus de specie, & species de indiuiduo. Cum autem prima substantia sit singularis, & sub singulari non detur inferius, ut patet in arbore Porphyrii, repugnat primæ substantiæ dici de subiecto, id est de inferiori, siue signetur per indiuiduum uagum, siue per indiuiduum signatum. Nam licet quidam homo dicatur de Sorte & Platone, non tamen ut superius de inferiori secundum rem, sed tantum secundum uocem. Vtrunque enim dicit naturam singularem, sed alterum indeterminatè, & alterum determinatè. Per secundam autem particulam differt ab omni accidente, quoniam omne accidens siue uniuersale siue particulare est in subiecto, in quo recipitur, nulla autem substantia siue secunda siue prima, est in subiecto, cum sit ens per se, neque enim substantia pendet ab accidente, sed accidens a substantia.

Diffinita prima substantia, diffinienda est secunda. Tu igitur aduerte, quòd apud Arist. secundæ substantiæ sunt species, in quibus sunt primæ substantiæ & genera specierum, usque ad generalissimum. Nam aliquis homo, puta Sortes est in homine, sicut indiuiduum in specie, & homo in animali, ut species in genere, & sic ascende usque ad generalissimum. Indiuidua igitur sunt primæ substantiæ;
quia

TRACTATUS V. PARS II.

quia primò & per se ipsas substantiæ accidentibus. Species uerò & genera sunt secundæ substantiæ, quia substantiæ secundario accidentibus, nam sic non existunt in rerum natura, nisi quia habent esse in primis, sic non substantiæ accidentibus, nisi quia primæ substantiæ, in quibus sunt. Ideò enim albedo est in homine, quia est in aliquo homine, in quo existit homo.

Hoc igitur modo descripta sit secunda substantia, ut dicitur substantia a substantando.

Sed dices, Secundæ substantiæ sunt in primis, aliter nõ prædicarentur in quid de primis. Nam hæc ideo est uera, Sortes est homo, quia natura hominis seruatur in Sorte, ergo primæ non sunt in secundis. Aliter idem esset includens & inclusum, quod est impossibile.

Respondetur & conceditur, quòd secundæ sunt in primis, & primæ in secundis, sed diuersa ratione. Nam secundæ sunt in primis, ut superiora sunt in inferioribus, iuxta quartum modum essendi in assignatum in parte præcedenti. Primæ autem sunt in secundis iuxta tertium modum essendi in eadem parte præcedenti assignatum. Negatur autem esse impossibile idem esse includens & inclusum respectu diuersorum, sicut non est impossibile idem esse continens, & contentum respectu diuersorum. Nam de anima uerum est dicere, quòd continetur in corpore, sicut forma recepta in materia sua propria. Et uerum est dicere, quòd continet corpus, quando conseruat corpus in esse integro & uiuo, quandiu est in corpore, qua separata corpus defluit in corruptionem.

Assignatis definitionibus primæ & secundæ substantiæ, aduerte duo notabilia, quæ sunt ad mentem, & de sententia Aristot. quibus adhuc euidentius declarantur definitiones suprapositæ, quorum primum est hoc inter ea, quæ dicuntur de subiecto, & ea quæ sunt in subiecto, est hæc differentia, quod quæ dicuntur de subiecto, ut superiora de inferioribus, prædicantur de inferioribus nomine & ratione, ut animal de homine, & homo de Sorte & Platone, hæc enim est uera, Sortes est homo, & est animal rationale. Nam species prædicatur in quid de indiuiduis

ergo

ergo essentialiter ergo nomine & ratione. Quæ autē sunt in subiecto, ut accidentia, si sumantur in abstracto, nō prædicantur de subiecto neque nomine neque ratione, hæc nō est falsa, homo est albedo, homo est color disgregatiuus uisus, nam si homo est albedo, ergo est accidens, ergo substantia est accidens, quod implicat cōtradictionem. Si autē sumantur in concreto, non inconuenit prædicari noīe de subiecto. Nam hæc est uera, homo est albus, quoniam est habens albedinem, nunquam autem prædicatur ratione, quoniā prædicari ratione, est prædicari essentialiter accidentia autem non prædicantur essentialiter de subiecto, cū sint extra essentiā eius, & possint adesse & abesse præter subiecti corruptionem, ut docuimus in tract. præcedenti. Ex hoc autē notabili aduerte, quod utraque diffinitio data de prima substantia potest probari & prima quidem sic. Illud, de quo omnia prædicantur, aut in quo omnia alia sunt, proprie & principaliter, & maxime subsistere dicitur. Sed de prima substantia omnia alia superiora prædicantur, & oīa accidentia in concreto, & in ea sunt, ergo proprie, principaliter, & maxime subsistere dicitur. Secunda autē sic. Illud de quo omnia superiora prædicantur, & in quo oīa accidentia sunt, neq; dicitur de subiecto, neq; est in subiecto, sed de prima substantia omnia superiora prædicantur, ut patet in arbore Porphy. & in ea sunt omnia accidentia, quoniam est principale receptiuum accidentium, ergo neque de subiecto dicitur, neque est in subiecto.

Ex hoc igitur, quod omnia prædicantur, aut sunt in prima substantia, sequitur, ut inquit Aristo, quod non existentibus in rerum natura primis substantiis, impossibile est aliquid aliorum remanere, id est existere in rerum natura. Nam si non existeret aliquod indiuiduum naturæ humani homo ut homo non existeret, quoniam ad mentem Aristotelis uniuersale non existit, nisi in singularibus, ut excludamus imaginatas ideas & Platonicas, de quibus in Logica non est loquendum, sed est iudiciū Metaphysici. Item nullum accidentium in existeret, quoniā natura communis non subest accidentibus, nisi ut habet esse in indiuiduis, nam hæc esset falsa, Homo est albus, nisi aliquis ho-

TRACTATUS V. PARS II.

mo existens esset albus, Primum ergo fundamentum existendi substantiis secundis & in existendi accidentibus est prima substantia. Secundum autem notabile est hoc: Sumendo substantiam substando accidentibus, Species specialissima est magis substantia, quam genus. Omnes autem species specialissimæ, sub eodem genere contentæ sunt æqualiter substantiæ. Primum declaratur sic, Cum prima substantia sit maximè substantia, ut declaratum est in prima diffinitione sua, quoniam maxime substat accidentibus, substantia, illi propinquior est magis substantia, quam remotior ab ea, sed species specialissima est propinquior primæ substantiæ, quam genus. Prædicatur enim immediatè de prima substantia, genus autem non prædicatur de ea nisi media specie specialissima. Ergo est magis substantia, quam genus. Secundum autem declaratur sic, omnes species specialissimæ sub se non habent inferiores species, aliter non essent specialissimæ, sed subalterne, ergo omnes substantiæ accidentibus æqualiter, quia immediate sub se continent primas substantias, quæ maxime & per se ipsas substant. Nec obstant, quòd una species substat pluribus accidentibus, quam alia puta homo, quam asinus, quoniam homo substat accidentibus corporalibus & intellectualibus, asinus autem tantum corporalibus. Hoc inquam non obstat, quoniam hæc æqualitas substandi, non attenditur penes pluralitatem aut paucitatem accidentium, sed penes æqualem propinquationem ad primas substantias, quæ æqualiter servatur in homine & in asino. Nam si cut inter hominem & hunc hominem nullum est mediū, sic nec inter asinum & hunc asinum.

Ex hoc autem secundo notabili declaratur diffinitio data de secunda substantia, in qua dictum est, quòd secundæ substantiæ sunt species & genera in quibus sunt primæ substantiæ, & dicuntur secundæ substantiæ, quia secundario substant. Dubitaret ergo aliquis, cum tam genera, quam species sint secundæ substantiæ, quia secundario substant, nunquid sunt æqualiter uel inæqualiter substantiæ? Respondetur quòd genera & species sunt inæqualiter, quia species magis substat, quam genus. Omnes autem species

species specialissimæ æqualiter, modo quo diximus. Constat igitur tibi ad mentem Aristotelis & Logici realis, quid sit prima & secunda substantia, & earum diffinitiones declaratae sunt.

Sed dices, Cum Aristoteles intendat hic pertractare de prædicamentis, quaeritur quæ diffinitio ex supradictis cõuenit substantiæ, ut est prædicamentum in se continens genus generalissimum & genera sua subalterna, & species specialissimas, usque ad individua.

Respondetur quod usque huc Aristo. non considerauit substantiam nisi ut dicitur a substando, in quo sensu, ut docuimus, non est quid uniuocum, sed analogum, & quando diuisit in primam & secundam, non diuisit eam, ut genus generalissimum: sed ut quid analogum in analogata. Ex consequenti quando diffiniuit primam, per hoc quod est maximè subitare, & secundam per hoc quod est secundariò subitare, non intendit de genere generalissimo. Quodlibet enim genus est uniuocum, & non analogum nec æquiuiocum, ut docuimus in tract. præcedenti. Ne igitur substantia, ut constituit prædicamentum, & ut est quid uniuocum, & ut diuiditur in arbore Porphyrij, remaneat tibi omnino incognita, sic procedemus. Primò diffiniemus substantiam uniuersalissimè sumptam. Secundò substantiam contractam ad substantiam prædicamentalem, & quæ est genus generalissimum. Tertiò ordinabimus prædicamentum substantiæ à generalissimo usque ad individuum.

Quantum ad primum aduerte, quod substantia uniuersalissimè sumpta ut se extendit ad creatam & increatam, ad simplicem & compositam, ad eam, quæ est pars, & quæ est totum, & breuiter ut distinguitur contra accidens, sic diffinitur, Substantia ut substantia est ens non in subiecto existens, per cuius oppositum accidens, ut accidens, est ens in subiecto existens. Hæc substantiæ diffinitio conuenit Deo & creaturæ, & quoniam nihil est commune uniuocum Deo & creaturæ, & necesse est genus generalissimum esse uniuocum, constat quod substantia sic diffinita, non est substantia prædicamentalis, sed analogica, sicut ens.

Quan-

TRACTATUS V. PARS II. 1

Quantum ad secundum aduerte, quod substantia prædicamentalis & ut est genus generalissimum, sic diffinenda est. Substantia est ens non in subiecto in esse participato siue finito existens, per hoc quod dicitur ens non in subiecto, differt à prædicamento accidentis, per hoc quod dicitur existens in esse participato, excipitur Deus gloriosus, qui ex sua infinitate est extra omne genus, & substantia sic diffinita prædicatur uniuoce de omni substantia creata, corporea, & incorporea simplici & composita &c. Constat igitur tibi quid sit substantia prædicamentalis secundum Logicum realem. Si autem vis eam diffinire ad mentem nominalium, sicut eam diffinies, Substantia prædicamentum est coordinatio plurium terminorum uniuocorum significantium substantiam secundum sub & supra. Nam secundum eos plura prædicabilia, quæ prædicentur de inferioribus in quid significantia ens nõ in subiecto ordinata secundum sub & supra, à generalissimo ad specialissimum constituunt prædicamentum substantiæ.

Quantum ad tertium aduerte, ne idem figuremus bis, & replicemus inutiliter, quod in trac. præcedenti inuenies arborem Porphyrii, in qua totam prædicamentis substantiæ seriem formatam uidebis, quæ tibi sufficiet.

Viso quid sit substantia, ut est prædicamentum, accedendum est tertio loco ad pertractandum de proprietatibus & communitatibus substantiæ, quæ ad mentem Aristotelis sunt sex.

Prima est, neque substantia prima est in subiecto, neque substantia secunda, & quoniam omnis substantia est prima uel secunda, quia uel est singularis uel uniuersalis, si singularis, est prima, si uniuersalis, est secunda; ergo nulla substantia est in subiecto. Antequam probemus propositum aduerte, quod hæc est cõmunitas & proprietas substantiæ respectu diuersorũ, cõmunitas quidẽ est, quoniã non soli substantiæ, sed oĩ cõuenit, in quo sensu dicere possumus risibile esse cõmune homini, quoniam conuenit oĩ homini. Proprietas autẽ est, quoniã non cõuenit nisi substantiæ. Nã cũ oẽ ens sit substantia uel accidens, & omne accidens sit ens in subiecto, soli substantiæ conuenit non esse

se in subiecto. Nec obstat quòd dicit Arist. hoc non esse proprium substantiae, quoniam conuenit differentiis, scilicet substantialibus, quasi quòd non sint substantia. Hoc inquam non obstat, quoniam Arist. non excipit differentias, quia non sint substantiae secundum rem, sed quia habet modum qualitatatis, & quia non ordinantur per lineam rectam, sed à latere in praedicamento substantiae. Intentio est autem Arist. in praedicamentis assignare communitates & proprietates eorum, quae directe locantur in eis. Vnde si uolumus facere hanc esse proprietatem substantiae ad mentem Arist. sic formanda est. Proprium est substantiae directe & per lineam rectam locatae in praedicamento, non esse in subiecto, & sic excluduntur differentiae quantum ad modum significandi, licet non quantum ad rem significatam.

Hanc autem communitatem & proprietatem substantiae modo exposito probat Arist. de prima & secunda substantia. De prima sic. Secunda diffinitio primae substantiae data est supra per non esse in subiecto, neque dici de subiecto, ergo conuenit omni primae substantiae, non esse in subiecto, Consequentia patet, quoniam diffinitio debet competere omni contento sub diffinito. De secunda autem probat inductione & syllogismo. Quid sit inductio & syllogismus dicemus in tractatu sequenti. Inductioe igitur sic probatur, Nec homo est in subiecto nec leo, & nec animal, nec corpus &c. & sic de singulis speciebus & generibus substantiae, ergo nulla secunda substantia est in subiecto. Syllogismo sic. Quod est in subiecto, non praedicatur nomine & ratione de subiecto. haec declarata est supra in expositione primi notabilis, sed omnis secunda substantia praedicatur nomine & ratione de subiecto, id est de inferiori, quod sub ea continetur. Nam animal nomine & ratione praedicatur de homine, & homo de suis indiuiduis, ergo nulla substantia secunda est in subiecto.

Et aduerte, quòd cum dicit, Aristoteles, nullam substantiam esse in subiecto, accipit subiectum pro subiecto inhaerentis, in quo sensu omne & solum accidens est in subiecto, & est quintus modus essendi in, pro secundo membro, ut docui-

docuimus in parte precedenti. Propterea non obstat huic proprietati, quod partes substantiæ uidentur esse in subiecto, quia non per se, sed in toto habent esse. Hoc inquam non obstat, quoniam intelligimus substantiam non esse in subiecto, iuxta quintum modum essendi in, pro secundo membro, partes autem non sunt in toto, iuxta quintum modum, sed iuxta primum. Vide tu supra. hæc de prima communitate & proprietate substantiæ dicta sunt.

— Secunda proprietates est hæc, Omnibus secundis substantiis & earum differentiis scilicet essentialibus cōuenit uniuocè prædicari.

Aduerte quod ad hoc, quod hæc sit proprietates, tria requiruntur. Primo, quod si contracta & restricta ad secundas substantias tantum. Nam si extendatur ad substantiam, ut est communis primæ & secundæ, & differentiis substantialibus, non erit proprietates, sed communitas. Nam & prima substantia prædicatur uniuocè de se ipsa, & differentia essentialis de indiuiduis. Sic ergo intelligatur, proprium est secundis substantiis & earum differentiis essentialibus uniuocè prædicari. Secundo, quod intelligantur prædicari uniuocè & essentialiter, aliter hoc non esset proprium substantiæ, quoniam & proprium quarto modo puta risibile prædicatur uniuocè de his, quorum est proprium, sed non prædicatur essentialiter, ut genus, & species, & differentia, sed accidentaliter, ut docuimus in tract. precedenti; est enim proprium extra essentiam eius, cuius est proprium. Tercio, quod intelligatur prædicari uniuocè & essentialiter de primis substantiis, ut excludatur accidens, puta color & albedo. Nam licet prædicetur uniuocè & essentialiter de inferioribus suis, ut hæc albedo est albedo, hic color est color, hæc dulcedo est dulcedo; tamen non prædicatur uniuocè essentialiter de primis substantiis, hæc enim est falsa, Sortes est albedo. Sic ergo intelligatur hæc proprietates. Proprium est secundis substantiis, & earum differentiis prædicari uniuocè & essentialiter de primis. Quæ declarata sic probatur. Secundæ substantiæ, & earum differentiæ prædicantur de primis nomine, & ratione; ergo uniuocè. Consequentia patet

patet ex diffinitione uniuocorum quam posuimus in parte præcedenti. Antecedens probatur, & quidē quo ad nomen patet. Nam Sortes est homo, & est animal, & est rationalis, quo ad rationem probatur. Superiora sunt de ratione quidditatiua inferiorum, ut docuimus in tract. præcedenti. Sed secundæ substantiæ tam genera, quàm species sunt superiores ad primas, ut patet in arbore Porphyrii, ergo prædicantur ratione de primis. Vnde Sortes non solum dicitur homo, sed & animal rationale, quæ est ratio hominis, & non solum dicitur animal, sed & substantia animata sensitua, quæ est ratio animalis. Hæc de secūda proprietate dicta sint.

Tertia proprietas habet tres partes, prima est. Substantia prima significat hoc aliquid. Secunda, est substantia, secunda uidetur significare hoc aliquid sub appellationis figura, tertia est substantia secunda non significat hoc aliquid, sed quale quid.

Pro euidencia primæ partis aduerte, quodd hoc aliquid tria requirit. Primò quodd sit res singularis, unde uniuersale non est hoc aliquid. Secundò, quodd sit substantia. Vnde nullum accidēs neque in concreto neque in abstracto est hoc aliquid. Tertiò, quodd sit substantia singularis perfecta in specie, qualia sunt supposita sub specie specialissima. Vnde nulla pars essentialis nec integralis accepta in singulari, ut hæc anima, hæc manus, hoc caput, est hoc aliquid, sed solū indiuiduum, de quo directè prædicatur species est hoc aliquid, ut Sortes, hic leo, hic asinus.

Declarata prima particula probatur sic, Prima substantia significat indiuiduum & unum numero, ergo significat hoc aliquid. Consequentia patet ex cōditionibus assignatis. Nam idem est indiuiduum & unum numero scilicet in genere substantiæ & perfectum in specie, & hoc aliquid. Antecedens autem probatur, quoniam prima substantia non prædicatur de inferiori, cum sit ultima, & terminus in serie prædicamentali, ergo significat indiuiduum, & unum numero. Vnde dixit Aristoteles, quodd a prima substantia nulla est prædicatio. Non enim de subiecto, idest de inferiori dicitur.

Pro euidencia secundæ particulæ aduerte quòd significare hoc aliquid sub appellationis figura, est significare hoc aliquid ex similitudine nominationis. Nā qñ duo eodem nomine nominantur, uidentur idem significare. Sed eodem nomine nōiamus primam, & secundam substantiā. Nam dicimus, quòd Sortes est homo, et quòd homo est homo, ergo non est mirum, si secunda substantia uideatur significare hoc aliquid, sicut prima.

Pro euidencia tertiæ particulæ aduerte, quod significare quale quid, est significare substantiam multis suppositis communicabilem, & directe opponitur ei, quod est hoc aliquid, & quoniam substantia secunda est species aut genus, quæ dicunt naturam communem multis, saltem secundum aptitudinem, hinc est, quòd secunda substantia non significat hoc aliquid, id est, substantiam incommunicabilem, sed quale, quod, id est substantiam communicabilem multis, & est ea, quæ est apta esse in multis, & prædicari de multis uniuoce. Hæc de tertia proprietate dicta sint.

Quarta, quæ est communitas, est hæc, Substantiæ nihil est contrarium. Dicitur communitas, quia non solum conuenit substantiæ, sed etiam quantitati, ut tibi manifestabitur in cap. sequenti.

Pro euidencia huius communitatis aduerte tria. Primò quòd aliud est habere in se contrarium, & habere sibi contrarium. Nam primum est recipere in se formam, cui est alia forma contraria, ut recipere calorem, cui contrariatur frigiditas, & post calorem esse aptum recipere frigiditatem, & econuerso. Secundum autem est, aliquid esse talis naturæ, quòd alia natura sibi contrariatur, ut dulcedo dicitur habere sibi contrarium, quoniam est talis naturæ, quòd ei amaritudo contrariatur, & quoniam sunt contrariæ, se mutuo expellunt ab eodem subiecto, & per receptionem unius, corrumpitur altera. In communitate prædicta quando dicitur substantiæ, nihil est contrarium, intelligitur in secundo sensu, & non in primo. Nam de primo dabitur sexta proprietas, ubi declarabitur, quòd proprium est substantiæ recipere in se

se contraria successiue; Secundo aduerte, quod contraria sunt duplicia, quædam cōiter, quædam proprie. Communiter sunt illa, quæ ita se habent, quod unum est, ut priuatio, alterum est ut habitus. Quod est, ut priuatio, dicitur imperfectū respectu alterius, quod autem est ut habitus, dicitur perfectum respectu alterius imperfecti. Proprie sunt illa, quæ sunt duæ formæ actiuæ, & passiuæ adinuicem succedentes sibi inuicem in eodem subiecto, & se mutuo expellentes ab eodem, quales sunt qualitates tertie speciei, de quibus dicemus infra, ut calidum, frigidum, humidum, siccum, durum, molle, asperum, leue, dulce, amarum. In communitate prædicta intelligitur, quod substantiæ nihil est contrarium in secundo sensu, & non in primo.

Ac si dicatur, substantia non est contraria substantiæ contrarietate proprie dicta, qua contrariantur duæ qualitates repugnantes actiuæ, & passiuæ adinuicem. Quod autem una substantia contrarietur alteri in primo sensu, non inconuenit, quoniam omne genus in prædicamento substantiæ diuiditur duabus differentiis oppositis, quarum una est perfectior altera, ex consequenti una est, ut habitus, altera, ut priuatio, & quæ est perfectior constituit substantiam perfectiorem, ut rationale, hominem; quæ autem imperfectior imperfectiorem, ut irrationale constituit brutum. Vnde homo, ut substantia perfectior contrariatur bruto imperfectiori contrarietate in primo sensu, non autem in secundo sensu, de quo intendit Aristoteles.

Tertiò aduerte, quod substantia potest imaginari contrariari substantiæ contrarietate proprie dicta dupliciter. Primò, secundum se in quantum est substantia. Secundo, ratione alicuius sibi intrinseci adiuncti, puta qualitatis actiuæ, aut passiuæ. In primo sensu impossibile est substantiam contrariari substantiæ, ut probabitur in secundo sensu, uerum est, nec id intendit negare Aristoteles; nam ponit, quatuor elementa sibi inuicem contraria propter qualitates elementares contrarias, ut patet in libro secundo de generatione. Quarta ergo communitas

TRACTATUS V. PARS II.

substantiæ sic formanda est, nulla substantia contrariatur substantiæ contrarietate proprie dicta, nec secundum se sed ratione qualitarum contrariorum. Quæ sic intellecta potest hoc modo probari. Subiecto receptiuo contrariorum, nihil est contrarium, hanc pro nunc crede, quoniam tibi manifestabitur in primo Physicorum. Sed ut uidebis in proprietate sexta, substantia est subiectum receptiuum contrariorum, ut anima recipit uirtutem, & uitium, corpus sanitatem, & ægritudinem, aqua calorem, & frigiditatem, ergo substantiæ non contrariatur substantia modo supra exposito. Præterea, omnia uerè & propriè contraria sunt in subiecto per diffinitionem contrariorum. Sunt enim ueræ, & propriæ contraria formæ actiue, & passiuæ eidem subiecto aptæ natæ inesse, a quo uicissim se mutuo expellunt &c. Sed substantia non est in subiecto, ut patet per primam proprietatem, ergo substantiæ non contrariatur substantia modo supra exposito.

Quinta communis est, quod substantia non suscipit magis, & minus. Pro cuius euidencia duo aduerte. Primum, quod dicitur communitas, quoniam non est proprium substantiæ, nam ut cognosces in prædicamento quantitatis, quantitas non suscipit magis, & minus. Secundo aduerte, quod multum differt substantiā magis, & minus substantare, & substantiam esse maiorem, & minorem, & substantiam magis & minus suscipere. nam magis, & minus substantare, est respectu, accidentium: esse maiorem & minorem, est propter maiores, & minores extensiones, & dimensiones. Suscipere autem magis, & minus, quod idem, quod intendi & remitti, siue augeri, & minui, non quantitatiue, sed perfectionaliter, est propter perfectius, & imperfectius esse, quod dat formam subiecto, & participatur a subiecto. Primum quidem competit substantiæ. Nam declaratum est supra, quod prima substantia maxime substantat, & quod species magis substantat, quàm genus, ut homo, quàm animal, quoniam species propinquior est primæ substantiæ, quàm genus.

Secundum etiam competit substantiæ, nam ad sensum uidemus, quod una, & eadem substantia uno tempore est
mi-

minor, ut fructus in principio, & idem fructus maturus est maior. tertium autem. & de quo proprie intendit Aristoteles, non conuenit substantiæ. Nam sic suscipere magis & minus, est formam paulatim recipi in subiecto secundū esse magis, ac magis perfectum, & hoc est intendi, & augeri perfectionaliter. Minus autem, & remitti, & diminui perfectionaliter, est, formam paulatim expelli a subiecto, ita quod ab esse perfectiori deuenit ad esse minus, & minus perfectum. Quod patet in aqua dum calefit, intenditur calor, dum frigescit, remittitur, Quod igitur, hoc tertium non conueniat substantiæ, probat sic Aristoteles, Homo non est magis homo nunc, quā prius, nec unus homo est magis homo, quā alter, sicut per oppositum uidemus, quod album est magis album nunc, quā prius, puta paries de nouo dealbatus, & unum album est albius altero, ut nix quā paries. Verum quia hæc probatio est magis exemplaris, quā scientifica, ideo probanda est hæc communitas ratione sic, Omne quod suscipit magis, & minus, duobus modis contingit, quoniam aut per remotionem a suo contrario, sicut dicimus, quod calor aquæ intenditur, quādo dum calefit minus, admiscetur frigiditati. Si autem magis admiscetur, remittitur, aut quia magis firmatur in subiecto, ut calor ignis receptus in ferro. Si autem debiliter recipitur, uelut in superficie, ut calor in manu remittitur. Sed substantia neutro modo, potest suscipere magis, & minus. Non primo, quia non habet contrarium per quartam communitatem. Non secundo, per primam proprietatem, quoniam non est in subiecto, nec receptibilis in subiecto, ergo &c.

Nec obstat, quod una substantia est perfectior altera puta homo, quā asinus, & una aqua frigidior altera, & unus homo rationalior altero. Nam ad hoc, quod substantia recipiat magis, & minus, non sufficit quod sit perfectior, aut imperfectior altera, sed quod unamet dum generatur, sit apta nata successiue fieri perfectior, aut imperfectior, quod non conuenit substantiæ: quoniam non fit per motum, sed per generationem instantaneam. Hoc tamen intelligere non potes, donec ad quartum librum

TRACTATVS V. PARS II.

Physicorum perueneris, aut ad librum nonum Metaphysicæ. Ideo sustine. Ex eo autem, quòd una aqua sit frigidior altera, aut ipsamet magis in uno tempore, quàm in alio, non arguitur, quòd aquæ substantia suscipiat magis, & minus, sed quòd frigiditas, ut est in substantia aquæ, sicut in subiecto. Similiter ex eo, quòd unus homo uidetur rationabilior altero, uel idem homo magis uno tempore, quàm alio, non concluditur intentum, quia non est rationabilior, quo ad substantiã animæ intellectiux, quæ est unius speciei in omni homine, sed uidetur rationabilior, quia subtilius, & prudentius utitur ratione propter organa, & phantasmata magis disposita, & ordinata. Sic pronunc dictum sit, licet in Metaphysica intendam sustinere unam formam substantialem eiusdem speciei cum altera, esse perfectiorem, quàm altera, & tamen non recipere magis, & minus. Verùm quia hæc transcendunt negotium Logicum, ideo non est in eis immorandum. Hæc de quinta communitate dicta sint.

Sexta, quæ est uere proprietas substantiæ prædicamentalis, est hæc, Maximè proprium est substantiæ, esse susceptibilem contrariorum, ut eadem manus aliquando est calida, aliquando frigida. Idem homo aliquando prauus, aliquando studiosus, sed est uirtuosus, siue probus.

Pro noticia huius proprietatis, duo notanda sunt, deinde probabitur.

Primo notandum, quòd hæc proprietas non conuenit substantiæ uniuersalissimè sumptæ, quoniam non conuenit Deo, in quo nullum suscipitur accidens, siue tale accidens habeat contrarium, siue non. Nec conuenit materiæ primæ secundum uiam nostram. Nam primum receptibile est forma substantialis, & mediante illa recipiuntur accidentia in composito. Sed Aristoteles intendit hanc proprietatem uerificari de substantia immediate. Cū igitur non conueniat substantiæ absolutè sumptæ, oportet ut intelligatur de substantia, quæ ponitur in prædicamēto, ut excipiat Deus, & quæ est actus uel actu, ut excipiat materia prima, quæ nō est ens, nec substantia actu per seipsam, sed in pura potentia, ut tibi declarabitur in j. lib. Physicorū.

Secundò,

Secundò, quòd substantia eadem numero manens, successiue & non simul, & per mutationem sui, & non solum per mutationem alterius, est apta nata suscipere in se contraria et si non omnia saltem aliqua. Dicitur eadem numero manens, quoniam ad uerificandam hanc proprietatem esse propriam substantiæ quarto modo, non sufficit, quòd duæ substantiæ suscipiāt in se contraria, puta quòd Sortes recipiat albedinem, & Plato nigredinem, sed quòd ipsemet Sortes sit aptus recipere utrunq;. Dicitur successiue, quoniam cum contraria se mutuò expellant ab eodē subiecto. (Sunt enim actiua, & passiua ad inuicem & corruptiua) non se compatiuntur simul in eodem subiecto, & pro eadem parte, & in gradibus intensis, licet fortè se compariantur in gradibus remissis, ut in tepido, sicut alias tibi in philosophia declarabitur. Sed nunc sustine.

Dicitur & per mutationem sui: quoniam cum contraria non se compatiātur simul in eodem, oportet quòd substantia transmutetur ab uno contrario ad aliud, ita quòd dum recipit unum, remoueatur aliud, ut aqua per calefactionem recipit caliditatem, & deperdit frigiditatem. Dicitur & non per mutationem alterius, per quod soluitur instantia, quam facit Aristot. de oratione & opinione, quæ eadem numero manens, recipit uerum & falsum. Nā hæc oratio, Sortes sedet, est uera Sorte sedente, & falsa Sorte surgente. Quintò, hæc proprietas conuenit alteri a substantia. Hæc inquam instantia, non ualet, quoniam uerum & falsum non recipitur in oratione, sicut in subiecto, sed sicut in signo. In re autem est ut in causa, sed in intellectu ut in subiecto, & ideo non est necesse, quòd oratio mutetur, sed sufficit rem, quæ est causa, mutari, puta quòd Sortes sedens definat sedere, & surgat, & sic mutetur. Nam ut inquit Arist. ab eo, quod res est, uel non est, dicitur oratio uera uel falsa. Si autem oratio reciperet uerum & falsum, ut subiectum, & nō ut signum, necesse esset ipsam mutari. Vnde quia intellectus siue anima intellectiua recipit ueram & falsam, opinionem & orationem mētalem de re contingenti, necesse est ipsam mutari de uera opinione ad falsam, & econuersò, pro uaria differentia temporis.

nentur diuisiones communes quantitatis. Secundò, de singulis membris diuisionum agendum est. Tercio agendum est de proprietatibus & communitatibus quantitatis prædicamentalis.

Quantum ad primum, ut scias in quo sensu locuturi sumus hic de quantitate, aduerte quinque diuisiones.

Prima est, quãtitatum alia, est perfectionalis siue uirtualis, alia dimensiuã siue mēsuratiua substantiæ, in qua est. Quantitas uirtualis est ipsa rei bonitas siue perfectio graduabilis, secundum magis, & minus, & maxime, iuxta quẽ sensum dicimus sortem magnum oratorem, & Demosthenem maximum & ducem maioris autoritatis, militem uero minoris, & hæc quantitas est eiusdem uniuersalitatis cum bono transcendentis, unde reperitur in Deo maximè & infinitè, & intelligentiis iuxta earum gradus, & in corporalibus secundum quod seinuicem extendunt in perfectione substantiali, uel accidentali, & de hac non sumus hic locuturi, quoniã spectat ad prædicamentum qualitatis pro quanto reperitur in increatis, ut excludamus eam, quæ est in Deo, quoniam sicut diuina substantia non locatur in prædicamento, sic nec aliqua eius perfectio.

Quantitas dimensiuã siue mensuratiua substantiæ in qua est, est accidens, quo redditur substantium mensurabile cōtinue uel discrete, ita quòd per illud dicimur quanti uel quoti, puta bicubitales uel tricubitales, decem aut uiginti, & de hac tantum locuturi sumus, & cōsequitur substantiam prædicamentalem materiale siue corporeã tantum, nam intellectus natura ut intellectualis denudata est ab huiusmodi quantitate, ut tibi manifestabitur in lib. viij. phy. & in secundo metaphys.

Secunda est, quantitas uel quantum dimensiuum, duplex est, quoniam aliud per se, aliud per accidens, mēbra diuisionis manifestabimus infra.

Tercia est, quantitatis per se, aliud genus est quantitas continua, aliud discreta.

Quarta est, quantitatis tam continuæ quam discretæ, alia habet positionem, alia positione caret.

Quinta est, quantitatis continuæ, quinq; sunt species.

TRACTATVS V. PARS II.

linea superficies, corpus, tēpus, locus. Discretæ uerò duæ, numerus, & oratio.

Quantum ad secundum, declaranda sunt singula membra singularum diuisionum. Relicta igitur quantitate uirtuali, quæ ad hoc negotium non spectat, & quantum dimensionum, primò diuisum est in quantum per se, & quantum per accidens. Aduerte, quòd quantum per se, siue quantitas per se, est illa, quæ propriè & essentialiter & ex se, etiā remoto quocunq; respectu ad alterum est diuisibilis quantitatiuè, ut linea, quæ est essentialiter longitudo, & superficies latitudo, nam in omni longitudine, & latitudine est accipere partes, in quas diuisibiles sunt, ut ad sensum patet. Quantum autem per accidens est illud, quod non propriè & essentialiter nec ex se, sed per respectum ad subiectum in quo recipitur, quod est per se quantum est diuisibile in partes quātitatiuas, id diuisionem sui subiecti quanti. In quo sensu qualitates sensibiles receptas in substantia quanta, siue immediatè in superficie, dicimus esse quantas per accidens. Diuiduntur enim ad diuisionem superficiem, secundum naturam autem suam sunt indiuisibiles. Vnde dicit Aristoteles, quòd dicimus album multum, quia superficies in qua recipitur albedo, est multa. Quanta enim superficies fuerit, tantum album dices. Sunt ergo huiusmodi quanta per accidens, quia respiciunt quātum per se, puta dicitur actio longa, quia longum est tēpus, in quo durat, & motus multus, quia in multo tempore fit. Et aduerte, quòd non solum qualitates sensibiles receptæ in quanto, dicuntur quantæ per accidens, sed etiam formæ substantiales receptæ in materia quanta, præter animam intellectuam, dicuntur fieri & esse quantæ, & extensæ per accidens, sicut sunt omnes formæ naturales rerum inanimatarum, et animalium imperfectorum, ut tibi declarabitur in libro secundo de anima. Sed pro nunc sustine.

Quantum ad noticiam partium tertix diuisionis aduerte, quòd apud Aristotelem & Mathematicos, quātitas continua est illa, cuius partes ad unum terminum communem copulantur, id est, in qua est accipere aliquod unum indiuisibile

uisibile secundum talem dimensionem, quod est finis partium præcedentis, & principium partis sequentis, ut in linea est signare punctum indiuisibile secundum longitudinem, quod est terminus partis lineæ præcedentis, & principium partis sequentis, & tale indiuisibile dicitur hic terminus communis, ad quem partes quantitatis continuæ copulantur. Quid autem sit tale indiuisibile in superficie & corpore, & loco, & tempore, dicemus in sequentibus.

Quantitas discreta est illa, cuius partes non copulantur ad unum terminum communem, sed semper remanent discretæ, & separatæ. Aduerte, quod partes quantitatis discretæ non ita sunt separatæ ab inuicem, & distinctæ, quin sint ordinatæ secundum prius, & posterius. Sed dicuntur separatæ, quoniam nihil, ut communis terminus copulat eas adinuicem. Verbi gratia, Sumo numerum denarium, cuius partes æquales sunt quinque & quinque, inæquales autem sunt septem & tria, sex & quatuor, istæ quidem partes ita ordinatæ sunt, quod unitates ordine suo componunt ens, puta quinque & quinque consurgentes ex prima, secunda, tertia, quarta, quinta unitate, non tamen ita sunt ordinatæ, quod tertia unitas sit finis ternarii, & principium binarii, nec quinta unitas est finis primi quinarij, & principium secundi quinarij, sed ultima unitas primi quinarij est finis eius, & prima unitas secundi quinarij, est principium eius. Ideo dicuntur partes quantitatis discretæ, non copulari ad terminum communem, sed permanere discretæ, id est, distinctæ, & separatæ, id est, non continuatæ, licet quandiu componunt suum totum, sint ordinatæ, sicut milites ordinati sunt, quandiu componunt exercitum.

Quantum ad notitiam partium quartæ diuisionis, aduerte, quod quantitas habens positionem, est illa, cuius partes copulantur ad unum terminum communem, & sitæ sunt alicubi. Pro cuius notitia aduerte, quod de ratione quantitatis habentis positionem duo sunt. Primum, quod partes eius copulentur ad unum terminum communem, modo

TRACTATUS V. PARS II.

modo, quo expositum est, Defectu huius, numerus nō est quantitas habens positionem. Licet enim partes numeri quæ sunt unitates, habeant inter se ordinem, non tamen positionem, quia nulla unitas est finis præcedentis unitatis, & principium sequentis. Secundo, quod partes sint situate alicubi & permanentes, ita quod non sint in continuo fluxu. Defectu huius, nec tempus nec motus, nec oratio dum profertur, sunt quantitates habentes positionem. Consistunt enim in fieri, & de ipsis non habetur actus, nisi indiuisibile, ut in tempore instans, in motu mutatum esse, in oratione dum profertur syllaba uel litera, & hæc tibi manifestabuntur in Phisicis. Pro nunc sustine, quoniam hoc negotium transcendunt. Ex his duabus conditionibus constat tibi, quæ sunt quantitates habentes positionem, & quæ non. Nam linea, superficies, corpus, & locus, habent positionem, copulantur enim in eis partes ad unum terminum communem, ut tibi manifestabitur in sequentibus, & sitæ sunt alicubi, quoniam non sunt in continuo fluxu, ut patet. Numerus uerò & oratio & tempus & motus sunt quantitates non habentes positionem, quoniam in nullo eorum seruatur utraque conditio. Nam & permutantia partium, in oratione dum profertur, deficit utraque.

Quantum ad notitiam pretium quintæ diuisionis assignanda est primò sufficientia specierum quantitatis continuæ, deinde discretæ. Deinde de singulis speciebus agendum est. Tu igitur aduerte, quod quantitatis continuæ quinque sunt species, scilicet linea, superficies, corpus, locus, tempus, quarum sufficientia hinc sumitur. Omnis quantitas continua est mensura substantiæ, aut ergo mensurat intrinsecè, aut extrinsece. Mēsurare intrinsece, est mensurare subiectum, in quo est subiectiue ipsa quantitas mensuratiua, extrinsece autem, est mensurare aliquid, in quo non est subiectiue ipsa quantitas mensuratiua, sed per applicationem, aut continentiam mensurat illud, ut exemplificabimus. Si ergo mensurat intrinsece, hoc est tripliciter, quoniam aut secundum longitudinem tantum, & sic est linea, aut secundum longitudinem & latitudi-

itudinem, & sic est superficies, aut secundum longitudinem & latitudinem, & profunditatem, & sic est corpus. Si extrinsece, dupliciter, quia autem mensurat substantiam ab ea contentam, & circumdatam, in qua tamen non est subiectiue, & sic est locus: locus enim ut tibi manifestabitur in quarto Physicorum, continet locatum, & non est subiectiue in eo, sed in corpore locatè, aut mensurat substantiam, ut est sub motu, & sic est tempus, quod non est subiectiue in omni mobili, cuius motum mensurat, sed in primo mobili, id est primo cœlo moto, motu tantum diurno, ut tibi manifestabitur in quarto Physicorum. Constat ergo tibi ratio, quare species quantitatis continuæ sunt tantum quinque. Quantitatis autem discretæ species sunt duæ; scilicet numerus, & oratio, quorum sufficientia hinc sumitur; Omnis quantitas discreta mensurat substantiam, ut habet partes separatas, id est non copulatas ad unum terminum, communem habet ordinatas modo, quo exposuimus supra, hoc autem contingit dupliciter, quia aut illæ partes separatæ, licet ordinatæ sunt permanentes, & sic est numerus, aut successiue, & sic est oratio in prolatione.

Posita sufficientia specierum quantitatis continuæ, & discretæ, de singulis speciebus agendum est, & primò de speciebus continuæ, secundò de speciebus discretæ. De singulis autem tria videnda sunt. Primò, quid sit, secundò, quid est quantitas, tertio quid est continua uel discreta.

Incipiendo igitur à speciebus quantitatis continuæ, prout ordinantur, aduerte quòd linea apud Mathematicum sic diffinitur, Linea est sola longitudo, cuius extrema sunt duo puncta.

Dicitur longitudo sola, quoniam imaginatur causari ex fluxu puncti, punctum autem cum sit penitus indiuisibile, non potest imaginare fluere, nisi in longum, & idè dicitur quòd est sola longitudo, ut distinguatur à superficie & corpore. Dicitur extrema sunt duo puncta, quoniã cum causetur à fluxu puncti, imaginatur incipere à puncto, & terminari ad punctum.

Tu tamen aduerte, quod hæc diffinitio uidetur competere

TRACTATUS V. PARS II.

tere soli lineæ rectæ finitæ, & non circulari, nec infinitæ. Nam in circulari idem punctum est principium, & finis, & infinita caret extremis. Repugnat enim infinitum terminari, secundum quod est infinitum, & idèd lineæ absolute sumpta, sic definienda uidetur. Linea est sola longitudo fluxu imaginatio puncti per longum causata.

Quòd autem lineæ sit quantitas per se, patet, quia est per se diuisibilis in partes quantitatiuas, & est mensura substantiæ, in qua est. Nam per lineam cognoscitur eius longitudo. Quòd uerò sit quantitas continua, patet ex eo, quòd partes suæ copulantur ad unum terminum communem, id est idem punctum numero, quod terminat partem præcedentem, & initiat partem sequentem.

Superficies sic diffinitur à Mathematico. Superficies est longitudo & latitudo siue profunditate, cuius extrema sunt duæ lineæ. Dicitur longitudo & latitudo, quoniam imaginatur causari ex fluxu lineæ ad latus, ex lineæ ergo habet longitudinē, & ex fluxu eius in latus, habet latitudinem; & est sine profunditate, ut distinguatur à corpore. Dicitur cuius extrema sunt duæ lineæ, quoniam sicut lineæ incipit à puncto per longum: & terminatur ad punctum, sic superficies incipit à lineæ, & terminatur ad lineam, & idèd sicut in lineæ extrema sunt duo puncta, sic in superficie extrema, sunt duæ lineæ. Tu tamen aduerte, quòd hæc diffinitio non uidetur competere, nisi superficiæ finitæ, sicut etiam diximus de diffinitione lineæ. Superficies igitur absolute sumpta, sic uidetur diffinienda, Superficies est longitudo & latitudo sine profunditate, causata ex imaginario fluxu lineæ in latus. Quòd autem superficies sit quantitas per se, patet ex eo quòd est diuisibilis in partes quantitatiuas, & est mensura substantiæ, in qua est. Nam per superficiem cognoscitur, substantiæ longitudo, & latitudo.

Quòd uerò sit quantitas continua, patet ex eo, quòd partes eius copulantur ad unum terminum communem, qui est, una & eadem lineæ, quæ est finis præcedentis partis superficiæ, & principium sequentis.

Corpus autem sic diffinitur apud Mathematicum, Cor
pus

pus est longitudo cum latitudine, & profunditate, cuius extrema sunt duæ superficies. Dicitur longitudo cum latitudine & profunditate, quoniam Mathematicus imaginatur, quòd sicut linea caulatur ex fluxu puncti in longum, & superficies ex fluxu lineæ in larum, sic corpus caulari, ex fluxu uel protractione superficiei in profundum. Vnde corpus à linea habet longitudinem, à superficie latitudinem, & à protractione superficiei profunditatem, & sic corpus ut est species quantitatis, est ipsa trina dimensio. Dico ut est species quantitatis, ut excipiat corpus, quod est genus subalternum in prædicamento substantiæ, quod non est trina dimensio, sed substantia subiecta trinae dimensionis. Dicitur, cuius extrema sunt duæ superficies; quoniam ille fluxus siue protractio superficiei in profundum, incipit ab una & terminatur ad aliam; ideò ille duæ dicuntur extrema corporis. Tu tamen aduerte, quòd hæc diffinitio competit corpori finito, sicut diximus de linea & superficie, nam in corpore infinito repugnat dari duas superficies terminatiuas. Vnde corpus ut est species quantitatis absolute sumptum, sic uidetur definiendum, Corpus est longitudo & latitudo, & profunditas, ausata ex tractu imaginario superficiei in profundum. Quòd autem sit quantitas per se, patet ex eo, quòd si omnis dimensio per se sumpta est quantitas, multò magis trina dimensio simul sumpta. Sed corpus in prædicamento quantitatis est trina dimensio per diffinitionem datam. Ergo est multò magis quantitas, quàm linea, & superficies. Quod autem sit quantitatis continua, patet ex eo, quòd partes suæ copulantur ad unum terminum communem, quod est una numero superficies, quæ est terminus partis superioris, & principium partis inferioris, & præterea constat corpus esse diuisibile in partes quantitatiuas, quarum quælibet adhuc est diuisibilis in partes eiusdem rationis.

Locus, quoniam est de consideratione Physici, ut patet in quarto Physicorū, sic diffinitur ab Arist. in quarto Physicorum, Locus est superficies corporis continentis, id est, circumdantis locatum. Quòd autem sit quantitas, patet ex

TRACTATUS V. PARS II.

eo quòd mensurat locatum, quod est substàtia corporea, ut uase puta phiala, aut metreta mensuratur uinum, & sextario bladum, & sacco farina. Quod uerò sit quantitas cōtinua, patet ex hoc, quòd locus est superficies, & superficies est quantitas continua, ut docuimus suprà: ergo locus est quantitas continua. Tenet & argumentum per regulam antepredicamentalem, Quando alterum de altero prædicatur, &c. Nec obstat quin locus sit species quantitatis continuæ, distincta à superficie, licet sit superficies, nam superficies potest dupliciter considerari. Primò, in quantum est subiectiue in continente, & sic dicitur quantitas continentis eius superficies. Secundò, in quantum respicit contentum, in continente in ratione contentiua, licet non sit in contento subiectiue, & sic dicitur locus.

Tempus similiter est de consideratione Physici, & sic diffinitur ab Aristotele in quarto Physicorum. Tempus est numerus, id est, mensura motus secundum prius & posterius, & quoniam sensus huius diffinitionis non est intelligibilis à nouitio in Logica, ideò sustine, donec erudiaris in Physicis. Quòd autem sit quantitas, patet ex eo quòd est mensura substantiæ mobilis, ut stat sub motu. Quòd uerò sit quantitas continua, patet, quia partes suæ copulantur, ad idem instans, quod est finis præteriti, & principium futuri. Constat igitur tibi, quò modo sunt quinque species quantitatis continuæ, & quid sit unaquæque earum.

Post considerationem de speciebus quantitatis continuæ, agendum est de speciebus quantitatis discretæ. Sunt autem duæ, scilicet numerus & oratio. Numerus est multitudo ordinata aggregata ex unitatibus. Dicitur multitudo, quoniam sola unitas non facit numerum, sicut nec solum punctum facit lineam. Præterea, omnis quantitas est diuisibilis, sed sola unitas non est diuisibilis, ergo &c.

Dicitur ordinata, quoniam oportet, quòd in numero unitates consequenter se habeant. Dicitur aggregata, ad differentiam partium quantitatis continuæ, quæ
continuantur

continuantur & non solum aggregantur adinuicem.

Quòd autem numerus sit quantitas, patet ex eo, quòd mensurat substantiam. Nam per numerum denarium numeramus decem lapides, & per quaternarium quatuor elementa: numerare autem, est mensurare. Quòd uerò sit quantitas discreta, patet ex supradictis, quoniam partes sue non copulantur ad unum terminum communem, ut docuimus supra. Quomodo autem distinguatur numerus materialis a numero formali, & quomodo solus numerus materialis sit in prædicamento quantitatis, formalis autem sit transcendens, nō est præsentis negotii, sed in libro viij. Metaphysicæ, id tibi manifestabitur. Ideo pro nunc sustine.

Oratio, ut est in prædicamento quantitatis, sic diffinitur. Oratio est mensura distinctorum sonorum, & distinctarum syllabarum, atque dictionū prout ore profertur.

Dicitur mensura distinctorum sonorum, quoniam soni distincti & uoces syllabicate distinctæ, quas oratio dū profertur mensurat, sunt immediatum subiectum orationis, & habent uicem substantiæ, sicut & superficies, dum recipit colorem. Primum uerò, & principale subiectum, est aer expiratus.

Dicitur prout ore profertur, ad differentiam orationis in mente, & in scripto. Nam in mente est in prima specie qualitatis: quoniā perficit, & est subiectiue in intellectu. In scripto autem est in quarta specie qualitatis, quoniam scriptura est species figurationis. Quòd autem sit quantitas, patet ex eo, quòd est mensura substantiæ modo quò dictum est. Quòd uerò sit discreta, patet ex eo, quòd partes eius quæ sunt literæ, & syllabæ, & dictiones, non copulantur ad unum terminum cōmunem, sed permanentes discrete, & ordinate componunt orationem. Licet autem sit discreta quantitas, est tamen species distincta contra numerum, quoniam numerus causatur per replicationem unitatum. Oratio autem causatur ordinatione syllabarum & dictionum absque replicatione, nec replicatio eiusdem prolationis numero fieri posset, cum sit res successiua. Constat igitur tibi quæ sunt species quantitatis

Q discretæ

TRACTATUS V. PARS II. C

discretæ, & quid sint.

Quantum ad tertium principale, agendum est de proprietatibus, & communitatibus quantitatis, & sunt tres.

Prima est, quod quantitati nihil est contrarium, id est quantitati non contrariatur quantitas, sicut nec substantiæ contrariatur substantia, ut declaratum est in cap. præcedenti.

Pro huius evidentia antequam probetur, aduerte primò, quoniam non habere contrarium, ita conuenit substantiæ sicut quantitati, non potest dici proprietas quantitatis.

Quarto modo, sed uel diceretur communitas cum non conueniat sibi soli, uel danda est proprietas secundo modo, quia licet non conueniat soli quantitati, conuenit tamen omni. Secundo aduerte, quod intentio Philosophi est loqui de contrarietate perfecta, & proprie dicta, quæ tres conditiones requirit. Primò, quod sit repugnantia inter duas formas, quæ sint eiusdem generis, ut repugnantia inter albedinem, & nigredinem, quæ continentur sub colore. Secundo, quod ille formæ sint aptæ acquiri per motum & diuisibiliter, sicut calor, & frigiditas, quæ gradualiter, & paulatim acquiruntur in subiecto per calefactionem, & frige factionem. Tertio, quod inter eas, sit maxima distantia, ita quod sub eodem genere non possit maior inueniri, nec intelligi, nec imaginari. Vnde duleedo, & amaritudo contentæ sub sapore, sunt formæ propriæ, & perfectè contrariæ; quoniam sapores magis distantes, & differentes non possunt inueniri, nec intelligi. Cuius signum est, quod omnes alii sapores dicuntur medii, & participant de utroque aliquo modo. Istæ sunt conditiones propriæ, & perfectæ contrarietatis, ex quibus si una deest, non seruatur contrarietas perfecta. Tertio aduerte, quod philosophus intendit quantitati, ut quantitas est, id est absolutæ, & simpliciter sumptæ, nihil esse contrarium, quod iudico: quoniam si consideretur comparatiuè, uel ut stat sub ratione relatiua, puta sub ratione magni, parui, & sub ratione multi, & pauci, uidetur primo aspectu in quantitate esse contrarietatem. Nam magnum uidetur contrariari paruo, & multum paucò, & tamen in ueritate non potest ex his probari ueram, & propriam contrarietatem esse

esse in quantitate, quoniam magis sunt in praedicamento relationis, quàm quantitatis. Nam res dicitur magna comparata alteri, & similiter parua, ut mons est magnus comparatus lapidi, & lapis est paruus comparatus monti, & centum homines sunt multi comparati decem, & decem sunt pauci, comparati centum. Inrentio ergo Philosophi est loqui de contrarietate perfecta, considerando, quantitatem in se, & absolute, & non sub ratione comparatiua, & relativa.

Posita hac declaratione, probatur hæc conclusio, Quantitati ut quantitas est, nulla quantitas proprie, & perfecte contrariatur, & primo probat eam Aristoteles inductione, dicens, Manifestum est, quoniam nihil est contrarium, ut bicubito, tricubito, uel superficiei, uel alicui talium, &c. Vreum, quia posset aliquis negare idem esse iudicium de omnibus aliis quantitatibus, ideo aliter probandum est, & arguitur ratione sic. Quantitas autem est determinata numero, sicut bicubitum, tricubitum, & quatricubitum &c. Aut non determinata, ut linea absolute sumpta, & superficies, & corpus, Si est determinata, deficit sibi conditio secunda posita supra scilicet quod oportet perfecte contraria paulatim, & diuisibiliter acquiri; hoc autem repugnat quantitati determinatae numero, consistit enim bicubitum in diuisibili, sicut & binarius, similiter tricubitum, sicut & ternarius. Si est indeterminata numero, deficit sibi tertia conditio, quæ est maxima distantia. Neque enim potest dari linea adeo longa, quin possit intelligi longior, & superficies latior, & corpus maius in infinitum. Nec est instantia de differentiis localibus in uniuerso scilicet de centro mundi; & superficie orbis lunæ concaua, quæ uidentur extrema maxime distantia, secundum motum grauium & leuium. Hoc inquam non obstat; quoniam, & si sint extrema maxime distantia apud Physicum, qui considerat motum grauium, & leuium; non tamen apud Mathematicum, & Logicum, qui abstrahunt à materia, & motu. Vnde Mathematicus, & Logicus potest intelligere lineam longiorem in infinitum, quàm sit linea ducta a centro mundi ad concauum orbis lunæ, &c.

TRACTATUS V. PARS II.

consequenti extrema distātia in infinitum, quā sit centrum mundi concavum prædictum. Ergo nec quantitas determinata numero, nec indeterminata habet aliud propriæ, & uerè contrarium.

Sed dices, Si non est uera contrarietas in quantitate, ergo in ea nō est motus, quod est falsum; ut patet in quinto Physicorum. Patet consequentia, quoniam Aristoteles in quinto Physicorum non alia ratione negat motum in substantia, nisi quia in ea non est contrarietas, ut docuimus in cap. præcedenti, ergo &c.

Respondetur ad hoc, quod inter aliqua duo sit motus, non oportet quod sint perfectè contraria, secundum tres prædictas condiciones, sed sufficit quod habeant duas, scilicet sint termini à quo, & ad quem eiusdē generis, & sint diuisibiliter ac paulatim acquisibiles. Non est autem necesse, quod sint maximè distantes. Nam a calido ut duo, ad calidum ut octo, datur motus calefactionis, & tamen non maximè distant, cum sint media inter calidum, ut unum, & summè calidum. Et quoniam esse diuisibiliter acquisibile; conuenit quantitati non determinatæ numero; ut patet de loco sursum & deorsum, quoniam sic paulatim ab uno receditur per motum localem sic paulatim ad alterum acceditur, ideo datur in quantitate motus, qui est motus augmenti, & decrementi. Localis autem motus est in prædicamento Vbi; & tibi declarabitur in quinto Physicorum, & tangemus de hoc in postprædicamentis. Et quia hæc conditio deficit in substantia; quoniam cum producat per generationem producitur indiuisibiliter, hac de causa non est motus in substantia. Et ideo non est simile de quantitate, & substantia est. Hæc de prima proprietate dicta sint.

Secunda est, quod quantitas non suscipit magis & minus, antequā probetur. Aduerte duo: primò, quod hæc non est proprietas in quarto modo, quoniam conuenit alteri scilicet substantiæ, ut docuimus in cap. præcedenti. Ergo non est proprietas, nisi secundo modo, quia conuenit omni, sed non soli. Est ergo communitas respectu quarti modi, & proprietas respectu secūdi modi. Aduerte secūdo;

do, quòd aliud est suscipere magis & minus, & suscipere maius, & minus. Nam primum est tendere de esse imperfecto ad esse perfectius, & perfectius per motum acquisitionum formæ recipiendæ in subiecto. secundum est extendi, uel contrahi in maiorem, aut minorem dimensionem. Primum dicitur augmentum secundum maiorem, & maiorem perfectionem; secundum autem dicitur augmentum secundum maiorem, & maiorem extensionem. Philosophus intendit quantitatem non suscipere magis, & secundum primum per sensum, & non intendit negare secundum, aliter negaret augmentum, & decrementum in quantitate. Non enim est aliud augeri quantitativè quàm extendi secundum dimensionem. Minui autem contrahi secundum dimensionem. Verum est ergo dicere, Quantitatem non intendi, sed extendi, non remitti, sed contrahi.

Hanc proprietatem non probat Aristoteles nisi inductione, dicens, Non uidetur quantitas magis & minus suscipere, neque enim aliud alio magis cubitum, neque bicubitum, neque in numero, ut ternarius & quaternarius: nihil enim magis tria dicuntur, quàm quinque, neque tempus aliud alio magis, & minus dicitur, quare quantitas non suscipit magis, & minus. Verum quia Philosophus non facit inductionem, nisi in quantitate discreta, & continua determinata numero, diceret aliquis non esse idem iudicium de continua quantitate non determinata numero, & de numero, quoniam illa non stat indiuisibili, hæc autem sic, ideo bene stat illam posse intendi, & remitti, hanc autem non, propter quod probatur intentum de quantitate absolute sumpta tali ratione. Suscipere magis, siue intendi, causatur per separationem unius contrarii ab altero contrario, ut docuimus in cap. præcedenti. Suscipere autem minus causatur per admisionem unius contrarii cum altero contrario. Nā calorē intēdi, est magis, ac magis separari a frigiditate, remitti autē, est magis, ac magis misceri frigiditati. Sed quātitati, ut quātitas est, nihil est cōtrariū, ergo quātitas, ut quātitas est, nō suscipit magis, & minus. Sic pro nūc dictū sit. Si aut aliter uidebitur, dicemus in Philosophia. Hæc de secūda proprietate quātitatis dicta sūt.

TRACTATVS V. PARS II.

Tertia proprietas est hæc, Maximè proprium quantitatis est, secundum eam æquale uel inæquale dici.

Pro notitia huius proprietatis aduerte duo, deinde probabitur. Primò aduerte ad hoc, quòd hæc proprietas sic in quarto modo, ita quòd omni & soli quantitati conueniat, & semper, oportet intelligere de quantitate finita. Nam sicut inter quantitatem infinitam, & finitam nulla datur proportio, sic nec æqualitas aut inæqualitas, sumendo quantitatem infinitam secundum se totam. Quod dico, quia non inconuenit ex quantitate infinita, sumere partem finitam, puta decem cubitorum, & comparare eam, quantitati alteri, quæ sit quinque cubitorum, tunc cõstat, quòd essent inæquales.

Secundò aduerte, quòd intendit Philosophus hanc esse proprietatem quantitatis dimensiuæ, quoniam de hac solum hic intendit, ut excludamus quantitatem perfectionalem, de qua locuti sumus in principio huius capituli. Nã & secundum eam dicimur æquales uel inæquales, ut Sortes & Plato, sunt æquales in scientia uel autoritate. Senex & iuuenis, sunt inæquales uiribus. Imò omne ens actu comparatum alteri potest dici æquale uel inæquale, quoniam comparatum illi, aut est in eodem gradu bonitatis & perfectionis, & sic est æquale, aut in maiori uel minori, & sic est inæquale.

Hæc proprietas sic declarata probatur ex diffinitione æqualitatis & sui oppositi, & ex diffinitione æqualium & inæqualium. Nam æqualitas est rerum differentium eadem quantitas. Inæqualitas autem, est rerum differentium diuersa quantitas. Aequalia uerò dicuntur, quæ adinuicem comparata nec excedunt, nec exceduntur. Inæqualia uerò sunt, quorum unum excedit aliud. Tunc sic, omnis excessus sumitur ex mensura, & mensura ex quantitate, & solum per ipsam, cum ipsa sola sit mensura substantiæ, ergo omni & soli quantitati conuenit, ut per eam dicatur aliquid æquale, uel inæquale. Hæc de prædicamento quantitatis sint dicta, secundum Logicos reales, & ad intentionem Arist.

Quantum uerò spectet ad nominales, breuibus se expediunt,

pediunt, diffiniunt prædicamentum quantitatis. deinde assignant genus generalissimum, & genera subalterna, usque ad specialissima & indiuidua.

Diffinientes autem dicunt, quod prædicamentum quantitatis est coordinatio plurium terminorum, scilicet uniuersalium & uniuocorum significantium quantitatem secundum sub & supra. Termini autem significantes quantitatem sunt illi per quos respondetur ad interrogationem factam per quantum, aut quot, ut quantus est Sortes, respondetur, bicubitalis, quot sunt homines in templo, respondetur, decem. Bicubitale & decem important quantitatem. Verum quia ut sæpe diximus, apud reales nec prædicabile nec prædicamentum, dicunt solos terminos, sed naturam: ut stat sub illis terminis, adeo tu sequere uiam realem, ut conformiorem Aristoteli, & antiquæ Thomisticæ.

Quantum ad ordinationem prædicamenti, aduerte quod assignant eam sicut Aristoteles, & Logici reales, excepto quod non nominant orationem inter species quantitatis discretæ, sed assignant solum numerum, & ne uideantur contradicere aut deuiare ab Aristotele, qui numerat orationem in quantitate discretæ, dicunt quod Aristotele non loquitur secundum mentem propriam, sed iuxta sententiam Architzæ Tarrentini. Sic igitur ipsius prædicamenti seriem disponunt. Quantitas dimensiuæ est genus generalissimum. Sub quantitate sunt duo genera subalterna, & neutrum est superius ad alterum, nec prædicatur de altero, scilicet, quantitas continua, & quantitas discretæ. Sub continua sunt quinque species, scilicet linea, superficies, corpus, locus, tempus. Horum indiuidua sunt hæc linea, hæc superficies, hoc corpus, hic locus, hoc tempus. Sub discretæ est numerus, sub numero sunt species in infinitum, ut binarius, ternarius &c. Sed sub qualibet numeri species sunt sua indiuidua, ut hic binarius, hic ternarius.

Hæc de prædicamento quantitatis dicta sint, ad mentem nominalium, & realium.

De prædicamento ad aliquid, id est, relationis. CAP. III.

IN quarto cap. agendum est de prædicamento ad aliquid, de quo tria uidenda sunt. Primum, quid sit. Secundum, quæ sint

TRACTATUS V. PARS II.

genera siue species suæ. Tertiò, quæ sint proprietates siue communitates suæ.

Quantum ad primum aduerte, antequàm deueniamus ad diffinitionem ipsius, quòd ad aliquid siue relatiuum est duplex, scilicet secundum esse, & secundum dici. Relatiuum secundum esse, est illud, quod principaliter & essentialiter dicit respectum ad aliud, ut duplum & dimidium, pater & filius. Relatiuum secundum dici, est illud, quod principaliter & essentialiter dicit absolutum, puta de genere qualitatis, ut scientia & sensus, & opinio. aut de genere substantiæ, puta manus, caput, pes. nam licet scientia, & sensus, & opinio importent principaliter qualitatem & perfectionem, siue in prima siue in secunda specie qualitatis, ut declarabitur in capite sequenti, tamen secundariò & connotatiue important respectum ad alterum. Scientia enim est scibilis scientia. & sensus est rei sensibilis sensus. & caput licet principaliter importet partem substantiæ, tamen connotant respectum ad alterum, est enim caput capitati caput. & manus manûati manus. His prænotatis aduerte, quòd apud Aristotelem & Logicos reales, datur de ad aliquid duplex diffinitio. Prima competit relatiuis secundum esse, & secundum dici. secunda autem relatiuis secundum esse tantum, & est correctiua primæ. nam prima datur secundum sententiam ueterum, secundam autem dat Aristoteles secundum mentem propriam.

Prima igitur diffinitio est hæc, Ad aliquid dicuntur quæcunque hoc ipsum quod sunt, aliorum esse dicuntur, uel quomodo libet aliter ad aliud, ut pater, filii pater: Dominus, serui dominus.

Pri mò dicit dicuntur, & non dicit sunt, ut innuat, quòd hic non tractat de relatiuis principaliter, ut sunt entia realia. Id enim spectat ad Metaphysicum. Vnde in lib. v. Metaphysicæ ex proposito pertractat Aristoteles de modis relatiuorum. Pertractat autem hic de eis insecutionaliter secundum quod referuntur ad dici & prædicari. Nonnulli arbitrantur, quòd Aristoteles utatur hoc termino dicuntur, ut innuat quòd hæc diffinitio non est ex sua sententia, sed ex

sen-

sententia Pjatonis, & ided dabit secundam diffinitionem, ut uidebis, quæ erit ad mentem suam.

Secundò dicit, Quæcunque hoc ipsum quod sunt aliorum esse dicuntur, idest, Dicuntur esse omnia illa, quæ secundum illud quod important uel significant, referuntur ad aliud, ut ad terminum & dicit aliorum, id est in genitiuo casu, ut duplum refertur ad dimidium, & econuersò, in genitiuo. Dicitur enim duplum dimidii duplum, & dimidium dupli dimidium, & pater, filii pater, & filius, patris filius.

Tertiò dicit, uel quomodolibet aliter ad aliud. Hoc exponitur dupliciter. Primo sic, uel quomodolibet aliter, id est uel posito, quòd non significant solum respectum ad aliud, dummodo connotent respectum, dicuntur ad aliquid, & sic per hanc particulam denotat relatiua secundum dici, per primam autem denotat relatiua secundum esse. Secundo sic, uel quomodolibet aliter, id est uel referuntur ad aliud, ut ad terminum non solum in genitiuo, sed quomodolibet aliter, puta siue in datiuo, siue in accusatiuo. Nam quædam relatiua dicuntur ad suum correlatiuum in genitiuo, ut dominus, serui dominus, quædam in datiuo, ut similis simili similis, uicinus uicino uicinus, quædam in ablatiuo, ut maius, minore maius, quædam in accusatiuo, ut mons magnus, ad montem paruum. Sensus ergo diffinitionis est iste, Relatiua dicuntur, quæcunque essentialiter important respectum uel connotant aut respectum ad aliud ita quòd se referunt in genitiuo, uel datiuo, uel accusatiuo, uel ablatiuo. Hæc est prima diffinitio.

Secunda talis est, Ad aliquid sunt, quibus hoc ipsum esse, quod sunt, est ad aliud quodammodo se habere. Hæc diffinitio datur ab Aristotele, ut correctiua præcedentis, ea namque ut diximus communis est relatiuis simpliciter dictis, quæ sunt relatiua secundum esse, quæ proprie reponuntur in prædicamento ad aliquid, & relatiuis secundum quid, quæ sunt relatiua secundum dici, & quo ad principale significatum sunt in alio prædicamento, quàm ad aliquid, ut scientia, sensus, opinio in prædicamento qualitatis. Caput autem, & manus, & pes in prædicamento substantiæ reductiue.

TRACTATUS V. PARS II.

Iudiciuē. Dicit igitur Aristoteles, quod ad aliquid propriè & simpliciter sunt, non quæcunq; quomodolibet ad aliud sunt, ut dicit prima diffinitio, sed quibus hoc ipsum, quod sunt, est ad aliud se habere, quodammodo, id est speciali modo, & non quocūque modo. Hic autem modus specialis est, ut non secundo, sed principaliter & essentialiter dicant respectum, ut in hoc distinguantur relatiua secundum dici a relatiuis secundum esse. Constat igitur, quis sit sensus utriusque diffinitionis.

Quantum ad secundum aduerte, quod sub ad aliquid, ut est genus generalissimum, assignantur tria genera subalterna, quæ dicuntur relatio æquiparantiæ, relatio superpositionis, relatio suppositionis, & sic describuntur.

Relatio æquiparantiæ est illa, quæ in utroque extremo denotat æqualitatem, ita quod neutrum excedit alterum, nec exceditur. Species huius generis sunt uicinitas, similitudo, amicitia, æqualitas, & ad denotandum huiusmodi æqualitatem solent relatiua æquiparantia nominari eodē nomine cum suis correlatiuis, quia fundantur super eandem formam simul cū suis correlatiuis, ut duo albi dicuntur similes, duo ejusdem quantitatis, dicuntur æquales, duo in mutua dilectione, dicuntur amici.

Relatio superpositionis est illa, quæ in suo relatiuo denotat maioritatem super correlatiuum, ut paternitas in patre super filium, dominium in domino super seruum. Unde relatiua superpositionis dicunt respectum excedentis ad excessum, id est maioris ad minus. Superponitur enim maius minori: ut pater filio, dominus seruo, magister discipulo.

Relatio suppositionis est illa, quæ in suo relatiuo denotat minoritatem erga suum correlatiuum, ut filiatio in filio erga patrem, & seruitus in seruo erga dominum. Unde relatiua suppositionis sunt illa, quorum significata indigniora sunt significatis correlatiuorum, ut seruus, filius, discipulus, est enim filius natura inferior patre, & seruus domino, &c.

Species relationis æquiparantiæ dictæ sunt, species autem relationis superpositionis sunt duplum ad dimidium, triplum

tripulum ad duplum, & sic ascendendo in numeris, dominus ad seruum, pater ad filium &c. Species autem suppositionis sumuntur e conuerso, ut dimidium ad duplum, duplum ad tripulum, seruus ad dominum. Et aduerte, quod hic non sumuntur superpositio & suppositio secundum sub & supra in linea praedicamentali, aliter nnum praedicaretur de altero, puta quod seruus est dominus, quod est impossibile. Sed sumuntur secundum sub & supra in maiori-
tate, & minoritate, ideo unum non praedicatur de altero, sed opponitur alteri oppositione relatiua, de qua dicemus infra. Constat igitur tibi, quae sint genera subalterna, & species in ad aliquid. De modis autem relatiuorum, non est praesentis negotij pertractare, sed spectat ad librum quintum Metaphysicæ.

Quantum ad tertium, agendum est de communitatibus & proprietatibus relatiuorum. Et hic duo agenda sunt. Primò, declarandæ sunt communitates & proprietates eorum, quæ sunt quatuor. secundò assignanda sunt. duo collaria, & declaranda.

— Prima, quæ est communitas, est hæc, Contrarietas est in relatione. nam uirtus contrariatur uitio, & sciëntia ignorantiae. Sed hæc sunt in relatione, refertur enim uirtus ad opus uirtuosum, & uitium ad opus uitiosum, & scientia ad scibile, & ignorantia ad ignoratum. Ergo constat, quod contrarietas est in relatione. Aduerte, quod dicitur communitas, quoniam non conuenit soli relationi, conuenit enim qualitati, ut dicemus in capi sequenti. Item nō conuenit omni relationi, quoniam neque duplo neque triplo est aliquid contrarium. Est ergo communitas.

Sed aduerte, quod hæc communitas indiget multa declaratione. Primò magis seruat in relatiuis secundū dici, quā secundum esse: cuius signū est, quod Aris. exēplificat de relatiuis secundum dici, qualia sunt, uirtus & uitium, scientia & ignorantia, secundò hæc cōitas est uera, nō ratione ipsorum respectuum, sed ratione fundamentorum. Nam quia uirtus & uitium sunt qualitates oppositæ, super quas fundatur duo respectus, unus super uirtutem ad actum uirtuosum, alter super uitium ad actum uitiosum, ideo

ideo dicitur quod in relatione est contrarietas. Tertiò aduerte, quod duo relatiua opponuntur relatiue & contrarie. Relatiue quidem, ut comparantur ad sua correlatiua. Contrariè autem ratione fundamentorum, quæ sunt qualitates contrariæ. Quarto aduerte, circa exemplum datum de scientia & ignorantia, quod ignorantia nõ contrariatur scientiæ, nisi sit ignorantia erronea, ut præseruem ignorantiã simplicis negationis, qualis est in idio-
ta. Hæc enim non contrarie sed priuatiue opponitur scientiæ, ut declarabitur tibi in postprædicamentis. Hæc de prima communitate dicta sunt.

Secunda, quæ est communitas, talis est. Relatiua suscipiunt magis & minus, ut aliqua duo dicuntur magis similia, quàm alia duo. Verbi gratia, duo calida intensa, sunt magis similia, quàm intensum calidum, & remissum calidum. Præterea, linea cubitalis & bicubitalis sunt minus inæquales, quàm cubitalis & decem cubitorum. Hæc autem est cõitas, quia non soli relationi cõuenit. Nã cõuenit qualitati. Item nõ conuenit omni, non enim conuenit relatiuis denominatis à numero, ut duplo, triplo & quadruplo. Consistunt enim in indiuisibili sicut & numeri. Sed aduerte, quod hæc communitas non uerificatur de relatiuis nisi propter fundamenta. Nãm si fundamenta nõ suscipiunt magis & minus, nec etiam relatiua. Vnde quia qualitates fundantes similitudinem & dissimilitudinem suscipiunt magis & minus, puta quia in uno extremo est perfectior albedo, in alio autem parum imperfectior, dicentur dissimilia. Si autem in alio sit adhuc imperfectior, dicentur magis dissimilia, ex quibus patet, quod contrarietas, & intensio & remissio non conueniunt per se, sed per aliud relatiuis. Soli aut æqualitati conueniunt primò, & per se, ut tibi declarabitur in cap. sequenti.

Sed dices, Arist. uult, quod inæquale sicut dissimile suscipiat magis & minus, sed inæquale fundatur in quantitate, de qua diximus in cap. præcedenti, quod non suscipit magis, ergo inæquale nec per se, nec ratione fundamenti suscipit magis & minus.

Respondetur, quod suscipit magis & minus ratione fundamenti

damenti. Nam licet quantitas ut quantitas denomine-
tur à numero, & non suscipiat magis & minus, tamen non
inconuenit quantitati non denominatae à numero susci-
pere magis & minus, ut declarabimus in quarto Physico-
rum in cap. de uacuo, in quaestionibus nostris. Vel dicen-
dum, quòd quantitas suscipit magis & minus extensue, si-
cut qualitas intensue, & hoc sufficit ad saluandum quòd
relatiua suscipiunt magis & minus. Hæc de secunda com-
munitate dicta sunt.

- Tertia, quæ est proprietas, talis est, Relatiua dicuntur
ad conuertentiam, ut pater, filii pater, & filius, patris filius.
Pro cuius notitia, declarandum est, quid sit conuertentia,
& quid dici ad conuertentiam. Tu igitur aduerte, quòd
differentia est inter conuertentiam & conuertibilitatem,
& conuersionem. Nam conuertentia est mutua depen-
dentia duorum correlatiuorum in aliquo casu, puta in ge-
nitiuo, uel datiuo, uel ablatiuo, & dici ad conuertentiam,
est aliqua referri inter se, secundum mutuam dependen-
tiam in aliquo casu, puta pater dicitur ad filium, per con-
uertentiam, quia pater est filii pater, est filii pater, & econ-
uersò filius est patris filius. In datiuo autem dicuntur re-
latiua æquiparantiæ ad conuertentiam, ut æquale est æ-
quali æquale, simile est simili simile: Amicus est amico a-
micus &c. Et in hoc sensu conuertentia est proprietas ue-
ra relatiuorum, quia non conuenit alicui absoluto, ut ab-
solutum est. Conuertibilitas autem est æqualis duorum
terminorum conuertibilium uerificatio. Sunt autem ter-
mini conuertibiles, qui mutuò de se inuicem & æque am-
ple uerificantur, huiusmodi sunt subiectum & propria pas-
sio, ut homo & risibile, Diffinitio & diffinitum, species
& differētia specifica, ut homo & rationale. Nam de quo-
cunque prædicatur unum, prædicatur alterum, & de se
mutuò prædicantur. Et ab uno ad alterum, & econuer-
sò in subsistendo ualeat consequentia. Nam bene sequi-
tur, Homo est, ergo risibile est, ergo rationale est, ergo a-
nimal rationale est. Et hæc non est proprietas relatiuorum,
sed potius terminorum incomplexorum conuertibilium,
Conuersio autem, est trāsmutatio prædicati in subiectum
&

TRACTATUS V. PAR. II.

& econuersò, & est propositionum & non terminorum; ut supra docuimus agentes de conuersionibus, propositionum categoricarum. Constat igitur tibi, quid sit relatiua dici ad conuertentiam.

Quarta est proprietas, quæ talis est, Relatiua sunt simul natura, ita quod posito uno ponitur reliquum, & re motò uno remouetur reliquum. Neque enim est intelligibile, quod ponatur pater & non ponatur filius, aliter non dicerentur ac conuertentiam. Neque est imaginabile, quod ponatur duplum, & non ponatur dimidium, respectu cuius dicitur dimidium.

Sed aduerte, quod hæc proprietas requirit duas conditiones. Primò, quod sumantur in esse relatiuo, & non quantum ad eorum fundamenta. Nam quantum ad eorum fundamenta, non inconuenit unum esse prius, alterum posterius, ut pater & filius, ratione qua sunt homo. In ratione autem generantis & geniti sunt simul natura, quoniam generans est alicuius geniti generans, & genitum est ab aliquo generante genitum. Secundò oportet, quod intelligatur simul natura actu, uel potètia. Quod dico propter relatiua secundum dici, qualia sunt scientia & scibile, sensus & sensibile. Virtus, & opus uirtuosum. Nā non est necesse, quod si est sensibile in actu, sit sensus in actu. Stat enim lapidem esse in fundo maris, & tamen à nullo sentiri, & idèd sic intelligendum est. Si utrūq; relatiuum in esse relatiuo est actu, sunt simul natura actu. Si autem utrunque in esse relatiuo est in potentia, sunt simul natura in potentia. Hæc de quarta proprietate dicta sint.

Positis proprietatibus & communitatibus relatiuorum assignanda sunt duo corollaria ad mentem Aristotelis & logicantium realium.

Primum est, Relatiua posita se ponūt, & perempto uno perimitur reliquū. Quod sic intelligitur, Si ponitur unū ponitur reliquum, & corrupto uno corrumpitur reliquū, & hoc corollarium pendet à quarta proprietate. Nam bene sequitur, Relatiua sunt simul natura, ergo simul incipiunt, & desinunt, ea enim sunt simul natura, quorum

rum est unus ortus et occasus; ergo posita se ponunt, & perempto uno perimitur reliquum.


Sed aduerte, quòd duæ conditiones requiruntur. Primò, quòd considerentur in esse relatiuo, & non quo ad fundamenta; scilicet, in quantum res absolutæ sunt. Nam licet non ponatur filius, ut filius, nisi ponatur pater, ut pater, neq; desinat esse filius, ut filius, nisi desinat pater ut pater, tamè filius ut homo potest poni corrupto patre, ut homo est, & econuerso. Vnde solet dici, quòd hoc corporeū uerificatur de relatiuis formaliter acceptis, & non materialiter siue fundamentaliter consideratis. Secundò, quòd sumatur correlatiuum totaliter, & non solum partialiter. Quod dico quoniam corporeum patris est filius. Vnde posito, quòd unus pater haberet decem filios, & non riatur aliqui, propter hoc non desinit esse pater, nisi partialiter, s. respectu filiorū defunctorum. Ad hoc autè, quòd omnino desinat esse pater, oportet quòd omnes filii deficiant, quoniam omnes simul sumpti sunt totale corporum patris. Sed id ad plenum tibi manifestabitur in quinto Metaphysicæ sequendo uiam Thomisticam.

Secundum est, si quis diffinit, id est determinat, & resolute nouerit unum relatiuorum, noscet & reliquum.

Vt si quis determinate nouit quid sit duplum, noscet determinate cuius sit duplum, quia dimidii, & ratio huius est, quia vnum diffinitur per reliquum, & econuersò, ita quod in diffinitione dupli ponitur dimidium, & econuersò, & in diffinitione domini ponitur seruus, & econuersò. Vnde in eodem instanti fertur intellectus relatiuum, & suum correlatiuū. Cum igitur diffinitio faciat determinate scire diffinitum, & relatiua mutuò diffiniuntur, ergo mutuo cognoscuntur.

Sed dices, Si mutuò diffiniuntur, ergo est circulus in diffinitionibus, qui reprobatur in primo Posteriorum.

Respondetur, prohibetur circulus in absolutis, quia nō sunt de mutuo intellectu; licet enim animal sit de intellectu hominis, non tamen econuerso. Quoniam autem relatiua, sunt de mutuo intellectu, idè non inconuenit circulas in eorum diffinitionibus.



TRACTATUS V. PARS II.

Hæc de prædicamento relationis dicta sint ad mentem Philosophi & Logici realis.

Nominales uerò de hoc prædicamento citò se expediunt. Nam diffiniunt illud eodem modo, sicut & reliqua prædicamenta, & assignant genus generalissimum, & genera subalterna, & species specialissimas.

Diffiniunt autem sic: Prædicamentum ad aliquid, est ordinatio plurium terminorum, scilicet uniuocorum, & de pluribus prædicabilium secundum sub, & supra, & significantium relationem. Termini autem significantes relationem sunt illi, per quos conuenienter respondetur ad interrogationem factam de aliquo ad quid est. Nam sicut in prædicamento substantiæ interrogatio fit per quid, & in prædicamento quantitatis per quantum, & in prædicamento qualitatis per quale, sic in prædicamento relationis fit interrogatio per ad quid. Ut quando queritur ad quid refertur, uel dicitur pater, respondetur ad filium, & dominus ad seruum, &c.

Hanc autem huius prædicamenti seriem sic disponunt. Genus generalissimum est relatio, supple realis, ut excludamus relationem rationis, quæ cum sit ens rationis, in nullo est prædicamento, ut identitas, qua Sortes est idem sibi ipsi. Sed de hoc agendum est in libro quinto Metaphysicæ, est autem realis & prædicamentalis relatio, quæ tres conditiones habet. Primò, quid extrema sint entia realia, cuius defectu relatio prædicati ad subiectum speciei ad genus, non est realis. Secundò, quòd extrema sint entia realia realiter distincta ab inuicem, cuius defectu relatio identitatis, quæ est eiusdem ad seipsum, non est realis. Tertiò, quòd extrema sint eiusdem ordinis, id est, quòd mutuam habeant dependentiam ab inuicem, cuius defectu relatio inter Deum & creaturam ex parte Dei nõ est realis, quia Deus est penitus independens. Relatio igitur realis, est genus generalissimum. Sub relatione sunt tria genera subalterna, scilicet, Relatio æquiparantiæ, Relatio superpositionis, Relatio suppositionis. Sub relatione æquiparantiæ sunt istæ species. Vicinitas, amicitia, æqualitas, similitudo, quarum indiuidua sunt, hæc uicinitas, hæc

tas, hæc amicitia, hæc æqualitas, hæc similitudo. Sub relatione superpositiōis, sunt istæ species, scilicet. Paternitas, Dominium, Magisterium, Maioritas, & sua indiuidua sunt hæc, Hæc paternitas, hoc dominium, hoc magisterium, hæc maioritas. Sub relatione suppositionis sunt istæ species, scilicet, filiatio, seruitus, disciplinatus, minoritas, & indiuidua sunt hæc, Hæc filiatio, hæc seruitus, hæc minoritas, hic disciplinatus, & hic terminatur intentio, nostra, super prædicamentum ad aliquid,

De prædicamento Qualitatis.

CAP. V.

In quinto cap. agendum est de prædicamento qualitatibus ad mentem Aristoteli. & Logici realis, de quo quatuor uidentur. Primò, de qualitate quid sit. Secundo, quæ, & quot sint species qualitatis. Tertio agendum est de concreto qualitatibus, quod dicitur quale. Quarto, agendum est de communitatibus, & proprietatibus qualitatis.

Quantum ad primum aduerte, quòd apud Aristotelem qualitas est, secundum quam quales dicimur, ut secundum iustitiam iusti. Quæ quidem diffinitio datur ab effectu, & a posteriori. qualitas enim est causa formalis, qua effici-mur quales, & si accipiat, ut sonat, & non aliter exponatur, non conuenit soli quantitati prædicamentali. Nam & per differentiam essentialem dicimur quales, ut qualis est homo, responderetur, rationalis. Vnde & Porphyrius dicit in prædicabilibus, quòd homo differt ab equo rationali qualitate, & per actionem dicimur quales, similiter per passionem. Vt qualis est Sortes, responderetur, est scribens, uel calefactus &c. Vt ergo sit propria diffinitio qualitatis prædicamentalis, sic intelligenda est, Qualitas est forma accidentalis, secundum quam primò, & per se dicimur, id est denominamur quales.

Per ly forma accidentalis excluditur differentia essentialis, quæ secundum rem non est qualitas, sed tantum secundum modum prædicandi, ideo non est in prædicamento qualitatis, sed substantiæ.

Per ly primò, & per se, excluditur actio & passio, quoniam per eas non dicimur quales, nisi quia sunt viæ ad qua-

R litate

TRACTATVS V. PARS II.

litates, ut calefactio ad calorem, & frige factio ad frigiditatem. Vnde secundo, & non primo, & per se per eas dicimur quales.

Per ly dicimur non est intentio Arist. intelligere nos solos homines, quasi quod tantum homo recipiens qualitatem, denominatur qualis, sed est modus sic loquendi. Vnde ut extendatur definitio, uniuersaliter potest sic formari, Qualitas est forma accidentalis, secundum quam omne receptiuum qualitatis primo, & per se dicitur quale. Et sic declarata, & formata conuenit omni, & soli qualitati.

Quantum ad secundum aduerte, quod apud Arist. quatuor sunt species qualitatis, quæ quidem non sunt speciosissimæ, sed subalternæ, quoniam quælibet earum est habens sub se species, ut tibi manifestabitur.

Prima est habitus, & dispositio, pro cuius resolutione quatuor agenda sunt. Primo, quomodo comparatur dispositio ad habitum. Secundo, quid sit habitus, & dispositio, ut sunt duo genera qualitatis condistincta. Tertio, in quo differunt, & in quo conueniunt. Quarto, quæ qualitates in hac prima specie reponuntur.

Quantum ad primum aduerte, quod dispositio dupliciter considerari potest. Primo, generaliter pro omni qualitate, qua disponitur subiectum ad operandum operationes sibi debitas, siue sint perfectæ, siue imperfectæ. Secundo, particulariter pro omni qualitate, qua imperfectè disponitur subiectum ad operandum operationes sibi debitas, licet imperfectas. In primo sensu dispositio est genus ad dispositionem particulariter dictam, & ad habitum, & in hoc sensu tam habitus, quam dispositio particulariter dicta sunt dispositio. Vnde in hoc sensu intelligendum est illud, quod dicit Arist. quod omnis habitus est dispositio, quoniam omnis habitus disponit subiectum ad operandum. In secundo sensu dispositio est species qualitatis distincta contra habitum, sicut distinguitur imperfectum contra perfectum, & non prædicatur de habitu affirm. sed nega. Et in hoc sensu intelligitur, illud, quod dicit Arist. dispositiones non necesse habitus esse. Nam qui dispositi sunt, non omnino retinent habitum. Constat ergo quomodo dispositio est genus

nus ad habitus, & dispositionem, & quomodo est species distincta contra habitum.

Quantum ad secundum aduerte, quòd habitus est qualitas radicata in subiecto de difficili mobilis, qua perfectè & permanenter disponitur subiectum ad operandum operationes sibi conuenientes, tam in bonum, quàm in malù. Vnde omnis scientia perfectè acquisita, est habitus. Omnis ars, omnis uirtus, omne uitium, cum radicata hæc fuerint in anima, sunt habitus, quia non de facili transmutantur, nec remouentur a subiecto. Dispositio uero condistincta contra habitum, quam Aristoteles appellat affectionem, est qualitas de facili mobilis, & cito permutabilis a subiecto, non disponens ipsum ad operandum, nisi leuiter & imperfecte. Et exemplificat Aristoteles de calore & frigiditate, de sanitate, & ægritudine, & aliis huiusmodi. Nam inquit Aristoteles, Cito afficitur homo circa eas, & citò permutatur, ut ex calido sit frigidus, & econuerso, ex sano æger, & econuerso, nisi forte in his, quæ per temporis lōgitudinem in naturā cuiusque transferuntur, ut ægritudo longitudine temporis effecta insanabilis, ut prius, podagra, hydropisis, paralysis. Tunc enim non dispositiones siue affectiones, sed habitus, quis uocabit. Constat igitur, quid sit habitus, & dispositio, ut sunt species condistinctæ.

Quantum ad tertium aduerte, quòd habitus, & dispositio conueniunt in forma significata. Nam eadem qualitas potest dici dispositio, & habitus in quantum actuat, & qualificat subiectum disponens ipsum ad operandum. Sed differunt in modo disponendi. Nam si talis qualitas nondum sit perfectè acquisita, nec formata in subiecto, dicitur dispositio, ut scientia, & ars, & uirtus, quando incipiunt de nouo acquiri, sicut contingit in discipulis. Disponitur enim subiectum imperfecte per ipsam. Si autem perfectè acquisita fuerit, ut ars in artifice iam exercitato, tunc dispositio transit in habitum, & sic constat, quòd habitus differt a dispositione in duobus. Primo, quia habitus est qualitas permanentior, & diuturnior: Dispositio autem est de facili transiens, nisi longitudine tem-

TRACTATVS V. PARS II.

poris, & exercitio transeat in habitum. Secundo differunt, quia habitus potest dici dispositio, sed non econuerso. Nā qui habet habitum, dispositus & aptus est operari secundum habitum remoto impedimento, & in hoc sensu dispositio est, quid superius ad habitum, genus ad speciem, ut docuimus supra. Constat ergo quomodo conueniunt, & differunt.

Quantum ad quartum aduerte, quòd in hac prima specie qualitatis continentur omnes qualitates habilitantes, & disponentes subiectum ad operandum operationes sibi conuenientes. Tales sunt omnes qualitates, & corporales, & spirituales disponentes subiectum ad operandum, quæ si firmatæ sunt, dicuntur habitus; si non firmatæ, dicuntur dispositiones. corporales quidem sunt, sanitas, & suum oppositum, pulchritudo, & suum oppositum; elegantia, & suum oppositum: robur & suum oppositum. Nam formæ contrariæ sub eodem genere continentur, spirituales sunt habitus animæ tam morales, quàm intellectuales. Morales quidem sunt temperantia, fortitudo, iustitia, & prudentia, & alii habitus, de quibus pertractauimus in tertio, quarto, & quinto Ethicorum, & uitia eis contraria. Intellectuales sunt, sapientia, scientia, intellectus, id est, notitia primorum principiorum, ars tam liberalis, quàm mechanica, & opinio, ut uirtutes infusæ. Omnia hæc sunt in prima specie qualitatis, utpote habilitantia subiectum ad operandum.

Secunda species, scilicet subalterna, dicitur naturalis potentia, uel impotentia, de qua tria uidenda sunt. Primò, quid sint. Secundo quomodo conueniunt, & differunt ab habitu, & dispositione. Tertiò, quæ qualitates in hac specie reponantur.

Quantum ad primum aduerte, quòd naturalis potentia est congenita, & inseparabilis rei proprietates, qua ex sua natura, ut principio formali potens est operari operationes sibi conuenientes a natura, & potens est resistere contrariis, & nociuis, ut animal dicitur sanatiuum ex uirtute sua naturali, quando potens est operari opera sua naturalia, & potest resistere malis accidentibus, ne patiatur ab eis.

Na-

Naturalis autem impotentia est congenita, & inseparabilis rei proprietas, qua ex sui natura & complexione impotens est ad operandum operationes sibi debitas, nec resistere potest contrariis, & nociuis accidentibus. Ut homo dicitur egrotatiuus, quia naturalem impotentiam habet operandi opera sua naturalia, nec resistere potest contrariis, sed de facili patitur ab eis. Et sicut dictum est de sanatiuo, & egrotatiuo, intellige etiam de duro, & molli. Durum enim dicitur naturalem uigorem, quo potest resistere secanti, uel percutienti, uel perfuranti. Molle uero dicitur per naturalem debilitatem, qua non potest resistere secanti, uel percutienti, &c. Sed facile cedit eis, ita quod de facili secatur, aut percutitur, aut profernitur.

Quantum ad secundum aduerte, quod habitus, & dispositio, & naturalis potentia, uel impotentia, conueniunt, & differunt. Conueniunt quidem, quoniam sunt principia formalia subiecto, in quo sunt operandi, ut sibi conuenit. Differunt autem in duobus. Primo, quoniam habitus, & dispositio sunt qualitates aduentitiae, & non congenitae, sed acquiruntur, aut exercitio, & consuetudine, sicut habitus corporales, & morales similiter dispositiones, aut inuentione, aut doctrina, ut habitus, & dispositiones intellectuales. Propterea non sunt inseparabiles a subiecto. Naturalis uero potentia, & impotentia, non exercitio, non inuentione, non disciplina, sed ex forma rei, & ex complexione rei, ut patet in naturalibus simplicibus & compositis, aut simplici essentia rei, ut in immaterialibus substantiis emanant. Ideo sunt congenitae & inseparabiles a subiecto, & dicuntur naturales habitudines. Secundo differunt, quoniam dispositio praedicatur de habitu modo, quo declaratum est supra, nunquam autem impotentia praedicatur de potentia ut patet.

Quantum ad tertium aduerte, quod in hac specie reponuntur omnes aptitudines, & inclinationes naturales, quibus unaquaeque res mouetur ad operandum, uel consequendum finem suum, ut caliditas in igne, grauitas in lapide, lux in Sole, & oēs rerum propriae passionēs, ut risibile, rudibile, disciplinabile, &c. & oēs inclinationes, ac dispositio-

TRACTATUS V. PARS II.

tiones, quæ insunt diuersis indiuiduis, ex influxu causarum superiorum, quibus absque habitu acquisito, apti, & inclinati sunt ad uaria humana opera, & artificia, moralia, & intellectualia, iuxta quas aliqui dicuntur ex naturali inclinatione iusti, aliqui opposito modo, aliqui naturaliter temperati, fortes, magnifici, ueraces, aliqui opposito modo, & omnes dispositiones corporales ingenitæ quibus redditur homo aptus ad diuersa exercitia, corporalia, laudabilia, absque habitu acquisito: ut naturaliter cursores, pugiles, athletæ, gratiosi lusores ex naturali eutropelia.

In eadem specie qualitatis sunt omnes animæ vegetatiuæ potentiæ, omnes animæ sensitiuæ potentiæ, exteriores, & interiores, omnes animæ intellectiuæ potentiæ, tam appetitiuæ, quam intellectiuæ. Omnes potentiæ, motiuæ, tam directiuæ, quam imperatiuæ, & executiuæ. De quibus omnibus plenam notitiam habebis in secundo, & tertio de anima, in epitomatibus nostris naturalibus. Hæc de secunda specie qualitatis dicta sint.

Tertia species dicitur passio, & passibilis qualitas, de qua tria uidentur. Primo, quid sit passio, & passibilis qualitas. Secundo, quæ & quot qualitates in ea reponuntur. Tertio, soluetur dubium.

Quantum ad primum, ut scias in quo sensu sumitur passio hic, & in quo sensu passibilis, aduerte, quod passio tribus modis sumitur. Primo, in quantum respicit agens, a quo est actio, cuius effectus est ipsa passio, ut calefactio passiuæ se habet ad calefactionem actiuam, ut effectus eius, ut dicetur tibi infra, & in hoc sensu non est species qualitatis, sed prædicamentum particulare, ut manifestabimus infra. Secundo, sumitur pro motu appetitus sensitiui, quo impellimur ad aliquid agendum, & quo alteratur corpus, qualis est timor, audacia, desiderium, amor, odium, spes, ira, de quibus omnibus loquemur in tertio de anima, & sic passio est quidem in prædicamento qualitatis, quoniam qualificat subiectum. Interrogamus enim de Socrate, qualis est, & respondetur, quod est iratus, aut audax, aut timorofus, aut tristis, &c. Sed passio sic dicta est in secunda specie, sicut est potentia animæ appetitiua. Tertio, sumitur

mitur pro qualitate sensibili, id est ab aliquo quinque sensuum perceptibili, citò transiens, nec denominans subiectum, quale simpliciter, sed secundum quid; ut tibi declarabitur, & sic de ea est hic sermo habendus. Sic autem definienda est, Passio est qualitas citò transiens inferens passionem, uel illata ab aliqua passione; ut pallor proueniens ex timore, uel ira, & rubedo ex uerecundia. Passibilis uero qualitas non dicitur passibilis, quasi sit apta pati tantumquam subiectum patiens, aut passibile. Sed dicitur passibilis, quia causat passionem in sensu, dum sentitur. Verum nisi aliud addatur, non distinguetur à qualitate, quæ dicitur passio. Nam ut diffiniuimus, & ipsa infert passionem, uel infertur à passione. Vt ergo distinguatur, sic definita est, Passibilis qualitas, est qualitas firmata in subiecto, difficulter uel nunquam separabilis à inbiecto, inferens passionem sensui, dum sentitur, uel illata ab aliqua passione simpliciter denominans subiectum suum quale.

Dicitur firmata in subiecto ad differentiam qualitatis, quæ dicitur passio, quæ quasi transeunter adhæret subiecto; ut rubedo ex uerecundia.

Dicitur difficulter uel nunquam separabilis, quoniam aliqua qualitas est congemita subiecto, ut albedo in niue, color in igne, dulcedo in melle, amaritudo in absinthio, & istæ dicuntur qualitates passibiles inseparabiles, aliqua autem de nouo aduenit subiecto, sed longitudine temporis adeò firmatur, quòd uix amoueri potest, ut color croceus ex ictericia. Et pallor ex phthisi, & amaritudo in lingua ex colera adusta.

Dicitur inferens passionem sensui, dum sentitur, aduerte quòd ut declaratur in lib. de anima, sentire est pati, & sensatio est passio, prout sensibile agit in sensum; & sensus recipit impressionem à sensibili, ideò passibilis qualitas quæ est apta ab aliquo sensu sentiri, dicitur inferre passionem.

Dicitur simpliciter denominans subiectum quale, ut in hoc distinguatur à qualitate, quæ est passio. Nam licet sit essentialiter qualitas, non tamen denominatiuè simpliciter, sed tantum aliquo modo. Vnde dicit Aristoteles, quòd non dicimur rubei, facti rubei, propter uerecundiam.

TRACTATUS V. PARS II.

sed passī ruborem, Pro cuius notitia aduerte, quòd ad denominationem simpliciter dictam, tria requiruntur. Primò, quòd forma insit subiecto pro aliquo gradu intenso, & non simpliciter remissè, huius defectu, tepidum non dicitur calidum simpliciter, quoniam in tepido non est calor, nisi remissè. Secundò, quòd forma informet subiectum secundum totum uel pro maiori parte huius defectu licet Aethiops sit albus dentes tantum, tamen non dicitur simpliciter albus, sed simpliciter niger, quoniam per totum exceptus dentibus est niger. Excipitur autem quando ex parte est aptum denominari totum, ut licet simitas sit tantum circa nasum, & gibbus circa dorsum, & crispitudo circa capillos: tamen homo denominatur simpliciter simus ex naso, crispus ex capillis, gibbosus ex dorso. Tertiò, quod pro aliqua notabili longitudine temporis forma insit subiecto, huius defectu, nec erubescete, dicuntur rubel, nec timentes pallidi, nec lauantes manus in aqua frigida frigidi, sed ruborem, pallorem, & frigiditatem passī. Constat ergo quid sint, & in quo differant passio, & passibilis qualitas. Et si bene aduertes, inuenies quòd sicut se habet in prima specie dispositio ad habitum, sic in tertia specie, Passio ad passibilem qualitatem.

Quantum ad secundum aduerte, quòd in tertia specie qualitatis continentur omnes qualitates, quæ percipiuntur quinque sensibus exterioribus, ut color & omnes species colorū, & sonus, & oēs species sonorū, & odor, & oēs spēs odorum, & sapor, & omnes species saporum, & omnes qualitates tangibiles primæ, ut calidum, frigidum, humidum, siccum, & secundæ: ut asperum & lene, durum & molle, graue & leue. Omnes enim immutant sensum, & ex consequenti passionem inferunt sensui, dum sentiuntur. Item secundum eas fit alteratio. Alteratio autem maxime fit in tertia specie qualitatis, ut tibi declarabitur in se primo libro Physicorum, ergo &c. Cōstat igitur tibi, quæ qualitates in hac tertia specie contineantur.

Quantum ad tertium, aduerte, quòd dubium oritur circa prædicta. Nam Aristot. in prima specie numerauit calorem, & frigiditatem, & in secunda specie numerauit durum

rum & molle, & in tertia specie, eadem numerata sunt, sed impossibile est diuersorum generum & non subalternatum positorum esse easdem species, ut docuimus in antepredicamentis. Constat autem, quod tertium genus non subalternatur secundò, nec secundum subalternatur primò, ergo calor & frigiditas non possunt contineri in prima & in tertia specie, nec durum & molle possunt contineri sub secunda & tertia.

Respondetur, quod calor & frigus dupliciter sumuntur. Primò, in quantum sunt principia actionis. Secundò, in quantum percipiuntur sensu, & passionem inferunt sensui. Primo modo continentur in prima specie, secundo modo in tertia. Eandem distinctionem intellige de duro & molli, primo modo sunt in secunda specie, secundo modo in tertia. Nec obstat, quod dicitur, Diuersorum generum &c. Intelligitur enim, quod eadem res sub eadem ratione, non potest esse species diuersorum generum, sub diuersa autem nihil prohibet, sicut etiam scientia, in quantum perficit subiectum, est in prædicamento qualitatis, in quantum habet respectum ad scibile, est in prædicamento ad aliquid, hæc de tertia specie qualitatis dicta sint.

Quarta species dicitur forma, & circa aliquid constans, figura, & tria uidenda sunt. Primò, quid sint forma & figura. secundò, quæ reponuntur in hac specie. tertio, remouebitur dubium.

Quantum ad primum, ut scias in quo sensu forma constituit quartam speciem qualitatis & quid sint forma & figura, & quomodo differant & conueniunt, aduerte quod forma apud Philosophum tripliciter sumitur, ut tibi declarabitur in primo Physicorum & in quinto & in primo de generatione. primo sumitur pro forma substantiali, quæ compositum naturale constituitur in esse actuali, ut per animam informantem, homo est homo, leo est leo, & hæc non est in prædicamento qualitatis, quoniam non est accidens, sed est in prædicamento substantiæ, non quidem primò & per se, sed reductiuè, ut pars essentialis substantiæ compositæ, sicut docuimus in prædicamento substantiæ,

TRACTATVS V. PARS II. C

Substantiæ, & de hac non est hic sermo, nec intentio Arist. Secundo, sumitur pro omni re, quæ uere est accidēs, quæ dat esse subiecto, postquam constitutum est inesse substantiali per formam substantialem, ita quod est posterior natura uel tempore, quàm forma substantialis. Natura quidem, ut accidentia propria, tempore autem ut accidentia aduentitia, & in hoc sensu forma accidentalis sumpta uersaliter reperitur in prædicamentis oībus nouē accidentium, præcipuē aut in quantitate & qualitate, & in omni specie qualitatis: nā habitus, & dispositio, potentia & impotentia, passio & passibilis qualitas, dant esse accidentale subiecto in quo sunt. Tertiò, sumitur particulariter & specificè pro re accidentali, quæ procedit ex quantitate sic, uel sic terminata lineis, aut superficiēbus, prout conuenit rei naturæ, & in hoc tertio sensu est quarta species quantitatis, & sic diffinienda est ad mentē Arist. Forma est terminatio siue clausura linearum & superficiērum in corpore naturali composito siue animato siue inanimato, prout forma substantialis requirit. Ideo uidemus aliam formam lineamentarem in homine, in equo, in leone, & in humana specie tantā diuersitatem formarū in diuersis indiuiduis, figura autem est ordinatio, siue terminatio aut clausura linearum & superficiērum. Non ut respicit formā substantialem, cui proportionatur, sed ut respicit quantitatem debitam corpori, cuius est figura. Conueniunt aut forma & figura in hoc, quod eadem qualitas numero & secundum essentiam dicitur forma & figura, sed ad inuicem cōparata differunt in duobus. Primò, quia forma respicit formam substantialem, quæ talem linearum & superficiērum lineationem & protractionem requirit, figura aut respicit debitā quantitatem corporis. Secundo differunt, quia forma proprie dicitur in rebus naturalibus tam animatis, quàm inanimatis, figura uero in rebus artificiatīs.

Quantum ad secundū aduertē, quod in hac specie continentur oēs figuræ, de quibus pertractat Mathematicus, ut Sphæra, triāgulus, quadratū, pētagonū, hexagonū, & sic in infinitū Et curuitas & rectitudo, quæ sunt circa lineā, & concauū, & cōuexum, & planū, quæ sunt circa superficiē,

Et sphæricum & pyramidale quæ sunt circa corpus. Nā per hæc omnia dicimur quales, ergo &c.

Quantum ad tertium aduerte, quodd dubium est de raro & denso, de aspero & leni. Nam primo aspectu uidetur esse qualitates, quoniam secundum ipsa corpus denominatur quale. Nam si interrogatur quale sit hoc corpus, respondetur, rarum uel densum, asperum uel lene, ex alio autem uidentur spectare ad prædicamentum situs, sicut manifestabitur ex diffinitionibus suis. Ex alio uidentur esse in tertia specie qualitatis, computantur enim inter qualitates tangibiles, quas supra diximus contineri in tertia specie qualitatis.

Respondetur, Rarum & densum, asperum & lene, tripliciter considerari possunt. Primò, quantum ad illud quod simpliciter significant. Significatum autem innotescit ex diffinitione. Diffinitiones uerò eorum manifestè respiciunt positionem. Nam secundum Aristotelem, Rarum est cuius partes non cohærent sed distant ab inuicem: ut patet in aqua calefacta uel ebulliente. Densum uerò est, cuius partes benè cohærent & ualde propinquæ sunt, ut patet in aqua congelata, & in terra sicca. Lene autem est, cuius partes æqualiter situatæ sunt, nec una supereminet alteri. Asperum uerò est, cuius partes non æqualiter situantur, sed una supereminet alteri. Quantum ergo ad suum significatum sumptum ex diffinitionibus, spectant ad prædicamentum situs, siue positionis, de quo loquemur infra. secundò possunt considerari in quantum causantur ex diuersa protractione linearum, & superficialium. Nam in raro fit maior protractio, in denso autem breuior, & in leni fit protractio in rectum, in aspero autem in curuo, aut concauo &c. Et ut sic spectant ad quartam speciem qualitatis, sicut rectum, curuum, concauum, planum &c. Tertio possunt considerari, ut immutant sensum tactus & passionem causant in eo, sicut cæteræ qualitates tangibiles, & ut sic sunt in tertia specie qualitatis, sicut forma & figura, in quantum sunt sensibilia communia, ut tibi declarabitur in secundo de anima. Sed pro nunc sustine. Constat igitur tibi, quò sunt quatuor species subalternæ prædicamenti

TRACTATUS V. PARS II.

menti qualitatís, & quid sit unaquaque earum, & quæ in unaquaque contineantur. Nunc de quali, quod est concretum qualitatís, agendum est.

Quantum ad tertium principale agendum est de concreto qualitatís, quod dicitur quale, De quo tria agenda sunt. Primò, quid sit, secundò, quor modis sumatur à qualitate. tertio, quomodo convenit & differt à qualitate.

Quantum ad primum adverte, quòd apud Arist. sic diffinitur in plurali, Qualia dicuntur, siue sunt, quæ secundum hæc denominatiue dicuntur, uel quomodolibet aliter ab his. Quæ diffinitio sic intelligenda est, Qualia sunt concreta, quæ secundum hæc, id est secundum hæc quatuor species qualitatís denominatiue dicuntur, ut iustus à iustitia; sensitivus à sensu, albus ab albedine, triangularis à triângulo, uel quomodolibet aliter ab his, id est. Vel dicuntur quocunq; alio modo à qualitate, quàm denominatiue. Nam ut dicemus, aliqua dicuntur qualia, quæ tamen non denominantur ab aliqua qualitate, cui sit nomen inpositum, ut dicemus de cursor & pugillatore.

Quantum ad secundum adverte, quòd quale sumitur à qualitate tribus modis. Primò, à qualitate nominata nomine abstracto; ita quòd convenit cum nomine abstracto in principio, & differt in fine, ut à iustitia iustus, & hoc est quale sumptum denominatiue re, & nomine à qualitate. Secundò à qualitate innominata, & hoc modo non dicitur quale denominatum sic uel sic à tali qualitate, ex quo illa qualitas est innominata, sed dicitur quale, quoniam secundum rem deriuatur ab aliqua qualitate, quæ inest subiecto. Et hoc modo dicitur quale in secunda specie qualitatís, respectu potentiarum naturalium, quæ nõ sunt nominatæ nominibus propriis, ut potentia currendi, & pugillandi, & pugnandi, & palestrandí, à quibus dicuntur cursor, & pugillator, & pugnator, & palæstricus. Hoc igitur modo dicitur quale à qualitate, non denominatiue, sed deruatiue, non secundum nomen, sed secundum significatum. Sed adverte, quòd cursor & pugnator possunt dici ab arte cursoria & pugnatoria. Quòd si dicantur ab arte, quæ est in prima spẽ qualitatís, dicuntur quales à qualitate deno-

denominatiuè, quoniam artes nominantur nominibus propriis. Si autem à potentiis naturalibus innominatis dicuntur a qualitate, non denominatiuè, sed deriuatiue significato tantum. Tercio, à qualitate nominata, sed non eadem nomine abstracto, cum quo concretum conueniat in principio, & differat in fine. Et hoc modo studiosus est, qualis & dicitur à uirtute, quæ est qualitas nominata. Verum quia non conuenit in nomine cum uirtute, ideò non est denominatiue formaliter ab ea, sed tantum realiter. Studiosus est enim, qui habet uirtutem. Quoniam igitur his tribus modis, quale dicitur à qualitate, siue denominatiue siue non, uerū est dicere, quòd qualia sunt absolute & uniuersaliter loquendo, quæ à qualiter dicuntur, siue denominatiue, siue aliter.

Quantum ad tertium aduerte, ut scias quomodo conueniunt quale & qualitas, quòd se habent ut concretū & abstractum, quæ conueniunt in uno, & differunt in quatuor. Conueniunt quidem in principali significato, quoniam eandem rem siue essentiam, siue formam dicunt. Nam sicut album secundum Aristotelem puram albedinē significat, & non substantiam, sic quale puram qualitatem significat. Differunt autem primò, quoniam abstractum significat eadem forma cum concreto, sed cum præcisione & exclusionē subiecti: concretum autem non excludit, sed connotat subiectum, in quo est forma: album enim non est simpliciter albedo, sed est albedo ut in subiecto recepta, ut nix est alba, quia in se recipit albedinem. Differunt secundò, quoniam abstractum non prædicatur in re, de eo, cui inest. Concretum autem sic. Hæc enim est falsa, Nix est albedo, hæc autem est uera, nix est alba. Differunt tertio, quoniam abstractum se habet, ut causa formalis: Concretum autem ut effectus formalis, nam album albedine est album. Differunt quarto, quoniam abstractum secundum se est genus, aut species in prædicamento, ut albedo, dulcedo, scientia, triangulus. Concretum autem non est species, neque genus, nisi ratione principalis signifi-
ti, in quo est idem cum abstracto, ut diximus. Ut autem concernit subiectum, est compositum per accidens.

Dicitur

TRACTATUS V. PARS II.

Dicitur enim album, ut albedo componitur cum subiecto, non compositione ex his, sed compositione cum his. Nul- lum autem compositum per accidens est per se in prædi- camento, ergo non est genus neque est species. Constat, ergo, quomodo conueniunt & differunt abstractum, & cō- cretum; ex consequenti, quale & qualitas. Hæc de qua- li dicta sint.

Quantum ad tertium principale, aduerte quòd Aristo- teles tria assignat qualitati, ex quibus duo sunt comuni- tates, tertium autem est proprietas.

Primum quidem est, quòd cōtrarietas est in qualitate, constat enim calorem contrariari frigiditati, humiditatē siccitati. Pro cuius euidencia aduerte tria. Primò, quòd hæc non est proprietas, sed communitas, neque enim cō- uenit soli qualitati, sed etiam actioni & passioni. Nam si- cut calor contrariatur frigiditati, sic calefactio frigefa- ctioni, ut tibi manifestabitur in capitulo sequenti. Propte- reà non conuenit omni quantitati. Non enim conuenit quartæ speciei, quoniam sicut quantitati nihil est contra- rium, sic nec formis & figuris causatis & fundatis in quan- titate, ut suprà docuimus. Propterea non conuenit secun- dum Aristotelem mediis coloribus, qui sunt medii inter album & nigrum, ut est color cinericus, pallidus, alur- gus, croceus, rubeus &c. nec mediis saporibus, qui mediāt inter dulce & amarum, ut ponticus & austerus, & cras- lus, &c. Nam contraria sunt, quæ sub eadem genere exi- stentia, maxime distant, ut declarabitur tibi in postprædi- camentis. Sed medii colores & medii saporis non maxi- me distant sub genere caloris & saporis. Magis enim di- stat album à nigro, quàm pallidum à nigro, & magis di- stat dulce ab amaro, quàm ponticum ab amaro. Et ideo non sunt contraria cōtrarietate perfecta, qualis est inter extrema. Secundo aduerte, quòd licet Arist. non excipiat à cōtrarietate, nisi quartam speciem, & medias qualitates tertie speciei, tamen loquendo de propria & perfecta con- trarietate, quæ requirit, quòd sint formæ actiue & passi- uæ adinuicem, & secundum eas fiat alteratio, non est in prima, & in secunda specie, sed tantum in tertia, ut tibi de-

clarabitur in septimo Phy. Sed pro nunc sustine. Quando autem dicit Aristoteles, quod iustitia est contraria iniustitiae, ex consequenti omnis uirtus uitio sibi opposito, intelligendum est de contrarietate, non propriissime dicta. Illa autem est non propriissime dicta, cui deficit saltem una conditio propriissimae contrarietatis, quae sunt quatuor. Primò, quod sint formae eiusdem generis. Secundò, quod maxime distent. Tertio, quod sint actiuæ & passiuæ adinuicem. Quartò, quod non se simul compatiuntur in eodem subiecto, sed se mutuò uicissim expellant per motum alterationis. Omnes istae conditiones inueniuntur in sola tertia specie qualitatis inter extremas qualitates. idè in ea sola inuenitur omnino perfecta contrarietas. In prima specie & in secunda deficit tertia conditio, & idè non est contrarietas perfecta in illis. & sic patet quomodo intelligendum sit, quod iustitia sit contraria iniustitiae. Tertio aduerte, cum dicit Aristoteles, quod in qualitate est contrarietas; non sumit qualitatem pro genere generalissimo, quoniam qualitas ut sic non habet genus, sub quo contineatur. Necesse est autem contraria sub eodem genere contineri. Sumit igitur qualitatem, ut est in speciebus suis. Quasi dicat, In generibus siue speciebus qualitatis est contrarietas, ut declaratum est in tertia & in prima.

Secundū est, quod qualitas suscipit magis & minus. Nā inter alba aliquod est albius, & minus album altero, & inter iustos aliquis est iustior altero. Pro euidētia huius aduerte duo. Primò, quod hæc non est proprietas, non. n. cōuenit soli qualitati; sed etiā actioni & passioni, ut tibi manifestabitur in cap. sequenti, nec competit omni qualitati. Non enim conuenit contentis in quarta specie, quæ denominantur à numero, ut triangulus, & quadratum, & cætera. Nam licet detur maior aut minor triangulus secundum maiorem aut minorem protractionem linearum; non tamen datur magis & minus triangulus, Et ratio huius est, quoniā declaratum est in prædicamento quantitatis, quod quantitas denominata à numero ut bicubitū & tricubitum, non suscipit magis & minus. Ergo nec for-

TRACTATUS V. PARS II.

max & figuræ super quantitate fundatæ. Præterea, nō conuenit qualitatibus secundæ speciei, quæ fluunt a rei essentia, quoniam rei essentia consistit in indiuisibili, sic proprietates & potentie naturales fluentes ab essentia. Vnde sicut unus homo non est rationabilior altero, sic nec risibilior, aut minus risibilis, nisi fortè secundum actum, sed tunc nō dicitur magis risibilis, sed magis ridens. Conuenit autem maximè qualitatibus tertiæ speciei, & aliquibus primæ, & aliquibus quartæ. Nam iuxta eas, quæ sunt tertiæ speciei, fit alteratio proprie dicta, ut tibi declarabitur in septimo Physicorum, quod conueniant aliquibus, quæ sunt in prima specie, ut uirtuti morali, & scientiæ, & arti patet, quoniam perfectius & perfectius possunt inesse subiecto, & aliquando in eis proficimus, aliquando deficimus. Quod conueniat aliquibus quartæ speciei, patet ex eo, quod dicimus hanc lineam magis uel minus curuam, quàm illam similiter & corpus. Constat igitur, quomodo hæc non est proprietas, sed communitas qualitatis. Aduerte secundo, quod suscipere magis & minus non conuenit qualitati, nec cuiusq; alteri formæ accidentali in abstracto, sed in concreto. Nam in abstracto forma est in simplici, & inuariabili essentia consistens. Quod autem in concreto, patet ex definitione intensiōis & remissionis. Nam formam intendi, est magis ac magis radicari in subiecto, & dare esse perfectius, ac perfectius subiecto. Remitti autem, est opposito modo. Clarum est ergo, quod forma dum intenditur aut remittitur, concernit subiectum. Non ergo in abstracto, sed in concreto suscipit magis & minus. Propterea dicit Aristoteles. Iustitiam namque a iustitia nō multum a iure magis ac minus dici, nec sanitatem a sanitate. Minus autem alterum altero, sanitatem habere, sic & iustitiam, & Grammaticam. Grammaticior enim alter altero dicitur, sic & iustior & sanior.

Tertium est, quod secundum solas qualitates dicitur simile & dissimile, ut albus albo similis dicitur, albus autem nigro dissimilis. Pro notitia huius aduerte duo. Primo, quod similitudo & suum oppositum dicuntur dupliciter, scilicet generaliter & particulariter. Generaliter quidem sumitur simili-

similitudo pro quacunque cōuenientia duorum in aliquo prædicato, siue sit prædicatum substantiale, siue accidentale. Dissimilitudo autem est disconuenientia duorum in illo prædicato, & iuxta hūc sensum inuenitur simile, & dissimile extra prædicamentum qualitatis. Nam & duo agentia, & duō patientia dicuntur similia, aut dissimilia, & duo homines dicuntur similes in humanitate, & in esse rationali, & duo serui dicūtur similes in seruitute: & duo patres in paternitate. Patet ergo quòd generaliter loquēdo, sunt in prædicamento substantiæ, & qualitatis, & ad aliquid, & actionis, & passionis, particulariter uero sumitur similitudo pro conuenientia aliquorum in qualitate, quæ sit speciei specialissimæ, puta in albedine, aut nigredine aut iustitia, aut grammatica. Dissimilitudo autem opposito modo, & sic est proprietas qualitatis in quarto modo, quoniam conuenit omni, & soli, sicut & æqualitas, & suum oppositum conuenit soli quantitati. Et quidem quòd similitudo, & suum oppositum sint in secundo sensu proprio qualitatis, patet ex diffinitionibus earum, quæ tibi manifestabuntur in Metaphysica. Pro nunc sic accipe ad mentem Aristot. Si similitudo est rerum differentium eadem qualitas in specie, ut duo lapides albi. Dissimilitudo autem est rerum differentium diuersa qualitas, ut duo homines, quorum unus iustus, alter iniustus.

Secūdo aduerte, quòd simile, & dissimile potest esse tribus modis. Primo, omnino simile; secundo omnino dissimile. Tertio modo misto, scilicet simile, & dissimile. Omnino sunt similia, quæ in eadem qualitate specifica pro eodem gradu conueniunt, ut duo pugilli niuis in albedine. Omnino dissimilia sunt, quæ in una qualitate pro nullo gradu conueniunt, ut nix & fuligo siue carbo extinctus. Misto modo similia sunt, quæ in eadem qualitate pro diuerso gradu conueniunt, sicut album, ut tria, & album, ut sex. Intentio autem Aristote. est loqui de similitudine, & suo opposito in secundo sensu, & non in primo, & hoc siue conueniant in eadem qualitate pro æquali gradu, siue non, & cætera.

Hæc de prædicamento qualitatis ad mentem Aristote;

TRACTATUS V. PARS II.

& Logici realis dicta sint. Quid autem nominales de eodē loquantur, cito me expediam. Tu igitur aduerte, quòd duo tantum de eo pertractant. Primiò, quid sit prædicamentum quantitatis. Secundo, quæ & quot sint genera subalterna immediate posita sub qualitate, ut est genus generalissimum.

Quantum ad primum sic diffiniunt: prædicamentum qualitatis est ordinatio plurium terminorum uniuersalium, & uniuocorum secundum sub & supra, significantium qualitatem. Hæc quidem diffinitio, quoniam conformis est diffinitionibus aliorum prædicamentorum, quas supra assignauimus ad mentem nominalium, ideo eodem modo eam intelliges, & expones, sicut supra dictas. Termini uerò significantes qualitatem, sunt illi, per quos respondetur ad interrogantem querentem de substantia, qualis sit, ut qualis est Sortes, respondetur, iustus. Iustus enim significat qualitatem.

Quantum ad secundum aduerte, quod ordinatur prædicamentum ipsum conformiter Arist. Nā ponunt qualitatem genus generalissimum, sub quo locant quatuor genera subalterna, non tantum secundum sub & supra. Primum est habitus, dispositio, cuius species sunt Grammatica, Rhetorica, Physica, uirtus moralis, ut temperantia, iustitia, &c. Eius individua sunt, hæc Grammatica, hæc Rhetorica, &c. Secundum est naturalis potentia, & impotentia, cuius species sunt durum & molle &c. Eius individua sunt, hoc durum, hoc molle. Tertiū est passio, & passibilis qualitas, cuius species sunt dulcedo, amaritudo, albedo, nigredo &c. Individua autem sunt, hæc dulcedo, hæc amaritudo &c. Quartum est forma, & circa aliquid constans figura, cuius species sunt circulus, triangulus, quadratum &c. Individua sunt, hic circulus, hic triangulus, & sic habes in prædicamento qualitatis, genus generalissimum, genera subalterna, species specialissimas, & individua. Hæc de prædicamento qualitatis dicta sint.

De prædicamento actionis.

CAP. VI.

POST QUAM tractatum est a nobis de quatuor primis prædicamentis ad mentem Arist. agendum est de sex ultimis, scilicet de Actione, & Passione, de Quando, & Vbi, de

de Situ, & Habitu, quæ Aristoteli pertransiit. Quoniam existimauit utputo, quod ex cognitione, & doctrina quatuor primorum, hæc ultima possint esse nota adiscenti. Nam ad confirmationem huius dicit, postquam compleuit tractatū de quatuor primis. De reliquis autem, eò quod manifesta sint, nihil de his aliud dicitur, quam quod in principio dictum est. Verum, quia non omnis addiscens potest ex dictis excipere sufficientem doctrinam de his sex ultimis, ideo Gilbertus Porretanus compleuit sex prædicamentorum ultimorum doctrinam, quæ sex principia nominauit, de quibus nunc agere intendimus, iuxta sententiam Gilberti, quæ Peripatetica reputatur, licet nonnulli, sed pauci aliter sentiant. Primo igitur agendum est de prædicamento actionis. De qua tria agenda sunt. Primò, distinguendum est de actione, ut scias in quo sensu hic loqui intendimus de actione. Secundo, diffinienda est actio, ut facit prædicamentum distinctum ab aliis. Tertio assignandæ sunt communitates, & proprietates huius prædicamenti, prout distinguitur ab aliis.

Quantum ad primum aduerte, quod in doctrina Aristotelis, ut tibi manifestabitur in libro nono Metaphysicæ. Actio est duplex, scilicet immanens, & transiens. Immanens est illa, quæ remanet in agente, & perficit ipsum, & est subiectiue in ipso, & istæ sunt actiones animæ, ut intelligere, uelle, desiderare, sentire, & breuiter omnes actiones morales, & intellectuales. Transiens est illa, quæ causatur ab agente, sed recipitur subiectiue in passio, ita quod, licet agens sit eius principium, non tamen subiectum, ut calefactio aquæ est ab igne, sed non remanet in igne, sed recipitur in aqua. Idem enim per calefactionem actiuam est ab igne, & per calefactionem passiuam recipitur in aqua. Actio transiens solet distingui in actionem, & factionem. Actio est illa, per quam non uidetur produci aliquis effectus remanens post ipsam, ut cantare, citharizare, nauigare. Factio est illa, per quam producit effectus remanens post ipsam, ut fabricare, ædificare. Nam post fabricationem, & ædificationem, remanet fabricatum, & ædificatum. Idem intellige de aliis fa-

TRACTATUS V. PARS II.

tionibus mechanicis. Hic non sumus locuturi de actione immanenti, quoniam ut tibi declarabitur in libro nono Metaphysicæ est in prædicamento qualitatis in prima specie, cum sit uelut dispositio, aut habitus perficiens agentem, ex consequenti non est in prædicamento actionis. Locuturi ergo sumus tantum de actione transeunte diuisa in actionem, & factionem. Hæc enim sola constituit prædicamentum præsens.

Quantum ad secundum aduerte, quod sic diffinitur apud reales. Actio secundum quam in id, quod subiicitur, agere dicimur. Ut secans dicitur agere in eo, quod secat, puta in ligno, & ideo sectio est actio.

Hæc diffinitio sic intelligenda est. Actio est forma accidentalis, secundum quam, idest, per quam, uelut per causam formalem per modum emanantis, & non permanentis, dicitur agens agere, idest causare aliquid in eo, quod subiicitur, idest in materia, circa quam agit, ut calefactio est actio, quoniam ignis per illam causat calorem in materia, circa quam, uel in quâ agit, puta in manu, uel in ligno, uel in aqua. Dicitur per quam, uelut per causam &c. pro cuius noticia aduerte, quod agens potest dici agere in passum triplici medio. Primo, per qualitatem sibi intrinsecam, & permanentem, ut ignis per calorem suum agit in aquam, & sol per lucem in hæc inferiora. Secundo, per actionem, cuius principium formale est ipsa qualitas intrinseca agentis. Tertio, per instrumentum, ut secans securi secat lignum. Primo modo dicitur agere forma permanenti. Secundo modo, forma fluente, utroque tamen modo causa formalis efficientis. Vt igitur distinguatur actio a forma intrinseca agenti, & a causa effectiua instrumentali, dicitur in diffinitione, per quam, uelut per causam formalem per modum emanantis, siue fluentis ab agente, & non permanentis intrinsece, & subiectiue in agente. Et aduerte, quod hæc diffinitio conuenit omni actioni transeunti, siue post ipsam relinquatur effectus, siue non. Nam licet per citharizare, nihil relinquatur permanentis, tamen ei competit diffinitio, quoniam per cithari-

rizationem citharizans agit in aerem, & nauigans in aqua commouendo ipsam. Constat igitur tibi, quod sit actio prædicamentalis.

Quantum ad tertium aduerte, quod actioni attribuuntur una proprietas, & duæ communitates.

Proprietas quidem est hæc, proprium est actioni ex se inferre passionem. Pro cuius notitia aduerte, quod inferre passionem non est idem, quod causare passionem, aliter hoc non esset proprium actioni. Nam ignis in hoc sensu infert passionem in manu, & sensibile in sensu. Vnde dicitur in secundo de anima, quod sentire est pati. Est autem proprie inferre passionem, sequi per consequentiam infallibiliter passionem ad actionem. Vt sit sensus, Posita actione ex parte agentis, ponitur passio ex parte patientis, ita quod uno posito uel remoto, ponitur uel remouetur aliud, & in hoc sensu inferre passionem, est proprium quarto modo actionis. Nam licet agēs causet passionem, non tamen infert, quoniā non sequitur, ignis est, ergo passio est. Potest enim ignis esse, & tamen nihil actu calefieri, ut in suprema parte suæ sphaeræ. Valet autem consequentia. Actio est, ergo passio est, cuius ratio est, quoniam actio & passio se habent, ut causa in actu, & effectus in actu, quæ simul sunt, ut tibi declarabitur in secundo Physi. Constat ergo quomodo & in quo sensu, hæc est proprietas actionis.

Prima communitas est hæc, Recipiunt autem agere & pati contrarietatem, id est una actio est contraria alteri, similiter passio. Nam calefactio est contraria frigefactioni, & ægrotatio sanationi. Est autem communitas, quoniam conuenit etiam qualitati, ut dictum est supra. Secunda autem communitas est hæc, recipiunt agere & pati magis & minus, id est una actio est intensior & perfectior altera, similiter passio. Nam calefactio, ut octo, intensior est actiue, & passiuè quàm calefactio ut quatuor, & hoc conuenit etiam qualitati, ut dictum est supra. Tu tamen aduerte, quod aliter, & aliter conueniunt hæc duo qualitati & actioni, & passioni, nam qualitati conueniunt primò, & per se, actioni autem, & passioni depēdenter a qualitate, ita quod a qualitate si est intēsa, & causa intensæ actionis uel passionis, ex quo

TRACTATVS V. PARS II.

sequitur, quòd si qualitates aliquæ sunt principia actionũ, & passionum, & non sunt contrariæ, nec recipiunt magis, & minus, nec actiones, & passioness fundatæ super eas, cõtrariantur, nec intenduntur, nec remittuntur. Istæ ergo cõmunitates sic intelligendæ sunt, Agere & pati contrariantur, intendũtur, & remittũtur, si qualitates super quas fundantur, contrariæ sunt, & recipiunt magis, & minus. Hæc de prædicamento actionis dicta sint ad mentẽ realiũ. Nominales autem cito se expediunt, sicut & de aliis quatuor primis. Nam diffiniunt actionẽ, ut est prædicamentũ conformiter, sicut & alia, & assignant genus generalissimum, & sua genera subalterna, & species, specialissimas, & indiuidua.

Actionem, ut est prædicamentum sic diffiniunt, prædicamentũ actionis, est ordinatio plurium terminorum: scilicet uniuocorum, & prædicabilium, significantium actionem ordinatorum, secundum sub & supra.

Termini autem significantes actionẽ sunt illi, per quos rationabiliter respondetur quærenti de aliquo in quid agit, nam interroganti in hoc prædicamẽto, assignatur quæsitium in quid. Vt, in quod agit carpentarius? respondetur in lignũ, & in quod agit statutz factor? respondetur in terram uel lapidem, uel lignum, uel æs. Genera subalterna dicuntur, ut esse sex locata sub actione, ut est generalissimum. Sunt autem ista, generare, corrumpere, augere, minuere, alterare, mouere secundum locum. Quid sit unũ quodque eorum, dicemus in postprædicamentis in capite de motu. Species primi, & secundi generis sunt, generare hominem, corrumpere equum. Indiuidua sunt, sic generare hominem, sic corrumpere equum. Quarti, & tertii generis sunt species, Augere in longum, minuere in latum. Indiuidua autem sunt, sic augere in longum, sic minuere in latum.

Quinti generis species sunt, calefacere, & frigefacere. Indiuidua autem sunt, sic calefacere, sic frigefacere. Sexti autem generis species sunt, mouere sursum, mouere deorsum. Indiuidua autem sunt, sic mouere sursum, sic mouere deorsum. Hæc de actione prædicamẽtali dicta sint, secundũ
reales

reales, & nominales. Quomodo autē actio sit motus; & quomodo subiectiue sit in passio, & non in agente, dicitur tibi in nono libro Metaphysicæ. Pro nunc sustine.

De predicamento passionis. CAP. VII.

IN cap. septimo agendum est de prædicamento passionis. & hic tria agenda sunt. Primò, ut scias in quo sensu passio est prædicamentum, declarandum est quot modis sumitur. Secundò quid sit. Tertiò de proprietatibus eius.

Quantum ad primū aduerte, quòd in doctrina Arist. passio consuevit sumi sex modis. Primo, pro propria qualitate fluente a principiis naturalibus alicuius rei, ut risibilitas in homine, latratus in cane, hinnitus in equo, & dicuntur passionibus propriæ, siue specificæ, siue indiuiduales. Secundo pro conceptu intellectus, iuxta quē sensum dicit Arist. in primo Perihæme. Sunt autem ea, quæ sunt in uoce, earum quæ sunt in anima passionū notæ: id est uoces sunt signa conceptuum. Tercio, pro motu appetitus sensitiui, in quo dicuntur esse animi passionibus, de quibus iam pertractauimus in lib. tertio de anima, quales sunt, amor, odium, desiderium, ira & c. & isti motus dicuntur passionibus, quoniam insurgunt cū alteratione corporis. Vnde dicitur, quòd ira est accensio sanguinis circa cor, in primo de aña. Quarto pro pœna alicui inflicta siue iuste siue iniuste. Vnde pœna martyris dicitur eius passio, sicut & passio Christi.

Quinto, pro qualitate sensibili, non firmata in subiecto, de qua actum est in tertia specie qualitatis, ut est calor ex verecūdia. Sexto, ut causatur, & infertur ex actione fluente ab agēte, ut calefactio passiuæ, illata ex calefactione actiua emanante ab igne, ut calidus est. In nullo ex prædictis modis constituit prædicamentū distinctū ab aliis, nisi sexto modo. Nam primo, & secundo, & tertio, & quinto modo, est in prædicamento qualitatis, quarto autē modo continetur in prædicamento passionis tanquā species eius, sicut uerberatio, aut uulneratio, aut occisio passiuæ. Sexto igitur modo pertractanda & diffinienda est.

Quantū igitur ad secundū aduerte, quod sic diffinitur sumpta sexto mō. Passio est effectus illatioq; actionis, ut cale fieri infertur ex calefacere. Pro cuius notitia aduerte tria.

TRACTATUS V. PARS II.

Primò, quòd subintelligendum est immediatè, ut sit sensus, Passio est immediatè effectus &c. aliter hæc diffinitio non conuenit soli passioni. Nam calor causatus in aqua ab igne, est effectus calefactionis actiue, & tamen distinguitur a calefactione passiuâ, sicut distinguitur motus & terminus motus siue realiter, siue ratione. Verùm quia calor in aqua non causatur a calefactione actiua, nisi per passionem, quæ est calefactio passiuâ, ideò hæc diffinitio conuenit sic intellecta soli passioni. Secundò aduerte, quòd passio alia ratione dicitur effectus actionis & alia rōne illatio. Nam dicitur effectus pro quanto cōparatur ad actionem, principatū ad principiū, & causatū ad causam. Dicitur aut̃ illatio propter bonā consequentiam: Nam bene sequitur, Actio est, ergo passiuâ est. nā si calefaciens calefacit, aliquid calefit, ergo aduerte, quòd licet actio & passio sumpta sexto modo, constituent duo prædicamenta, tamē non distinguuntur realiter, ut tibi declarabitur in tertio Phis. ubi probabitur, quòd sunt unus motus numero. Sufficit aut̃, quòd distinguantur ratione, & quoniam hæc transcendunt negotium Logicum, ideò pro nunc sustine.

Quantum ad tertium aduerte, quòd passioni attribuuntur duæ proprietates. Prima est, quòd passionis proprium est inferri primò & immediatè ex actione. Hæc iam declarata est in diffinitione passionis. Secunda est, quòd passio est subiectiue in patiente. Nam passio uel est motus, id est alteratio causata ab agente in passio, uel forma recepta in passio. Sed utroque modo est in passio. Nam primo modo est motus. Motus autem est subiectiue in mobili, quod est patiens, ex tertio Phis. Secundo autem modo est forma recepta ab agente, receptum autem est subiectiue in recipiente, quod est ipsum passum: ergo utroque modo est in patiente & non in agente.

Quòd si inueniatur in agente, hoc erit per accidēs, quoniam non est in agente, ut agens est, sed ut repatitur, uel quantum idem agit in seipso, ita quòd idem est agens & patiens, ut quando quis percutit seipsum. Hæc de passione dicta sunt, quo ad reales.

Nominales uerò sic diffiniunt prædicamentum passionis,

nis, & assignant genus generalissimum, & subalterna, & specialissima & indiuidua, ut infrà.

Prædicamentum passionis est ordinatio plurium terminorum uniuocorum, & uniuersalium significantium passionem, secundum sub & supra, illi autem termini significant passionem, per quos conuenienter respondetur ad interrogationem factam per a quo. Quæsitium enim huius prædicamenti est ly, a quo. ut a quo homo generatur, a quo illuminatur aer, &c.

Sic autem assignant ordinationem huius prædicamenti. Passio, scilicet sexto modo sumpta est genus generalissimum. Sub quo sunt sex genera subalterna, scilicet generari, corrumpi, augeri, minui, alterari, secundum locum moueri, quorum diffinitiones manifestabuntur tibi in post prædicamenti in cap. de motu. Primi, & secundi generis specialissima sunt hominem generari, equum corrumpi. Indiuidua autem sunt, hunc hominem generari, hunc equum corrumpi. Terti generis & quarti specialissima sunt augeri, lögum minui in latum, in indiuidui sunt, hoc augeri in longum, hoc minui in latum.

Quinti generis specialissima sunt, calefieri & infrigidari, indiuidua sunt, hoc calefieri, hoc infrigidari, sexti generis specialissima sunt, moueri sursum, moueri deorsum, indiuidua sunt, hoc moueri sursum, hoc moueri deorsum. Hæc de prædicamento passionis dicta sunt.

De prædicamento quando.

CAP. VIII.

IN cap. octauo agendum est de prædicamento quando. De quo tria agenda sunt. Primò, ut scias in quo sensu est prædicamentum declarandum est, quot modis sumitur. Secundo, diffiniendum est in illo sensu, in quo est prædicamentum. Tertiò assignandæ sunt eius proprietates & cõitates.

Quantum ad primum a duerte, quòd quando consuevit sumi tribus modis. primo relatiuè, ut Sor. comedit, quando Plato legit. i. illo tempore Sortes comedit, in quo Plato legit. secundo interrogatiuè, ut si interrogat quis. Quando Plato natus est? & respondetur, heri. Tercio indiffinitè, & tunc quando importat esse in tempore, id est in mensurari aliqua differentia temporis, ut fuisse in tempore præteritum

TRACTATUS V. PARS II.

ritum esse in tempore præfenti, fore in tempore futuro, ita quòd quando æquipollet denominari rem temporalem ab aliqua differentia temporis, mensuratiua rei & esse eius non absolute, sed ut est sub motu, ut tibi declarabitur in quarto Physico. & in hoc tertio sensu est prædicamentum, in primo autem, & secundo sensu, potius sunt species huius prædicamenti, quàm ipsum genus generalissimum, ut declarabitur tibi infra.

Quantum ad secundum aduerte, quòd in tertio sensu quando existens prædicamentum sic diffinitur, Quando est, quòd ex adiacentia temporis in re temporali derelinquitur. Pro cuius noticia aduerte, quòd sicut ex applicatione ulnæ mensuratur quantitas panni, sic ex applicatione temporis mensuratur duratio rei temporalis, ex eo autem, quòd ulna ut mensura applicatur panno, consurgit respectus conformitatis inter ulnam, & pannum, quoniã quanta est ulna semel uel totiens replicata, tantus est pannus, eodem modo ex eo, quod tempus applicatur rei temporali, & cognoscitur eius duratio, consurgit quidam respectus inter tempus, & rem temporalem, qui est respectus mēsuræ, & mensurati. Qui respectus importatur per quando. Quod idem est, quod esse in tēpore puta esse hodie, fuisse heri, fore cras. Sic ergo intelligenda est diffinitio. Quando, est respectus, qui ex adiacentia. i. ex applicatione temporis ad rem temporalem sicut mēsuræ ad mensuratum derelinquitur in re temporali.

Quantum ad tertium aduerte, quòd duæ communitates attribuuntur ipsi, Quando, & una proprietas. Prima cōitas est, quòd quando nihil est contrariū. Secunda, quòd quando non suscipit magis & minus, ratio est, quoniam quando fundatur in tempore, tempus autem, neq; intenditur, neq; remittitur, licet magis & minus extendatur, neq; tempori est aliquid contrariū cum sit, quātitas, quantitati autē, ut docuimus in prædicamento quantitatis, neq; est aliquid uerè & perfecte contrariū, neq; intenditur & remittitur, licet magis & minus extendatur pro quanto una quantitas est maior altera. Proprium autem, Quando est, quod est in omni eo quod incipit esse in tempore, & ratio huius

huius est, quia respectus mēsuræ est in omni eo, quod per mensuram mensuratur, sed quando est respectus mensuræ inter tempus & rem temporalem, ergo est in omni eo, quod incipit esse in tempore, id est mensurat tempore siue secundum totum, siue secundum partes. Quod dico propter cælum, cuius motus si esset æternus, non mensuraretur tempore secundum totum, quia non haberet principium, & finem in tempore. Mensuratur tamen secundum omnes partes: quoniam quælibet circulatio fit in tempore finito, in uiginti quatuor horis.

Aduerte ultimò, quòd quando solet diuidi in simplex & compositum, & per quando simplex intelligitur, quando res temporalis mensuratur tempore imperceptibili & quasi momento, ut ictus oculi, & per compositum intelligitur, quando res temporalis mensuratur notabili tempore, puta hora, die, mense, anno. Sed hæc sunt improprie dicta, quoniam omne tēpus quātumcunque breue, est quid continuum, ex consequēti compositum ex partibus quantitatis, & similiter dicēdum est de quando. Hæc de quando dicta sint secundum reales.

Nominales uerò sic diffiniunt hoc prædicamentum.

Prædicamentum est ordinatio pluriū terminorum uniuocorum, & uniuersalium significantium quando. i. esse in tempore, ut heri, hodie, cras, in hora, in die, in mense &c. Ordinationem huius prædicamenti sic assignant. Genus generalissimum est quando, sub quo sunt tria genera subalterna, scilicet esse in tempore, esse in æuo. esse in æternitate, quorū species sunt heri, hodie, cras. Indiuidua sunt, nunc, in hoc die, in hoc mense &c.

Sed aduerte, quòd hæc assignatio non est uera ad mentem Aristotelis, quoniam si quando respicit tempus, sicut ubi locum, Sic ait incorporea nō sunt in loco, sic æterna, & æuiterna nō sunt in tempore, ergo sicut de incorporeo non uerificatur, ubi, nisi per quandam similitudinem, sic nec de æterno, & æuiterno uerificatur quando, nisi per quandam consistentiam, ut tibi declarabitur in quarto phisicorum, tam de ubi, quàm de quando. Sed pro nunc suffine, quoniam excedunt negotium Logicum.

TRACTATUS V. PARS II.

De Vbi.

Cap. IX.

IN cap. nono agendum est de Vbi, de quo tria uidentur sunt. primò ut scias, in quo sensu est prædicamentum, & hic diffiniendum, declarandum est quot modis sumitur. secundò, quid sit ut est prædicamentum. tertio assig-
gnabuntur communitates suæ.

Quantum ad primum, aduerte quòd cum Vbi, significet esse in loco, tot modis sumitur Vbi, quot modis esse in loco. Esse autem in loco sumitur tribus modis. Primo, circumscriptiuè, & est quando locatum circumscribitur, & continetur à locante, & hoc modo omne corpus contentum in alio & ab eo circumdatum dicitur esse in loco circumscriptiuè, in quo sensu nulla substantia incorporea est in loco, neq; sibi competit Vbi, circumscriptiuè. Secundo diffinitiuè siue determinatiuè & est quando uirtus agentis incorporei est finita, & ita applicatur uni loco, in quo operatur, quòd pro tunc non potest applicari alteri loco cum finita, & determinata sit, & hoc modo angelus est in loco, & sibi competit, ubi, in hoc secundo sensu, & non in primo, quoniam caret quantitate repletiua loci. Tercio contentiuè uniuersaliter, siue repletiua uniuersaliter, & est quando uirtus agēis est infinita, & operatur ac in fluit in omni loco, & hoc modo Deus solus est in loco, & competit sibi, ubi, solum in hoc tertio sensu. Hic non est sermo de Vbi, nisi in primo sensu, quoniam in secundo, & tertio est de consideratione metaphysici.

Quantum ad secundum aduerte, quòd ubi in primo sensu, & in quo facit prædicamentum distinctum ab aliis sic diffinitur. Vbi est circumscriptio corporis locati, à circumscriptione loci procedēs, pro cuius notitiā aduerte, quòd circumscriptio sumitur tripliciter. Primò actiuè, & est idem, quòd circumdatio siue continētia, qua corpus locās circumdat & in se concludit corpus locatum, & in hoc sensu est, ut actio, & si est in aliquo prædicamento est in prædicamento actionis. Secundo passiuè, & est idē, quòd conclusio qua concluditur locatū à locātē, ut aqua à nase, & in hoc sensu est ut passio, & si est in aliquo prædicamento, est in prædicamento, passionis. Tertio respectiuè, & est idem quod

quod ordo locati ad locū, cōsurgens inter locatū, & locū ex eo, quodd locus circūscribit, & locatum circūscribitur, & in hoc tertio sensu, circūscriptio est prædicamentum distinctum ab aliis. Vtrum autem ubi & locus distinguatur realiter, uel tantū ratione, declarabitur ubi in quinto Metaphysicæ.

Quantum ad tertium aduerte, quodd ubi attribuuntur duæ communitates, scilicet non habere contrarium, nec recipere magis & minus & ratio est, quia quantitati nihil est contrarium, nec recipit magis, & minus ut dictum est in prædicamento quantitatis. Sed ubi fundatur in quantitate, quoniam in loco, ergo &c. Nec obstat quodd ubi sursum, & ubi deorsum uidentur esse cōtraria, hoc enim iam soluimus in prædicamento quantitatis. Nec obstat, quodd in ubi est motus, ergo contrarietas, nam hoc idem soluimus in prædicamento quantitatis. Hæc de prædicamento Vbi dicta sint, quo ad reales.

Nominales uerō sic diffiniunt. prædicamentum ubi est ordinatio plurium terminorum uniuersorum uniuersaliū, significantium Vbi, secundum sub & supra. termini autem significantis ubi sunt illi, per quos conuenienter responderetur ad interrogationem factam per ubi, ut sunt isti termini, hic, illic, istic, in templo, in platea, in domo.

Assignant autem ordinationem huius prædicamenti hoc modo. Genus generalissimum est, ubi circūscriptiue sumptum, genera eius subalterna sunt ubi simplex, & ubi compositum. Vbi simplex, est illud quodd à simplici, id est minimo loco procedit, ut ubi ipsius puncti, ubi compositum est illud quodd à loco composito, id est habente partes manifestas quantitatuas procedit, ut ubi lapidis & hominis, hæc enim occupant locum manifestè diuisibilem. Simplicis ubi specialissima sunt nobis incognita, ex minima entitate, composita autem ubi specialissima sunt, esse in domo, esse in platea. Individua autem sunt, esse in hac domo, & in hac platea &c. Hæc de prædicamento ubi dicta sint.

De prædicamento situs siue positionis. Cap. x.

In cap. decimo agendum est de prædicamento positionis,

TRACTATUS V. PARS II.

tionis, de quo tria uidentur. Primò ut scias in quo sensu est prædicamentum, assignandi sunt modi, quibus dicitur positio. Secundò, quid sit. Tertiò, quæ sint eius communitates, & proprietates.

Quantum ad primum aduerte, quòd positio tribus modis sumitur. Primo, dicitur positio propositio, quæ ut uersissima ponitur siue supponitur in aliqua scientia ad deducendum conuersionem, puta apud Mathematicum hæc est positio, punctus est, cuius pars non est, & ista, à puncto ad punctum licet lineam deducere, & de positione in hoc sensu non est hic sermo, sed potius spectat ad librum posteriorum. Secundo, dicitur oppositio ordo partium inter se, & per respectum ad totum, & in hoc sensu spectat ad prædicamentum quantitatis. Vnde ut docuimus illic, quædam quantitates dicuntur habere positionem, quædam non. Tertiò, dicitur positio ordinatio partium alicuius corporis locati in loco. Non solum enim locatum secundum totum est in loco, sed & partes sunt, sic & sic locatæ: quoniam aliqua sursum, ut caput in homine, aliqua deorsum ut pes, aliqua à latere ut brachium &c. & in hoc sensu positio est prædicamentum ab aliis distinctum, & diffiniendum.

Quantum ad secundum aduerte, quòd sic diffinitur, Positio est quidam situs partium, & generationis ordinatio, ut statio, sessio &c. Pro cuius notitia aduerte, quòd sicut Vbi, importat ordinem, & respectum totius locati ad totum locum, qui respectus fundatur super circumscriptionem, & conclusionem passiuam locati à loco, sic positio importat ordinem partium locati, & respectum ad partes loci. Sicut enim totus correspondet toti locato, sic partes loci correspondent partibus locati. Nam ab alia parte animalis continetur caput, ab alia pectus, ab alia brachium, &c. Sicut ergo, Vbi, importat situm totius locati in toto loco, sic positio importat situm partium locati in partibus loci correspondentium. Qui quidem situs partium potest esse à natura, & ab accidente, & à uoluntate. A natura quidem, ut in homine caput situatur in parte superiori animalis continentis, pes autem in parte inferiori.

Ab accidente autem, ut si contingat hominem cadere capite uerso. A uoluntate, ut si homo eligat sic uel sic stare, uel sic iacere, uel sic sedere. His praenotatis, sic intelligenda est diffinitio, Positio est quidam determinatus situs, id est dispositio, & ordinatio partium locati in partibus loci, per quam correspondent partes loci, partibus locati, quo ad conclusionem, & continentiam eorum: Quae quidem ordinatio potest esse à natura, & dicitur in diffinitione, generationis ordinatio, id est ordinatio cōpetēs partibus locati: à generatione rei locatae, potest etiam esse ab accidente, & à uoluntate ut docuimus. Iuxta quam partium ordinationem, aliqua dicuntur stantia, aliqua iacentia, aliqua sedentia, & denominantur à speciebus positionis quae sunt, iactio, sessio, statio, &c. Constat igitur quid sit positio, ut est praedicamentum.

Quantum ad tertium aduerte, quòd duæ communitates attribuuntur positioni, & una proprietas. Prima communitas est, quòd positioni nihil est contrarium. Secunda, quòd positio non recipit magis, & minus: & ratio est, quia positio fundatur in loco, & locus est quantitas, & quantitati nihil est contrarium, nec suscipit magis, & minus, ergo nec positio.

Proprietas autem est, quod substantiae proximae assistit, omnibus aliis formis suppositis. Pro cuius notitia aduerte, quòd assistere est inhærere. Inhæret autem substantiae omnibus aliis formis; id est praedicamentilibus formis, suppositis quae praecedunt ipsam positionem. Nam positio supponit ubi, ordinatio enim partium in loco, supponit ordinationem totius locati in loco, & ubi supponit motum localem, & iste supponit qualitatem, & quantitatem, ut patet exercitato; ergo positio adhæret substantiae omnibus aliis formis, scilicet accidentalibus suppositis, de quibus hactenus locuti sumus in superioribus praedicamentis. Hæc de positione dicta sunt secundum reales.

Nominales uerò hoc praedicamentum sic diffiniunt. Praedicamentum positionis, est ordinatio pluriū terminorū uniuersorū & uniuersaliū significatiū positionē secundū sub & super. Termini autē significantes positionē, sunt illi, ad quos
respon-

TRACTATUS V. PARS II.

respondetur per interrogationem factam per quomodo, uel per qualiter, ut quando interrogatur, quis. Quomodo, uel qualiter Sortes est in loco, utrum iacens, utrum sedens uel aliquo alio modo. Nam questitiuum huius prædicamenti est quomodo uel qualiter. Ordinationem uerò huius prædicamenti sic assignant, Genus generalissimum est positio tertio modo sumpta. Eius subalterna sunt positio à natura, positio ab accidente siue à proposito. Species specialissimæ sunt, situari sursum, situari deorsum, situari à dextris, situari à sinistris, situari ante, situari retrò. Sessio, statio, iactio &c. Individua uerò sunt, hæc statio, hæc sessio &c. Hæc de prædicamento positionis dicta sint.

De prædicamento habitus. CAP. XI.

IN hoc capitu. vndecimo agendum est de prædicamento habitus, quod uidetur esse determinatum ad hominem tantum. nam reliqua animalia nisi ueniāt in obsequium hominis, non dicuntur habituata, neque enim uelitur, equus, neque armatur, neque phaleratur nisi propter sessorem. De habitu igitur tria uidenda sunt. Primo, ut scias in quo sensu est prædicamentum, assignandi sunt modi, quibus sumitur habitus. Secundo diffinitur, ut est prædicamentum. Tertiò assignandæ sunt proprietates eius.

Quantum ad primum aduerte, quòd in doctrina Aristotelis, habitus sumitur quinque modis. Primo, pro qualitate radicata, & de difficili est mobilis, & sic est prima species qualitat. Secundo, pro forma debita alicui subiecto determinato, cui opponitur negatio eiusdem formæ, cum aptitudine derelicta in eodem subiecto, ut oculo debetur uisus, cuius negatio est excitas, & intellectui debetur scientia, cuius negatio est ignorantia. & sic de habitu agemus in postprædicamentis, in capitu. de oppositis. Tertio, sumitur ut deriuatur ab habere, uel haberi, iuxta quem sensum dicitur libræ habitus à me, sicut & pecunia est habita à me, & aurum est habitum à me, & in hoc sensu tractatur de eo, in postprædicamentis in cap. de habere. Quarto, sumitur pro uelle sic, uel sic figurata, & incisa, &

sa, & cōsuetā, puta uestis militis, uestis mulieris, uestis monachi, & sic est in prædicamento substantiæ, quantum ad entitatem, & in quarta specie qualitatis, quantum adfigurationem. Quinto sumitur pro accidente consurgente ex ueste, ut uestita, & homine, ut uestiente siue habente uestem, & solum in hoc ultimo sensu est prædicamentum distinctum ab alijs, & ut sic diffiniendum est.

Quantum ad secundum aduerte, quòd sic diffinitur, *Habit*us est adiacētia corporum, & eorum, quæ circa corpus sunt. Pro cuius notitia aduerte, quòd *ly* adiacentia, debet exponi causaliter, ut sit sensus. *Habit*us est accidens respectiuium proueniens ex adiacentia sine applicatione mutua corporum, & eorum quæ circa corpus scilicet humanum sunt. Sicut sunt uestes, arma, calceæ, caligæ, biretum, caputium, &c. Vnde aduerte, quòd sicut, quando non est rempus mensurans, nec res temporalis mensurata, sed est respectus consurgens ex adiacentia, & applicatione temporis ad rem temporalem, quem respectum circūloquimur, per hoc quòd est esse in tempore, sicut ubi per hoc, quòd est esse in loco, sic habitus nō est uestis, nec homo habēs, siue circūdans sibi uestem, sed est respectus consurgens, & medians inter uestem, & hominem, ex eo quòd uestis adiacet, & applicatur corpori, quem respectum circūloquimur per hoc, quòd est esse uestitū, esse armatum, esse calciatum. Sic ergo intelligenda est diffinitio. *Habit*us est accidens respectiuium, proueniens ex mutua adiacentia corporum humanorum, & uestium, & ponitur corporum, humanorum, & uestium, ut differat habitus a quando, & ab ubi, & a situ. Dicunt enim respectum prouenientem ex adiacentia temporis rei temporalis, & ex adiacentia loci rei locatæ, & ex adiacentia partium loci partibus rei locatæ. Constat igitur tibi quid sit habitus, ut est prædicamentum.

Quantum ad tertium aduerte, quòd hujc prædicamento assignantur duæ communitates, & una proprietas. Prima cōmunitas est, quòd habitus suscipit magis, & minus, ut dux est magis: idest perfectius uestitus, quàm miles, & equus est armatior pedite. Sed aduerte, quòd cum habi-

TRACTATUS V. PARS II.

tus sit accidens respectuum, non recipit magis, & minus, nisi ratione fundamenti sicut etiam diximus in prædicamento ad aliquid. Vbi docuimus, quod similitudo, & dissimilitudo recipiunt magis, & minus, quia qualitas in qua fundatur, puta albedo, & dulcedo suscipiunt magis, & minus, cuius signum est, quod similitudo fundata in quarta specie qualitatis non recipit magis, & minus. Nam figuræ quæ denominantur a numero non recipiunt magis, & minus, ut docuimus in prædicamento qualitatis. Quia igitur uestis, & alia indumenta, & armatura recipiunt magis, & minus: quoniam sunt magis & minus pretiosa, & magis, ac minus decorant hominem, & magis ac minus seruant, & protegent hominem, ideo habitus dicitur suscipere magis, & minus, secunda communitas est, quod habitus non habet contrarium, cuius ratio est, quia habens quod est corpus humanum, & habitum quod est uestis siue indumentum substantiæ. Substantiæ autem nihil est contrarium, ut docuimus in prædicamento substantiæ, ergo habitus, qui fundatur in habente, & habito non habet contrarium. Præterea posito, & concesso, quod habitus fundetur in habente; & habito non ratione substantiæ sed ratione figuræ, non potest habere contrarium: quoniam in quarta specie qualitatis nulla est contrarietas, ut docuimus illic. Cum igitur accidens respectuum nō habeat contrarium, neque recipiat magis, & minus, nisi ratione fundamenti, constat, quod habitus non potest habere contrarium. Si autem recipit magis, & minus, est quia fundamentum, ut diximus, recipit magis, & minus.

Proprietas autem est, quod habitus semper est in pluribus existens: est enim in homine habente ueste, dum actu uestitus est, & in ueste coaptata corpori. Nam habitus, ut diximus, causatur ex adiacentia, & applicatione corporis ad uestem, & econuerso, ergo existit in utroque.

Sed aduerte, quod hæc proprietas potest esse falsa, & uera, Falsa quidem, si ponatur habitus esse unum accidens numero, puta habitus consurgens ex adiacentia huius uestis ad hoc corpus, & si proprietas intendat, quod sit in pluribus subiectiue, quoniam ut tibi declarabitur in philosopho-

loſophia, impoſſibile eſt unū accidens eſſe in pluribus ſub
iectis recipit enim unitatem, & pluralitatem a ſubiecto.
Vera autem eſt, ſi intelligatur, quòd ſit in pluribus, ſed in
uno, ut in ſubiecto puta in habente, & in alio, ut in termi-
no puta in re habita, uel econuerſo, quòd ſcilicet ſit ſub-
iectiuè in re habita, ut Vbi, in locato, & actio in re facta,
ut in termino ſit autem in habente, ſicut ubi in locante, &
actio in agente, ut in principio a quo, & hoc uerius repu-
tatur. Hæc de prædicamento habitus dicta ſint quo ad
reales.

Nominales autem ſic diffiniunt, Prædicamentum ha-
bitus, eſt ordinatio plurium terminorum, & uniuerſalium,
ſignificantium habitum ſecundū ſub, & ſupra. Termini au-
tem ſignificantes habitum ſunt illi, per quos conuenienter
reſponderetur ad quæſtionem quærentem de aliquo, quali-
ter eſt habituatus. Nam hoc prædicamentum caret pro-
prio quæſitiuo, ſed circumloquimur ipſum per hoc totum;
ſcilicet qualiter eſt habituatus? & conuenienter reſponde-
tur, quòd eſt uestitus, nel calciatus, uel armatus.

Ordinationem uero huius prædicamenti ſic aſſignant,
Genus, generaliffimum eſt habitus ultimo modo ſumptus
iuxta diſtinctionem aſſignatam ſupra in principio huius
cap. Genera ſubalterna ſunt habitus totius, & habitus par-
tis. Totius quidem, ut uestitum eſſe, togatum eſſe. Partis
autem, ut coronatum eſſe, uel calciatum eſſe. Species, ſpe-
cialiffimæ ſunt, Tunicatum eſſe, diploidatum eſſe, lori-
catum eſſe, chirotecatum eſſe. Indiuidua ſunt, Sortem
ſic uestitum eſſe, Platonem ſic armatum eſſe, Sortem ſic
calciatum eſſe, Platonem ſic pileatum, uel biretatum eſſe.
Hæc de habitu prædicamento ultimo dicta ſint, ſecundum
ſententiam realium, & nominalium.

Explicit ſecunda pars quinti tract. quæ eſt de decem
prædicamentis, ordinata per Reuerendum pa-
trem Magiſtrum Chryſoſtomum Iauel-
lum Canapicium, ordinis prædicato-
rum philoſophiæ, & ſacræ Theo-
logiæ profeſſorem.

INCIPIT TERTIA PARS EIVSDEM
tract. quinti ordinata per eundem, & est de
Postprædicamentis,

VT COMPLEATUR doctrina decem prædicamen-
torum, agendum est de Postprædicamentis. Quid autem
sit prædicamentum & antepædicamentum, & post prædi-
camentum, iam diximus in principio huius tract. Similiter
quomodo, & qua ratione cōferant cognitioni decem præ-
dicamentorum, diximus in parte prima huius tract. cap. j.
Acturi igitur in hac tertia parte de postprædicamentis di-
uidemus ipsam in quinque capita, quoniam quinque ab
Arist. assignantur postprædicamenta, & de singulis in spe-
cie agendum est. Sunt autem hæc, Oppositio, Prioritas,
Motus, Simultas, Habere siue Habitio.

In primo cap. agendum est de oppositione, & singulis eius
generibus,

In secundo, de prioritate, & singulis eius modis.

In tertio de motu, & singulis eius generibus.

In quarto de simultate, & singulis eius modis.

In quinto de habitatione, siue de habere, & singulis eius
modis,

De oppositione,

CAPVT I.

IN primo cap. agendum est de oppositione, & singulis
eius gñibus, & hic sex agenda sunt. Primò, ut scias in quo
sensu hic agendum est de oppositione, declarandi sunt mo-
di, quibus dicitur, & diffinienda est iuxta sensum quem in-
tendimus. Secundo, assignabimus sufficientiam quatuor
generum oppositionis. Tertio, agemus de oppositione re-
latiua. Quarto de oppositione contraria. Quinto, de op-
positione primitiua. Sexto de oppositione contradictoria.

Quantum ad primum, aduerte quod oppositio est du-
plex, quædam est propositionum, quæ repugnant aut in
ueritate, & falsitate, aut in quantitate, aut in qualitate, &
de hac non est hic sermo, sed de ea pertractauimus in tra-
cta. secundo, agentes de categoricis, est enim proprietas
terminorum complexorum, quædam autem est termino-
rum incomplexorum, quorum significata adinuicem re-
pugnant

pugnant: ut homo, & non homo, lux & tenebræ, albedo, & nigredo, & de hac intendimus hic, nam tractatus iste est de terminis incomplexis primæ intentionis. Et sic diffinitur, Oppositio est duorum terminorum incomplexorum repugnantia, quo ad significatum, non permittentium se simul in eodem, neque enim potest idem esse simul uidens & cæcum, & pater, & filius, respectu eiusdem.

Quantum ad secundum aduerte, quod uniuersalia genera oppositionis incomplexæ sunt quatuor, scilicet, relatiua, contraria, priuatiua, cōtradictoria, quorum sufficiētia hinc sumitur. Cum oppositio sit repugnantia duorum terminorum &c. uel uterque eorum significat ens, uel alter ens, & alter non ens. Si primo, dupliciter; quia uterque est terminus absolutus, & sic est oppositio contraria, ut album & nigrum, uel uterque est terminus relatiuus, & sic est oppositio relatiua, ut pater & filius, seruus & dominus. Si secundo dupliciter, quia uel alter significat non ens simpliciter, & sic est oppositio cōtradictoria, uel est non ens circa determinatum subiectum, & sic est oppositio priuatiua. Nam priuatio dicit negationē in subiecto determinato, & non absolute, puta cæcitas est negatio uisus in oculo. Vnde auris nō potest dici cæca, quia non est apta habere uisum. Potest autem dici non uidens, quia uidens & non uidens sunt cōtradictoria, & quolibet ente uerificatur alterum contradictoriorum. Constat igitur ratio, quare sunt quatuor oppositionum genera.

Quantū ad tertiū aduerte, quod oppositio relatiua est repugnantia relatiui, & sui correlatiui respectu eiusdē subiecti, quia nō se compatiuntur in eodem respectu eiusdē, neque enim Sortes potest esse pater Platonis, & filius eiusdem, quia sequeretur idem esse generā, & genitum respectu eiusdem, & sequeretur iem esse maius, & minus respectu eiusdem, ut si idem posset esse duplum, & dimidium respectu eiusdem. Hæc autem impossibilia sunt, & implicātia contradictionem, ut patet ad sensum. Respectu autem diuersorum non opponuntur. Nam Sortes simul est filius & pater, filius quidem A. & pater B.

Quantum ad quartū aduerte, quod oppositio contraria

est repugnantia duorum contrariorum, non se compatiuntur simul in eodem subiecto, sed mutuò se expellunt ab eodem. Pro cuius notitia aduerte, quæ sint ueræ contraria, & quotuplicia sint.

Contraria quidem sunt opposita, quæ sub eodem genere posita, scilicet, proximo & maximè à seinuicem distat distantia formali, & non materiali tantum: ut excludamus marem & foeminam, & eidem susceptibili uicissim in sunt, id est, apta nata sunt in eodem subiecto numero successiuè recipi, à quo mutuò se expellunt: scilicet propria actione, uel mediante aliena. Exemplum primi: ut calidū expellit frigidum. Exemplum secundi: ut siccum expellit humidum, mediante actione caloris, nisi alterum contrariorum insit subiecto. A natura; ut calor in igne, grauitas in lapide, albedo in niue, hæc enim inseparabilia sunt.

Cōtraria sunt duplicia, quædam mediata, quædam immediata. Mediata sunt, inter quæ est medium eiusdem generis; ut inter album & nigrum, est rubeum & uiride, & alij medij colores; nec est necesse semper alterum inesse subiecto. Potest enim corpus esse rubeum, & non album, aut nigrum. Immediata sunt, inter quæ non cadit medium eiusdem generis, ut inter sanum & ægrum, & quia inter ea non cadit medium, necesse est alterum eorum semper inesse subiecto, donec stat subiectum, Vnde necesse est omne animal esse aut sanum, aut ægrum. Sed aduerte, quòd dicuntur immediata per remotionem medii positiui, non autem per remotionem medii per abnegationem. Nam licet non detur animal, quod non sit sanum aut ægrum; tamen datur lapis, qui nō est sanus nec æger. Præterea aduerte, quòd contraria mediata sunt duplicia; nam quædam sunt, quorum mediis nomina sunt imposita; ut mediis coloribus, mediis saporibus, multis mediis extremorum moralium. Quædam autem sunt, quorum media sunt innominata; ut media inter bonum & malum, quæ circumloquimur per hoc, quòd dicimus, hoc non est bonum, neque malum, & multa similia inueniuntur in moralibus; ut tibi declarabitur in Ethicis.

Quantum ad quintum aduerte, quod priuatiua oppositio est repugnantia habitus & priuationis, ita quod non se compatiuntur in eodem subiecto, nec uicissim possunt ei dem inesse. Pro cuius notitia aduerte tria. Primò, quod habitus est forma realis dans esse reale subiecto determinato, ut lux est habitus aeris, quoniam dat aeris esse lucidum, & scientia est habitus intellectus, quoniam dat intellectui esse scientem. Priuatio autem est negatio ipsius habitus in subiecto determinato relinquens in subiecto aptitudinem ad ipsum habitum, non enim aufert principia naturæ, quibus est apta ex sui natura habere habitum. Verbi gratia, cæcitas non aufert oculum, tenebra non aufert diaphaneitatem ab aere, qua est aptus suscipere lumen. Secundò aduerte quod priuatiue opposita sunt illa, quæ habent fieri circa idem subiectum ordine irregressibili, & tempore determinato à natura. Dicitur ordine irregressibili ad differentiam contrariorum quæ uicissim insunt eidem subiecto, nisi ut diximus alterum insit à natura, nam uidemus aquam sæpe calefieri, & sæpe infrigidari & e contra. In priuatiue autem oppositis, uidemus processum ad habitum ad priuationem, sed non est regressus per uirtutem agentis naturalis, ut præseruemus agens diuinum. Nam uidemus uidentem fieri cæcum, & uiuentem mori, sed non e contra. Dicitur tempore determinato à natura, quia non omni tempore subiectum est capax habitus; ut oculus catuli, non est aptus uidere ante nonum diem, & ideo nisi post nonum diem non potest dici cæcus, nec infans potest dici orbatus potentia generandi, quia non est aptus generare nisi in pubertate. tertio aduerte quod illa propositio, A priuatione ad habitum non est regressus, intelligenda est de habitu naturali & non aduentitio. Est autem habitus naturalis qui inest rei ex sui natura, & est rei naturam consequens, ut uita inest animali ex natura animalis, & uisus inest oculo, & auditus auri ex natura rei. Habitus autem aduentitius est ille, qui aduenit rei ex propria acquisitione uel actione agentis extrinseci, ita quod res ipsa ex sui natura nec habitum tantum

TRACTATUS V. PARS III.

nec priuationem habet, sed est penè indifferens ad utrumque talis habitus est lumen respectu aeris, nō enim ex natura sua est lucidus, sed fit lucidus illuminatione corporis luminosi. Similiter se habet scientia ad intellectū humanū, qui ex natura sua & in sui principio est sicut tabula rasa, ut dicetur tibi in libro tertio de anima. Vnde nisi uia sensus acquirat scientiam, non est sciens. Dico ergo, quod illa propositio, A priuatione ad habitum, non verificatur nisi de habitu naturali, ut patet ad sensum. Nam uidemus ignorantem fieri scientem, & obliuiosum fieri memorem, & aerem tenebrosus fieri lucidus &c.

Quantum ad sextum aduerte, quod contradictoria oppositio, est repugnantia duorum terminorum incompletorum, quorum significata non possunt de aliquo simul esse uera, cuius repugnantia non est dare medium, & significatur per eundem terminum sumptum affirmatiue & negatiue: ut homo & non homo, album & non album, sedere & non sedere. Ratio autem, propter quam non datur medium in contradictoriis est, quia unum extremum est ens, & alterum non ens simpliciter. Sed inter ens, & non ens simpliciter, non potest dari medium ullo modo. Dico ullo modo, quoniam medium & duplex, scilicet per participationem utriusque extremi, quales sunt medii saporis, & per negationem utriusque extremi, & est quando inuenitur subiectum, cui neutrum extremum inest. Hoc declarato aduerte, quod oppositio relatiua habet medium per negationem. Nam de lapide uerum est dicere, quod nec est pater, nec filius, nec dominus, nec seruus &c. idem inuenitur in priuatiua. Nam de elemento uerum est dicere, quod nec est uiuum nec mortuum. Idem inuenitur in contraria respectu contrariorum intermediarum. Nam de terra uerum est dicere, quod nec est sana nec infirma. Respectu autem contrariorum mediatorum inuenitur medium utroque modo, per participationem quidem, ut inter album & nigrum datur rubeum, & croceum &c. per negationem autem, ut de substantia incorporea uerum est dicere, quod nec est alba, nec nigra, nec aliquo medio colore colorata. De contradicto-

rius autem, neutro modo est uerum dicere, quòd habeant medium, quoniam ut probatur in quarto Metaphysicæ de quolibet est uera affirmatio uel negatio. Quid autem sit contradictio, iam diximus in tract. tertio, agentes de propositionibus contradictoriis. Hæc de primo postprædicamento dicta sint.

De priori, et singulis eius modis.

CAP. II.

IN capitulo secundo agendum est de priori & eius modis. Tu igitur aduerte, quòd apud antiquos quatuor ponuntur modi prioris, & Aristoteles addit quintum. Primus modus dicitur prius tempore, secundus prius natura, tertius prius ordine, quartus prius dignitate, quintus prius causalitate.

Prius tempore est illud, quod est uel fuit in aliquo tempore, in quo non fuit aliud: ut Priamus fuit prior tempore Hectore. Respectu autem futuri, illud dicitur prius tempore, quod pro aliquo tempore erit, in quo nondum erit aliquid aliud, ut prius erit messis, quàm uindemia, & ad hunc modum reducitur esse prius quacunque durationes ut licet nec Deus nec angelus mensurantur tempore, tamen uerum est dicere, quòd duratione, scilicet æternitate & æuo, sunt priores homine. Ad eundem modum reducitur esse prius loco, quoniã locus & tempus sunt mensuræ rei extrinsecæ. Vnde in descensu a primo cœlo ad ultimum, uerum est dicere, sphæram Saturni esse priorem sphæra Iouis &c.

Prius natura est, a quo non conuertitur subsistendi consequentia, id est, quando duo sunt & abesse unius adesse alterius ualet consequentia. Sed non conuertitur, tunc inter ea est prioritas naturæ, & hæc prioritas seruatur inter species numeri arguendo a maiori numero ad minorem, ut bene ualet, quatuor sunt, ergo tria sunt. Sed non ualet, tria sunt, ergo quatuor sunt: & ideò tria sunt priora natura, quàm quatuor. Idem modus seruatur inter genera & species suas. Nam quia a specie ad genus ualet consequentia, sed non econtrà affirmatiuè, ideo genus est prius natura, quam species, & sic quodlibet magis uniuersale, quolibet

TRACTATUS V. PARS III.

quolibet minus uniuersali. Nam bene sequitur, homo est, ergo animal est. Sed non sequitur, animal est, ergo homo est, idè animal est prius natura, quàm homo.

Prius ordine est illud, quod præcedit aliud non quocunque modo, sed doctrina & cognitione, & sic principia scientiæ sunt priora quàm scientia, quoniam præcognoscuntur; & literæ sunt priores syllabis, quoniam prius addiscuntur. Dicitur, non quocunque modo, quoniam sumendo prius ordine indefinito, inuenitur in primo modo, & in loco, & in secundo, & dicitur ordine temporis, ordine loci, ordine naturæ &c.

Prius dignitate est illud, quod præcedit aliud, & est eminentius autoritate, potentia, doctrina, & titulo, sicut rex est prior duce, & dux prior marchione, & marchio prior ciue, unde rectores dici consuevere priores, & hic modus est maxime usitatus in moralibus & politicis. Ad eundem modum reducitur prioritas speciei, & prioritas formæ respectu generis & materiæ, quoniam species est perfectior genere, & forma est dignior materia, utpote actus eius.

Prius causalitate est illud, a quo aliud pendet, & non econuersò, ut natura rei est causa ueritatis in propositione, ut quia homo est animal, hæc propositio est uera, homo est animal, & idè rei natura prior est causalitate, quàm oratio uera. Hæc de priori & singulis eius modis dicta sint.

De Simul et eius modis.

CAP. III.

IN tertio capitulo agendum est de Simul, de quo quinque agenda sunt. Primò, quid sit Simultas. Secundò, quot modis sumitur. Tertio agendum est de Simul tempore.

Quartò de Simul in conuertentia. Quintò de simul esse in ratione diuina.

Quantum ad primum aduerte, quod simultas importat in hoc loco negationem prioritatis & posterioritatis, ut generaliter ea dicantur simul, quorum utrunque existit, nec unum præcedit aut subsequitur aliud in eo modo, quo sunt simul. Verbi gratia, quæ sunt simul tempore,

re, incipiunt esse in eodem tempore &c. Dico in eo modo, quo sunt simul, nam bene stat, quòd duo sint simul tempore, & tamen nò sint simul natura, imò quòd unum natura sit prius, & alterũ posterius, ut ignis & calor ignis; subiectum & propria passio.

Quantum ad secundum aduerte, quòd hic non intendimus tractare de omnibus modis, quibus uniuersaliter aliqua dicuntur esse simul. Nam non solũ tribus modis hic numerandis, aliqua dicuntur esse simul, sed pluribus aliis, puta simul loco, ut quæ sunt in eodem loco, simul causalitate, ut duo simul trahentes nauem. Simul autoritate, ut plures rectores. Simul unius populi, quorum unus non agit sine altero. Simul consensu & uoluntate, ut duo ueri amici. Sed de his modis non est sermo hic. Intendimus autem tantũ de modis, qui deseruiunt doctrinæ & cognitioni prædicamentorum, quæ sunt tres, scilicet tempore, conuertentia, & diuisione, quomodo autem deseruiant cognitioni prædicamentorum, dicemus agentes de singulis. Eorum igitur sufficientia sumitur hic. Quæcunque sunt simul similitate deseruiente doctrinæ prædicamentorum, aut sunt simul tempore, aut simul natura. Si simul tempore, sic est primus modus. Si simul natura, dupliciter, quia aut cõuertentia ut correlatiua, & sic est secundus modus, aut diuisione, ut differentia diuisiue generis, & sic est tertius modus.

Quantum ad tertium aduerte, secundum Aristo. quòd ea dicuntur simul tempore, quorum generatio est in eodem tempore, ita quòd in eodem instanti incipiunt esse, ut si duo homines in eodem instanti oriantur, dicuntur simul tempore ex parte inceptionis, quia unus non est prior nec posterior altero. Idem intellige ex parte diffinitionis, ut si duo homines in eodem instanti moriantur. Possunt ergo aliqua esse simul tempore tribus modis, scilicet ex parte inceptionis tantum, & ex parte definitionis tantum, & ex parte utriusque. In eodem modo similitatis continentur subiectum & propria passio, ut homo & risibile. Nam quocunque instanti ponitur homo, ponitur risibile per naturalem sequelam, & quocunque instanti definit

TRACTATUS V. PARS III.

definit esse homo, definit esse risibile, quoniam est accidens, cuius esse, est inesse subiecto. Tu tamen aduerte, quod licet subiectum & passio sint simul tempore, non tamen natura, quoniam subiectum est causa, à qua passio fluit, causa autem natura est prior causato. Constat igitur quis sit modus primus simultatis deseruiens doctrinæ prædicamentorum. Deseruit autem in hoc, quod ut supra docuimus, in omni prædicamento sunt quædam proprietates. Vt ego scias, an sint tempore simultaneæ, uel priores, uel posteriores his quorū sunt proprietates, ponitur hic primus modus simul.

Quantum ad quattum aduerte, quod secundus modus simul, est simul esse in conuertentia, ea autem sunt simul in conuertentia, quando ab uno ad alterum est bona consequentia & econuerso, tam in ponendo, quam in remouendo, id est affirmatiue & negatiue; ita quod si ponitur unum, ponitur reliquū, & econuerso; & si remouetur unū, remouetur reliquum. Et hoc secundo modo oīa mutua relatiua sunt simul; nam bene sequitur in secundo adiacente, Si pater est, filius est, & econuerso. Item, si pater non est, filius non est, & econuerso. & ratio huius est, quia ut docuimus in prædicamento ad aliquid, correlatiua per se inuicem diffiniuntur, & intelliguntur. Sed aduerte, quod non sufficit huic secundo modo mutua consequentia, sed quod unum non sit causa alterius. Et sic uerificatur de omnibus correlatiuis, in quantum sunt correlatiua, quoniam, ut sic, sunt opposita oppositione relatiua, nullū autē oppositum est per se causa sui oppositi. Dico in quantum sunt correlatiua, quoniam si sumantur materialiter, puta in quantum substantiæ sunt, non inconuenit unum esse causam alterius, ut Sortes pater, in quantum est substantia, generat filium, non tamen pater formaliter pater, est causa filii formaliter filii, quoniam dicunt respectus oppositos. Et aduerte, quod hic modus secundus ualeat ad cognoscendum proprietates prædicamenti ad aliquid, inter quas est ista, quod proprium est relatiuorum dici ad conuertentiam.

Quantum ad quintum aduerte, quod tertius modus est,

est, esse simul in ratione diuisiua. Ea autem sunt simul in ratione diuisiua, quæ ex æquo & absque ordine prioris, & posterioris diuidunt, & participant aliquod commune illis superius, prout respiciunt illud commune. Sicut duæ differentię diuisiuæ unius generis, & duæ species constitutæ ex illis differentiis, & constitutæ sub illo genere, ut rationale & irrationale simul, id est, quæ ex æquo diuidunt animal, neque enim prius rationale est animal, neque magis, quàm irrationale. Dico prout respiciunt illud commune, quoniam si comparentur adinuicem, & non ad commune, quod diuidunt, non incouenit unam esse priorem altera & perfectiorem, ut rationale irrationali. Idem dico de speciebus constitutis, ut homine & asino. In ratione autem animalis æquè & simul conueniunt. Constat igitur tibi, quis sit tertius modus simultatis deseruiens, cognitioni prædicamentorum. Deseruit autem ad cognoscendum, quod in omni prædicamento sunt differentię oppositæ simul diuisiuæ sui generis. Et uniuersaliter omnia inferiora dicuntur simul contineri sub suis superioribus, iuxta hunc tertium ordinem. Et aduerte, quod secundus & tertius modus dicuntur simul natura, sed distincta ratione. nam secundus dicitur simul natura propter conuertentiam, ita tamen, quod unum non est causa alterius, ut excludamus subiectum & passionem suam. Tertius autem est simul natura propter simultantam diuisionem alicuius superioris ut excludamus diuisionem analogicam, in qua unum diuidens est prius altero, ut substantia est prior accidente, quæ diuidunt ens tibi, ut declarabitur in quarto Metaphysicæ, & sanum dictum de animali, est prius sano dicto de medicina. Hęc de simul, ut est post prædicamentum dicta sint.

De motu et eius generibus. Cap. IIII.

IN cap. quarto agendum est de motu, ut est postprædicamentum, & hic sex agenda sunt. Primò, ut scias in quo sensu hic sumitur motus, ponendi sunt modi, quibus apud Philosophum dicitur motus. secundò assignanda sunt genera motus & eorum sufficientia. tertio agendum est de generatione & corruptione. quarto agendum est de

TRACTATVS. V. PARS II.

de augmento & decremento. quinto agendum est de alteratione, sexto agendum est de motu locali.

Quantum ad primum aduerte, quod ut tibi declarabitur in sexto Physicorum, mutari siue moueri, est aliter res se habere nunc quam prius. Motus ergo est dispositio, qua subiectum aliter se habet nunc quam prius. Omnis ergo uariatio subiecti dicitur motus, aut dupliciter sumi consuevit, quoniam cum sit uariatio, id potest contingere in anima, & in re corporali. Si in anima, solet dici motus, qui est actus perfecti, qui potius est de consideratione Metaphysici, quam Physici, & Logici, & de eo non est hic sermo. Si in re corporali, solet dici motus, qui est actus imperfecti, siue existentis in potentia, de quo pertractat Aristoteles in tertio Physicorum. Hic autem motus dupliciter sumitur, primo generaliter, secundo specialiter. Primo modo idem est quod mutatio communiter sumpta, siue sit instantanea, id est fiat in instanti, ita quod eius terminus acquiratur indiuisibiliter, uel deperdatur indiuisibiliter siue sit successiua, ita quod eius terminus, acquiratur uel deperdatur diuisibiliter & in tempore. Secundo modo idem est, quod motus proprie dictus, de cuius ratione est successio, & eius terminus acquiratur siue deperditur diuisibiliter, & necessario fit in tempore, & repugnat ei fieri in instanti. Hic non sumitur motus proprie dictus, quoniam eius tantum tria sunt genera, ut tibi manifestabitur in v. Physi. scilicet motus in quantitate, qui dicitur augmentum & decrementum, motus in qualitate, qui dicitur alteratio, motus in Vbi, qui dicitur motus localis. Hic autem de motu recitantur sex species subalternæ, quæ etiam sunt genera, ergo hic sumitur motus generaliter dictus, ut sub se continet mutationem proprie dictam, quæ est in instanti, ut generatio & corruptio substantialis & motum proprie dictum, qui est in tempore, & successiuus, ut augmentum & decrementum, & alteratio & motus secundum locum.

Quantum ad secundum aduerte, quod Aristoteles in postprædicamentis enumerat sex species motus, & sunt istæ, generatio, corruptio, augmentatio, diminutio, alteratio,

tio, secundum locum mutatio, quarum sufficientia hinc sumitur. Omnis motus est uia & processus ad aliquem terminum. Omnis autem terminus est uel substantia uel accidens. Si substantia, uel est affirmatiua, uel negatiua. Si affirmatiua, est generatio, ut tibi declarabitur. Si negatiua, est corruptio. Si est accidens, uel est accidens connotans respectum, & sic est loci mutatio, uel est accidens absolutum, & hoc dupliciter, quia aut est qualitas & sic est alteratio, aut quantitas. Et hoc dupliciter, quia aut est quantitas perfecta, & sic est augmentum. Aut est quantitas imperfecta, & sic est diminutio siue decrementum. Cōstat igitur tibi propter quid assignantur sed species motus generaliter dicti.

Quantum ad tertium aduerte, quod Arist. in postprædicamentis non immoratur ad diffiniendum singulas prædictas species motus, id enim reseruat ad librum quintum Phy. Logici autem reales ut disponant nouitium aliquo qualiter ad philosophiam, diffiniunt eas, & præcipuè Petrus Hispanus. Incipiens ergo à generatione inquit. Generatio est progressio à non esse ad esse. Pro cuius notitia aduerte, quod progressio dupliciter sumitur. Primò, pro motu locali in animali quo animal tendit per potentiam animæ motiuam de loco ad locum, & dicitur motus progressiuus. Secundò, pro quacunque uia, qua res acquirit esse. Progressio quidem primo modo dicta, est progressio propria, & de ea agitur in tertio de anima, secundo autem modo dicta, est per similitudinem. Nam sicut animal ambulans graditur de loco ad locum, sic res dum generatur procedit à non esse, ad esse. Nam ante generationem non est, quia si esset, non generaretur, & post generationem est: & ideo per similitudinē quod generatur, dicitur progredi à non esse ad esse. Sed aduerte, quod ly non esse, & ly esse, debent exponi substantialiter & non accidentaliter, ut sit sensus, Generatio simpliciter dicta, est progressio id est, uia à non esse substantiali, ad esse substantiale. Nā si esset progressio à non esse accidentali ad esse accidentale, non distingueretur ab alteratione, ut tibi manifestabitur in quinto Physico.

Corruptio autem est progressio ab esse substantiali, ad

non

TRACTATUS V. PARS II.

non esse substantiale, nam cum opponatur generationi, contrario modo est progressio, & conuenienter dicitur progressio ab esse substantiali ad non esse, quoniam quod corrumpitur, est, & desinit esse, sicut ex opposito, quod generatur, non est, sed incipit esse, per negationem de præsenti & positionem de futuro, ut tibi manifestabitur in tractatu de probationibus terminorum.

Quantum ad quartum aduerte, quod augmentum & diminutio dupliciter considerantur. Primò, ut fiunt in rebus animatis per potentiam animæ augmentatiuam, quæ est potentia animæ uegetatiuæ. Secundò, ut fiunt in rebus animatis, & inanimatis siue ab extrinseco, siue ab intrinseco per additionem uel subtractionem quantitatis à quantitate. Hic intendimus loqui in secundo sensu, & non tantum in primo. Nam de primo tractatur in secundo de anima. Augmentum igitur in secundo sensu sic definitur, Augmentum siue augmentatio, est præexistentis quantitatis additamentum. Quod sic probatur, quoniam augmentum est motus de minori quantitate ad maiorem, sed non potest esse motus nec terminari à minore quantitate ad maiorem, nisi minori superaddatur maior, ergo definitio est uera. Decrementum autem aut diminutio, in secundo sensu, est præexistentis quantitatis minoramentum, & probatur sic. Decrementum est motus à maiori quantitate ad maiorem, & minorem. Sed non potest esse motus nec terminari à maiori quantitate ad minorem, nisi minuatur præexistens quantitas, ut puta si erat quantitas duorum cubitorum fiat unius.

Sed aduerte, quod aliquando fit augmentum in quantitate sine acquisitione alicuius partis substantiæ, ut in refractione, & decrementum, ut in condensatione. Nam quando aqua congelatur, fit decrementum in quantitate, quoniam dimensiones contrahuntur, & tamen nihil de substantia aquæ deperditur; & quando dissoluitur per calorem, augetur, quoniam dimensiones prius contractæ extenduntur, & tamen nihil de substantia aquæ acquiritur. Aliquando autem fit augmentum & decrementum cum acquisitione & deperditione alicuius partis substantiæ, ut

tia, ut quando augetur paries per additionem laterum, & decreuit per subtractionem. Vtrum autem possit fieri augmentum, & decrēctum sine alteratione, manifestabitur tibi in libro octauo Physicorum.

Quantum ad quintum aduerte, quod alteratio dupliciter sumitur. Primo, pro motu ad quancunque qualiratem, siue sit perfectiua subiecti, siue non, & in hoc sensu potest inueniri in prima, & tertia, & quarta specie qualitatis. Secundo, pro motu ad contrariam, uel mediam qualitatem, quæ comparata alteri extremo est ueluti contraria, ut dicemus, & in hoc secundo sensu est alteratio proprie dicta, & est tantum in tertia specie qualitatis. Illis enim qualitibus patitur, & alteratur subiectum tam animatū, quàm inanimatum, ut calefactione alteratur aqua, & animal secundum tactum, & de hac intendimus hic, & sic diffinitur. Alteratio est mutatio subiecti a qualitate cōtraria, ut a termino a quo, ad qualitatem contrariam, uel ad mediam, ut ad terminum ad quem. Pro cuius notitia aduerte, quod alteratio potest esse in qualitibus contrariis immediatis, & tunc semper est mutatio ab extremo contrario ad extremum contrarium, ut sanatio est mutatio ab ægitudine ad sanitatem, ægrotatio uero est opposito modo. Et potest esse inter qualitates contrarias mediatas, & tunc uerificatur diffinitio, quod est mutatio a qualitate cōtraria ad contrariam, uel ad mediam, ut patet in coloribus, & sonis, & saporibus, & odoribus. Vnde aduerte, quod in his contingit fieri alteratio tribus modis. Primo, ab extremo ad extremum, & tunc est simpliciter a contratio ad contrarium, ut calefactio, quæ est a frigido ad calidum. Secundo, ab extremo ad medium, quod comparatam alteri extremo, est uelut contrarium, ut quando mouetur aqua ab intenso frigida ad tepidum, & dicitur tepesfactio. Nam tepidum respectu frigidi intensi, est calidum, & ut sic, est contrarium frigido. Tertio, a medio ad medium, & tunc utrunque medium est, ut contrarium comparatum extremo, cui magis propinquat, ut quando mouetur corpus fuscum ad croceum. Nam fuscum se tenet ex parte nigri, croceum autem ex parte albi, & ideo uirtuali-

TRACTATUS V. PARS III.

er est motus a cōtrario ad contrariū, licet nō formaliter. Quantum ad sextū aduerte, quòd motus localis est duplex, scilicet rectus, ut motus grauium, & leuium, & sphæricus, ut motus cœli, qui sic differunt, quòd motus rectus est ille per quem mobile mutat locum, & secundum totum, & secūdum partes, relinquit enim totaliter primum locum, & tendit ad alium, ut lapis descendens, & ignis ascēdens, per motum autem sphæricum. Non mutat mobile locum, secundum totum, quoniam semper mouetur super eodē polos, & circa idē centrum, & ideo semper manet in eodē loco secundum se totum: secundum autem partes mutat locum, quoniam una succedit alteri, & secūdum quod una recedit, altera ad eundem locum succedit, ut patet in partibus rotæ, quæ sibi inuicem succedunt in puncto signato in spatio. Hoc notato aduerte, quòd licet hic sit sermo de utraque specie motus localis, principaliter tamen in primo sensu, & ideo sic diffinitur, Motus secundum locum est mutatio de uno loco in alterum, scilicet secundum totum, ita quòd principaliter diffinitur motus localis rectus tanquam notior nobis. Cuius signum est, quòd Petrus Hispan. posita diffinitione, assignat sex differentias locales, de quibus pertractat Aristoteles in secundo cœli, secundum quas uidemus mobile motu recto moueri secundum totum & partes, nō autem mobile motu sphærico secundum totum. Neque enim totum cœlum magis mouetur sursum, quàm deorsum, neque magis ante, quàm retro, &c. aliter non esset motus cœli circa medium præcisè, sed a medio ad medium, quod non conuenit mobili sphærico, ut sphæricum est, ut tibi declarabitur in primo cœli. Intelligendo ergo de motu recto principaliter sic diffinitur. Motus secundū locum, est mutatio ab uno loco ad alium.

Constat igitur tibi, quomodo sunt sex species motus, quarum notitia deseruit doctrinæ decem prædicamentorum. Nam per negationem, & corruptionem cognoscimus quomodo acquiritur, & deperditur substantia, per augmentum, & decrementum, quomodo acquiritur, & deperditur quantitas, per alterationem qualitas, per motum

cum localem ubi siue locus. Rationabiliter igitur motus ponitur postprædicamentum.

De habere, et eius singulis modis.

CAP. V.

IN quinto capite agendum est de habere, & hic duo uidentur. Primò, quot sint recitati ab Aristotele modi ipsius habere. Secundo, ponetur eorum sufficientia.

Quantum ad primum aduerte, quòd Aristoteles non intendit uniuersaliter, & absolute numerari modos habendi, sed famuliores, & magis consuetos. Vnde inquit in fine, Fortè tamen, & alii appatebunt modi de eo, quod est habere. Sed qui consueuerunt dici, pene omnes numerati sunt. Numerat ergo septem modos.

Primò dicitur quis habere qualitatem, ut Sor. habet scientiam, uel uirtutem, uel albedinem, &c. & hoc habere non est aliud, quàm informari qualitate sibi inhaerente, siue secundum animam, siue secundum corpus.

Secundò, dicitur quis habere quantitatem, ut Sor. habet quantitatem bicubitalem, & Plato tricubitalem, & hoc habere non est aliud, quàm extendi, uel dimensionari tanta uel tanta quantitate intrinseca, sibi inhaerente.

Tertiò, dicitur quis habere ea, quæ adiacent corpori, & hoc dupliciter, quia aut adiacent toti corpori, ut uestis ad protectionem, aut parti, ut anulus digito, biretū capiti, calceus pedi, ad protectionem, & decorem, & hoc habere constituit ultimum prædicamentum, de quo actum est supra.

Quartò dicitur quis habere membrum, ut Sortes habet manum, & pedem, & uniuersaliter omne totum habet suas partes sicut arbor habet ramos, & domus fundamentum, & parietem & tectum. Et hoc habere, non est aliud quàm totum ex partibus sibi debitis constare.

Quinto, dicitur quis habere contentum, ut lagena habet uinum, & modius triticum, & uniuersaliter continens habet contentum, intelligendo de continentia locali, & circumdatiua, ut præseruetur continentia uirtualis, ut anima continet corpus, & rex regnum. Hæc enim continentia non est locatiua, sed conseruatiua tantum, & hoc habere non est aliud, quàm locare, aut conseruare.

Sextò, dicitur quis habere possessionem, ut agrum, aut uineam,

TRACTATUS V. PARS III.

neam, & hoc habere, nō est aliud quā rē suā possidere.

Septimò, dicitur quis habere uxorem, & non est aliud habere uxorem, quā esse uxoratū, uel cohabitare familiariter cum uxore, & ideo dicit Aristoteles hunc modum esse alienissimum, id est, minus proprium cæteris modis habendi. Vnde parum de eo curandum est in hoc proposito, quoniam non deseruit doctrinæ prædicamentorum. Alii enim manifestè deseruiunt. Nam primus deseruit prædicamento qualitatis, secundus prædicamento quantitatis, tertius prædicamento habitus, quartus prædicamento substantiæ, quintus prædicamento ubi, sextus prædicamento relationis. dicitur enim relatiuè possessor ad rem possessam. Septimus autem, ut per se constat, nullo modo deseruit, ideo alienus est a præsentī proposito. Non enim hic agitur de habere, nisi ut est post prædicamentum. De ratione autem post prædicamentū est secundum omnem modum suum deseruire cognitioni prædicamentorum.

Quantum ad secundum aduerte, quod sufficiētia prædictorum modorū sic sumitur. Habere, importat habitudinem habētis ad rem habitam, sicut amare, habitudinē amantis ad rem amatam. Haberi autem, sicut amari e conuerso. Hæc autem habitudo uel est ad aliquod intrinsecū, quod est de substantia eius, & sic est quintus modus, quo modo totum habet partes, quæ sunt de substantia totius, uel ad aliquod extrinsecum, quo ad substantiam habentis, ita quod non est de substantia eius, & hoc dupliciter: quia illud extrinsecum a substantia habentis, uel est sibi inhærens, sicut accidens, uel non. Si primo modo, aut inheret ratione formæ, & sic est primus modus: qualitas enim formam rei consequitur, aut inheret ratione materiæ, & sic est secundus modus: quantitas enim consequitur materiam, ut tibi declarabitur in septimo, & octauo Metaphysicæ. Si non est inhærens, hoc dupliciter, quoniam licet non sit inhærens, est tamen unitum uel distās. Si unitum, dupliciter, quoniam autem est unitum, ut continens, & ambiens, & hic est quintus modus, aut est unitum solum, ut adiacens uel adaptatum, & sic est tertius modus. Si distās, hic est septimus modus, quem dicit Aristoteles esse alienum

num, idest improprium, iuxta quem modum uir dicitur habere uxorem, quæ non est sibi unita, nisi quo ad actum matrimonialem, & cohabitationem. Vnde uxoratus non habitans cum uxore, non copulans se uxori, non potest dici iuxta hunc modum habere uxorem, nisi quo ad nexum matrimonii. Hæc de postprædicamentis dicta sint.

Explicit tractatus quintus, qui est de antepredicamentis, & prædicamentis, & postprædicamentis, ordinatus per Reuerendum P. Fratrem Chrysostomum Iauellum Canapicium ordinis prædicatorum, Philosophiæ, & Sactæ Theologiæ professorem.

SEQUITVR DE SYLLOGISMO

simpliciter, uel formaliter dicto.

HACTENVS perstrinximus, quæ Aristoteles tradidit in tota arte ueteri, quæ constat ex libro prædicamentorum, & Perihæmæ & libro prædicabilium, quem super addidit Porphyrius, ut Isagogicum ad librum prædicamentorum. Nunc transeundum est ad artem nouam, in qua pertractare debemus, de arte argumentandi, cuius in doctrina Aristotelis quinque sunt species. Syllogismus, Consequentia, Enthymema, Inductio, Exemplum. Syllogismus autem diuiditur in formalem, idest absolutè sumptum, non contractum ad aliquam materiam, in demonstratiuum, idest scientificum; in topicum, idest, probabilem in sophisticum, idest fallacem, & deceptorium. De formali pertractat Aristoteles in libro Priorum, cui correspondet præsens tractatus. De demonstratiuo pertractat in libro Posteriorum. Nam secundum, quod innuit Aristoteles in primo Priorum, consideratio & doctrina de syllogismo formali, immediate & principali intentione ordinatur ad demonstrationem. Vnde inquit, Postea uero, id est, postquam de syllogismo formali, & uniuersaliter sumpto tractatum fuerit, dicemus de demonstratione, prius enim dicendum est de syllogismo, quàm, de demonstratione, eo quod uniuersalior est syllogismus. Nam demonstratio

TRACTATVS SEXTVS

sylogismus quidem est. Non omnis autē syllogismus demonstratio. Quoniam igitur Syllogismi demonstratiui doctrina sequitur immediate librum Priorum, ideo post præsentem tractatum, disponemus tractatum de syllogismo demonstratiuo, cui respondebit lib. Posteriorum Aristot. licet aliter proposuerimus in principio huius compendii. Deinde, si Deus optimus auxiliatus nobis fuerit, formabimus trac. de syllogismo Topico, postremò de syllogismo Sophistico.

In præsentī igitur tract. acturi de syllo. formaliter, & nō contracto ad aliquam materiam, diuidemus ipsum in sex capita principalia:

In primo agendum est de præcognoscendis, sine quorum præcognitione impossibile foret tradī ueram, & completam doctrinam de arte syllogizandi.

In secūdo agēdū est de priā figura, & singulis eius modis.

In tertio agendum est de secunda figura, & singulis eius modis.

In quarto agēdū est de tertia figura, & singulis eius modis.

In quinto agendum est de coniugationibus inutilibus ad mentem Aristotelis.

In sexto trademus regulas generales defensiuas modorū rectè, & utiliter concludentium, & præcipuè in prima, & secunda figura.

De præcognoscendis. CAPVT I.

IN cap. primo agendum est de his, quorum præcognitio necessario requiritur ad consequendam ueram, & completam artem syllogizandi. Sunt autem quinque. Primò, cū syllogismus sit quoddam totum constans ex propositionibus & terminis, agendum est de partibus eius propinquis & remotis, inuestigando quid sint, & quot requirantur. Secundò agendum est de principiis regulatiuis syllogismi, per quæ sciemus syllogismum utilem, & inutilem. Tertiò diffiniendus est syllogismus, ut syllogismus est, & singulæ diffi. partes declarandæ. Quartò agēdū est de forma syllogismi. Quinto agēdū est de sufficiētia triū figurarum syllo. ita q̄ non sunt nisi tres ordinariæ, & nō possunt esse plures efficaciter, & uniuersaliter concludentes.

Quantum

Quantum ad primum aduerte, quòd in omni toto materiali considerando procedere possumus uia constructiua, & uia resolutiua. In constructiua quidem incipimus a partibus remotis & simplicioribus, & deuenimus ad partes propinquas compositas ex remotis, & ex propinquis debite dispositis constituitur totum, ut patet in arte ædificandi. Nam artifex intendens construere domum, primò parat lapides idoneos, secundò ex eis sic uel sic ordinatis, construit fundamentum & parietes, tertio ex his debite approximatis & figuratis, facit constare domum. In uia autem resolutiua, procedimus modo opposito, scilicet, a composito ad simplicia. Nam qui destruit domum, resoluit domum in tectum, & parietem, & fundamentum destructiuè, id est redigit tectum in tegulas separatim, & in ligna, & in tabulas, & in clauos. Parietes autem & fundamentum redigit in lapides sparsim, & separatim. His præmissis aduerte, quod syllogismus est quoddam totum constans ex terminis & propositionibus, ut tibi declarabitur infra, ergo in consideratione eius procedere possumus a partibus ad totum uia constructiua, & econuersò uia resolutiua. Primo modo processimus in ij. & iij. tracta. ubi actum est de terminis constitutiuis orationis & propositionis, & de propositione, ut ordinatur ad constitutionem syllogismi, sicut lateres ordinantur ad parietem componendum, & paries ad domum, utpote partes domus remotæ & propinquæ, secundo autem modo processuri sumus hic ad mentem Aristote. Vnde sicut in uia compositiua, incipimus a partibus simplicibus & remotis, & deuenimus ad partes propinquas, & a partibus propinquis ad ipsum totum, ita opposito modo procedimus in uia resolutiua. Cum igitur pars propinqua & immediata sit propositio, remota autem sit terminus incipiemus primò a propositione, assignando quid sit, & quot requirantur ad syllogismum. Deinde dicemus de termino quid sit, & quot requirantur ad constitutionem ueri syllogismi. Hoc enim ordine processit Aristote. in primo Priorum.

Quantum ad propositionem aduerte, quòd Arist. in primo Priorū sic diffinit eā. Propositio est oratio affirmatiua,

TRACTATVS SEXTVS

uel nega- alicuius de aliquo. Et sic debet intelligi, Propositio est oratio, scilicet, perfecta indicatiua, in qua prædicatur aliquod prædicatum de aliquo subiecto affirmatiue, ut homo est animal- uel negatiue, ut homo non est asinus. Et aduerte, quòd Petrus Hisp. addidit, uel alicuius ab aliquo: ut sit sensus clarior. Nam in affirmatiua prædicatur prædicatum de subiecto attributiue. In negatiua autem prædicatur remotiue. Et ly de signat attributiue, & ly absignat remotiue.

Sed dices, Cùm unius rei sit tantum una uera & sufficiens diffinitio, quare Aristoteles dat de propositione duas diffinitiones? Vnam enim dedit in libro Peri hermenias, dicens, quòd est oratio uerum uel falsum significans. Alteram autem in primo Priorum, quam hic assignauimus.

Respondetur, quòd unius rei est tantum una diffinitio consideratæ sub una & eadem ratione. Si autem consideretur secundum diuersam rationem, non inconuenit eam diuersimodè diffiniri. Vnde in proposito Aristote. dupliciter considerauit propositionem. Primò, inquantum enuntiat rem, sicut est, uel aliter quàm sit, & sic diffiniuit eam in libro Periherme. per significare uerum uel falsum. Secundò, inquantum componit syllogismum, & ponitur pro conclusionem probanda, Vnde dicitur propositio, quia pro conclusionem ponitur, & dicitur præmissa, quia præmittitur conclusioni, & sic diffinitur in primo Priorum, per affirmatiuam aut negatiuam oratio de aliquo.

Sed dices, Quare in primo Priorum nō diffinit eam per uerum & falsum sicut in libro Peri her.

Respondetur. Quia in libro Priorum tractatur de syllogismo formali, qui abstrahit a ueritate & falsitate propositionum & conclusionis. nam dummodo fiat syllogismus secundum debitum modum & figuram, est ualidus de forma, etiam quòd præmissæ & conclusio sint falsæ, ut patet hic, Omnis homo est asinus, Omnis equus est homo, ergo omnis equus est asinus. Argumentum est in Barbara, & est uerus de forma, licet non de materia. Non autem abstrahit ab affirmatione & negatione, quoniam ut dicemus infra à,

frà, necesse est utranque præmissarum, aut saltem alteram esse affirmati. Et si altera præmissarum fuerit negati. necesse est conclusionem fore negatiuam. Et idèd rationabiliter Aristoteles considerans hic propositionem, in quantum est pars propinqua syllogismi, diffinit eam per orationem affirmati. aut negati. & non per uerum aut falsum.

Viso quid sit propositio, ut componit syllogismum, declarandum est ex quot propositionibus de necessitate componitur. Tu igitur aduerte, quòd si conclusio esset intrinseca syllogismo, & de essentia eius, tres essent necessariae, scilicet, duæ præmissæ & cōclusio. Similiter si syllogismus non distingueretur a consequentia, duæ solæ sufficerent, quæ uocantur antecedens & consequens. Verum quia ut dicemus infrà, declarantes diffinitionem syllogismi conclusio secundum unam opinionem est extrinseca a syllogismo, & ab eo distinguitur specie & consequentia, idèd duæ sufficiunt, quarum prima dicitur maior, & secunda minor, ut tibi manifestum erit infrà, & quomodo tres termini duas propositiones constituunt. Tenentes autem conclusionem esse de essentia syllogismi, ponunt ipsum constare ex tribus propositionibus.

Quantum ad terminum aduerte, quòd Aristot. considerans ipsum non in quantum constituit propositionem, sed in quantum in ipsum ultimèd resoluitur, sic diffinit ipsum in lib. j. Priorum. Terminus est in quem resoluitur propositio, ut prædicatum, & de quo prædicatur, id est, subiectum. Nam sicut domus resoluitur immediatèd in fundamentum & parietem, & c. fundamentum autem & paries immediatèd ac ultimèd in lateres, sic syllogismus immediatèd resoluitur in propositiones, & illæ ultimèd in terminos, idèd conuenienter dicitur, quòd terminus est in quem & c. Sed aduerte, quòd hic non sumit terminum in illa universalitate, secundum quam de eo locuti sumus in secundo tractatu. ubi famosiores eius diuisiones assignauimus, sed hic se restringit ad terminum categorematicum, & tandem ad nomen & uerbum, prout possunt componere propositionem, ut subiectum, & prædicatū, & in ipsa resolui. Et sic ab hac diffinitione termini, excluduntur termini consignificatiui,

TRACTATUS SEXTVS

& signa uniuersalia & particularia, & breuiter omnes termini qui per se sumpti, non possunt esse subiectum, aut prædicatum in propositione componente syllogismum. Quot autem modis sumatur terminus in uia Aristotelis, iam diximus in tracta. secundo. Vnde tu illic, nec est ratio repetendi.

Viso quid sit terminus, ut ingreditur propositionē componentem syllogismum, & in quem ipsa propositio resoluitur, declarandum est, ex quot terminis constat syllogismus formalis. Tu igitur aduerte, quòd sic duæ propositiones requiruntur, scilicet, maior & minor, sic & tres termini, in quos duæ propositiones resoluuntur, quorum primus dicitur medius terminus, secundus dicitur maior extremitas, tertius minor extremitas. Quare autem sic uocantur, & quomodo diuersimodè situati constituunt tertias syllogismorum figuras, dicemus infra. Pro nunc supponendum est tres terminos sufficere; qui tamen duas propositiones non constituerent, nisi unus eorum, (& est ille, qui uocatur medium) bis sumeretur, ita quòd assumitur in maiori, & minori propositione per replicationem. Nam cum duæ sint propositiones componentes syllogismum, & quælibet earum habeat proprium prædicatum & subiectum, necesse est duas propositiones constare ex quatuor terminis, aut ex tribus, ex quibus unus gerat uicem duorum, & hic est medius terminus, ut sic arguatur. Omnis homo est animal, Sortes est homo, ergo Sortes est animal. Constat, quòd ly homo gerit uicem duorum. Est enim subiectum in maiori, & prædicatum in minori. Quare autem tres termini requirantur, & non plures, nec pauciores, & quare uocentur maior & minor extremitas, & medium, dicemus infra. Pro nunc tibi sufficiat scire, quid sit pars materialis compositiua syllogismi formalis tam propinqua, quàm remota, & quot sint ex necessitate.

Quantum ad secundū, scilicet principia regulatiua syllogismi aduerte, quòd Arist. in primo Priorum, duo assignat, scilicet dici de omni, & dici de nullo, & per dici de omni regulantur syllogismi affirmatiui, & per dici de nullo, regulantur negatiui. Et aduerte, quòd Arist. in primo Priorum

Priorum declarans quid sit dici de omni, inquit, Dicimus autem de omni prædicari, quando nihil est sumere subiecti, de quo non dicatur alterum. Et intendit, quòd dici de omni, est quando nihil est sumere sub subiecto, de quo nò dicatur prædicatum. Et hoc seruatur in omni propositione uniuersali affirmatiua, sub cuius subiecto licet descendere distributiue. Et hoc principium æquipollet huic maximæ, Quicquid dicitur de subiecto distributo, dicitur de quolibet sumpto sub subiecto, pro quo facta fuit distributio, ut in ista, Omnis homo est risibilis, & isti sunt omnes homines, ergo iste, & iste, & iste, & sic de singulis, est risibilis. Declarans autem Aristote. quid sit dici de nullo, inquit, Et de nullo similiter. Et intēdit quòd dici de nullo est quando nihil est sumere sub subiecto, a quo non remoueat prædicatum. Et hoc principium æquipollet huic maximæ, Quicquid remouetur siue negatur a subiecto distributo, negatur ab omni contento sub tali subiecto. Et id seruatur in omni uniuersali negatiua, ut in ista, Nullus homo est lapis, & isti sunt omnes homines, ergo nec iste, &c. est lapis. Et isti descensus distributiui affirmatiui & negatiui manifesti tibi fient in tracta. de suppositionibus. Constat igitur ibi, quid sit dici de omni, & dici de nullo.

Sed aduerte, ut scias quomodo hæc duo principia sufficienter regulant syllogismos, quòd indigent tribus limitationibus. Primò, non regulant per se & immediatè, nisi syllogismos perfectos, qui fiunt per quatuor modos primæ figuræ, eo quòd non reducuntur ad alios, syllogismos autem concludentes indirectè & secundæ, & tertie figuræ, non regulant nisi prius reducantur ad quatuor primos primæ figuræ. Vnde Aristoteles in primo Priorum antequàm tradere duo principia regulatiua, distinxit syllogismum in perfectum & in imperfectum, deinde dedit prædicta duo principia regulatiua perfectorum. Postea subiunxit unum principium regulatiuum imperfectorum, scilicet conuersionem propositionum. Nam ut tibi manifestabitur infra, modi concludentes indirectè, & modi secundæ ac tertie figuræ reducuntur ad quatuor primos per conclusionem

TRACTATUS SEXTVS

elusionem simplicem, aut per accidens. Qui reducti regulantur per dici de omni, & de nullo, sicut & quatuor primi.

Secundò non regulant nisi syllogismos factos ad intellectum & non ad sensum, & uocò syllogismum ad intellectum, in quo medium est uniuersale ad sensum, aut in quo medium est singulare tantum singulariter, ut est syllogismus expositivus, cuius præmissæ sunt duæ singulares, & idè ibi non est dici de omni, nec de nullo. In syllogismo autem facto ad intellectum, necesse est, aut utranque præmissarum, aut alteram esse uniuersalem affirmatiuam aut negatiuam, quoniam ut tibi manifestabitur, ex puris particularibus indefinitis aut singularibus, non fit syllogismus ualidus ad intellectum. Ex consequenti ergo necesse est, in omni syllogismo ad intellectum seruari, dici de omni aut de nullo.

Tertio, alio modo seruatur dici de omni & de nullo in syllogismo concludente in materia necessaria & remota, & alio modo concludente in materia contingenti. Nam primo modo seruatur de omni, & de nullo absolute, scilicet pro omni differentia temporis. In materia enim necessaria prædicatum semper conuenit subiecto etiam remoto esse existentiae subiecti. Vnde hæc est uera, Adam est homo, est animal, est substantia, &c. Secundo autem modo, non seruatur de omni & de nullo, nisi pro exigentia temporis, puta pro tempore præsentis, in quo subiectum existit, quoniam prædicata contingentia non uerificantur de subiecto, nisi cum consistentia subiecti. Vnde hæc non est uera, nisi pro hominibus existentibus, Omnis homo currit. Hæc autem est semper uera, Omnis homo est animal, ut tibi alias declarabitur. Ex his ergo sequitur, quòd si quis arguat sic, Omnis homo currit, Adam est homo, ergo Adam currit. Non ualet, quoniam in maiori, non uerificatur de omni, nisi pro hominibus existentibus. In minori autem sub homine sumitur Adam, prout homo sumitur absolute, & non solum pro tempore præsentis. Vnde magis ample sumitur homo in minori, quàm in maiori, idè non sequitur argumentum. Nam dicemus in regulis generalibus defensionis syllogismorum, quòd oportet

oportet terminos teneri æque ample, & æque stricte in præmissis, & in conclusione, aliter sequitur multiplex error. His igitur limitationibus observatis, inuenies quòd prædicta duo principia sufficienter regulant syllogismos.

Quantum ad tertium, scilicet quid sit syllogismus formaliter sumptus, aduerte, quòd Aristot. in primo Priorum sic diffinit. Syllogismus est oratio, in qua positis quibusdam aliud quidem ex necessitate contingit, quam diffinitionem Petrus Hisp. magis explicans inquit. Syllogismus est oratio, in qua quibusdam positis & concessis, necesse est aliud accidere, per ea, quæ posita sunt & concessa.

Primò dicitur oratio, & ponitur loco generis, quoniã magis communis est. Nam omnis syllogismus est oratio, sed non econuerso. Sed aduerte, quòd nō est oratio una categorica. Constat enim ex duabus præmissis, quarum utraque ut in pluribus est categorica. Vnde respectu categoricæ, uerius diceretur, quòd est orationes, scilicet maior & minor ordinatæ in modo & in figura, quã quòd sit oratio. Vt igitur scias, quomodo est oratio, aduerte quòd hic est duplex opinio. Quidã dicunt, quòd est oratio non simpliciter dicta, sed est oratio argumentatiua, quæ complectitur duas categoricas debitè dispositas in modo & in figurâ, & sic syllogismus est una oratio complexiue, sed est duæ orationes separatim acceptæ. Quidã aut̃ dicunt, q̃ una est oratio non categorica, ut patet; sed hypothetica complectens plures categoricas cōiunctas, ut principales partes sui. Quæ autem hypothetica sit, an copulatiua, an cōditionalis, est duplex sententiã. Quidã dicūt, quòd est copulatiua, quoniã maior & minor debet coniungi per coniunctionē copulatiuã, ut sic arguendo in barbara, Omne animal est substantia, & omnis homo est animal, ergo oīs homo est substantia. Quidã uerò dicunt, quòd est hypothetica rationalis, quoniã maior & minor coniunguntur cum conclusione per hanc coniunctionem ergo. Rationalis autem reducitur ad conditionalem, ut docuimus in tract. tertio. Siue autem teneas primam sententiam, siue secundam, cōstat quomodo syllogismus est oratio, & nō orationes.

Secun-

TRACTATVS SEXTVS

Secundò dicitur, in qua quibusdam positis, id est duabus præmissis, scilicet maiore & minore, bene ac debite ordinatis in modo & in figura, ut declarabitur infra.

Tertiò dicitur, & concessis. Aduerte, quòd Aristoteles non ponit hanc particulam, sed Boetius eam addidit, & Petrus Hispa. imitatus est Boetium. Ratio autem, propter quam Aristoteles non posuit, sed Boetius, est hæc, quoniam Aristoteles diffinit syllogismum simpliciter, prout ordinatur ad syllogismum demonstratiuum. Boetius autem ipsum diffinit, ut ordinatur ad syllogismum dialecticum siue probabilem. Distinguitur autem demonstrator à Dialectico in hoc, quòd demonstrator non petit ab eo, contra quem arguit, an concedat præmissas, antequàm cõclusionem inferat, sed simpliciter eas ponit, quoniam procedit ex necessarijs, & de necessitate concludit. Dialecticus autem quoniam non ex necessarijs, sed ex probabilibus procedit, quæ possunt negari antequàm concludat præmissas positas in modo & in figura, petit ab eo contra quem arguit, an concedat eas, quoniã si non concedit, concludere non poterit. Respectu ergo syllogismi dialectici efficacia dicitur in diffinitione, in qua quibusdam positis, & concessis.

Quartò dicitur, necesse est. Aduerte, quòd per hoc distinguitur syllogismus ab exemplo, quod solã habet probabilitatem, ut dicit Arist. in primo Posteriorũ, eò quòd sit argumentum Rhetoricum, id est suasiuum, & non ultra, & ideò ex eo non ex necessitate infertur intentum.

Quintò dicitur aliud accidere. Aduerte, quòd ly aliud, stat pro conclusione, ac si dicat, syllogismus est oratio, hypothetica siue argumentatiua, in qua præmissis debite positis & concessis de necessitate conclusio sequitur, quæ est distincta à duabus præmissis.

Sed hic sunt duo dubia. Primum est, circa ly aliud, secundum est circa ly necesse.

Circa ly aliud, dubitatur quomodo conclusio sit aliud à præmissis, cum cõponatur ex eisdem terminis, ex quibus præmissæ, excepto medio, ut tibi manifestabitur infra. Itẽ si ita est aliud, quod nõ sit de essentia syllogismi.

Respon-

Respondetur, si conclusio consideretur quo ad materiam, qui sunt termini componentes, non est aliud à præmissis, ut argumentum probat. Si autem quo ad formam, sic est aliud; nam maior & minor extremitas non componunt præmissas, nisi assumantur cum medio, & disponantur in debito modo, & figura. Componunt autem conclusionem relicto medio, & ideò conclusio est tertia propositio realiter & essentialiter distincta à duabus præmissis, & quoniam Arist. consideravit conclusionem quo ad formam, ideò dixit eam esse aliud.

Quantum ad illud, utrum ita sit aliud, quod non sit de essentia syllogismi, aduerte quòd ibi sunt duæ sententiæ. Vna tenet partem negatiuam, cuius ratio est, quia remota conclusione, adhuc remanet syllogismus perfectus in specie sua. Remanet enim in debito modo, & debita figura, cum ibi sit debita dispositio trium terminorum, & duarum propositionum, ut disponuntur in barbara, & celarent &c. Ergo conclusio non est de essentia syllogismi, sed potius sequens necessario ad illum. Altera autem tenet partem affirmatiuam, cuius ratio est, quia syllogismus est consequentia formalis. Est enim oratio hypothetica rationalis, in qua coniunguntur tres categoricæ per notam illationis scilicet per ergo, aut igitur. In omni autem consequentia formali requiruntur essentialiter antecedens & consequens. Antecedens autem sunt duæ præmissæ, & consequens est conclusio illata per notam illatiuam, ergo conclusio est de essentia syllogismi, & quoniam hæc sententia est probabilior, ideò tenenda est. Nec obstat; quod dicit Arist. Necesse est aliud, id est conclusionem sequi, nō enim intendit conclusionem esse aliud à syllogismo, sed aliud à præmissis, modo præexposito. Ad argumentum autem alterius opinionis negatur antecedens, ad probationem dico, quòd probat seruari omnia, quæ requiruntur ad uerū antecedens requisitum in syllogismo in quantum est consequentia formalis, sed non seruantur omnia, quæ ad totum syllogismum requiruntur, nisi ex præmissis, ut ex antecedente, inferatur conclusio, ut consequens requisitum ad perfectam consequentiam.

Circa

TRACTATUS SEXTVS

Circa ly necesse, dubitatur, quia aliquando concluditur conclusio contingens, ut hic, Omnis homo currit, Sortes est homo, ergo Sortes currit, aliquando conclusio impossibilis, ut hic, Omnis homo est alinus, Sortes est homo, ergo Sortes est alinus. Sed contingens & impossibile non necessariò sequitur. Quod enim necessariò sequitur, necessarium est, sed nec contingens nec impossibile est necessarium: ergo non est uerum, quòd semper sit necesse conclusionem sequi, nisi quando conclusio est necessaria, & syllogizatur ex præmissis necessariis.

Respondetur. Hoc dubium soluitur per distinctionem de necessitate consequentiæ, & consequentis, concludit quidem argumentum de necessitate consequentis, sed non consequentiæ, & de hac intendimus in diffinitione Syllogismi. Quid autem sit utraque necessitas, & quo modo differant, tetigimus in tract. tertio loquentes de conditionali, de qua diximus in quo sensu omnis conditionalis sit necessaria, & omnis falsa impossibilis. Cōstat igitur tibi quid sit syllogismus formaliter sumptus; & aduerte, quòd omnes particulæ diffinitionis præter primā ponuntur loco differentię, ut scilicet distinguatur syllogismus ab aliis argumentationis speciebus, ut à consequentia, enthymemate, inductione, exemplo, & conuersione. Quid sit consequentia, manifestabitur tibi in tract. de consequentiis. Enthymema autem est syllogismus truncatus, in quo tacita altera præmissarum, & præcipue minore, infertur statim conclusio, ut hic, Omnis homo est animal, ergo Sortes est animal, tacetur autem minor scilicet Sortes est homo, Inductio uerò est progressus à particularibus sufficienter numeratis, ad uniuersale concludendum, ut hic, Iste homo, & iste, & iste, sic de singulis est bipes, ergo omnis homo est bipes. Exemplum uerò est, quod singulariter propositum, aliud singulare ostendere contendit, per aliquod simile in utroque repertum, ut hic, Decet Carolum imperatorem obliuisci iniuriarum, sicut & Cæsarem decuit. Omnes autem huiusmodi argumentationes differunt à syllogismo, quoniam aut in eis non ponuntur plures præmissæ, aut si ponuntur, non

tur, non disponuntur in modo, & in figura.

Quantum ad quartum aduerte, quòd sicut est duplex materia syllogismi, scilicet propinqua, ut propositio, & remota ut terminus, sicut declarauimus, sic duplex est eius forma. sc. propinqua, & remota. Propinqua quidem est modus, ut Barbara celarent. Remota autem est figura, ut prima figura, uel secunda &c. Modus autem est ordinatio duarum præmissarum scilicet maioris, & minoris secundum debitam qualitatem, & quantitatem. Debita autem qualitas est, quòd utraq; sit affirmatiua, uel saltem altera quoniam ex puris negatiuis non fit ualidus syllogismus. Nam quando ex præmissis ueris cõcluditur conclusio falsa, nõ est ualidus syllogismus. Contingit autem ex præmissis negatiuis ueris concludi falsum, ut hic. Nullus homo est lapis, Nullus iaspis est homo, ergo nullus iaspis est lapis. Constat præmissas esse ueras, conclusionem autem falsam, ergo ex puris negatiuis est inualidus syllogismus. Debita uero quantitas est, quòd utraque præmissarum sit uniuersalis, uel saltem una, quoniam ex puris particularibus infinitis, & singularibus nihil sequitur. Cõtingit enim ex puris particularibus ueris concludi falsum, ut hic, Animal est asinus, homo est animal, ergo homo est asinus, ergo &c. Præterea ad debitam quantitatem spectat, quòd si aliqua præmissarum fuerit particularis, conclusio sit particularis, non tamen oportet esse econuerso. Nam contingit cõclusionem esse particularem, & tamen utraque præmissa non est uniuersalis, ut patet in Baralip. & in Darapti, & in Iapton. Ratio autem huius regulæ est, quia talis debet esse unio maioris, & minoris, extremitatis in conclusione, qualis fuit in medidio. Sed quãdo altera præmissarum est particularis, unio cum medio est particularis, ut patet in Darii, & Ferio, ex parte minoris, ergo, & in conclusione unio extremitatum debet esse particularis. Præterea, ad debitam qualitatem spectat, quòd si altera præmissarum fuerit negatiua, conclusio sit negatiua, & econuerso. Cuius regulæ ratio est, quia unio uel separatio extremitatum in conclusione sequitur unionem cum medio, uel separationem a medio in præmissis. Sed quando una præmissa-

TRACTATUS SEXTVS.

rum est affirmatiua, & altera negatiua, duæ præmissæ separantur in medio, ex eo quòd una coniungitur medio, a quo alia separatur, ergo oportet illas extremitates separari ab inuicem in conclusione, & sic cōclusionem esse negatiuam.

Figura autem est debita ordinatio trium terminorum, scilicet maioris extremitatis, & minoris, & medi secundum subiectionem, & prædicationem. Quæ quidem ordinatio consistit in hoc, quòd medium sumatur cum maiori extremitate in præmissa prima, quæ dicitur propositio maior. Deinde sumatur cum minori extremitate in præmissa secunda, quæ dicitur propositio minor. Deinde excludatur a conclusione. Neque enim medium potest intrare conclusionem, aliter conclusio differret ab altera præmissarum. Nam si medium in conclusione coniungeretur cū maiore extremitate, non differret conclusio a propositione maiori, & si coniungeretur cum minori extremitate, non differret a propositione minori. Vt ergo seruetur differentia inter præmissas, & conclusionem, medium excludendum est a conclusione. Constat igitur, quæ sit forma syllogismi propinqua, & remota.

Quantum ad quintum aduerte, antequàm descēdamus ad specificam considerationem figurarum, & modorum cuiuslibet figuræ, inuestigandum est quot sint ualidæ syllogismorum figuræ. Et hic inuenio duas sententias, quarum una est Aristoteli in j. Priorum. Secunda attribuitur Galeno.

Secundum Aristotelem sunt tantum tres, quoniam cū figura sit ordinatio, siue dispositio trium terminorum secundum debitam subiectionem, & prædicationem, quorū principale est medium, tot erunt ualidæ syllogismorum figuræ, quot modis contingit debite uariari medium secundum subiectionem, & prædicationem in utraque præmissarum. Hæc autem uariatio contingit fieri utiliter tribus modis. Primo contingit medium subiici in propositione maiori, & prædicari in propositione minori, & sic constituitur in prima figura sic arguendo, Omnis homo est animal, Sor. est homo, ergo Sor. est animal. Secundo, contingit medium prædicari, in utraque præmissarum, & ex-

tre-

tremitates subiici, & sic constituitur secunda figura sic arguendo, Nullus lapis est animal, omnis homo est animal, ergo nullus homo est lapis. Tertiò, contingit medium subiici in utraque præmissa rum, & extremitates prædicari, & sic constituitur tertia figura, sic arguendo, Quoddam animal non est homo, omne animal est substantia, ergo quædam substantia non est homo, & cum secundum Aristotelem non possit pluribus modis uariari medium utiliter, & uniuersaliter, ita quod syllogismus ualeat in omnibus cõsimili forma arguendi retenta, ut declarabitur, sequitur quod tantum tres sunt syllogismorum figuræ.

Secundum Galenum autem, tribus prædictis additur quarta, in qua medium prædicatur in maiori, & subiicitur in minori sic arguendo, Omnis homo est animal, omne animal est substantia, ergo omnis homo est substantia. Sed hæc regula non est necessaria, quoniam æquipollet regulæ ante prædicamentali, in qua dictum est ad mentem Aristoteli. Quando alterum de altero prædicatur, quicquid prædicatur de prædicato, prædicatur de subiecto, & in anteprædicamentis assignauimus limitationes eius, ne contingat error. Vide tu illic, & ideo non est opus addere quartam. Tres ergo cum prædicta regula ante prædicamentali sufficiunt. Hæc de præcognoscendis pro acquirenda doctrina syllogismi forma, dicta sunt, & hic terminatur caput primum.

De prima figura, et singulis eius modis. CAP. II.

IN secundo capite agendum est de prima figura, de qua tria uidentur. Primò, an sit perfectior, uel imperfectior secunda, & tertia. Secundò, assignandæ sunt regulæ obseruandæ in prima figura, ne circa eam contingat error in arguendo. Tertiò, agendum est de singulis eius modis tam directè, quàm indirectè concludentibus.

Quantum ad primum aduerte, quod ut diximus in cap. præcedenti, prima figura est, in qua medium subiicitur in maiori, & prædicatur in minori. Cuius perfectio super secundam, & tertiam, & præcipuè quoad quatuor primos modos directè concludentes ostenditur ex tribus. Primò, ex eò quod per eam concluduntur omnia conclusio-

TRACTATUS SEXTVS

num genera, scilicet affirmati. & uniuersalis, ut in Barbara & negatiua uniuersalis, ut in Celarent, & partic-affir. ut in Darii, & partic-nega. ut in ferio. In secunda autem figura non concluduntur nisi uniuersalis negatiua, & particularis negatiua, ut tibi manifestabitur. In tertia autem non concluditur uniuersalis, sed tantum particularis affirmatiua. & negatiua. Quoniam igitur in prima concluduntur omnium conclusionum genera, merito perfectior est. Vnde ut ostendamus in tract. de syllog. demonstratiuo, est magis scientifica, & præcipue, quia per illam tantum concludimus conclusionem uniuersalem affirmatiuam, de qua proprie est scientia, quæ de uniuersalibus. secundo est perfectior ex parte medii. Nam solum in prima figura medius terminus mediat inter maiorem, & minorem extremitatem, & coniungit eas, ita quod & positione siue situ, & coniunctione est uerè medium. In secunda autem figura, & tertia non est medium positione inter extremitates, cum in secunda prædicetur in utraque præmissarum, & in tertia subiiciatur. Est autem medium solum, quo ad coniunctionem. Nam maior, & minor extremitas in secunda figura coniunguntur in uno prædicato, quod est medium, & in tertia coniunguntur in uno subiecto, quod similiter est medium. Ex parte ergo medii termini prima figura est perfectior. Tertio est perfectior ex eo, quod quatuor primi modi non reducuntur ad priores, sed omnes alii secundæ, & tertiæ figuræ, & quinque indirectè concludentes reducuntur ad quatuor primos primæ figuræ, ut tibi manifestabitur. Constat ergo quomodo ex tribus causis est perfectior, & ideo merito ponitur primo loco.

Quantum ad secundum aduerte, quod duæ generales regulæ obseruandæ sunt in prima figura, quo ad quatuor primos modos directè concludentes.

Prima est. In prima figura minore existente negatiua, nihil sequitur, idest non fit ualidus syllogismus formalis, qui teneat, in omnibus seruato tali modo arguendi. Cuius ratio est, quia contingeret ex præmissis ueris concludi falsum, ut hic, Omnis asinus est animal, Nullus homo est asinus, ergo nullus homo est animal. Cõstat præmissis esse ueras,

&

& conclusionem falsam. Diximus autem supra, quoties ex ueris concluditur falsum esse inualidū modum arguendi, eadem regula seruanda est in omnibus modis tertiæ figuræ, ut tibi declarabitur.

Secunda est. Maiori existente particulari indefinita uel singulari in prima figura, nihil sequitur, id est inualidus est syllogismus, ratione supradicta, ut hic, Quoddam animal est homo, Omnis asinus est animal, ergo omnis asinus est homo. Constat præmissas esse ueras, & conclusionem falsam, ergo est inualidus syllogismus. Eadem regula obseruanda est in secūda figura, ut tibi declarabitur, quo ad omnes modos. Dixi notanter, quo ad primos quatuor modos concludentes directè, quoniā istæ regulæ non sunt necessariæ indirectè. Nā in Fapesmo, minor est negatiua, in Frisesomorum, maior est particularis. Quid autem sit directè, & indirectè concludere, dicemus in sequentibus.

Quantum ad tertium aduerte, quod modi expressi ab Aristotele in primo Priorum, & ut principales ac naturaliter concludentes, sunt quatuor, scilicet,

| | |
|-----------|--|
| Barbara, | Quibus Boetius in lib. de syllogismo cate- |
| Cœlarent, | gorico ex autoritate Theophrasti & Eude- |
| Darij, | mi, & assensu Porphyrii, addidit quinque mo- |
| Ferio. | dos concludentes indirectè. unde Boetius |

in prædicto suo libro inquit, Quatuor primos modos in analyticis suis, id est in libro primo Priorum posuit Aristoteles. Cæteros uerò quinque Theophrastus, & Eudemus addiderunt, quibus Porphyrius uir grauissimæ autoritatis uisus est consensisse. Sunt autem isti quinque modi.

| | |
|---------------|---|
| Baralipton, | Tu tamen aduerte, quod Theophrastus, & Eu- |
| Cœlantes, | demus, nō fuerunt primi inuectores modo- |
| Debitis, | rū omnium concludentiū indirectè. Nam Ari- |
| Fapesmo, | storeles in j. Prio. manifestè ponit quartum, |
| Frisesomorum. | & quintū, scilicet Fapesmo, & Frisesomorū. |

Sic enim inquit, Cū autem prædicatiuus, & priuatiuus, & uniuersaliter sumptus priuatiuus, semper syllogismus sit minoris extremitatis, ad maiorem, ut si a quidem omni. b uel alicui, b autem nulli c, conuersus propositionibus necesse est c alicui a non inesse. Similiter

TRACTATVS SEXTVS

autem, & in aliis figuris. Semper enim per conuerſionem fit ſyllogiſmus, & intendit Ariſtoteles, quòd quando una propoſitio, ſcilicet maior eſt uniuerſalis affirmatiua, altera uerò, id eſt, minor uniuerſalis negatiua, erit ſyllogiſmus concludens minorem extremitatem de maiore in prima figura, & hoc eſt indirecè concludere. Nam ſicut direcè concludere, eſt maiorem extremitatem prædicari de minori in conſiſione, ſic indirecè concludere, eſt minorem extremitatem prædicari de maiori in conſiſione. Hoc autem, quod dixit Ariſtoteſ. fit in Fapeſmo. Sic enim arguitur, Omnis homo eſt animal, nullus aſinus eſt homo, ergo quoddam animal non eſt aſinus. Conſtat, quòd maior eſt uniuerſalis affirmatiua, & minor uniuerſalis negatiua, & conſiſio particularis negatiua indirecè, ergo Ariſtoteles poſuit Fapeſmo. Item dicit, quòd quando una præmiſſarum, id eſt ma. eſt particularis aſirm. & altera, id eſt mi. uniuerſalis negatiua erit ſyllogiſmus concludens minorem extremitatem de maiori in prima figura, ex conſequenti concludet indirecè, & hoc fit in Friſeſomorum, ſic enim arguitur, Aliqua uirtus eſt bona, nullū uitium eſt uirtus, ergo aliquod bonum non eſt uitium. ergo Ariſtoteles poſuit Friſeſomorum. Ex quinque, ergo modis primæ figuræ concludentibus indirecè, duos habemus ab Ariſtotele, alios autem tres aduertere potuerunt. Theophraſtus, & Eudemus; quod innuit Boëtius, ubi ſupra. Sic enim inquit, Hoc quod nuper diximus in ſecundo Priorum analyticorū libro ab Ariſtotele monſtratur. Quod ſoli Theophraſtus, & Eudemus principium capientes, ad alios in prima figura ſyllogiſmos adiciendos animum adiecere, licet ergo Ariſtoteles, omnes modos indirecè cōcludentes nō expreſſerit, uirtualiter tamen ab eo proceſſerunt.

Descendentes igitur ad ſingulos modos, aduerte prius, pro uniuerſali intelligentia omnium modorum primæ, & ſecundæ, & tertię figuræ, quod continentur his uerſibus.

*Barbara, Cælarent, Darj, Ferio, Baralipſon,
Cælantes, Dabit, Fapeſmo, Friſeſomorum,
Cæſure, Cameſtres, Feſtino, Baroco, Darapti,*

Felapton,

Felapton, Desamis, Datissi, Brocardo, Ferifon.

In omnibus his modis continetur aliqua ex his quatuor uocalibus a e i o. A signat uniuersalem affirm. e uniuersalem nega. i particularem affirmam. o particularem nega.

Omnes isti modi continent tres syllabas. Prima signat propositionem maiorem, secunda minorem, tertia conclusionem. Si quis autem modus continet quatuor syllabas, ut Baralipon, uel quinque, ut Frisefomorum, tantum tres primæ deseruiunt, aliæ autem sunt propter complementum uersus.

Quatuor primi primæ figuræ incipiunt ab his literis b c d f, & omnes sequentes tam primæ, quàm secundæ tertię figuræ incipiunt ab eisdem, & denotatur quòd incipientes a b, reducuntur ad Barbara, & incipientes a c ad celarent, & incipientes a d ad Darij, & incipientes a f ad Ferio.

In omnibus modis, exceptis quatuor primis ponitur aliqua ex his quatuor literis, s p m c, s signat quòd ille modus reducitur per conuersionem simplicem, p signat qd ille modus reducitur per conuersionē per accidens: m signat quòd ille modus debet reduci per transpositionem præmissarum, ut scilicet maior fiat minor, & econuersò, c signat quòd ille modus reducitur per impossibile. Unde uersus.

Simpliciter uerti uult, s, p, uerò per acci.

M uult transpos, c per impossibile duci.

His prænotatis descendamus ad quatuor primos primæ figuræ modos, per quos secundum Aristotelem in primo Priorum fiunt syllogismi perfecti, per omnes autem alios sequentes & secundæ & tertię figuræ fiunt imperfecti. Non enim quatuor indigent firmari, neque reduci ad alios, omnes autem alij reducendi sunt ad quatuor primos, ut firmentur per illos, sicut tibi declarabitur. Quatuor ergo primi sunt perfecti, reliqui uerò per quatuor primos perficiuntur.

Primus & perfectior est Barbara, eo quòd in eo solo concluditur uniuersalis affirm. & facit magis scire, ut tibi declarabitur in tracta. sequenti. Cōstat autem Barbara ex

TRACTATVS SEXTVS

tribus, a, signantibus ma. & mi. & conclusionem uniuersalis affirm. & sic arguitur.

Bar Omne animal est mortale,

ba Omnis homo est animal,

ra. Ergo omnis homo est mortalis.

Regulæ obseruandæ, ut defendatur modus arguendi in

Barbara, ponentur in ultimo cap. huius tractatus.

Secundus modus primæ figuræ, per quem concluditur uniuersalis negatiua est.

Coe Nullum animal est lapis,

la Omnis homo est animal,

rent, Ergo nullus homo est lapis.

Regulæ defensionis modi arguendi in Coelarent, ponentur in ultimo capite.

Tertius modus primæ figuræ, per quem concluditur particularis affirm. est,

Da Omnis homo est rationalis,

ri Sortes est homo,

i. Ergo Sortes est rationalis.

Regulæ defensionis modi arguendi in Darij, ponentur in capit. ultimo.

Quartus modus primæ figuræ, per quem concluditur particularis nega. est,

Fe Nullum bonum est malum,

ri Viuere est bonum,

o. Ergo uiuere non malum.

Regulæ defensionis modi arguendi in Ferio, ponentur in ca. ul.

Primus modus primæ figuræ concludens partic. affirm. indirectè est,

Ba Omne animal est uiuens,

ra Omnis homo est animal,

lip. Ergo quoddam uiuens est homo.

Aduerte, quòd reducitur ad Barbara, per cōuersionem conclusionis per accidens, nam tertiz syllabæ apponitur.

P. Sic autem reducitur, Omne aial est uiuēs, omnis homo est animal, ergo omnis homo est uiuens. Nam uniuersalis affirm. conuertitur in particulam affir. per accidēs, ut docuimus in trac. tertio agentes de speciebus cōuersionis.

Sed

Sed aduerte,quâdo dicitur,quòd Baralipton reducitur ad Barbara per conuersionē conclusionis per accidens, id potest habere duplicē sensum. Primus est, quòd conclusio de Baralipton conuertatur per accidens in uniuersalem affirmam. & hic sensus est falsus, quoniā cū sit propositio particularis affirmatiua non conuertitur nisi per conuersionem simplicem in particularem affirmatiuam. Secundus est, quòd cōclusio de Baralipton conuertatur in uniuersalem affirmatiuam per accidens, & hic sensus est uerus, quoniā uniuersalis affirmatiua conuertitur per accidens in particularem affirmatiuam, ita quòd uniuersalis est conuersa, & particularis est conuertens. Est ergo sensus, quòd Baralipton reducitur ad Barbara per conuersionem conclusionis actiuam per accidens, & non passiuam, quia & si non conuertatur in uniuersalem affirmatiuam conuertitur tamen uniuersalem affirmatiuam per accidens, & hic est sensus Boetii in lib. suo de syllogismo categorico. Vbi positis quatuor primis modis primæ figuræ, agens de quinto, qui hic notatur Baralipton, inquit, Quintus modus ex duabus uniuersalibus affirmationibus est, particularem colligens hoc modo, Si a fuerit in omni b, & b fuerit in omni c, posset equidem concludi, quòd a esset in omni c. Sed quoniam ista uniuersalis propositio ut dictum est particulariter, id est in particularem cōuertitur, prætermisso eo quod a terminus de omni c termino prædicatur conclusio esse dicitur, quòd c terminus de quodā a termino prædicatur. Quod hoc exemplo monstrandū est: Si enim sint propositiones sic, omne iustum bonum est, omnis uirtus iustum est, posset etiam concludi, quòd omnis uirtus bonum est. Sed quoniam ista propositio sibi particulariter conuertitur, id est, cōuertitur in particularem, tunc ut quodā bonum sit uirtus, & sic conclusio particularis syllogismi colligitur ex duabus uniuersalibus affirmatiuis. Hæc Boetius, ex quibus constat quòd particularis affirmatiua quæ est conclusio in Baralip. non est conuersa in uniuersalem affirmatiuam ut reducatur ad Barbara, sed quoniam est cōuertens uniuersalem affirmatiuam. Vnde potest concludi uniuersalis affirmatiua quæ est conuersa, & tunc syllogismus est in Barbara, & potest concludi particularis affirmatiua quæ est conuertens uniuersalem affirmatiuam. & tunc argumentū est in Baralipton.

Secundus

TRACTATVS SEXTVS

Secundus primæ figuræ cōcludens indirectè uniuerſalem negatiuam eſt.

Cœ Nullum animal eſt lapis,
 Ian Omnis homo eſt animal,
 tes Ergo nullus lapis eſt homo.

Reducitur ad Cœlarent, ſi conuertatur conſuſio ſimplici-
 ter; id eſt in uniuerſalem neg. ſic, nullum aīal eſt lapis,
 omnis homo eſt aīal, ergo nullus homo eſt lapis.

Regula deſenſiua modi arguendi in Cœlantes, ponetur in
 capite ultimo.

Tertius modus primæ figuræ, concludens indirectè parti-
 cularem affirmatiuam.

Da Omne animal eſt uiuens,
 bi Homo eſt animal,
 tis, Ergo quoddam uiuens eſt homo.

Reducitur ad Darii conuerſa conſuſione ſimpliciter,
 id eſt in par. affirm. ſiue indefinitam ſic, Omne animal eſt ui-
 uens, Homo eſt animal, Ergo homo eſt uiuens.

Regula deſenſiua modi arguendi in Dabitis, poneſ in ca. ul.
 Quartus modus primæ figuræ concludens indirectè parti-
 negatiuam.

Fa Omne animal eſt ſubſtantia,
 peſ Nullus lapis eſt animal,
 mo. Ergo quædam ſubſtantia non eſt lapis.

Reducitur ad Ferio maiore conuerſa per accidens, id
 eſt partic. affirm. ut, Omne animal eſt ſubſtantia, Quædā
 ſubſtantia eſt animal, & minore conuerſa ſimpliciter, id
 eſt in uniuerſalem nega. ut, Nullus lapis eſt animal, Nul-
 lum animal eſt lapis, & per tranſpoſitionem præmiſſarum
 ſic conuerſarum, ut, ſcilicet minor conuerſa fiat maior, &
 maior conuerſa fiat minor. Tunc enim ſyllogiſmus erit in
 Ferio ſic arguendo, Nullum animal eſt lapis, Quædā ſub-
 ſtantia eſt animal, Ergo quædam ſubſtantia nō eſt lapis.

Regula deſenſiua modi arguendi i Fapeſmo ponetur i c. ul.
 Quintus modus primæ figuræ cōcludēs indirectè par. neg.

Fri Quidam homo eſt animal,
 ſe Nullus aſinus eſt homo,
 morū. Ergo quoddam animal non eſt aſinus.

Reducitur

Reducitur ad Ferio, maiore conuersa simpliciter, id est in particu. affir. ut, Quidam homo est animal, Quoddam animal est homo, & minore conuersa simpliciter, id est in uniuersalem nega. ut, Nullus asinus est homo, Nullus homo est asinus, & per transpositionem præmissarum conuersarum, ut, scilicet, minor conuersa fiat maior, & maior, conuersa fiat minor, & tunc argumentum erit in Ferio. Sic arguendo, Nullus homo est asinus, Quoddam animal est homo, Ergo quoddam animal non est asinus. Hæc de modis primæ figuræ tam directè, quàm indirectè concludentibus dicta sint.

De secunda figura, et singulis eius modis.

CAP. III.

IN tertio capit. agendum est de secunda figura, in qua tria agenda sunt. Primò, quomodo se habet secunda ad primam, & ad tertiam, quoad perfectionem. Secundò ponendæ sunt regulæ generales obseruandæ, ne fiat error in arguendo in secunda figura. Tertiò agendum est de singulis eius modis.

Quantum ad primum aduerte, quòd est media secundū perfectionem inter primam & tertiam, nam est imperfectior prima, quo ad quatuor modos directè concludentes, quoniam in prima concluditur uniuersalis affirm. in secunda autem non. Præterea, medium in prima uerè mediat inter extremā positione & coniunctione, in secunda autem tantum coniunctione, quoniam prædicatur in utraq; præmissarum. Præterea, modi secundæ reducuntur ad modos primæ, ut tibi manifestabitur, tanquàm imperfecti ad perfectos, & non econuersò, ergo constat secundam esse imperfectiorem prima, est autem perfectior tertia, quoniam in secunda concluditur uniuersalis negati. & particula. negati. In tertia autem solum particularis affirmati. & negati. ergo facit minus scire, quam secunda. Præterea, in secunda medium prædicatur in utraque, in tertia uerò subiicitur, nobilius est autem prædicari, quam subiici, quoniam prædicatum habet rationem formæ, subiectum uerò rationem materiæ. Constat ergo quòd est media quoad perfectionem inter primam & tertiam.

Quantum

TRACTATUS SEXTVS

Quantum ad secundum aduerte, quòd tres regulæ obseruandæ sunt, ne contingat error in arguendo in secunda figura. Prima est, in secunda figura nunquàm maior sit particularis: Secunda est, non sit utraque præmissa affirm. sed una affirm. & altera negatiua.

Tertia est, semper conclusio sit negatiua.

Ratio primæ regulæ, & secundæ, & tertiæ est, quia cōtingeret præmissas esse ueras & conclusionem falsam, ergo esset inutilis modus arguendi. Diximus enim suprà, Quòd in uero & formali modo arguendi, ex ueris non concluditur, nisi uerum. Quòd autem maiori existente particulari, contingat ex ueris concludi falsum, patet hic.

Homo est albus,

Nullus Aethiops est albus,

Ergo nullus Aethiops est homo.

Constat ma. esse ueram, cum sit indefinita, & mi. esse ueram ad sensum, & tamen conclusio est manifestè falsa.

Quod uerò existente utraque præmissarum affirmatiua, contingat ex ueris concludi falsum, patet hic,

Omnis homo est animal,

Omnis asinus est animal,

Ergo omnis asinus est homo.

Constat utranque præmissarum esse ueram, quoniam animal prædicatur essentialiter de oibus speciebus suis, ut declaratum est in tractatu quarto, conclusionem autè esse falsam nemo dubitat.

Quòd etiam si cōclusio fiat affirm. contingat ex ueris cōcludi falsum, patet in argumento præcedenti. Præterea, regula tertia sequitur ex necessitate à secunda, nam si est necesse in secunda figura alteram præmissarum esse negatiuam, oportet conclusionem esse negatiuam, non est enim imaginabile alteram præmissarum esse neg. & conclusionem fieri affirm. ut patet discurrenti. Constat igitur prædictas tres regulas obseruandas esse in secunda figura.

Quantum ad tertium aduerte, quòd secunda figura continet quatuor modos directè concludentes, ex quibus

DE SYLLOGISMO FORMALI. 167

bus duo primi concludunt uniuersalem neg. & duo sequentes particularem negatiuam. Primus est.

Cæ Nullum vitium est uirtus,
 fa Omnis iustitia est uirtus,
 re. Ergo nulla iustitia est vitium.

Reducitur ad Cœlarent ma. conuersa simpliciter, id est in uniuersalem negatiuam, sic, Nulla uirtus est uitium, Omnis iustitia est uirtus, Ergo nulla iustitia est uitium.

Regula defensiua modi arguēdi ī Cæsare, ponetur ī ul.c. Secundus modus est,

Ca Omne animal est uiuens,
 mel Nullus lapis est uiuens,
 tres, Ergo nullus lapis est animal.

Reducitur ad Cœlarent, conuertendo minorem simpliciter, est in uniuersalem neg. & conclusionem simpliciter, id est in uniuersalem neg. & transponendo minorem & maiorem, & maiorem in minorem, sic arguendo. Nullum uiuens est lapis, Omne animal est uiuens, ergo nullum animal est lapis.

Regula defensiua modi arguēdi ī Cameres, ponitur ul.c. Tertius modus est,

Fe Nullus asinus est homo,
 sti Sortes est homo,
 no. Ergo Sortes non est asinus.

Reducitur ad Ferio, maiore conuersa simpliciter, id est in uniuersalem negatiuā, sic, nullus homo est asinus, Sortes est homo,

Ergo Sortes non est asinus.

Regula defensiua modi arguēdi ī Festino, ponetur ī c. vl. Quartus modus est,

Ba Omnis uirtus est laudabilis
 ro Auaritia non est laudabilis
 co. Ergo auaritia non est uirtus.

Reducitur ad Barbara per impossibile. Est autem reducere per impossibile, sumere oppositum conclusionis, & alteram præmissarum quod inferre oppositū alterius præmissæ. Verbi gratia, in argumento præposito conclusio est

TRACTATUS SEXTVS

est hæc, Auaritia non est uirtus, sumatur oppositum contradictorium, scilicet omnis auaritia est uirtus. maior est hæc, ois uirtus est laudabilis. minor est hæc, auaritia non est laudabilis, oppositum contradictorium est hoc, omnis auaritia est laudabilis. Arguatur ergo sic; Omnis uirtus est laudabilis, Omnis auaritia est uirtus, ergo omnis auaritia est laudabilis, quod est oppositum minoris. Regula defensiva modi arguendi in Baroco, ponetur in cap. ult. Hæc de modis secundæ figuræ dicta sint.

De tertia figura, et singulis eius modis. Cap. IIII.

In cap. quarto agendum est de tertia figura, quæ est imperfectior secunda: quoniam per eam concluditur solum particularem affirmatiuam & neg. & de singulis eius modis. De ea igitur duo agenda sunt. Primò, ponentur duæ regulæ generales obseruandæ, ne fiat in tertia figura syllogismus inutilis. Secundò agendum est de singulis eius modis.

Quantum ad primum, aduerte duas regulas obseruandas, ne fiat error. Prima est, quòd minor non sit negatiua, aliter ex ueris cōcluderetur falsum ut hic, Omnis homo est animal, Nullus homo est asinus. Ergo asinus non est animal. Constat præmissas esse ueras, & conclusionem falsam, ergo iste modus arguendi est inutilis in tertia figura.

Secunda est hæc, nunquam conclusio sit uniuersalis, aliter ex ueris concluderetur falsum, ut hic, Omnis homo est animal, Omnis homo est substantia, Ergo omnis substantia est animal. Constat præmissas esse ueras, & conclusionem falsam, ergo esse inutilis modus arguendi. necesse est ergo in tertia figura minorem esse affirmatiuam, & conclusionem esse particularem, siue affirmatiuam, siue negatiuam.

Quantum ad secundum aduerte, quòd primus modus tertie figuræ dicitur,

| | |
|------|-------------------------------------|
| Da | Omnis homo est substantia, |
| ra | Omnis homo est animal, |
| pti: | Ergo quoddam animal est substantia. |

Reducitur ad Darii, minore conuersa per accidens; id est in particularem affirmatiuam, ut hic, Omnis homo est

substantia, quoddam animal est homo, Ergo quoddam animal est substantia.

Regula defensiva modi arguendi in Darapti, ponetur in c. vi. Secundus modus dicitur.

Fœ Nullum animal est mortuum,
lap Omne animal est uiuum,
ton. Ergo uiuum non est mortuum.

Reducitur ad Ferio minore conuersa per accidens, id est in parti. affir. ut hic, Nullum animal est mortuum, Quoddam uiuum est animal, Ergo quoddam uiuum non est mortuum.

Regula defensiva modi arguendi in Felapto, ponetur in c. vi. Tertius modus dicitur,

Di Quidam homo est iustus,
sa Omnis homo est animal,
mis. Ergo quoddam animal est iustum.

Reducitur ad Darii, conuersa maiore simpliciter, id est in parti. affir. & conuersa conclusione simpliciter, id est in particu. affir. & transponendo præmissas, ita quod minor fiat maior, & maior conuersa simpliciter fiat minor, & concludatur conclusio conuersa simpliciter, ut hic, Omnis homo est animal, quoddam iustum est homo, Ergo quoddam iustum est animal.

Regula defensiva modi arguendi in Disamis ponetur in vl. c. Quartus modus dicitur,

Da Omnis homo est substantia,
ti Quidam homo est animal,
si. Ergo quoddam animal est substantia.

Reducitur ad Darii, conuersa minore simpliciter, id est in particularē affirmat. ut hic, Omnis homo est substantia, Quoddam animal est homo, Ergo quoddam animal est substantia.

Regula defensiva modi arguendi in Datisi, ponetur in c. vii. Quintus modus dicitur,

Bro Quidam homo non est iustus,
car Omnis homo est rationalis,
do. Ergo quoddam rationale non est iustum.

Reducitur ad Barbara per impossibile. Sic autem redu-

TRACTATUS SEXTUS

reducetur. Summatur oppositum conclusionis, quod est hoc, omne rationale est iustum, Sumatur minor, ut stat, scilicet omnis homo est rationalis, & concludatur oppositum maioris, quod est hoc, Omnis homo est iustus, tunc patet, quod argumentum erit in Barbara, sic syllogizando, Omne rationale est iustum, Omnis homo est rationalis, Ergo omnis homo est iustus.

Regula defensionis modi arguendi in Brocardo, ponetur in c. vi. Sextus modus dicitur,

Fe Nullum vitium est uirtus,

ri Quoddam vitium est pessimum.

son. Ergo quoddam pessimum non est uirtus.

Reducitur ad Ferio conuersa minore simpliciter, id est in particulari affirm. ut patet hic, Nullum vitium est uirtus, quoddam pessimum est vitium, Ergo quoddam pessimum non est uirtus.

Regula defensionis modi arguendi in Ferison, ponetur in capitulo ultimo.

Hæc de tertia figura, & singulis eius modis dicta sint.

De coniugationibus inutilibus ad mentem Aristotelis.

CAPUT V.

IN cap. quinto tangendum est summarie de combinationibus inutilibus, de quibus pertractat Aristoteles in libro Priorum satis diffusè. Tu igitur aduerte, quod coniugatio siue combinatio sumitur hic pro dispositione trium terminorum, scilicet maioris & minoris extremitatis, & medii, & duarum præmissarum ad inferendam conclusionem, Talis igitur combinatio duplex est, scilicet utilis, & inutilis, Utilis est, quando ex tribus terminis, & duabus præmissis ueris recte dispositis semper sequitur conclusio uera, seruata eadem forma arguendi, ita quod impossibile est ex eadem arguendi forma, stantibus præmissis ueris sequi conclusionem falsam. Quod si concludatur falsa aliqua præmissarum erit falsa, uel omnes, ut sic arguendo in Darii, Omnis homo est asinus, Sortes est homo, Ergo Sortes est asinus. Combinatio quidem est utilis, quo ad formam, sed peccat in materia, & ideo non est mirum, si ex maiori falsa concluditur conclusio falsa, & quoniam

quoniam in omnibus modis triū figurarum ex ueris, nunquam concluditur falsum, sed uerū ex ueris, & falsum ex falsis. Seruatis regulis generalibus, de quibus actum est supra, ideo sunt combinationes utiles. Combinatio autem inutilis cognoscitur, quando consimili forma arguendi seruata ex præmissis ueris concluditur conclusio aliquando uera, aliquando falsa. Verbi gratia, Si in prima figura sumatur minor negatiua ex ueris concludetur uerū, & falsum. Verum quidem, si sumatur species, & genus cum termino extraneo, id est, qui est alterius generis, ut homo animal lapis, & arguatur sic, Omnis homo est animal, Nullus lapis est homo. Ergo nullus lapis est animal. Falsum autem, si sumantur duæ species cum genere, ut, Homo asinus, & animal, & arguatur sic omnis homo est animal, nullus asinus est homo, ergo nullus asinus est animal. Præterea, cognoscitur combinatio inutilis, ex eo quod in ea dantur termini, in quibus omni, & in quibus nulli. Dari terminos, in quibus nulli, est dari tres terminos ex quibus fiunt duæ præmissæ ueræ secundum aliquam combinationem, cum quibus stat uniuersalis negatiua uera. Verbi gratia, si quis dicat, quod arguere ex puris particularibus, est combinatio utilis, sumat animal, & hominem, & asinum, & arguat sic, Quoddam animal est asinus, quidam homo est animal, ergo quidam homo est asinus. Certum est, quod cum his duabus præmissis ueris, stat uniuersalis negatiua uera, scilicet nullus homo est asinus, ex quo sequitur hanc combinationem esse manifestè inutilem, quoniam tu concedis propter illam, duo cōtradictoria esse simul uera, nam constat hanc esse ueram. Nullus homo est asinus, & tu concedis hanc esse ueram. Quidam homo est asinus, quoniam est conclusa ex duobus præmissis particularibus ueris, quam combinationē tenes esse utilem. Sed istæ sunt contradictoriæ, Nullus homo est asinus, Quidam homo est asinus, Ergo tu cōcedis duo contradictoria esse simul uera. Dari terminos in quibus omni, est dari terminos ex quibus fiant duæ præmissæ ueræ, secundum aliquam combinationem, cum quibus stat uniuersalis affirmatiua uera. Verbi gra. si tu dicis, quod arguere in prima figura ex ma-

TRACTATVS SEXTVS

iori particulari, est combinatio utilis, si sumas speciem, & genus suum, & terminum extraneum a genere, puta hominem, animal, lapidem, & arguas sic: Lapis non est animal, nullus homo est lapis, ergo nullus homo est animal. Certum est, quod cum his duabus præmissis ueris, stat uniuersalis affirm. uera, scilicet. Omnis homo est animal, ex quo sequitur prædictam combinationem esse inutilem; quoniam tu concedis duas propositiones contrarias in materia naturali esse simul ueras. Cõstat. n. hanc esse ueram, ois homo est animal, & tu concedis per prædictam combinationem, quam reputas esse utilem, hanc esse ueram, nullus homo est animal, & istæ sunt duæ contrariæ in materia naturali, ergo &c. Vltèrius concedis duas contradictorias esse simul ueras, nam ad istam nullus homo est animal, sequitur quod aliquis homo non sit animal sed omnis homo est animal, & aliquis homo non est animal; contradicunt, ergo concedis contradictoria simul esse uera, quod cum sit impossibile, sequitur prædictam combinationem esse inutilem. Constat igitur tibi quid sit combinatio utilis, & inutilis, & ex quibus deprehenditur. Hæc de quinto cap. dicta sint.

De regulis defensiuis syllogismorum.

CAP. VI.

IN sexto cap. ponendæ sunt regulæ defensiuæ modorum triū figurarum, quibus obseruatis non fiet error in aliquo prædictorum modorum, ita quod semper concludatur uerum ex ueris, aut falsum ex falsis, & nunquam falsum ex ueris. Sed antequam descendamus ad modos speciales, ponendæ sunt regulæ generales deseruientes omni figuræ, & omni modo, sunt nouem.

Prima est, nunquā medium sit terminis æquiuocus, nec analogus, analogia plurium rationū, & propterea hic syllogismus non ualet. Omnis canis latrat, Stella est canis, ergo stella latrat, neque iste ualet. omne sanū est animal, urina est sana, ergo urina est animal, Dixi analogus, analogia plurium rationum: quoniam si analogum dicat tantum unam rationem, sed inæqualiter participatam, quale est ens in uia Thomistica, non impedit, quin sit uerum medium, & uerus syllogismus, ut hic cuilibet enti debetur esse. Substantia est ens, ergo substantiæ debetur esse. Idem
conclu

concluditur de accidente . Necessè est ergo medium esse uniuocum, uel analogum, analogia unius rationis inæqualiter participatæ .

Secunda est, quòd neutra præmissarum sit hypotheca, sed utraque categorica , quoniam modi, & figuræ, de quibus locuti sumus, dantur ab Aristotele de syllogismo categorico , & non hypothetico : syllogismus autem categoricus constare debet ex categoricis , & non ex hypotheticis, & propterea hic syllogismus non ualeat in Barbara, Omne animal si est rudibile, est asinus, omnis homo est animal, si est rudibile, ergo omnis homo est asinus . Non ualeat , quoniam præmissæ sunt hypotheticæ, & conclusio est categorica.

Tertia est, maior, & minor extremitas, teneantur impermixtæ in præmissis , ita quòd maior extremitas, neque secundum partem, neque secundum totum replicetur in minori , & propterea non sequitur in Barbara . Omne secundum immediatè sequitur primum, omne tertium immediate sequitur secundum, ergo omne tertium, immediate sequitur primum . non ualeat , quoniam maior extremitas, quæ est hoc totum, immediate sequitur primum, replicatur secundum partem in minori , sed debet sic formari minor, Omne tertium est secundum , & tunc argumentum ualeat in Barbara, sed minor est falsa.

Quarta teneantur termina in præmissis, & in conclusione æquè, amplè, & æquè strictè. Nam si in præmissis teneantur ampliatiuè , & in conclusione restrictiuè, siue econuersò, nunquam argumentum ualeat, & hoc tibi manifestabitur infra in multis.

Quinta est, non fiat argumentum ex quatuor terminis neque expresse, neque implicite , aliter argumentum non tenet, ut tibi manifestabitur .

Sexta est, nūquam ponatur medium , neque pars medi in conclusione, unde nō sequitur in Baroco, Omnis homo differt ab asino, Brunellus non differt ab asino, cū sit asinus, ergo Brunellus non differt ab homine, non ualeat: quoniam medium est hoc, differt ab asino , cuius pars ponitur in cōclusionē: scilicet differt, unde debet sic cōcludi, ergo

TRACTATVS SEXTVS

Brunellus non est homo, quod est uerum.

Septima nō fiat transitus a suppositione ad suppositionem sibi repugnātem. Repugnat autem materialis formali simplex personali, Determinata siue cōfusa tantūm, distributiue, distributiua collectiue. Distributiua absoluta distributiue accommodē.

Octaua est, syncategoremata rectē disponantur in præmissis, & conclusione, & defectu huius regulæ, multi committuntur errores in modis arguendis, ut tibi manifestabitur in sequentibus.

Nona est, concludatur conclusio, ut præcisē sequitur ex præmissis, & non aliter defectu, cuius multi tibi manifestantur errores in prædictis modis arguendi.

Positis regulis generalibus obseruandis, descendendum est ad modos particulares, in quibus committitur error propter defectum alicuius regulæ ex prædictis.

In Barbara hoc argumentum non ualet, propter defectum secundæ regulæ, Omne rationale, uel irrationale est homo. Hæc est uera, quoniam cum sit disiunctiua, una pars est uera, & sufficit. omnis asinus est rationalis, uel irrationalis, & hæc est uera eadem ratione, quoniam una pars est uera, & tamen cōclusio est falsa, s. omnis homo est asinus.

Hoc argumentum non ualet, quoniam cum cōclusio sit categorica, debet concludi ex categoricis, & non ex hypotheticis, constat autem ma. & mi. esse hypotheticas disiunctiuas. Vnde deberet sic argui, Omne rationale est homo, omnis asinus est rationalis, ergo oīs asinus est homo, & tunc argumētū uerē est in Barbara, sed minor est falsa.

Irem in Barbara hoc argumentum non ualet propter defectum quintæ regulæ, quicumque dicit Sortem esse animal, dicit uerum. Quicumque dicit Sortem esse asinum, dicit Sortem esse animal, quoniam asinus est animal, ergo quicumque dicit Sortem esse asinum, dicit uerum.

Hoc argumentum non ualet, quoniam constat ex quatuor terminis uirtualiter, stat enim animal in ma. pro animali rationali tantum, & in mi. pro animali irrationali tantum. Constat autem, quod nō est idem animal rationale, & irrationale ex significato. Quod si sumatur animal in
utraq̃ue

utraque præmissarum pro eodem significato, constat minorem esse falsam, & ideo argumentum non ualet de forma, quòd si de forma ualet, minor est falsa.

In Cælärent, hoc argumentum non ualet propter defectum tertiæ regulæ, nullum animal dum dormit, uigilat, omnis homo est animal dum dormit, ergo nullus homo uigilat, non ualet, quoniam replicatur pars maioris extremitatis in minori propositione, scilicet ly dū dormit. Sed sic formari debet minor, Omnis homo est animal, ergo nullus homo, dum dormit, uigilat.

In Darii hoc argumentum nō ualet propter defectum septimæ regulæ, Omne indiuiduum alicuius speciei est alius. Nam demonstrata hac specie, puta asinina. Omne indiuiduum illius speciei asinina, est asinus. Sortes est indiuiduum alicuius speciei, ut patet, ergo Sortes est asinus. Non sequitur, quoniam subsumitur minor, ac si ly alicuius speciei staret distributiue in maiori, quod non est uerum, sed stat, & supponit determinate, aut discrete. Unde arguitur a non distributo ad distributum. Si autem deberet ualere, oporteret sic arguere, omne indiuiduum omnis speciei est asinus, Sortes est indiuiduum huius speciei, puta humanæ. ergo Sortes est asinus. Argumentum ualet de forma, sed maior est falsa.

Item in Darii, hoc argumentum non ualet propter defectum eiusdem regulæ, Omnes apostoli sunt duodecim, Petrus, & Paulus sunt apostoli, Ergo Petrus, & Paulus sunt duodecim. Non sequitur, quoniam fit transitus a suppositione collectiua ad distributiua, nam ly apostoli stat collectiue in maiori, & tamen subsumitur Petrus, & Paulus, ac si staret distributiue.

Item in Darii hoc argumentum non ualet, propter defectum octauæ regulæ, Omne risibile est animal, Præcisè homo est risibile. ergo præcisè homo est animal, non sequitur, quoniam ly præcisè, non debet poni in conclusione. Est enim regula generalis, quòd non debet plus poni in conclusione, cum maiori extremitate, quàm positum fuerit in propositione maiori cum prædicato illius, constat autem quòd hoc syncategorema præcisè, non fuit posi-

TRACTATVS SEXTVS

tum in propositione maiori, ergo non debet poni in con-
clusionem. Sed debet si concludi, Ergo homo est animal.

In Ferio hoc argumentum nō ualet propter defectum
tertiæ regulæ, Quatrinum non ualet solidum, Ducatum
ualet quatrinum, ergo ducatum non ualet solidum, non
sequitur. Quoniam pars maioris extremitatis replica-
tur in minori propositione scilicet ualet. Sed debet forma
ri sic minor, Ducatum est quatrinum, ergo &c. Tunc ar-
gumentum ualet de forma, sed minor est falsa.

In Baralipton hoc argumentum non ualet propter de-
fectum quintæ regulæ, Omne album est qualitas, Omnis
nix est alba, Ergo quædam qualitas est nix, non sequitur,
quoniam in maiori stat album abstractè, id est pro albedi-
ne, iuxta sensum, quem dicit Aristote. in prædicamento
qualitatis, quod album puram qualitatem significat,
aliter maior esset falsa. In minori autem si debet esse ue-
ra oportet quod stet concrete, id est pro re siue substan-
tia alba secundum quod dicimus hominem album, niuem
albam, & sic constat, quod aut maior aut minor est falsa,
aut argumentum est ex quatuor terminis implicite.

In Cœlantes hoc argumentum non ualet, propter de-
fectum quintæ regulæ. Pone casum, quod nulla rosa sit in
mundo, puta in hyeme, & arguitur sic, Nullū spirans odo-
rem est rosa, quia per casum rosa non est, omnis flos est
spirans odorem, Hæc est uera, posito, quod non semper
sentiatur à nobis: ergo nulla rosa est flos. Non sequitur,
quoniam argumentum est ex quatuor terminis, nam ro-
sa in maiore stat pro rosa existēte, in conclusionem autem
stat pro rosa ut rosa, ita quod abstrahit ab existente, & nō
existente, & quoniam hæc est in primo modo, per se rosa
est flos, sicut ista, homo est animal, idēd est sempiternæ
ueritatis. Cum igitur non stet rosa pro eodem in maiore,
& in conuersione argumentum non ualet.

In Dabitis, non ualet hoc argumentum propter defe-
ctum septimæ regulæ, Omnis homo est indiuiduus siue
singularis. Aliqua species animalis est homo, quia
animal prædicatur de homine in quid, ergo aliqua spe-
cies animalis est indiuidua siue singularis. Non sequitur,
quoniam

quoniam fit transitus a suppositione personali ad suppositionem simplicem, nam homo in ma. supponit personaliter distributiuè, in minore autem supponit simpliciter, siue ut dicunt nominales materialiter. Hæc autem tibi manifesta etunt in tract. de suppositionibus.

In Fapesmo non uidetur ualidus modus arguendi, eo quod utraque præmissarum est uniuersalis, & tamen conclusio est particularis, quod uidetur repugnare Aristoteli in lib. Priorum. Vult enim Aristot. quod conclusio assimilari debeat alicui præmissarum, hic autem nulli ex præmissis assimilatur, cum sit particularis, & ambæ præmissæ sint uniuersales. Præterea, in Fapesmo minor est negatiua, quod est contra regulam generalem positam in prima figura, in qua dictum est, qd in prima figura minore existente negatiua, nihil sequitur, ergo syllogismus in Fapesmo est inutilis.

Responderetur, quando dicit Aristot. in primo Priorum, quod oportet conclusionem assimilari alicui ex præmissis, intelligit quo ad qualitatem, & non quo ad quantitatem, & intendit quod si aliqua conclusio sit negatiua, oportet aliquam præmissarum esse negatiuam, & hoc uerificatur in Fapesmo, nam quoniam conclusio est negatiua, altera præmissarum, id est mi. est negatiua, non autem intendit quo ad quantitatem, nam & in tertia figura, Darapti constat ex duabus uniuersalibus, & tamen conclusio est particularis, Nec obstat etiam, quod mi. sit negatiua, quoniam regula posita, scilicet quod in prima figura mi. existente negatiua, nihil sequitur intelligitur de quatuor primis modis concludentibus directè, In Fapesmo autem sicut & in Frisesomorum concludimus indirectè, ideò nihil obstat mi. esse negatiuam. Constat igitur, quod syllogismus in Fapesmo non est inualidus.

In Frisesomorum non uidetur ualidus modus arguendi duplici de causa, Primò, quoniam maior est particularis, quod est contra regulam positam, ut generalem in prima figura. Dictum est enim, quod in prima figura ma. existente indefinita particulari uel singulari, nihil sequitur. Secundò, quia non regulatur per dici de omni, uel dici de nullo. nam cum ma. sit particularis, non fit subsumptio,

TRACTATUS SEXTVS

in mīno sub subiecto distributionis. Constat enim quòd subiectum ma. non stat distributiue, sed determinatè. ergo syllogismus in Frisesomorum, non est ualidus.

Responderetur, quòd regula posita in prima figura, quòd maior non sit particularis, intelligitur de quatuor modis primis directè concludentibus, frisesomorum autem concludit indirectè, ideò nō obstat. Præterea, nō obstat, quòd per se non reguletur de omni uel de nullo, quoniam cū sit syllogismus imperfectus, & perficiatur per reductionē ad Ferio, sufficit, quòd mediante reductione ad Ferio reguletur. Constat autem, quòd Ferio habet maiorem uniuersalem negati. & sic constat quòd Frisesomorum, licet non reguletur per seipsum per dici de omni, uel de nullo, quoniam habet ma. particularem, tamen regulatur per reductionem ad Ferio, neque enim dici de omni & dici de nullo sunt regulatiua omnium syllogismorum trium figurarum per se & immediate, sed quatuor primorum modorum primæ figuræ, aliorum autem per reductionē ad quatuor primos. Hinc est, quòd Aristoteles in primo Priorum uocat syllogismos quatuor primorum modorum, syllogismos perfectos respectu aliorum, quoniam quatuor non perficiuntur per alios, sed econuersò. Constat ergo non obstantibus prædictis syllogismum in frisesomorum esse ualidum. Hæc pro defensione nouem modorum primæ figuræ dicta sint.

Secundo loco defensandi sunt quatuor modi secundæ figuræ, in quibus multi solent fieri paralogismi propter non obseruantiam prædictarum regularum.

In Cæsare hoc argumentū non ualèt, propter defectū septimæ regulæ, Nullum dextrum est sinistrū. Cuiuslibet hominis manus est sinistra, ergo nullius hominis manus est dextra. Præmissæ quidem uidentur ueræ. De maiore patet, quoniam oppositum non prædicatur de opposito. De mi. etiam patet, supposito quòd homo habeat duas manus, unam dextram, alteram sinistram. Et tamen cōclusio est falsa, quoniam homo ut homo remoto impedimento habet manum unam dextram, alteram sinistram.

Hoc argumentum non ualeat, quoniā fit transitus a suppositione

positione determinata ad suppositionem distributiuam. Nam manus in minore supponit determinate, in conclusione autem distributiue, & sic arguitur a nō distributo ad distributum, & idē argumentum est inualidum, nec est in Cæsare, nisi apparenter.

In Camestres hoc argumentum non ualet propter defectum quartæ regulæ, Omne mortuum siue corruptum est non ens, nam corruptio est progressus ab esse ad non esse, nullus homo est non ens, ergo nullus homo est mortuus siue corruptus, non ualet, quoniam ly homo, non tenetur æque ample, & æquæ stricte in minori & in conclusione. Nam in minori stat pro præsentibus tantum, in conclusione autē ratione participii de præterito stat pro præsentibus & præteritis, ut tibi declarabitur in tracta. de ampliatione & appellatione.

In festino hoc argumentum non ualet propter defectū nouæ regulæ. Nullum animal præter hominem est rationale. Risibile est rationale, ergo risibile non est animal. Non sequitur, quia in minori, non debet subsumi risibile, sed aliquod diuersum ab homine quoniam in maiori exceptuatus est homo, ex cōsequenti exceptuatur risibile. Debet ergo subsumi aliquod, quod non sit homo, puta asinus, & sic formare mi. asinus est rationalis, & tunc argumentū est bonum de forma, sed mi. est falsa.

Aduerte insuper, quòd argumentum non ualet, quoniā non tota maior extremitas ponitur in conclusione. Nam ly præter hominem, est pars maioris extremitatis, quæ tamen non ponitur in conclusione, idē argumentum non est bonum de forma.

In Baroco, hoc argumentum non ualet, propter defectum sextæ regulæ, omnis asinus est aliud ab homine, quoniam differt essentialiter ab eo, Sortes non est aliud ab homine, quoniam homo prædicatur in quid essentialiter de Sorte, & de quolibet homine singulari, ergo Sortes nō est aliud ab asino, non sequitur, quoniam pars medii, id est ly aliud ponitur in conclusione. Sed debet sic concludi, ergo Sortes non est asinus. Hæc pro defendendis modis secundæ figuræ dicta sint.

TRACTATUS SEXTUS

Tertiò loco defensandi sunt modi tertiæ figuræ, qui sunt sex.

In Darapti hoc argumentum non ualet propter defectum septimæ regulæ cuiuslibet hominis, alter est oculus dexter, cuiuslibet hominis alter est oculus sinister, ergo oculus sinister est oculus dexter. Non sequitur, quia arguitur a suppositione determinata ad distributiua. Nam oculus non distribuitur in maiori, sed tantum ly hominis, & tamen subsumitur oculus in mi. ac si distribueretur in ma. Non debet ergo subsumi oculus, sed aliud & formare sic argumentum. Cuiuslibet hominis alter est oculus dexter, quilibet hō est aīal, ergo aīalis alter est oculus dexter.

Eodem modo intelligendum est hoc, cuiuslibet contradictionis altera est pars uera, cuiuslibet contradictionis altera est pars falsa, ergo pars falsa est pars uera, non debet sic formari min. sed sic, Quælibet contradictio est oppositio, ergo oppositionis altera est pars uera.

Item non ualet hoc argumentum ex defectu eiusdē regulæ in Darapti, Omnem hominem esse rationalem est necesse, omnem hominem esse animal est necesse, ergo animal esse rationale, est necesse, non sequitur, quoniam animal in mi. supponit simpliciter, in conclusione personaliter. Tu tamen potes totum concedere, & argumentum ualere de forma & de materia, & conclusionem esse ueram. Nam licet hæc uniuersalis sit falsa, Omne animal esse rationale est necesse, nihil tamen prohibet particularem siue indefinitam esse ueram. Hæc autem conclusio in Darapti est indefinita, animal esse rationale est necesse, & æqui pollet huic particulari, aliquod animal puta hominem esse rationale est necesse.

In Felapton non ualet hoc argumentum, propter defectum septimæ regulæ, Nullus homo est genus, Omnis homo est animal, Ergo animal non est genus. Non sequitur, quia fit transitus a suppositione personali ad suppositionem simplicem, siue, ut dicunt nominales, ad suppositionem materialem, nam animal in mino. supponit personaliter, in conclusione simpliciter secundum reales, & materialiter secundum nominales.

In Disamis non ualet hoc argumentū propter defectū nonæ regulæ. Alicui hoi inest sanitas, Omni hoī inest risibilitas, Ergo risibilitas est sanitas, nō bene cōcluditur. Sed debet sic cōcludi, ergo cui inest sanitas, ei inest risibilitas.

Eodem modo dicendum est ad hoc, ab aliquo homine uidetur asinus, ab omni homine uidetur luna, ergo a luna uidetur asinus, Non bene concluditur, sed cōcludatur sic, Ergo a quo uidetur luna ab eo uidetur asinus.

In Datisi hoc argumentū non ualet, propter defectum decimæ regulæ, Omne animal est in mundo, aliquod animal est in domo, ergo domus est mundus, non ualet, quia antequam concludatur, debet sic resolui ma. & mi. Omne animal est ens in mundo, aliquod animal est ens in domo, & tunc sic bene concludetur, ergo ens in domo, est ens in mundo, quoniam domus est pars mundi, & pars continetur in toto.

In Brocardo hoc argumentum non ualet, propter defectum quintæ regulæ, Sortes nō est minor Sorte, totus Sortes est minor Sorte, ergo minor Sorte, non est minor Sorte, quod implicat contradictionem. Non sequitur, quoniā Sortes non tenetur in eodem significato in ma. & mi. nam in ma. tenetur pro ipso supposito Sortis, & est uera, & in mi. tenetur pro partibus integralibus Sortis, quarum nulla sigillatim sumpta est æqualis Sorti, & hoc est tenere totum syncategorematicè, ut tibi declarabitur in tracta. de probationibus terminorum, & ideo cum argumentum sit uirtualiter ex quatuor terminis, non ualet.

In Ferison hoc argumentum non ualet propter defectum septimæ regulæ, nullum futurum est, aliquod futurum est homo, ergo homo non est. non sequitur quoniā in mi. stat homo pro homine futuro. i. generando, in conclusione autem stat pro homine præsentem. Et sic homo in mi. stat ampliatiuè, in cōclusionem autem appellatiuè. Hæc pro defensione aliquali omnium modorū primæ & secundæ & tertiæ figuræ dicta sint.

Tu tamen aduerte nouitie, quod prædictas defensiones seruare nō poteris, donec intellexeris trac. suppo. & ampliationū, & appellationum, & probationum terminorū.

Ideo

TRACTATUS SEXTVS

Ideò pro nunc sustine. Cum autem prædictos tract. intellexeris, reuertere ad prædictas regulas defensiuas, & tunc absque dubio tibi manifestæ erunt. Discesq; absque difficultate sustinere, & defensare tres figuras, & singulos eorum modos syllogizandi. Et hic terminatur tract. de syllogismo formali categorico. Quod dico, ut excipiam syllogismum hypotheticum, qui cõstituitur ex præmissis hypotheticis. De quo nunc non intendimus tractare, ne nouitij ingenium confundatur. Pro nunc sufficit habere noticiam de categorico, cuius duo sunt modi, scilicet Syllogismus categoricus de inesse, & Syllogismus categoricus modalis. Primus constat ex categoricis de inesse, secundus ex categoricis modalibus. Categoricus de inesse est duplex, scilicet, ostensiuus, & ad impossibile. Ostensiuus est ille, qui tantum unum continet discursum ex duabus præmissis unam conclusionem concludentem, sicut docuimus suprà in singulis modis trium figuratum. Syllogismus ducens ad impossibile, est ille, qui principaliter continet duos discursus, quorum primus est à præmissis ad conclusionem. Secundus autem, est à contradictorio conclusionis ad contradictorium alterius præmissæ, ut tibi manifestabimus in tract. de syllogismo demonstratiuo. Tunc enim ostendemus, quomodo fit demonstratio ducens ad impossibile, &c.

Explicit tractatus sextus, qui est de syllogismo formali categorico ostensiuo, ordinatus per Reuerendum magistrum Chrysostomum Iauellum Canapicium ordinis prædicatorum, & Philosophiæ professorem.

INCIPIT

INCIPIT TRACTATVS DE SVPPO-
 sitionibus, ordinatus per Reuerendum Magistrum
 Chrysostomum Iauellum Canapicium or-
 dinis prædicatorum, & Philoso-
 phiæ professorem.

Post doctrinam de arte syllogizandi resolutè à no-
 bis ordinatam, superest ut tractemus de his, quæ commu-
 niter apud Logicos parua logicalia dicuntur. Sicut enim
 in Philosophia naturali, post ordinarios libros habemus
 parua naturalia, ueluti parua opuscula, in quibus de sen-
 su & sensato, de somno & uigilia, de memoria & reminis-
 centia, &c. pertractatur, in quibus comp'etur rerum na-
 turalium doctrina; sic & in arte Logices post ordinarios
 artis ueteris & nouæ libros composita sunt per summos
 Dialecticos innitentes fundamentis & principiis Peripa-
 teticis, quædam opuscula, quæ parua Logicalia nuncu-
 pantur, sine quibus penè impossibile est, assequi ueram &
 perfectam syllogizandi, ac disputandi scientiam. Est au-
 tem Logica ars, siue scientia argumentatiua atque di-
 sputatiua. De his igitur nunc agendum est, & primo
 de suppositionibus, & secundo loco de ampliationibus,
 & tertio loco de appellationibus. Nam sine horum no-
 titia tractatus de syllogismo formali, remanet apud noui-
 tium non intellectus. Diximus enim in illo tract. capitu-
 sexto, quòd non oportet fieri transitum à suppositione ad
 suppositionem sibi repugnantem, & quòd termini te-
 neantur in præmissis, & in conclusione æquè amplè, &
 æquè strictè.

Post hæc agemus de consequentiis, & ultimo loco de
 probationibus terminorum, sine quibus tract. de conse-
 quentiis ad plenum formari & intelligi non posset. Sin-
 guli horum tractatum, & si non habeantur expresse ab
 Aristot. tamen doctrinæ Peripateticæ consonant, ut tibi
 constabit, postquam in Arist. disciplina tam in Logicali-
 bus, quàm in Physicis atque Metaphysicis eruditus fue-
 ris. Reliqua uerò parua logicalia, quæ Sophistæ intene-
 runt non sciendi gratia, sed aut decipiendi aut confun-
 dendi,

TRACTATVS SEPTIMVS

dendi, vtpote non ordinata ad aliarum sciētiarum acquisitionem, postponenda sunt: nō enim intendimus nisi Logicam Peripateticam, ut regulam & artem omnium uerè scientiarum directiuam.

In hoc igitur tract. acturi de suppositionibus ad mentē realium, quos existimamus magis inhærere menti ac doctrinæ Arist. diuidemus ipsum in nouem capita.

Primò, quid sit suppositio.

Secundò, ponentur omnes diuisiones generales suppositionis.

Tertiò, tractabitur de suppositione materiali.

Quartò, de formali naturali.

Quintò, de accidentali simplici.

Sextò, de accidentali personali.

Septimò, de terminis habentibus uirtutem confundi & distribuendi.

Octauò, de pluribus singulis.

Nonò, de suppositione relatiua.

Quid sit suppositio. Cap. 1.

In capitulo primo inuestigandum est quid sit suppositio. Verum quia hic terminus suppositio multipliciter sumitur in doctrina Arist. ideò ut scias, in quo sensu hic diffinienda est, & de ea pertractandum aduerte, quòd quatuor modis potest sumi.

Primò, dicitur Suppositio, propositio, quæ in aliqua scientia acceptatur, ut manifestè uera, nec indiget in illa scientia demonstrati, sed est uelut principium suppositum ac firmatum in tali scientia, ut apud Geometrà, hæc est suppositio, Omne totum est maius sua parte, apud Physicū hæc est suppositio. Motus est, Apud Methaphysicum hæc est suppositio, ens est, cui debetur esse. Apud Logicum hæc est suppositio. Voces sunt signa conceptuum. Et de suppositione hoc modo dicta, iam actum est in tractatu de syllogismo demonstratiuo, ubi de primis principiis actum est.

Secundò, dicitur Suppositio, relatio inferioris ad superiorem, ut quæ est filij ad patrem, serui ad dominum. Nā sicut relatio superioris ad inferiorem dicitur superpositio

tio, sic opposita dicitur suppositio, quoniam inferior ponitur sub superiori, & de hac locuti sumus in prædicamēto ad aliquid, ubi assignauimus tres relationis species, scilicet æquiparantiæ superpositionis, suppositionis.

Tertiò, dicitur Suppositio, positio termini sub termino in linea prædicamentali, in quo sensu indiuiduum supponitur speciei, & species generi, & genus inferius generi superiori, & sic ascendendo usque ad generalissimum, & de hac satis actum est in tractatu de prædicamētis, quoniam prædicamentum est ordinatio plurium prædicabilium secundum sub & supra.

Quartò, dicitur Suppositio, positio termini pro alio, id est pro aliquo suo significato, in quo sensu dicimus, quòd in hac oratione. Deus est bonus, ly Deus, ponitur pro suo significato, ut sit sensus. id quod significatur per ly Deus, est bonum. Et in hoc quarto modo considerandum est hic de suppositione, & primò diffinienda est.

Quantum ad diffinitionem eius aduerte, quòd diuersimodè solet diffiniri; nam Petrus Hispan. dicit, quòd suppositio est acceptio termini substantiui pro aliquo, id est, pro aliqua re significata per terminum, ex quo sequitur secundum ipsum, quòd termini non significatiui nō supponunt, nec adiectiua, ut adiectiua sunt. Sed id magis de clarabitur infra. Petrus autem Mantuanus sic eā diffinit, suppositio est statio termini in oratione, & declarās, rē inquit, Terminus æqualiter significat in oratione, & extra orationem, sed non supponit, nisi in oratione, quoniam à se nullus terminus habet ut supponat, sed à uerbo uel participio trahit suppositionem, si à uerbo uel participio, ergo in propositione. Constat enim propositio ex Nomine & Verbo. Paulus autem sic diffinit, Suppositio est acceptio termini in propositione pro aliquo uel pro aliquibus. Exemplum primi, Petrus scribit. Exemplū secundi, Sortes & Plato currunt. Formalis autem & completa diffinitio, qua intendo seruare & declarare sit hæc, Suppositio est acceptio termini substantiui, uel substantiuē tēti in propositione extremaliter se habentis, pro aliquo suo significato,

Primò

TRACTATVS SEPTIMVS

Primò ponitur acceptio loco generis, est enim in plus quàm suppositio, ut patet. Nam acceptio potest sumi actiue & passiuè, & neutraliter: actiue quidem dicit actum siue actionem accipientis; nam qui accipit actiue, accipit sicut qui calefacit, calefactione actiua calefacit, passiuè autem dicit passionem accepti, sicut calefactio passiuua dicit receptionem caloris in calefacto. Neutraliter autem non dicit acceptionem actu actiuam neque passiuam, sed aptitudinalem, sicut risibilitas, & hæc est proprietas termini substantiui, scilicet, quòd sit aptus natus accipi propositione pro aliquo suo significato. Est ergo suppositio aptitudinalis sumptio passiuua termini substantiui &c.

Secundò dicitur termini substantiui, ad differentiam adiectiui, quoniam adiectiua proprie non supponunt sed copulant, non quòd uniant plures terminos ad inuicem, hoc enim modo copulant coniunctiones, ut nota copulationis uel conditionalis, uel rationalis, sed quia uniunt se substantiuis, quibus adiacent & quæ determinant.

Tertiò, dicitur, uel substantiue terti, quoniam licet adiectiuum, ut adiectiuum non supponat, tamen ut includit substantiuum, uel ponitur loco substantiui supponit, tunc enim est uirtualiter substantiuum, ut hic, Iustus erit in memoria eterna. Pro cuius noticia aduerte, quòd adiectiuum quinque modis potest supponere. Primo, quando est relatiuum, quoniam ponitur loco sui antecedentis, quod est substantiuum, ut homo, qui currit, mouetur, ly qui, supponit sicut ly homo, quoniam ponitur loco eius. Secundo, quando sumitur in neutro genere absque suo substantiuo, tunc enim substantiuatur, ut album currit, id est res albedinem habens currit. Tertio, quando est pronomen demonstratiuum, quoniam indicat substantiuum, ut ille currit, demonstrato Sorte. Quarto quòd est adiectiuum superlatiuum, quod proprie de uno inter multos uerificatur, ut fortissimus defendit Troiam, id est Hector inter Troianos. Quinto, quando adiectiuum est participium, significat enim actum existentem in substantiuo, ut currens mouetur, id est homo qui currit, uel cui inest actus currendi, mouetur. His igitur quinque modis potest
adiectiuum

adiectiuum supponere, quoniam habet in se uim substantiui. Quotiens autem tenetur mere adiectiuè, & hoc est, quando ponitur in propositione cum suo substantiuo, habet uim copulatiuam modo quo supra diximus, & non supponendi.

Quarto, dicitur in propositione, ad differentiam significationis, quoniā terminus, substantiuus in propositione, & extra per se sumptus significat, sed nō supponit nisi in propositione. Pro cuius notitia aduerte, quōd significare præcedit supponere, & supponere præcedit uerificari. Nam significare est imponere terminum, siue uocem ad aliquid certi repræsentandum. Sicut quando imponitur *ly* homo ad significandum hominem apud Latinos, & *ly* (theos) ad significandum Deum apud Græcos. Vnde facere significare spectat ad primos autores, qui rebus nomina imponunt. Constat autem quōd autor antequam propositionem formet, potest ordinare, & statuere talem rem, per talem terminum repræsentandam, & intelligendam, ergo significare est rem repræsentare siue extra propositionem, siue in propositione. Supponere autem, est accipere terminū iam impositum ad significandum, ut stet in propositione pro aliquo suo significato uel supposito. Vnde sicut facere significare, spectat ad primos autores, sic facere supponere, spectat ad formantes propositionē. Nam formans propositionem singularem, intendit subiectum aliter supponere, quā quando formet propositionem indefinitam, ut tibi declarabitur infra. Verificari autem restringit supponere. Verbi gratia; In hac propositione, Homo currit, *ly* homo supponit determinatē, sub quo licet descendere disiunctiuè, ut tibi declarabitur infra, & licet possit supponere pro pluribus, quoniam non inconuenit, quōd plures currant, modo non omnes homines currant, tamen sufficit, quōd uerificetur pro uno. Nam dummodo Sortes solus currat, hæc est uera, homo currit, ex quibus omnibus constat, quōd significare est in plus quā supponere, & supponere, quā uerificari. Supponere tamen, & uerificari est respectu propositionis tantum.

Disputat hic Thomistæ, Si est mens Tho. terminū sup-
Z ponere

TRACTATVS SEPTIMVS

ponere intus, & extra propositionem, uel tantum in propositione, aliqui tenent partem affirmatiuā, scilicet, quòd intus & extra: aliqui autem negatiuā, s. quòd non nisi in propositione. Primi fundant se super dictum b. Tho. in 1. parte. q. xxxix. artic. 4. ubi inquit, quòd hoc nomē Deus, habet ex modo significandi, quòd possit supponere pro persona: sicut & hoc nomen homo, & in responsione ad tertium dicit, q. homo per se supponit pro persona, Deus autem per se supponit pro natura. Si ergo homo per se, & Deus per se supponunt, sequitur quòd terminus substantius per se sumptus extra propositionem, supponit.

Qui autem tenent partem negatiuā, dicunt intentionē b. Tho. esse, quòd nec Deus, nec homo, nec aliud substantiuū habet uim supponendi, nisi in ordine ad propositionem, quod constat in eodem loco, in quo se fundat præcedens opinio. Nam postquam b. Tho. dixerat, quòd Deus supponit per se pro natura, statim declarans huiusmodi suppositionem format hanc propositionem, ut cum dicitur, Deus creat. Declarans etiam quomodo supponit pro persona, format propositionem, ut cum dicitur, Deus generat, Deus spirat, & quoniā hæc opinio est uniuersalior, ideo intendo sequi eam. Nec obstat, quòd dicit b. Tho. q. Deus per se supponit pro natura, & homo per se supponit pro persona. Nā per ly per se, non intendit quòd per se sumptus extra propositionem supponat, sed intēdit quòd ex se respectu cuiuscunque prædicati absoluti supponit pro natura, ut Deus creat, Deus prouidet, Deus est bonus, Deus est sapiens &c. Nunquam autem supponit pro persona, nisi determinetur per prædicatum relatiuum, ut Deus generat, Deus est pater, Deus est filius, ergo Deus nō ex se, sed respectu talis prædicati supponit p. persona.

Quinto, dicitur extremaliter se habentis ad differentiā uerbi, quod non supponit, sed est extremorum supponendum, id est subiecti, & prædicati unitiuum. Vnde dicitur copula, quoniam copulat prædicatum cum subiecto. Sed aduerte, quòd hoc intelligitur tantum de uerbo, Sum, es, est, quoniam est irresolubile in prius uerbum, ideo ipsum solum est primò, & per se copula. Reliqua autem, quæ dicuntur

cuntur uerba adiectiua, ut Scribo, pugno, curro, quoniam resoluuntur in Sum, es, est, & in participium suum, ideo licet non supponat rationem Sum, es, est, quoniam ut sic sunt copula, & non extremum, tamen ratione participii supponunt, quoniam participium est prædicatum, ut patet hanc resoluendo, Homo currit, Homo est currens.

Sextò, dicitur pro aliquo suo significato, ad differentiã termini non significatiui, & syncategorematis, quod formaliter sumptum nihil per se significat, ut signa uniuersalia, & particularia, & dictio exclusiua, & exceptiua, &c. Verbi gratia, si dico, Aliquis homo currit, Omnis homo currit, Tantum homo currit, ly Aliquis, non supponit, nec ly omnis, nec ly, tantum, sed tantum qualificat suppositionem. Nam aliquis trahet subiectum ad suppositionem determinatam. Omnis ad distributiua, Tantum ad confusam.

Hæc pro declaratione diffinitionis datæ de suppositione dicta sunt.

De generalibus diuisionibus suppositionis.

CAPVT. II.

IN secundo capite antequam deueniamus ad specifi-
cam cõsiderationem de speciebus suppositionis, assignan-
dæ sunt generales eius diuisiones, tu igitur has diuisiones
aduerte.

Prima, suppositionum, alia absoluta, alia relatiua. Absoluta est, quæ fit de terminis absolutis sumptis in propositione, ut omnis homo est animal, nullus homo est lapis, & cætera. Relatiua est, quæ fit per terminos relatiuos grammaticaliter sumptos, ut qui talis qualis, alius alter, ut homo qui legit, disputat. Dixi grammaticaliter sumptos, ut excipiam relatiuum Logicum, de quo actum est in prædicamento. Ad aliquid cuiusmodi sunt, pater, filius, dominus, seruus, æqualis similis, &c. Nam huiusmodi termini ita supponunt sicut absoluti. Vnde sicut in ista, Omnis homo est animal, ly homo stat distributiue. sic & in ista, Omnis dominus est superior seruo. De absoluta igitur acturi sumus in præsentia, de relatiua autem in fine tract.

Secunda suppositio absoluta duplex est, scilicet propria,

TRACTATVS SEPTIMVS.

& impropria. Propria est, quando terminus supponit pro suo proprio, & ordinario significato, ut hæc est propria, homo est rationalis, quoniã id, quod est homo, est rationale. Impropria autem est, quando terminus supponit nõ pro suo proprio, & per se significato, sed sibi accommodato, secundum communem usum loquendi. Verbi gratia, Apostolus significat indifferẽter Apostolos, & poeta indifferenter poetas, & tamen accommodatur soli Paulo, & poeta soli Virgilio, sicut Philosophus soli Aristo. Vnde in hac propositione, Apostolus prædicat, Apostolus secundum suppositionem in proprium supponit determinatẽ, secundum autem in propriam supponit discretẽ. quoniam intelligitur Paulus. Quandocunque ergo terminus sumitur in propositione pro alio, quàm pro suo proprio significato, erit suppositio in propria, ut in hac propositione, monasterium regitur bono capite, caput quidem sumitur proprie pro principali parte animalis, in qua uigent sensus, hic autem sumitur pro prælato, ideo supponit improprie. Idem intellige, quando sumitur pars pro toto, uel totum pro parte, & quãdo sumitur continens pro cõtento, In omnibus his seruetur suppositio impropria, quæ quoniam parum deseruit tractatui de syllogismis, & acquisitioni scientiarum realium, sed est magis de consideratione Grammatici, & Rhetoris, & Poetæ, ideo circa eam non immorabimur.

Hac igitur relicta reuertentes ad absolutam propriam, diuidimus eam prima diuisione in materialẽ, & formalem, cuius diuisionis ratio est. Quia cũ suppositio sit acceptio termini substantiuĩ in propositione extra materialiter se habentis pro aliquo suo significato, quotuplex est significatum termini supponentis, totuplex erit suppositio. significatum autem termini est tantum duplex, scilicet materiale, & formale; ergo suppositio absoluta propria prima diuisione est tantum duplex, scilicet materialis, & formalis. Est autem significatum formale termini illud, ad quod significandum principaliter fuit impositum, & de quo uerificatur sine signo materialitatis, ut significatum formale hominis est animal rationale, & lapidis est corpus

pus durum offendens, & uerificatur per seipsum non appposito signo materialitatis. Sunt autem hæc signa materialitatis, ly, hæc dictio, hoc nomē, hic terminus. Nam hæc est uera, homo est animal rationale, lapis est corpus durum. Quod si apponeretur signum materialitatis, essent falsæ. Constat enim, q̃ hæc est falsa, iste terminus homo est animal rationale, & hæc, hic terminus lapis est corpus durum. Significatū aut materiale termini est ipsemet terminus, & dicitur significatum naturale, quoniam unumquodque prius est, naturaliter significat, ac representat seipsum, quàm aliquid extrā se. Signum autem quando supponit terminus pro seipso, aut sibi consimili est hoc, quod non uerificatur nisi appposito signo materialitatis, ut ly homo est nomen, ly homo, est bisyllabum, ly homo est declinabile. Si autem sumatur sine signo materialitatis, omnes sunt falsæ, ut, homo est nomen. Nam homo ex ui sui significati formalis, est animal rationale, & non ut sic est nomen, sed substantia corporea &c. Constat ergo ratio, propter quam suppositio absoluta propria diuiditur prima diuisione in materialem, & formalem.

Suppositio autem formalis secundum terminatas coincidit conuertibiliter cum personali, ita quòd omnis formalis est personalis, & econuerso, ex consequenti terministæ non diuidunt ulterius formalem, nisi in suppositionem discretam, & communem, communem autem in determinatam & confusam, ut tibi infra declarabitur. Verum apud reales non coincidit cum personali, sed est magis communis, & antequam deueniant ad personalem diuidunt suppositionem formalem in naturalem, & accidentalem. Est autem huius diuisionis ratio, quia cum distinctio suppositionis formalis sit acceptio &c. pro suo formali significato, uel accipitur terminus in propositione respectu prædicati per se, quod conuenit subiecto essentialiter uel consequitur subiecti essentia, & sic in omni propositione per se, tam primo, quàm secundo modo datur suppositio naturalis siue essentialis, ut hic. Homo est animal, Homo est rationalis, Homo est risibilis. Vel accipitur terminus in propositione respectu prædicati sibi consentien-

TRACTATVS SEPTIMVS

tis accidentaliter, ut Homo est albus, Homo currit. Et hanc diuisionem, scilicet in naturalem, & accidentalem, b. Tho. in tertio senten. di. prima, quæst. secunda, articulo quarto.

Suppositio autem accidentalis apud reales diuiditur in personalem, & simplicem, cuius diuisionis ratio est hæc. Suppositio accidentalis, est respectu prædicati conuenientis subiecto accidentaliter. Vel ergo conuenit subiecto, ut habet esse extra animam in suppositis, & sic est personalis, quia uerificatur prædicatum pro supposito. Vel suppositis, ut aliquis homo currit, ergo iste, uel iste currit, uel cōuenit subiecto, non inquantum habet esse in suppositis, sed ut habet esse in anima, puta inquantum intellectus intelligit naturam communem, ut prædicabilem de multis, & non ut habet esse in hoc uel illo supposito, ut quando dicit, quod homo est species, animal est genus, substantia est genus generalissimum. Rationale, est differentia. Risibile, est proprium. Album, est accidens. Primo modo dicitur suppositio personalis, quia stat prædicatum pro suppositis. Secundo modo dicitur simplex, quia stat prædicatum pro natura simplici, & in se considerata, & prout intellectus attribuit sibi intentionem uniuersalitatis, puta speciei, aut generis.

Et aduerte, quod terministæ reponunt suppositionem simplicem sub materiali. Vnde apud eos sicut in ista, Ly homo, est nomen, ly homo, supponit materialiter, sic & in ista, Homo est species, animal est genus, quorum fundamentum est, quod non existimant uniuersalia, ut genus, & species esse naturas reales, ut stant sub secundis intentionibus, Sed esse terminos uniuocos prædicabiles de pluribus &c. In hac ergo propositione, Homo est species, secundum eos. homo non supponit pro natura cōi, sed pro termino. Talis aut suppositio est materialis, & ideo quam dicunt reales simplicem, dicunt ipsi materialem. Verū, quia magis est consonū uiz Peripateticæ uniuersalia esse naturas, quam terminos, non quidem extra singularia, ut Aristoteli. in tota doctrina sua imponit Platoni, & præcipue in 7. lib. Metaphi. ideo realium quo ad suppositionē simplicē,
sen-

sententiam sequi debemus. Hæc de primis & generalibus diuisionibus suppositionis, nunc accedendum est ad cuiuscunque membri considerationem. Incipiemus igitur à materiali absoluta propria.

De absoluta et propria suppositione materiali. Cap. III.

IN tertio capite iuxta ordinem diuisionum, quæ suprà dispositæ & ordinatæ sunt, agendum est de suppositione materiali, de qua tria uidentur. Primò, quid sit. Secundò, quomodo & in quæ diuiditur. tertio assignandæ sunt generales regulæ, quibus cognoscas, quando termini supponunt materialiter, & quando non.

Quantum ad primum aduerte, quòd sic diffinitur. Suppositio materialis est acceptio termini substantiuì in propositione extremaliter se habentis pro suo materiali significato. Tota hæc diffinitio, quo ad singulas particulas, manifestata est in diffinitione suppositionis, ut suppositio est. Vltima particula, scilicet pro materiali significato, ponitur ut distinguatur à formali suppositione. Est autem materiale significatum termini, quando sumitur solum pro seipso & sibi consimili, & non pro eo, ad quod significandum principaliter est impositum, ut docuimus suprà: ut quando dicitur, homo, est nomen; animal est trisyllabum, constat, quòd ly homo, & ly animal, sumuntur ut sunt termini, & non pro re ad quam significandam sunt imposita. Hæc enim est falsa, Hic terminus homo, est res, quæ est homo, neque enim res quæ est homo, est nomen, sed substantia rationalis. Idem intellige de animali.

Quantum ad secundum aduerte, quòd terministæ diuidunt suppositionem materiale in discretam & communem. Communem in determinatam & confusam. Confusam in confusam tantum, & confusam distributiuam. Confusam tantum, n confusam tantum mobilem, & confusam tantum immobilem. Confusam distributiuam, in confusam distributiuam mobilem, & confusam distributiuam immobilem, quas diuisiones & singularum partium diffinitiones & exempla uide tu in Paulo Veneto, quia nolo esse hic merus recitator, & singula eius exèpla recipies

exceptis his, Homo est species, animal est genus &c. Nam quando prædicatum est aliquod quinque uniuersalium, subiectum apud reales supponit simpliciter & non materialiter. Nos autem intendimus sequi uiam realium.

Reales autem non multiplicant tot diuisiones de suppositione materiali, sed existimant sufficere addiscenti, si diuidant eam in discretam & communem, & illic sistere. Aduertunt enim quòd suppositio materialis magis deseruit Grammatico, qui uersatur circa nomina quo ad articulos & declinationes, & compositiones & deriuationes, & circa huiusmodi uersatur suppositio materialis. Cum igitur in Logica, & in aliis scientiis acquirendis per Logicam sequendo uiam Peripateticam & non Sophisticam, suppositio materialis non sit multum necessaria, sufficit ut ad mentem realium, ut diuidamus eam in discretam & communem.

Materialis discreta, est acceptio termini substantiui materialiter supponentis, cum pro nomine demonstratiuo. Nam pronomina demonstratiua primitiue speciei faciunt propositionem singularem, cuius subiectum tantum uni conuenit, ut docuimus in tracta. secundo agentis de quantitate propositionum. In omni autem propositione singulari sicut subiectum est terminus discretus, uel æquipollet termino discreto, sic supponit discretè. Vt hæc est materialis discreta.

Iste terminus homo, quem nunc scribo, est nomen, est bisyllabum, est declinationis tertiæ, est numeri singularis, est generis communis.

Materialis communis, est acceptio termini substantiui materialiter supponentis sine pronome demonstratiuo.

Nam talis terminus non limitatus per pronomen demonstratiuum, est terminus communis, ut ibi, homo est nomen. Iste terminus homo, ideò est communis, quia conuenit huic termino, homo hic scripto, & huic termino homo ore nunc prolato. Idem intellige de qualibet nomine proprio, ut de Sorte & petro &c. Nam licet quo ad significatum formale, sint termini singulares, quia tantum uni conueniunt, quòd est indiuiduum signatum, tamen quo ad
signifi-

significatum materiale sunt termini communes, possunt enim conuenire termino in scripto, & in ore, & in mente. Vnde in hac propositione, Petrus est nomen, subiectum supponit suppositione materiali communi, potest enim uerificari de hoc termino. Petrus in uoce, in scripto, in mente &c. Vnde utraque istarum est uera, Petrus est nomen, Petrus non est nomen. Sensus secundæ est, Res, quæ est Petrus, non est nomen, quia est substantia. Sensus primæ est, hic terminus Petrus, est nomen, quia declinatur per genus & casum. Reliquas igitur diuisiones suppositionis materialis, utpote non multum necessarias, nec usitatas in scientiis realibus, relinquamus terministis.

Quantum ad tertium aduerte tres regulas generales, quibus cognoscitur suppositio materialis.

Prima est, Omnis terminus habens solum unum significatum scilicet formale, nūquā supponit materialiter sed formaliter. Probat, quia non potest supponere nisi pro significato quod habet, sed habet tantum formale, ergo nunquā supponit materialiter, tales termini sunt termini transcendentes, ut ens, unum, aliquid, res, qui idē non habent nisi significatum formale, quoniam quocunque modo sumantur, siue cum signo, siue sine signo materialitatis, de omnibus & de seipsis uerificantur. Nam sicut ista est uera, ens est ens, ita & ista, ly ens, id est, hic terminus ens, est ens, & est aliquid, & est res, & est quid unum, ens enim & unum conuertuntur: ut tibi in Philosophia prima manifestabuntur.

Secunda est, Omnis terminus habens utrumque significatum, si apponitur ei signum materialitatis, trahitur ad suppositionem materiale, ut ly homo est nomen. Si autē non apponitur ei signum materialitatis, trahitur ad suppositionem formalem, & tunc aliquando propositio est uera, ut homo est animal, aliquando falsa, ut homo est nomen, quoniam homo sine signo materialitatis supponit pro significato formali. De homine autē sumpto formaliter falsum est dicere, quod sit nomen, quoniam ut sic, est substantia rationalis.

Tertia est, signum particulare & uniuersale affirmatiuū

TRACTATUS SEPTIMVS

& negatiuum. Si est eiusdem generis cum termino substantiuo, cui additur, trahit terminum ad suppositionem personalem, ut aliquis homo currit. Si autem sumantur in neutro genere, trahunt terminum ad suppositionem materialem, ut aliquod homo est nomen, id est, aliquis ter. & ratio huius regulæ est, quia termini ut supponunt materialiter sunt neutri generis & indeclinabiles, ut distinguantur, quando supponunt formaliter. Tunc enim sumuntur in suo proprio genere siue masculino, siue feminino &c. & sunt declinabiles, ut, Omnis homo est bipes, Aliqua auis est nigra, Aliquod lignum est durum. Quoniam igitur quando supponunt materialiter, sunt neutri generis, & indeclinabiles, idè conuenienter apponitur eis in neutro genere signum uniuersale uel particulare. Ex quibus sequitur, quòd hæc est uera, Omne homo est nomen, hæc autem est falsa, Omnis homo est nomen.

Tres istæ regulæ sufficiant tibi, pro notitia termini, quando supponit materialiter, & quando non. Si alias uis quære tu in terministis, has reputo sufficere, prout contingit uti suppositione materiali in acquisitione scientiarum.

De suppositione formali naturali. CAP. IIII.

IN cap. quarto agendum est de suppositione formali naturali, de qua tria uidenda sunt. Primò, quid sit. Secundò, quomodo diuiditur apud reales. Tertiò, assignabuntur regulæ generales de illa.

Quantum ad primum aduerte, quòd sic diffinitur, Suppositio formalis naturalis est acceptio termini &c. respectu prædicati essentialis uel consequentis essentiam subiecti. Pro cuius notitia aduerte, quòd suppositio formalis naturalis, est acceptio termini substantiuui in propositione extremaliter se habentis pro suo significato formali, respectu prædicati essentialis, uel consequentis essentiam subiecti. Dicitur autem prædicatum essentialiter dupliciter. Primò, quia prædicatur in quid essentialiter de subiecto, ut animal de homine, homo de Sorte. Secundò, in quale essentialiter, ut rationale de homine, sensituum de animali. Dicitur uerò prædicatum consequens essentiam subiecti, quod licet non sit de essentia, fuit tamen a principiis essentiae, id est

est uel a forma, ut homo est risibilis, sequitur enim risibile animam intellectuam. Vel a materia, ut homo est corruptibilis, procedit enim corruptibile a compositione contrariorum, qualia sunt elementa, ex quibus homo componitur. In utroque sensu est suppositio formalis naturalis. Et pro regula generali accipe, quòd in omni propositione facta in materia naturali est suppositio formalis naturalis, quia naturaliter prædicatum uerificatur de subiecto, & nõ accidentaliter. Et aduerte, quòd in tract. de syllogismo demonstratiuo, prædicatum naturale est prædicatum per se in primo & secundo modo per se.

Quantum ad secundum aduerte, quòd terministæ, non diuidunt suppositionem formalem naturalem, quoniam eam non ponunt distinctam a personali, ideò non aliter diuiditur apud eos, quàm suppositio personalis, de cuius diuisionibus dicemus infrà. Ratio autem propter quam non ponunt eam distinctam a personali est, quia non concedunt prædicatum reale siue sit essenziale siue accidentale, uerificari de subiecto, nisi subiectum existat in rerũ natura. ideò sicut ista est personalis, Aliquis homo currit, sic ista, aliquis homo est animal, & sicut descendere sub illa, licet diuisioni, sic sub ista, & sicut illa est falsa, nullo homine existente, sic & ista. apud reales autem in prædicatis essentialibus non requiritur existentia subiecti, quoniam propositio per se est sempiternæ ueritatis, ut tibi declarabitur in prima Philosophia. In prædicatis autem accidentalibus, requiritur existentia subiecti, quoniam non uerificantur de subiecto nisi subiectum existat, & ideò distinguunt reales inter formalem naturalem & formalem accidentalem, quæ est respectu prædicati accidentalis. Tu tamen aduerte, quòd aliter datur suppositio accidentalis respectu prædicati accidentalis conuenientis subiecto, ut habet esse extra animam, & ut habet esse in anima, ut tibi manifestabitur infrà.

Cum igitur reales teneant suppositionem naturalem distinctam a personali, alio & alio modo distinguunt eas, & diuidunt in sua inferiora.

Naturalem igitur sic diuiditur. Suppositionis naturalis
alia

alia discreta, alia communis. Discreta, est acceptio termini discreti, uel sibi æquiualentis respectu prædicati essentialis, ut Sortes est homo, est animal, est corpus, ē substantia, est ens. Vel æquiualentis, ut hic, homo est rationalis. Sophroniæ filius primogenitus est disciplinabilis. Communis, alia indefinita, alia determinata. Indefinita est acceptio termini cōmunis respectu prædicati essentialis siue aliquo signo: ut homo est animal, lapis est inanīmatu. Determinata est acceptio termini communis respectu prædicati essentialis cum aliquo signo, ut, quidam homo est animal, & diuiditur in particularem & confusam. Particularis est acceptio termini communis respectu prædicati essentialis, cum signo particulari. ut, aliquis homo, est risibilis, siue rationalis. Confusa diuiditur in confusam tantum, & confusam distributiuam siue uniuersalem. Confusa est acceptio termini communis respectu prædicati essentialis, cum aliquo syncategoremate habente uim confundendi, ut si homo est animal, est sensitiuus, tantum homo est rationalis. Distributiuam siue uniuersalem est acceptio termini communis respectu prædicati essentialis cum signo uniuersali, ut, Omnis homo est animal. Omne animal est uiuens. Sed dices, quare in suppositione naturali non fit mentio de descensu sub termino cōmuni ad sua inferiora siue supposita, disiunctiuè uel disiunctim, uel copulatiuè, sicut fiet descensus in suppositione personali, ut declarabitur? Respondetur, ideò non fit descensus, quia apud reales ad ueritatem propositionis per se, non requiritur consistentia suppositorum. Vnde nullo homine existente, hæc est uera & semper, Homo est animal, Animal est substantia. Ideò autem fiet descensus in personali, quoniam personalis propriè apud reales, est respectu prædicati accidentalis, quod inest naturæ communi, ut habet esse in suppositis. Hæc enim non est uera, Homo est albus, nisi quia hic uel hic est albus. Constat igitur, quid sit suppositio formalis, naturalis, & quomodo diuidatur.

Quātum ad tertium aduerte quatuor regulas deseruiētes suppositioni formali naturali.

Prima est, In omni propositione, in qua prædicatū prædicatur

dicatur per se de subiecto in primo modo, uel secundo, uel quarto, semper subiectum supponit naturaliter. Quid sint & quot modi per se, iam diximus in tracta. de syllogismo demonstratiuo. Exemplum primi, Homo est animal rationale. Exemplum secundi, Homo est risibilis. Exemplum quarti, Paries albet albedine. Aduerte, quòd non fit mentio de tertio modo, per se, quia nò est modus prædicandi, sed modus essendi siue existendi. Vnde cum dicitur, Sortes est per se in domo, sic intelligitur, Sortes est solus in domo, ita quòd ly per se dicit priuationem còfortij. Et hæc propositio, Sortes est per se, id est solus in domo, non signat subiectum supponere naturaliter, sed personaliter, quoniam ly solus, est prædicatum accidentale, & separabile à subiecto, ut patet. Ratio autem huius regulæ est, quoniam prædicatum per se, aut est de essentia subiecti, aut consequitur eius essentiam, nā in primo modo est de essentia, in secundo & quarto consequitur essentiam, ut tibi declaratum est in tracta. de syllogismo demonstratiuo.

Secunda regula est, Omnis propositio, cuius subiectum supponit naturaliter, est semper & unniuersaliter uera, etiam si subiecto non apponatur signum uniuersale, ut hic, Homo est animal, quidam homo est animal, nam omnis talis propositio est in materia naturali, in qua prædicatum conuenit omni & semper contento sub subiecto. Vnde licet prioristice, hæc non sit propositio uniuersalis, sed indefinita, Homo est animal, est tamen uniuersalis posterioristice loquendo. Non sic autem contingit in suppositione personali, quoniam propositiones, in quibus subiectum supponit personaliter, ut in pluribus formantur in materia contingenti, & ideò nec pro omnibus nec semper uerificatur prædicatum de subiecto. Vnde prioristice & posterioristice hæc est indefinita, Homo est albus.

Tertia regula est, in suppositione naturali, non ualet consequentia à propositione de tertio adiacente ad eam, quæ est de secundo, ut non ualet, Homo est animal, Ergo homo est, & ratio huius regulæ est, quia in propositionibus

bus per se prædicatum spectat ad essentiam, & nō ad existentiam, essentia autem abstrahit ab existentia, & non existentia, ut tibi in prima Philosophia declarabitur. Præterea, ly est, in tertio adiacente in propositionibus, per se dicit habitudinem, & conuenientiam naturalem prædicati cū subiecto. Et ideò siue subiectum existat, siue non, semper prædicatum per se est aptum uerificari de subiecto. Sed ly est, in secundo adiacente, dicit existentiam, & ideò nisi subiectum puta, homo, existat, hæc est falsa, Homo est, & in hoc discordant terministæ & reales: nam ut declarabitur tibi in tract. de consequentijs, terministæ uolunt, quòd à tertio adiacente ad secundū affirmatiuè siue in prædicatis per se, siue in prædicatis accidentalibus ualeat consequentia, dummodo prædicatum non sit terminus distrahens neque diminutus. Sed pro nunc sultine, donec erudiaris in consequentijs.

Quarta regula est pendens à tertia, In quacunq; propositione, subiectum supponit naturaliter, ad eius ueritatem non requiritur, quòd extrema existant in rerum natura. Nam hæc semper fuit & erit uera, Homo est animal rationale, etiam posito, quòd nec homo nec animal existerent. Et ratio huius regulæ est apud reales, quia ad ueritatē affirmatiuæ per se, sufficit habitudo & unio prædicati cū subiecto immutabiliter, sed siue extrema existāt, siue non, hæc habitudo & unio immutabiliter seruator, ita quòd oppositum est & repugnat, ergo regula est uera, & Peripatetica, ut tibi manifestabitur in prima philosophia. Hæc de suppositione formali naturali dicta sint.

De suppositione accidentali simplici. Cap. v.

In cap. quinto agendum est de suppositione accidentali simplici. nam in secundo cap. diuisimus formalem accidentalem in simplicem & personalem, quoniā licet utraq; sit respectu prædicati accidentalis: in hoc tamen distinguuntur, quòd simplex est respectu prædicati intentionalis; quod non conuenit alicui ex suppositis alicuius superioris, ut esse speciē, non cōuenit alicui homini, sed homini, ut homo est, personalis autē est respectu prædicati realis, quòd cōuenit alicui superiori sine uniuersali ratione suorum

suorum suppositorum, ut hominem esse album, conuenit homini, non ut homo est, sed quia conuenit illi, uel illi homini. De simplici igitur agendum est in præsentī capite. De personali uerò in cap. sequenti. De simplici autē tria uidenda sunt. Primò, quid sit, secundò quomodo diuiditur, tertio assignabuntur regulæ generales de illa.

Quantum ad primum aduerte, quòd sic diffinitur apud reales. Suppositio simplex est acceptio termini substantiui in propositione extremaliter se habentis pro suo formali significato respectu prædicat conuenientis subiecto, non ut habet esse ad extra in suppositis, sed ut habet esse in anima per abstractionem ab omni suo supposito. Pro cuius notitia aduerte, quòd natura cōmunis puta homo, animal, corpus, dupliciter potest cōsiderari ab intellectu. Primò, ut habet esse & diuersificatur in suppositis, & sic intellectus attribuit ei prædicata realia, quæ conueniunt naturæ communi ratione suorum suppositorum, ut homo est albus, est sanus, est æger, & hæc faciunt suppositionem personalem. Secundò, ut est communis multis & prædicabilis de multis, quæ conueniunt in eadem ratione diffinitiuā ipsius naturæ communis, & ut sic considerata est una, quoniam ut sic nō est, respicit supposita, per quæ diuersificatur, sed abstrahit ab eis, & in hoc sensu attribuit, & intellectus prædicata intentionalia, quæ explicantur per aliquod quinq; uniuersalium, ut homo est species, animal est genus, rationale est differentia, &c. & hæc faciunt suppositionem simplicem apud reales. Quæ dicitur suppositio simplex à communi natura simpliciter & abstractè sumpta, & considerata. Constat igitur quid sit, & respectu cuius prædicati.

Quantum ad secundum aduerte, quoniam suppositio simplex non conuenit termino supponenti respectu suppositorum, imò conuenit ut abstrahat à suppositis, nō est diuidenda, ut diuidetur suppositio personalis, scilicet, in discretam, & communem, aut in determinatam & confusam, &c. Nam omnia hæc diuisionum membra respiciunt supposita, & potest ad ea fieri descensus præterquam in discreta, ut tibi manifestabitur, ergo diuidēda est iuxta

TRACTATVS SEPTIMVS

iuxta diuisionem prædicati, quod conuenit naturæ comuni, ut consideratur ab intellectu. Potest autem iuxta triplicem actum intellectus, tripliciter considerari. Primo, ut est diffinibilis siue intelligibilis. Secundo, ut prædicabilis de pluribus. Tertiò, ut de ea est aliqua proprietas demonstrabilis, & iuxta hanc triplicem considerationem, assignatur triplex suppositio simplex. Prima fit iuxta primum actum intellectus, ut homo est diffinibilis, est intelligibilis, de eo potest haberi scientia. In omnibus his propositionibus supponit homo simpliciter, quia nō licet descendere ad sua inferiora, cum abstrahat ab eis, ut stat sub prædictis prædicatis. Neque enim homo, ut est iste, uel ille, sed ut homo, diffinibilis, intelligibilis, scibilis est. Supponit autem simpliciter iuxta primum actum intellectus, qui est simpliciter apprehendere. Secunda fit iuxta secundum actum intellectus, qui est componere & diuidere, ut homo est species, animal est genus, rationale est differentia. Tertia fit iuxta tertium actum intellectus, qui est discursus siue argumentari, ut risibile demonstratur de homine, Sic igitur diuidatur suppositio simplex.

Quantum ad tertium aduerte tres regulas generales pro suppositione simplici.

Prima est, Terminò supponenti simpliciter, non est apponendum signum particulare, nec uniuersale, nō autem particulare, neque eiusdem generis, neque alterius generis. Ratio huius regulæ est, quia signa apposita terminò communi in eodem genere, trahunt ipsum ad suppositionem personalem, ut, aliquis homo est albus. Si autem in alio genere, puta in neutro, trahunt ipsum ad suppositionem materialem, ut aliquod homo est nomen, omne homo est bisyllabum. Cum igitur terminus supponens simpliciter, non supponat personaliter, quia non respicit supposita, nec materialiter, quia stat pro natura in se considerata, ut communis pluribus, nullo modo apponendum est signum particulare, nec uniuersale, sed simpliciter enuntiandum est, quòd homo est species, quòd animal est genus, quòd rationale est differentia.

Secunda regula est, Omnis terminus supponens respectu

specu prædicari concernentis actum animæ, siue spectet ad actum primum, siue secundum, siue tertium, supponit simpliciter, ut homo diffinitur, homo intelligitur, homo prædica-ur de pluribus differētibus numero. Ratio huius regulæ cōstat ex diffinitione data de suppositiōe simplici.

Tertia regula, Omnis propositio cuius subiectum supponit simpliciter est singularis. Nam cū sit categorica, ut homo est species, oportet quod sit alicuius quantitatis, ut declaratum est in secundo tract. non potest autem esse uniuersalis, nec particularis, quoniam nullum apponitur signum, nec indefinita, quoniam cū non respiciat supposita, non potest sub subiecto fieri aliquis descensus. Sed sub subiecto cuiuslibet indefinitæ, licet descendere disiunctiue, ut tibi declarabitur in cap. sequenti, ergo a sufficienti diuisione est singularis.

Sed dices, In hac propositione, homo est species, subiectum est terminus communis, cum sit aptus prædicari de pluribus, ergo non potest esse propositio singularis. Consequentia patet, ex diffinitione propositionis singularis.

Respondetur in hac propositione homo, est species, ly homo, non est terminus communis, quia non respicit supposita, ut superius inferiora, sed tenetur discretè, quia stat pro natura apprehēsa ab intellectu, ut una, & ut sic est singularis, quoniam excludit omnia sua supposita. Vnde se habet ut forma abstracta a materia, quæ in se est una. Et hæc natura intelligitur denudata ab omni conditione indiuiduali, per quam diuersificatur in suppositis, ideo æquipollet singulari abstracto, & terminus supponens pro ea stat singulariter. In hac igitur, homo est species, & in hac animal est genus & in hac, Substantia est generalissimum, & in hac, ens transcendens, subiectum tenetur singulariter, ut hæc tibi manifestabuntur in septimo libro primæ Philosophiæ. Pro nunc tu nouiti, supponas sic esse. Hæc de suppositione simplici dicta sint.

De suppositione accidentali personali.

CAPVT VI.

IN capitulo sexto agendum est de suppositione accidentali personali, cuius usu frequentior est in sciētis rea-

Aa libus.

TRACTATVS SEPTIMVS

libus. De ea igitur tria uidentur, Primo, quid sit. Secundo, ponentur omnes diuisiones sue usitate in scientiis. Tertiò, assignabuntur regulæ generales de illa.

Quantum ad primum, aduerte, quòd sic diffinitur. Suppositio accidentalis personalis est acceptio termini substantiui, uel substantiue tenti in propositione extramaterialiter se habentis, pro suo formali significato respectu prædicati accidentalis realis, conuenientes subiecto, ut habet esse ad extra.

Istæ particulæ prædicati accidentalis, & realis, ut habet esse ad extra, ponuntur, ut distinguatur suppositio personalis a naturali, & simplici, & intellige, ut habet esse ad extra, idest in rerum natura pro aliqua differētia temporis, quoniam, ut tibi manifestabitur in tract. de ampliatione, Subiectum in suppositione personali aliquando tenetur pro eo, quod est, aliquando pro eo quod est; uel fuit, aliquando pro eo quod est uel erit, aliquando pro eo quod est, uel pōt esse, & tūc exēplificabitur. In hac igitur propositione, Homo est iustus, homo supponit personaliter, quoniam prædicatum iustus, est prædicatum reale, & accidentale, & conuenit homini pro aliquo suo supposito existenti. Hæc enim est uera, Homo est iustus, quia hic, uel hic est iustus. Constat igitur tibi quid sit suppositio personalis distincta a naturali, & simplici. Quod distinguatur a materiali, nemini est dubium, quoniam in illa stat terminus pro materiali significato, hic autem pro formali.

Quantum ad secundum aduerte, quòd diuisiones suppositionis personalis sic ordinantur.

Suppositio personalis, prima diuisione diuiditur in discretam, & communem. Discreta est acceptio termini substantiui discreti, uel termini communis cum pronomine demonstratiuo in singulari numero, & cætera. respectu prædicati realis accidentalis conuenientis subiecto, ut habet esse ad extra. Exemplum primi, Sortes est iustus, Exemplum secundi, Ille homo est iustus. Imperitè scribis.

Et aduerte, quòd si propositio conuertatur simpliciter, sicut subiectum in conuersa supponit personaliter discretè, sic prædicatum in conuertente eodem modo supponit,
ut

ut hic, Sortes est iustus, iustus est Sortes, & hic, ille homo currit, uel tu curris, currens est ille homo, currens es tu.

Communis diuiditur in determinatam, & confusam. Determinata est acceptio termini communis substantiui & cætera, sine signo, uel cum signo particulari tantum, sub quo licet descendere ad sua supposita disiunctiue, ut, Homo est albus, & licet sic descendere, & Isti sunt omnes homines, ergo iste homo, uel iste, uel iste, & sic de singulis, est albus, ergo homo est albus, & sicut de hac infinita, sic intellige de hac particulari, Quidam homo est albus. Quod si de nullo verificaretur prædicatum, propositio esset falsa, quoniam prædicatum non conuenit subiecto, nisi ratione alicuius suppositi.

Confusa est acceptio termini substantiui communis &c. sub quo non licet descendere disiunctiue. Sed si descendatur, descēdetur disiunctim. Pro cuius notitia aduerte, quod descendere disiunctiue, est formare plures disiunctiuas singulares, ex quibus necesse est unam esse determinate ueram. Verbi gratia sub hac, Quidam homo currit. sic descēditur disiunctiue, & isti sunt omnes homines, ergo uel iste homo currit, uel iste homo currit, uel iste homo currit, &c. ita quod necesse est unam ex his esse determinate ueram, & dummodo unus currat, hæc est uera, Aliquis homo currit. Descendere autem disiunctim, est formare unā categoricam de extremo disiuncto, quam non est necesse verificari determinate pro uno, sed potest verificari pro pluribus, & pro omnibus in confuso, & indistincte. Verbi gratia, In ista, Tantum homo est sapiens, ly homo, supponit confuse, & licet descendere sub eo disiunctim sic, & isti sunt omnes homines, ergo uel hic homo, uel hic homo, uel hic homo est iustus. Hæc est una categorica de subiecto disiuncto, & non inconuenit, quod verificetur pro pluribus hominibus, uel etiam pro omnibus indistincte. nam cum soli homini conueniat iustitia inter omnia animalia, nihil obstat quin reperiatur in pluribus, nec repugnat quin reperiatur in omnibus.

Confusa, diuiditur in confusam tantū, & confusam uni-

TRACTATVS SEPTIMVS.

uerſalem. Exemplum primæ, tantum homo eſt iuſtus, tantum homo eſt figuræ rectæ, Exemplum ſecundæ, Omnis homo eſt iuſtus.

Confuſa tantum, diuiditur in mobilem & in immobile. Confuſa tantum mobilis eſt acceptio termini &c. ſub quo licet deſcendere diſiunctim, ut tantum homo eſt iuſtus, ergo tantum hic, uel hic, uel hic eſt iuſtus. Confuſa immobilis eſt acceptio termini ſubſtantiui; &c. ſub quo nullo modo licet deſcendere; ut in iſta, Tantum tres ciues ſeruant patriam. Non licet deſcendere, quoniam omnes iſtæ ſunt falſæ. Ergo tantum iſte ſeruat patriam, uel tantum iſte ſeruat patriam. Nec ualet diſiunctim, Ergo tantum iſte, uel iſte, uel iſte, quoniam tres ciues collectiue, & non diſiunctiue ſeruant patriam, poſito caſu, quòd ſic ſit. Et aduerte, quòd terminis exemplificantes de cõfuſa tantum immobili formant hanc propoſitionē, Neceſſario homo eſt animal, ſub qua dicunt non licere deſcendere diſiunctim, ex parte ſubiecti, quoniā nullus homo ſingularis neceſſario eſt animal, ſed contingenter, quoniam poteſt non eſſe. Id non recipiunt reales, quoniam dicunt illam eſſe ſuppoſitionem naturālē in qua prædicatum eſt de eſſentia ſubiecti, & prædicatur eſſentialiter de omni contento ſub ſubiecto, ergo neceſſario, & ſemper, & immutabiliter. Vnde ita eſt neceſſaria iſta, Sortes eſt animal, ſicut iſta, Homo eſt animal. Nec obſtat, quòd Sortes poſſit nō eſſe, quia in ſuppoſitione naturali, non requiritur exiſtentia extremorū, ſed immutabilis habitudo, & unio prædicati cū ſubiecto. Vnde hæc conſequentia nō ualet, Sortes contingenter eſt, ergo contingenter eſt animal. Nec iſta, Sortes neceſſario eſt animal, Ergo neceſſario eſt, quia in prima fit tranſitus ab eſſe exiſtentis ad eſſe eſſentis, In ſecunda autem fit tranſitus econuerſo.

Confuſa uniuerſalis diuiditur in diſtributiua, & collectiua. Diſtributiua diuiditur in mobilem, & in immobile. Diſtributiua mobilis eſt acceptio termini, &c. ſub quo licet deſcendere copulatiue ad omnia ſua ſuppoſita; ut, Omnis homo eſt mendax, ergo hic homo eſt mendax, & hic homo eſt mēdax, & ſic de aliis omnibus. Diſtributiua immo-

immobilis est acceptio termini &c. sub quo non licet descendere copulatiue, ut si omne animal currit, Omnis homo currit. Non enim sequitur, ergo si hoc animal, puta asinus, currit, omnis homo currit, & si hoc animal, puta equus currit, omnis homo currit. Constat enim conditionalem esse ueram, & tamen omnis copulatiua formata est falsa. Distributiua mobilis diuiditur in absolutam & accommodam. Absoluta est acceptio termini &c. sub quo licet descendere copulatiue absolute, & nulla appositione facta, ut, Omnis nix est alba, omnis stella lucet, ergo ista stella, & ista, & ista, & sic de omnibus, nulla exceptuata lucet. Accommoda est acceptio termini &c. sub quo non licet descendere copulatiue absolute, sed oppositione facta, uel pro tali, aut tali genere, ut omnes diligunt munera, scilicet Iudices iniusti. omnes homines resurgent, scilicet qui fuerint mortui. omnis qui petit, accipit, scilicet si debite & rationabiliter petit, & hæc suppositio distributiua accommoda, necessaria est pro intelligentia sacræ scripturæ, & in politicis legibus ac decretis.

Vniuersalis collectiua est acceptio termini &c. sub quo non licet descendere copulatiue, sed aut non descendere, aut descendere copulatiue, ut omnes Apostoli sunt duodecim, non sequitur, ergo iste est duodecim, & iste est duodecim, & iste, & iste. omnes sunt falsæ, ut patet. Sed descendatur sic, ergo iste, & iste, & iste, & omnes alij simul sumpti, sunt duodecim. & aduerte, quod descendere copulatiue est descendere per propositiones copulatiuas singulares. Copulatiue autem, est descendere per unam categoricam de extremo copulato. Exemplum primi, Omnis nix est alba, ergo & hæc nix est alba, & hæc est alba, &c. Exemplum secundi, Omnia elementa sunt quatuor, ergo hoc, & hoc, & hoc, & hoc, simul sumpta, sunt quatuor. Constat igitur, quid sit suppositio formalis, personalis, & quot sint eius diuisiones famosæ, & quid sit singulorum membrum singulæ diuisionis.

Quantum ad tertium aduerte, quod singulis membris diuisionum suppositionis personalis, assignantur certæ regulæ uniuersales, per quas cognoscas, quomodo, & in qua

specie personalis suppositionis termini supponunt.

Incipientes igitur a personali discreta, assignamus ei talem regulam.

Omnis terminus discretus, uel communis cum pronomine demonstratio singularis numeri, uel circumlocutus existens pars orationis, siue ex parte subiecti, siue ex parte prædicati, siue præcedat signum particulare, siue uniuersale, siue affirmatiuum, siue negatiuum supponens personaliter, supponit discretè. Exemplum primi ex parte subiecti. Sortes currit, Iste homo currit, Sophronici primogenitus currit. Exemplum secundi ex parte prædicati, siue signo uniuersali, aliquod currens est Sortes, aliquod currens est iste homo, aliquod currens est Sophronici primogenitus. Cum signo autem uniuersali affirmatiuo, ut hic, Omnes peccauerunt in Adam, omnes peccauerunt in primo homine, Omnes peccauerunt in primo creato ad imaginem Dei, Cum signo uniuersali negatiuo, ut hic, Nullus asinus est Sortes, nullus asinus est iste homo, Nullus asinus est primogenitus Sophronici.

In omnibus his datur suppositio discreta personalis, in omnibus exemplis primi modi ex parte subiecti, & in omnibus exemplis secundi modi ex parte prædicati.

Determinatæ personali assignatur hæc regula, omnis terminus, quem nullum signum præcedit, uel si præcedit, est signum particulare affirmatiuum, supponens personaliter, supponit determinate, tam a parte subiecti, quàm a parte prædicati.

Exemplum primi, homo est iustus, tam sub subiecto, quàm prædicato licet descendere disiunctiue, ut patet ex citato, ergo tam subiectum, quàm prædicatum supponunt determinate. Exemplum secundi, aliquis homo est iustus, tam prædicatum, quàm subiectum eodem modo supponunt.

Confusæ tantum mobili assignantur istæ regulæ, ut generales, Cuiuslibet uniuersalis affirmatiuæ prædicatum si est terminus communis, supponens personaliter, supponit confuse tantum mobiliter. Vti, Omnis homo est bipes, Iy bipes stat confuse tantum mobiliter, quia licet descen-

dere

dere disiunctim. Nam bene sequitur, Omnis homo est bipes, ergo uel est hic bipes, uel hic bipes, uel hic bipes. Dicitur affirmatiue, quoniam in uniuersali negatiua, distribuitur subiectum, & prædicatum ut hic, Nullus homo est lapis, ut tibi manifestabitur in cap. sequenti. Dicitur terminus communis, quoniam si prædicatum esset terminus, discretus, supponeret discretè, ut dictum est in regula assignata suppositioni personalis discretæ.

Cuiuslibet propositionis exclusiue tam affirmatiue, quam negatiue primi ordinis dummodo negatio non cadat super notam exclusionis, subiectum supponens personaliter, supponit confuse tantum mobiliter, quia licet sub subiecto descendere disiunctim, nā bene sequitur, tantum homo est albus per casum, ergo tantum hic homo, uel hic homo est albus. Dicitur tam affirmatiue quam negatiue, quoniam sicut in ista tantum homo est albus, homo supponit confuse tantum mobiliter, sic & in ista, tantum homo non est albus. Dicitur, dummodo negatio non cadat &c. quoniam si negatio cadat super notam exclusionis, propositio erit tota negatiua, ut, Non tantum homo est albus, & tunc mutatur suppositio subiecti. Dicitur primi ordinis, quoniam ut tibi manifestabitur in tract. de prob. ter. exclusiua fit tribus modis. Primò quando nota exclusionis antecedit subiectum, ita quod cadit super illud, ut tantum homo est risibilis, & hæc est primi ordinis. Secundo, quando ipsa nota mediat inter subiectum, & prædicatum, siue antecedit uerbum, siue subsequatur. Exemplum primi, ut Plato tantum scribit. Exemplum secundi, Sortes conedit tantum panem, & hæc est secundi ordinis, ergo quando in tertio ponitur nota exclusionis. Ut, habeo unum librum tantum, & hæc est tertii ordinis. Regula proposita in intelligenda est de exclusiua primi ordinis, quoniam æquipollet uniuersali affirmatiue de terminis transumptis, ut tantum homo est risibilis, ergo omne risibile est homo, & in hac uniuersali prædicatum supponit confuse tantum mobiliter, ut tibi declarabitur in sequentibus.

Confusæ tantum immobili assignatur hæc regula, Quamdocunque prædicatum non potest verificari de contentis

TRACTATUS SEPTIMVS

sub subiecto diuifim, fed folū coniunctim, fupponitur fub-
iectum confusè tantum immobiliter, ut hic, Elementa
mundi funt quatuor. Planetæ funt feptem, prædicamenta
funi decem, nam fi fiat defcensus difiunctim fub fubiecto
prædictarum propofitionum, manifefte erit falſus. Verbi
gratia, fiat fic defcensus fub prima, Et omnia hæc funt ele-
menta mundi, ergo hoc elementū, uel hoc, uel hoc eſt qua-
tuor. Manifeflum eſt, quod defcensus eſt falſus; quoniam
prædicatum numerale nō uerificatur de fubiecto niſi con-
iunctim. Idem intellige de fubiecto aliarum propofitionū.
Similiter, hic eſt ſuppoſitio confuſa immobilis, Duo homi-
nes trahunt nauem, & hic. Tres perſonæ funt trinus, Deus
& hic, pater & filius funt unum principium ſpiritus ſancti.
Qui uero ſint termini, qui communiter confundunt immo-
biliter, declarabuntur in cap. ſequenti.

Cōfuſæ diſtributiue mobili aſſignatur hæc regula, Om-
nis propoſitionis uniuerſalis affirmatiue, & negatiue ſu-
biectum ſupponit confusè diſtributiue mobiliter, & licet
deſcendere ſub eo copulatiue, ut, Omnis homo currit, nul-
lus homo currit. Ex parte uerò prædicati, in affirmatiua
ſtat confusè tantum mobiliter, in negatiua autem diſtribu-
tiue, ut, Omnis homo eſt albus. ly albus, ſtat confusè tan-
tum mobiliter, quia licet deſcendere diſiunctim, nullos ho-
mo eſt lapis, ly lapis, diſtribuitur quia licet deſcendere co-
pulatiue. Idem intellige de prædicato particularis negati-
ue. Nam, licet ſubiectum ſtet determinatè, ſi eſt terminus
communis, tamen prædicatum ſtat diſtributiue propter
negationem habentem uim diſtributiua, ſi non ſit impe-
dita. Vnde in iſta, Aliquis homo non eſt albus, homo ſtat
determinatè, quia licet deſcendere diſiunctiue, & ly al-
bus diſtribuitur, quia licet deſcendere copulatiue. De-
ſcende tu.

Confuſæ diſtributiue immobili aſſignatur hæc regula,
In omni conditionali, cuius ſubiectum præcedit ſignū uni-
uerſale affirmatiue uel negatiue, ſupponit ſubiectum diſtributiue
immobiliter, in ordine ad totam conditionalem, ut hic, Si
omne animal currit, omnis homo currit. & hic, Si nullum
animal currit, nullus homo currit. Non enim poſſunt fic
deſcendere,

descendere, ergo si hoc animal currit, omnis homo currit, quia hoc animal non est omnis homo. Idem intellige ex parte negatiuæ, non enim sequitur. Hoc animal, demonstrato Brunello, non currit, ergo nullus homo currit, potest enim Sortes currere, non currente Brunello.

De distributiua absoluta mobili, iam data est regula, de accommodata autem datur hæc, Quandoque prædicatum uniuersalis affirmatiuæ uel negatiuæ non uerificatur de subiecto absolute, sed per appositionem, subiectum supponit distributiua accommodata, ut hic, Omnes homines indigent poenitentia, appositiuæ peccantis, nam infans est homo, quia est animal rationale, & tamen non indiget poenitentia, quia non peccat, & hic, Non est inuentus qui placeret Deo, appositiuæ, in filiis peccatorum.

Collectiuæ assignatur talis regula, In propositione uniuersali affirmatiua, in qua prædicatum non uerificatur de subiecto pro omnibus contentis sub eo, nisi simul sumptis, subiectum supponit collectiuæ, ut omnes Apostoli sunt duodecim, omnes Senatores regunt ciuitatem, constat enim, quod omnes simul, & non aliquis diuisim regit ciuitatem.

Hæc pro regulis assignandis cuilibet membro singulæ diuisionis personalis, suppositionis, dicta sint.

De terminis habentibus uirtutem confundendi tantum mobiliter, et distribuendi mobiliter, et immobiliter. CAP. VII.

IN cap. septimo agendum est de signis & syncategorematicis, & terminis, siue sint nomina, siue uerba, quæ habent uirtutem confundendi, & distribuendi mobiliter uel immobiliter, & primò expedienius nos de terminis confusis tantum, siue mobiliter, siue immobiliter, secundò de terminis distributiuis.

Quantum ad primum ponuntur octo regulae.

Prima est, Dictio exclusiua confundit confuse mobiliter tantum terminum immediate sequentem, si est terminus communis, ut, Tantum homo est risibilis, quia, sub ly homo, licet descendere disiunctim, ut patet.

Secunda est, dictio exceptiua confundit confuse tantum mobiliter

TRACTATVS SEPTIMVS

mobilit̃er suum causale, si est terminus communis, quia licet descendere sub eo disiunctim, ut, Nullum animal præter hominem est loquens, ly præter hominem, stat confuse tantum mobilit̃er.

Tertia est, Dictio reduplicatiua confundit suum casuale confuse tantum mobilit̃er, & prædicatum confuse tantum immobiliter, ut homo in quantum homo, est rationalis, Ly homo, stat confuse tantum mobilit̃er, & ly rationalis, immobiliter.

Quarta est, uerba concernentia actum mentis, ut scire, intelligere uelle, credere desiderare, & opinari, & dubitare, & imaginari confundunt confuse tantum mobilit̃er terminum immediate sequentem, si est terminus communis, & non supponat simpliciter, ut ego scio aliquam conclusionem, ergo hanc uel hanc. Dico, si est ter. communis, quoniam si esset terminus discretus, uel communis cum pronomine demonstratiuo, supponeret discrete, ut, Scio hanc conclusionem, credo Socrati, imaginor Cæsarem. Dixi, & non supponat simpliciter, quoniam sub termino communi supponenti simpliciter non sit aliquis descensus. stat enim natura, ut una in se considerata. Vnde sub ista, intellige hominem, scio rosam, nullus debet fieri descensus, quoniam sumitur homo, ut homo, rosa ut rosa, ut diximus supra.

Quinta regula, aduerbia numeralia, localia, temporalia si adherent uerbo, cuius actus super idem numero, reiterari potest, confundunt confuse tantum mobilit̃er terminum immediate sequentem, ut bis uidi hominem. ergo bis uidi hunc, uel hunc, uel hunc hominem. Hic & illic uidetur homo, semper erunt elementa, &c. Si autem adherent uerbo, cuius actus super idem numero reiterari non potest, confundunt confuse tantum immobiliter, ut bis comedi panem, ly panem stat immobiliter, quia hic descensus est falsus, bis comedi hunc, uel hunc, uel hunc panem, quia panis semel comestus non est iterato comestibilis, ut patet. Idem intellige hic, Hic & Romæ uenditur piper. Vbiq̃ue est corpus, & hic. Semper erit homo, neque enim idem piper numero simul uenditur hic & Romæ,
cum

cum non possit esse idem corpus in duobus locis, nec idē corpus numero, occupat omnem locum, neque idem homo numero erit semper secundum cursum naturæ, cum sit natura corruptibilis, ut patet.

Sexta regula est, Termini modales excepto necesse nominaliter sumpti, & aduerbialiter. confundunt confuse tantum mobiliter omnes terminos communes non distributos siue præcedant modum, siue sequantur, ita tamē, quòd fiat modalis. De sensu composito exemplum, quando modus præcedit. contingens est hominem esse album, impossibile est hominem esse lapidem. Exemplum, quando modus subsequitur, Hominem esse album est contingens. Hominem esse lapidem, est impossibile. Apud reales contingit descendere disiunctim tam sub subiecto, quàm sub prædicato ipsius dicti. Nam bene sequitur, contingens uel possibile est hominem esse album, ergo uel hunc uel hunc hominem, ergo uel hoc, uel hoc album. Item bene sequitur, impossibile est hominem esse lapidem, ergo impossibile est hunc uel hunc hominem esse lapidem, eodem modo descende sub lapide. Dixi, termini modales excepto necesse, quoniam propositio de necesse si est uera, est in materia naturali, in qua prædicatum est de essentia, uel consequitur essentiam subiecti, ut necesse est hominem esse animal, uel rationale uel risibile &c. tunc suppositio est naturalis, in qua non fit aliquis descensus, ut docuimus in cap. quarto. Vnde in ista. necesse est hominem esse animal, tam ly hominem, quàm ly animal fiat immobiliter, quoniam in suppositione naturali non requiritur existentia extremorum, & in hoc discordant reales a terministis, ut docuimus in eodem cap. Dixi ter. communes, ut excipiam discretos, ut hic, Contingens est Sortem esse album, uel impossibile est Sortem esse alinum. Terminus enim discretus non est capax suppositionis confuse, est autem capax suppositionis discretæ. Dixi non distributus, quoniam si fiat propositio modalis uniuersalis de dicto siue affirmatiua, siue negatiua, extrema dicti supponunt, sicut extrema categoricæ uniuersalis affirmatiuæ, uel negatiuæ. Quem modum supponendi declarauimus in cap. præce-

TRACTATVS SEPTIMVS

cap. precedenti, & in sequentibus magis declarabimus. Dixi, ita quòd fiat in sensu compolitio; quoniam non est eadem ratio de modali in sensu composito, & de ea in sensu diuiso. Nam diuersimode probatur, ut tibi declarabitur in trac. de probationibus terminorum, ideò non seruatur eadem suppositio, In quò autem differant, & in quot, iam diximus in trac. tertio cap. quarto. Vide tu illic.

Septima regula, Hæc uerba, Promitto, Debeo, Obligor, terminum communem non distributum, quem regunt, confundunt confuse tantum immobiliter; ut, Sorites promittit tibi denarium, ly denarium, stat immobiliter, quia hic descensus est falsus, Promitto tibi hunc, uel hunc, uel hunc denarium. Nam possum tibi promittere denarium, qui nondum fabricatus aut formatus est, ideò non licet descendere.

Octaua regula, Dictio conditionis, ut si; & rationis, ut ergo, omnes suos terminos communes non distributos confundunt confuse tantum immobiliter, & hoc in ordine ad hypotheticam, ut si homo est, animal est. Homo currit, ergo animal currit, tam ly homo, quàm ly animal confuse tantum immobiliter in utraque supponunt, modo sumantur in ordine ad hypotheticam. Pro cuius notitia aduerte, quòd ly homo, & ly animal dupliciter considerari possunt. primò, ut sunt pars categoricæ, nam hæc est categorica, Homo currit, cuius pars est ly homo, & hæc est categorica, animal currit; & ut sic, ly homo, & ly animal supponunt determinatè, & licet descendere disiunctiuè, cum sint duæ indefinitæ. secundò, ut sunt pars hypotheticæ, & intendo quòd considerentur non inquantum componunt has duas categoricas, ut categoricas, sed inquantum componunt has, ut partes hypotheticæ per notā conditionis uel rationis, & hoc est sumere in ordine ad hypotheticam, & non in ordine ad categoricam, ut categorica est, & in hoc sensu intelligendum est, quòd confundunt confuse tantum immobiliter.

Sed dicis, Videtur hic descensus esse bonus, Si homo est, animal est, ergo si hic homo, uel hic homo est, animal est, repugnat enim ponere hominem sine animali, cū ani
mal

mal sit prædicatum per se in primo modo de homine.

Respondetur pro nunc, quòd regula intendit de descēsu ualido de forma, & non de materia. Valet autem prædictus descensus de materia, sed non de forma. De materia quidem ualet, quia in utraque propositione prædicta, homo est animal, supponunt personaliter. Si autem formentur duæ propositiones de tertio adiacente, in quibus homo, et animal habeant suppositionem naturalem, ut hic, Si homo est animal, homo est sensitiuus, non licet aliquis descensus, quia omnis descensus est ad supposita. Sed ut docuimus suprà, in naturali suppositione non requiruntur supposita, nec existentia suppositorum. Hæc enim conditionalis est uera, ante creationem mundi, Si homo est animal, homo est sensitiuus. Hæc de regulis pro terminis confusiuis tantum mobiliter, uel immobiliter dicta sint.

Quantum ad secundum, ut scias terminos habentes uim distribuendi mobiliter, uel immobiliter, ponuntur quatuor regulæ generales.

Prima regula, Omne signum uniuersale affirmatiuum positum in recto terminum immediatè sequentem, facit stare distributiue, & immediate sequentem confuse tantum, dummodo sit terminus communis, & signum non sit impeditum per aliud superueniens signum distributiuum, ut omnis homo est albus, ly homo distribuitur: quoniam licet descendere sub eo copulatiue, & ly albus confunditur confuse tantum mobiliter; quoniam licet descendere sub eo disiunctim. Dixi positum in recto, ut excipiam has propositiones, uidens omnem hominē, est animal. Nec ly uidens distribuitur, nec ly animal confunditur; quoniam est una indefinita, in qua prædicatum, & subiectum supponunt determinate. Nec obstat ly omnem hominem; quoniam cum nō sit subiectum, sed pars subiecti, uirtus signi non transit ad prædicatum. Secus esset, si diceretur, Omnis uidens hominem est animal, tunc ly uidens, distribueretur, & ly animal confunderetur. Itē intellige in hac, Cuiuslibet hominis alinus est currens, ly alinus non distribuitur, nec ly currens confunditur, sed
stat

fit utrumque determinatè; quoniam uirtus signi uniuersalis positi in obliquo non transit super ea, solum ly hominis distribuitur; quoniam est eiusdem obliqui cum signo uniuersali. Dixi, dummodo terminus communis; quoniam discretus non est capax distributionis, nec confusio nis, cum non habeat inferiora, ad quæ fiat descensus. Dixi, & signum non sit impeditum; quoniam si aliud signū, uel syncategorema distributiuum superuenerit, mutat suppositionem. Verbi gratia, In ista, Omnis homo est albus, ly homo, distribuitur, & albus confunditur. Si autem superueniat non, & dicatur, Non omnis homo est albus, cum hæc æquipolleat huic, Quidam homo nō est albus, ly homo stat determinatiue, & ly albus, distribuitur propter negationem, quæ habet uim distribuendi, si non est impedita, ut dicemus in regula sequenti.

Secunda regula, omnia signa uniuersalia negatiua, & omnis negatio non impedita, faciūt stare distributiue mobiliter terminum communem mediate, & immediate sequentem, ita quòd distribuunt subiectum, & prædicatum, remoto impedimento, ut, Nullus homo est albus, tã subiectum quàm prædicatum distribuitur; quoniam licet sub utroque descendere copulatiue. Dixi terminum communem, ut excludam discretum. Dixi mediate, & immediate sequentem, ut distinguatur à signo uniuersali affirmativo, qui non distribuit nisi terminum immediate sequentem. Dixi, remoto impedimento, quod potest esse duplex. Primò, si signum non apponatur subiecto in recto, sed parti subiecti in obliquo, ut hic, Nullius hominis asinus currit, nec ly asinus, nec ly currens distribuitur, sed tantum ly hominis; quoniam uirtus signi negatiui, nō se extendit ultra obliquum, cui apponitur. Vnde cū hæc sit indefinita, asinus currit, stat subiectum, & prædicatum determinate. Secundò, si aliud distributiuum superueniat, ut hic, Nonnullus homo currit. Ly non, impedit distributionem factam per nullus, & facit æquipollen ter particularem affirmatiuam, nam æquipollet isti. Quidam homo currit, in qua constat subiectum, & prædicatum supponere determinate.

Tertia regula, quæ continet quatuor partes, est hæc. Gradus comparatiuus, & superlatiuus confundunt distributiue terminum rectum ex natura comparationis, terminum autem rectum ex natura excessus confundunt confusè tantum mobiliter. Super terminum autem rectum à parte ante, id est positum in subiecto, nullam habet vim. Verbi gratia, equus est maior asino altitudine cubiti, ly asino stat distributiue, ly altitudine, cubiti stat confuse tantum mobiliter. Ly equus stat determinate, cum sit propositio indefinita. Si autem apponatur signum uniuersale, stabit distributiue per primam regulam, ut, Omnis equus est maior asino. Hæc est prima pars regulæ.

Secunda pars est hæc, Istæ dictiones ita, sicut, tam, & quàm, terminum immediate sequentem distribuunt, ut Hercules est ita fortis, sicut leo. Ly leo, stat distributiue, canis est tam uelox, quàm lepus, ly lepus distribuitur. hæc est secunda pars.

Tertia pars est hæc, Hoc uerbum differt, & isti termini aliud, non idem, diuersum, diuisum, distinctum, distribuunt terminum sequentem, aliquod prædictorum, ut asinus differt ab homine, est aliud ab homine, non est idem homini, est diuersus, & diuisus, & distinctus ab homine, ly homine in omnibus prædictis distribuitur, & ratio huius assignabitur infra.

Quarta pars est hæc, Ista verba Egeo, Indigeo, Careo, distribuunt terminum immediate sequentem capacem distributionis: id est, communem deducto omni impedimento, quod etiam debet intelligi in partibus præcedentibus. Verbi gratia, Sortes caret ueste, eget pecunia, ly ueste, & pecunia, stant distributiue: quoniam hæc propositio, Sortes caret ueste, æquipollet huic, Sortes non habet uestem. Negatio atuem per secundam regulam distribuit terminum sequentem. Vnde aduerte, quòd ratio istius regulæ quo ad omnes partes prædictas stat in hoc, quia omnes termini prænominati includunt negationem, ut tibi manifestabitur, in tractatu de probationibus terminorum, idèò habent ex negatione inclusa uirtutem distribuendi terminum sequentem.

Quarta

Quarta regula est hæc, Distio exclusiua terminum sequentem mediatè, i. prædicatum, si est terminus cõis, distribuit, vt, Tantũ homo est rationalis. ly rationalis, distribuitur, & ratio huius regulæ est, quia exclusiua æquipollet uniuersali affirmatiuæ terminis transpositis; ut, tãtum homo est rationalis, ergo omne rationale est homo, constat quòd ly rationale, distribuitur per primam regulam. Hæc de reliquis pro terminis habentibus uim distribuendi dicta sint.

De pluribus signis distributiuis. Cap. VIII.

In octauo capite agendum est de pluribus signis, quæ ponuntur in eadem propositione, & habent uim distribuendi. Hic igitur pro uniuersali resolutione tria aduertenda sunt.

Primò aduerte, quòd si subiectum propositionis sit terminus communis non distributus, puta quia est subiectũ indefinitè uel particularis, adueniente signo distributiuo, distribuitur. Verbi gratia in ista, Homo currit, ly homo, stat determinate. Si adueniat signum uniuersale affirm. uel neg. distribuitur, ut, Omnis homo currit, Nullus homo currit. Si autem signo distributiuo adueniat aliud distributiuum, impedit distributionem, & aliam suppositionem inducit. Verbi gratia, In ista, Omnis homo currit, ly omnis, causat distributionem. Si autem addas aliud distributiuum, puta ly. non impeditur uirtus distributiuæ de ly omnis, ut dicendo, Non omnis homo currit, ly homo nõ amplius distribuitur, sed stat determinate; quoniam æquipollet isti, Quidam homo non currit. in qua cum sit indefinita, ly homo, stat determinate. Ex prædictis ergo infertur apud Logicum, hoc uniuersalissimum principium, & ut uniuersalissima lex, Quicquid mobilizat immobilizat, & ut uniuersalissima lex, Quicquid mobilizat immobilizat. Cuius sensus est iste, Quodcunque signum distribuit terminum non distributum, impedit distributionem distributi. Verbi gratia, in hac propositione, Homo est albus, ly homo, est terminus non distributus. Si præponatur sibi signum uniuersale affirm. uel nega. distribuetur, ut, Omnis homo est albus, Vel, Nullus homo est albus. Si autem adueniat aliud signũ distribu-

distributiuum, impedit distributionem termini prius distributi, puta huic, Omnis homo est albus, superueniat non, & dicatur sic, Non omnis homo est albus, ly non, impedit ne distribuatur homo, qui prius distribuebatur per signū uniuersale affirmatiuū. Sensus ergo illius principii erit iste, Quicquid distribuit non distributum, immobilizat, idest, impedit distributum.

Secundo aduerte, quòd ex illo principio uniuersalissimo, extrahuntur istæ regulæ, si duo signa affirmatiua distributiua cadant immediate, ita quòd uirtus utriusque signi æquè primò cadat super eundem terminum, faciunt ipsum stare nō distributiue, sed determinate, ut alius est differens ab omni homine, ly homine, stat determinatè. Si unum sit affirmatiuū, & alterum negatiuū, faciunt similiter stare determinate, ut, Non omnis homo est albus. Si utrunque sit negatiuū, faciunt stare similiter determinate, ut nonnullus homo est albus. Dixi, quòd cadant immediate, quoniam si inter illa mediat terminus distributus, non faciunt stare terminum, super quem cadunt determinatè, sed confusè tantum, ut in ista, Nullus homo non est albus, ly albus, non stat determinate, sed confusè tantum; nam æquipollet isti, Quilibet homo est albus, in qua constat, quòd ly albus, stat confusè tantum, sit prædicatum uniuersale affirmatiuū. Dixi ita, quòd uirtus utriusque signi æquè primò cadat super illum terminum, quoniam si quoddam ordine caderet, ita quòd prius super aliquod præcedens terminum, quàm supra ipsum terminum, non faceret stare ipsum determinate, ut hic, Nullus homo est omnis homo, ly homo a parte prædicati non stat determinate, quia licet supra ipsum cadant duo signa: scilicet nullus & omnis, non tamen æquè primò, sed nullus cadit primò super hominem in subiecto, deinde super hominem in prædicato. Similiter in ista, Nullum differens ab ente est ens, ly ab ente, non stat determinate, licet cadant super ipsum duo distributiua; scilicet Nullum, & Differēs, quoniam ly nullum prius cadit super differens, quàm super ly ens.

Terrio aduerte, quòd si duo signa distributiua cadant super aliquem terminum, quorum non quodlibet per se

TRACTATUS SEPTIMVS

sumptum distribuit terminum, super quem cadit, unum non impedit distributionem alterius, ut hic, Omnis homo, omne risibile est, ly risibile, stat distributivè, quoniam licet duo signa distributiva præcedant ipsum: scilicet omnis, & omne, tamen primum per se sumptum non distribueret ipsi, dicendo, Omnis homo risibilis est, nam cū sit prædicatum universalis affirmativæ, stat confuse tantum mobiliter. Si aut duo signa distributiva, quorū quodlibet per se sumptum est aptum distribuere terminū sequentem, cadant super eundē terminū, unum impedit aliud, ne distributio fiat terminū ultimo, ut hic, Hector est fortior omni homine, ly homine, non distribuitur, quia cadit super ipsum ly fortior, & ly omni, quorum utrūque per se sumptum distribuit hominem, ut hic, Hector est fortior homine, & hic, Deus illuminat omnem hominem, & cætera. Hæc de pluribus signis cadentibus super eundem terminum, habentibus vim distribuendi dicta sint, & hic terminatur consideratio nostra de suppositione absoluta.

De suppositione relativa.

CAP. IX.

IN hoc capitulo agendum est de suppositione termini relatiui, sumendo relatiuum Grammaticum, ut, Qui, Qualis, Quantus, Alius, & cætera, Nam relatiuum Logicum de quo actum est in prædicamento, Ad aliquid, supponit sicut terminus absolutus. Vnde in ista, Nullus pater est filius, ly pater est, & ly filius, ita stant distributivè mobiliter, sicut in ista. Nullum nigrum est album. De suppositione igitur, & de modis supponendi relatiuorum terminorum apud Grammaticum hic agendum est, & hic agenda sunt quatuor. Primò, quid sit relatiuum Grammaticale, de quo hic intendimus. Secundo, quotuplex sit. Tertiò, qui sint modi generales, quibus supponit. Quarto, qui sint modi speciales quibus supponit, scilicet, an discretè, an determinate, an confuse, &c.

Quantum ad primum adverte, quod apud Grammaticum sic diffinitur, Relatiuū est rei ante latæ, id est ante positæ repræsentatiuum, siue recordatiuum. Nam relatio apud Grammaticum est rei ante latæ, id est positæ, siue rei præ-

præpositæ recordatio. Verbi gratia in hac propositione, *Sortes, qui loquitur, orat; ly qui est relatiuum, quia repræsentat sortem ante positum in propositione. Sic enim exponitur, sortes qui, scilicet sortes loquitur, orat.*

Sed dices cum Grammatica, & Logica sint distinctæ scientiæ, non habent considerare de eodem; quoniam uersantur circa distincta, obiecta, ut Grammaticus circa congruum, & incongruum, Logicus circa uerum, & falsum. Sed Grammaticus considerat de terminis relatiuis Grammaticalibus, ut patet in Prisciano, ergo non spectat ad Logicum considerare de eodem.

Respondetur, licet relatiuum de quo hic intendimus, consideretur a Grammatico, & a Logico, non tamen eadem ratione, nam consideratur a Grammatico, ut per ipsum potest fieri oratio congrua, & incongrua, ut hic, *Sortes, qui currit, mouetur. hæc est congrua, hæc autem est incongrua, Sortes quo currit, mouetur.* Apud Logicum autem consideratur in quantum ex diuerso modo supponendi, ut tibi declarabitur, potest reddere propositionem ueram, & falsam. Constat igitur tibi quid sit relatiuum Grammaticale.

Quantum ad secundum aduerte, quod usitatæ, & famosæ diuisiones generales relatiui Grammaticalis sunt istæ.

Prima est, Relatiuorum quoddam est relatiuum substantiæ, ut *qui, quæ, quod*, quoddam est relatiuum accidentis, ut *Talis, Qualis, Tantus, Quantus.*

Secunda est, Relatiuorum substantiæ, quoddam est relatiuum identitatis, ut *Qui, Quoddam diuersitatis, ut Alius.*

Tertia est, Relatiuorum substantiæ identitatis, quædam sunt nomina, ut *Quis, Qui, Quæ, Quod.* Quædam sunt pronomina, ut *ille, ipse, iste, & is.*

Quarta est, Relatiuorum substantiæ identitatis, quæ sunt pronomina, quædam sunt reciproca, ut *sui, sibi, & posessiuum suus, sua, suum.* Quædam non reciproca, ut *ille, iste, hic, & is.*

Quinta est, Relatiuorum accidentis, aliud est identitatis, ut *Talis, Qualis, Sanctus, Quantus.* Aliud est diuersitatis

TRACTATUS SEPTIMVS.

tis, ut alter, & alterius modi.

Sexta, Relatiuorum accidentis identitatis, quædã sunt qualitatis, ut Talis, Qualis. Quædam sunt quantitatis continua, & discretæ. Continua, ut tantus, quantus, discretæ, ut tot, quot.

Septima, Relatiua, accidentis identitatis, aliquando significantur per nomina, ut talis, qualis, tantus, quantus, aliquando per aduerbia, ut taliter, qualiter, tantum, quantum, totiens, quotiens.

Positis his diuisionibus, assignandæ sunt descriptiones suorum membrorum principalium.

Relatiuum substantiæ est illud, quod refert idem numero cum suo antecedente, ut sortes qui disputat est doctus, ly qui, refert sortem. Item homo, qui comedit, uiuit.

Relatiuum accidentis est illud, quod refert idem in specie, & non idem in numero cum suo antecedente, ut sortes est albus, & talis est Plato. Dico idem in specie, & non idem in numero, quia idem accidens numero, puta eadem albedo in numero, non potest esse in distinctis, subiectis, ergo nec in Sorte, & Platone.

Relatiuum identitatis substantiæ est, quod refert, & supponit pro eodem numero, pro quo supponit suum antecedens, ut Plato, qui currit, mouetur ly qui, refert Platonem, & supponit pro eo.

Relatiuum diuersitatis substantiæ est illud, quod refert idem numero cum suo antecedente, sed supponit pro alio, ut Plato disputat. & alius, puta Sortes, qui est alius a Platone legit, ly alius, refert Platonem, sed non supponit pro Platone, sed pro sorte.

Relatiuum identitatis substantiæ reciprocum est illud, quod refert antecedens per modum patientis, ut, sortes percutit se. ly se refert sortem per modum patientis, quia percussio recipitur in sorte, & aduerte, quod relatiuum reciprocum semper ponitur in obliquo, quoniam apud Grammaticum licet nominatiuum possit esse patiens, ut sortes uerberatur, non tamen potest habere modum patientis, unde modus patientis semper est in obliquis.

Relatiuum identitatis substantiæ non reciprocum est illud

illud, quod refert, & supponit absolute pro eadem re numero, & non per modum patientis, ut, sortes disputat, & ipse est doctus, ly ipse refert, & supponit absolute pro sorte.

Relatiuum accidentis identitatis est illud, quod refert eandem qualitatem, aut quantitatem in specie, & supponit pro eadem in specie, ut sortes est doctus, & talis est Plato, sortes est magnus, & tantus est Plato.

Relatiuum accidentis diuersitatis est illud, quod refert eandem qualitatem, aut quantitatem in specie, sed supponit pro alia distincta specie, ut sortes est albus, & alterius modi est Plato, puta quia niger. Sortes est bicubitalis, & alterius modi est Plato, quia cubitalis.

Quantum ad tertium, ut scias modos generales, quibus supponunt diuersa relatiua iuxta diuisiones prædictas, aduerte quinque regulas.

Prima est, Relatiuum identitatis substantiæ reciproū, & non reciprocum, dummodo non sit possessiuum, supponit pro eodem numero, pro quo supponit suum antecedens, in comparatione tamen ad alterum extremorum. Exemplum de non reciproco non possessiuo, ut, Aliquis homo est iustus, & ille defendit iustitiam, ly ille, non supponit absolute, & indeterminate pro aliquo homine, sed pro aliquo homine iusto, & propterea secunda pars copulatiue, & ille defendit iustitiam, non significat absolute, & indistincte, q̄ aliquis homo defendit iustitiā, sed q̄ aliquis homo iustus defendit iustitiā, & hoc est dictū in comparatione ad alterū extremorū. Nā ly iustus, est extremū primæ categoriæ quia est eius prædicatum. Ex hoc sequitur, q̄ hæc copulatiua est falsa, Aliquis homo est animal, & asinus est illud, nam secunda categorica est falsa. Significat enim, quod asinus sit illud animal, quod est aliquis homo, & hoc est falsum, ut patet. Hæc autem est uera, Plato est homo, & sortes non est ille, quia ly ille, significat quod sortes licet sit homo, non tamen est homo, qui est Plato, sed alius. Exemplum de reciproco, Omnis homo uidet se. Sicut ly homo distribuitur, sic ly se. Sed intelligendum est, quod nō est sensus, quod omnis homo uideat absolute omnem

hominem, sed referendo singulos ad seipfos. Sic descen-
dendo, Omnis homo uidet se, ergo ille homo uidet se-
ipsum, & ille uidet seipsum, & ille &c.

Secunda regula Relatiuū, diuerſitatis ſubſtantię & re-
latiuum poſſeſſiuū, non ſupponit pro eodē, pro quo ſup-
ponit ſuum antecedens, ſed pro alio. Exemplū de primo,
Duorum contrariorum immediatorū, unū eſt in ſubiecto,
alterū nō. Patet, quōd pro alio cōtrario ſupponit ly unū,
& pro alio ſupponit ly alterū puta ly unū ſupponit pro ſa-
no, & ly alterū ſupponit pro ægro. Exemplum de ſecun-
do, id eſt de poſſeſſiuo, Aliquis homo currit, & ſuus aſi-
nus dormit, conſtat quōd antecedens ſupponit pro ho-
mine, & relatiuum ſuus, ſupponit pro aſino.

Tu tamen aduerte, quōd relatiuum poſſeſſiuum duo ſi-
gnificat. Vnum in recto, ſcilicet rem poſſeſſam, alterum
in obliquo: ſcilicet poſſeſſorem, ut quando dicitur, Sor-
tes currit, & ſuus aſinus dormit, ly ſuus, in recto ſignificat
aſinum poſſeſſum, & in obliquo Sortem poſſeſſorem. Sic
enim intelligitur, & ſuus aſinus, id eſt aſinus Sortes ſiue
poſſeſſus à Sorte dormit. Cum igitur relatiuū poſſeſſiuū
duo ſignificat, poteſt pro duobus ſupponere. ſ. pro re poſ-
ſeſſa in recto, & pro poſſeſſore in obliquo. Et ſic erit uerū,
quōd relatiuū poſſeſſiuū ſupponit pro eodē, pro quo ſuū
antecedens, ſed in obliquo; & quo alio, ſed in recto; ut do-
cuimus. Verū quia ſuppoſitio in recto eſt in principalior,
ideō regula nō facit mētionē de ſuppoſitione in obliquo.

Tertia regula, Relatiuū identitatis accidentis, nō ſuppo-
nit pro eodē numero, pro quo ſupponit ſuū antecedēs, ſed
pro alio ſimili aut æquali; ut, Sortes eſt albus, qualis ē Pla-
to. ly qualis, nō ſupponit pro Sorte albo; ſed pro Platōe al-
bo, q eſt alius à Sorte albo. Et hic, Sortes eſt cubitalis; quā-
tus ē Plato, ly quāt⁹, nō ſupponit pro Sorte, ſed p Platōe.

Sed dices, Si nō ſupponit pro eodē pro quo ſuū antece-
dēs, ergo nō debet dici relatiuū idētitas. Eſt. n. relatiuū idē-
titatis, q refert & ſupponit pro eodē, quo ſuū antecedēs.

Reſpondetur, differt relatiuum identitas ſubſtantię à
relatiuo identitatis accidentis, & conuenit. Conuenit quī-
dē in hoc, quōd utrunque refert idem aliquo modo iden-
titatis,

titatis, est enim identitas triplex, scilicet in substantia, quæ absolutè dicitur identitas, & identitas in qualitate, quæ dicitur similitudo. Est enim similitudo rerum differentium eadem qualitas, & idētitas in quantitate, quæ dicitur æqualitas, est enim æqualitas rerum differentium eadem quantitas. Differt autem in hoc, quodd relatiuum identitatis substantiæ refert & supponit pro eodem numero substantialiter, pro quo suum antecedens supponit, ut, *Sortes qui disputat*, est doctus. Relatiuum autem identitatis accidentis supponit pro eodem accidentaliter, quia pro identitate in qualitate, ut talis & qualis, uel pro identitate in quantitate, ut tantus & quantus. Verum quia identitas accidentis non est simpliciter idētitas, sicut est identitas substantialis, ideo dicitur in regula apud Logicū, quodd relatiuum identitatis accidentis non supponit pro eodem numero, pro quo supponit suum antecedēs, sed pro simili aut æquali. Et hoc est, quod diximus, supra, quodd supponit pro eodem in specie.

Quarta regula, Relatiuum diuersitatis accidentis supponit pro dissimili illi, aut inæquali illi, pro quo supponit suum antecedens, ut *nix est alba*, & aliusmodi est *fuligo*, ly aliusmodi non supponit pro re alba, sed pro nigra, quæ est dissimilis rei albæ.

Quinta regula, Omne relatiuum supponit eodem modo generali, quo supponit suum antecedens. Nam modi generales supponendi sunt isti, Materialiter, naturaliter, simpliciter, personaliter. intendit ergo hæc regula, quodd si antecedens supponit materialiter, sic & suum relatiuum, ut ibi, *Ly homo est nomen*, quod est primitiuū. *Ly quod*, supponit materialiter, sicut *ly homo*. Si antecedens supponit naturaliter, sic & relatiuum, ut, *homo est animal*, qui scilicet, *homo est substantia*. Si antecedens supponit simpliciter, sic & relatiuum, ut, *Animal est genus*, quod est prædicabile de pluribus. Idem intellige de suppositione personali, ut, *Homo currit qui mouetur*. Hæc dicta sint de modis generalibus, quibus relatiua supponunt.

Quantum ad quartum, ut scias modos speciales supponendi

nendi relatiuorum, aduerte quinque regulas.

Prima regula, Omne relatiuum identitatis substantiæ in eadem categorica sui antecedentis, semper supponit eodem modo particulari, quo supponit suum antecedens, ita quod si antecedens supponit distributiue, sic & relatiuum, si confuse, confuse: si determinate, determinate. si discrete, discrete, quod probatur inductiue, ut hic, Ois hō qui currit mouetur, ly hō, & ly qui, stant distributiue, & hic, Ois homo est animal, quod est rationale, ly animal & ly, quod, stant confuse tantum. Et hic, Homo qui currit mouetur, ly homo, & ly qui, stant determinate. & hic, Sortes qui dormit, quiescit, ly Sortes, & ly qui, stant discrete. Idem intellige de relatiuo identitatis substantiæ reciproco tam non possessiuo, quā possessiuo. Exemplum de non possessiuo, ut, Omnis homo uidet se. ly homo, & ly se, stant distributiue. nam bene sequitur, Omnis homo uidet se, ergo iste uidet se, & iste uidet se, & sic de singulis, non absolute, sed referēdo singulos ad semetipsos. Exemplum de possessiuo, Aliquis homo diligit filium suum, ly homo & ly suum, stant determinate. Et in ista, Pater Sortis uocauit illum, ly Sortis, & ly illum, stant discrete.

Et aduerte, quod ex hac regula extrahuntur tres conclusiones. Prima est, Datur aliqua propositio uniuersalis affirmatiua, cuius prædicatum ita distribuitur, sicut subiectum, ut in ista, Omnis homo uidet se. Secunda est, Quando prædicatum est relatiuum identitatis substantiæ, signū uniuersale affirmatiua: ita habet uirtutem distribuendi prædicatum sicut subiectum, ut patet in propositione præmissa. Dixi quando prædicatum est relatiuum, ut excipiam absolute. Dictum est enim supra, quod in absolutis signum uniuersale affirmatiua distribuit terminum immediate sequentem, & mediate sequentem confundit, ut in ista, Omnis homo est animal. Tertia est, Dantur duo termini communes, sequentes signum uniuersale affirmatiua. non impeditum per aliud signum distributiuum superueniens, ex quibus remotior a signo distribuitur, & non propinquior, ut patet in ista, Omnis homo est uidens se, ly uidens, quod est propinquius signo uniuersali affirmatiua confunditur, & ly se, quod est remotius, distribuitur.

Secunda regula, Omne relatiuum diuersitatis substantiæ, non semper supponit eodem modo particulari, quo supponit suum antecedens, sed diuersimode, eodem quidem modo supponit, ut hic, Vnus homo currit, & alius dormit, ly homo, & ly alius, supponunt determinate. & in hac, Omnis homo doctus doctè loquitur, & omnis alius ruditer loquitur, ly homo, & ly alius stant distributiue. Diuerso modo supponunt, ut hic, Omnis homo iustus iuste uiuit, & alius iniuste, ly homo, distribuitur, & ly alius stat determinate, Aliquando antecedens supponit confusus, quàm relatiuum; ut in propositione præmissa, aliquando econuersò, ut hic, Aliquis homo disputat, & tantum alius currit, ly homo. supponit determinate, & ly alius confuse, propter notam exclusionis.

Tertia regula, Omne relatiuum identitatis substantiæ relatum hypotheticæ ad suum antecedens supponens confuse tantum, non supponit eodem modo, sed determinate, habito respectu ad totam compositionem sui antecedentis, ut hic, Omnis homo est animal, & illud est rationale. ly animal stat confuse, & ly illud, stat determinate. Et ideo hæc secunda categorica, scilicet & illud est rationale, est falsa. Significat enim quòd illud, quod est omnis homo, est rationale, & hoc est falsum significatum, quoniam nullum est animal, quod sit omnis homo. Vnde non potest uere dici, quòd illud est rationale.

Quarta regula, Omne relatiuum identitatis substantiæ, hypothetice relatum ad suum antecedens supponens discretè, aut determinatè, aut distributiue, supponit eodem modo ut suum antecedens, habito respectu ad totam compositionem sui antecedentis, uel ad alterum extremorum. Exemplum de suppositione discreta, Sortes est hoc animal, quod est hoc rationale, ly animal in antecedente, & ly hoc, in secunda categorica stant discretè. Exemplum de suppositione determinata. Aliquis homo currit, & tu es ille, ly homo & ly ille, stant determinatè. Exemplum de distributiua, Quilibet homo est animal, & idem est rationalis Sensus est, Quilibet homo est animal, & idem idest, qui libet homo est rationalis.

Quinta regula, Relatiuum accidentis siue identitatis siue diuersitatis, non semper supponit eodem modo particulari, quo supponit suum antecedens, sed secundum exigentiam sui signi eodem modo supponit, ut in ista, Aliquis homo est albus, & talis est cignus, ly albus, & ly cignus, supponunt determinate. Et in ista, Omnis homo rudis arat, & nullus talis disputat, ly rudis & ly talis, stant distributiue. Diuerso autem modo, ut hic, Omnis homo albus currit, & talis disputat, ly homo albus, stat distributiue, & ly talis, confuse tantum. Aliquādo autem antecedens supponit determinatè, & relatiuum distributiue, ut hic, Aliquis homo est albus, & nullus talis est Aethiops, ly albus supponit determinatè, & ly talis, distributiue. Et hic, Aliquis homo est niger, & omnis Aethiops est talis, ly niger, stat determinatè, & ly talis, stat confuse tantum. Idem intellige de relatiuo diuersitatis accidentis. Nam aliquando supponit eodem modo, ut suum antecedens, ut hic, Aliquis homo est albus, & aliusmodi est Aethiops, ly albus, & ly aliusmodi, stant determinatè. Aliquando autem supponunt diuerso modo, ut hic, Aliquis homo est niger, & non aliusmodi est coruus, ly niger, stat determinatè, & ly aliusmodi stat distributiue, propter negationem, quæ non impedita, distribuit terminum communem immediatè & mediatè sequentem, ut declaratum est supra. Hæc dicta sint de modo speciali supponendi relatiuorum. Et hic terminatur intentio nostra de suppositionibus tam absolutis, propriis, & impropriis, quàm relatiuis.

Explicit Trac. de suppositionibus, ordinatus per Reuerendum Magistrum Chrysostomum Iauel-

lum Canapicium ordinis prædicatorum,

Philosophiæ doctorem. Sequitur

Tracta. de ampliationibus & appellationibus.

INCIPIT TRACTATVS DE AMPLIA
tionibus, & appellationibus. ordinatus per Reueren-
dum Magistrum Chrysostomum Iauellum
Canapicium, ordinis prædicato-
rum, Philosophiæ pro-
fessorem.

POST tractatum de suppositionibus, expedit tracta-
re de ampliacionibus & appellationibus, quoniam ut do-
cuimus in tractatu de syllogismo. formali, sicut pro-
pter transitum a suppositione ad suppositionem sibi re-
pugnantē, committuntur multi errores, & quàm plures fal-
laciæ in arte syllogistica, sic & a transitu ab ampliacione
ad appellationem. Nam nisi teneantur termini in præ-
missis, & in conclusione æque amplè & æque strictè, syllo-
gismus semper est inualidus, & ita potest concludi con-
clusio. uera ex præmissis falsis, sicut ex ueris. Vt ergo
scias uitare errores in arte syllogizandi, qui eueniunt
propter ampliacionem, & appellationem terminorum,
tradenda est resoluta doctrina in hoc tracta. de amplia-
tio. & appellationibus. Diuidemus igitur ipsum in duo
capita,

In primo agendum est de ampliacione.

In secundo de appellatione.

De ampliacione.

CAP. I.

IN primo cap. agendum est de ampliacione, hic ergo
tria uidēda sunt. Primò, quid sit ampliatio termini, de qua
hic intendimus. secundò, quæ & quot sint uniuersales re-
gulæ ampliacionum. tertio soluentur quædam dubia.

Quantum ad primum aduerte, quòd de ampliacione in-
uenio apud Logicos duas descriptiones, quarum utraque
recipi & defensari potest.

Prima est hæc, Ampliatio est extensio termini commu-
nis, a minori suppositione ad maiorem, ut cum dicitur, Ho-
mo potest esse antichristus, ly homo, non solum supponit
pro præsentibus, sed etiam pro futuris.

Aduerte, quòd ly extensio, ponitur loco generis, tan-
quàm. quid magis cōmune, & sumitur per similitudinē.

Nam

TRACTATVS OCTAVVS

Nam extensio proprie & dilatatio alicuius quanti, ut quando ipsum quantum trahitur ad maiores dimensiones. Verbi gratia, Cera congelata si liquefiat, extenditur, quoniam recipit maiores dimensiones, & occupat maiorem locum. Per similitudinem autem in proposito est dilatio termini communis, inquâ tum sumitur in aliqua propositione ad supponendum pro pluribus suppositis, quàm ante. Nam ampliatio attenditur principaliter in suppositione personali, quæ est respectu suppositorum, ut diximus in tract. præcedenti.

Dicitur extensio termini communis, ad differentiam termini discreti, qui non potest supponere aliquâdo pro pluribus, aliquando pro paucioribus, sed tantum pro uno solo, & ideo iuxta terminum discretum non fit ampliatio neque appellatio.

Dicitur à minori suppositione, ad maiorem non intensiue, sed extensiue. Est autem minor suppositio personalis extensiue, quando stat ter. communis in propositione pro paucioribus suppositis, ut hic, Homo est albus, ly homo stat tantum pro præsentibus, maior autem est, quando stat pro pluribus, ut hic, Homo potest esse albus, ly homo stat pro eo, qui est homo, uel potest esse homo, ut tibi manifestabitur infra. Vnde in prima, Homo restringitur, in secunda autem ampliatur.

Et aduerte, per ly à minore suppositione &c. distinguitur ampliatio ab appellatione, ut tibi erit notum in cap. sequenti. Hæc est prima descriptio.

Secunda talis est. Ampliatio est acceptio termini in propositione temporaliter supponentis ultra consignificationem uerbi principalis, uel participij eiusdem Pro cuius noticia aduerte, quod ampliatio termini, est ampliata suppositio termini respectu uerbi, cui coniungitur pro diuersa differentia temporis. Verbi gratia, Hic terminus homo, si coniungitur uerbo præsentis temporis, ut dicemus in cap. sequenti, stat solum pro præsentibus, ut homo currit. Si autem coniungitur uerbo præteriti uel futuri temporis, stat pro præsentibus, uel præteritis, uel futuris, ut album fuit nigrum, uel album erit nigrum. Constat igitur,

tur, quid sit ampliatio apud Logicum.

Quantum ad secundum aduerte quatuor regulas generales, prima est, Omnis terminus supponens à parte ante, respectu uerbi de præterito uel sui participij, supponit pro eo, quod est uel fuit. Verbi gratia, In hac propositione, Homo fuit ab æterno, Ly homo non supponit solum pro homine, qui nunc est, Nec solum pro homine qui fuit, licet pro hoc disiuncto, homo, qui est uel fuit homo, fuit ab æterno, & secunda pars est uera, supposito quòd mundus sit æternus in uia Peripatetica.

Pro confirmatione huius regulæ aduerte, quòd idem dicendum est de uerbo præteriti imperfecti, sicut præteriti perfecti. Vnde in ista, Homo currebat, ly homo supponit ampliatiua, pro eo, qui est, uel erat homo. Hoc autem non uerificatur ratione sui participij, quoniam præsens & præteritum imperfectum habent idem participiũ. Verbum autem præsentis temporis, ut dicemus in cap. sequenti, restringit terminum, ad supponendum solum pro eo, quod est, Sic & participium eius in quantum deseruit temporis præsentis. Aduerte etiam, quòd regula debet sic intelligi, Omnis terminus supponens à parte ante respectu uerbi de præterito, uel eius participio, supponit pro eo, quod est, uel fuit, nisi talis terminus restringatur, ut hic, homo, qui nunc est, fuit, ly homo non ampliatur, sed stat solum pro præsentibus per ly, qui nunc est. Quare autem magis ampliatur à parte ante, quàm à parte post dicam infra.

Ex ista regula trahitur ueritas harum propositionum. Fuit fuit uir. Nam qui est, uel fuit puer, fuit uir, & secunda pars est uera. Qui enim est uir in trigelimo anno, fuit puer in decimo anno. Virgo concepit, Nam quæ est uel fuit uirgo, concepit. Quæ enim fuit uirgo, in decimo quarto anno concepit, licet nunc non sit uirgo.

Quod dictum est de uerbo præteriti temporis, intellige de participio eiusdem. Nam in ista, Homo est suscitatus à mortuis, ly homo, supponit pro eo, qui est uel fuit homo, & secunda pars est uera, & in ista, Cæcus est illuminatus, ly cæcus, supponit pro eo, qui est, uel fuit cæcus,

&

& secunda pars est uera. Vnde ut diximus in tractatu de syllogismo formali, Hoc argumentum non ualeat in Darij, Omnis cæcus est illuminatus, Sortes est cæcus, ergo Sortes est illuminatus. Nam in maiori supponit cæcus pro eo, qui est, uel fuit cæcus. In minori autem solū pro eo, qui est cæcus, ut declarabitur in capitulo sequenti. Vnde cum in mai. stet ampliatiue & in mi. restrictiue, nō ualeat argumentum. Hæc de prima regula dicta sint.

Secunda regula est, Omnis terminus supponens à parte ante respectu uerbi de futuro, uel sui participii, ampliatur ad supponendum pro eo, quod est, uel erit, ut hic, Homo generabitur, id est, qui est, uel qui erit homo, generabitur, & secunda pars est uera. Nam homo qui est, iam genitus est, ergo non generabitur. Qui uerò erit homo, & nondum est, ille generabitur.

Hæc regula resoluta est apud Logicos, nec indiget alia expositione aut limitatione, & ex ea sequitur harum propositionum ueritas.

Magnus erit paruus, id est, qui est uel erit magnus, erit paruus, & secunda pars est uera. Nam sit puer quinque annorum, qui in secundo anno erit magnus, in decimo anno erit paruus. Corrupta erit uirgo. Meretrix erit uirgo. Nam quæ est uel erit corrupta, & quæ est uel erit meretrix, erit uirgo, sit enim puella quinque annorum, quæ sit futura meretrix aut corrupta in decimo quinto anno, ista quæ erit meretrix in decimo tertio anno, erit adhuc uirgo in decimo anno.

Mortuus ambulabit, id est, qui est, uel erit mortuus, ambulabit, & secunda pars est uera. Nam sit homo, qui hinc ad annum morietur. Verum est dicere, quòd hinc ad mensem ambulabit, & forte hodie, uel cras.

Tertia regula, Omnis terminus supponens à parte ante, uel à parte post respectu horum uerborum incipit, & definit, potest, & contingit, & suorum participiorum, & nominum uerbalium definentium in bilis uel in bile, uel in or, ampliatur ad supponendum pro eo quod est, uel incipit uel definit, uel contingit, uel potest esse, exemplum de incipit. Album incipit esse, id est, quod est album, uel
inci-

incipit esse album, incipit esse. Exemplum de Definit, calidum, definit esse, id est quod est calidum, uel definit esse calidum definit esse. Exemplum de Potest, album pōt esse nigrum. i. quod est uel pōt esse albū, pōt esse nigrū. Exemplum de Contingit, Calidum contingit esse frigidum, id est, quod est, uel contingit esse frigidum. Exemplum de eorū participiis & uerbalibus nominibus, quia non sunt multum in usu, ideo pertranseo. Quære tu. Sed aduerte quod licet secundum omnia prædicta uerba possit fieri ampliatio, præcipuè tamen per uerbum, Potest, & per nomē uerale terminatum in bile, ut possibile. Nam potest & possibile faciunt propositionem de sensu composito & diuiso, ut tibi declarabitur in tract. de probationibus terminorum, & ideo eorum ampliatio est magis in usu, & restrictio.

Ex hac regula sequitur ueritas harum propositionū.

Dulcissimum potest esse dulcius, id est, quod est dulcissimum, potest esse dulcissimum, potest esse dulcius, & secunda pars est uera. Nam sumpta uua, quando incipit maturari, & est aliquantulum dulcis, eritq; hinc ad mensē dulcissima. hodie uerum est dicere, quod potest esse dulcissima, & hinc ad decem dies erit dulciior. Ergo uerum est dicere, quod dulcissimum, id est, quod potest esse dulcissimum, potest esse dulcius.

Infimum potest esse inferius, id est quod est infimum, uel potest esse infimum, potest esse inferius, & secunda pars est uera & declaretur sicut præcedens. Verbi gratia. Sumatur lapis, qui debeat descendere à loco supremo ad infimum, per tria media. A B C & D sit locus infimus, quando lapis erit in B. uerum erit dicere, quod lapis est uel potest esse infimus. & quando erit in C. erit inferior, & continue erit inferior, donec perueniat ad D. Tunc enim erit infimus, quia de facto erit in loco infimo.

Ergo infimū, i. quod potest esse infimū pōt esse inferius.

Ex eadem regula patet ueritas harum propositionum, respectu participij & nominis uerbalis.

Genitum est generabile, id est, quod est genitū, uel potest esse genitū est generabile, & secunda pars est uera; nā
sicut

sicut quod potest esse calefactū, est calefactibile; sic quod potest esse genitum, est generabile.

Corruptum est corruptibile, id est, quod est corruptū uel potest esse corruptum, est corruptibile, id est potest corrumpi, & secunda pars est uera. Nam sicut quod potest esse uisum, est uisibile, aliter non posset esse uisum, nisi esset uisibile. Sic nihil potest esse corruptum, nisi sit corruptibile, ergo ista est uera, corruptum est corruptibile modo præposito.

Quarta regula, Omnis terminus supponens à parte post in uerbo actiuo, uel à parte ante in uerbo passiuo, respectu uerbi extendentis actum suum tam ad rem existentem, quam non existentem, ut sunt ista uerba, Cognosco, Intelligo, Imaginor, Opinor, ampliatur ad supponendum pro eo, quod est, uel est cognoscibile, aut intelligibile, aut imaginabile, aut opinabile, aut possibile esse. Ut in istis intelligo rosam, uel rosa intelligitur. Imaginor montem aureum, opinor alterum mundum, prædicatum ampliatur ad standum pro eo, quod est, uel est, possibile uel intelligibile, & cætera, dato quod non sit in rerum natura. Vnde rosa non existente ut in hyeme, si dico, Intelligo rosam, sic habet intelligi, Intelligo rosam, quæ est uel potest esse. Si dico, Opinor alterum mundum, sic habet intelligi, Opinor alterum mundum, qui est, uel opinabilis est esse. Si dico, imaginor montem aureum. Sic habet intelligi, Imaginor montem aureum, qui est, uel qui est imaginabilis esse.

Istæ sunt præcipuæ & magis famosæ regulæ ampliationum apud Logicum, ex quibus omnibus sequuntur tria corollaria.

Primum, quando subiectum uel prædicatum est terminus ampliatus, siue sit participium, siue nomen, non ualet consequentia, à tertio adiacente ad secundum adiacens. Exemplum de participio. Non sequitur, Homo est mortuus, ergo homo est. Homo est generandus, ergo homo est. Nam in antecedente homo ampliatur, ut patet, per primam & secundam regulam. In consequente autem restringitur ad hominem præsentem, & ideo antecedens

cedens est uerum, & consequens falsum. Exemplum de noīe, Rosa est intellecta a me, ergo rosa est. non sequitur, quoniam in antecedente ampliatur rosa ad supponendum pro rosa, quæ est, uel potest esse, ut est intelligibilis. In cōsequente autem restringitur ad rosam existentem de præsenti, propter copulam præsens temporis.

Secundum, Hæc conuersio non ualet. Aliquis homo est futurus, ergo aliquod futurum est homo. sed debet sic cōuerti, ergo aliquod futurum est, uel erit homo.

Tertium, Hic syllogismus non ualet, Omne præteritū fuit, Diluuiū est præteritum, ergo diluuium est: quoniā in minori tenetur diluuium, ampliatiue pro eo, quod est uel fuit. In cōclusionē autem tenetur restrictē ad tempus præsens, ergo syllogismus non ualet. Docuimus enim in tract. de syllogismo formali, quod argumētum non tenet, quando termini nō tenentur æquē amplē, & æquē strictē. Hæc pro regulis ampliationum dicta sunt.

Quantum ad tertium aduerte, quod in prædictis regulis, multa uidentur dici ad placitum, & absque ratione, & ideo multi non admittunt has regulas, & dicunt terminū nō supponere nisi iuxta differentiam tēporis, cui adiungitur. Verbi gratia, Si iungitur tempori præsenti, supponit pro tempore præsenti si præterito, pro præterito, si futuro, pro futuro.

Primum dictum ad placitum est, quod uerbum de præterito, uel de futuro, uel eorum principia ampliant terminū a parte ante, & non fit mentio de termino a parte post, cum tamen uideatur eadem ratio. Nam in ista, Puer fuit senex, tam subiectum, quàm prædicatum supponunt determinatē, ergo qua ratione ampliatur subiectum, eadem ratione, & prædicatum.

Secundum dictum ad placitum est, quod terminus supponens respectu uerbi de præterito, uel de futuro, ampliatur ad stādum pro his, qui sunt, uel fuerunt, uel erunt. Nō autem terminus supponens respectu uerbi de præsenti, quoniam ille stat tantum pro his, qui sunt. Hæc autem differentia uidetur merē uoluntaria, quoniam pro ea nulla adducitur ratio in regulis supradictis.

Cc Tertium

TRACTATVS OCTAVVS

Tertium dictum ad placitū est, quod ista uerba, *Potest, Incipit, Desinit, Contingit*, habent particularem uim ampliandi terminum a parte ante, & a parte post, quod non habet uerbum substantiuum, nec alia uerba, & præcipue in tempore præsentis modi indicatiui, ut excipiam uerbū substantiuum, & multa alia uerba, quæ habent uim ampliandi in tempore præterito, & futuro, ut patet per primam, & secundam regulam. Cum ergo non assignetur causa talis regulæ, quæ est tertia in ordine uidetur uoluntariè posita.

Quartum dictum ad placitum est, quod solus terminus rectus a parte post uerbi actiui, uel a parte ante uerbi passiuī, uel eius participii habentis naturam transeundi indifferenter ad possibile, & imaginabile, ampliatur ad stantū pro eo quod est, uel est possibile esse, uel imaginabile. Hoc autem dictum uidetur mere uoluntarium, cum non assignetur ratio, propter quam appareat quod id magis conuenit tali termino, quàm alii.

Ad primum dicitur, quod regulas ampliationum non oportet fundare tã in aperta ratione, quàm in usu primorum autorum. Nam quia primi autores uidentur loqui secundum hos modos ampliatiuos, ideo posteriores eos respiciunt, & quidem quod autores primi utantur his modis, patet præcipue apud Aristotelē. Nam in primo Priorū utitur ampliatiue hoc uerbo, *Contingit*, & in primo Elenchorum hoc futuro, *Sanabitur*, & in secundo Perihermēnias, hoc uerbo *Potest*. Quod igitur respectu uerbi de præterito, uel de futuro uel respectu suorum participiorum terminus rectus a parte ante ampliatur, & nulla fiat mentio de termino recto a parte post, alia non est manifesta ratio, nisi quia autores primi sic uisi sunt loqui. Nec id debet mirum uideri, quoniam cum tractatus ampliationū multum adhæreat Grammaticæ, in qua magis attenditur autoritas primorum instituentium, quàm euidens ratio, sufficere debet pro approbatione regularum ampliationum eadem autoritas.

Quidam tamen cupientes satisfacere his, qui in omnibus rationem quærunt (quos reprehendit Aristoteles in
secun-

secundo Metaphysicæ, quoniam in multis oportet credere primis inuentoribus) dicunt huius rationem esse, quia terminus rectus a parte ante, supponit de per se respectu huius uerbi est, inclusi in uerbo ampliatius. Sed terminus sequens uerbum non supponit de per se respectu huius uerbi est, sed solum respectu participii, a quo determinatur. Verum si aduertis, hæc ratio uidetur ad placitum adducta, sicut & regula ampliationum. Et ideo melius est assentire primis autoribus, quam rationi in euidenti.

Ad secundum dicitur, quod & si principaliter inhærendum sit primis autoribus, tamen aliquantulum euidentiore ratio haberi potest, quam in antedictis, & ratio quidem est hæc, Verbum substantiuum de præterito, & futuro includit idem uerbum de præsentis, ut patet resoluendo in suum participium, ut hic, Homo fuit, id est, homo est præteritus, homo erit, id est homo est futurus. Quod enim fuit, uerum fuit, aliquando dicere, hoc est, & quod erit. Verum erit aliquando dicere, hoc est. Verbum autem substantiuum præsentis temporis, ut ly est, non includit præteritum, & futurum. Stat enim ut declarabitur tibi in sexto Physicorum, quod aliquod pro hoc instanti sit, quod tamen ante hoc instans non fuit, nec post hoc instans erit. Non est ergo eadem ratio de uerbo præterito, & futuro, & de uerbo præsentis temporis.

Ad tertium, dicitur ut supra. Sed & aliqualis ratio est in promptu. Nam ista uerba, Incipit, Desinit, Contingit, & Potest, sunt talis naturæ, quod eorum actus possunt se extendere ad rem actu existentem, & non existentem, id est, ad rem præteritam, uel futuram. Nam ut declarabitur in tracta. de probationibus terminorum, aliqua incipiunt esse per positionem de præsentis, & negationem de præterito, ut hic, Homo incipit esse, Homo nunc est, & ante hoc nunc non fuit, ergo homo incipit esse. Aliqua autem incipiunt esse per negationem de præsentis, & positionem de futuro, ut motus incipit esse. Motus nunc non est, & post hoc nunc immediate erit, ergo motus incipit esse. Idem intellige de hoc uerbo Desinit. Nam quædam desinunt per positionem de præterito, & negationem de præsentis.

TRACTATVS OCTAVVS

Quædam autem per positionem de præfenti, & negationem de futuro, & hæc omnia tibi manifesta erunt in tract. de probationibus terminorum.

Similiter actus istorum uerborum. Potest, & Contingit, & suorum participiorum, & suorum nominum uerbalium, ut possibile, & contingens, possunt transire super rem actu existentem, & actu non existentem. Nā hæc est uera, Homo currens potest currere. Nam si non posset currere, non curreret, & hæc est uera, Homo sedens potest currere. Nam remoro impedimento, per potentiam motiuam, potest homo quiescere per sessionem, & uelociter moueri per cursum. De contingit, Hæc est uera, Hominem sedere contingens est; & hæc est uera, Rosam generari in Vere contingens est. In prima uerificatur contingens de homine existente. In secunda uerificatur de rosa non existente, & ideo nō est mirum, si prædicta uerba habent uim ampliandi, quam non habent communiter, omnia alia uerba.

Ad quartum dicendum est, ut ad tertium, Nam uerba, quæ cōcernunt actū animæ cognoscitiuæ, ita uerificantur de existente, sicut de non existente, dummodo non existens sit intelligibile, aut opinabile, aut imaginabile, & ideo non est mirum, si sunt uerba ampliatiua, Et quidem, quòd talia uerba puta Intellego, Cognosco, Opinor, Imaginor, Somnior, uerificentur tam de re existenti, quam non existenti, declaratum est in regula quarta, & eadem tibi manifestiora erunt in libro tertio, de anima. Hæc de ampliationibus dicta sint pro quanto eas recipiunt Logici communiter. Quod dixerim, quoniam Petrus Mantuanus terminista apparuit, negans absolute ampliacionem termini respectu cuiuscunque uerbi, & tēporis uerbi, ut patet in Logica, Verum ne nouitii intellectus confundatur, hoc pertransco. Si tamen tibi est appetitus id uidendi, & intelligendi, quære in Mengo, in parte secunda, ubi defensat ampliacionem terminorum contra Petrum Mantuanum, & illic inuenies fundamenta, & argumenta Petri Mantuani, & Mengi Fauentini satis resolutas responsiones, Hæc de ampliacionibus dicta sint.

In secundo cap. agendum est de appellationibus, de quibus tria videnda sunt. Primò, quot sint modi famosi, quibus dicitur appellatio. Secundò, quid sit appellatio in sensu, de quo hic intendimus. Tertiò, quæ & quot sint regulæ magis usitatæ de appellatione.

Quantum ad primum aduerte, quòd appellatio solet communiter dici quatuor modis. Primo, dicitur recursus a minori iudice suspecto ad maiorem propter iniustitiam lætæ sententiæ, & de hac considerat civilis, non autem Logicus, neque Physicus, neque Mathematicus, neque Metaphysicus. Secundo, dicitur appellatio communicatio multorum in aliquo uno nomine, & sic ab appellatione dicitur nomen appellativum, quod pluribus convenit, ut homo, animal, corpus, & de hac considerat Grammaticus distinguens nomen in proprium, & appellativum, quòd dicitur apud Logicum terminus discretus, & terminus communis. Tertiò, dicitur denominatio alicuius ab aliquo accidentali, tam ab intrinseco, quàm ab extrinseco, ut nix appellatur alba, idest, denominatur alba ab albedine. Dixi tam ab intrinseco, quàm ab extrinseco, quoniam res aliqua quando appellatur talis ab accidente sibi in hærente, ut aqua calida a calore sibi intrinseco, aliquando autem ab accidente in hærente alteri; ut res appellatur locata a loco, & tamen locus non est subiectivè in loco, sed in locante. Idem intellige de re temporali, ut denominatur a tempore; & de agente, ut denominatur ab actione. Et hæc tibi manifestabuntur in tertio, & quarto Physicorum. Et de hoc modo appellationis locuri sumus in antepredicamentis, tractantes de denominativis. Quarto, dicitur restrictio termini supponentis, & ut sic opponitur ampliationi. Nam sicut ampliatio est extensio termini a minori ad maiorem suppositionem, modo quo exposuimus in cap. præcedenti, sic appellatio opposito modo est restrictio termini a maiori ad minorem suppositionem, ut tibi manifestabitur infra, & de hoc quarto modo tantum agendum est hic.

Quantum ad secundum aduerte, quòd appellatio quarto modo sumpta, & ut opponitur ampliationi, sic diffini-

tur. Appellatio est acceptio termini in propositione supponentis, tantum pro differentia temporis uerbi, cui adiungitur, ita quòd si adiungitur uerbo præsentis temporis, supponit solum pro præsentibus, ut homo currit. Si uerbo præteriti temporis, pro eo quod fuit. Si uerbo futuri temporis, pro eo quod erit, ut tibi declarabitur in sequentibus. Et aduerte, quòd hæc descriptio non discordat ab ea, quam ponunt reales, dicentes, quòd appellatio est restrictio termini communis a maiori ad minorem suppositionem. Nā in ampliacione supponit terminus pro pluribus cum pluribus differentiis temporis, ut pro eo quod est, uel fuit, aut pro eo, quod est, uel erit, aut pro eo, quod est, uel potest esse, uel est intelligibile, uel opinabile, uel imaginabile esse. Ex cōsequenti supponit pro pluribus suppositis, quoniam pro præsentibus aut præteritis, aut futuris, aut possibilibus, aut imaginabilibus. In appellatione autē supponit terminus pro paucioribus, quoniam pro his tantum, quæ sunt sub una differentia temporis, ut pro præsentibus tantum, aut præteritis & futuris, & possibilibus tantum. Et ideo bene dicitur, quòd est restrictio termini a maiore ad minorem suppositionem, quia in appellatione terminus supponit pro paucioribus suppositis modo, quo dictum est.

Quantum ad tertium aduerre, quòd de appellationibus datur talis diuisio. Appellationem quædam est appellatio temporis, quædam ampliacionis, quædam formæ.

Appellatio tēporis, est acceptio termini in propositione pro aliquo, uel pro aliquibus secundum solam conſignificationem uerbi cui coniungitur, uel sui participii; ut, homo currit, ly homo appellat tempus præsens, quia supponit solum pro præsentibus.

De appellatione temporis dantur duæ regulæ generales. Prima est, Omnis terminus supponens respectu uerbi de præsenti non ampliatiui, nec distracti per participium ampliatiuum, tam subiectum, quàm prædicatum appellat tempus præsens, idest supponunt solum pro præsentibus; ut, Homo est albus, Homo currit. Dicitur non ampliatiui: ut excipiātur ista uerba, Incipit, & Desinit, Contingit, Potest,

Potest, & uerba concernentia actum menti; ut Intellego, Cognosco quæ ut docuimus in cap. præcedenti in tertia & quarta regula, habent uim ampliandi etiam in tempore præsentis; ut album potest esse nigrum, ly album stat pro eo, quod est, uel potest esse album &c. Dicitur nec distincti per participium ampliatiuum; ut excipiantur participia præteriti, & futuri temporis, ut hic; Homo est genitus. Homo est generandus, ly homo stat pro homine, qui est, uel fuit, uel erit, quia licet coniungatur uerbo substantiuo præsentis temporis, tamē ratione participii præteriti & futuri, non appellatur tempus præsens, sed stat ampliatiue.

Secunda regula est hæc, Omnis terminus sequens uerbum præteriti, uel futuri temporis solummodo, appellat tempus præteritum, uel futurum, id est supponit tantum pro præteritis siue pro futuris, ut hic, album fuit nigrum, album erit nigrum, ly nigrum appellat tempus præteritum in prima propositione, supponit enim solum pro eo, quod fuit nigrum, & in secunda appellat tempus futurum; quoniam supponit solum pro eo, quod erit nigrum. Dicitur terminus sequens, ad differentiam termini præcedentis, qui regitur à parte ante, quoniam ut tibi declaratum est in c. præcedenti, in regula prima, & secunda, ampliatur ad supponendum pro eo, quod est, uel fuit, uel erit. Vnde in ista, album fuit nigrum ly album, stat ampliatiue, & ly nigrum, appellatiue.

Appellatio ampliationis est acceptio termini in propositione limitati per uerbum, quod habet uim ampliandi, tam à parte antè, quam à parte post, uel per suum participium. Verba autem habentia uim ampliandi à parte ante, & post sunt ista, Incipit, Desinit, Contingit, Potest. Verbi gratia; Homo incipit esse iustus, tam ly homo, quam ly iustus, stant, ampliatiue ratione uerbi, Incipit, & supponunt pro eo, quod est, uel incipit esse, tamen ly iustus appellat, & restringit inceptionem, ita quod licet stet, & possit uerificari pro eo quod est, uel incipit esse iustum; tamē restringitur ad standum pro eo solum, quod incipit esse iustum. Subiectum uerò stat simpliciter ampliatiue, scilicet, pro eo, qui est uel incipit esse homo.

TRACTATVS OCTAVVS

Pro appellatione ampliacionis datur hæc uniuersalis regula, Omnis terminus rectus a parte potest, ita quod sequatur uerbum aliquod ex istis, Incipit, Desinit, Potest, Contingit &c. uel suum participium, uel suum uerbale appellat, id est, restringit illorum ampliacionem, ut patet in exemplo dato de homine incipiente esse iustus, ita quod uerum est dicere, quod incipit uel desinit, uel contingit, uel potest esse iustus.

Appellatio formæ est acceptio termini in propositione sequentis uerbum uel eius participium, quod concernit actum mentis. Sunt autem huiusmodi uerbi, Intelligo, Volo, Cognosco, Scio, Opinor, Imaginor, &c. Terminus igitur sequens aliquod istorum uerborum, dicitur appellare formam, id est, stare pro sua ratione formali, quam insinuamus per dictionem reduplicatiuam, ut cognosco patrem meum, id est, sub ratione, qua pater, ratio autem est, quia genuit me. Dico ergo cognoscere patrem meum, si cognosco eum, inquantum genuit me. Similiter cognosco hominem, si cognosco eum inquantum est homo, id est, ut est animal rationale.

Et aduerte, quod appellatio formæ, semper est ex parte prædicati. Vnde dicimus, quod prædicatum formam appellat, id est stat formaliter, subiectum autem materialiter. Hæc de causa multæ sunt propositiones, quæ aliquando sunt ueræ, & aliquando sunt falsæ factæ per uerba concernentia actum mentis, secundum quod terminus præcedit, aut subsequitur uerbum. Verbi gratia, si dico, Deum trinum cognouit Aristoteles. est uera, quoniam Aristoteles cognouit Deum, qui est trinus. Si autem dico Aristoteles cognouit Deum trinum, est falsa, quoniam licet cognouerit Deum, qui est trinus, non tamen cognouit eum, inquantum est trinus, id est, prout est una substantia in tribus suppositis. nam hoc negasset Aristoteles. Item si dico, Cibus uenenosus desidero, potest esse uera, quia possum desiderare fungum, qui est uenenosus, licet nesciam esse uenenosum. Si autem dico, Desidero cibum uenenosum, est falsa, quoniam sensus est, Desidero cibum inquantum scio ipsum esse uenenosum & mortiferum, quem nullus sanæ mentis desiderat.


Item

Item aduerte, quòd inter species appellationis prima & tertia est satis in usu apud doctores, & maximè tertia, ut tibi declarabitur in tracta. de syllogismo sophistico. Secunda autem minimè est in usu.

Item aduerte, quòd regulæ præpositæ de appellatione temporis & ampliacionis, magis acceprantur ex autoritate primorum authorum quam ex euidenti ratione, sicut etiam diximus de regulis ampliacionum. Et ideò non est hic immorandum ad inuettigandum, quæ sit efficax & manifesta apud intellectum ratio de prædictis, sed sufficit, quòd recipiantur ex firmato usu apud autores. Hæc de appellationibus dicta sufficiant.

* Explicit Tractatus de ampliacionibus & appellationibus, ordinatus per Reuerendum magistrum Chrysostomum Iauellum Canapicium ordinis prædicatorum, & philosophiæ professorem. Sequitur Tractatus de consequentiis fundatus in doctrina Arist.

INCIPIT TRAC. DE CONSEQUENTIIS ad uiam Peripateticam, ordinatus per Reuerendum Magistrum Chrysostomum Iauellum Canapicium ordinis prædicatorum, & Philosophiæ professorem.



IN hoc nostro Tracta. de consequentiis non est intentio nostra immorari in recitandis modernorum Logico-
rum uariis & captiosis sententiis, quæ magis innoluunt, quàm illuminent addiscentis intellectum. Nostra ergo intentio est agere de consequentiis ad uiam Peripateticam, prout sunt nobis uia in acquirendis aliis scientiis, & compendiosius ac efficacius quacunque alia uia argumentatiua. Hunc igitur tractatum diuidemus in quatuor capita.

Primo, diffinietur consequentia.

Secundò, ponentur suæ diuisiones uniuersales.

Tertiò

TRACTATUS NONVS

Tertiò, assignabunt regulę gñales cõsequentię formalis.

Quartò, descendemus ad regulas particulares.

Quid sit consequentia.

CAPVT I.

IN primo capite ne tendamus per incognita, inuestigandum est, quid sit consequentia. Sed antequàm deueniam ad diffinitionem aduerte, quòd consequentia potest tripliciter considerari. Primò, absolutè ut consequentia est, non contrahendo ipsam ad bonam, nec ad malam, sed ut ab utraque abstrahit. Secundò, ut contrahitur ad bonam. Tertiò, ut contrahitur ad malam. Item aduerte, quòd consequentia absolutè sumpta dupliciter potest diffiniri, scilicet quo ad materiam, & quo ad formam, sicut & domus. Nam si dicatur, quòd domus est quid compositum & lapidibus, & lignis, & cæmento, est diffinitio per materiam, quę & materialis dicitur. Si autem dicatur, quòd domus est habitaculum prohibens nos a frigore, & ab æstu, pluuia, & niue &c. est per formam, quę etiam dicitur diffinitio formalis, siue per finem. Hic igitur ad uniuersalem doctrinam habendam de consequentia diffinienda est primò, absolute, ut est abstrahens a bona, & a mala, siue ut est communis bonę, & malę. Secundò diffinietur consequentia, ut est bona. Tertiò, ut est mala.

Quartum ad primum aduerte, quòd materialiter sic diffinitur. Consequentia est oratio plures continens propositiones coniunctas per notam illationis denotantem sequelam unius ad alteram, ut homo est rationalis, ergo est risibilis.

Primo, ly oratio, ponitur loco generis, est enim magis communis quàm consequentia. Nam & syllogismus est oratio, non tamen est consequentia. Secundò dicitur plures continens propositiones, ut distinguatur ab oratione categorica. nam consequentia est oratio hypothetica, hypothetica autem oratio continet plures categoricas coniuncta per aliquam coniunctionem. Sed aduerte, quòd per ly plures, intelliguntur duę, una præcedens notam illationis, altera subsequens. Nam si plures quàm duę, & ordinaretur in modo & in figura iam nõ esset consequentia, sed syllogismus ut docuimus in tracta. de syllogismo formali.

formali. Tertiò dicitur coniunctas per notam illationis, id est per *ly* ergo, uel igitur, quoniam denotat quòd secunda propositio sequitur ex prima uerè aut putatiuè. Vere quidè, ut hic, Sol est super terrā, ergo dies est, putatiue aut ut hic, Deus creauit mundum, ergo creauit ab æterno.

Formaliter autem sic diffinitur, Consequentia est habitudo uera, uel existimata subsequētis propositionis ad præcedentem designata per notam illationis illatiue tentam.

Primò dicitur habitudo, quoniam sequentia, & sequela, & consequentia dicunt formaliter respectum, respectus autem est habitudo apud Logicum, ut docuimus in prædicamento. Ad aliquid, sicut paternitas est respectus, & habitudo patris ad filium, & filiatio econuersò. Sic & consequentia est habitudo subsequētis propositionis ad præcedentem, ut hic, Homo currit, ergo homo mouetur. nam ex eo quòd currit, sequitur quòd mouetur, quoniam cursus est species motus, & de quocunque prædicatur species, prædicatur genus. Secundò dicitur, habitudo uera uel existimata, quoniam hic diffinitur consequentia, ut communis est bonæ, & malæ, in utraque autem denotatur habitudo, sed differenter, quoniam in uera consequentia est uera habitudo, in mala autem est putatiua siue existimata. & ideò ut scias, quòd hic diffinitur consequentia, ut communis est bonæ, & malæ, dicitur disiunctim, quòd est habitudo uera uel existimata. Tertiò, dicitur designata per notam illationis illatiuè tentam, quoniam nota illationis habet uim conclusiuam ex sui natura, dummodo teneatur illatiuè, quoniam si teneretur materialiter, nō designaret illationem, ut in hac propositione, ergo est cōiunctio, siue, ergo est indeclinabile.

Quantum ad secundum aduerte, quòd diffinitio bonæ consequentiæ, si diffiniatur quo ad materiam est hæc. Consequentia bona est oratio, scilicet hypothetica rationalis, habens uerum antecedens, & uerum consequens eiusdem antecedentis tanquàm principales partes sui, & notam illationis illatiue tentam, ut Sortes est homo, ergo Sortes est animal. Antecedens est propositio qua

in bona consequentia præcedit notam illationis, ut Sortes est homo. Consequens est propositio subsequens notam illationis, uel quæ inferitur ex antecedente mediante nota illatiua, ut, Ergo Sortes est animal. Si autem diffiniatur quo ad formam, sic diffinienda est, Consequentia bona, est consequentia, in qua est uera illatio, siue uera sequela ueri consequentis ex uero antecedente per notam illationis designata.

Primo ly consequentia ponitur loco generis, quoniam est in plus quam consequentia bona. Secundo dicitur in qua est uera illatio & totum residuum dicitur ad differentiam consequentiæ malæ, in qua est illatio non uera, sed existimata, nec prima propositio, est uerum antecedens, nec secunda est uerum consequens, nec nota illationis ueræ infert, sed hæc omnia tantum sunt apparenter siue superficialiter in consequentia mala, ut tibi manifestabitur.

Quantum ad tertium aduerte, quoniam consequentia bona & mala sunt oppositæ, cognito quid sit consequentia bona, de facili tibi constat, quid sit mala. Nam omnes conditiones, oppositæ conditionibus conuenientibus consequentiæ bonæ manifestant tibi consequentiam malā. Est igitur consequentia mala, quæ licet sit oratio hypothetica rationalis, tamen non habet, uerum antecedens, nec uerum consequens, ex eodem antecedente, nec notam illationis uerè illatiuam, nec est formaliter illatio uera, siue sequela consequentis ex antecedente, sed omnia hæc in ea continentur quasi per quandam similitudinem ad consequentiam bonam. Unde in rei ueritate consequentia mala, non est proprie consequentia. licet nominetur consequentia.

Et si quæras, in quo stet essentialis differentia inter consequentiam bonam & malam, per quam infallibiliter cognoscuntur.

Respondetur secundum reales, bona consequentia essentialiter distinguitur a mala per hoc, quod in bona antecedens non potest esse uerum sine consequente. In mala autem nihil prohibet antecedens esse uerum sine consequente. Exemplum de bona, Tu es homo, ergo tu es rationalis. Nā non est possibile, quod tu sis homo, quin sis rationalis, quoniam

niam

niā rationale est de diffinitione hoīs, & prædicatur de eo essentialiter, ut docuimus in tract. de prædicabilibus. Exēplum de mala, Tu es homo, ergo tu es diues. nam bene stat, quod tu sis homo, & tamen non sis diues. Non enim est necesse hominem esse diuitem, quoniā hęc est in materia contingenti, Homo est diues.

Secundum terministas autem distinguitur bona à mala in hoc, quod in bona oppositum cōsequentis repugnat antecedenti. Tunc autem repugnat, quando ex antecedente & opposito consequentis non potest fieri una copulatiua, cuius utraq; pars sit possibilis, Verbi gratia, hęc est bona, Sortes est homo, ergo est animal, quoniam oppositum consequentis, scilicet ergo est non animal, non potest stare sine antecedente. Hęc enim copulatiua est impossibilis. Sortes est homo, & non est animal, quoniā animal est de diffinitione hominis, & hęc est in materia naturali, homo est animal, in qua negatiua semper est falsa. In mala autē oppositum consequentis non repugnat antecedenti, imò potest stare cum eo, cuius signum est, quod potest fieri una copulatiua possibilis, cuius prima categorica erit antecedens, & secūda erit oppositum consequentis, ut gratia exempli, hęc est mala. Tu es homo, ergo tu uigilas. Nam oppositum consequentis, scilicet tu non uigilas, stat cum antecedente. Vnde hęc copulatiua est possibilis, quoniam utraque pars est possibilis, Tu es homo, & tu non uigilas.

Et aduerte, quod reales & terministæ in hoc non dissentiunt, sed conueniunt secundum sensum. Nam si in consequentia bona antecedens uon potest esse uerum sine consequente, ergo oppositum consequentis repugnat antecedenti; & si in consequentia mala antecedens potest esse uerum sine consequente, ergo oppositum consequentis stat cum antecedente, ut exemplificatum est. Cōstat igitur, quid sit consequentia, ut est communis bonæ & malæ, & quid sit bona, & quid mala, & per quid essentialiter differunt, & infallibiliter cognoscuntur.

TRACTATUS NONVS

De generalis diuisione consequentiæ bonæ. Cap. I I.

I N hoc secundo cap. relicta consequentia mala, quæ propriè non est consequentia; ut docuimus in capitulo præcedenti, & quæ nobis non deferuit in scientijs acquirendis, sed potius est causa erroris, immorandum est circa diuisiones generales bonæ consequentiæ. Tu igitur aduerte, quòd apud terministas & reales prima diuisio est in bonā, & malam, siue in ueram & falsam, & quid utraque sit, & quomodo differant, dictum est in c. præcedenti.

Secunda diuisio est, bona consequentia prima diuisione diuiditur in formalem & materialem.

Formalis quidem est illa, in qua oppositum consequentis formaliter & manifeste repugnat antecedenti, ita quòd apud nullū utentem ratione, & scientem terminos imaginabile nō est nec opinabile, quòd oppositum consequentis possit stare cum antecedente. Vnde hæc est bona formalis: Homo currit, ergo homo uelociter mouetur. Nam nullus utens ratione & sciens significatū huius termini currit, potest concipere nec imaginari, quòd homo currat, & quòd non uelociter moueatur, nam motus uelox est de ratione cursus.

Materialis est illa, in qua oppositum consequentis repugnat antecedenti, sed non manifeste. Potest enim quis imaginari & opinari, quòd stet oppositum consequentis cum antecedente, licet imaginatio & opinio sit falsa, Vnde hæc est materialis, Homo est, ergo anima eius est immortalis. Nam oppositum consequentis non manifeste, & ad sensum repugnat antecedenti. Multi enim, licet falso opinantur hanc copulatiuam esse ueram, Homo est, & anima eius est mortalis. Similiter hæc est materialis, Deus nō est, ergo nullus homo est, quoniam licet in ueritate oppositum consequentis repugnet antecedenti; tamen apud multos est imaginabile, quòd stet cum antecedente, ut apud illos, qui negant Deum esse, Vnde ipsi reputant hanc copulatiuam esse possibilem, Deus non est, & aliquis homo est, Qui tamen seipso decipiunt. Patet igitur, quid sit consequentia formalis, & materialis,

Utrique huc reales & terministę conueniunt. Discordant autem

autem reales à terministis in duabus regulis datis de consequentia bona materiali.

Dicunt enim terministæ quòd ex impossibili sequitur, quodlibet, id est si antecedens sit propositio impossibilis, consequens potest esse quæcunque alia propositio, & consequentia erit bona materialis, ut hic, Asinus est homo, ergo baculus est in angulo, & hic, Deus non est, ergo gallus cantat. Dicunt etiam, quòd necessarium sequitur ad quodlibet. i. Quacunque propositione posita pro antecedente, si in consequente ponitur propositio necessaria, consequentia erit bona materialis, ut hic, Gallus cantat, ergo homo est rationalis.

Has regulas non concedunt reales, ut sonant, id est in sua uniuersalitate, quoniã diffinitio bonæ cōsequētīæ nō seruatur per eas. Diximus. n. quòd bona consequentia est uera illatio & sequela consequentis ex antecedente,

Per has autem regulas constat apud sanæ mentis uirū non seruari ueram sequelam nec dependentiam cōsequētis ex antecedente, in consequentiis prædictis. Nec oppositum consequentis repugnat antecedenti. Nam hæc duo non repugnant, Asinus est homo, & baculus non est in angulo. Nec ista duo repugnant, Gallus cantat, & homo non est rationalis. Reales igitur non concedunt primam, nisi in hoc sensu. Ex antecedente impossibili sequitur quodlibet impossibile inclusum in tali antecedente impossibili. Nā bene sequitur, Homo est asinus, ergo est irrationalis, ergo est rudibilis, ergo est indisciplinabilis, ergo est iumentum, ergo est quadrupes. Nam hæc omnia prædicantur de asino, & ideò concessio primo impossibili, sequuntur prædicta omnia impossibilia. Secundam autem regulam concedunt in hoc sensu. Si consequens est necessarium, sequitur ad quodlibet antecedens necessarium includens ipsum consequens. nam quia hæc consequens est necessarium, ergo homo est risibilis, sequitur ad hoc antecedens, homo est rationalis, & ad hoc, homo est animal rationale, & ad hoc, homo est animal admiratiuū,

In hoc igitur sensu reales concederent prædictas regulas & nō uniuersaliter. Verū si bene aduertis in sensu dicto,

cto, faciunt consequentiam formalem, quoniam oppositum formaliter repugnat antecedenti, ita quod non est imaginabile à uiro sanæ mentis, oppositum consequentis posse stare cum antecedente. Nam posito per impossibile, hominem esse asinum, sequitur infallibiliter aliud impossibile, ergo est risibilis, & posito hoc consequente necessario, homo est risibilis, antecedit ad seipsum ineuitaliter, quod homo est rationalis. Vnde apud reales nõ datur consequentia materialis, nisi quæ dicitur bona de materia, de qua statim loquemur.

Tertia diuisio est ista, Consequentia bona formalis est duplex, scilicet bona de forma, & bona de materia.

Bona de forma est illa, in qua oppositum consequentis non potest nec est imaginabile posse stare cum antecedente, & talis modus arguendi ualet in omni materia, nulla exceptione facta, ut quando arguitur ab inferiori ad suum superius affirmatiue & sine distributione, & in omni modo arguendi, quem assignabimus in capitulo quarto, seruatis debitis limitationibus, ut tibi declarabitur. Nã sicut seruatis modo & figura, de quibus actum est in tract. de syllogismo formali, semper sit ualidus syllogismus, quo ad formam, sic seruatis regulis, de quibus agemus infra, semper sit ualida consequentia quo ad formam.

Bona de materia est illa, in qua oppositum consequentis repugnat antecedenti, nec est imaginabile stare cū antecedente, & tamen non quælibet sibi consimilis seruato eodem modo arguendi est bona, Verbi gratia, hæc est bona de materia, Tu non es homo, ergo tu non es animal. & tamen hic modus arguendi non tenet in omni materia. Nam hæc est similis in modo arguendi. Hoc demonstrato asino, non est homo, ergo non est animal, & tamen non ualet, quoniam antecedens est uerū, & cōsequens falsum, ut patet. Similiter hæc est bona de materia, Si tu es homo, tu es risibilis, ergo si tu nõ es homo, nõ es risibilis. Nã hæc est similis in modo arguendi, scilicet destructione antecedentis, ad destructionem cōsequentis. Si tu es homo, tu es animal, & tamē nõ ualet, ergo si tu nõ es animal; quoniam demonstrato asino, antecedens est uerū, & cōsequens falsū.

Vsq̃ue

Vsq̃ue huc conueniunt reales & terministæ. Sed terministæ eliciunt ex prædictis, quòd istæ duæ sunt consequentiæ bonæ formales, sed non de forma. Tantum pater est, ergo non tantum pater est, Tu scis te esse lapidem, ergo tu non scis esse lapidem. Reales autem negant eas, quoniam non sunt neq; bonæ, neque formales, neque bonæ de forma, quoniam per nullam consequentiam bonam concluduntur contradictoria. Nam in omni consequentia bona formali, si antecedens est uerum, consequens est uerum, ut tibi manifestabitur infra. non enim ex uero concluditur, nisi uerum stant ualido modo arguendi, ut docuimus in trac. de syllogismo formali. Ergo in prædicta consequentia si antecedens est uerum, consequens est uerum. Sed antecedens, & consequens sunt contradictoria. Ergo cōtradictoria sunt simul uera, quod est cōtra primū principiū.

Et quoniam sequentes uiam terministarum conantur eas probare, ideo recitandæ, sunt eorum probationes, & soluentur.

Hanc scilicet, tantum pater est, ergo non tantum pater est, sic deducunt. Tantum pater est, ergo pater est. nam ab exclusiua ad suam præiacentem ualet consequentia, quoniam bene sequitur, tantum homo est risibilis, ergo homo est risibilis. Tunc ultra pater est, ergo filius est. nam ab uno correlatiuo ad aliud in propositione de secundo adiacente ualet consequentia, ut dicemus infra. Vnde bene sequitur, pater est, ergo filius est, & econuersò. & negatiuè, ut pater non est, ergo filius non est, & econuersò. Tunc ultra filius est, ergo aliud a patre est, nā filius est aliud subpositum a patre, ut patet, quia nihil seipsum generat. Tunc ultra aliud, a patre est, ergo non tantum pater est, quoniam dictio exclusiua excludit quandocunque aliud a termino, cui additur. Valet ergo a primo ad ultimum, Tātum pater est, ergo non tantum pater est.

Istam uero, tu scis te esse lapidem, ergo tu non scis te esse lapidem, sic deducunt. Tu scis te esse lapidem, ergo est uerum te esse lapidem, quia nihil scitur, nisi uerum, ut tibi alias declarabitur. Si est uerum te esse lapidem, ergo, tu nō es homo, quia lapis, & homo sunt termini disparati,

Da sed

Prima est, Omnis consequentia in qua contradictoriū consequentis infert contradictorium antecedentis, est bona, & formalis, ut hic, Aliquis homo currit, Ergo aliquod animal currit. Nam bene sequitur, nullum animal currit, ergo nullus homo currit; implicat enim contradictionem, quòd nullum animal, & quòd aliquis homo currat. Nani si aliquis homo currit, aliquod animal currit, quia homo est animal, sed istæ duæ sunt contradictoriæ, aliquod animal currit, & nullum animal currit, ergo constat, quòd implicatur contradictio. Si autem cōtradictorium cōsequentis non infert contradictorium antecedentis, sed stat cum antecedente consequentia est mala. & nulla, & semper neganda, ut hic, Tu es homo, ergo tu es doctus. Nam non sequitur. Tu non es doctus, ergo tu non es homo. imò stat, & de facto est, quòd pro maiori parte homines non sunt docti, & tamen sunt homines.

Secunda regula, Omnis consequētia, in qua antecedens est uerum, & consequens uerum, & in qua antecedens, & consequens sunt falsa, est bona, & formalis. Exemplum primi, Tu curris, ergo tu moueris. Exemplum secundi, Tu es asinus, ergo tu es irrat onalis. & hæc secunda regula fundatur in prima, quia scilicet contradictorium consequentis infert contradictorium antecedentis. Nam bene sequitur, Tu non moueris, ergo tu non curris, & bene sequitur, tu non es irrationalis, ergo tu non es asinus. Si autem antecedens est uerum, & consequens falsum. consequentia non est bona, quoniam stante debito modo arguendi, ut inquit Aristoteles in primo Priorum, ex ueris non sequitur nisi uerum. Quòd si ex ueris concludatur falsum, neque syllogismus, neque consequentia ualet, ut docuimus in tractatu de syllogismo formali. Vnde hæc non est bona, Tu es homo, Ergo tu es Papa. & ratio huius fundatur in secunda parte primæ regulæ, scilicet quoniam contradictorium consequentis non infert contradictorium antecedentis. Non enim sequitur, Tu non es Papa, ergo tu non es homo. imò stat de facto, quòd tu non es Papa, & tamen tu es homo.

Tertia est, Omnis consequētia, in qua antecedens, &

T A C T A T V S N O N V S

& consequens sunt necessaria, uel utrumque non necessarium, est bona & formalis. Exemplum primi. Homo est animal, ergo est habens animam. Exemplum secundi, homo dormit, ergo quiescit, & ratio huius regulæ fundatur in prima, quoniam scilicet contradictorium consequentis, infert contradictorium antecedentis. Nam respectu primi bene sequitur, homo nō est habens animam; ergo non est animal, & respectu secundi bene sequitur, homo nō quiescit, ergo homo non dormit. Si autem antecedens sit necessarium, & consequens non necessarium, consequentia non est bona, ut hic, Homo est animal, ergo homo est uidens, & ratio huius fundatur in secunda parte primæ regulæ, scilicet quoniam contradictoriam consequentis, nō in ferre contradictoriū antecedentis, non enim sequitur, Homo non est uidens, ergo non est animal. imò de facto uidemus, quod aliquis homo non est uidens, ut cæcus, & tamen est animal, quoniam sentit & mouetur.

Quarta est, Omnis consequentia in qua antecedens, & consequens sunt possibilia, Vel utrumque impossibile, est bona, & formalis. Exemplum primi, Tu es dux belli, ergo tu habes exercitum. Exemplum secundi, Tu es lapis, ergo tu es inanimatus. Et ratio huius fundatur super primam, nam contradictorium consequentis infert contradictorium antecedentis, quoniam bene sequitur, tu non habes exercitum, ergo tu non es dux belli. Exemplum secundi, Tu es lapis, ergo tu es inanimatus, & fundatur super idem. Nam bene sequitur, Tu nō es inanimatus, ergo tu non es lapis, si autem antecedens sit possibile, & consequens impossibile, consequentia non est bona nec formalis, ut hic, homo uigilat, ergo lapis uigilat. Vel sic, homo loquitur, ergo motus loquitur. Non ualet, quoniam contradictorium consequentis, non infert contradictorium antecedentis, imo stat cum antecedente, nam bene stat, quod lapis non uigilet, & quod homo uigilet, & bene stat, quod motus non loquatur, & homo loquatur, quoniam stat homo indefinite.

Quinta est, Omnis consequentia, in qua quicquid antecedit ad antecedens, antecedit ad consequens, & quicquid

quid sequitur ad consequens, sequens est antecedens, est bona formalis. Exemplum primi, Hæc est consequentia bona & formalis, Homo currit, ergo animal currit. Ad antecedens antecedit ista, Plato currit, & antecedit ad consequens. Nam sicut ista est uera, homo currit, ergo animal currit. sic ista est uera, Plato currit, ergo animal currit, quoniam Plato est homo, ergo est animal. Similiter ualeat hæc, Homo currit, ergo animal currit. Ad consequens sequitur ista, ergo corpus currit, & ista, ergo substantia currit, & idem sequitur ad antecedens. Nam bene sequitur, Homo currit, Ergo corpus, ergo substantia currit. Nam sicut corpus prædicatur de animali, & de corpore substantia, ut patet in arbore Porphyrii, sic prædicantur de homine. Ex hac regula sequitur illa famosissima, regula. A primo antecedente ad ultimum consequens quando consequentia inter mediæ sunt bonæ & formales, & non uariatæ, est bona & formalis consequentia. quod manifestè & infallibiliter patet in linea prædicamentali. Nam fiat hæc consequentia, Sortes est homo, ergo Sortes est substantia. & probatur sic, Sortes est homo. ergo est animal. Si est animal, ergo corpus. Si corpus, ergo est substantia. ergo a primo ad ultimum, Sortes est homo, ergo est substantia, & aduerte quod ualeat, dummodo consequentia intermediæ sint bonæ & formales, & non uariatæ. Nam si aliqua ex intermediis non sit bona & formalis, consequentia non ualeat a primo ad ultimum. Vnde hæc non ualeat, Sortes bene bibit, ergo Sortes saluabitur. Solet enim sic probari, Sortes bene bibit, ergo bene dormit. Si bene dormit, non peccat, Si non peccat, saluabitur, ergo a primo ad ultimum, Sortes bene bibit, ergo saluabitur. Non ualeat inquam, quoniam prima non est bona. Stat enim quod non bene dormiat, & tamen bene bibat. Similiter secunda non est bona, quoniam etsi dum dormit non peccat, potest uigilans tamen peccare. Dicitur & non uariatæ. pro cuius noticia aduerte, quod non uariatur, si consequens prioris consequentia est præcise antecedens posterioris, ut patet in tota linea prædicamentali, arguendo a specialissimo ad generalissimum. Si autem aliquid addatur, uariantur intermediæ, & tunc non

TRACTATVS NONVS

ualet consequentia a primo ad ultimū. Vnde hæc non ualet, Tu in nullo loco es, ergo in aliquo loco es. Sic enim solet probari, Tu in nullo loco es, ergo tu non es Romæ. Si non es Romæ, & alibi es, ergo alibi es. Si alibi es, ergo in aliquo loco es, ergo a primo ad ultimum, tu in nullo loco es, ergo in aliquo loco es. non ualet inquam, quoniam secunda est uariata. nam antecedens secundæ continet plus, quàm consequens primæ, scilicet ly, & alibi es.

Sexta est, Omnis consequentiæ bonæ si antecedens est concedendum, & consequens similiter, & si antecedens est negandum, & consequens similiter, dummodo consequentia sit scita esse bona. Exemplum primi, Tu es homo, ergo tu es risibilis; nam cum risibile sequatur ad hominem, ut proprium quarto modo, qua ratione cōcedis antecedens, debet concedere consequens. Exemplum secundi. Tu nō es asinus, ergo tu non es rudibilis. nam sicut risibile sequitur ad hominem, sic rudibile ad asinum: ergo qua ratione negandum est antecedens, negandum est, & consequens. Si autem antecedens est concedendum, & consequens negandum, consequentia non est bona, ut hic, Animal sentit, ergo planta sentit, non ualet, quoniam contradictorium consequentis stat cum antecedente. nam bene stat, quòd planta nō sentiat, quoniam caret anima sensitiua, & q̄ animal sentiat, quoniam constituitur animal per animam sensitiuam, ut tibi hæc declarabūtur in libro de anima. Dicitur, dummodo consequentia sit scita esse bona, ab eo, cui fit consequentia, nam si hæc consequentia, fiat Philosopho, sol eclipsatur, ergo luna interponitur inter solem, & aspectum nostrum, concedet totum, quoniam scit eam esse bonam. Si autem fiat idiotæ, concedet quidem antecedens, quoniam uidet ad sensum solem obscurari, sed negabit consequens; quoniam nescit causam huius eclipsidis. Istæ sunt regulæ famosæ, & generales consequentiæ formalis, quas admittunt Logici reales, & terministæ.

De regulis particularibus consequentiæ formalis. CAP. IIII.

IN cap. quarto ponendæ sunt particulares regulæ cōsequentiæ formalis. Ordo enim doctrinæ exigit, ut ab uniuers-

uerſalibus regulis ad particulares deſcendamus.

Diuidemus autem præſens caput in ſeptem partes.

In prima ponentur regulæ penes ſuperius & inferius.

In ſecunda ponetur regulæ penes propoſiones quantas.

In tertia ponetur regulæ penes propoſiones nō quantas.

In quarta ponentur regulæ penes terminos pertinētes & impertinētes.

In quinta ponetur regulæ penes probationes propoſitiuæ.

In ſexta ponentur regulæ penes hypotheticas copulatiuas & diſiunctiuas.

In ſeptima ponetur regulæ, penes hypotheticas conditionales. Et aduerte, quòd oēs regulæ, quæ infra ordinantur fundamentū habent in uia Peripatetica, ut tibi notum erit, cum exercitatus fueris in doctrina Ariſtotelis.

Prima pars.

In prima huius capituli, aſſignandæ ſunt regulæ particulares conſequentiæ formalis iuxta ſuperius & inferius, & aduerte, quòd arguendo ab inferiori ad ſuperius aſſignantur tres regulæ, & tres a ſuperiori ad inferiori.

Prima eſt ab inferiori per ſe ad ſuum ſuperius per ſe affirmatiuæ & ſine diſtributione, & ſine ſigno immobilitante, & in ſuppoſitione personali, ualeat conſequentia formalis, Tu es homo, ergo tu es animal.

Primò dicitur ab inferiori per ſe. Pro quo nota, quòd ea ſe habent, ut ſuperius & inferius per ſe, & econuerſo, quæ in linea prædicamentali ita ſe habent, quòd unum ſubordinatur alteri, ut aſcendendo a ſpecialiſſimo ad generaliſſimum. Vnde hæc eſt uera conſequentia, Homo eſt animal, ergo homo eſt corpus animatum, & hæc Homo dormit, ergo animal dormit. Ea autem ſe habent, ut inferius & ſuperius per accidens, quorum unum eſt minus commune, & alterum magis, ſed non ſubordinantur in linea prædicamentali, nec magis prædicatur de minus communi per ſe & eſſentialiter, ſed per accidens, & hoc modo ſe habent, homo, & album. Nam de multis prædicatur album, de quibus non prædicatur homo. In his igitur non ualeat conſequentia ab inferiori ad ſuperius. Non enim ſequitur, Homo currit, ergo album currit. Stat enim, quòd nul-

valet consequentia a primo ad ultimū. Vnde hæc non ualet, Tu in nullo loco es, ergo in aliquo loco es. Sic enim solet probari, Tu in nullo loco es, ergo tu non es Romæ. Si non es Romæ, & alibi es, ergo alibi es. Si alibi es, ergo in aliquo loco es, ergo a primo ad ultimum, tu in nullo loco es, ergo in aliquo loco es. non ualet inquam, quoniam secunda est uariata. Nam antecedens secundæ continet plus, quàm consequens primæ, scilicet ly, & alibi es.

Sexta est, Omnis consequentiæ bonæ si antecedens est concedendum, & consequens similiter, & si antecedens est negandum, & consequens similiter, dummodo consequentia sit scita esse bona. Exemplum primi, Tu es homo, ergo tu es risibilis; nam cum risibile sequatur ad hominem, ut proprium quarto modo, qua ratione cōcedis antecedens, debet concedere consequens. Exemplum secundi. Tu nō es asinus, ergo tu non es rudibilis. nam sicut risibile sequitur ad hominem, sic rudibile ad alinum: ergo qua ratione negandum est antecedens, negandum est, & consequens. Si autem antecedens est concedendum, & consequens negandum, consequentia non est bona, ut hic, Animal sentit, ergo planta sentit, non ualet, quoniam contradictorium consequentis stat cum antecedente. nam bene stat, quòd planta nō sentiat, quoniam caret anima sensitua, & q̄ animal sentiat, quoniam constituitur animal per animam sensitiuam, ut tibi hæc declarabūtur in libro de anima. Dicitur, dummodo consequentia sit scita esse bona, ab eo, cui fit consequentia, nam si hæc consequentia, fiat Philosopho, sol eclipsatur, ergo luna interponitur inter solem, & aspectum nostrum, concedet totum, quoniam scit eam esse bonam. Si autem fiat idiotæ, concedet quidem antecedens, quoniam uidet ad sensum solem obscurari, sed negabit consequens; quoniam nescit causam huius eclipsis. Istæ sunt regulæ famosæ, & generales consequentiæ formalis, quas admittunt Logici reales, & terministæ.

De regulis particularibus consequentiæ formalis. CAP. IIII.

IN cap. quarto ponendæ sunt particulares regulæ cōsequentiæ formalis. Ordo enim doctrinæ exigit, ut ab uniuers-

uersalibus regulis ad particulares descendamus.

Diuidemus autem præsens caput in septem partes.

In prima ponentur regulæ penes superius & inferius.

In secunda ponentur regulæ penes propõnes quantas.

In tertia ponentur regulæ penes propõnes nõ quantas.

In quarta ponentur regulæ penes terminos pertinētes & impertinentes.

In quintâ ponentur regulæ penes probationes propõnũ.

In sexta ponentur regulæ penes hypotheticas copulatiuas & disiunctiuas.

In septima ponentur regulæ, penes hypotheticas conditionales. Et aduerte, quòd oēs regulæ, quæ infra ordinantur fundamentũ habent in uia Peripatetica, ut tibi notum erit, cum exercitatus fueris in doctrina Aristotelis.

Prima pars.

IN prima huius capituli, assignandæ sunt regulæ particulares cõsequentia formalis iuxta superius & inferius, & aduerte, quòd arguendo ab inferiori ad superius assignantur tres regulæ, & tres a superiori ad inferius.

Primâ est ab inferiori per se ad suum superius per se affirmatiuè & sine distributione, & sine signo immobilitante, & in suppositione personali, ualet consequentia formalis, Tu es homo, ergo tu es animal.

Primò dicitur ab inferiori per se. Pro quo nota, quòd ea se habent, ut superius & inferius per se, & econuersò, quæ in linea prædicamentali ita se habent, quòd unum subordinatur alteri, ut ascendendo a specialissimo ad generalissimum. Vnde hæc est uera consequentia, Homo est animal, ergo homo est corpus animatum, & hæc Homo dormit, ergo animal dormit. Ea autem se habent, ut inferius & superius per accidens, quorum unũ est minus commune, & alterum magis, sed non subordinantur in linea prædicamentali, nec magis prædicatur de minus communi per se & essentialiter, sed per accidens, & hoc modo se habent, homo, & album. Nam de multis prædicatur album, de quibus non prædicatur homo. In his igitur non ualet consequentia ab inferiori ad superius. Non enim sequitur, Homo currit, ergo album currit. Stat enim, quòd nul-

Dicitur negatione non præposita, quoniam præposita distribuit terminum immediate & mediate sequentem, ut docuimus in tractatu suppositionum. Diximus autem in prima regula, quòd ab inferiori ad suum superius, non ualet consequentia, cum distributione. Vnde non ualet, Nō aliquis homo currit, ergo non aliquod animal currit. Stat enim, quòd aliquod animal currat, puta canis, & tamen nō, aliquis homo currat.

Dicitur stante suppositione discreta uel determinata quia in suppositione distributiva & confusa mobili, nō ualet. Exemplum primi, Omnis homo non currit, Omnis homo est animal, ergo omne animal non currit.

Exemplum secundi, tantum substantia non est accidens, & omnis substantia est aliquid, ergo tantum aliquid est accidens.

Dicitur & personali, quoniam in suppositione simplici non ualet, non enim sequitur, Homo non est genus, & homo est animal, ergo animal non est genus.

Dicitur cum debito &c. quoniam sine eò non ualet, & probatur sic Pono, quòd omne animal currat, & uolò, quòd demonstretur homo mortuus, puta Sortes, & arguatur sic. Ille homo, scilicet, Sortes mortuus non currit, & homo est animal, ergo animal non currit. Non ualet, quoniam antecedens est uerum, & consequens falsum per casum positum, scilicet, quòd animal omne animal currat. Non ualet inquam, quoniam non sumitur debitum medium. Nā debitum medietum est hoc, & homo est animal. sed est hoc, & ille homo, scilicet, Sortes mortuus est existens animal. Istæ sunt tres regulæ generales arguendo ab inferiori ad suum superius modo præexposito. Econtrario autem sunt aliæ tres regulæ.

Prima est, a superiori ad suū inferius sine distributione non ualet consequentia: Vnde non sequitur, animal currit, ergo homo currit. Potest enim animal, puta asinus currere, & tamen homo non curret. Sed aduerte, quòd licet nō ualeat de forma, ualet tamen in aliqua materia, ut in genere numeri, nam bene sequitur, numerus est, ergo binarius est, quoniam omnis numerus supponit binarium.

Secunda

Secunda est, A superiori ad suum inferius distributiue affirmatiue cum debito medio ualeat consequentia, Vt, Omne animal currit, Ergo Sortes currit.

Dicitur distributiue, quoniā sine distributione non ualeat per primam regulam, nec sufficit suppositio confusa, non enim ualeat, Tantum animal currit, ergo tantum homo currit, nam patet consequens esse falsum, & antecedens uerum.

Dicitur cum debito medio, quia sine eo non ualeat universaliter. Non enim sequitur, Tu differs ab asino, ergo differs a Brunello, sed dicatur sic, Tu differs ab asino, Brunellus est asinus, ergo tu differs a Brunello.

Tertia est, A superiori ad suum inferius negatione præposita & distribuyente ualeat cōsequentia. Nam bene sequitur, Nullum animal currit, ergo nullus homo currit.

Dicitur negatione præposita, scilicet ad superius, quia postponatur, non ualeat. Non enim sequitur, Animal non currit, ergo homo non currit. nam bene stat, quod aliquis homo currat, & quod aliquod animal, puta Brunellus non currat, stat enim animal & homo determinate & non distributiue.

Dicitur distribuyente, quoniam negatio præponitur superiori, & impeditur per aliam negationem quod non distribuat ipsum superius, consequentia non ualeat, ut hic. nonnullum animal currit, ergo nonnullus homo currit, nam ly animal & ly homo, non stant distributiue, sed determinate, ut docuimus in tractatu de suppositionibus. Vnde æquipollent istis, Aliquod animal non currit. Ergo aliquis homo non currit, constat autem hanc consequentiā non ualere, ut diximus.

Idem iudicium est de ista consequentia, non omne animal currit, Ergo non omnis homo currit. non ualeat, quoniam ly non, non distribuit ly animal, sed stat determinate, Quare &c.

Hæc de regulis penes saperius & inferius dicta sunt.

Pars secunda.

In parte secunda assignandæ sunt regulæ consequentiæ formalis penes propositiones alicuius quantitatis, quæ scilicet

scilicet sunt uniuersales, uel particulares, uel indefinitæ uel singulares.

Et aduerte, quòd ex parte uniuersalium dantur tres regulæ, & ex parte particularium indefinitarum & singularium dantur quatuor regulæ.

Prima, Ex parte uniuersalium est hæc, ab uniuersali affirmatiua & negatiua ad suas subalternas, ualet consequentia. Exemplum primi. Bene sequitur, Omnis homo est albus, Ergo homo est albus, quæ est sua indefinita, Ergo quidam homo est albus, quæ est sua particularis, ergo hic homo est albus, quæ est sua singularis. Exemplum secundi, Nullus homo est albus, ergo homo non est albus, ergo quidam homo non est albus, ergo hic homo non est albus.

Secunda est, Ab uniuersali affirmatiua ad omnes suas singulares tam collectiue quàm diuisiue est bona consequentia. Collectiue quidem, ut hic, Omnis homo currit, & isti sunt omnes homines, ergo & iste homo currit, & iste, & sic de omnibus aliis. Diuisiue autem sic, Omnis homo currit, ergo tu curris.

Et aduertæ, quòd ratio regulæ est hæc, quoniam ut docuimus in tractatu de suppositionibus sub termino cõmuni stante, & supponente distributiue, licet descendere ad omnia sua supposita copulatiue. Vide tu illic.

Sed aduerte, quòd reales & terministæ in hac regula conueniunt & disconueniunt. Cõueniunt quidem in hoc, quòd quando sit uniuersalis affirmatiua in materia contingenti, regula ualet cum debito medio, ut hic, Omnis homo currit, & isti sunt omnes homines, ergo iste currit, & iste, & sic de singulis. nam sicut antecedens est contingens, sic & consequens. Disconueniunt autem, quando sit uniuersali affirmatiua in materia naturali, ut omnis homo est animal. Dicunt enim terministæ regulam non ualere, nisi gratia aliquando materiæ, quoniam antecedens esset necessarium, scilicet, Omnis homo est animal, & consequens contingens, scilicet iste est homo, & iste est animal. nolunt enim aliquam singularem in rebus corruptibilibus esse necessarium, quoniam quodlibet singulare,

corru

mo est asinus. Vnde docuimus in tract. de syllogismo demonstratiuo, quomodo propositio per se est de omni, etiam quòd non apponatur signum uniuersale, ut hæc est per se, & de omni. Homo est risibilis, aliquis homo est rationalis, quoniam sunt uirtualiter uniuersales.

Secunda est, à particulari ad suam indefinitam, & econuersò, & affirmatiuè, & negatiuè, & in omni materia tam naturali, quàm contingenti, quàm remota tenet consequentia. nam bene sequitur, aliquis homo currit, ergo homo currit, & econuersò, aliquis homo non currit, ergo homo non currit, & econuersò, & in materia naturali aliquis homo est rationalis, ergo homo est rationalis, & econuersò & in materia remota, aliquis homo nō est asinus, ergo homo non est asinus, & econuersò; & ratio huius regulæ est, quia subiectum propositionis particularis, & indefinitæ si est terminus communis, eandem suppositionem habet, scilicet determinatā, ut docuimus in tract. de suppositionibus.

Tertia est à particulari, uel indefinita ad oēs suas singulares disiunctiuè sumpta est bona consequentia. nam bene sequitur, aliquis homo currit, ergo hic, uel hic, uel hic currit. Idem intellige de indefinita. nam bene sequitur, Homo currit, ergo hic, uel hic, &c. & ratio huius regulæ est, quia subiectum propositionis particularis, & indefinitæ si sit terminus communis, supponit determinate sub quo licet descendere ad sua singularia, disiunctiue, ut docuimus in tract. de suppositionibus.

Sed aduerte, quòd in hac regula sicut in secunda supraposita respectu propositionum uniuersalium differunt terministæ & reales. nam terministæ nolunt hanc regulam ualere nisi in materia contingenti. Dicunt. n. in materia naturali hanc non ualere. Homo est animal, ergo hic homo est animal, uel hic homo est animal &c. quoniam secundū eos antecedens est necessarium, & consequens contingens, quoniam ut iam diximus, nolunt aliquam singularem esse necessariam in his corruptibilibus. Reales autē nolunt hanc regulam ualere in omni materia, quoniā in materia contingenti sicut antecedens est contingens,
sic

sic & consequens. In materia naturali, sicut antecedens est necessarium, sic & consequens, quoniam copula non dicit existentiam, sed necessariam habitudinem prædicationis ad subiectum. In materia autem remota sicut antecedens est impossibile, sic & consequens, & hanc uiam sequimur, ut Peripateticam.

Quarta est, ab omnibus singularibus sufficienter enumeratis ad suam uniuersalem tam affirmatiuè quàm negatiuè, ualeat consequentia. nam bene sequitur, Hic homo currit, & hic, & hic, & sic de singulis nullo excepto, ergo omnis homo currit. Idem intellige negatiuè, & hæc ualeat in omni materia, ut patet. & aduerte, quòd hæc regula coincidit cum illa, in qua dicitur, quòd ab inducētibus ad inductam ualeat consequentia. Inducentes. n. sunt singulares sufficienter acceptæ. Inducta autem est uniuersalis tam affirmatiua, quàm negatiua. Hæc de regulis consequentiæ formalis penes propositiones quãtas, dicta sint.

Pars tertia.

IN tertia parte assignandæ sunt regulæ cōsequentiæ formalis penes propositiones non quantas, quales sunt illæ, in quibus ingreditur dictio exclusiua, uel exceptiua, quorum prima est ista Prima regula, ab exclusiua propositione primi ordinis affirmatiua ad suam uniuersalem affirmatiuam de terminis transpositis existētibus in recto, ualeat consequentia, ut tantum homo, id est, solus homo est risibilis, ergo omne risibile est homo.

Dicitur primi ordinis. nam exclusiua habet tres ordines, ut docuimus in tract. de suppositionibus, & diffusius dicemus in tract. de probationibus terminorum, & tu uide illic. Dicitur igitur in præsentī regula ab exclusiua primi ordinis, quoniam si fiat secundi, aut tertij ordinis, non ualeat consequentia. Exemplum secundi ordinis, Homo tantum est animal, ergo omne animal est homo. nam consequens est falsum, ut patet, & antecedens est uerum, ut tibi declarabitur in tractatu sequenti: quoniam exponeamus exclusiuam primi, & secundi, & tertij ordinis.

Dicitur affirmatiua, quia in negatiua non ualeat siue negatio præcedat notam exclusionis, siue subsequatur, modo

dò fiat propositio negatiua. Exemplum primi non ualeat, non tantum homo est animal, ergo omne animal est homo: constat enim antecedens esse uerum, & consequens falsum. Exemplum secundi, non ualeat, Tantum accidens non est substantia, ergo omnis substantia est accidens: nam consequens est falsum, ut patet antecedens uerò est uerum, quoniam inter omnia entia, solum accidens non est substantia.

Dicitur ad suam uniuersalem affirmatiuam, quoniam ad negatiuam non ualeat, ut hic, tantum homo currit, ergo nullum currens est homo, constat enim antecedens esse uerum, uel saltem possibile, consequens autem est falsum, ut ad sensum patet.

Dicitur de terminis transpositis, quoniam subiectum exclusiue, fit prædicatum uniuersalis affirmatiue, & prædicatum exclusiue fit subiectum uniuersalis affirmatiue, ut hic, tantum homo est rationalis, ergo omne rationale est homo.

Dicitur terminis existētibus in recto, quoniam in obliquo non ualeat, ut hic, Tantum pecunia est hominis, ergo quilibet homo habet pecuniam, nam antecedens est uerum, posito quòd homo non aliud possideat, quàm pecuniam; & tamen consequens est falsum, aliter nullus esset egenus, ergo non ualeat.

Secunda regula ab exceptiua negatiua, ad exclusiuam affirmatiuam sibi correspondentem, ualeat consequentia, ut hic, nullum animal præter hominem est risibile, ergo tantum homo est animal risibile.

Dicitur ab exceptiua negatiua, quia ab affirmatiua nō ualeat, ut hic, Omnis homo præter Christum est mendax, ergo tantum Christus est homo mendax, constatenim antecedens esse uerum, & tamen consequens est falsum, & detestabile.

Dicitur ad exclusiuam sibi correspondentem. Pro quo aduerte, quòd tunc exceptiua negatiua correspondet exclusiue, quando pars extra capta fit subiectum exclusiue, & aggregatum ex subiecto, & prædicato exceptiue fit prædicatum exclusiue. Vnde hæc est correspondens
huic

intelligit, ergo tantum homo intelligit. nam prædicatum hunc exclusiue non continet subiectum, & prædicatum exceptiue, sed tantum prædicatum. Vt igitur bene correspondeat, formetur sic, ergo tantum homo est animal intelligens.

Tertia est, ab inferiori ad suum superius affirmatiue, dictione exclusiua opposita subiecto ualeat consequentia, ut tantum homo currit, ergo tantum animal currit.

Dicitur ad suum superius affirmatiue. non enim ualeat negatiue, ut hic, non tantum homo est sensitiuus, ergo non tantum animal est sensitiuum. Est enim antecedens uerum, ut patet, & consequens falsum.

Quarta est ab inferiori ad suum superius ex parte prædicati, & dictione exclusiua addita subiectis, non ualeat consequentia. non enim sequitur, tantum homo currit, ergo tantum homo mouetur. nam resoluendi sunt termini currit, & mouetur, in sua participia, & formando uniuersalem affirmatiue de terminis transpositis, constat tibi manifeste, quod arguitur ab inferiori ad suum superius distributiue, quod non ualeat, ut docuimus supra. Verbi gratia, Tantum homo est currens, ergo tantum homo est motus. Dico, quod ly currens, quod est inferius ad motum, & ly motus, stant distributiue, ut patet per uniuersales de terminis transpositis, ut, hic, Omne currens est homo, ergo omne motum est homo. Constat, quod non sequitur, quoniam antecedens est uerum per casum possibilem, & tamen consequens est falsum non enim inconuenit solum hominem currere, & asinum, qui non est homo, moueri.

Quinta est, a termino stante confuse tantum mobiliter, uel determinate ad eundem stantem distributiue per appositionem dictionis exclusiue, non ualeat consequentia. Exemplum primi, non sequitur, Omnis homo est animal, ergo tantum homo est animal. nam animal in antecedente stat confuse tantum mobiliter, & in consequente distributiue, & constat antecedens esse uerum, & consequens falsum. Exemplum secundi, non sequitur, Homo est animal, ergo tantum homo est animal. nam animal stat in antecedente determinate, & in consequente distributiue, &

constat antecedens esse uerum, & consequens falsum.

Sexta est, a termino stante cōfusa & distributiuē ex parte prædicati, dictione exclusiua addita subiecto, ad eūdem stantem determinatē ualet consequentia. Nam bene sequitur, tantū homo est animal, ergo homo est animal. Nam in prima animal distribuitur, in secunda stat determinatē.

Septima est, a termino stante cōfusa tantum mobiliter, & eundem stantem determinatē, respectu eiusdem syncategorematis uel distributionis, non ualet consequentia. Non enim sequitur, tantum homo est animal, ergo animal est omnis homo. Hæc de regulis consequentiæ formalis, penes propositiones non quantas, dicta sint.

Pars quarta.

IN quarta parte agendum est, de regulis consequentiæ formalis penes terminos pertinentes, & impertinētes. Sed prius aduerte, quod termini pertinentes dicuntur illi, quorum significata nullam habet repugnantiam adinuicem, & possunt simul inesse, ut album, & dulce, homo & iustum, siue iniustum, homo est risibile, &c. Impertinentes sunt illi, quorum significata habent oppositionem, & non se compatiuntur respectu eiusdem, ut qualitates contrariæ, & species eiusdem generis, quæ dicuntur disparatæ oppositæ, ut homo & canis, equus, & asinus, & priuatiuē opposita, & relatiuē, opposita, ut cæcus, & uidens, seruus, & dominus. His prænotatis assignandæ sunt quinque regulæ.

Prima est, ab affirmatiua unius contrarii uel disparati, ad negatiuam ulterius contrarij, uel disparati est bona consequentia, sed non econuersò, nisi in contrariis immediatis. Exemplum primi, Tu es albus, ergo tu non es niger. Exemplum secundi, Tu es homo, ergo tu non es asinus, sed econuersò non ualet, nisi in contrariis immediatis, nō enim sequitur, Tu non es niger, ergo tu es albus. Nam inter album & nigrum sunt medij colores qui possunt affirmari sine albo. Posito enim, quod tu non sis niger, potes esse rubeus, croceus, pallidus &c. Dicitur nisi in contrariis immediatis, quoniam in illis ualet consequentia ab affirmatiua ad negatiuam, & econuersò, cum consistentia subiecti. Nā bene sequitur, Sortes est sanus, ergo nō est æger, &

E e econuersò

TRACTATUS NONVS

econuerso, Sortes non est æger, ergo est sanus, & hic, Sortes iudex est iustus, ergo non est iniustus, & econuerso, Sortes iudex non est iniustus, ergo est iustus.

Secūda est ab uno conuertibili ad reliquum affirmatiue, & negatiue, & seruata eadem qualitate, & quantitate, & suppositione in propositionibus ualet consequentia, ut, Sortes est homo, ergo est risibilis. Brunellus non est homo, ergo non est risibilis, & ualet econuerso. quia unum infert reliquum affirmatiue, & negatiue.

Dicitur seruata eadem qualitate propositionis. i. quod utraque sit affirmatiua, aut negatiua. Vnde non sequitur, Homo currit, ergo risibile non currit.

Dicitur, seruata eadem quantitate, ita quod si una est uniuersalis, altera sit uniuersalis, &c. & si in una subiectū supponit determinate, & in altera similiter. Vnde non sequitur, Homo currit, ergo tantum risibile currit. nam ly homo, supponit determinate, & risibile confuse tantum mobiliter, neq; sequitur hic, Homo currit, ergo oē risibile currit. Supponit. n. hō determinate, & risibile restrictiue.

Et aduerte, quod ista regula complectitur quæcūque cōuertibilia, siue sint trāscēdētia, ut ens, & unū, siue gñica essentialia, ut aīal, & sensitiuū, siue specifica essentialia, ut homo, & rōnale, siue alterū conuertibile sit per sequelam naturalem, ut homo, & risibile, asinus, & rudibile.

Tertia est, ab uno correlatiuo totali ad alterū correlatiuū totale tam affirmatiue, quā negatiue. stāte propōne de secundo adiacente, ualet cōsequentia pro omni differētia temporis, ut pater, uel mater est, ergo filius, uel filia est, neque. n. pater tantū, neque mater tantū, sed uterque, neque filius tantū, neq; filia tantū, sed uterq; sunt adinuicē correlatiua. Dicitur affir. & negatiue, quoniā ut docuimus i prædicamēto Ad aliquid, posito uno correlatiuorū, ponitur & reliquū, & remoto uno, remouetur reliquū. Dicitur stāte propositione de secundo adiacente, quoniā de tercio nō ualet, nō enim sequitur, pater est senex, ergo filius est senex, imo, ut i pluribus sequitur negatiua. Dicitur pro omni differētia temporis, s. præteriti præsentis, & futuri, nā bene sequitur, Pater fuit, & nunc non est, ergo filius fuit, &

& nūc non est, sumendo patrē, & filiū formaliter, & nō materialiter. Itē sequitur, Pater est, ergo filius est. Item sequitur, Pater erit, ergo filius erit, & rationem huius regulæ aduerte hinc pēdere, quia in ratione patris sumpti formaliter, sumitur filius, & in ratione filii sumitur pater, ergo, quo ad esse, & non esse, fuisse, & non fuisse, fore, & non fore, se inuicem mutuo consequuntur inseparabiliter.

Qui autem tenent, quòd regula non ualeat, nisi pro tempore præsentis, non cōsiderant correlatiua formaliter, sed materialiter, & ideo non sunt audiendi.

Quarta est a termino priuatiuo ad terminum infinitū propositionibus existentibus affirmatiuis, ualeat consequētia. Sed non econuerso, ut Sortes est iniustus, ergo est nō iustus. Dicitur pro positionibus existentibus affirmatiuis, quia in negatiuis non sequitur, ut hic: Lapis non est iniustus, ergo non est non iniustus. Constat. n. antecedēs esse uerū, q̄a lapis nō est aptus esse iustus, ergo nō est iniustus. Consequens autē est falsum, quoniā negatio iustitiæ est in lapide, licet non priuatio. Nam iustus, & nō iustus sunt contradictoria, quorū alterū de quolibet ente uerificatur. Cū igitur lapis nō sit iustus, est non iustus, Hæc ergo est falsa, lapis non est non iustus, Dicitur, sed non econuerso. Non enim sequitur, Hoc aīal est non uidens, puta catulus ante nonū diem, ergo est cæcū. Nā ad hoc. q̄ sit non uidens, sufficit quod nō uideat: ad hoc autem quod sit cæcum, oportet, quòd non uideat eo tēpore, quo est aptum uidere. Sed catulus ante nonum diem, non est aptus uidere, & ideo licet sit non uidens, non tamen potest dici cæcus.

Quinta est, Ab affirmatiua de prædicato infinito, uel priuatiuo, ad negatiuam de prædicato finito, ualeat consequētia, sed non econuerso, nisi cum debito medio. Nam bene sequitur, Sortes est non uidens uel cæcus, Ergo nō est uidens, Lapis est non homo, Ergo non est homo. Sed econuersò non ualeat, quoniam ordinariē ex negatiua nō sequitur affirmatiua. Quod si sequitur, erit cum debito medio, ut hic, Tu non es homo, demonstrato asino, & tu es, Ergo tu es non homo. Hæc de regulis consequentiæ formalis penes ternuos pertinentes, & impertinentes dicta sint.

sunt istæ, Homo currit, & nihil non homo currit, ergo tantum homo currit. Contradictoria huius exponentis, nihil non homo currit, est ista, Aliquid non homo, uel aliquid quod non est homo, currit, & ex ista bene inferitur contradictoria expositè, scilicet, non tantum homo currit.

Quarta est à propositionibus resoluentibus ad resolutam siue resolubilem est bona consequentia, & econuersò, tam in materia contingenti, quam naturali. Pro cuius notitia aduerte, quod probatio propositionis per resolutionem, fit per duas singulares factas, non per terminum discretum, sed per pronomen demonstratiuum, & propositio resolubilis est indefinita, uel particularis, uel singularis, cuius subiectum, est terminus discretus. Verbi gratia, Hæc indefinita, Homo currit, resoluendo sic probatur, Hoc currit, & hoc est homo, ergo homo currit. Dicitur igitur in regula, A resoluentibus scilicet simul sumptis, ad resolutam ualet consequentia. nam bene sequitur, hoc currit, & hoc est homo, ergo homo currit. Dicitur & econuersò id est à resoluta ad resoluentes. nam bene sequitur in materia contingenti, Homo currit, Ergo hoc currit, & hoc est homo, demonstrato Sorte. Item sequitur in materia naturali, hō est aīal, Ergo hoc est animal, & hoc est hō.

Sed aduerte, quod terministæ discordant in hoc à realibus. Dicunt. n. terministæ prædictam consequentiam non ualere, quoniam secundum eos antecedens scilicet homo est animal, est necessarium. Sed consequens scilicet hoc est animal, & hoc est homo, secundum eos est contingens, quia non concedunt aliquam singularem in his corruptibilibus, esse necessariam. Reales autē dicūt ipsam ualere, quoniā antecedens & cōsequens sunt necessaria, & negāt quin singulares in materia naturali sint necessaria, quando sunt de tertio adiacēte, neq; enim copula denotat existentiam extremorum, sed habitudinem prædicati ad subiectum, ut sæpe diximus, & hanc uiam sequitur.

Quinta est, ab officiantibus ad officiatam ualet consequentia. Pro cuius notitia aduerte, quod propositio officiables est illa, cuius oratio infinitiua determinatur per aliquem terminum modalem, scilicet per possibile, aut cō-

tingens, aut impossibile, aut necesse, & sic probatur. Verbi gratia, hæc est officiabilis, necesse est Deum esse. & probatur sic, Hæc propositio est necessaria, Deus est, qui adæquatè significat Deum esse, ergo necesse est Deum eē. Dicit igitur, regula a propositionibus officiantibus ad propositionem officiatam ualet consequentia, ut hic. Hæc propositio est contingens, Homo currit, quæ adæquatè significat hominem currere (istæ sunt officiantes) tertio contingens est hominem currere, hæc est officiata.

Sexta est, A descriptione ad descriptū ualet consequentia & econuersò, uel sic a propositione describente ad propositionem descriptam ualet consequentia, & econuersò. Pro cuius notitia aduerte, quòd propò descriptibilis est illa, in qua uerbum concernens actū mentis determinat incomplexum. Verba autem concernentia actum mentis sunt hæc, scio, cognosco, intelligo, imaginor, &c. Sic aut probatur. Ver. gra. Scio Deum, sic describitur scio aliquid ea ratione qua Deus, ergo scio Deum. Antecedens est propositio describens & cōsequēs est propò descripta siue descriptibilis. Dicit igitur regula, A describente ad descriptā ualet consequentia. Nā bene sequitur, Cognosco aliquid sub rōne, qua cælū, ergo cognosco cælū, & ualet ecōuerso, ut cognosco cælū, ergo cognosco aliqd sub rōne, qua cælū.

Septima est, A propositione de sensu composito ad propositionē de sensu diuiso non ualet cōsequentia, nec econuersò. Pro cuius notitia aduerte, quòd propositio de sensu composito & diuiso consuevit fieri, ut in pluribus per terminum modalem, ut possibile est Sortem currere, sed tunc dicitur de sensu cōposito, quando modus proponitur dicto, aut postponitur, ut possibile est album esse nigrum. Vel sic, album esse nigrum est possibile. Dicitur autem de sensu diuiso, quando modus mediat inter partes dicti, ut album possibile est esse nigrum. Vel sic, album potest esse nigrum. Dicit igitur regula, quòd a sensu composito ad sensum diuisum non ualet consequentia, nec econuersò, quoniam antecedens erit falsum & consequens uerum, econuerso autem antecedens erit uerum, & consequens falsum. Non enim sequitur possibile est album esse nigrum,

nigrum, ergo album potest esse nigrum. Nā antecedens est falsum & impossibile. Sensus enim est, Res quæ est alba, id est inquantum stat sub albedine, potest esse nigra, ita quòd hæc potest esse uera, album est nigrum. Hoc autem est impossibile, cum sint contraria, quorum unum est incompossibile alteri. Consequens autem est uerum, sensus enim est, res quæ est alba, id est quæ est, subiectum albedinis, potest esse subiectum nigredinis, nō quidem simul, sed successiuè. Nam ut diximus in tractatu de prædicamentis, proprium est substantiæ, esse susceptiuam contrariorum: constat ergo quòd consequens erit uerum. Constat etiam, quòd econuerso antecedens erit uerum, & cōsequens falsum, & impossibile, sic arguendo, album potest esse nigrū, ergo possibile est album esse nigrum.

Sed aduerte, quòd regula intendit consequentiam non ualere: quando dictum propositionis modalis constat ex terminis disparatis siue oppositis, quorum significata non simul uerificantur de eodem. nam si fiat modalis, cuius dictum non constet ex terminis oppositis, ualet consequentia a modali de sensu composito ad eam, quæ est de sensu diuiso, Nam bene sequitur, Necessè est Deum esse, ergo Deum necesse est esse, & econuersò hic, Contingenter homo currit, ergo homo contingenter currit.

Octaua est, Ab una causa ueritatis, ad propositionem habentem illam causam, est bona consequentia, sed non econuersò. Pro cuius notitia aduerte, quòd propositio probabilis per causas ueritatis est illa, quæ habet multas causas ueritatis disiunctiuè sumptas, ut tibi declarabitur in tractatu de probationibus terminorum. Dicit igitur regula, quòd ab una causa ueritatis, ad propositionem habentem illam, est bona consequentia, & non econuersò. Nam bene sequitur, Dum homo currit risibile currit, ergo homine corrente, risibile currit. Implicat enim contradictionem, quòd pro aliquo tempore homo currat, & in illo risibile non currat, cum omnis homo sit risibilis infallibiliter, & per se. Dicitur, ab una causa ueritatis, quoniam a pluribus nō ualet. Verbi gratia, quòd homo habeat pulsus con citatum, potest esse a pluribus causis, puta ab ira, a labore,

a cibo, a febre. Vnde sic arguendo, Sortes habet pulsum concitatum, ergo bene comedit, & bibit, non ualet consequentia, quia potest esse ab alia causa, ut tibi declarabitur in tract. de syllogismo sophistico. Dicitur & non econuerso, quia non sequitur, Homine corrente, risibile currit, ergo dum homo currit, risibile currit nam posito quod nihil currat, tunc consequens est falsum, cum asserat hominem currere, & antecedens est uerum, quia concluditur eius ueritas per aliam causam ueritatis, scilicet per conditionalem, quæ est hæc, si homo currit, risibile currit. Nam propositio denominata ab ablatiuo in consequentia potest habere tres causas ueritatis, scilicet conditionalem, temporalem, causalem.

Exemplum primi, Homine corrente risibile currit, id est, Si homo currit, risibile currit.

Exemplum secundi, homine corrente, risibile currit, id est dum homo currit, risibile currit.

Exemplum tertii, Homine corrente, risibile currit, id est, quia homo currit, risibile currit.

Nona est. A propositione uerbi actiui, ad sibi correspondentem uerbi passiuum, est bona consequentia, & econuerso. nam bene sequitur, Ego amo Deum, Ergo Deus amatur a me. Hæc regula est uera uniuersaliter, dummodo seruetur eadem superpositio terminorum, ut homo uidetur lupum, ergo lupus uidetur ab homine. nam in utraque homo, & lupus supponunt determinate. Si autem mutatur suppositio, non ualet, ut hic, Promitto tibi denarium, ergo denarius promittitur a me tibi. nam in prima ly denarium stat cōfusè. ut docuimus in tract. de suppositionibus, in secunda autem determinate. Vt ergo seruetur eadem suppositio, fiat passiuum sic, A me tibi promittitur denarius.

Decima est, A propositione de tertio adiacente, ad eam, quæ est de secundo, ualet consequentia affirmatiue arguendo, dummodo non sit exclusiua. nec in materia naturali. nec prædicatū sit terminus distrahens, nec uerificabilis tã de ente, quàm de non ente, & seruetur eadē suppositio.

Dicitur affirmatiue, quia negatiue nō ualet. Non enim sequitur. nullus homo est asinus, ergo nullus homo est.

Dicitur

Dicitur, dummodo non sit exclusiua, quia in exclusiuis non tenet. non enim sequitur, Tantum homo est statutz rectz, ergo tantum homo est.

Dicitur, nec in materia naturali, quia copula non dicit existentiam sed habitudinem prædicati ad subiectum. Vnde semper est uera, siue extrema existant, siue non. In secundo autem adiacente copula dicit existentiam. Vnde nõ sequitur, Homo est animal, Ergo homo est. Nam prima est sempiternæ ueritatis, etiam ante mundi creationem, secunda autem non uera nisi homine existente, & in hac conditione discordant termini a realistis. Teneant enim termini regulâ ualere tam in materia naturali, quàm contingenti: Reales uero tantum in materia contingenti.

Dicitur, nec prædicatum sit terminus distrahens, id est, cum quo non stant præsens existentia subiecti. Tales termini sunt ista participia, Præteritus, futurus, mortuus, interfectus generandus, & generabilis. In his omnibus regula non tenet. Non enim sequitur, homo est præteritus, siue mortuus, siue occisus, ergo homo est. nec sequitur, Homo est generandus, uel generabilis, ergo homo est.

Dicitur, nec uerificabilis &c. Tales termini sunt, opinabile, imaginabile, fingibile, &c. Vnde non sequitur, Mons aureus est imaginabilis, ergo mons aureus est. Nec sequitur, Alter mundus est opinabilis, ergo alter mundus est. Nam opinari & imaginari possumus tam existentia, quàm non existentia, sicut & somnari.

Dicitur, & seruetur eadem suppositio. Vnde non sequitur, Homo est nomen, ergo homo est, quoniam in antecedente supponit materialiter in consequente personaliter.

Nec sequitur, homo est species, ergo homo est, quoniam in antecedente supponit simpliciter, in consequente autem personaliter.

Hæc de regulis consequentiæ formalis penes probationes propositionum dicta sint.

Pars Sexta.

In parte sexta assignandæ sunt regulæ consequentiæ formalis penes propositiones hypotheticas, copulatiuas, & disiunctiuas, & sunt sex.

Prima

TRACTATVS NONVS

2 Prima est, A tota copulatiua affirmatiua, diuisiua, ad quamlibet eius partem, ualet consequentia, sed non econuerso nisi in aliquo casu. Nā bene sequitur, Sor. loquitur, & Plato audit, ergo Sortes loquitur, ergo Plato audit.

Dicitur affirmatiua, quoniā in negatiua non ualet. Non enim sequitur, non tu es homo, & tu es asinus, ergo non tu es homo. Stat enim, quod tu sis homo, & non sis asinus.

Dicitur diuisiua, quoniam a copulatiua collectiua non ualet. non enim sequitur, Sortes trahit nauem, & Plato trahit nauem, ergo Sortes trahit nauem, Nam simul & non diuisim trahunt nauem, supposito quod neuter per se solum sufficiat trahere nauem.

Dicitur, sed non econuerso, scilicet a qualibet parte ad totam copulatiuam. non enim sequitur, Sortes comedit, ergo Sortes comedit & loquitur, Stat enim quod comedat & non loquatur.

Dicitur, in aliquo casu. Casus autem est, quando ad partem copulatiuæ antecedit essentialiter aliud, quod de parte ipsa prædicatur, & sine quo pars ipsa non sequitur, ut hic, Homo currit, ergo currit & mouetur. Nam sine motu non ponitur cursus, & hæc est per se, cursus est motus. Sic ista est per se, homo est animal. In hoc igitur casu consequentia ualet a parte copulatiuæ ad totam copulatiuā, regulariter autem & formaliter non ualet.

Secunda est, A propositione de toto copulato tam a parte subiecti, quam a parte prædicati diuisim tento & affirmatiue, ad quamlibet eius partem, ualet cōsequentia. Sed non econuerso, nisi in eo casu, in quo dictum est in regula præcedenti. Nam bene sequitur ex parte subiecti, Sortes & Plato comedunt, ergo Sortes comedit, ergo Plato comedit. Ex parte autem prædicati sic, Sortes comedit, & loquitur, ergo loquitur, ergo comedit.

Dicitur tento diuisim, quoniam tento collectiue nō ualet, ut hic, Sortes & Plato sunt duo, ergo Sortes est duo, & hic Sortes & Plato ferunt hoc pōdus, ergo Sortes fert hoc pondus.

Dicitur affirmatiue, quoniam negatiue non ualet. Non enim

enim sequitur, Non Sortes & Plato trahunt nauem; ergo Plato trahit nauem.

Dicitur, sed non econuersò, quia non sequitur, Sortes comedit, ergo Sortes comedit & bibit.

Dicitur nisi in eo casu &c. Nā bene sequitur, Sortes est homo, ergo est homo & animal. Sortes dormit, ergo dormit & quiescit.

Tertia est, à parte principali disiunctiue affirmatiue ad totam disiunctiuam ualet consequentia. Sed non econuersò; nisi gratia materiæ. Nam bene sequitur, Tu es homo, ergo tu es homo, uel tu es asinus; quia ad ueritatem disiunctiue sufficit unam partem esse ueram, ut docuimus in tractatu tertio agentes de propositionibus hypotheticis, econuersò autem non sequitur, scilicet à tota disiunctiua ad quamlibet partem. Non enim ualet, Tu es homo uel asinus, ergo tu es asinus. aliquando autem ualet gratia materiæ, puta quando una pars disiunctiue sequitur ad alteram, ita quòd utraque pars est uera, & tunc potest utraque pars inferri indifferenter ex tota disiunctiua, ut hic, Tu es homo uel animal, ergo tu es animal, ergo tu es homo.

Sed aduerte, quòd apud reales ut docuimus in tractatu tertio, disiunctiua cuius utraque pars est uera, non est propria, sed impropria. Nam propria disiunctiua uera est illa, cuius una pars est uera, reliqua autem non: dicitur enim disiunctiua, quia disiungit sensum, apud Logicum. Vnde apud reales stante disiunctiua propria, pro nullo casu, licet arguere à tota disiunctiua ad partem. Et hanc uiam sequimur.

Iterum aduerte, quòd diximus de disiunctiua, uerificatur de propositione, cuius subiectum est totum disiunctiui, uel prædicatum, Nā ex parte subiecti bene sequitur, Sortes currit, ergo Sortes uel Plato currit, ex parte prædicati bene sequitur, Sortes comedit, ergo Sortes comedit, uel est asinus. Econuersò autem non in propositione de proprio disiunctiuo. Non enim sequitur, Sortes comedit uel est asinus, ergo est asinus.

Quarta est, A tota disiunctiua affirmatiua cum destructione

tionem unius partis ad positionem alterius ualet consequentia . nam bene sequitur . Tu es mortuus, uel uiuus, sed tu non es mortuus, ergo tu es uiuus . Pro cuius notitia aduerte , quòd destruere unam partem est negare illam ; & ponere alteram, est affirmare .

Vnde qui sic arguunt, tu es asinus , uel tu nō es asinus, sed tu non es asinus, ergo tu es asinus, non arguunt per regulam, quia nullam partem destruunt. Quod si dicant, destruimus primam partem , & concludimus alteram , ergo sic habent arguere , Tu es asinus, uel tu non es asinus, sed tu non es asinus, ergo tu non es asinus , & tūc nil falsi concluditur, sed tamen inepte .

Dicitur a tota disiunctiua affirmatiua , quia in negatiua non ualet, non. n. sequitur, Non tu es asinus, uel tu es asinus, sed tu non es asinus, ergo tu es asinus .

Quinta est , A copulatiua negatiua , ad disiunctiuam affirmatiuam , factam de partibus contradictoriis copulatiuæ affirmatiuæ est bona consequentia. & ecōuersò. Nā bene sequitur , Non tu es homo, & tu es asinus, ergo tu non es homo, uel tu non es asinus, & econuersò, nam bene sequitur ; Tu non es homo, uel tu non es asinus , ergo non tu es homo, & tu es asinus .

Sexta est, à disiunctiua negatiua ad copulatiuam affirmatiuam factam de partibus contradictoriis disiunctiuæ negatiuæ, ualet consequentia. & econuersò. Nā bene sequitur , Non tu es asinus, uel tu es capra , ergo tu non es asinus. & tu non es capra, & econuerso. Et aduerte, quòd ratio huius regulæ ac præcedentis est, quia copulatiua. & disiunctiua compositæ de partibus contradictoriis cōtradiciunt . Sed ut docuimus in tract. tertio agentes de æquipollentiis, negatio præposita facit æquipollere suo contradictorio, & ideò utraque regula est bene posita. Hæc de regulis consequentiæ formalis penes hypotheticas, copulatiuas, & disiunctiuas dicta sint .

Pars septima .

IN parte septima assignandæ sunt regulæ consequentiæ formalis, penes hypotheticas conditionales, & sunt.

Prima est, In conditionali affirmatiua, à positione antecedentem

recedentis, ad positionem consequentis, ualet consequentia. Sed non econuersò, nisi gratia materiæ. Nam bene sequitur, Si tu es homo, tu es animal, Sed tu es homo, ergo tu es animal.

Dicitur in conditionali affirmatiua, quia de negatiua non ualet. Non enim sequitur, non si tu es homo, tu es asinus, sed tu es homo, ergo tu es asinus.

Dicitur, sed non econuersò, nō enim sequitur, si tu curris, tu moueris: Sed tu moueris, ergo tu curris.

Dicitur, nisi gratia materiæ; quoniam si fiat conditionalis de terminis conuertibilibus; ualet consequentia, & econuersò. nam bene sequitur, Si tu es homo, tu es rationalis. Sed tu es homo, ergo tu es rationalis, & econuersò, Sed tu es rationalis, ergo tu es homo. Valet ergo, quando formatur conditionalis ex diffinito, & proprio, ex subiecto, & propria differētia, ex diffinito, & diffinitione. Itē ualet, quando formatur de duobus correlatiuis per secundum adiacens. nam bene sequitur, Si pater est, filius est, Sed pater est, ergo filius est, & econuersò. Sed filius est, ergo pater est.

Secunda est, in conditionali affirmatiua à destructione, id est negatione consequentis, ad destructionem siue negationem antecedētis, est bona consequentia, sed non econuersò, nisi gratia materiæ. Non bene sequitur, Si lapis est uiuus, lapis est animatus, sed lapis non est animatus, ergo non est uiuus.

Dicitur in conditionali affirmatiua, quoniam in negatiua non ualet, ut hic, non si tu es homo, tu es asinus, Sed tu non es asinus, ergo tu non es homo.

Dicitur, sed non econuersò, scilicet à destructione antecedentis, ad destructionem consequentis, non enim sequitur, Si tu curris, tu moueris, sed tu non curris, ergo tu non moueris. Stat enim quòd tu non curras, & tamen quòd mouearis, ut si lentè ambulas.

Dicitur, nisi gratia materiæ, nam tenet in terminis conuertibilibus, & in correlatiuis de secundo adiacente, sicut & præcedēs regula, nam bene sequitur, Si tu es asinus, tu es rudibilis, sed tu non es asinus, ergo tu non es rudibilis.

TRACTATVS NONVS

Item sequitur, si pater est, filius est, Sed pater non est, ergo filius non est. nam sicut posito uno correlatio ponitur reliquum, sic remoto uno, remouetur reliquū, ut docuimus in tract. de prædicamentis. Hæc de regulis consequentiæ formalis penes hypotheticas cōditionales dicta sint, & hic terminatur intentio nostra de consequentiis prout existimamus. ad mentem Peripateticam.

Explicit Tractatus de consequentijs, ordinatus per Reuerendum Magistrum Chrysostomum Iauellum Canapicium ordinis prædicatorum, Peripateticæ doctrinæ professorem, & per eundem manu propria scriptus, ac reuiscus, & correctus. Sequitur tractatus de probationibus terminorum.

INCIPIT TRACT. DE PROBATIONIBUS

terminorum, modo logico ordinatus, per Reuerendum Magistrum Chrysostomum Iauellum Canapicium, ordinis prædicatorū, Philosophie Peripateticæ professorem.

TRACTATVS DECIMVS.

IN hoc tractatu intendo ordinare doctrinam de probationibus terminorum consuetam apud Logicos, & ut deserui non sophisticis altercationibus, sed euidentiori notitiæ de probationibus propositionum, & terminorum probabilium habendæ. Diuidemus igitur præsentem tractatum in sex capita.

In primo ordinabuntur præcognoscenda sine quibus huius tractatus doctrinam nouitius habere non posset.

In secundo agendum est de propositione resolubili.

In tertio de propositione exponibili, & de omnibus terminis exponibilibus.

In quarto de propositione officiabili.

In quinto de propositione descriptibili.

In sexto de propositione probabili per causas ueritatis.

De præcognoscendis.

Cap. I.

IN primo cap. declaranda sunt tria, sine quibus huius tracta.

tracta. doctrina haberi non posset. Primum est, quot sint generales modi probandi propositionem nel terminos, penes quos uariatur propositio. Secundum est, quæ & quales sint propositiones siue termini, quæ uel qui probari possunt. Tertium est, quot modis apud Logicū propositio uel terminus probari potest.

Quantum ad primum aduerte. quòd in doctrina Peripatetica quatuor inueniuntur modi generales probandi aliquam propositionem. Primus est per causam, & hic est perfectissimus & faciens uere scire. Verbi gratia, Hæc propositio, homo est risibilis, per causam sic probatur, Omne animal rationale est risibile, homo est animal rationale, ergo homo est risibilis. Secundus est per effectum, & hic est frequentior in scientia naturali, quoniam in ea procedimus à sensatis, & ab effectibus nobis manifestioribus, quàm sint causæ naturales, ut tibi notum erit in libro secundo Physic. Tertius est per simile aut per oppositum contradictorium, ut tibi declaratum est in tracta. de syllogismo topico. Quartus est per reductionem ad aliquam uel aliquas propositiones notiores nobis, quàm sit ipsa propositio probanda. Verbi gratia, Si tu dubitas, utrum ista sit uera, Tantum homo est rationalis, manifestabitur tibi per has duas propositiones notiores, scilicet homo est rationalis, & nihil aliud ab homine est rationale, ergo tantum homo est rationalis. Sic autem manifestare, est propositionem ineuidentem probare. nam sicut reprobare uel improbare propositionem, est eius falsitatem notificare: sic probare est per aliam, aut alias euidentiores nobis eius ueritatem declarare. Ex his autem quatuor modis probatiuis propositionum, Primus, & secundus, & tertius sunt reales, & spectant ad scientias reales, quales sunt Mathematica, & Physica, & Metaphysica, ut cognosces tempore suo: quartus autem est modus Logicus, & de hoc solo intendimus pertractare in præsentī tractatu. Intentio enim nostra est declarare per quam aut quas propositiones notiores nobis, probeatur quælibet propositio probabilis, uel terminus facies propositionem probabilem, sicut sunt signi-

uniuersalia, dictiones exclusiue uel exceptiue, termini concernentes actum mentis, & multa alia, ut tibi manifestabuntur infra, descendentes ad particularia.

Quantum ad secundum aduerte, quod propositionum, & terminorum apud Logicum, quedam sunt immediatæ, & quedam mediatæ; similiter terminorum quidam sunt immediati, & quidam mediati. Propositiones immediatæ, sunt illæ, quæ per alias notiores nobis, non possunt manifestari, & istæ sunt propositiones, quæ non sunt per alias, sed per seipsas manifestæ, quales sunt propositiones singulares factæ cū pronomine demonstratiuo, ut hic homo currit. Non. n. est resolubilis in priorē, per quā possit clarius manifestari; quoniā ut docuimus in trac. de syllogismo demonstratiuo, Oīs nostra cognitio ortū habet à sensu: nihil autē est notius sensui, quā singulare demonstratū; mediatæ autē propositiones sunt illæ, quæ per aliā, aut alias notiores possunt manifestari resoluēdo aut exponēdo; aut alio modo, ut patebit infra. Termini immediati sūt termini simplices nō resolubiles in aliquid notius, & tales apud Logicum sunt pronomina demonstratiua singularis numeri, ut ego, tu, ipse, iste, ille, hic, & is, & aduerbia demonstrandi. Hmōi. n. carēt medio, per quod possint probari, & per notius; quoniā nullus est terminus notior istis. Mediati autē sunt oēs termini resolubiles ī aliquid prius, & notius, & sūt oēs termini præter prædictos, siue sint cōmunes, siue discreti. Nā ut tibi manifestabitur ē terminus discretus facit propositionē probabile. Verbi gratia, Sortes currit, potest sic probari. Hoc currit, & hoc est Sortes; ergo Sortes currit, & hæc pōt probari. Tantū Petrus est caput ecclesiæ, nam Petrus est caput ecclesiæ, & nullus aliud à Petro est caput ecclesiæ, ergo tantū Petrus est caput ecclesiæ. Constat igitur quæ, & quales propositiones sint probabiles. Simpliciter qui, & quales termini.

Quantum ad tertium aduerte; quod apud Logicum omnis propositio mediata; & omnis terminus mediat ut potest uno quinque modorum probari, quorum primus est resoluendo, secundus exponendo, tertius officiādo, quartus describendo, quintus per causas ueritatis. Omnis igitur

igitur propositio probabilis, siue terminus, uel est resolu-
bilis, uel exponibilis, uel officiabilis, uel descriptibilis, uel
per causas ueritatis notificabilis, & sic de his quinque mo-
dis tractabimus ordinate.

De propositione resolubili. CAP. II.

IN cap. secundo agendum est de propositione, quæ pro-
banda est per resolutionem, & hic tria agēda sunt. Primo,
quid significat in hoc loco resolutio. Secundo, quot pro-
positiones sint resolubiles, id est probandæ per resolutio-
nem. Tertiò, quomodo sit huiusmodi resolutio.

Quantum ad primū aduerte, quòd resolutio in hoc lo-
co significat reductionem propositionis probabilis in sua
singularia principia, ex quibus notificatur eius ueritas. Vn-
de sicut resolutio compositi, puta domus, importat redu-
ctionem domus in sua prima principia, ex quibus constat,
puta in lapides, & ligna &c. sic probatio propositionis per
resolutionem importat reductionem talis propositionis in
sua prima principia, quæ sunt propositiones nobis notio-
res, ex quibus ipsa propositio manifestatur, ut tibi paulo
post de clarabitur.

Quantum ad secundum aduerte, q̄ apud Logicum tres
species propositionum probantur resolubiliter affirmati-
uæ, & negatiuæ, siue sint ampliatiuæ, siue nō. Istæ aut sunt,
indefinita, & particularis, & singularis, modo non fiat per
pronomen demonstratiuum. Illa enim est immediata, ut
diximus in cap. præcedenti, & de omnibus exemplificabi-
mus infra.

Quantum ad tertium aduerte, quòd probatio per reso-
lutionem sic fienda est. Sumendæ sunt duæ propositiones
singulares factæ cum pronomine, demonstratiuo, ita q̄ in
prima prædicetur prædicatum propositionis resolueudæ,
siue resolubilis, & in secūda prædicetur subiectum eiusdē,
& ex his duabus inferatur propositio resolubilis. Exemplū
de indefinita affirmatiua. Homo est albus, sic probatur.
Hoc est album, & hoc est homo, ergo homo est albus.
Exemplum de particulari affirmatiua, aliquis homo cur-
rit, hoc currit, & hoc est aliquis homo, ergo aliquis ho-
mo currit. Exemplū de singulari, Plato currit, hoc currit,

& hoc est Plato, ergo Plato currit. Item unigenitus Sortis filius currit. Hoc currit, & hoc est unigenitus Sortis filius, ergo unigenitus Sortis filius currit.

Hoc igitur modo probatur apud Logicum affirmatiua indefinita particularis, & singularis, cuius subiectum est est terminus discretus, uel circumlocutus. negatiua autem dupliciter probari potest. Primo resolutorie, sicut affir. qñ subiectum pro aliquo supposito demonstrato supponit, ut hic, Homo non est lapis, sic resoluitur, Hoc non est lapis, & hoc est homo, ergo homo non est lapis. Si autem subiectum pro nullo supposito demonstrato supponit, non pōt probari resolutorie, quia secunda resoluens semper erit falsa, ut hic, Chimera nō est homo. Hoc non est hō, & hoc est chimera, ergo chimera non est homo. Patet, q̄ secunda est falsa, quoniā nullū ens demonstratum est chimera, cum sit quid fictitiū, siue imaginatum tantum. Tunc ergo probanda est per suam oppositā contradictoriam sic, Hæc duō contradicunt, chimera est homo, chimera non est homo, sed affirmatiua est falsa, ergo negatiua est uera. Consequentia patet, quoniam duorum contradictoriorū, si unū est falsum, reliquum est uerum, & e conuerso. Patet igitur, quomodo duobus modis probari potest indefini. & particula. & singularis negatiua.

Sed aduerte, quod non solum simplex categorica affirmatiua indefinita partic. & singu. probatur resolutorie, sed etiā ampliatiua, ut homo est mortuus, sic probatur, Hoc est mortuū, & hoc est, uel fuit homo, ergo homo est mortuus, & ista, Homo incipit comedere. Hoc incipit comedere, & hoc est uel incipit esse homo, ergo homo incipit comedere. Eodem modo probatur indefinita partic. & singul. cuius subiectum est terminus obliquus, siue in genitiuo, siue in datiuo, siue in accusatiuo, siue in ablatiuo. Verbi gratia, Hominis interst bene uiuere, Huius interst bene uiuere, & hoc est homo, ergo &c. Sorti placet uirtus, Platonem delectat legere. A Deo regitur mundus, omnes has resolue modo supradicto, eodem modo firmatur indefini. parti. & singu. quorum subiectū sit cum aduerbio, quod habet aduerbium inferius. Verbi gratia. Aliquando tu le-

gis

gis sic probatur. Nunc tu legis, & nunc est aliquando, ergo aliquando tu legis. Alicubi tu es, sic probatur, ibi tu es, & ibi est alicubi, ergo alicubi tu es. Eodem modo probanda est indefinita, & parti. & singu. quando prædicatum est participium præteritum, uel futurum. Verbi gratia, Adam est præteritus, sic probatur. Hoc est præteritum, & hoc est uel fuit Adam, ergo Adam est præteritus. Antichristus est est uenturus, sic probatur. Hoc est uenturum, & hoc est, uel erit antichristus, ergo &c. eodem modo probanda est indefinita, & particu. & singul. de subiecto copulato, & disiuncto. Exemplum primi, Sortes, & Plato currunt, sic probatur. Isti currunt, & isti sunt Plato. & Sortes, ergo sortes, & Plato currunt. Exemplum secundi, Hoc uel asinus est asinus, sic probatur, hoc uel asinus, est asinus, & hoc est homo, ergo homo, uel asinus, est asinus. Constat igitur tibi quomodo resoluibiliter probanda est indefinita, & partic. & sing. siue sit simplex categorica, siue ampliatiua &c.

Et aduerte, quòd ex hoc modo probandi manifestatur ueritas multarum propositionum. ampliatiuarū, quæ primo aspectu uidetur omnino falsæ, inter quas istæ sunt præcipuæ. Prima, senex erit puer, probatur. Sumo puerum decem annorum, qui uiuat per septuaginta annos, & qui in duodecimo anno adhuc erit puer, & arguitur sic, Hoc erit puer, quia in duodecimo anno adhuc erit puer, & hoc est uel erit senex, & secunda pars est uera, quia in septuagesimo anno erit senex, ergo senex erit puer.

Secunda, puer fuit senex, probatur. Sumo senem centum annorum, qui cum esset septuaginta annorum, etiam erat senex, & cum esset decem annorum, erat puer, & arguitur sic, hoc fuit senex, quia cum nunc sit centum annorum, existens septuaginta annorum fuit senex, & hoc est uel fuit puer, & secunda pars est uera, quoniam cum esset decem annorum, erat puer, ergo puer fuit senex.

Tertia, candela lucens est extincta, probatur. Sumo candelam prius lucentem, nunc autem extinctam, & arguitur sic, hoc est extinctum. & hoc est uel fuit candela lucens, & secunda pars est uera, ergo candela lucens est extincta.

Quarta, uiuum est mortuum, probatur. Sumo mortuū

TRACTATVS DECIMVS

puta Adam, qui aliquando fuit uiuus, & arguitur sic, hoc est mortuum, demonstrando Adam, & hoc est, uel fuit uiuum, & secunda pars est uera, ergo uiuum est mortuum.

Multas consimiles inuenies in libris terministarum, quas tu quæres ad libitum, nec intendo hic tempus conterere, quoniam huiusmodi ampliationes, & similes probationes parum perficiunt intellectum quærentem rei ueritatem, per ueram, & essentialem probationem propositionis probandæ. Sed magis detinent intellectum in captiunculis inuilibus.

De propositione exponibili.

CAP. III.

IN cap. tertio agendum est de probatione propositionum & terminorum per modum exponibilem, siue per expositionem, & hic tra agenda sunt, Primo, declarandū est, in quo sensu hic sumitur expositio, secundo, quæ & quot propositiones. Similiter, qui & quot termini, per expositionem probandi sunt. Tertio, descendemus ad particulares propositiones, & terminos, ostendentes quomodo exponibiliter probantur.

Quantum ad primum aduerte, quòd expositio proprie sumitur pro positione ad extra, alicuius rei prius latentis,

Vnde dicitur exponi pecunia, quæ prius latebat in cassa, uel bursa, quando expenditur. Per similitudinem, ergo dicitur expositio, quando aliqua sententia, uel propositio, uel terminus, per aliquid magis notum declaratur, & in hoc sensu sumitur hic expositio, & ab expositione denominatur propositio exponibilis. Huiusmodi autem expositio propositionis fit per duas propositiones. Quarum prima dicitur præiacens, & secunda dicitur uniuersalis nega. sibi correspondens. Et ex his duabus infertur propositio exponenda, siue exponibilis. Verbi gratia, Hæc uniuersalis affirmatiua. Omnis homo est risibilis; sic probatur exponibiliter apud Logicum, Homo est risibilis, & nihil est homo, quin illud sit risibile, ergo omnis homo est risibilis. Quantum ad secundū aduerte, quòd genera propositionum probantur exponibiliter, scilicet.

Vniuersalis affirmatiua, quocunque modo fiat.

Vniuersalis autem negatiua nō exponitur, sed alio modo

do probatur, ut dicemus.

Exceptiua, affirmatiua, & negatiua.

Exclusiua, affirmatiua, & negatiua.

Reduplicatiua, affirmatiua.

Termini autem probandi exponibiliter sunt isti.

Immediatè.

Necessario.

Contingenter.

Ab æterno.

Semper.

Totus totum.

Infinitum.

Incipit.

Definit.

Differt.

Gradus positivus.

Gradus comparativus.

Gradus superlativus.

Isti sunt termini exponendi, siue exponibiliter probandi, de quibus sigillatim pertractabimus infra.

Quantum ad tertium, incipiendum est ab uniuersali affirmatiua, secundo loco agemus de exceptiua, tertio loco de exclusiua, quarto loco de reduplicatiua.

Vt autem habeas uniuersalem notitiam exponibiliter, probandi uniuersalem affirmatiuam, aduerte quod potest fieri quatuor modis.

Primo in recto tam in singulari, quàm in plurali.

Secundo, per uerbum ampliatiuum.

Tertiò, per participium uerbi ampliatiui.

Quarto, per subiectum compositum.

Si fiat in recto, & non per uerbum ampliatiuum tam in singulari, quàm in plurali, debet exponi per duas exponentes, scilicet per suam præiacentem, & per uniuersalem negatiuam, in qua ponitur hæc dictio, quin, inter subiectum, & prædicatum, & ei subiungitur pronomen relatiuum, ille, illa, illud, ut hic, Omnis homo currit, si exponitur. Homo currit, & nullus est homo quin ille currat, ergo omnis homo currit, in plurali sic, Omnes homines currunt,

TRACTATUS DECIMVS

Homines currunt, & nulli sunt homines, quin illi currant, ergo omnes homines currunt. Consimili modo exponatur, si fiat in obliquo excepto, quod in exponente uniuersali negatiua, ponetur semper in recto subiectum exponendæ, & relatiuum in consimili obliquo cum obliquo exponendæ tã in singulari, quàm in plurali. In singulari, ut hic. Cuiuslibet hominis asinus currit, sic exponitur, hominis asinus currit, & nullus est homo, quin illius asinus currat, ergo cuiuslibet hominis asinus currit. In pluraliter ut hic, Omnium contradictoriorum altera pars est uera, altera falsa, exponitur sic. Contradictoriorum altera pars est uera, altera falsa, & nulla sunt contradictoria, quin illorum altera pars sit uera, & altera falsa, ergo omnium contradictoriorum altera pars est uera, altera falsa.

Si fiat uniuersalis affirmatiua per uerbum ampliatiuũ, eodem modo exponenda est, excepto quod in uniuersali negatiua exponente, uerbum sumetur disiunctum. Verbi gratia, Omnis homo morietur, sic exponitur, Homo morietur, & nullus est uel erit homo, quin ille morietur, ergo omnis homo morietur: eodem modo exponetur, si fiat in plurali, si fiat in obliquo. Exerce te ipsum in exemplis.

Si fiat per participium uerbi ampliatiui, eodem penitus modo exponenda est. Verbi gratia, Omnis homo est præteritus, sic exponitur, homo est præteritus, & nullus est uel fuit homo, quin sit præteritus, ergo omnis homo est præteritus. Item omnis homo est generandus: homo est generandus, & nullus est, uel erit homo, quin ille sit generandus, ergo omnis homo est generandus.

Si fiat de subiecto composito, puta de subiecto disiuncto: potest dupliciter exponi, secundum quod subiectum potest esse totum disiunctum, uel solum prima pars disiuncti, si primo modo sic exponitur, Omnis homo, uel asinus, est asinus, homo, uel asinus est asinus, & nihil est homo, uel asinus, quin illud sit asinus, ergo omnis, homo uel asinus est asinus. Si secundo modo, sic exponitur, Omnis homo uel asinus est asinus, homo uel asinus est asinus, & nihil est homo quin illud, uel asinus sit asinus, ergo oĩs homo, uel asinus est asinus, & hic secundus modus exponendi

di est melior quoniam in primo uniuersalis negatiua exponens est falsa, in secundo autem est uera, & ideo exponenda est secundo modo.

Constat igitur tibi, quomodo omnis propositio uniuersalis affirmatiua, quocunque modo fiat probanda est exponibiliter. Et aduerte, quòd ex hoc modo probandi, terministæ soluant multas propositiones, quæ primo aspectu uidentur falsæ. Sicut sunt istæ, Omne quod fuit, est. Omne quod erit, est. Oñ quod pōt esse, est. Omne quod non erit, est. Omne quod non potuit nec poterit esse, est. Quomodo autem soluentur, uidetur in tractatu Pauli Veneri de probationibus terminorum. Nam quia huiusmodi parum nobis deseruiunt in acquisitione scientiarum realium, non est in eis immorandum.

Reliquum est dicendum de uniuersali negatiua quocunque modo fiat, quomodo probanda est, an exponibiliter, an alio modo.

Aduerte igitur, quòd apud Logicos non probatur exponibiliter, sed aut per inductionem, aut per suum oppositum cōtradietorium, per inductionem sic, Nullus homo est asinus. Nec iste homo est asinus, nec iste, nec iste, nec iste, & sic de singulis, ergo nullus homo est asinus. Per oppositum cōtradietorium sic, Hæc est falsa, aliquis homo est asinus, quia non inuenitur suppositum de quo uerificetur ergo ista est uera. Nullus homo est asinus. Contraria patet, quia istæ duæ sunt cōtradietoriæ, aliquis homo est asinus. Nullus homo est asinus, & in omni materia, ut docuimus in tractatu tertio, necesse est unam esse ueram, & alteram falsam. Cum igitur hæc sit falsa, ut ad sensum patet, aliquis homo est asinus, ista erit uera. Nullus hō est asinus. Hæc de probatione uniuersalis affirmatiuæ, & uniuersalis negatiuæ modo logico, dictum sit.

Secundo loco agendum est de probatione exponibiliter propositionis exceptiuæ tam affirmatiuæ, quàm negatiuæ. Pro cuius notitia tria agēda sunt. Primo quæ, & quot sint dictiones facientes exceptiuam. Secundò, quoruplex sit exceptiua. Tertiò, quomodo probāda est apud Logicū.

Quantum ad primū aduerte, quod dictiones facientes

TRACTATUS DECIMVS

exceptiuam sunt istæ, præter, siue, præterquam, & nisi, differenter tamen constituunt eam, quoniam, præter & præterquam constituunt tam affirmatiuam, quam negatiuam. Nam hæc est uera, & congrua exceptiua. Omnis homo præter Sortem currit, & hæc, Omne animal præter hominē est irrationale, & hæc, nullus homo, præterquam Christianus saluatur. Hæc autem dictio nisi, nō constituit proprie loquendo exceptiuam affirmatiuam, sed tantum negatiuam. Non enim congrue dicimus, Omnis homo nisi Sortes currit. Sed negatiuē sic, nullus homo nisi Sortes currit.

Sed aduerte, quod hæc dictio, Præter, non in omni sensu constituit exceptiuam. Similiter nec nisi. Nam Præter, solet sumi quatuor modis. Primo, sumitur pro sine, ut Rex potest regere Populum præter auxilium alterius, id est sine auxilio alterius. Secūdo, sumitur per additionem, Ut me oportet soluere mercatori decem ducatos præter solutos, id est ultra uel supra solutos. Tertio sumitur per remotionem alicuius partis a toto, ut quādo dicimus, quatuor præter unum, id est extracto uno, remanent tria, sumitur exceptiuē, ut quando a consortio prædicati excipitur aliqua pars subiectiua alicuius communis. Verbi gratia, Omnes homines præter Christianos sunt infideles. Et solum in hoc quarto sensu, constituit propositionem exceptiuam. Dicitur enim exceptiua, quando capitur pars extra totum, quæ non participat cum toto respectu alicuius prædicari.

Hæc dictio, nisi solet sumi dupliciter. Primò conditionaliter, & æquipollet huic, si non, ut quando dicimus, nisi dominus custodierit ciuitatem, id est, si dominus nō custodierit ciuitatem, frustra uigilat, &c. Secūdo, sumitur exceptiuē, ut quando dicimus, Omnis homo nisi Christus peccauit, id est excepto Christo, & tamen si aduertis magis proprie dicitur, Omnis homo præter Christum peccauit. Diximus enim suprā, quod nisi exceptiuē sumptum, non constituit congruē loquendo, nisi exceptiuam negatiuam, ut hic, Non est inuentus fidelis patriæ nisi Marcus Cato, id est nullus præter Marcum Catonem.

Quantum ad secundum aduerte, quod exceptiua est duplex,

plex, scilicet propria & impropria. Propria habet duas conditiones, & unam proprietatem. Prima quidem conditio est, quòd subiectum, a quo fit exceptio, supponat distributiue, ut, Omne animal præter hominem est irrationale, ly animal distribuitur, a quo excipitur homo. Secunda est, quòd pars extra capta, signetur per terminum minus communem, quàm illud, a quo excipitur, ut, omnis homo præter Aethiopem est albus.

Quòd si illud, a quo fit exceptio, non supponat distributiue, nec signetur pars extra capta. termino minus communi erit impropria, ut hic, Homo præter Sortem siue aliquis homo præter Sortem currit. nam ly homo, & aliquis homo stat determinate, & non distributiue, & hic, Homo præter hominem currit. nam pars extra capta, est æque communis sicut subiectum, a quo excipitur, & idè utraque est impropria.

Proprietas autem exceptiue propriæ, modo sit negatiua, est hæc, quòd conuertitur cum exclusiua, siue æquipollet exclusiue, affirmatiue, dummodo subiectum exclusiue sit pars extra capta, & prædicatum sit quid compositum ex subiecto & prædicato exceptiue, sic præcise supponente. nam bene sequitur, nullus homo præter Sortem currit: ergo tantum Sortes est homo currens. Dicitur. & prædicatum sit quid compositum ex subiecto & prædicato exceptiue, aliter non sequitur, ut hic, nullum animal, præter hominem, intelligit, ergo tantum homo intelligit, antecedens enim est uerum, sed consequens falsum. Sed dicatur sic, ergo tantum homo est animal intelligens. Dicitur, sic præcise supponente, quoniam si in exclusiua magis amplè supponeret, quàm in exceptiua, consequentia non ualeret, ut hic, nullus homo præter Sortem currit, ergo tantum Sortes est homo currens. non ualet, quoniam in exceptiua homo supponit pro masculis solum, in exclusiua autem, supponit pro masculis, & fœminis. Vt ergo in utraq; eodem modo supponat, fiat sic exclusiua, ergo tantum Sortes est aliquis homo currens.

Quantum ad tertium aduerte, quòd exceptiua propria affirmatiua probatur per duas exponentes, in quarum pri

ma remouetur prædicatū a parte extra capta, & in secunda affirmatur prædicatū uniuersaliter de subiecto exceptiue sumpto cum parte extra capta infinitata, uel negata, ut hic, Omnis homo præter Sortem currit. Sortes non currit, & omnis homo non Sortes, uel qui non est Sortes currit, ergo omnis homo præter Sortem currit.

Exceptiua autem propria negatiua probatur per duas exponentes, in quarum prima prædicatū exceptiue affirmatur de parte extra capta, & negatur uniuersaliter in secunda de subiecto exceptiue sumpto cum parte extra capta infinitata uel negata, ut hic, Nullum animal præter hominem est rationale, Homo est rationalis, & nullum animal, non homo, uel quod non est homo, est rationale, ergo nullum animal præter hominem est rationale. Constat igitur quomodo exponibiliter probanda est exceptiua propria tam affirmatiua, quàm negatiua.

De conclusionibus quas inferunt terministæ ex prædicto modo probandi, uide tu ad placitum in Paulo in tract. de probationibus terminorum.

Tertio loco agendum est de probatione exclusiuarum, & hic tria agenda sunt. Primò, quæ & quot sint dictiones, per quas fit exclusiua. Secundò, quot modis fit exclusiua. Tertio, quomodo probatur singulas species exclusiue.

Quantum ad primum aduerte, quòd dictiones constituentes propositionem exclusiuam, sunt istæ, Solum, Solummodo, Præcise, & Tantum. Sed aduerte, quod ly tantum, dupliciter sumi, consuevit in uia Peripatetica scilicet relatiue, & exceptiue. Relatiue quidem, ut quando dicimus, tantum scio, quantum tu, tantum debeo tibi, quantum tu mihi. Exclusiue autem, ut quando dicimus, Tantum iustus saluabitur. Tantum necessaria uictui uolo. In secundo sensu, & non in primo constituit propositionem exclusiuam.

Quantum ad secundum aduerte, quòd cōmuniter apud Logicos assignatur triplex exclusiua, scilicet exclusiua primi ordinis, exclusiua secundi ordinis, Exclusiua tertii ordinis, & hos quidem ordines facit dictio exclusiua, secundū quod diuersimode situatur in propositione.

Exclusiua

Exclusiua primi ordinis constituitur per dictionem exclusiuam præpositam subiecto, & potest fieri affirmatiua & negatiua. Affirmatiua, ut hic, *Tantum homo est rationalis.* negatiua, ut hic, *non tantum homo est bipes.*

Sed aduerte, quòd exclusiua primi ordinis tam affirmatiua, quàm negatiua potest fieri duobus modis. Primo, per simplicem siue solam dictionem exclusiuam, quam nulla dictio probabilis præcedit, ut hic, *Tantum homo currit,* *Non tantum homo currit.* Secundo, per dictionem probabilem præcedentem dictionem exclusiuam, ut hic, *Necessariò tantum homo est rationalis.* *Non necessariò tantum homo est rationalis.*

Item aduerte, quòd exclusiua primi ordinis, sconuertitur cum uniuersali affirmatiua de terminis transpositis, ita quòd ab una ad aliam est bona consequentia, ut docuimus in tractatu de consequentiis. & si una est uera, altera similiter, ut hic, *Tantum homo est rationalis,* ergo omne rationale est homo. Et si una est falsa, altera similiter, ut hic, *Tantum homo est animal,* ergo omne animal est homo. Constat igitur tibi, quæ sit exclusiua primi ordinis, & quot modis fiat, & cui æquipolleat.

Exclusiua secundi ordinis constituitur per dictionem exclusiuam mediantem inter subiectum, & prædicatum, siue præcedat copulam, siue subsequatur. Exemplum primi, *Homo tantum est animal.* Exemplum secundi, *Homo est tantum creatura.*

Et potest fieri duobus modis, sicut exclusiua primi ordinis. Primo modo sic, *Homo tantum est risibilis.* Secundo sic, *omnis homo tantum est risibilis.*

Exclusiua tertii ordinis constituitur, per dictionem exclusiuam mediantem inter partes prædicati, ut hic, *Sortes est habens tantum unam uestem,* & potest fieri duobus modis, sicut ea, quæ est primi, & secundi ordinis. Primo modo sic, *Sortes est comedens tantum,* siue solummodo panem. Secundo modo sic, aliqua propositio significat præcise sicut est.

Quantum ad tertium aduerte, quòd exclusiua affirmatiua primi ordinis, probatur per duas exponentes: quarum
prima

TRACTATUS DECIMVS

prima est sua præiacens, & secunda est uniuersalis negatiua de subiecto exclusiue infinitato uel negato, ut hic, *Tantum homo est rationalis, & nihil non homo, uel nihil quod non est homo, est rationale, ergo tantum homo est rationalis.*

Exclusiua autem affirmatiua primi ordinis, quæ sit per dictionem probabilem præcedentem notam exclusionis, non probatur ratione dictionis exclusiue, sed ratione dictionis præcedentis. Verbi gratia, *Necessario tantum homo est homo, sic probatur, Tantum homo est homo, & nõ potest aliter esse, quin tantum homo sit homo, ergo necessario tantum homo est homo.*

Exclusiua autem secundi ordinis affirmatiua probatur sic, *Homo est tantum homo, homo est homo, & homo nõ est non homo, ergo homo est tantum homo.*

Exclusiua autem secundi ordinis facta secundo modo supradicto non probatur ratione dictionis exclusiue, sed ratione dictionis præcedentis. Verbi gratia, *Omnis homo tantum est rationalis. Sic probatur, homo tantum est rationalis, & nihil est homo, quin illud sit rationale, ergo omnis homo tantum est rationalis, & sic exponitur ut uniuersalis affirmatiua ratione ly Omnis.*

Exclusiua autem tertii ordinis affirmatiua, sic exponitur. Verbi gratia, *Sortes est animal tantum bipes, probatur sic, Sortes est animal bipes, & Sortes non est animal non bipes, uel non est animal, quod non sit bipes, ergo Sortes est animal tantum bipes. Et aduerte, ut infinitatio, siue negatio semper cadat super eundem terminum, super quem cadit dictio exclusiua.*

Exclusiua uerò tertii ordinis affirmatiua, facta secundo modo supradicto, cum sit particularis affirmatiua, ut hic, *Aliqua propositio quæ significat præcisè sicut est, non exponibiliter sed resolubiliter, probanda est, & sic, hoc significat præcisè sicut est, & hoc est aliqua propositio, ergo aliqua propositio significat præcisè, sicut est. Constat igitur tibi, quomodo exclusiue affirmatiue trium ordinum primo, & secundo modo factæ probari debeant modo Logico.*

Negatiua

Negatiua autem exclusiua primi ordinis fit duobus modis. Primo, quando præponitur negatio dictioni exclusiue, ut hic, non tantum homo est animal. Secundo, quando postponitur, ita tamē quod procedit copulam, ut hic, Tantum homo non currit. Primo modo probatur sic exponibiliter, Homo currit, & aliud ab homine currit puta asinus, ergo non tantum homo currit. Secundo modo probatur sic, Tantum homo non currit, homo non currit, & quodlibet non homo, uel omne animal, quod non est homo, currit, ergo tantum homo non currit.

negatiua exclusiua secundi ordinis fit, quando dictio exclusiua subsequitur subiectum, & negatio subsequitur eam, & præcedit copulam, ut hic, Sortes tantum non est defensans patriā, quæ æquipollet huic, Sortes solus non est defensans patriam, & probatur sic, Sortes non est defensans patriam, & Sortes est quilibet nō defensans patriam, ergo Sortes tantum non est defensans patriam.

negatiua exclusiua tertij ordinis, non est exponibiliter probabilis, quia negatio non præcedit copulam, sed subsequitur, & ideo habet rationem potius infinitantis, quā negantis terminum cui apponitur. Vnde non fit negatiua, sed affirmatiua, ut hic, Sortes est non tantum disputans, neque enim fit negatiua, nisi negatio cadat supra copulam, ut docuimus in tracta. tertio, & propterea est probanda resoluibiliter, ut, Sortes est non tantum disputans. Hoc est non tantum disputans, & hoc est Sortes, ergo Sortes est non tantum disputans. Constat igitur tibi, quomodo probanda est exclusiua negatiua, primi & secundi ordinis, & quomodo ea quæ est tertij ordinis, licet non sit uerè negatiua, ut docuimus.

De conclusionibus, quas eliciunt, & probant terminis esse ueras ex prædictis regulis probatiuis exclusiuarum, Vide tu ad placitum in Paulo in tract. de probationibus termino.

Quarto loco agendum est de reduplicatiuis, & hic tria agenda sunt. Primò, quæ sint dictiones ex quibus fit propositio reduplicatiua, & in quo sensu faciunt illam. Secundò, quo modo probanda est reduplicatiua, affir-

TRACTATVS DECIMVS

affirmatiua . Tertiò , quomodo probanda reduplicatiua affirmatiua .

Quantum ad primum aduerte, quòd dictiones constituentes reduplicatiuam sunt istæ, In quantum, Secūdum quod, Prout & sumūtur dupliciter . Primò, specificatiuè, ut quando dicimus, Sortes inquantū hæres Platonis, debet mihi centum. secundò reduplicatiuè, ut quando dicimus, Homo inquantū animal, est sensitiuus. Primò modo propositio constituta non est probāda exponibiliter, sed descriptibiliter. Verbi gratia, sortes in quantum hæres, debet mihi centum, sic probatur, sortes ea ratione, qua est hæres, debet mihi centum, ergo in quantum hæres, debet mihi centum. secundò modo facit ueram reduplicatiuam de qua hic intendimus ostendere quomodo probanda sit,

Quantum ad secūdum aduerte, quòd reduplicatiua affirm. probanda est exponibiliter per tres exponētes, duas quidem absolutas & tertiam conditionatam . In quarum prima prædicatur affirmatiuè terminus reduplicatiuus de subiecto. In secunda prædicatur prædicatum reduplicatiuæ propositionis de eodem subiecto. In tertia autem prædicatur idem prædicatum conditionaliter de termino reduplicato per terminum transcendentem, scilicet, per aliquid, quod connumeratur inter sex transcendētia, quæ sunt hæc. ens unum, uerum bonum, aliquid, & res. Verbi gratia, Papa in quantum pontifex est primus sacerdos, sic exponitur, Papa est pōtifex, & Papa est primus sacerdos, & si aliquid est pontifex, illud est primus sacerdos, ergo Papa in quantum pōtifex, est primus sacerdos . Eodem modo exponitur uniuersalis affirmatiua reduplicatiua & indefinita. Verbi gratia, Omnis homo in quantum animal est sensitiuus, sic exponitur, Homo est animal, homo est sensitiuus, & si aliquid est animal, illud est sensitiuum, ergo omnis homo in quantum animal, est sensitiuus. Eodem modo tu expones istam. Homo in quantum est rationalis, syllogizat. Constat igitur tibi, quomodo probanda sit reduplicatiua affirmatiua, siue sit singularis de termino discreto, siue uniuersalis, siue indefinita .

Quantum ad tertium aduerte, quòd reduplicatiua negatiua

gatiua fit duobus modis. Primo, quando negatio præcedit dictionem reduplicatiuam, ut hic, Sortes non in quantum homo est iniustus. Secundo, quando negatio subsequitur dictionem reduplicatiuam, ut hic, Homo, in quantum homo non est angelus. Quando negatio præcedit dictionem reduplicatiuam, non est probanda propositio exponibiliter, sed per suum oppositum contradictorium. Verbi gratia, homo non in quantum homo est iniustus, sic probatur, sua contradictoria est falsa, scilicet, homo in quantum homo est iniustus, quoniam si in quantum homo, est iniustus, ergo oīs hō esset iniustus, per regulā generālē, qua dicitur, quod conuenit alicui tali in quantum tale cōuenit omni tali. Ergo si conuenit homini, in quantum homo, esse iniustum, omnis homo est iniustus, quod est manifestè falsum. Quādo autem negatio subsequitur dictionem reduplicatiuam, exponitur sicut affirmatiua, ut hic, Sortes in quantum homo, nō est asinus. Sortes est homo, & Sortes non est asinus, & si aliquid est homo, illud non est asinus, ergo Sortes in quantum homo, non est asinus. Constat igitur tibi, quomodo probanda est exponibiliter, propositio reduplicatiua affirm. & nega.

Conclusiones, quas terministæ inferunt ex hoc modo probandi, uide in Paulo, in tractatus de probationibus terminorum.

Postquam docuimus quomodo propositio uniuersalis affirmatiua, & exceptiua, & exclusiua, & reduplicatiua probādx sunt exponibiliter, superest proseguere de probatione terminorum, quos in principio huius capitis numerauimus, & incipiemus à termino positiuo sumpto comparabiliter, ut quando dicimus, Ergo sum ita siue æquē fortis, sicut Hector. Tu igitur aduerte, quod positiuū sumptū comparabiliter per hanc dictionem, ita, uel æquē, debet exponi per tres exponentes. Per duas quidem, ambo extrema ad inuicem comparata conueniunt, & per tertiam negatiuam, ex negatione sui cōparatiui. Verbi gratia, Ego sū ita fortis sicut aliquis hō mūdi, sic exponitur, ego sum fortis, & aliquis homo mundi est fortis, & nō aliquis homo mundi est fortior me, ergo ego sum ita fortis, sicut aliquis

do,quādo minus significat quāam suum positium, ut quādo dicimus. Socrates est subtristior, uel subalbior, id est parum tristis, uel parum albus. Tertio, quando significat oppositum, & tunc fit comparatio quasi ironica, ut quando dicimus, fel est dulcius absynthio, uel aloë. De gradu comparatiuo improprie sumpto non intendimus hic. Spectat enim ad Grammaticum, & Rhetorem: Gradus autem proprie comparatiuus sumitur, quādo significat magis, quāam suus posituus, aut minus, & participatur ab utroque extremo, & fit tribus modis. Primo, per nomen comparatiuum, ut fortior. Secundo per nomen posituum, cum magis, ut Sortes est magis sapiens, quāam Plato. Tertio, per nomen posituum cum minus, ut Sortes est minus diues, quāam Plato. hic igitur intendimus declarare. quomodo gradus comparatiuus proprie sumptus in triplici modo prædicto probandus est exponibiliter.

Tu igitur aduerte, quod per tres exponentes probāndus est. Per duas quidem, in quibus ambo comparationis extrema conueniunt, & per tertiam, in qua secundum extremum negatur a primo per positium cōparabiliter sumptum, cum nota æqualitatis, quæ est hæc dictio ita. Verbi gratia, sortes est fortior Platone, sic exponitur, sortes est fortis, & Plato est fortis, & Plato non est ita fortis, sicut sortes, ergo sortes est fortior Platone, & ista, Tu fortior aliquo homine, sic exponitur, Tu es fortis, & aliquis homo est fortis, & non aliquis homo est ita fortis, sicut tu, ergo tu es fortior aliquo homine. Ista autem, Tu es fortior omni homine, sic exponenda est, Tu es fortis, & homo est fortis, & non omnis homo est ita fortis sicut tu, ergo tu es fortior omni homine.

Eodem modo exponendum est positium comparabiliter sumptum, cum magis, ut, ego sum magis sapiens quāam tu. Sic exponitur, ego sum sapiens, & tu es sapiens, & tu non es ita sapiens, sicut ego, ergo ego sum magis sapiens, quāam tu.

Si autem sumatur cū minus, ut hic, Tu es minus fortis, quāam hector, exponitur sic, Tu es fortis, & hector est fortis, & tu non es ita fortis sicut hector, ergo; tu es minus

TRACTATVS DECIMVS

fortis,quàm Hector,Constat igitur tibi,quomodo gradus comparatiuus,& positium comprobabiliter sumptum cū magis,aut minus,exponi debeant.

Conclusiones quas inferunt terministæ, ex hoc modo probandi uide in Paulo in tractatu de probationibus terminorum.

Superlatiuus gradus,sive terminus.ut sapientissimus,dupliciter accipi potest,scilicet absolute,& in genere. Absolute quidem sumitur,quando in positione post terminum superlatiuum nil aliud sequitur,ut quando dicimus,Deus est optimus. Deus est sapientissimus. In genere sumitur,quando post terminum superlatiuū sequitur aliud, ut quādo post terminum dicimus, Hector est fortissimus Troianorum.

Item terminus superlatiuus sumptus in genere, siue ut dicunt alii sumptus respectiuè,dupliciter potest accipi,scilicet positiuè,& negatiuè. Positiue quidem sumitur,quando per excessum aliorum sumitur,& tunc conuenit uni soli,& uerificatur illud, Quod per superabundantiam dicitur,uni soli conuenit,& in hoc sensu, hæc intelligēda est, socrates est sapientissimus hominū, ut tibi manifestabitur in propositione sua. Negatiue autem sumitur,non per excessum aliorum, sed quia non exceditur ab aliis, & in hoc sensu, gradus superlatiuus potest conuenire multis. Puta non inconuenit,quòd inter Romanos sint decem fortissimi,quia non dantur fortiores illis.

His præmissis aduerte, quòd alio modo exponitur gradus superlatiuus absolute sumptus, & alio modo respectiuè,positiue,& alio modo respectiue.

Absolute sumptus exponitur per duas exponentes, ut hic,Deus est potentiss. Sic exponitur,Deus est potens, & nihil est,nec potest esse potentius, nec æque potens in tota latitudine entium,sicut Deus,ergo Deus est potentissimus,& aduerte, quòd apud Aristotelem superlatiuus absolute sumptus, dicitur per hyperbolen, & est proprietas diuina,ut tibi declarabitur in prima philosophia.

Respectiue,positiue sumptus,exponitur per tres exponentes,ut hic, Hector est fortissimus Troianorū,sic exponitur

nitur, Hector est fortis. Troiani sunt fortes, & nullus ex Troianis est ita fortis sicut Hector est fortis, ergo Hector est fortissimus Troianorum.

Respectiue, negatiue sumptus exponitur per tres exponentes, ut hic Achilles est fortissimus Græcorum. Sic exponitur, Achilles est fortis, Græci sunt fortes, & nullus Græcorum est fortior Achille, ergo Achilles est fortissimus Græcorum. Et si aduertis, isti duo modi exponendi conveniunt in duabus primis exponentibus, & differunt in tertia. Nam in primo modo tertia fit per negatiuam positiui comparabiliter sumpti per hanc dictionem, ita, siue æquè, sed in secundo modo tertia fit per negatiuam gradus comparatiui, fortissimus omnium.

Eodem modo exponenda est ista, Socrates est fortissimus hominum, positiue, quidem sic, socrates est fortis. Homines sunt fortes, & non omnes homines sunt ita fortes, sicut socrates, ergo socrates est fortissimus omnium hominum. Negatiue autem sic. Sortes est fortis, & homines sunt fortes & non omnis homo est fortior sorte, ergo Sortes est fortissimus omnium hominum. Constat igitur tibi, quibus modis exponendus est gradus superlatiuus tam absolute, quàm respectiue sumptus, positiue, & negatiue.

Cōclusiones quas ex hoc modo probādi inferunt terministæ, uide in Paulo in trac. de proba terminorum.

Differt aliud, & non idem probatur per tres exponentes, quarum duæ sunt affirmatiuæ de secundo adiacente, & tertia est negatiua, in qua negatur prædicatum a subiecto, ut hic, homo differt ab asino, exponitur sic, homo est asinus est, & homo non est asinus, ergo homo differt ab asino, ergo homo est aliud ab asino, ergo homo non est idem cum asino.

Ista autē, Sortes differt ab omni homine, sic exponitur, Sortes homo est, & Sortes non est oīs homo, ergo Sortes differt, & est aliud, & non idem cum omni homine.

Hæc autem de præterito, Sortes fuit aliud a Platone, sic exponitur, Sor. fuit, & Plato fuit, quando sor. fuit, & Sor. non fuit Plato, ergo sor. fuit aliud a Platone.

TRACTATUS DECIMVS

Hæc uero de futuro, Sortes differt ab antichristo, sic exponitur. Sortes erit, & Antichristus erit, quando Sortes erit, & Sortes non erit Antichristus, ergo Sortes differt ab Antichristo, & per consequens erit aliud ab antichristo, & non idem cum antichristo. Constat igitur tibi, quomodo isti ter. Differt, Aliud, non idem exponendi sunt.

Sed aduerte, quod differt potest dupliciter sumi, scilicet positivè, & negativè. Positivè quidem sumitur, quando extrema, quæ differunt, possunt esse in eodem tempore, ut sorte existente in eodem tempore, in quo exultat Plato, dicimus, quod Sortes differt a Platone. Negativè autem sumitur, quia negat unum extremum ab alio, dato quod utrunque extremum non existat in eodem tempore, in quo seipsum concedimus, quod Sortes senex differt a seipso puero, licet non sit amplius puer. Hæc enim negatiua est uera, Sortes senex non est ipsemet puer, ergo differt a seipso puero. Quando igitur tenetur positivè, exponitur per tres exponentes, ut docuimus, quando autem tenetur negativè, probatur ut diximus.

Item aduerte, quod aliud, & non idem, substantivè, siue in neutro generis, importat distinctionem essentialē. Sed in masculino generis, siue adiectivè importat distinctionem non essentialē, sed personalem, siue suppositalem. Vnde ut tibi declarabitur in sacra Theologia conceditur, quod pater non est aliud a filio, sed alius, & conceditur, quod est alia persona, & aliud suppositum a persona, & supposito filii, &c.

Conclusiones, quas terminitæ inferunt de ly differt ex prædicto modo probandi, quando tenetur positivè, uide ex Pau. in trac. da proba. ter.

De hoc termino immediatè uidendū est, quomodo eius propositio, quā ingreditur, exponenda sit. Tu igitur aduerte, quod hic terminus immediate dupliciter sumi in doctrina Peripatetica consuevit. Primò, ut est nomen, scilicet immediatus, immediata, immediatum, & plurale est, immediati, immediatæ, immediata. Secundo, ut est adverbium. In primo sensu significat rem sine medio. In secundo sensu importat statim. Iuxta primum sensum dicemus, quod in continuo partes sunt immediatæ, quoniam inter

continuo partes sunt immediatæ, quoniam inter eas non cadit, medium neque eiusdem neque alterius generis, sed copulantur ad unum terminum communem, per oppositum, quæ consequenter se habent, ut digiti in manu, non dicuntur immediata, quoniam inter eâ cadit medium saltem alterius generis, ut aqua & aer, uel aliud, ut tibi declarabitur in quinto libro Physicorum, & in secundo de anima. Sed pro nunc sultine. Iuxta secundum sensum importat negationem interpositionis alicuius instantis aut temporis, ut tibi declarabitur in exponendo.

Iuxta primum sensum propositio de immediate, scilicet tento nominaliter, probanda est per consequentiam, cuius antecedens sit cum negatione medij, ut hic, spheræ cœlestes sunt immediata, sic probatur. Inter spherâ & spheram non datur nec est dabile medium, ergo sunt immediata. Sed aduerte, quoniam huiusmodi probatio spectat ad Philosophum naturalem, ideo Logici de hac mentionem non faciunt.

Iuxta autem secundum sensum propositio de immediate, scilicet sumpto adverbialiter, qualiter probanda sit, hic est inuestigandum. Tu igitur aduerte, quod potest esse affirmatiua & negatiua. Si affirmatiua, uel de præterito uel de futuro. Si negatiua, uel negatione postposita, uel negatione præposita ly immediate.

Si est affirmatiua de præterito, probanda est per duas exponentes. Quarum prima est præiacens, & secunda est uniuersalis negatiua sibi correspondens, ut hic. Immedie ante hoc instans, fuit pluuia, sic exponitur, Ante hoc instans fuit pluuia. Et nullum fuit instans ante hoc, quin inter illud & hoc fuerit pluuia, ergo immediate ante hoc instans fuit pluuia.

Similiter probanda est affirmatiua de futuro, ut hic, Immedie post hoc, instans erit bellum, sic exponitur. Post hoc instans erit bellum, & nullum erit instans, post hoc, quin inter illud & hoc erit bellum, ergo immedie post hoc instans erit bellum.

Si est negatiua cum negatione postposita ly immedie, siue de præterito, siue de futuro exponenda est eodem

TRACTATVS DECIMVS

modo, sicut affirmatiua, ut hic. Immediate post hoc instans non erit pax ciuitati, sic exponitur, Post hoc instans non erit pax ciuitati, & nullum erit instans post hoc, quin inter illud, & hoc nō erit pax ciuitati, ergo immediate post hoc instans, non erit pax ciuitati.

De præterito exponenda est eodem modo, ut hic. Immediate ante hoc instans non fuit æstas, sic exponitur. Ante hoc instans non fuit æstas, & nullum fuit instans ante hoc, quin inter hoc, & illud non fuerit æstas, ergo immediate ante hoc instans non fuit æstas.

Si est negatiua negatione præposita ly immediate, non est exponenda, sed per suum oppositum probanda, ut hic, Non immediate post hoc instans tu eris doctus, sic probanda est. Hæc est falsa, immediate post hoc instans tu eris doctus, ergo ista est uera, non immediate post hoc instans tu eris doctus.

Constat igitur tibi quomodo propositio de immediate sumpto aduerbialiter tam affirmatiua, quàm negatiua exponenda est.

Conclusiones, quas terministæ inferunt ex prædicto modo probandi, uide in Paulo in tract. de probationibus terminorum.

De hoc termino necessario, & de suo opposito, scilicet de contingenti, pertractandum est, quomodo scilicet probanda sit propositio, quam ingrediuntur. Tu igitur aduerte, quòd ut docuimus in trac. tercio agentes de modalibus possunt sumi nominaliter, & aduerbialiter. Exemplum de primo, Deum esse est necessarium, Rosam esse est contingens. Exemplum de secundo, Necessariò cælum mouetur, Contingenter homo currit. Hic non est considerandum de eis, nisi aduerbialiter, quoniam ut sic faciunt propositionem exponibilem. Si autem sumantur nominaliter faciunt propositionem officibilem, ut tibi declarabitur infra.

Item aduerte, quòd aduerbialiter sumpta aliquando constituunt propositionem affirmatiuam, aliquando negatiuam. Si negatiuam dupliciter, qui aut per negationem sequentem, aut præcedentem.

Item

Item aduerte, quòd aliquando constituunt propositio-
nem in sensu composito, ut quando totaliter præponun-
tur, ut necessariò Deus est, uel totaliter subsequuntur, ut
homo currit contingenter, aliquando in sensu diuiso, ut
quando mediant inter subiectum & uerbum, ut homo ne-
cessariò est animal, uel mediant inter uerbum & prædica-
tum, ut homo est contingenter currens.

Si fiat propositio affirmatiua tam de necessariò quàm
de contingenter, probanda est per duas exponentes, scili-
cet per primam præiacentem & per secundam qualitates
per oppositas, quoniam si prima est affirmatiua, secunda
est negatiua, & secundum exigentiam uerbi, puta si uerbū
principale propositionis exponendæ est præsentis tempò-
ris uel præteriti uel futuri, eodem modo se habeat in se-
cunda exponente. Verbi gratia de tempore præsentis. Ne-
cessariò cælum mouetur. Exponatur sic, cælum mouetur
& non potest esse quin moueatur, ergo necessariò cælum
mouetur. De tempore præterito, Necessariò fuit diluuiū.

Sic exponatur diluuium fuit, & non potuit esse, quin di-
luuium fuerit, ergo necessariò diluuium fuit. De tempo-
re futuro, Necessariò iudicium erit, exponatur sic. iudi-
cium erit: & non poterit esse quin iudicium erit, ergo ne-
cessariò iudicium erit.

Affirmatiua de contingenter eodem modo exponitur.
Verbi gratia, contingenter Sortes currit. Sic exponatur,
Sortes currit, & potest esse quod non currat, ergo &c. Eo-
dem modo exponatur ista de præterito, Contingenter
Cæsar fuit imperator, & ista de futuro contingente cælum
erit.

Si fiat negatiua cum negatione postposita, sic expona-
tur, Verbi gratia, necessariò uacuum non est. Vacuum non
est, & non potest esse quod uacuum sit, ergo &c. Si fiat de
contingenter, exponatur sic, Contingenter tu non curris.
Tu non curris, & potest esse, quod tu curras, siue tu potes
currere, ergo &c. Eodem modo exponantur de præteri-
to, & de futuro.

Si fiat negatiua cum negatione præposita, non est ex-
ponenda, sed probanda, uel reprobanda per suum contra-

dictoriū. Ver.g.non necessariò Sortes saluatur.Probatur sic,hæc est falsa , necessariò Sortes saluatur , ergo ista est uera,non necessariò Sortes saluatur.Patet consequentia, quoniam cum sint contradictoriæ, oportet unam esse uerā & alteram falsam. De contingenter autem eodem modo probetur. Verbi gratia, Non contingenter cælum mouetur,sic probatur. Hæc est falsa, Contingenter cælū mouetur, ergo ista est uera. Non contingenter cælum mouetur.Patet sequentia,ex lege contradictoriarum.

Si autem fiat propositio affirmatiua uel negatiua negatione præcedente uel subsequente de necessario & contingenter, in sensu composito, probanda est, ut dictum est. Si uerò fiat in sensu diuiso, ut hic, Homo necessariò est animal,homo contingenter currit, probanda est secundū exigentiam termini præcedentis.Verbi gratia,Homo necessariò est animal,cum sit indefinita, resoluenda est hoc modo,Hoc necessariò est animal, & hoc est homo, ergo homo necessariò est animal,prima uerò resoluens, exponenda est hoc modo. Hoc est animal, & non potest esse, quin sit animal, ergo hoc necessariò est animal. Eodem modo probanda est propositio de contingenter facta in sensu diuiso,ut homo contingenter sedet, resoluenda est hoc modo, Hoc contingenter sedet,& hoc est homo, ergo &c.prima uerò exponenda est hoc modo, Hoc sedet, & potest esse,quòd non sedeat,ergo hoc contingenter sedet. Constat igitur tibi,quomodo propositio de necessario & de contingenter tam affirmatiua,quàm negatiua, tã in sensu composito,quàm diuiso,probanda sit.

Conclusiones autem quæ ex his inferuntur,uide in Paulo,in trac.de proba.termi.

De hoc termino ab æterno,est uidendū,quomodo propositio quam ingreditur, probanda sit. Tu igitur aduerte,quòd dupliciter sumi potest,scilicet nominaliter, & est ablatiui casus,& aduerbialiter, & idem est quod æternaliter,in æternum, & perpetuò. Si nominaliter propositio, non est exponenda,sed resoluenda, est enim indefinita uel particularis,ut hic,Ab æterno mundus est creatus,sic resoluitur. Ab hoc mundus est creatus, & hoc est æternum,
per

per ly hoc demonstrando Deum, ergo ab æterno mundus est creatus. Si sumitur aduerbialiter, est idem quod æternaliter, & tunc aut propositio est affirmatiua aut negatiua. Si affirmatiua, est exponenda ut hic, Ab æterno fuit Deus, sic exponitur. Ante aliquod tempus fuit Deus, & nullum tuit tempus, quin ante illud fuerit Deus, ergo &c. De futuro sic exponitur. In æternum erit Deus, post aliquod tempus erit Deus, & nullum erit tempus, quin post illud erit Deus, ergo &c. Si negatiua aut negatio subsequitur, aut præcedit. Si subsequitur, est hoc modo exponenda, In æternum cælum non mouebitur, Aliquo tempore cælum mouebitur, & erit aliquod tempus, post quod non mouebitur, ergo &c. Si autem negatio præcedit, non est exponenda, sed per suum contradictorium probanda, ut hic, Non in perpetuum Deus irascetur. Hæc est fallia, In perpetuum Deus irascetur, ergo hæc est uera, Non in perpetuum Deus irascetur. Pater cōsequētia per legem contradictoriarum.

Constat igitur tibi, quomodo probāda est propositio, in qua ingreditur hic terminus ab æterno siue nominaliter siue aduerbialiter sumatur &c.

Cōclūsiōes, quæ hinc inferūtur, uide in Paulo ubi supra. De hoc termino semper uidendum est, quomodo probanda sit propositio, quam ingreditur. Tu igitur aduerte, quod ly semper conuertitur cum omni tempore, ut idem sit, semper esse & in omni tempore esse. Ly autem semper siue ly omni tempore, dupliciter sumitur scilicet absolute & respectiue. Absolute quidem, quando complectitur omnem temporis differentiam scilicet præteriti, præsentis, & futuri, sicut quādo dicimus, Deus, qui est, fuit & erit, absq; principio & fine. Respectiue autem sumitur, quando pro tota una differentia temporis uerificatur, ut quando dicimus ad mentem Aristote lis, Mundus semper fuit, Generatio semper erit, elementa semper permanent.

Si igitur fiat propositio de semper absolute sumpto, sic exponēda est. Verbi gratia, Deus semper est. Deus aliquo tempore est, & non est, neque fuit, neque erit aliquod tempus, in quo Deus non sit, ergo Deus semper est.

Si

TRACTATUS DECIMVS

Si fiat propositio de semper respectiue sumpto, aut est affirmatiua, aut negatiua. Si affirmatiua sic exponenda est. Semper fuit mundus, aliquo tempore fuit mundus, & non fuit aliquod tempus, in quo non fuerit mundus, ergo semper fuit mundus. De futuro autem sic, Semper erit Sol, uel semper Sol lucebit, uel semper beati uidebunt Deū.

Aliquo tempore erit Sol, & non erit aliquod tempus in quo non erit sol, ergo semper erit sol, eodem modo exponere secundam & tertiam. Si negatiua, aut negatio subsequitur, ly semper respectiue sumptum, aut præcedit. Si subsequitur, sic exponenda est. Verbi gratia, Semper non fuit Aristoteles, aliquo tempore fuit Aristoteles, & fuit aliquod tempus, in quo non fuit Aristoteles, ergo semper, id est omni tempore præterito non fuit Aristoteles. De futuro autem sic exponenda est, semper non erit abundantia. Aliquo tempore erit abundantia, & erit aliquod tempus, in quo non erit abundantia, ergo semper non erit abundantia. Si uero negatio præcedat, non est exponenda, sed per suum oppositum probanda. Verbi gratia, Non semper erit pax, sic probatur. Hæc est falsa, semper erit pax, ergo ista est uera, non semper erit pax, patet consequentia per legem contradictoriarum.

Constat igitur tibi quomodo probanda sit propositio de semper, siue absolute, siue respectiue teneatur, siue affirmatiue, siue negatiue.

Conclusiones quas inferunt terministæ ex hoc modo probandi, uide in Paulo ubi supra.

De hoc termino totus uidendum est, quomodo probanda sit propositio quam ingreditur, Tu igitur aduerte, quod apud Aristotelem dupliciter sumitur. Primò, pro ente completo siue perfecto, in quo sensu dicimus totum esse illud, cui nihil deest, quod spectet ad sui integritatem. Secundò, sumitur pro qualibet parte alicuius totius. In primo sensu dicunt Logici totū syncategorematicè. In secundo autē sensu dicunt totum syncategorematicè. In primo sensu communiter locatur inter subiectum & uerbum, ut hic, nix tota est alba, uel inter uerbum & prædicatum, ut hic, Deus est totus bonus. In secundo autem sensu præ-

cedit

cedit subiectum, ut hic, totus Sortes est minor Sorte, id est quælibet pars Sortis est minor Sorte.

In primo sensu non exponitur, sed sic probatur, Nix est tota alba, nix est perfecte alba, ita quod nullus gradus albedinis sibi deest, ergo est tota alba. eodem modo probanda sunt istæ. Ignis est totus calidus. Deus est totus bonus.

In secundo sensu debet probari exponibiliter hoc modo, tota domus est minor domo. Aliqua pars domus, est minor domo, & nulla est pars domus, quæ non sit minor domo, ergo tota domus est minor domo.

Hoc modo probanda est propositio affirmatiua de toto syncategorematice sumpto. Si autem fiat negatiua negatione præposita, ut hic. Non tota domus est minor domo. Non est exponenda, sed per suam contradictoriam probanda uel improbanda, ut patet hic. Hæc est uera, Tota domus est minor domo, ergo hæc est falsa. Non tota domus est minor domo, Patet consequentia, per legem contradictoriarum. Si uero postponatur negatio, ut hic, Tota domus non est alba, non est exponenda, sed per contradictoriam probanda hoc modo, Hæc est uera, Tota domus est alba, ergo hæc est falsa, Tota domus non est alba. Patet consequentia, per legem contradictoriarum. Nonnulli nolunt quod probetur ut uniuersalis nega. eo quod æquipollet illi. Quomodo autem illa probetur, diximus in capite tertio huius tractatus. Vide tu illic.

Constat igitur tibi, quomodo probanda sit propositio de toto categorematice, & syncategorematice sumpto, siue sit affirmatiua, siue negatiua.

Conclusiones hinc illatas apud terministas, uide ex Paulo ubi supra.

De hoc termino infinito uidendum est, quomodo propositio quam ingreditur, sit probanda. Tu igitur aduerte, quod infinitum apud Logicum dupliciter sumi, scilicet categorematice, & syncategorematice. Categorematice significat ens, quod non habet principium, neque finem, & ponitur in propositione a parte prædicati, ut Deus est infinitus, Motus cæli, & tempus, sunt infinita, supposito quod mundus sit æternus. ad mentem Aristotelis, syncatego-

rematice,

TRACTATUS DECIMVS

rematicè, significat quòd quomodocunque ente dato potest dari maius, uel quibuscunque datis possunt dari plura, & ponitur in principio propositionis, ut infinitum corpus est, infinitum spatium est extra cœlum, infinitum sumptum catego. non facit propositionem exponibilem, sed resoluibilem, ut Deus est infinitus. Hoc est infinitum, & hoc est Deus, ergo Deus est infinitus, sumptum autem syncategorematicè facit propositionem dupliciter probabilem. Primò exponibiliter, ut hic, Infinitum corpus est aliquantum corpus est, & non tantum, quin maius, & maius, & sic in infinitum. Ergo infinitum corpus est, eodem modo exponenda est illa de præterito. Infinitum corpus fuit, & de futuro, infinitum corpus erit. In plurali autem sic exponenda est, infinitæ stellæ sunt. Aliquot stellæ sunt, & non tot, quin plures in infinitum, ergo infinitæ stellæ sunt. eodẽ modo expone istam de præterito, infiniti dies fuerunt, & istam de futuro, infiniti dies erunt, supposita æternitate motus cœli. Secundò, probatur sic, infinitum corpus est, aliquantum corpus est, & duplum ad aliud, & triplum ad aliud, & quadruplum ad illud, & sic in infinitum, ergo infinitum corpus est. in plurali autem sic, infinita sydera sunt. Duo sunt, & tria, & quatuor, & quinque, & sic in infinitum, ergo infinita sydera sunt, uterque istorum modorum usitatus, & ualidus est, licet fortè secundus sit manifestior.

Constat igitur tibi quomodo probanda sit propositio de infinito categoricè, & syncategoricè sumpto.

Conclusiones deductas ex hoc modo probandi, uide in Paulo, ubi suprà, & hæc dicta sint de propositione exponibili.

De propositione officiabili. Cap. IIII.

In capitu. quarto uidendum est, quomodo propositio officiabilis probanda sit, & hic tria agenda sunt. Primò, quid sit. Secundò, quot modis sit. Tertiò, quomodo probatur.

Quantum ad primum aduerte, quòd propositio officiabilis est illa, cuius dictum siue oratio infinitiua determinatur aliquo sex terminorum modalium, uel uerbo
con-

concernente actum mentis. Exemplum primi, necesse est Deum esse. Exemplum secundi, credo Deum esse omnipotentem. Termini enim siue uerba concernentia actum mentis, sunt ista, Scio, Intellego, Credo, Opinor, Imaginor, Volo, Desidero &c.

Sed aduerte, quòd termini modales, & uerba concernentia actum mentis, possunt in duplici sensu facere propositionem, scilicet in sensu composito, & in sensu diuiso. In sensu quidem composito præcedunt, aut subsequuntur orationem infinitiuam, ut hic, necesse est Deum esse, uel sic, Deum esse est necesse, & hic, Scio hominem esse risibilem, uel sic, hominem esse risibilem intellego.

Quantum ad secundum aduerte, quòd propositio officiiabilis in sensu composito potest fieri duobus modis. Primo, per terminum modalem, & uerbum importans actum animæ, ut prædiximus. Secundo, per hos terminos, per se, per accidens, per se primò, per se non primò, ut declarabitur.

Quantum ad tertium aduerte, quòd propositio officiiabilis siue fiat per terminum modalem, siue per uerbum significans actum mentis, siue per hos terminos per se per accidens, per se primò, per se non primò, dummodo fiat in sensu composito sic officienda, idest probanda est.

Necesse est Deum esse, sic Probatur. Hæc propositio est necessaria, Deus est, quæ adæquate significat Deum esse, ergo necesse est Deum esse.

Scio hominem esse immortalem secundum animam, sic probatur. Hæc propositio est scita à me, Homo est immortalis secundum animam, quæ adæquate significat hominem esse immortalem secundum animam, ergo scio hominem esse immortalem secundum animam, ergo scio

Per se primò homo est risibilis, probatur sic. Hæc propositio est per se primò, homo est risibilis, quæ adæquate significat hominem esse risibilem, ergo per se primò homo est risibilis.

Per se nō primò, Sortes est risibilis, sic probatur. Hæc propositio est per se non primò, Sortes est risibilis, quæ adæquate significat Sortem esse risibilem, ergo &c.

Per

TRACTATUS DECIMVS

Per accidens homo currit, sic probatur. Hæc propositio est per accidens, Homo currit, quæ adæquatè significat hominem currere, ergo &c.

Dixi dummodo fiat in sensu composito, quoniam in sensu diuiso non est officianda, sed probanda secundum exigentiã termini præcedentis terminum modalem, aut verbum concernens actum mentis. Verbi gratia, Deum necesse est esse. Hæc est resoluenda hoc modo, hoc necesse est esse, & hoc est Deus, ergo Deum necesse est esse. Hæc autem omnẽ hominẽ possibile est esse albũ, exponenda est, sicut uniuersalis affirmatiua. Exponatur ergo sic, hominem possibile est esse album, & nihil est homo, quin illud possit esse album; ergo omnem hominem possibile est esse album.

Constat igitur tibi, quid sit propositio officiabilis, & quotuplex sit, & quomodo probanda.

Conclusiones illatas ex hoc modo probandi, uide in Paulo in tract. ne probationibus terminorum.

De propositione descriptibili. Cap. v.

IN hoc cap. agendum est de propositione descriptibili, & hic quatuor agenda. Primò, quomodo sumitur hic descriptio à qua denominatur propositio descriptibilis. Secundo quid sit propositio descriptibilis. Tertio quomodo sit. Quartò quomodo probatur.

Quantum ad primum aduerte, quòd descriptio dupliciter sumitur. Primò, pro oratione, in qua continetur genus, & rei proprietas, ut ista est omnis descriptio. homo est animal risibile, & per ly rei proprietas, differt descriptio à uera diffinitione; quoniam illa datur per genus, & propriam differentiam essentialem, ut homo est animal rationale. Secundo, sumitur pro quadam rei denominatione, nã rem sic uel sic denominare, est eam describere, in hoc loco nõ dicitur propositio descriptibilis à descriptio-
ne primo modo sumpta, sed secundo modo. Nam de descriptione, & descripto siue descriptibili, primo modo facturi sumus in tract. de syllogismo topico, sicut & de diffinitione, & diffinito siue diffinibili.

Quantum ad secundum aduerte, quòd propositio descripti-

scriptibilis sic diffinitur. Propositio descriptibilis est illa, in qua uerbum concernens actum mentis, determinat incomplexum positum in prædicato, dummodo nullus terminus mediatuſ præcedat uerbum concernens actum mentis, ut ista est descriptibilis. Ego cognosco rosam.

Dicitur in complexum positum in prædicato; quoniam si ponitur in subiecto, stat materialiter, & non formaliter, ut rosam cognosco, patrem meum cognosco, & tales propositiones non sunt descriptibiles, sed resolubiles, si cut indefinitæ, aut singulares.

Dicitur, dummodo nullus terminus mediatuſ præcedat &c. quoniam si talis terminus præcedat uerbum concernens actum mentis, talis propositio non est probanda descriptibiliter, sed secundum exigentiam termini immediatæ præcedentis, nam si fiat propositio indefinita uel particula, uel singularis per terminum discretum, resoluenta est, ut hic, homo cognoscit seipsum. aliquis homo cognoscit seipsum, Sortes cognoscit seipsum. Si autem fiat uniuersalis affirmatiua, exponenda est ut hic. Omnis homo desiderat scientiam. Quis autem dicatur terminus mediatuſ, & immediatus, docuimus in primo cap. huius tractatus.

Quantum ad tertium aduerte, quod propositio descriptibilis potest fieri duobus modis. Primo, per terminum incomplexum, cui correspondet complexum, ut intelligo uel cognosco cælum, desidero panem, nolo bellum. Secundo, per terminum incomplexum, cui correspondet complexum, ut scio a conclusionē, scio syllogismum, scio consequentiam, scio inductionem &c. Descriptibilis primo modo, congruē sit per hæc uerba, Intelligo, Cognosco, Desidero, Volo, Nolo: quoniam indifferenter determinatur incomplexum, & complexum ex parte rei. Nam congruē dicimus, cognosco Sortem, & cognosco Sortem esse risibilem. Secundo autem modo sit per hæc uerba. Scio, Credo, Opinor Dubito, nam obiectum eorum est complexum ex parte rei, ut scio hominē esse animal, credo Deum esse omnium creatorem, dubito papam esse Romæ.

Quantum ad quartum aduerte, quod propositio descripti-

scriptibilis tam primo, quàm secundo modo probanda est, ut infra.

Primo modo sic, cognosco Sortem, cognosco aliquid sub ratione qua Sortes, ergo cognosco Sortem. Tu intelligis cælum, tu intelligis aliquid sub ratione, qua cælum, ergo tu intelligis cælum.

Secundo autem modo sic, Scio à, propositionem, scio ad, antequam significatum à propositionis, quòd scio adæquate significari per à, propositionem. Credo hanc propositionem Deus est trinus, & unus. Credo æquatum significatum huius propositionis Deus est trinus, & unus quòd scio adæquate significari per hanc propositionem. Deus est trinus, & unus, ergo &c. Dubito hanc propositionem, scilicet cælum est incorruptibile. Dubito adæquatum significatum huius propositionis, scilicet, Cælum est incorruptibile, quòd scio adæquate significari per hanc propositionem, scilicet cælum est incorruptibile, ergo, &c.

Cõstat igitur, quid sit propositio descriptibilis, & quomodo fit, & quomodo probanda est.

Conclusiones illatas ex hoc modo probandi, uide in Paulo, ubi supra.

De propositione probabili per causas ueritatis.

CAPVT VI.

In hoc capite agendum est de propositionibus, quæ probandæ sunt per causas ueritatis. & hic duo agenda sũt. Primò, quid sit propositio probanda per causas ueritatis. Secundò, quæ sint huiusmodi propositiones. Tertiò quo modo probandæ sint.

Quantum ad primus aduerte, quòd propositio probabilis per causas ueritatis, est illa, cui possunt assignari mltæ causæ disunctiuæ, per quas redditur uera. Verbi gratia, Sortes habet pulsus concitatus. Huius possunt esse plures causæ, puta quia iratus est, quia uelociter ambulauit, quia multum comedit, quia febricitat &c.

Quantum ad secundum aduerte quòd huiusmodi propositiones sunt illæ, quæ constituuntur per hæc uerba incipit, & desinit, & per ablatiuum acceptum in consequentia. exem-

tia, exemplum de incipit, Sortes incipit esse iustus. Exemplum de Desinit, Sortes desinit esse iniustus, exemplum de ablatino in consequentia. sole existente in ariete fit æquinoctium.

Quantum ad tertium aduerte, quod alio modo probatur propositio de incipit, & alio modo propositio de desinit, & alio modo propositio de ablatino in consequentia. Nam propositio de incipit probatur per disiunctiuam compositam ex duabus copulatiuis, quarum copulatiuarum prima fit ex categorica affirmatiua de præsentī, & negatiua de præterito. Secunda autem ex negatiua de præsentī, & affirmatiua de futuro, exemplum primi, Rosa incipit florere, sic probatur. Rosa nunc floret, & ante hoc nunc præsens immediate non floruit, ergo rosa incipit florere, & hic modus probandi, quid dicitur per positionem de præsentī, & per negationem de præterito, deseruit rebus permanentibus, in quibus ex parte inceptionis est dare primum instans sui esse, ut tibi declarauimus in tractatu de primo, & ultimo instanti in libro Physicorum, exemplū secundi. Sol incipit moueri, sic probatur. Sol nunc non mouetur, & post hoc nunc præsens immediate mouebitur, ergo incipit moueri, & hic modus probandi, qui dicitur per negationem de præsentī, & positionem de futuro deseruit rebus successiuis, quales sunt motus, tempus, alteratio, motus localis, augmentum, & decrementum, in quibus non est dare primum sui esse, ex parte inceptionis, sed ultimum sui non esse, ut tibi declarauimus in tract. prædicto.

Propositio de desinit probatur per disiunctiuam compositam ex duabus copulatiuis, quarum prima fit ex categorica negatiua de præsentī, & categorica affirmatiua de præterito. Secunda autem fit ex categorica affirmatiua de præsentī, & negatiua de futuro. Exemplum primi. Rosa desinit florere, sic probatur. Rosa nunc non floret, & immediate ante hoc nunc præsens floruit, ergo rosa desinit florere, Exemplum secundi, Sortes desinit esse, sic probatur, Sortes nunc est, & immediate post hoc nunc præsens non erit, ergo Sortes desinit esse. Primus modus deseruit

TRACTATVS DECIMVS

rebus successiuis. Nam hæc, cursus Sortis definit esse, sic probatur, nūc pō est cursus Sortis, & immediate ante hoc instans præsens, fuit cursus Sortis, ergo, cursus Sortis definit esse secundus autem modus deseruit rebus permanentibus, & ratio hōrum est hæc, Quia in rebus successiuis, non est dabile ultimum sui esse, sed primum sui non esse. In permanentibus autem, est dabile ultimum sui esse, &c. Sed pro nunc sustine; quoniam hæc tibi declarabuntur in trac. de primo, & ultimo instanti, quem ordinauimus in libro octauo Phisicorum in epitomatibus nostris.

Propositio de ablatiuo in consequentia, probatur per disiunctiuam cōpositam ex causali, uel temporali, uel conditionali. Exemplum, sole oriente fit dies, sic probatur, Quia sol oritur, fit dies, uel quando sol oritur, fit dies, Vel si sol oritur, fit dies. Prima categorica est causalis, secunda temporalis, tertia conditionalis.

Cōstat igitur tibi, quid sit propositio probabilis per causas ueritatis, & quomodo probantur propositiones de Incipit, & Delinit. tam in permanentibus, quā in successiuis, & quomodo probatur ablatiuus in consequentia.

Conclusiones illatæ ex his modis probandi, uide in Paulo ubi supra.

Explicit tractatus decimus de probationibus terminorum ordinatus per eundem.

INCIPIT TRACTA. VNDECIMVS, DE

Syllogismo demonstratiuo ordinatus per eundem.

Post considerationem de syllogismo formali, & non contracto ad aliquam materialem, acturi sumus in præsenti tractatu de syllogismo demonstratiuo, de quo per tracta. Aristo. in libris Posteriorum. Talem nanque ordinem proposuit Arist. in primo Priorum, ubi inquit, Dicendum est, per quæ, & quando, & quomodo fit omnis syllogismus, scilicet, formalis, & absolute sumptus. Postea uero dicemus de demonstratione. Prius enim dicendum est de syl-

Syllogismo, quàm demonstratione, eo quòd uniuersali-
 est syllogismus. Nam demonstratio quidam syllogismus
 est, syllogismus, uero non omnis demonstratio. Hæc Arist.
 Ex quibus constat libros Posteriorum immediate sequi li-
 bros Priorum. Rationabiliter ergo post tractatum de syllo-
 gismo formali, expedit ordinare præsentem tract. qui cor-
 respondebit libris Posteriorum, sicut præcedens correspon-
 det libris Priorum, & aduerte, quòd qui composuerunt sum-
 mulas in Logica breuiantes Logicam Aristote. nullum tra-
 ctatum correspondentem libris Posteriorum. ordinarunt,
 ut patet in Logica Petri Hispani, cuius rationem duplicem
 assignant eius expositores. Prima est, quòd scientia de de-
 monstratione tradita in lib. Posteriorum, est nimis diffici-
 lis iuuenibus, qui ut nouiti incipiunt erudiri in Logicali-
 bus, ex consequenti non sunt capaces tantæ difficultatis,
 ideo non oportet facere tractatum de syllogismo demon-
 stratiuo. Secunda est, quòd scientia de syllogismo demon-
 stratiuo est adeo fructuosa, & fertilis in libro posteriorū,
 quòd abbreviari non potuit.

Sed si bene adueritis, utraque ratio potius deberet cōclu-
 dere oppositum. Nam quia scientia libri Posteriorum est
 maxime difficilis, & inæquisibilis a nouitiis eo modo, quo
 traditur illic, ideo expedit resolute, & plano stylo forma-
 re tractatum introductorium ad libros Posteriorū, in quo
 ingenium nouiti, aliquantulum exercitatum potentius e-
 uadet ad intelligendum libros posteriorum, secunda ratio
 parum ualet. Nam licet doctrina posterioristica fructuosa,
 & abundans sit, tamen non inconuenit eam breuiare, di-
 missis maioribus difficultatibus pro nunc, quæ tractantur
 ab Aristotele in libris posteriorum. Nam & Prisoianus, &
 Donatus, & breuiati sunt. Præterea breuiati sunt libri Ari-
 sto. de naturalibus, qui abundantes, & fertilissimi sunt, er-
 go & libri Posteriorum breuiari possunt. Conabimur igitur
 in præsentī tractatu compendiosè enucleare mentem,
 & doctrinam Aristot. quam diffuse tradidit in libris Poste-
 riorum, & præcipue in primo. Hunc igitur tractatum diui-
 dimus in tredecim capita.

In primo, resoluenda sunt aliqua, ut prima fundamenta:

TRACTATUS DECIMVS

fine quibus uera scientia de demonstracione in uia Peripatetica haberi non potest.

In secundo, diffinienda est demonstratio per causam finalem, & materiale, & duo errores extremi reprobandi sunt.

In tertio, ex quibus præmissis fiat demonstratio potissima.

In quarto, ex quibus, & qualibus nõ fiat demonstratio.

In quinto, ex quibus & qualibus principiis sit demonstratio uirtualiter.

In sexto, quomodo omnes scientiæ conueniunt, & disconueniunt in principiis communibus, & propriis.

In septimo, de differentia inter demonstrationem propter quid, & demonstrationem quia.

In octauo, in qua figura syllogistica, fiat præcipua demonstratio, quæ facit scire simpliciter.

In nono, de syllogismo generante in nobis ignorantiam.

In decimo, de processu demonstrationis in infinitum.

In undecimo, de comparatione demonstrationum adinuicem, quo ad perfectionem; & nobilitatem.

In duodecimo, de comparatione scientiarum adinuicem.

In decimo tertio, de medio in demonstracione potissima.

De præcognoscendis ante demonstrationem. CAP. I.

In primo cap. agendum est de illis, quorũ notitia præsupponitur demonstrationi. Hæc autem sunt quatuor. Primum est hoc principium, Omnis doctrina, & omnis disciplina intellectiua sic ex præexistenti, id est præhabita cognitione: Pro cuius notitia aduerte, quod apud antiquos de scientia nostra duplex fuit opinio. Vna quidem Heracliti, & Socratis. Tenuit Heraclitus, ut innuit Arist. in octauo Phisicorum, de nullo inferiori, & corruptibili ente posse haberi scientiam, quoniam sunt in continuo fluxu, & nunquam in eodem statu permanente, ut patet in elementis, & elementis alterabilibus. Scientia autem est de re inuariabili, & quæ non potest aliter se habere, ut declarabimus infra; ergo &c. Socrates autem tenuit, quod donec uiuimus, non possumus de aliquo habere scientiam, propter fallaciam sensuum, a quibus magis illudimur, quam erudiamur, ut patet in Phædone de anima. Secunda opi-

nio fuit Platonis, qui concedit quòd de entibus scientiam habere possumus, sed non de nouo, quoniam arbitratus est, animam creari cum omnibus scientiis, sed cum unitur corpori, quasi soporata omnium obliuiscitur, donec paulatim per uiam sensuum reminiscatur, propterea tenuit in Phædro nostrum scire, Non fieri de nouo per uiam sensuum, sed esse quoddam expergisci, & reminisci. Sed de his plenam notitiam habebis in libris de anima, & in septimo libro Metaphysicæ, ideo pertransseo. Contra igitur utranque opinionem, ponit Aristoteles hanc conclusionem. Omnis doctrina, & omnis discipline intellectiua, fit ex præexistente cognitione. Quæ antequam probetur, declaranda est.

Aduerte igitur, quòd eadem cognitio intellectiua, quæ habetur per acquisitionem, dicitur doctrina, & disciplina, sed diuerso respectu. Nā, ut est a magistro docente discipulum, dicitur doctrina. Est enim doctrina actus docentis, Vt autem recipitur in discipulo, a docente, dicitur disciplina. Vnde doctrina, & disciplina se habent, ut calefactio actiua, & calefactio passiuua. Dixi, quæ habetur per propriam acquisitionem, quoniam cognitio, quæ habetur per propriam inuentionem, non est doctrina, neque disciplina. Illa enim non habetur ab aliquo docente, sed per propriū studium, uenatione sensuum, & uirtute intellectus agentis, ut tibi manifestabitur in libro de anima.

Item aduerte, quòd per doctrinam, & disciplinam intellectiuam non intendit Aristot. solam scientiam proprie dictam, sed omnem cognitionem intellectiuam, siue necessariam, & certam, qualis est scientia, siue probabilem, qualis est opinio, & prudentia, ut tibi manifestabitur.

Item aduerte, quòd dicit omnem doctrinam &c. fieri ex præexistente, id est, ex prius habita cognitione indistinctè sumpta. Nam quædam fit ex præexistente cognitione intellectiua, ut cognitio conclusionis fit ex præexistente cognitione primorum principiorum, quæ est cognitio intellectiua, quæ habetur lumine intellectus agentis, ut tibi declarabitur infra. Cognitio autem primorum principiorū causatur ex cognitione sensitua, in qua est status, ne-

TRACTATVS VNDECIMVS

que enim necesse est ſenſitiuam cauſari ex priori ſenſitiua, aliter procederetur in infinitum. Senſus ergo con-
cluſionis eſt iſte, Omnis cognitio intellectiua acquiſita
per doctrinā & diſciplinam, fit ex priori cognitione intel-
lectiua, uel ſenſitiua. Ex intellectuā quidē, ut cognitio cō-
cluſiōis. Ex ſenſitiua autē, ut cognitio primorū principiorū.

Hanc igitur concluſionem ſic declaratam, probat per
 inductionem Ariſtoteles hoc modo; Scientiæ Mathematicæ cauſantur ex priori cognitione. Nam ut patet in prin-
 cipio Euclidis, præponuntur quædam principia natura-
 liter cognita ex cognitione terminorum per uiam ſenſus,
 ut punctus eſt, cuius pars non eſt: totum eſt maius ſua par-
 te. Circulus eſt figura una linea cōtenta. Et ex his princi-
 piis præcognitis Mathematicus deducit cōcluſiones ſuās;
 ergo doctrina eſt. Et diſciplina Mathematica fit ex præexi-
 ſtenti cognitione.

Doctrina Dialectica ſiue diſputatiua, per quam acqui-
 ritur opinio. & quæ utitur ſyllogiſmo, & inductione fit,
 ex prius cognitis, Nam per ſyllogiſmum concluditur cō-
cluditur concluſio ex præmiſſis notioribus. Aliter ſyllo-
 giſmus eſſet fruſtra, ſi præmiſſæ non eſſent prius & magis
 notæ, quàm concluſio, ut tibi declarabitur infra.

Doctrina perſuaſiua, quæ eſt ipſa Rhetorica, quæ pro-
 pter incertitudinem non utitur ſyllogiſmo nec inductione,
 ſed enthymemate & exemplo, fit ex prius cognitis.
 Nam rhetoricus & orator, per unum exemplum prius
cognitum aut per plura iam experta, concludit aliud ſin-
gulare pro tempore futuro. Verbi gratia, Dicit orator,
 Dionyſius petēs munitiones & fortalicia tyraniſauit, &
 alius petēs idem tyraniſauit, ergo & iſte quia petit idem,
 tyraniſabit. Enthymemate aut ſic arguit, Sortes uicit pa-
 læſtram, ergo meretur coronari. Conſtat ergo, quòd om-
 nis cognitio intellectiua, ſiue ſit vera ſcientia, ut in Ma-
 thematicis, ſiue ſit probabilis opinio, ut in Dialecticis, &
 diſputatiuis & orationibus rhetoricis, quæ acquiritur per
 doctrinam & diſciplinam, fit ex præexiſtenti cognitione,
 ſiue ex aliquibus prius cognitis.

Secundum eſt, hæc concluſio ueluti corollariè ſequēs

ex præcedenti principio, est hæc, Antequàm probetur conclusio per syllogismum demonstratiuum, oportet duo præcognoscere; scilicet, quia est, & quid est. Pro cuius notitia aduerte, quòd ad demonstrationem tria requiruntur. Primò, requiritur aliquod principium complexum uerũ; quod in demonstratione est propositio siue præmissa, & tale principium appellatur maxima siue dignitas propter apertam ueritatem, & super quam tota demonstratio fundatur, ut tibi declarabitur infra. Secundo requiritur prædicatum proprium, quod est propria passio siue habes modum propriæ passionis. Et hæc est maior extremitas. Tertiò, requiritur subiectum siue natura illa, de qua demonstranda est propria passio. Et tale subiectum est minor extremitas, & ex subiecto & propria passione componitur conclusio demonstrabilis. Verbi gratia, Volo demonstrare omnem hominem esse risibilem. Hæc est conclusio, Omnis homo est risibilis, & demonstratur sic, Omne animal rationale est risibile. Hoc est principium complexum, cuius prædicatum est propria passio. Omnis homo est animal rationale, huius minoris subiectum, de quò demonstratur passio, est homo, ergo omnis homo est risibilis. Hæc est conclusio demonstrata constans ex passione & subiecto suo.

Cum igitur omnis doctrina & disciplina intellectiua, inter quas ea, quæ habetur per demonstrationem, est præcipua, fiat ex aliquibus præcognitis, oportet antequàm demonstraretur conclusio, præcognoscere principia ex quibus procedit demonstratio, & passionem demonstrabilem de subiecto, & subiectum, de quo demonstranda est propria passio.

Vt autem scias, quid de principiis complexis, & de passione, & de subiecto præcognoscendum sit, aduerte, quòd cum dux tantum sint præcognitiones, scilicet quia est, & quid est, oportet de principiis & subiecto, & passione, aut utrumque præcognoscere, aut alio & alio modo. Primum non potest esse, quoniam de principiis complexis non possumus præcognoscere quid sint, sed tantum quia sunt, id est quia uera sunt, & ideo super ueritatem eorũ præcog-

TRACTATUS VNDECIMVS

ram fundatur conclusionis demonstrandæ ueritas. Nam cum principia, quæ dignitates dicimus, sint notæ ueritatis, non oportet ea diffinire. Datur enim diffinitio causa innotescendi. Præterea notificabitur tibi in septimo Metaphysicæ, quod principia sunt indiffinibilia. De principiis ergo præcognoscitur, quia sunt uera, & non præcognoscitur quid sunt, quoniā sunt indiffinibilia, ut de hoc principio. De unoquoque est uera affirmatio uel negatio, præcognoscitur ante omnem demonstrationem, quod est uerissimū. De passione autem puta de risibili, oportet præcognoscere quid est, saltē quod dicitur, id est quid significatur per nomen. Nam cum sit quid incomplexum, & non sit per accidens, est diffinibilis. De ea autem non oportet præcognoscere quia est, quia per demonstrationem, passionem inesse subiecto concluditur, ut risibile inesse homini. Quod autem concluditur per demonstrationem, non præcognoscitur, sed post. ergo de passione non præcognoscitur, sed concluditur quia est.

De subiecto autem oportet præcognoscere utrumque, scilicet quid est, & quia est. Quid est quidem, quoniam in demonstratione potissima, ut tibi declarabitur infra, medium est diffinitio, & quid subiecti. Medium autē oportet præcognoscere, aliter procederemus ex ignoto ad ignotum. Nam nisi præcognoscerem hominem esse animal rationale, euidenter concluderem hominem esse risibilem. Oportet etiam præcognoscere de subiecto, quia est, uel saltē non repugnat sibi esse. Nam cum de non ente non habeatur scientia, quoniam uniuersalissimum obiectum intellectus est, ens, necesse est omne scibile esse ens. Ens autem est, quod est uel potest esse, uel sibi non repugnat esse, ergo de qualibet subiecto scibili oportet præcognoscere non solum quid est, sed etiā quia. Constat ergo tibi, quod ante demonstrationem oportet præcognoscere quia, de præmissis, & quid nominis de passione, & de subiecto quid & quia. Dico autem de subiecto quid rei, & non solum quid nominis, ad differentiam de quid, quod de passione præcognoscitur.

¶ Tertiō, declarandus est ordo præcognitionis, qui est in-

ter principia, id est, præmissas & conclusionem. Nam dictum est, quod antequam deducatur conclusio ex principiis, id est ex præmissis, oportet ea præcognoscere, quia sunt, scilicet uera, ut procedamus ex notioribus. Aliquid autem potest esse prius cognitum conclusione duobus modis, scilicet prius tempore, & prius natura. Declarandum est ergo, si præmissæ prius tempore, cognoscuntur conclusione, uel solam natura. Tu igitur aduerte, quod in demonstratione sunt duo principia, ex quibus deducitur conclusio, scilicet propositio maior, quæ debet esse uniuersalis, & propositio minor quæ potest esse uniuersalis, uel particularis. Et quidem si loquamur de maiori, dicit Aristoteles, quod præcognoscitur tempore. Verbi gratia, Facio hanc demonstrationem, Omnis homo est risibilis, Sortes est homo, ergo Sortes est risibilis. Constat, quod iamdiu possum scire maiorem, & nunc scio conclusionem, quoniam ante deductionem nesciebam Sortem esse risibilem. Nam bene stat, quod scientiam habeam in uniuersali, & non in particulari, quoniam fortè nō adueriti hoc particulare contineri sub uniuersali. Si autem loquimur de præcognitione propositionis minoris, dicit Aristoteles, quod si demonstrans aduerit minorem contineri sub maiori, non præcognoscitur tempore, sed simul & in eodem instanti cum conclusione.

Cum hoc tamen stat, quod præcognoscitur prius natura: quoniam cognitio conclusionis pedit a cognitione præmissarum, & non e converso. Stat ergo resolutio in hoc, quod maior & minor cognoscuntur prius natura conclusione. Sed maior non solum natura, sed etiam tempore. Minor autem cognita contineri sub maiori, tantum prius natura. Nam cognita maiori & minori ut contenta sub maiori, statim & in eodem instanti cognoscitur conclusio. Notanter dixi, cognita minori, ut contenta sub maiori, quoniam si in minori assumatur aliquid contentum sub uniuersali maiori, & hoc non constet demonstranti, non statim habetur conclusionis cognitio, sed prius oportet manifestare per aliquod medium, quod assumptum in minori, continetur in uniuersali assumpto in maiori. Verbi

bi gratia, Assumitur in maiori, quod omnis triangulus habet tres æquales duobus rectis, & subsumitur, quod figura descripta in semicirculo est triangulus.

Si demonstranti constat minorem contineri sub maiori, puta quia aduertit figuram descriptam in semicirculo esse triangulum, statim cognoscit conclusionem. Si autem non aduertit, oportet eam probare, & sic non cognoscetur conclusio, donec probatum fuerit minorem contineri sub maiori, & in eo casu, maior & minor cognoscuntur prius natura & tempore, ipsa conclusione. Constat igitur tibi quomodo principia suæ præmissæ præcognoscuntur conclusione, & qua prioritate.

Quarto, declarandum est, utrum sicut præmissæ præcognoscuntur conclusione, sic conclusio præcognoscatur antequam per inductionem, uel per syllogismum demonstratum probetur. Huic quidem dubio respondens Aristoteles determinat ueritatem, deinde soluit argumentum Platonis, qui uidetur arguere contra determinationem fiendam.

Tu igitur aduerte, quod mens Aristotelis est, quod cognitio conclusionis antequam demonstretur, est sicut esse effectus naturalis in causis suis præexistentibus. De illo autem constat, quod habet esse in potentia, siue in uirtute in causis suis, scilicet in efficiente & in materia, antequam producat. Non autem habet esse actu in rerum natura extra causas suas, nisi postquam productus fuerit. Habere autem esse in potentia siue in uirtute, est habere esse secundum quid, quoniam est medium inter non esse simpliciter. Habere uero esse in actu per productionem, est habere esse simpliciter. Sic in proposito conclusio antequam demonstretur, est cognita secundum quid, id est, in uirtute in principiis suis. Nam qui cognoscit hoc principium, Omnis triangulus habet tres angulos æquales duobus rectis, cognoscit uirtualiter, quod omnis species trianguli puta Isocheles, Isopleuros & scalenon, habet tres æquales duobus rectis. Actu autem & simpliciter, non est cognita, nisi postquam per inductionem aut demonstrationem probata fuerit, sicut nec effectus naturalis habet esse actu

actu & simpliciter, nisi postquam extra causas productas fuerit. Hæc est determinatio Aristotelis, quæ est media inter duas sententias extremas, quarum una fuit Heraclyti, ut tibi declarabitur in octauo Physicorum, qui tenuit, quod de nulla re possumus habere scientiam, ex consequenti conclusio nescitur, neque secundum quid ante demonstrationem, neque simpliciter post demonstrationem. Altera fuit Platonis in libro Menonis, qui tenet quod conclusio ante demonstrationem est simpliciter scita, ita, quod per demonstrationem non addiscimus de nouo conclusionem. Sed tantum reducitur ad memoriam, & sic nostrum scire est tantum reminisci. Hanc autem imaginationem Plato sic conare probare, Sumatur aliquis imperitus Geometrix, & proponatur sibi aliqua conclusio Geometrica, puta quod quadratum habet quatuor angulos rectos, & interrogetur si scit hanc conclusionem. Si respondet quod sic, ergo ante demonstrationem scit eam simpliciter, & ex consequenti, non addiscit eam de nouo, est enim contradictio, addiscere quod scimus, si respondet quod non. Interrogetur ordinatè incipiendo a primis principiis Geometrix, & procedatur ordinate per interrogationes & responsiones usque ad conclusionem sibi propositam, & uidebis quod cum ad conclusionem deuentum fuerit, dicet se eam scire. Ergo & ante sciebat, sed quia oblitus erat, per interrogationes, & responsiones ordinatas reducitur ad memoriam, ergo per argumentationem non fit in nobis noua scientia, sed reminiscencia.

Hoc igitur Platonis argumentum soluens Aristoteles, dicit quod non inconuenit id, quod de nouo addiscitur, fuisse prius scitum, sed non eodem modo. Nam nihil prohibet fuisse prius scitum in uirtute. i. in primis principiis, quæ sunt nobis naturà nota, & addisci de nouo quo ad cognitionem actualem, & propriam per deductionem conclusionis ex suis principiis. Vnde imperitis Geometrix cui proponitur prædicta conclusio, respondere potest, quod ante deductionem ex principiis scit eam in uirtute, & secundum quid in quantum lumine naturali cognoscit prima principia, in quorum cognitione uirtualiter continetur cognitio

TRACTATUS VNDECIMVS

cognitio, conclusionis. Post deductionem autem ex principiis sciteam actu, & simpliciter, & distincte, & sic patet, quod non sequitur, quod addiscamus id, quod prius erat actu scitum, ut arbitrat^{ur} Plato, sed quod prius erat scitum in potentia. Hoc autem non est inconueniens. Sicut non inconuenit rosam habentem esse potentiale in radice, deduci ad esse actuales per causas suas naturales. Ex consequenti non inconuenit id quod ens est, de nouo generari, sic intelligendo, id, quod est ens in potentia, de nouo generari, ut habeat esse actu.

Constat igitur tibi quomodo, in uia Peripatetica hæc quatuor debent esse tibi nota, antequam demonstrares. Primo, quod omnis doctrina, & disciplina intellectiua, causatur in nobis ex aliquorum præcognitione. Secundo, quod de principiis complexis præcognoscendum est quia, & non quid, de passione quid, & non quia. De subiecto autem quid, & quia, modo quo declarauimus. Tercio, quod præmissæ præcognoscuntur cōclusionē, sed maior prius tempore minor autem si cognoscitur contineri sub maiori, cognoscitur simul tempore cum cōclusionē, sed prius natura. Quarto, contra Platonem, quod conclusio antequam demonstraretur, præcognoscitur, secundum quid in suis principiis. Post demonstrationem autem cognoscitur, & scitur simpliciter, & actu, & propria, & distincta cognitione. Hæc de præcognoscendis ante demonstrationem dicta sunt, & hic terminamus primum ca. Post quod inuestigandum, est quid sit demonstratio.

De demonstratione quid sit. cap. II.

IN secundoq; cap. inuestigandum est quid sit demonstratio, quod est principale consideratum in hoc tractat. & ab Aristotele in libro Posteriorum. Hic igitur tria agenda sunt. Primo, antequam diffiniatur demonstratio, diffiniendum est ipsum scire, quoniam ad causandum siue acquirendum scientiam, ordinatur demonstratio, sicut instrumentum ad finem. Prius autem oportet cognoscere, quid sit finis, quam medium ad finem. Secundo, diffinienda est demonstratio per causam finalem, & materialem, & utraque diffinitio per singulas particulas est manifestanda.

standa. Tertio, ex determinandis excludendi sunt duo errores extremi, & media uia est uera; ut tibi declarabitur in loco suo.

Quantum ad primum, ut scias in quo sensu Aristoteles intendit diffinire ipsum Scire, ut est finis demonstrationis. aduerte, quod in uia Peripatetica Scire, sumitur duobus modis, scilicet Scire per se, & Scire per accidens. Scire per se, est cognoscere conclusionem ex propositionibus, & præmissis per se, ut quando cognoscere hominem esse risibilem per hanc maiorem, animal rationale est risibile, quæ est in secundo modo per se, & per hanc minorem, homo est animal rationale, quæ est in primo modo per se, ut tibi declarabitur infra, & ex his præmissis per se concluditur hominem esse risibilem. Scire per accidens, est rem cognoscere per præmissas per accidens, ut quando probatur, quod homo ædificat, sic arguendo, album ædificat, homo est albus, ergo homo ædificat. Hoc est Scire per accidens, quoniam conclusio, & præmissæ sunt propositiones per accidens, nec est uerum scire, sed apparens, & modo sophistico, ut tibi declarabitur in fallacia accidentis.

Scire autem per se, est uerum scire, sed est duplex, scilicet scire simpliciter, & scire secundum quid. Scire simpliciter, est scire conclusionem per causam propriam, & immediatam, ut quando scio hominem esse risibilem, quia est rationalis. Rationalitas enim est propria, & immediata causa risibilitatis. Scire autem per se, sed secundum quid, est scire conclusionem per signum, aut per effectum, aut per causam uniuersalem, & remotam; & hæc omnia tibi manifesta erunt infra, quando loquimur de demonstratione, propter quid, & demonstratione quia. Nam demonstratio propter quid, facit scire, per se simpliciter, & perfectissimo modo. Demonstratio autem quia, facit scire per se, secundum quid & ualde imperfecte.

His præmissis aduerte, quod Arist. non intendit hic diffinire ipsum Scire, uniuersaliter sumptum, sed contractum ad scire per se, & simpliciter & perfectissime. Sic enim est finis demonstrationis potissimum, quæ est sola demonstratio propter quid.

TRACTATUS VNDECIMVS

Si igitur diffiniens ipsum scire modo prædicto, inquit, Scire opinamur simpliciter unum quodque, & non sophistico modo, quod est scire, secundum accidens, cum arbitramur causam cognoscere, propter quam res est, & quoniam illius est causa, & non contingit hoc aliter se habere.

Primo dicitur, quod scire simpliciter, est rem per causam cognoscere, ut per hoc distinguatur à scire per esse, etur, ut quando scimus ignem esse calidum in summo, quoniam non solum calefacit, sed etiam comburit, & destruit quicquid in eo immittitur.

Secundo dicitur, quoniam illius est causa, id est causa eius propria, & non communis tali rei scibilis, & alteri, ut per hoc distinguatur à scire per causam uniuersalem, & remotam, ut quando scimus lapidem non respirare, quia non est animatus, sed esse animatum, non est causa propria respirandi, quoniam multa sunt animata quæ non respirant, ut arbores, & animalia imperfecta, ut uermes & propria autem causa respirandi est habere pulmonem. Vnde quando scio hominem respirare, quia habet pulmonem, scio simpliciter, quoniam scio per causam, quæ est illius respirationis causa.

Tertio dicitur, & non contingit aliter se habere: id est & causa illius est infallibilis, & necessaria, ut per hoc distinguatur à scire per signa probabilia, ut quando scimus infirmum sanandum, quoniam urina est clara, & apparet ut urina sani, hoc enim signum fallax, & potest, ac sæpe contingit aliter se habere. Nam urina sæpe apparet ut sani, & tamen infirmus tendit ad mortem, oportet igitur causam propter quam aliquid scimus simpliciter, id est medium conclusionis, esse necessariam. & quoniam scibi se ac scientia sunt correlatiua, oportet quod sicut causa sciendi est necessaria, ita scibile, quæ est conclusio, sit necessaria. Vnde conclusionem de contingenti non possumus simpliciter scire, sed de ea opinionem habere. Constat igitur quod scire simpliciter, est per causam propriam, & necessariam, & de conclusione necessaria, quæ causam, & quam conclusionem non contingit aliter se habere.

Prædicta igitur diffinitio de scire simpliciter sic sit manifestata, quam Arist. notificat à signo famoso, & cōmuni hominum sententia, quod est hoc, Tam scientes, quàm nescientes arbitantes tamen, & fundantes sibi se scire, opinantur se scire, quādo rem per causam propriā, & necessariam cognoscunt, ergo cum famosum nō sit falsum, scire est per causam cognoscere, quoniam illius est causa, & non contingit eam aliter se habere. Hæc de scire simpliciter, & perfectissimo modo quid sit, dicta sint. De scire autem secundum quid, id est ab effectu, & per causam remotam, dicemus infra, quando loquemur de demonstratione quia, siue à posteriori.

Quantum ad secundum diffinienda est demonstratio, quæ est instrumentum, intellectus ad scire, & scientiam acquirendam. Sed antequam diffiniamus eam, aduerte, quod sicut nō diffiniuit scire uniuersaliter sumptum, sed scire per se, & perfectissimè acceptum, sic intendit hic diffinire demonstrationem potissimam, quæ causat scire supra diffinitum, & ex quibus, & qualibus præmissis constat. Hæc autem dicitur demonstratio à priori, & demonstratio propter quid. De demonstratione autem, quia quid sit, & quo modo faciat scire, & ex quibus constet, & quare dicitur demonstratio à posteriori siue ab effectu, declarabimus infra.

His præmissis aduerte, quod Aristoteles duplicem assignat diffinitionem de demonstratione propter quid siue potissima. Vnam quidē per causam finalem, alteram per causam materialem. Nam sicut domus diffinitur per finē, sic. Domus est quid protegens nos à frigore, & ab æstu, & pluuiā &c. Nam propter has causas, ædificamus domū & diffinitur per materiā sic, Domus est quid compositū ex lapidibus, & lignis, & cæmento &c. Sic diffinitur demonstratio propter quid per finem, sic, Demonstratio est syllogismus scientialis, id est causans in nobis scire, quod supra est diffinitum, & aduerte quod ly Syllogismus, ponitur ut genus, est enim in plus, quoniam omnis demonstratio est syllogismus, sed nō econuersò, ly sciētiālis est differētia, qua differt demonstratio à syllogismo dialectico,

co, & sophistico. Nam Dialecticus non causat in nobis scientiam, sed opinionem. Sophisticus uero, nec scientiam, nec opinionem, sed errorem; & fallaciam, ut patet in lib. 1. Elenchorum.

diff. 1. c. 1. a
teia

Per causam materiale sic diffinitur ab Aristotele, Demonstratio est syllogismus constans ex praemissis ueris, primis immediatis, notioribus & prioribus causisq; conclusionis. Hanc Aristoteles dupliciter probat. Primo, per diffinitionem datam per causam finalem sic, Omnis syllogismus faciens scire, & simpliciter, & perfectissimo modo, est ex praemissis ueris primis &c. Sed demonstratio propter quid facit scire, & simpliciter, & perfectissimo modo, ergo est ex ueris, primis, immediatis &c. Minor quidem patet; quoniam est diffinitio data de demonstratione propter quid per causam finalem, maior autem manifestabitur statim probando, & declarando singulas partes diffinitionis datae per causam materiale. Pro casu euidentia ponuntur tres conclusiones. Prima est, Omnis demonstratio faciens scire simpliciter, est ex ueris. Secunda est, Omnis demonstratio faciens scire simpliciter, est ex primis, & immediatis. Tertia est, Omnis demonstratio faciens scire simpliciter, est ex prioribus, & notioribus, & causis conclusionis.

Prima sic probatur ad mentem Aristotelis, Omne quod demonstratur, est uerum; quoniam est ens, sed ens, & uerum conuertuntur; quoniam utrumque est transcendens. Tunc uera, si omne quod demonstratur est uerum, ergo demonstratio quae facit simpliciter scire, est ex ueris. Patet consequentia. Nam si demonstratio faciens scire, esset ex falsis, ergo falsitas esset causa scientiae, quod est impossibile; quoniam cum scientia sit uera cognitio, & causetur ex demonstratione, si demonstratio est ex falsis, ergo oppositum esset causa oppositi, scilicet falsitas esset causa ueritatis, quod est impossibile, ergo constat, quod necesse est demonstrationem facientem simpliciter scire, esse ex praemissis ueris.

Secunda conclusio probatur sic, Omnis demonstratio faciens scire simpliciter, est ex his, sine quibus scientia ha-

beri

beri non potest. Hæc manifesta, sed sine præmissis, & ueris, & primis, & immediatis, non potest haberi scientia, ergo &c. Minor probatur, quòd sine præmissis ueris, non possit haberi scientia, iam probatum est. Quòd sine primis, probatur sic, si demonstratio faciens scire simpliciter, non esset ex primis, ergo non esset ex propriis principiis, ex cò sequenti non faciet scire simpliciter, sed & secundū quid, & secundum accidens, ut declarauimus in diffinitione data de scire simpliciter. Pro euidencia consequentiæ, quæ fuit hæc, Si non est ex primis, ergo non est ex propriis principiis, aduerte, quòd ly primis, exponi potest dupliciter. Primo, ex primis, idest ex uniuersalissimis, quæ dicuntur principia prima, & dignitates, & maximæ, ut, Non sunt contradictoria simul uera. Impossibile est idem simul esse, & non esse, & de his non intendit hic Aristoteles, quoniam ut declarabitur infra, tales primæ propositiones non ingrediuntur formaliter demonstrationem, sed tantum uirtualiter. Hic autem loquimur de ingredientibus formaliter demonstrationem. Secundò ex primis, idest proximis, ex quibus proxime, infertur conclusio. Verbi gratia. Hæc conclusio homo est risibilis, proxime infertur ex eo, quod est animal rationale. Vnde sic demonstratur, Omne animal rationale est risibile, omnis homo est animal rationale. Istæ duæ præmissæ sunt primæ, idest, proximæ, ex quibus infertur hæc conclusio, ergo omnis homo est risibilis. Constat ergo quomodo demonstratio est ex primis.

Quòd autem non possit esse demonstratio sine præmissis immediatis, probatur sic. Si esset demonstratio, & non esset ex præmissis immediatis, id est, indemonstrabilibus, non faceret scire, & sic esset frustra. Probatur consequentia. Si non esset ex immediatis, ergo esset ex mediatis, & demonstrabilibus. Si ex demonstrabilibus, ergo nondum essent demonstratæ. Si nondum demonstratæ, ergo essent incognitæ. Si incognitæ, ergo non essent causa faciendi conclusionem, ex consequenti talis demonstratio non faceret scire, quoniam omnis nostra scientia fit ex aliquo notiori, & prius cognitio, ut docuimus in primo capitu. Oportet ergo demonstrationem constare ex præmissis im-

mediatis, uel tandem resolui ad immediatas, ut tibi declarabitur infra.

Tertia conclusio fit probatur ad mētem Aristo. Omnis demonstratio potissima est ex his, sine quibus non possumus aliquid simpliciter scire. Hæc patet, quoniam talis demonstratio est ordinata ad scire simpliciter, ergo si nō esset ex his, sine quibus non contingit aliquid scire simpliciter, talis demonstratio frustra fieret. Sed sine causis prioribus, et notioribus, causis dico conclusionis, non possumus aliquid scire simpliciter, ergo necesse est demonstrationem potissimam esse ex causis, &c. Minor probatur, & primò. quòd sine causis conclusionis non possumus scire simpliciter conclusionem arguitur sic, Scire simpliciter est rem per causam illius rei cognoscere, ut docuimus supra in diffinitione ipsius scire simpliciter. Ergo si demonstratio potissima non procederet ex causis conclusionis, non faceret scire conclusionem simpliciter, istæ autem causæ sunt ipsæ præmissæ, quæ non solum sunt causæ in cognoscendo, siue in inferendo conclusionem, sed etiam in essendo, ut hæc conclusio, Homo est risibilis, deducitur ex eo, quòd animal rationale est risibile, & ex eo quòd homo est animal rationale, & utraque præmissa est causa in essendo ipsius conclusionis, Risibilitas enim hominis emanat a natura rationali, ut a causa formali. Secundò ex eo, quòd demonstratio potissima est ex causis conclusionis in essendo, & non solum in inferendo, sequitur quod est ex prioribus, omnis enim causa in essendo est prior suo effectu, quoniam effectus pender a causa, & non econuerso. Si igitur demonstratio potissima est ex præmissis, quæ sunt causæ in essendo conclusionis, non solum est ex causis, sed etiam prioribus ipsa conclusione.

Tertiò ex hoc, quòd demonstratio potissima est ex causis prioribus conclusionis, sequitur quòd etiam sit ex causis notioribus ipsa conclusione. Nam ut declarabitur tibi in primo Physicorum, innata est nobis uia procedendi ex notioribus ad minus nota, aliter si procederemus ab ignotis, uel æquè notis ad conclusionem, nullā acquireremus scientiam oportet ergo demonstrationem potissimam, ut
scire

scire procedere ex præmissis, quæ sint causæ in essendo cōclusionis demonstrabilis, & quæ sint ex consequenti priores, & notiores conclusiones. Sed aduerte, quòd cū demonstratio sit duplex, scilicet propter quid, de qua hic intendimus, & quia de qua loquemur, utraque est ex notioribus, sed differenter, quoniam in demonstratione quia, sufficit eam esse ex notioribus nobis, sed posterioribus secundum naturam, quales sunt effectus naturales, & sensati per quos demonstramus causas naturales, ut tibi declarabitur in Physicis. In demonstratione autē propter quid, oportet esse ex notioribus, & prioribus quo ad nos, & secundum naturam, quales sunt demonstrationes Mathematicæ, & Metaphysicæ, ut tibi declarabitur infra, ponendo differentiam inter demonstrationem propter quid, & quia. Quoniam hic igitur diffinita est demonstratio propter quid, intellige, quod est ex notioribus non solum nobis, sed etiam secundum naturam. Nam ex eo quod notius est nobis, & prius, ac notius secundum naturam, hominem esse rationalem, quàm hominem esse risibilem, ideo demonstramus a priori, & notiori hominem esse risibilem, quia est rationalis. Et quadratum constare ex quatuor angulis rectis, quoniam quatuor lineæ rectæ cadunt perpendiculariter supra se inuicem.

Hoc igitur modo manifestata tibi sit diffinitio data per materiam demonstrationis potissimæ, & propter quid. Sed aduerte, quoniam uidebatur Aristoteli, se non declarasse, quid intendat per hoc, quod dicit demonstrationem esse ex ueris, & primis, & per hoc quod dixerat ex immediatis, & per hoc quod dixerat ex notioribus, ideo hæc tria declarat in particulari, & primò, quid intendat per ly primis. secundo, quid per ly immediatis. tertio, quid per ly notioribus.

Quantum ad primum aduerte, quòd Aristoteles per ly ex primis, dicit se intelligere ex propriis principiis, ut excludat uniuersalissima principia, quæ dicuntur dignitates, quæ non ingrediuntur demonstrationem formaliter, sed tantū uirtualiter, ut tibi declarabitur. Nā per principia uniuersalis. oclusio nō scitur distinguibiliter, & simpliciter, ut

tibi manifestabitur infra, principia autem propria ex quibus constare debet demonstratio, propter quid, est definitio subiecti, uel passionis, uel utraque, ut huius conclusionis, Homo est risibilis, demonstratio fieri propter quid. Si medium erit definitio hominis, aut definitio risibilis, aut utraque, ut dicemus infra, tunc erit demonstratio ex primis, id est ex propriis principiis: & faciet scire simpliciter, quoniam sciemus causam propriam, & distinctam conclusionis. Constat igitur tibi, quid intendat Aristoteles per ly. ex primis.

Quantum ad secundum aduerte, quod Aristoteles per ly immediatis, intendit propositionem immediatam, quam dicit esse principium demonstrationis. Ut autem habeas claram notitiam de propositione immediata, Aristoteles diffinit eam, deinde diuidit in species suas.

Ut autem scias, quid sit, aduerte, quod propositio mediata, est illa, quæ est altera prior secundum naturam, per quam potest demonstrari a priori, id est demonstratione propter quid, & non solum demonstratione quia. Verbi gratia, Hæc propositio est mediata, Homo est risibilis, quoniam habet priorem scilicet, Homo est animal rationale, per quam potest demonstrari, Nam, quod homo sit risibilis, pendet ex hoc, quod homo est animal rationale, & non econuerso. Propositio ergo immediata oppositio modo diffinienda est, ita scilicet, quod sit propositio, qua non sit altera prior, per quam possit demonstrari a priori. Verbi gratia. Hæc est immediata, homo est animal rationale, quoniam inter definitionem, & diffinitum, nullum est medium prius, quod possit esse proprium principium demonstrationis ex quo sequitur, quod omnis propositio, cuius prædicatum est ratio, siue definitio subiecti, est immediata, & indemonstrabilis. bene ergo dicitur, quod propositio immediata est propositio, qua non est altera prior.

Sed quæ res, quid sit propositio, quæ ingreditur definitionem propositionis immediate, ideo Arist. diffinit eam dicens.

Propositio est enūtiationis altera pars, unum de uno significans. Pro cuius notitia aduerte, quod Arist. non diffinit

nit hic propositionem in sua uniuersalitate, ut diffiniuit in libro primo Perihermenias, dicens, quòd est oratio uerū, uel falsum significans in dicendo, & quam distinxit in affirmatiuū, & negatiuā, sed diffinit eam, ut sumitur in syllogismo, ut est præmissa pro conclusione, & ut sic est altera, pars enuntiationis, cuius sunt duæ partes, scilicet affirmatiua, & negatiua. Intendit ergo Arist. quòd propositio, quæ est præmissa in syllogismo, est determinatæ altera pars enuntiationis, quoniam determinatæ est affirmatiua, uel negatiua, quòd non potest indifferentè esse affirmatiua, uel negatiua. Nam in Barbara, præmissæ sunt affirmatiuæ, & non possunt esse negatiuæ. Inferior maior est negatiua, & minor affirmatiua, & non possunt aliter esse. Sensus ergo Aristote. est, quòd propositio quæ est præmissa in syllogismo, sit altera pars enuntiationis, id est sit determinate enuntiatio affirmatiua, aut negatiua, prout requirit figura, & modus syllogizandi, de quibus actum est in tractatu de syllogismo formali.

Dicit autem, significans unum de uno, quoniam ut declaratum est in libro Perihermenias, datur enūtiatio una, & enuntiatio plures. Enuntiatio una est, in qua prædicatur unum prædicatum re, & nomine de uno subiecto, ut homo est animal, animal est substantia: plures autem est, in qua plura prædicantur de uno, uel unum de pluribus. Exemplum primi, Sortes est albus, & doctus. Exemplum secundi, Sortes, & Plato sunt homo, uel Sortes, & Plato trahunt nauem. Intendit ergo Aristote. quòd propositio, quæ est præmissa in syllogismo, non solum debet esse altera pars enuntiationis modo, quo exposuimus, sed debet significare unum de uno, quoniam sicut in syllogismo concluditur unum, id est, una conclusio, sic propositio, quæ est in syllogismo principium, & præmissa, debet esse una, & non plures. Vna autem est, quæ ut diximus, significat unum de uno, ex consequenti excluditur propositio plures.

Sed dices, cum Arist. diffiniat propositionem per enuntiationem, queritur quòd sit enuntiatio, per quam diffinita est propositio, respondetur, quòd secundum Aristote in

cadit medium, ex cōsequenti cadit linea, quoniam mediū inter duo puncta non est nisi linea. Positio ergo est propositio indemonstrabilis ex consequenti est immediata in illa scientia, in qua est propositio, & in qua assumitur ut principium, & præmissa syllogismi demonstratiui. Verbi gratia, Geometra uolens demonstrare, quod anguli quadrati sunt æquales, sic arguit, Omnes anguli recti sunt æquales, Sed anguli quadrati sunt recti, ergo &c. Maiorem Geometra non demonstrat, quoniam apud ipsum est positio, & acceptatur, ut per se uera. Minorem uerò probat, quoniam in quadrato linea super lineam perpendiculariter cadit, ergo constituunt anguli recti. Constat ergo tibi quid sit positio apud demonstratorem.

Dignitas siue maxima est propositio, quā necesse est omnem addiscētem acceptare, & illa statim cognitis terminis absque alio discursu & argumentatione assentire, eo quod sit per se nota ex euidētia terminorum. Et ista sunt principia prima, quæ se habent in acquisitione scientiarum, sicut ianua in domo, ut uult Aristot. in secundo Metaph. Nā sicut ianua domus omnibus patet, sic & ista principia omnia ratione utenti. Sunt autem hæc duo quæ omniū principiorum & dignitatum uniuersalissima & notissima, de quibus disputat Aristot. in quarto Metaphysicæ contra negantes ea. Vnum quidem est affirmatiuum, & est hoc, De qualibet uerum est esse uel non esse. Alterum autem negatiuum, & est hoc, non contingit idem simul esse, & non esse. Et, ly non cōtingit, æquipollet ly nō potest, uel impossibile.

Hæc igitur est dignitas siue maxima, quæ differt à positione in duobus. Primò, quia dignitas est omnino indemonstrabilis propter suam notissimam ueritatem, quæ nobis naturaliter inserta est. Et idè non potest per notiora principia notificari, positio autem licet acceptetur ut nota & indemonstrabilis in scientia, in qua est positio, tamē in alia scientia est demonstrabilis, ut diximus supra.

Tu tamen aduerte, quod differentia propriè stat in hoc, quod repugnat dignitati posse demonstrari, quia non esset naturaliter cognita. Non autem repugnat

TRACTATUS VNDECIMVS

positioni, quoniam & si non demonstretur in scientia, in qua est positio, demonstrari potest in alia, ut diximus, propter hoc tamen non inconuenit aliquam positionem esse simpliciter indemonstrabilem propter suam maximā euidētiā, ut hic, Si ab æqualibus æqualia demas, quæ remanent sunt æqualia. Parallelae non concurrunt, idem non intellige de istis. Ignis est calidus, terra est grauis, quoniam ad sensum patent, & ideo non possunt demonstrari per notiora. Quod si quis negat ea, aut proteruia aut carētia usus rationis, negat ea.

Secundò differt, quoniam dignitatem necesse est omnē addiscentem & docentem habere, & statim auditam approbare absq; alio discursu, positionem autem non est necesse omnem addiscentem approbare statim, quoniam cum constet ex terminis specialibus potest notificari per notiora, ut per dignitates quæ constant ex terminis generalissimis, inter quos primo est ens, quod est primum, quod concipitur in mente, ex consequenti est primum cognitum. Et hanc differentiam secundam ponit Aristot. in textu, ubi de positione inquit, quam non est demonstrare, sed ponere, neque necesse est habere aliquem docendum. De dignitate autem inquit, Quam uerò necesse est docendum habere dignitatem uel maximam consueuimus dicere. Suppositio apud Aristot. est pars subiectiua, id est species positionis, superaddeus positioni affirmationem & negationem. Pro cuius notitia aduerte, quod est aliqua propositio, cui statim notis terminis, & absque aliquo discursu, intellectus assentit Et hæc dicitur dignitas. & est aliqua propositio, cui intellectus assentit absque discursu & demonstratione in scientia, cui incumbit addiscens, licet in alia scientia possint demonstrari, & hæc dicitur positio, quia ponitur & acceptatur ut uera, absque alia probatione in tali uel tali scientia, Hæc autem positio diuiditur ab Aristote. in suppositionem & diffinitionem. Nam licet utraque sit positio, tamen differunt in hoc, quod suppositio addit supra positionem affirmationem uel negationem, id est dicit esse, uel non esse.

Suppositio. Vnde suppositio est propositio affirmatiua uel negatiua

ua indemonstrabilis in illa scientia, in qua sumitur, cuius ueritas ab addiscente supponitur, etiam quòd sibi non constaret ex euidencia terminorum. Vt in Geometria hæc est suppositio, A puncto ad punctum contingit lineam deducere, Diffinitio autem non addit esse uel non esse supra positionem, eo quòd licet diffinitio sit indemonstrabilis de definito, non tamen est propositio affirmatiua uel negatiua, sed est ueratio absque copula, constans ex solo genere, & differenceia, Vnde diffinitio hominis est hoc complexū, animal rationale. Nec unquā apponitur copula, nisi quando actu prædicatur diffinitio de definito. Vt quando dicimus, quòd homo est animal rationale, & dicit Arithmeticus, quòd unitas est quid omnino indiuisibile, secundum quantitatem.

Constat ergo, quomodo suppositio & diffinitio sunt duæ species positionis, & quomodo differunt abinuicem.

Et sic patet quomodo Aristoteles rationabiliter diuisit principium demonstrationis immediatum in quatuor species, scilicet in positionem, & dignitatem, & suppositionem, & diffinitionem.

Sed dices, Non uidetur diffinitio esse species principij immediati, quoniam principium immediatum est propositio immediata, cuius signum est, quòd Aristoteles statim, quòd diffiniuit propositionem immediatam, & notificauit particulas diffinitionis, diuidit principium immediatum demonstrationis in quatuor prædictas species. Sed iam declaratum est diffinitionem non esse propositionem. Constat enim ex solo genere & differentia, absque copula, ut animal rationale est diffinitio hominis, ergo diffinitio non uidetur species principij immediati.

Respondetur, licet ante diuisionem principij immediati præposuerit Aristoteles diffinitionem propositionis immediatæ, non tamen subdividit principium immediatum in species suas, ut est idem præcisè cum propositione immediatè, sed ut est in plus. Nam omnis propositio immediata est principium demonstrationis, sed non e conversò, quoniam tam propositio immediata, quàm complexum immediatum, quale est diffinitio, potest esse principium demon-

demonstrationis immediatum, cuius signum est, quòd medium demonstrationis est principium, ex quo demonstramus conclusionem, & tamen medium non est propositio, sed terminus complexus, quoniam est diffinitio subiecti, aut passionis, ut determinabimus infra. Ex prædictis igitur constat, quomodo demonstratio est ex ueris, & primis, & immediatis.

Quantum ad tertiū, scilicet quomodo oporteat demonstrationē fieri a notioribus, declarat Aristoteles per duas conclusiones. quarum prima est, quòd oportet demonstrantem magis credere & assentire, & magis cognoscere principia esse uera, ex quibus demonstramus conclusionē, quàm ipsam conclusionem. Quam quidem conclusionem sic probat Aristoteles, Propter quod unumquodque, & illud magis, ut si propter discipulum amō magistrum, multò magis amō discipulum. Et si propter solem reliquæ stellæ lucent, sol magis lucet. Sed propter principia ex quibus demonstramus conclusionem, credimus & assentimus conclusioni, & eam cognoscimus esse uerā, ergo multò magis oportet credere & assentire principiis, quàm conclusioni, & magis cognoscere ea esse uera, ergo demonstratio procedit ex principiis notioribus, quàm sit ipsa conclusio.

Secunda conclusio est hæc, Non solum oportet demonstranti magis cognoscere principia, & illis magis credere, quàm conclusioni, sed etiam oportet, quòd demonstranti nihil sit magis certum, quàm quòd opposita principiis sint falsa. Verbi gratia, Non solū oportet me cognoscere quòd hoc principium est maxime uerum.

De unoquoq; est uera affirmatio uel negatio, sed quòd etiam teneam suum oppositum esse falsissimum, ita quòd nihil est eo magis falsum, scilicet quòd contradictoria simul uerificantur de eo dem. Et ratio quidem huius conclusionis est hæc, Dictum est, quòd oportet demonstrantem firmissime assentire & inhærere principiis, ex quibus demonstrat. Sed non posset eis firmissime inhærere, si dubitaret & non esset certissimus, quòd eorum opposita sunt maxime falsa. Experimur enim, quòd si dubitamus de falsitate

fitate unius oppositi, non possumus absq; dubio adhærere ueritati alterius oppositi, sed semper timemus de eius ueritate, donec nobis fiat euidentissima sui oppositi falsitas.

Constat ergo quomodo demonstratio ad mentem Aristotelis est ex notioribus, & certioribus principiis, quàm sit ipsa conclusio.

Sed aduerte, quòd propositio maior, quam assumit Aristoteles in probatione primæ conclusionis, primo aspectu uidetur falsa. Non enim sequitur, propter albedinem homo est albus, ergo albedo est magis alba, &c.

Tu igitur aduerte, quòd illa propositio est uera regulariter, & solum in causis efficientibus principalibus, quæ sunt causæ efficientes formaliter uel uirtualiter sui effectus. Exemplum de efficiente formaliter, manus propter ignem fit calida, ergo ignis est magis calidus. Exemplum de efficiente uirtualiter, Terra in æstate fit calida, & sicca propter solem, ergo sol uirtualiter licet non formaliter, est magis calidus, & siccus quàm terra. Est autem uirtualiter magis calidus, & siccus, quoniam per maximam lucē suam, & motum, producit calorem, & siccitatē in inferioribus, ut tibi declarabitur in secundo lib. de cælo, & quoniam præmissæ sunt causæ efficientes principales notitiæ conclusionis, idè oportet eas esse prius, & magis notas apud demonstrantem, quàm sit ipsa conclusio.

In hoc igitur sensu dicta propositio est infallibiliter uera, quòd si uolueris eam applicare causæ formali, aut materiali, aut effectiue instrumentali, aut finali, non ualeat, sed plerunq; concludens falsum. Nam in causa formali non tenet, ut hic, nix est alba propter albedinem. Nō sequitur ergo albedo est magis alba, nec in causa materiali, ut hic, Homo est corruptibilis, propter materiam. Non ualeat, ergo materia est magis corruptibilis. Nam ut tibi declarabitur in primo Physico, materia est incorruptibilis, & tamen propter eam omnia inferiora sunt corruptibilia, nec in causa efficiente instrumentali, ut hic, Artifex fabricat gladium propter malleum. Non sequitur, ergo malleus magis fabricat gladium, quàm artifex, Nec in causa finali, ut hic, Sortes deambulat propter sanitatem, ergo sanitas magis

TRACTATVS VNDECIMVS

magis deambulat,quàm Socrates. Constat igitur tibi in quo sensu ualeat prædicta propositio,& in quo non.

Quantum ad tertium principale, quod proposuimus in principio huius capitis, aduerte quòd ex eo quòd determinauimus demonstrationem procedere oportere ex principiis prius,& magis cognitis,quàm conclusio,orti sunt duo errores circa scientiam apud antiquos,quorum utrumque reprobatur Arist. Primus est eorum, qui dixerunt quòd si oportet demonstrationem ad hoc, quòd acquirat scientiã de cõclusionem,prius cognoscere & magis principia,quàm conclusionem de nullo poterit haberi scientia, quia nulla conclusio poterit demonstrari.

Secundus autem error est eorum, qui dixerunt quòd non obstante determinata ueritate de præcognitione principiorum,de omnibus potest haberi scientia,& omnis conclusio potest demonstrari.

Ratio primi erroris stat in hoc, supponitur quòd nihil potest sciri nisi per demonstrationem, ita quòd si aliqua propositio est indemonstrabilis,illa remanet incognita,& nescita.

Posita hac radice,arguitur sic,principia ex quibus procedit demonstratio,aut tendunt in infinitum, aut non,ita quòd est status in illis,si primum, ergo nesciuntur prima principia,quoniam in infinito,& in processu in infinitum, non est dabile primũ.cũ igitur demonstratio debeat procedere ex primis & prius ac magis cognitis principiis,quàm sit cognita conclusio,sequitur quòd de nullo erit demonstratio,ex cõsequenti de nullo erit scientia, quoniã scientia per demonstrationẽ acquiritur,cum sit syllogismus faciẽs scire,ut supra declaratũ est.Si secundum, ergo prima principia ad quæ est status,nesciuntur,nam nihil scitur,nisi per demonstrationem,sed prima principia non sunt demonstrabilia.Determinatũ est enim, quòd demonstratio procedit ex prioribus & notioribus,sed nihil est prius ac notius,per quod possint demonstrari prima principia, aliter nõ essent prima,si haberet priora,& notiora. Ergo prima principia nõ possunt demonstrari,ergo nesciunt & ignorantur.Sed ignoratis primis principiis,ignoratur & cõclusio,cuius notitia pendet

pendet ex notitia clara primorum principiorum. Bene ergo sequitur, quod siue principia demonstrationis tendāt in infinitum, siue nō, impossibile est de aliquo haberi sciētiā. Hæc fuit ratio authorum primi erroris, qui scilicet dicunt de nullo posse haberi scientiam.

Ratio autem authorum secundi erroris, stat in hoc, Concessio quòd scire sit tantum per demonstrationem, adhuc stat quòd de omnibus potest haberi scientia, quoniam de omnibus potest haberi demonstratio, scilicet tã de principiis, quàm de conclusionibus; quoniam & si non possint omnia in directum demonstrari, possunt tamen per circulum, puta quòd per principium demonstremus conclusionem, & per conclusionem demonstratam, demonstremus principiū, modo quo declarabimus infra fieri demonstrationem circularem.

Vtrunque errorem reprobat Aristot. destruens utriusque erroris radicem. Primi erroris radicem quæ fuit, quòd nihil scitur nisi per demonstrationem, destruit dicens, quòd cōtingit aliqua scire absque demonstratione, sed sciuntur ex clara euidētia terminorū, ita quòd cognito significato terminorum statim, & absque aliqua argumentatione illis assentimus, & hæc sunt prima principia, quorum notitia adeò clara. & firma est, quòd est causa notitiæ omnium conclusionum.

Stant hoc fundamento, quòd aliquid scitur absque demonstratione, constat quòd ratio authorum primi erroris nihil concludit. Nam conceditur, quòd non est processus in infinitum in principiis demonstrationis, sed est status, ita quòd est deuenire ad prima, & quando arguitur, ergo prima principia nesciuntur, negatur consequētia, & ad probationem negatur, quòd nihil sciatur nisi per demonstrationem. Hoc enim uerificatur solum de conclusione, sed non de principiis, quoniam & si nō demonstratione, tamen ex euidētia significati terminorum cognoscuntur, ut cognito quid significetur per totū, & per partem, statim innotescit nobis lumine intellectus agentis, quòd totum est maius sua parte, & sic constat, quòd ratio authorum primi erroris nihil concludit.

Ratio

TRACTATUS DECIMVS

Ratio autem authorum secundi erroris, longè minus concludit, quoniam fundatur in falso, scilicet quòd licet demonstrationem fieri circularem. Id nanque reprobatur Aristoteles satis diffusè in primo Posteriorum, quo reprobato constabit rationem eorum esse penitus inuolidam. Quòd autem non ualeat demonstratio circularis, probandum est ad mentem Aristotelis.

Sed ne per incognita procedamus, prius declarandum est quid sit circulariter syllogizare, & demonstrare. Tu igitur aduerte, quòd tunc circulariter argumentamur, quando primò probamus ex præmissis conclusionem, ut hic, Omne animal rationale est risibile, omnis homo est animal rationale, ergo omnis homo est risibilis. Deinde ex conclusione, ut principio, & minore conuersa, probamus maiore, sic, Omnis homo est risibilis, omne animal rationale est homo (hæc est minor conuersa) ergo omne animal rationale est risibile, (& hæc fuit maior primi syllogismi.) & hic tibi constat quomodo committitur circulus, quoniam maior est probans in primo syllogismo, & in secundo est probata. Item, quòd fuit conclusum in primo syllogismo, sumitur ut concludens in secundo. Committitur igitur circulus ad similitudinem motus circularis naturalis. Nā sicut in illo est progressus ab eodem ad idem, ut tibi manifestabitur in lib. viij. Phisic. sic in tali modo syllogizandi, procedit intellectus ab eodem propositione probante puta maiore, ad eandem probandam per regressum à conclusione ad eandem.

Declarato quid sit circulariter syllogizare, probatur ad mentem Aristotelis in primo Posteriorum, quòd demonstrare per circulum, sit penitus inutilis modus, & vanus, quoniam per ipsum non acquiritur scientia, quæ est finis demonstrationis, ut docuimus supra.

Quod sic probatur, suppono quòd in syllogismo circulari, idè sit conclusio, scilicet in primo syllogismo, & principium scilicet in secundo syllogismo. Hoc iam manifestatum est. Suppono quòd principium demonstrationis semper sit prius, & notius conclusione, & non solū quo ad nos, sed etiā simpliciter, & hoc in demonstratione possi-

tissima

tissima, & à priori, de qua hic intendimus, & hoc iam manifestauimus suprà notificantes diffinitionem datam de scire simpliciter, & diffinitionem datam de demonstratione per causam materiale. His suppositis arguitur sic, si fiat demonstratio circularis, ergo idem respectu eiusdem erit prius, & posterius, non solum quo ad nos, sed etiam simpliciter, & erit notius ac ignotius. Sed hoc est impossibile, quoniam ut patet implicat contradictionem, ergo & demonstratio circularis erit impossibilis, & si fiat, carebit sine suo, qui est acquisitio scientiæ. Prima consequentia patet ex eo, quod in demonstratiõe circulari idem est principium, puta minor in primo syllogismo, & ut sic est notius, & prius ex secundo supposito, & idem est conclusio, scilicet eadem maior in secundo syllogismo, & ut sic est posterius, & minus notum, ut patet ex supradictis, ergo si fiat demonstratio circularis, idem respectu eiusdem erit prius, & posterius notius, & ignotius simpliciter, & quo ad nos. quod cum sit implicans contradictionem, & nullum tale sit admittendum, nec demonstratio circularis est admittenda. Constat igitur, quod nec radix primi erroris, nec ea quæ est secundi erroris ueræ sunt. Vtraq; ergo sententia reprobata utpote extrema, tenenda est media, quæ est Arist. scilicet quod aliquorum est scientia, & aliquorum non. Nam dicemus infrà, quod de ente necessario, & per se, potest haberi scientia, non autem de ente contingenti, nec de ente per accidens.

Sed aduerte, quod hic duo insurgunt dubia, Primum est circa illud, quod dixit Arist. in reprobatione radices primi erroris. Dixit enim, quod non omnis scientia acquiritur per demonstrationem, nam scientia primorum principiorum non acquiritur per demonstrationem; quoniam cum sint prima, non habent priora per quæ demonstrari possint. Sed ipsa scimus in quantum terminos cognoscimus. Sed ex hoc non uidetur saluari diffinitio data de scientia ab Arist. in libro sexto Ethicorum. Vbi uult, quod scientia sit habitus conclusionis per demonstrationem acquisitus. Cum igitur diffinitio debeat competere omni contento sub diffinitio, necesse est, ut omnis scientia per demonstrationem

strationem acquiratur^a, & quoniam prima principia non possunt demonstrari, idè sequitur quòd non sciantur.

Respondetur, scientia in uia Aristot. dupliciter sumitur. primò, pro certa, & firma, & clara rei noticia quocunque modo habeatur, siue experimèto sensus, siue euidèntia terminorum, siue syllogismo demonstratiuo. secùdò, pro certa, & firma rei noticia, non quocunque modo habita, sed tantum per demonstrationem. In primo sensu est scientia communiter dicta, in secundo autè est scièntia propriè dicta, scilicet ut distinguitur à quolibet habitu intellectus, ut ab habitu primorum principiorum, & opinione, & arte & prudentia, & sapientia &c. In j. Posteriorum intendit de scientia in primo sensu, prout sub se continet habitum primorum principiorum tanquàm euidèntissimam notitiam ex terminis, & scientiam propriè dictam, quæ causatur ex demonstratione. In sexto autè Ethicorum intendit de scientia in secundo sensu, prout distinguitur ab habitu primorum principiorum, eò quòd scientia propriè dicta causatur per demonstratiònem. Habitus autem primorum principiorum causatur non ex aliquo discursu nec syllogismo, sed ex sola cognitione terminorum, & sic constat, quòd nulla est contrarietas inter dictum Aristotelis in primo Posteriorum, & dictum eiusdem in sexto libro Ethicorum.

Secundum dubium confurgit ex eo, quod dicimus in destructione secundi erroris, scilicet quòd circulus fit in syllogizando, quando ex conclusione sumpta ut principio, & minore còuersa probamus maiorem, ut postquàm còclusimus per primum syllogismum, omnem hominem esse risibilem, reuertimur ad probandum maiorem, scilicet omne animal rationale est risibile, & conuertimus hanc minorem, omnis homo est animal rationale. Sic autem conuertimus, omne animal rationale est homo, sed hæc conuersio non ualet: quoniam ut docuimus in tractatu tertio agentes de conuersione uniuersalis affirmatiua non conuertitur in uniuersalem affirmatiua sed in particularem affirmatiuam per conuersionem per acci-

Respondetur,

Respondetur, licet ordinarie, & uniuersaliter non conuertatur uniuersalis affirmatiua, in uniuersalem affirmatiuam, quoniam non ualeat, Omnis homo est animal, ergo omne animal est homo, tamen in particulari materia conuertitur, ut quando conuersa, & couertens constat ex terminis conuertibilibus, sicut est in proposito. Nam animal rationale, & homo, & risibile, sunt termini cōuertibiles, & ideo cum in prædicto syllogismo tam primo, quam secundo sint tres propositiones uniuersales affirmatiuæ formatæ de terminis conuertibilibus, possunt omnes conuerti in uniuersalem affirmatiuam, & sic patet, quod obiecto facta nihil ualeat. Concludit enim de terminis nō conuertibilibus, quales sunt homo, & animal, & uniuersaliter species, & genus. Nos autem intendimus de terminis conuertibilibus, quales sunt diffinitio, & diffinitum, subiectum, & propria passio. Hæc de secundo capite dicta sint.

Ex quibus præmissis fiat demonstratio potissima.

CAP. III.

In tertio capite declarandum est ex quibus præmissis fiat demonstratio potissima, quæ est demonstratio propter quid. Nam ordo scientiæ requirit, quod postquam declaratum est in capite præcedenti, ex quibus est, tanquam ex materia, puta quia est ex ueris, primis, immediatis, & notioribus, nunc declaremus earum qualitatem, quæ habet rationem formæ, puta utrum præmissæ demonstrationis debeant esse necessariæ, & uniuersales, & per se, & secundum, quod ipsum. Hic igitur ad mentem Aristotelis sunt quatuor conclusiones probandæ. Prima est, Demonstratio propter quid debet esse ex præmissis necessarius. Secunda est debet esse ex præmissis, quæ sint de omni. Tertia est, debet esse ex præmissis quæ sint per se. Quarta est, debet esse ex præmissis, quæ sint secundum quod ipsum.

Verum ne procedamus per incognita, & ne simus coacti idem sæpius repetere, prius declarabimus, quid sit propositio necessaria, quid de omni, per se, quid secundum quod ipsum. Deinde singulas conclusiones probabimus.

Tu igitur aduerte, quod propositio necessaria est ea, quæ ita est uera, quod non potest esse falsa, sed est immutabilis

TRACTATUS VNDECIMVS

ueritatis, ut omnis homo est rationalis. Nam sicut ens necessarium est illud quod est, & non potest esse, sic propositio necessaria est, quæ est uera, & non potest non esse uera, & in hoc distinguitur a propositione de possibili, & de contingenti, quæ potest aliquando esse uera, & aliquando falsa.

*propositio
de omni
prioristica*
Propositio de omni, loquendo posterioristice est illa, cuius prædicatum uerificatur de omni contento sub subiecto, & omni tempore, ut homo est animal, linea est longitudo, & breuiter; quando prædicatum est diffinitio, uel pars diffinitionis subiecti, uel proprium eius, dummodo subiectum sit terminus communis de pluribus prædicabilibus, siue præcedat signum uniuersale affirmatiuum, siue non. Vnde posterioristice ita est de omni ista, homo est animal, sicut ista, Omnis homo est animal. Dixi posterioristice, ut distinguatur propositio de omni prioristica, ab ea, quæ est posterioristica. Nam non est de omni prioristica, nisi præponatur subiecto signum uniuersale, nec est necesse, quod prædicatum omni tempore dicatur de subiecto, sed sufficit, quod dicitur de omni contento sub subiecto. Vnde hæc est de omni prioristica, Omnis homo currit, non autem posterioristica, & hæc non est de omni prioristica, Homo est animal, sed est indefinita, est autem de omni posterioristica, quoniam prædicatum dicitur de omni contento sub subiecto, & omni tempore, & aduerte, quod omnis propositio de omni prioristica, est necessaria, sed non econuerso. Nam hæc necessaria est, Deus est, & ista, Sortes est homo, & tamen non sunt de omni; quoniam subiectum est terminus discretus, qui non est communis pluribus, nec actu, nec aptitudine. Constat igitur tibi quid sit propositio de omni posterioristica, de qua solum hic intendimus.

per se
Propositio per se est illa, cuius prædicatum est diffinitio, uel pars diffinitionis subiecti, uel econuerso. i. cuius subiectum est de diffinitione prædicati, uel cuius subiectum exprimit causam prædicati. Vnde omnes istæ sunt per se, homo est animal rationale, homo est risibilis. Interfectus interfectione, Album albet albedine, medicus medicatur arte medicata, &c. Pro quorum notitia aduerte, quod

quòd Aristoteles in primo Posteriorum assignat quatuor modos per se, ex quibus primus, & secundus, & quartus sunt modi prædicandi per se, tertius autem est modus existendi per se.

Primus est, quando prædicatum inest subiecto, ut diffinitio, uel pars diffinitionis, siue in recto, siue in obliquo. Exemplum primi, Homo est animal rationale mortale. Exemplum secundi, Homo est animal. Exemplum tertii, Triangulus est figura. Exemplum quarti, Triangulus est ex tribus lineis facientibus angulos.

Secundus est, quando subiectum est de diffinitione prædicati, & ipsum subiectum est propria materia receptiua prædicati, & prædicatum est proprium, siue proprietas subiecti in quarto modo dicendi proprium. Vnde istæ sunt per se in secundo modo. Homo risibilis, linea est recta, uel curva, numerus est par, uel impar.

Tertius modus per se, qui est modus existendi potius, quàm prædicandi, est, quando ly per se dicit solitudinem, idest negat consortium a subiecto: ut quando Sortes solus est in domo, dicitur Sortes per se, id est non cum alio, est in domo, & quando quis aliquid sine socio operatur, dicitur per se, hoc tertio modo, ut Sortes per se trahit nauem, idest solus, & Sortes per se cecat, idest non cum alio, & quando subiectum non est in alio, nec dicitur de alio. Vnde hoc tertio modo primæ substantiæ sunt per se, quoniam nec dicuntur de inferiori, secundæ substantiæ, nec sunt in subiecto, ut accidentia.

Quartus modus de se est, quando subiectum exprimit causam prædicati, ut interfectus interiit interfectione. Interfectio enim est propria causa interitus, & ideo hæc propositio est per se, quarto modo. Interfectus interfectione interiit. Si autem subiectum non exprimit causam prædicati, nec est propria causa prædicati, propositio erit per accidens, ut hic, Sorte ambulante coruscavit. Neque enim ambulatio Sortis est propria, nec per se cā coruscationis. Et aduerte, quòd in hoc quarto modo sunt aliquæ propositiones essentialiter, & aliquæ reductiue. Essentialiter quidem sunt istæ, Medicus sanat, ædificator ædificat, ægro

tans moritur. nam subiectum dicit manifeste causam propriam predicari. nam si quærat, propter quid medicus sanat respondetur, quia est medicus. Hæc autem est per accidens, Homo sanat, quia homo ut homo non sanat, sed inquantum medicus, &c. Reductiue autem sunt istæ, Risibile ridet. Visibile uidetur, Oculus uidet, Auditus audit, Audibile auditur, Tangibile tangitur, & per oppositum istæ sunt per accidens, Polycletus facit statuam, album ædificat. Non enim Polycletus, ut Polycletus, sed artifex talis, facit statuam, nec album, ut album, sed ut ædicator ædificat. Constat igitur tibi, quid sit propositio per se, & quot sint modi per se, & aduerte, quod sicut omnis propositio posterioristica de omni est necessaria, ita est per se, sed non econuerso. Nam hæc est per se, Hic homo est animal. & tamen non est de omni, cum sit discretæ; & hæc est per se Sortes est risibilis, & hæc, Hic interfectus interiit, & tamen non est de omni, ut patet.

In q. iij. m.
Propositio, secundum quod ipsum, est illa, quæ est de omni, & per se, cuius predicatum conuenit subiecto adæquate, & primo, id est conuertibiliter, & non per aliud, sed inquantum tale, & per seipsum. Quod predicatum dicitur uniuersale posterioristicum, ut hæc est secundum quod ipsum. Triangulus habet tres angulos æquales duobus rectis, & hæc, Homo est risibilis, & breuiter quandocunque prædicatum conuenit subiecto, inquantum tale, & non propter aliquid aliud est propositio, secundum quod ipsum. Si autem conuenit subiecto non per seipsum, sed per aliud non est propositio, secundum quod ipsum. Vnde hæc non est secundum seipsum, figura habet tres angulos, quoniam figura non inquantum figura, sed inquantum hæc, puta inquantum triangulus habet tres angulos. Nec ista est secundum quod ipsum, ysocheles habet tres angulos: quoniam ysocheles non inquantum ysocheles, sed inquantum triangulus habet tres angulos. Tu igitur aduerte, pro regula generali, quod quandocunque prædicatum uerificatur de subiecto adæquate, & reduplicatur super seipsum, sit propositio secundum seipsum, ut hic, Homo inquantum homo, est rationalis, est risibilis, est statuæ rectæ. Hæc autem non

est secundum seipsum, Homo inquantum homo, est animal, quoniam prædicatum non adæquatur subiecto; nec conuenit homini inquantum homo, id est ratione, qua homo, sed ratione, qua animatum sensitiuum est animal.

Diximus, quod propositio secundum quod ipsum est de omni quoniam cum prædicatum adæquetur subiecto, conuenit omni contento sub subiecto. nam bene sequitur, homo inquantum homo, est risibilis, ergo omnis homo est risibilis. Quod enim conuenit alicui tali inquantum tale, conuenit omni tali.

Diximus quod per se: quoniam in propositione secundum quod ipsum, prædicatum est diffinitio, uel de diffinitione subiecti, & sic est primus modus per se, uel est proprietas, seu habens modum proprietatis, & sic est in secundo modo per se.

Diximus, quod prædicatum est uniuersale posteriori cum. Pro cuius notitia aduerte, quod uniuersale sumitur dupliciter. Primò, pro quolibet superiori respectu sui inferioris, in quo sensu dicitur genus esse uniuersale respectu suarum specierum, & species respectu suorum indiuiduorum, & in hoc sensu locuti sumus de uniuersali in trac. de prædicabilibus. Secundò, sumitur pro prædicato adæquato, & conuertibili cum subiecto, quod dicitur uniuersale, non quia sit in multis, aut dicatur de multis, hoc enim est uniuersale in primo sensu, sed quia est uersum, & receptum in uno subiecto, extra quod inconuenitur, ut quia risibile, & rationale est receptum in solo homine, ita quod extra hominem non inuenitur, dicitur prædicatum uniuersale de homine. Idem intellige de habere tres, respectu trianguli, & esse parem, uel imparem respectu numeri, & in hoc secundo sensu intendit Aristoteles de uniuersali in primo posteriorum: quando dicit, uniuersale autem dico, quod cum de omni sit, & per se, & secundum quod ipsum est.

Viso, quæ sit propositio necessaria, & quæ de omni, & quæ per se, & secundum quod ipsum probandum est primò, quod demonstratio potissima, & absoluta sit ex præmissis necessariis, secundo quod sit ex præmissis de omni, tertio, quod sit ex præmissis per se, quarto, quod sit ex

TRACTATVS VNDECIMVS

ex præmissis secundum, quod ipsum.

Primum probatur sic, Demonstratio potissima est ex his, quæ non possunt aliter se habere, ergo est ex necessariis, consequentia patet ex ratione necessarij. Antecedens probatur, demonstratio potissima est syllogismus faciens scire, ut patet ex diffinitione data de demonstratione per causam finalem. Sed scire, est rem, idest conclusionem cognoscere per causam, idest per præmissas, quæ non possunt aliter se habere, ergo demonstratio potissima est ex præmissis, quæ non possunt aliter se habere, ex cōsequenti, est ex præmissis necessariis.

Secundum probatur sic, Demonstratio potissima est ex præmissis, quarum prædicatum uerificatur de omni contento sub subiecto, & semper, & infallibiliter, ergo est ex præmissis de omni. Patet consequentia ex diffinitione superius data de propositione de omni. Antecedens autem probatur, quoniam si in præmissis assumptis in demonstratione potissima prædicatum nõ uerificaretur de omni contento sub subiecto, & semper, & infallibiliter, non esset demonstratio ex necessariis, ut patet. Sed conclusum est demonstrationem potissimam esse, ex necessariis, ergo, & cætera.

Tertium probatur sic, Conclusio demonstrationis potissimæ est propositio per se, ergo præmissæ debent esse per se. Consequentia quidem patet, quoniam sicut nõ scitur conclusio uera, nisi ex præmissis ueris, sic non demonstratur conclusio per se, nisi ex præmissis per se, licet enim possit syllogizari ex præmissis per accidens, non tamen de monstrari, nec sciri, nisi ex præmissis p se. Antecedens aut de claratur sic de mente Aristotelis, Conclusio demonstrabilis est propositio, cuius prædicatum se habet ad subiectum, ut propria palsio, uel habens modum palsionis. Sed quando prædicatur propria palsio de subiecto, est propositio in secundo modo per se, ut declaratum est supra, ergo conclusio demonstrationis potissimæ est propositio per se. Quot uero modi per se ingrediuntur demonstrationem potissimam, dicemus alias.

Quartum probatur sic, Demonstratio constat ex duabus

bus præmissis, & conclusione, quæ sunt propositiones per se, ut dictum est, quarum termini sunt conuertibiles, & adæquati, ut patet hic. Omne animal rationale est risibile, Omnis homo est animal rationale, ergo omnis homo est risibilis. Sed quando termini sunt conuertibiles, & adæquati, præmissæ sunt secundum quod ipsum, & earum prædicatum est uniuersale posterioristicum, ut docuimus, ergo demonstratio potissima, de qua tantum nunc intendimus, est ex præmissis, secundum quod ipsum, & confirmatur; quia ut declarabimus infra, demonstratio huiusmodi fit in prima figura in primo modo, & maior constat ex diffinitione subiecti, & propria eius passione, ut, Omne animal rationale est risibile. Minor autem constat ex diffinito, & diffinitione, ut, Omnis homo est animal rationale. Conclusio uerò constat ex subiecto, & sua passione, ut Ergo omnis homo est risibilis. Constat autem, quod isti tres termini, homo animal rationale risibile, sunt adæquati, ergo cōstituunt propositiones secundum quod ipsum. Hæc de tertio capite dicta sint.

Ex quibus et qualibus non est demonstratio. Cap. IIII.

IN quarto cap. inuestigandum est ex quibus, & qualibus non est demonstratio. Nam ex quo in præcedenti cap. inuestigatum est, ex quibus, & qualibus est, cōsequens est inquirere ex quibus, & qualibus non sit. Hic igitur ad mentem Arist. quinque conclusiones determinandæ sunt, Prima est, Demonstratio non est ex contingentibus, neq; possibilibus aliter se habere. Secunda est, Demonstratio non est ex his, quæ sunt per accidens. Tertia est, demonstratio non est ex extraneis. Quarta est, Demonstratio non est ex corruptibilibus. Quinta est, Demonstratio nō est ex principiis communibus.

Prima conclusio probatur sic ad mentem Aristotelis, Demonstratio potissima est ex præmissis necessariis, ergo non est ex contingentibus, neque possibilibus aliter se habere. Consequentia patet; quoniam necessarium, & cōtingens opponuntur, ergo si est ex necessariis, non est ex contingentibus. Antecedens uerò tripliciter probatur de nouo; licet & in capitu. præcedenti iam probatum sit, tamen pro

maiori doctrina iterum probandum est. Primo sic, Demonstratio est ex his, quæ sunt per se, ut probatum est in cap. præcedenti, ergo est ex necessarijs. Patet consequentia, quoniam omnis propositio per se est necessaria, Prædicatum enim semper, & immutabiliter dicitur de subiecto, ut homo est animal rationale, homo est risibilis.

Secundo sic, Conclusio demonstrationis est necessaria, quoniam est ea, quæ scitur per demonstrationē. Sed quod scitur, non potest aliter se habere per diffinitionem ipsius scire, ergo quod scitur, id est ipsa conclusio est necessaria, ergo est ex præmissis necessarijs. Probatur consequentia, quoniam ut tibi declarabitur in lib. ij. Phisic. conclusio comparatur ad præmissas, ut effectus ad causas, sed effectus necessarius non potest esse a causa contingenti, aliter effectus esset potior, quàm sua causa, ergo conclusio non potest demonstrari nisi per præmissas necessarias. Dico demonstrari, quoniā ut inquit Arist. Contingit syllogizare necessariū ex non necessarijs, sicut uerum ex non ueris, non aut demonstrare. Exemplum primi, Omne currēs est animal, Omnis homo est currens per casum, ergo omnis homo est animal. Exemplum secundi, Omnis lapis est animal, omnis homo est lapis, ergo omnis homo est animal.

Tertiò sic, & est argumentum a signo, Dicit Arist. signū autem est, quòd demonstratio sit ex necessarijs, quoniam quando uolumus inferre instantias cōtra arguentē, quando disputamus, dicimus, Tu non demonstras, etiam quòd opineris te demonstrare, quoniam tu non procedis ex necessarijs, ergo constat, q̄ oportet demonstrationem esse ex necessarijs, aliter non distingueretur simplex syllogizator a demonstratore. Hinc patet inquit Arist. quàm stulti sint sophistæ illi, qui existimant se demonstrare, & scientiā acquirere, si habeant principium probabile, & uerū. Seipso decipiunt, quoniam non acquiritur sciētia, est quæ est certa, & euidens de conclusione notitia per principium probabile uerum, sed per necessarium infallibiliter uerū. Constat ergo demonstrationem non esse ex cōtingentibus nec possibilibus aliter se habere, sed ex necessarijs.

Secunda conclusio, scilicet, quod demonstratio non sit ex præmissis, quæ sunt propositiones per accidens, probatur tripliciter ad mentem Arist. Sed aduerte, quod Arist. per ly per accidens, intendit de propositionibus, quarum prædicatum est accidens commune, siue separabile siue in separabile, quæ sunt in quinto prædicabili, de quo actum est in tract. de prædicabilibus. De his enim non habetur demonstratio neque scientia, quoniam possunt adesse, & abesse præter subiecti corruptionem, modo quo exposuimus in prædicto tract. ergo possunt aliter se habere, ex consequenti non possunt sciri ex diffinitione ipsius scire. Non ergo intendit Arist. de accidente proprio, quod fuit ex natura rei, quale est risibile in homine, simum & aquilum in naso, crispum in capillis: Siccum leue, simpliciter, & calidum summo in ligne. Ista enim, & si sint accidentia, & in prædicamento qualitatis quo ad entitatem, tamen constituunt propositionem per se in secundo modo per se, & semper insunt subiecto emanantia a principis subiecti, & ideo de eis potest esse scientia, & per ea, de eis potest esse demonstratio. Declaratis igitur his, probatur præposita conclusio tripliciter.

Primò sic, Omnis uera demonstratio est ex præmissis, & conclusione necessariis, quæ infallibiliter sunt ueræ, ita quod non contingit earum prædicata aliquando inesse, & aliquando non inesse, sed semper & immutabiliter inesse. Sed propositiones per accidens, non, semper, & infallibiliter sunt ueræ, quoniam earum prædicatum contingit adesse, & abesse præter subiecti corruptionem, loquendo de accidentibus communibus, ut nunc intendit Arist. Ergo constat, quod demonstratio non potest esse ex præmissis per accidens, nec de conclusione per accidens. Vnde de his non potest haberi demonstratio; homo est albus, The-saurus inuenietur in agro; Sub cane pluët, agrotus sanabitur, Sortes addiscens erit perfectus Philosophus.

Secundò probatur sic, Omnis demonstratio est ex præmissis per se, & secundum quod ipsum, ut manifestatum est in cap. præcedenti. Sed propositiones per accidens, quæ constant ex accidentibus communibus, ut docuimus non sunt

TRACTATUS VNDECIMVS

sunt, nec possunt esse præmissæ per se, ergo ex eis non potest fieri demonstratio.

Tertio probatur sic, Omnis uera demonstratio, & potissima de qua hic solū intendimus, facit scire per se per causam, & propter quid, ut docuimus in secundo cap. Sed syllogismus procedat ex præmissis per accidens, non facit scire per se, per causam, per propter quid. Nam quando syllogismus est ex præmissis per accidens neque maior extremitas inest medio per se, neque medium inest minori extremitati per se, ut patet hic, Omne currēs est album, Omnis homo est currens, ergo omnis homo est albus. Nā si casu dato, quod omnis homo sit currens, & omnis homo sit albus, & omne album sit currens. Neque album inest per se currenti, neque currens inest per se homini, ergo &c. Constat ergo quod demonstratio non est ex his quæ sunt per accidens.

Tertia conclusio, scilicet quod demonstratio non sit ex extraneis, probanda est ad mentem Aristote. Sed antequam probetur, duo prænotanda sunt. Primo, quid sit demonstrare ex extraneis & ex propriis. Secundò duo supponenda sunt.

Quantum ad primū aduerte, quod tribus modis possumus imaginare demonstrationem esse ex extraneis. Primo, quando probatur passio extranea a subiecto, ut si Geometra uelit probare lineā a. esse pulchram uisu. Nam pulchrū aut deforme uisū, non est de cōsideratione geometræ, sed prospectiui, rectum aut obliquum est passio propria lineæ, ut cadit sub scientia geometrica. Vnde geometra qui probat pulchrum uisu de linea, tendit ad extranea. qui autem probat curuum aut rectum de ea, sistit in propriis. Secundo, quādo in aliqua scientia probatur aliquid de subiecto alterius scientiæ, ut si geometra probat aliquid de numero, quod est subiectū Arithmeticæ, uel de ente aut corpori mobili, quod non consideratur a geometra, sed Physico. Tertio, quando in aliqua scientia probatur cōclusio spectans ad illam scientiam, non per medium proprium illius scientiæ, sed per medium spectans ad aliam scientiam, ut si Physicus probet aliquam suam cōclusionem per medium mathe-

mathematicum, ad metaphysicum. His ergo tribus modis contingit demonstrationem fieri non ex propriis, sed ex extraneis, sed tertius modus est propriè ad intentionem Aristotelis.

Quantum ad secundū aduerte duo supposita, quæ præponit Aristote. antequàm ad probationem præpositæ conclusionis deueniam. Primum est, quòd in omni demonstratione tria sunt. Primum est conclusio, quæ demonstratur, puta, Omnis hō est risibilis, cuius prædicatū est propria passio, quæ, per se inest subiecto. Secundum, sunt dignitates, id est principia ex quibus probatur cōclusio. Tertiū, est subiectum de quo demonstratur passio, puta triāgulus, de quo demonstratur habere tres angulos & c. Secundū suppositū est, quòd licet eadem sint principia cōmunia, (quæ dignitates appellantur) diuersis scientiis, puta hoc principium, Omne totum est maius sua parte, & hoc, Si ab æqualibus æqualia demas, residua sunt æqualia. Sunt cōia Geometrix & Arithmetico. Nam uerificantur de lineis, & numeris. tamen idem subiectum non est cōe diuersis scientiis. Sed quælibet scientia habet proprium subiectum, iuxta quod distinguitur a quacunque alia. Sed hoc tibi manifestabitur infrā. His præmissis probatur sic conclusio præposita, Non cōuenit demonstrantē descendere de uno genere in aliud genus. id est de scientia in scientiam distinctā genere a scientia in qua est demonstrans, puta non licet demonstranti descendere de Geometria in Arithmeticā, aut de Physica in moralem, aut de Logica in Physicam, sed sistere in terminis & principiis suæ scientiæ, ergo non conuenit demonstrationem fieri ex extraneis, sed ex propriis. Consequentia patet, quoniā si aliqua demonstratio posset esse ex extraneis, hoc maximè eēt ex eo, quia esset terminorum diuersarū scientiarum ex descensu unius artificis a propria sciētia ad aliam distinctā omnino, puta a geometria ad Physicam. Dico omnino, ut præseruē descēsum a scientia subalternante ad scientiam subalternatā. Nā hic descensus licet, ut tibi manifestabitur infrā. Antecedēs autem tripliciter probatur. Primò ex parte subiecti, secundò, ex parte mediij. tertio, ex parte passionis.

○ Ex parte subiecti sic, Si licet demonstrantem descendere de genere in genus ex parte subiecti, ergo liceret Arithmetico demonstrare aliquid contentū sub quantitate continua, quæ est subiectum geometriæ, puta quòd circulus caret angulis, sed hoc est falsum, quia continuum, de quo est geometria, & arithmeticum, de quo est Arithmetica, sunt duo genera subalterna quantitatis, quorum unū non ponitur sub alio, ergo, non licet demonstrantem in Arithmetica, descendere in geometriam ex parte subiecti, puta probando aliquid de continuo, quod non est subiectum, nec continetur sub subiecto Arithmeticæ.

○ Ex parte medij sic, In omni demonstratione oportet quòd medium per quòd probatur conclusio, & extrema, id est maior & minor extremitas, sint eiusdē generis, quoniam debent de se inuicem uerificari per se, & secundum quòd ipsum, ut docuimus suprā. Sed passionēs & subiecta diuersarum scientiarum sunt diuersorum generum, nam sicut differunt genere linea & ternarius, sic eorū passionēs, quæ sunt rectum & curuum, par uel impar. Ergo eis non potest applicari unum commune medium, per quòd probetur passio de linea, & passio de ternario, non tale communem medium aut falso prædicaretur de utraque, aut per accidens.

— Tu tamen aduerte, quòd ut declarabimus infra, quando una sciētia subalternatur alteri, ut prospectiua geometriæ, & musica Arithmeticæ, licet ex principiis subalternantis aliquid demonstrare in subalternata, quoniā subiectū subalternatæ continetur sub subiecto subalternantis, ut tibi declarabitur infra, nec tūc est descensus de genere in genus, sed de genere quasi in speciem generis, ut quando descendimus de linea simpliciter, quæ consideratur a geometra, ad lineam uisualement, quæ consideratur a prospectiuo.

○ Ex parte passionis sic, In omni demonstratione passio prædicatur per se de suo subiecto, ut in geometria, habere tres, per se prædicatur de triangulo, sed passio subiecti unius scientiæ non prædicatur per se, sed aut nullo modo, aut per accidens de subiecto alterius scientiæ. Nā ut exemplificat Aristot. non spectat ad geometriam demonstrare li-

neam rectam esse pulcherrimam linearum, quoniam esse pulchrum non prædicatur per se de linea, sed esse curuum aut rectum. Nec spectat ad eundem demonstrare, quod linea recta contrariatur circulari, quoniam contrarietas non est de consideratione geometræ, sed Metaphysici, ut tibi declarabitur in lib. decimo Metaphysicæ. Constat igitur tibi, quod non licet demonstranti descendere de uno genere scientiæ in aliud genus scientiæ, tam ex parte subiecti, quam mediij & passionis, sed oportet ipsum uersari tantum circa proprium subiectum, & proprias passiones sui subiecti, & circa propria media, ex quibus habet demonstrare proprias passiones de proprio subiecto. Hinc sequitur corollarie paucissimo esse uerè scientes, quoniam pro maiori parte, credentes se demonstrare procedunt non ex proprijs, sed ex extraneis, & præcipuè ex medijs extraneis, aut communibus, ut declarabimus infra.

Quarta conclusio, scilicet quod demonstratio non sit ex corruptibilibus, probatur tripliciter; ad mentem Arist. deinde remouendum est quoddam dubium.

Primò probatur sic; Conclusio ueræ demonstrationis est perpetua & incorruptibilis, ergo est ex præmissis perpetuis & incorruptibilibus, quæ scilicet sunt perpetuæ ueritatis. Consequentia patet, quoniam sicut non potest demonstrari conclusio necessaria ex missis contingentibus, ut docuimus supra; sic non potest demonstrari conclusio perpetua, & incorruptibilis ex præmissis non perpetuis, & corruptibilibus, aliter semper uerum demonstraretur ex non semper uero, quod patet esse impossibile. Antecedens autem sic probatur, In demonstratione potissima, de qua hic intendimus, conclusio constat ex propria passione, & proprio subiecto, ut homo est risibilis. Triangulus habet tres angulos. Sed propria passio semper conuenit proprio subiecto & omni contento sub eo, cum sit proprium quæto modo, ergo constituunt propositionem perpetuæ ueritatis, quæ est conclusio demonstrationis potissimæ. Constat ergo ueram demonstrationem esse de cōclusionem perpetua, & incorruptibili, & ex præmissis perpetuis. Non ergo demonstratio est corruptibilium, nec ex parte conclusionis,

sionis, nec ex patre præmissarum.

Secundò probatur sic. Omnis demonstratio potissima est de his, & ex his, quæ sciuntur per se, & non per accidens. Nam omnis propositio per se, scitur per se, cum sit immutabilis ueritatis. Dictum est autem tam conclusionē, quàm præmissas demonstrationis potissimæ esse propositiones per se, ergo sciuntur per se. Sed corruptibilia, ut corruptibilia, non sciuntur per se, sed per accidens, quoniā cum sint singularia, non directè patet, reflexè intelliguntur, ergo uniuersalia sciuntur per se, cum sint perpetua: & singularia sciuntur per accidens, cum sint corruptibilia, loquendo de singularibus naturalibus inferioribus. Ergo demonstratio non est de corruptibilibus, nec ex corruptibilibus.

Tertiò probatur sic, Omnis demonstratio potissima est ex his, quæ sunt de omni posterioristico, ut docuimus supra. Sed corruptibilia non sunt de omni posterioristico. Non enim semper sunt, sed aliquando sic, aliquando non, aliter non essent corruptibilia. De omni autem posterioristico, importat sempiternitatem temporis, & uniuersalitatem suppositorum. Ergo demonstratio potissima non est corruptibilia.

Et aduerte, quòd apud Aristotelem ex prædicta conclusione infertur hoc corollarium, Sicut demonstratio nō est corruptibile, sic nec diffinitio. Nā diffinitio aut est principium demonstrationis, ut quando est medium, per quod demonstratur conclusio, ut per rationale demonstratur hominem esse risibilem, aut est tota demonstratio positione, id est ordine differens, ut quando de re datur duplex diffinitio, una per materiam, alia per formam siue per finem. Nam ea quæ per materiam datur, est conclusio demonstrationis; quæ autem per formam, est medium. Verbi gratia, De ira datur duplex diffinitio. Vna per materiam, quæ est hæc, Ira est accensio sanguinis circa cor. Altera per finem, quæ est hæc, Ira est appetitus uindictæ. Et his duabus potest aggregari una, quæ erit hæc. Ira est accensio sanguinis circa cor, propter appetitum uindictæ. & hæc est virtualiter tota demonstratio licet differat

rat positione, id est ordine, quia ut sic nondū est dispositio in modo & in figura syllogismi. Si autem sumatur diffinitio per materiam pro conclusione; & ea, quæ est per formam pro media, tunc fiet demonstratio ordinata in modo, & in figura ut hic, Omnis appetitus uindictæ est accensio sanguinis circa cor. Sed ira est appetitus uindictæ. Ergo ira est accensio sanguinis circa cor. Cum igitur diffinitio sit uirtualiter ipsa demonstratio, aut principium, id est medium demonstrationis, sicut demonstratio non est corruptibile, sic nec diffinitio, ex consequenti nec scientia.

Probata igitur quarta conclusio, & ex ea deducto corollario, aduerte quòd Aristoteles contra determinata mouet dubium, & soluit. Dubium quidem est tale, Dictum est demonstrationem non esse corruptibile, quæ aliquando sunt, aliquando non sunt, sed perpetuorum, quæ semper sunt. Ex hoc ergo sequitur de eclypsi Lunæ, & Solis, & de tonitruo, & de naturalibus nullam posse fieri demonstrationem, neque haberi scientiam, quoniam constat, quòd non semper sunt, sed aliquando sic, aliquando non.

Ad hoc respondens Aristoteles inquit, quòd secundum quod sunt huiusmodi, id est secundum quod de eis habetur demonstratio & scientia, semper sunt; secundum autem quod sunt particularia in se considerata, de eis nō habetur demonstratio, nec scientia. Pro cuius solutionis notitia aduerte, quòd defectus Lunæ & Solis, & tres naturales inferiores dupliciter considerari possunt. Primò in se, & in singulari, puta hæc eclypsis inquantum hæc, & hæc rosa inquantum hæc. Secundò, per respectum ad causam suam naturalem. Primo quidem modo, constat quòd non sunt semper, quoniam hæc uel illa eclypsis, & hæc uel illa rosa per determinatum tempus habet esse, quo transacto non sunt; & ut sic de eis non est demonstratio, nec scientia. Secundo autem modo dicuntur esse semper, nam causa eorum est certa & determinata & sufficiens, ita quòd ea posita infallibiliter sequitur effectus, puta causa eclypsis Lunæ est interpositio diametralis terræ, inter Solem & Lunam. & causa eclypsis Solis, est interpositio Lunæ inter

inter Solem & aspectum nostrum, ut tibi declarabitur in tract. sphaera. quibus causis positis, & quodocunque ponuntur, infallibiliter sequitur eclypsis, & ut sic de eis habetur demonstratio & scientia, quoniam ut sic infallibiliter determinatis temporibus existunt semper. De naturalibus autem puta de rosa, aut niue, aut tonitruo eodem modo dicendum est. Nam licet in se considerata, & ut singularia sunt, non sint semper; tamen relata ad causas suas uniuersales remoto impedimēto, determinato tempore sunt semper, ut in Vere semper generatur rosa, in Aestate tonitruū, in Hyeme, nix &c. Constat ergo quomodo scientia & demonstratio est eorum, quæ sunt semper, & non est corruptibile.


Quinta conclusio, scilicet, quod demonstratio non est ex principiis communibus probatur; qua simpliciter ad mētem Arist. Sed antequam probetur aduerte, quod per principia communia intendit prima, & uniuersalia principia, quas dicimus dignitates, & quæ diuersis scientiis applicari possunt. Verbi gratia, Omne totum est maius sua parte, nō sunt opposita in eodem. Verbi est maius & minus, ibi est æquale. Hæc enim possunt applicari conclusioni geometricæ & arithmeticæ & phys. &c. Sed id tibi plenius declarabitur in cap. sequenti. His prænotatis probatur conclusio præposita quadrupliciter.

Primo sic, nulla principia communia faciunt scire per se & simpliciter id, quod demonstratur, sed tantum in confuso. Omnis demonstratio potissima facit scire per se & simpliciter, & non tantum in confuso id, quod demonstratur, ergo nulla demonstratio potissima, & ex principiis communibus, sed propriis, Minor patet ex definitione superius data de demonstratione potissima. Maior autem sic declaratur, Scire per principia communia, est scire in genere, sicut quid scit hominem in quantum est substantia, & non ultra; scire autem per principia propria, est scire in specie, ut quando scitur homo per rationale, quod est scire distincte & simpliciter. Ut igitur demonstratio potissima faciat scire per se & simpliciter, non sufficit, quod sit ex ueris communibus, sed ex ueris propriis, & demonstra-

bilibus,

bilibus, & immediatis, id est proximis.

Secundo sic, si sufficerent propria cōia ad demonstrandū, ergo Brisio demonstrasset quadraturā circuli. i. quadratum æquale circulo, quod est falsum, probatur consequētia. Brisio assumebat hoc principium cōmune. Vbi est dare maius, & minus est, & dare æquale. Deinde subsumebat, Sed est dare quadratū maius circulo, puta si figuratur circulus intra quadratum, Et est dare minus quadratum circulo, puta si describatur quadratum in circulo, ut hic,



Ergo est dare quadratū æquale circulo, sed quod Brisio non demonstraret, pater ex eo, quod hoc principium, Vbi est dare maius, & minus, &c. est cōe geometræ, & arithmetico, eodem enim principio probari pōt, q̄ ubi est maior, & minor numerus, est etiam dabilis æqualis. Idē intellige apud

Physicum de uelocitate, & tarditate motus, & apud moralem de maiori, & minori uirtute. Cum igitur illud principium non sit proprium geometræ, non facit scire simpliciter, & per se, ideo Brisio nō demonstrauit intētum suum.

Tertio sic, probatum est demonstrationem non esse ex principiis extraneis, nec diuersorum generum, id est, quæ ad diuersa genera scientiarum possunt applicari, sed sunt propria illi scientiæ, in qua assumuntur, ut diffinītio figuræ, & unitatis, & numeri, sunt propria in scientiis, in quibus consideratur figura, puta geometriæ, & unitas, & numerus, puta arithmeticæ. sed principia communia sunt extranea, & diuersorum generum, applicantur enim scientiis distinctis genere, puta hoc principium, Si ab æqualibus æqualia demas, quæ remanent, sunt æqualia, potest applicari magnitudini, & motui, & tempori, & numero, ergo ex principiis communibus non potest fieri demonstratio.

Quarto sic, In omni uera demonstratōe oportet, quod medium, id est principium, per quod demonstratur conclusio, & extrema, ex quibus constat conclusio, id est ma-

TRACTATVS VNDECIMVS

ior, & minor extremitas, sint æque proxima, & eiusdem generis. Declaratum est enim supra, quòd non lieet demòstranti descendere de genere in genus, & maxime ex parte medii, nisi in scientiis subalternantibus, & subalternatis, de quibus loquemur infra. Sed principia communia, per quæ probatur conclusio in aliqua particulari sciētia, non sunt æque proxima. Nec eiusdem generis cum extremis, aliter non possent applicari distinctis conclusionibus diuersarū scientiarum, ergo demonstratio non potest esse ex principiis communibus, sed ex propriis, aliter nunquam erit, & potissima demonstratio.

Constat ergo demonstrationem ueram, & potissimam non esse ex principiis communibus, sed propriis, & proximis, & quæ sint eiusdem generis cum cōclusionē, quæ demonstratur.

Et aduerte, quòd Aristoteles ex præposita, & probata conclusione deducit quatuor corollaria.

Primum est, Quælibet scientia particularis, ut Physica, Geometria, & Arithmetica, respicit Metaphysicam, ut superiorem, quoniā ipsa probat principia propria scientiarum particularium. Scientiæ enim particulares non probant principia sua, sed supponunt ea, ut uera. & tamen cum non consentent ex terminis communissimis, ut primæ dignitates, probabilia sunt, & cum uon probentur, sed supponantur a scientia particulari, in qua sunt principia propria, nec in alia scientia particulari, quoniā non est maior ratio in una, quàm in alia, imo minor. Nam si non probantur in ea, in qua sunt principia, multo minus in quacunque alia particulari, in qua non sunt principia, spectat ergo eorum probatio ad superiorem scientiam, quam particulares respiciunt, ut reginam. & hæc est Metaphysica, ut tibi declarabitur in quarto Metaphysicæ, & in sexto.

Secundum est, quòd Metaphysica est magis, & maxime scientia super omnes alias particulares. Nam ipsa pro subiecto habet ens in quantum ens, particulares autem scientiæ habent pro subiecto partem entis, puta ens naturale, siue mobile, ut Physica, ens quantum continuum, ut Geometria, ens quantum discretum, ut Arithmetica, & hoc ti-

bi declarabitur in quarto Metaphysicæ. Item Metaphysica uersatur circa uniuersalissimas, & primas causas particulares autem circa particulares causas. Et hoc tibi declarabitur in prohæmio primi Metaphysicæ. Item finis Metaphysicæ est diuinorum entium cognitio, particularium autem finis & cognitio naturalium entium, aut entis quanti continui, aut entis discreti. Ex omnibus ergo huc constat, Metaphysicam esse maximam scientiam super omnes alias particulares, ideo Aristoteles in prohæmio primi Metaphysicæ uocat eam Sapientiam, & Deam scientiarum.

Tertium est, Metaphysica descendit in omnes scientias particulares, sicut Geometria in prospectiuam, & Arithmetica in Musicam, sicut enim in Geometria probat principia prospectiuæ, & Arithmetica musicæ, sic Metaphysica probat stabiliendo principia scientiarum particularium. Item, omnia subiecta aliarum scientiarum sunt ueluti partes subiectiuæ subiecti Metaphysicæ, ut tibi declarabitur in quarto Metaphysicæ. Item Metaphysica confiderat de omnibus terminis scientiarum particularium, puta de substantia, ut substantia de corpore, ut corpus, de quanto ut quantū, de quali ut quale, ut tibi declarabitur in quinto Metaphysicæ: particulares autem scientiæ non descendunt in Metaphysicam, ergo dignior, & excellentior est.

Quartum est, Difficile est cognoscere, si nos aliquid uere scimus. Dictum est enim, quod non scimus nisi per principia propria. sed difficillimum est scire, si principia, per quæ probamus aliquam conclusionem, sint propria. Opinamur enim scire, dummodo habeamus syllogismum ex aliquibus ueris, & primis, sed non sufficit nisi habeamus ex propriis, & proximis. Hæc de præsentī capite sint dicta.

*Ex quibus, et qualibus principijs est demonstratio
virtualiter.*

CAP. V.

IN quinto cap. inuestigandum est, quæ principia ingrediuntur demonstrationē uirtualiter, tanquā prima semina, & fundamenta ueræ scientiæ, quæ causatur in nobis ex demonstratione. Ordo enim requirit doctrinā, ut postquam ostēdimus ex cap. tertio, quæ principia ingrediuntur

demonstrationem formaliter, & in cap. quarto, quæ non-
nunc inueſtigemus, quæ uirtuſiter ingrediuntur, & quo-
nam determinabimus, quod principia communia, & uni-
uerſaliſſima, quæ appellantur dignitates, ſunt illa, quæ uir-
tualiter ingrediuntur, & ſuper quæ demonſtratio omnis
ſcientifica firmatur, ne deducamus addiſcentem per inco-
gnita, hic tria agenda ſunt.

Primò, aſſignanda eſt differentia inter principia com-
munia & propria. Secundo, explicandū eſt in ſpecie, quæ
ſint principia communia. Tertio declarandum eſt quomo-
do ſcientiæ particulares in demonſtrationibus ſiſis utuntur
principiis communibus.

Quantum ad primum, antequam aſſignemus differen-
tiam inter principia cōmunia, & propria, prius declaran-
dum eſt, quid ſit principium demonſtrationis abſolute ſum-
ptum, id eſt, ut ſub ſe continet principium cōmune, & prin-
cipium proprium, & quō differt a nō principio, deinde aſ-
ſignabimus differentiam inter principia cōia, & propria.

Tu igitur aduerte, quod principium, ut principium de-
monſtrationis ad mentem Ariſt. eſt propoſitio uera, & ne-
ceſſaria in demonſtrabilis abſolute, uel ſaltem in ſcientia,
in qua habetur ac recipitur pro principio.

Primò, dicitur uera, & neceſſaria, ad differentiam pro-
poſitionis falſæ, aut contingentis. Nam cū principium de-
monſtrationis ſit cauſa ſcientiæ, quæ eſt uera, & firma de
re ſcibili notitia, non poteſt cauſari ex falſo, nec ex con-
tingenti, quod poteſt aliter ſe habere, & aliquando eſt ue-
rum, aliquando falſum, ergo propoſitio falſa, aut contin-
gens, non poteſt eſſe principium demonſtrationis.

Secundò dicitur in demonſtrabilis, ut diſtinguatur prin-
cipium a concluſione. Nam principium, ut principium de-
monſtrat, ſed non demonſtratur. Concluſio autem, ut con-
cluſio demonſtratur, ſed non demonſtrat in quantum con-
cluſio. Dico in quantum concluſio, quoniam non in conue-
nit concluſionem demonſtratam in ſuperiori ſcientia, pu-
ta in geometria aſſumi, ut principium in inferiori, puta in
proſpectiua. Tertio, dicitur in ſcientia, in qua eſt principiu,
ne ſuadeas tibi omne principium in quacunque ſcientia,

eſſe

esse omnino, & simpliciter indemonstrabile, sed sufficit ipsum esse indemonstrabile in sciētia, in qua est principium, ut in geometria hoc sumitur, ut principium, A puncto ad punctum lineam ducere contingit, & tamen est demonstrabile simpliciter. Vnde demonstratur in sexto physico, eò quòd duo puncta non possunt se tangere, sed semper datur medium, quod est linea. Sufficit ergo tibi, quòd omne principium demonstrationis, ut principium, est indemonstrabile, & quidem si sit indemonstrabile simpliciter, est principium simpliciter, ut primæ dignitates. Si sit indemonstrabile secundum quid, puta, in tali, uel tali scientia, est principium secundum quid.

Viso quid sit principium demonstrationis, de facili constet tibi convenientia, & differentia inter principium, & non principium, quod est conclusio demonstrabilis. Conueniunt quidem in hoc, quòd tam de principio, quàm de conclusione, oportet addiscentem cognoscere quid significant, aliter uane laboraret addiscens. Significatum enim terminorum, est prima ianua intelligentiæ.

Differunt autem, quoniam ex principiis, alia demonstrantur, scilicet, quæ sunt conclusiones. Ipsa autem principia aliter non essent principia. Vnde sicut apud Mathematicum de unitate, & triângulo, & recto supponitur quid significet, ita de principiis, & de conclusione, & in hoc conueniunt, & sicut unitas, & magnitudo non demonstrantur, sed aliud ex his, ita dicendum est de principiis, & conclusione, & in hoc differunt principia a non principiis.

Viso, quid sit principium demonstrationis absolute sumptum, & quomodo conuenit, & differt a non principio, id est, a conclusione, diuidendum est in principium proprium, & principium commune, & utrumque diffiniendum, ex qua diffinitione apparebit eorum differentia ab inuicem.

Tu igitur aduerte, quòd sicut animal est genus continens sub se species, puta hominē, & leonem. Sic principium demonstrationis est genus, sub se continens principium proprium, & cōe. Principium quidē propriū ad mentem Arist. est illud, quod est principium tantū in una scientia, in eò,

TRACTATVS VNDECIMVS

quod principium. v.g. apud Geometram tantum, hoc est unū ex suis principiis propriū, Linea est longitudo absque latitudine, & profunditate, & hoc, Rectum est illud, cuius medium non discrepat ab extremis. Hæc enim extra geometriam non uerificantur. Dixi in eo, quod principium, quoniam non inconuenit eandem propositionem in una scientia esse principium, in alia esse conclusionem, ut declarabitur tibi infra in scientia subalternante, & subalternata. In ratione uero principii, nō potest esse principium propriū, nisi in una sciētia tantum. Principium uero commune est, quod in pluribus scientiis potest assumi, ut principium ad probandum conclusiones diuersarum scientiarum, ut sunt ista, Si ab æqualibus æqualia demas, residua sunt æqualia, Omne totum est maius sua parte. De quolibet est uera affirmatio, uel negatio. Possunt autem applicari diuersis scientiis, si sumantur contracta ad propriam materiam diuersarum scientiarum. Verbi gratia, Hoc principium, Si ab æqualibus, & cætera, sic applicatur geometriæ, Si ab æqualibus magnitudinibus, uel lineis, uel superficiebus, æquales magnitudines, uel lineas, uel superficies demas; residua sunt æqualia. Idem intellige de hoc, Omne totum est maius sua parte. Nam geometra sic trahit ad se, Omne totum cōtinuum, puta corpus, aut linea, est maius sua parte. Arithmeticus, autē sic trahit ad se. Omnis totus numerus est maior sua parte. Sicut etiam trahit ad se superius principium dicens, Si ab æqualibus numeris æquales numeros demas, residui sunt æquales, ut si a duobus denariis demas duo, residui sunt æquales, puta octo, & octo.

Quantum ad secundum, manifestandum est in specie, quæ sint principia communia, & propria, & quomodo differant communia a propriis, & quomodo propria distinguuntur per suppositionem, & petitionem, & quæstionem, & diffinitionem: & quam differentiam habeant ab inuicem. Pro resolutione igitur præmissorum, ponuntur tres conclusiones ad mentem Aristotelis.

Prima conclusio est hæc, Principia communia sunt dignitates, id est, primæ propositiones, quæ constant ex universalissimis terminis, ut de quolibet ente, est uera affirmatio

matio uel negatio. Impossibile est idem simul esse & non esse. Non sunt opposita in eodem simul.

Hæc probatur sic, Principia communia sunt propositiones necessariè ueræ, & per se intelligibiles, id est non per rationem exteriorem, id est argumentationem, sed per rationem interiorem, id est solo lumine intellectus, ita quòd sola intelligentia terminorum, quilibet sanæ mētis acquirere scit illis nec potest mente negare, licet fortè uoce neget ex proteruitia, ut quidam ex antiquis, contra quos disputat Aristoteles. Sed istæ conditiones & excellentiæ non competunt nisi dignitatibus & maximis. Super quas omnis uera scientia fundatur, ergo principia communia sunt dignitates, quas diximus constare ex primis, & uniuersalissimis terminis.

¶ Secunda conclusio, propria principia sunt propositiones, quæ constant ex terminis specialibus, quæ non sunt ueræ nec intelligibiles per seipsas, sed per primas dignitates, ex consequenti per rationem exteriorem, id est, argumentationem, licet sumantur, ut indubitate ueræ in scientia in qua sumuntur ut principia, ut in Mathematica prima petitiones, puta punctus est, cuius pars non est, linea est longitudo, &c. linea recta est breuissima extensio inter duo puncta. Angulus causatur ex contractu duarum linearum, &c. Hæc probatur sic, principia propria habent dignitates supra se, per quas possunt probari & stabiliri in scientia sine philosophia prima, ut patet per Aristotelem in quarto Metaphysicæ, ergo sunt propositiones, quæ non sunt ueræ nec intelligibiles per seipsas, sed in quantum reducuntur ad primas dignitates.

– Tertia conclusio, Principia propria, quæ distinguuntur in suppositionem, & petitionem, & questionem, & definitionem, ita se habent, quòd suppositio non est petitio, & petitio non est questio, & definitio non est suppositio, nec petitio, nec questio. Hæc probatur declarando quid sit unumquodque eorum, & quomodo differant.

Tu igitur aduerte, quòd suppositio est propositio demonstrabilis secundum se, quoniam habet priorè, per quā possunt demonstrari, ut ista, A puncto ad punctum, lineā ducere

contingit, potest demonstrari per hanc, Duo puncta non possunt esse continua, neque se tangere, ergo &c. & tamē licet non demonstrata acceptatur, ut firmiter uera ab addiscente. Petitio autem est propositio demonstrabilis, sicut & suppositio. Non tamen demonstrata, & ab addiscente uel respondente, nec respuitur nec acceptatur, sed dicit, pro nunc transeat. Quæstio autem est propositio demonstrabilis, & non demonstrata, quam addiscens uel respondens non solum non acceptat, sed etiam est contrariæ opinionis, donec sibi demonstrata fuerit. Diffinitio uerò licet non sit propositio, quoniam constat ex solo genere & differentia absque copula, tamen est oratio indicans quid est essentia, & natura diffiniti per prædicata essentialia, quæ sunt genus & differentia magis propria, ut tibi alias declarabitur. Constat igitur tibi, quid sit suppositio, & petitio, & quæstio, & diffinitio, Quomodo autem conueniant & differant, aduerte hinc, Eadem propositio est réaliter suppositio, & petitio, & quæstio, sed ratione differunt. Nam si eam acceptat simpliciter respondens, ita quod sit eiusdem sententiæ cum opponente, dicitur suppositio. Si autem respondens non sit eiusdem, nec contrariæ sententiæ cum opponente, dicitur petitio. Quod si respondes sit contrariæ sententiæ cum opponente, dicitur quæstio. Quomodo autem differat diffinitio a tribus prædictis, patet ex eo, quod quodlibet illorum trium est propositio. Diffinitio autem secundum se, non est propositio, nisi dicamus illam esse propositionem, quando prædicatur diffinitum de diffinitione, ut, Homo est animal rationale. Prætereà, diffinitio ad primam operationem intellectus spectat, ut tibi declarabitur in Tertio de anima. Suppositio autem & petitio & cætera ad secundam, ergo &c. Prætereà omnis suppositio, aut petitio, aut quæstio est uniuersalis aut particularis, cum sit propositio, cuius proprietates sunt particularitas, & uniuersalitas, ut docuimus in tertio tractatu. Diffinitio autem nec uniuersalis est nec particularis, cum non sit propositio, ergo constat quomodo differt a tribus prædictis.

Quantum ad tertium, declarandū est, quo modo scientiæ.

tia particulares utuntur in demonstrando principiis communibus : Deinde quomodo se habeant circa principia propria. Quantum ad principia communia, quæ sunt primo primæ dignitates, aduerte, quod secundum Aristotelem in quatuor Metaphysicæ sunt duo. Vnum negatiuum, scilicet non contingit, id est, non potest idem de eodẽ simul affirmari & negari. Alterum est affirmatiuum, s. de quolibet est uera affirmatio uel negatio, id est, de quolibet uerificatur alterum contradictoriorũ. Quomodo igitur scientia particulares utantur his duobus cõmunissimis principiis, aduerte quod ad mentem Aristotelis distinguendum est de demonstratione ostensiuã, & de ea, quæ ducit ad impossibile. Nam demonstratio ostensiuã non utitur primo principio negatiuo, nisi contracta siue applicata ad speciales terminos, & ad maiorem extremitatem, concludendo aliquod prædicatum de minori extremitate, cum negatione sui oppositi contradictorii. Verbi gratia, Volo probare, quod Sortes est animal, & non est non animal, & arguitur sic, Omnis homo est animal, & non est non animal, Sortes est homo, ergo Sortes est animal, & non est non animal, quia non potest de Sorte uerificari animal, & non animal, per primum principium negatiuum. Ergo si est animal, non est non animal.

Demonstratio autem ducens ad impossibile, utitur hoc primo principio affirmatiuo, De quolibet est uera affirmatio uel negatio. Non quidem in sua uniuersalitate, sed applicatum ad proprium subiectum. Verbi gratia, Geometra assumit hoc ad principium ad demonstrandum hanc lineam esse rectam, quia non est obliqua, & Arithmeticus assumit idem ad probandum hunc numerum esse parem, quia non est impar.

Sed dices, quis est modus utendi prædicto principio in in demonstratione ducente ad impossibile?

Respondetur quod est talis. Volo probare quod asinus est homo, & arguo sic, Omne animal est homo, Asinus est animal, ergo asinus est homo. Argumentum est in forma, quoniam in Darii, & conclusio est falsa, ergo aliqua præmissarum. Non minor, ergo maior. Tunc ultra, maior est falsa,

falsa, ergo sua opposita contradictoria est uera, scilicet *Nō omne animal est homo*: patet consequentia, per primum principium affirmatiuum, quoniam de quolibet est uera affirmatio uel negatio, ergo si hæc affirmatio ē falsa, *Omne animal est homo*. hæc negatio est uera, *Nō omne animal est homo*. Hoc igitur modo demonstratio ducens ad impossibile, utitur primo principio affirmatiuo. Ex quibus constat, quòd demonstratio ostensua completur unico discursu, procedendo a maiore ad minorem, & ab utraque ad conclusionem, & illic sistere: Demonstratio autem ducens ad impossibile, non completur, nisi pluribus discursibus, quorum primus est a præmissis ad conclusionem. Secundus autem est per reuersionem ad præmissas, modo quo argumentati sumus. Hæc de quinto capite dicta sunt.

Quomodo omnes scientiæ conueniunt, uel disconueniunt circa principia communia, et propria.

C A P. V I.

IN sexto capite declarandum est, quomodo oēs scientiæ includendo Metaphysicam & Dialecticam se habent circa principia communia, deinde circa propria. Pro resolutione primæ partis ponuntur tres conclusiones. Prima est, *Omnes scientiæ conueniunt, & disconueniunt circa principia communia*. & quidem, quòd cōueniunt declaratur sic, *Omnis scientia roboratur, & firmatur per principia, quæ uirtualiter ingrediuntur omnem demonstrationē*, ita quòd est status, & ultima resolutio ad illa. Sed hæc sunt principia cōia, & maximè duo prima. sc. *Non contingit idem de eodem simul affirmare, & negare, & de quolibet est uera affirmatio uel negatio*. Nam his non acceptis ut uerissimis, nulla stabit demonstratio, nullaq; certa notitia, & scientia. Quòd aut disconueniant, patet hinc, *Oēs scientiæ particulares accipiūt, & utuntur primis principiis cōmūnibus, ut primis ueris, & non quærunct ultrà*. Sed metaphysica non solum utitur eis, sed etiam probat ea contra negantem, ut patet per Aristotelem in quarto Metaphysicæ. Pro cuius notitia aduerte, quòd quælibet scientia potest se habere tripliciter circa principia communia. Primò, probando aliquam conclusionem per ipsa, &

In hoc oēs scientiæ conueniunt, quoniā conclusiones suas non efficaciter probant, nisi tandem reducant ad principia communia, tanquā ad prima complexa, primo & maxime uera. Secūdo probando aliquid de ipsis primis principijs, puta quod non possumus ea mente negare, licet forte uoce, & quod eorum oppositis nō possumus intellectu assentire, & in hoc omnes scientiæ non conueniunt, quoniam id ad solam Metaphysicam spectat, ut patet in quarto Metaphysicæ. Tertiō, probando ipsa principia communia non quidem a priori, nec a posteriori ostensiuē, sed deducendo ad impossibile, ut tibi declarabitur in quarto Metaphysicæ. & non absolutē, sed huic uel illi neganti ea, & hoc iterū spectat ad Metaphysicam. Constat igitur quod omnes scientiæ conueniunt, & disconueniunt circa prima principia communia.

Secunda conclusio est ista, Tam dialectica quā Metaphysica utuntur omnibus principiis cōibus, omnibus scientiis, siue sint ipsæ primæ dignitates, ut, Non contingit idē de eodē simul affirmare, & negare &c. Siue sint cōmunes animi conceptiones, ut, Si ab æqualibus æqualia demas, residua sunt æqualia. Hæc conclusio sic probatur, tam Dialectica quā Metaphysica sunt scientiæ communes, quoniā uersantur circa diem, id est circa enī, ut declarabitur tibi in quarto Metaphysicæ, ergo habent considerare de omnibus, ergo sicut Metaphysica uersatur circa principia communia, sic & Logica. Diuersa tamen ratione quoniam Metaphysica demonstratiuē, modo quo dictum est in conclusione præcedenti. Dialectica autem solum probabiliter disputat de principiis omnium scientiarum.

Tertia conclusio est ista, Dialectica non est determinatæ differentię, nec determinati generis subiecti. Probatur, Omnis scientia, quæ est determinatæ differentię, aut determinati generis subiecti, arguit tantum ad unam partem contradictionis, scilicet probando, & concludendo solum partem affirmatiuam, aut solum negatiuam, Sed Dialectica arguit, & probat utranque partem contradictionis, quoniam non procedit demonstratiue, sed probabiliter, ut patet in Topicis, ergo ipsa Dialectica quæ est disputatiua, non

TRACTATUS VNDECIMVS

non est scientia determinatæ differentiæ, nec determinati generis subiecti.

Sed contra declaratū est in primo tractatu, quòd subiectum in Logica est ens rationis, uel argumentatio, ergo habet determinatum subiectum. Item est de secundis intentionibus adiunctis primis, ergo est determinatæ differentiæ. Respondetur, Logica siue Dialectica dupliciter sumitur. Primò, ut est docens, & tradens artem ac regulans syllogizandi, & demonstrandi, & diuidendi, & diffiniendi, &c. Ex ut sic est uera scientia, & determinati generis subiecti, & determinatæ differentiæ, quoniam est scientia rationalis, & non realis. Secundò ut est utens, & ut sic est potius modus sciendi, est enim instrumentum disputandi. Tale autem instrumentum non est determinatæ differentiæ, nec determinati generis subiecti, quoniam de omni ente, contingit disputare arguendo ad quamcunque conclusionem tam affirmatiue, quàm negatiue, & in hoc sensu dicit Aristot. ipsam non esse alicuius unius generis subiecti.

Et sic constat tibi, quomodo omnes scientiæ cōueniunt uel disconueniunt circa principia communia.

Pro resolutione secundæ partis, scilicet quomodo scientiæ se habeant circa principia propria, tria agenda sunt ad mentem Aristote. Primò, declarandum est, quomodo in qualibet scientia sunt propriæ interrogationes, & propriæ responsiones, & propriæ disputationes. Secundò, mouendæ sunt tres quæstiones, & soluendæ. Tertiò, ostendetur quòd in scientijs doctrinalibus, id est, mathematicis minus decipimur, quàm in alijs, puta quàm in Phycis.

Quantum ad primū antequàm descendamus ad propositum, declarandum est, quomodo differunt interrogatio, & conclusio, & propositio. Tu igitur aduerte, quòd eadem oratio sub diuersa ratione, est interrogatio & conclusio, & propositio, nam dicitur interrogatio ante syllogizationem respectu arguentis. Verbi gratia, Arguens antequàm syllogizet, interrogat respondentem, utrum concedat istam, Omnis homo est risibilis, & ut sic talis propositio est interrogatio. Quòd si respondens concedit, arguens non
syllogizat

syllogizat ad eam concludendam, Si autem non concedit, syllogizat ad eam concludendam, quæ conclusa dicitur conclusio. Vnde interrogatio non differt à conclusione, nisi sicut oratio sumpta ante syllogizationem, & post, ita quòd antè dicitur interrogatio, & post dicitur conclusio; eadem oratio postquam est conclusa, dicitur propositio, si assumatur ut præmissa ad probandam aliam. Verbi gratia, Sit conclusum omnem hominem esse risibilem; ex eo quòd est animal rationale; & probandum sit, quòd hic homo, puta Sortes est risibilis; tunc ea, quæ fuit conclusio, fiet propositio; id est præmissa, sic arguendo, Omnis homo est risibilis, Sortes est homo, ergo sortes est risibilis.

Viso quomodo differant interrogatio & conclusio, & propositio probandum est primum propositum; scilicet, quòd omnis scientia habet proprias interrogationes, & arguitur sic. Idem est realiter propositio, & conclusio, & interrogatio ex declaratis, sed quælibet scientia habet proprias conclusiones, quas demonstrat per proprias propositiones; quoniam demonstratio est ex propriis, & non communibus principiis, ut docuimus supra, ergo omnis scientia habet proprias interrogationes. Sed aduerte, quòd alio modo est interrogatio in scientiis demonstratiuis, & alio modo est in Dialecticis; quoniam in demonstratiuis non est interrogatio de præmissis, sed de conclusione tantum; procedit enim demonstrator ex necessariis, & infallibiliter ueris, & idè non habet interrogare utrum sint ueræ uel non; quoniam aut sunt per se notæ, aut reducit ad per se nota. In dialecticis autem fit interrogatio de conclusione, & de præmissis; quoniam dialecticus non procedit ex necessariis, sed ex probabilibus præmissis, quas contingit esse ueræ & falsas pro diuerso tempore, nec dialecticus potest eas reducere ad per se notas. Hinc patet, quòd nulla est repugnancia in dictis Aristot. quando dixit, quòd demonstrator non interrogat, Dialecticus autem interrogat. Intendit enim de interrogatione quo ad præmissas, non autem quo ad conclusionem. Constat igitur tibi, quomodo in omni scientia sunt propriæ interrogationes,

Et aduerte, quòd ex hac conclusione Aristot. infert tria corollaria. Primum est, nulla interrogatio est indifferenter cuiuslibet scientiæ, sed alia est interrogatio in geometria, alia in medicina, alia in Physica, & sic de alijs. nam sicut diuersæ scientiæ habent diuersas conclusiones, sic & diuersas interrogationes; quoniam ut docuimus, eadem propositio est interrogatio, & conclusio: diuersa tamen ratione, ut dictum est.

Secundum est, in qualibet scientia subalternante aliquid dicitur propositio dupliciter. Primò, quia per illud aliquid demonstratur in scientia subalternante, ut in geometria hæc est propositio, Omnes lineæ ductæ à centro ad circumferentiam, sunt æquales. Nam per ipsam, geometra demonstrat hanc conclusionem, Super datam lineam rectam contingit triangulum æquilaterum constituere. Secundo, quia per illam demonstratur aliquid in scientia subalternata. vnde hæc est propositio geometrica, linea cadēs super lineam perpendiculariter causat angulum rectum. Nam per hanc demonstratur hæc conclusio in prospectiua, quæ subalternatur geometriæ, ut tibi declarabitur infra. Oculus uidet partem dextram, & sinistram obiecti uisibilis, eò quòd ab illis causantur anguli recti, linei, uisuales, per conuersum linearum uisualium rectarum.

Tertium est, Quilibet artifex specialis reddit rationem suarum interrogationum, & conclusionum per sua principia. Non autem reddit rationem principiorum, nisi induat uicem Metaphysici; quoniam ad Metaphysicum spectat probare principia scientiarum particularium contra negatam ea, ut tibi declarabitur in primo Physicorū, & in quarto Metaphysicæ.

Secunda cōclusio est hæc, Quælibet scientia habet proprias, & determinatas responsiones. Hæc sequitur ex præcedenti conclusione. Nam bene sequitur, quòd si quælibet scientia habet proprias interrogationes, habet etiam proprias responsiones. Non ergo aliqua scientia habet de quolibet interrogare, nec de quolibet interrogatio respondere, sed de his tantum, quæ ad illam scientiam pertinent. Ideò dicit Arist. quod non spectat ad scientem pro tali scientia

tia de omnibus interrogare, nec secundum omnem interrogationem respondere, sed de his, quæ sunt secundum determinatam scientiam. Verbi gratia; Si interrogatur Physicus, utrum triangulus habeat tres angulos æquales duobus rectis, non debet respondere, ut Physicus; quoniam hoc non spectat ad Physicum sed ad Geometram. Si autem interrogatur Physicus utrum graue non impeditum descendat usque ad centrum, obligatur respondere; quoniam id est de consideratione Physici.

Tertia conclusio est hæc, In omni scientia sunt propriæ disputationes. Hæc pendet ex præcedentibus. Nam si in omni scientia sunt propriæ interrogationes, & responsiones, sequitur quod etiam sint propriæ disputationes. Præterea, inquit Aristot. si quis disputat cum Geometra secundum quod Geometra, id est ex principiis geometriæ arguens, bene disputat. Si uero non, non bene disputat. Cõstat ergo quod sicut in Geometria sũt proprię disputationes, sic & in alijs sciētijs. Cõstat ergo tibi, quomodo in oĩ sciētia sunt propriæ interrogationes, & responsiones, & disputationes.

Quantum ad secundum principale aduerte, quod Aristot. contra prædeterminata mouet, & soluit tria dubia.

Primum, est cum determinatum sit, quod quælibet scientia habet proprias interrogationes, puta geometria proprias interrogationes geometricas, dubitatur utrum detur aliqua interrogatio non geometrica.

Secundum est, utrum propositiones, id est præmissæ quæ sunt secundum ignorantiam geometriæ, sint cõsentaneæ geometricæ. Pro notitia huius dubii aduerte, quod propositiones secundum scientiam geometriæ sunt propositiones ueræ, quæ constant ex terminis geometricis, quibus intellectus assentit ex ipsa notitia terminorum, aut ex discursu perceptibili siue imperceptibili, ut omnes anguli recti sunt æquales. Non cõtingit parallelas concurrere. Propositiones autem secundum ignorantiam geometriæ, sunt illæ, quæ constant ex terminis geometricis, sed sunt falsæ, & oppositæ prædictis, ut anguli recti sunt inæquales, parallellæ concurrunt. De his ergo Aristot. mouet dubium, an sint geometricæ uel non.

Tertium est, utrum syllogismus ignorantie sit. syllogismus uel paralogismus? Pro cuius notitia aduerte, quod syllogismus scientie est ille, qui procedit ex ueris præmissis, & proprijs principijs scientie, in qua fit. Verbi gratia, In geometria hic est syllogismus secundum scientiam geometrie, parallelae non concurrunt: a & b sunt parallelae, ergo a & b non concurrunt. Syllogismus autem ignorantie est ille, qui procedit ex falsis, & oppositis principiorum scientie in qua fit. Verbi gratia, In geometria hic est syllogismus ignorantie, Parallelae concurrunt, a & b sunt Parallelae, ergo Parallelae concurrunt. Dubium est ergo, utrum talis syllogismus ignorantie, sit uerus syllogismus, an paralogismus.

Ad primum dubium respondens Arist. tenet quod aliquae uidentur esse interrogationes alienius scientie, quae tamen non sunt illius scientie. Pro cuius notitia aduerte, quod aliquae interrogationes, & conclusiones uidentur esse & sunt alicuius scientie, ut in geometria, hæc est, & uidetur esse Geometria. Triangulus habet tres æquales duobus rectis, aliquæ autem uidentur esse, & tamen non sunt, ut hæc uidetur esse geometria, & non est, Quinti toni ad quartum est proportio sex qui quarta. Quæ autem sit huiusmodi proportio, docuimus in septimo Physic. in epitomatibus nostris Physicis. Et tu uide in fine septimi Physic. Quomodo autem differat conclusio geometrica, & conclusio geometricæ dicam infra. Aliquæ autem non uidentur, nec sunt, ut hæc graue tendit deorsum, & leue sursum, nec est nec uidetur geometrica, sed Physic. Intendit ergo Arist. respondens primo dubio, quod ex interrogationibus, & conclusionibus, quæ uidentur esse alicuius scientie, aliquæ sunt & uidentur illius scientie, aliquæ autem non sunt, licet uideantur, ut exemplificatum est in geometria, & conclusionem geometricæ. Nam respectu primi sufficit, quod sit demonstrata per principia geometrie. Respectu autem secundi oportet, quod constet ex terminis geometricis, & demonstretur per principia geometrie, ex qua distinctione constat, quod hæc est geometrica. Quarti ad quintum tonum ex proprio sex qui quarta, sed
non est

non est conclusio geometriæ, sed Musicæ. Hæc autem est geometriæ, Super lineam rectam contingit triangulum æquilaterum constituere.

Ad secundum dubium respondens Arist. dicit, quod opinari hanc propositionem. Paralellæ subeunt, id est concurrunt, esse geometricam, & non geometricam, uerum est, sed supple diuersam tamen rationem. Pro cuius intelligentia aduerte, quod quoad materiam, id est, ad terminos, ex quibus componitur ex geometrica, sicut & ista est Physica, quoad terminos. Leue descendit graue autem ascendit, quantum autem ad formā, non est geometrica, quoniā est falsa, & contra principia geometriæ. Hoc enim est principium in geometria, Paralellæ nō concurrunt. Sicut & istud, Omne totū est manus sua parte, & quoniā unumquodq; habet esse, & denominatur a forma, idē absolute loquendo, non est censenda geometrica. Sicut nec ista est Physica, Omne ens est immobile, Supponit enim physicus motum esse, & aliquod ens moueri. Vnde licet prædicta propositio constet ex terminis Physicis, tamen censenda est non Physica, quoniam repugnat principiis Physicæ, uel dicenda est Physica, secūdum quid, id est extrema, sed non Physica simpliciter, quoniam non ex forma.

Ad tertium dubium respondens Arist. inquit, in doctrinis, id est in scientiis demonstratiuis quales sunt mathematicæ, non est paralogismus, sicut in dialecticis. Pro cuius notitia aduerte, quod syllogismorum quidam est appares sed non uerus, sicut auriculum est appares aurum, sed nō est uerum aurū. Verus est ille, qui regulatur in debito modo, & debita figura, de quibus actum est in tract. de syllogismo formali. Appares est ille, qui non regulatur debito modo nec debita figura, ut quando arguitur ex puris particularibus aut puris negatiuis, aut ex quatuor terminis, ut quando medium est terminus æquiuocus. Verus syllogismus est duplex, quoniam quidē est uerus de forma, scilicet ratione modi, & figuræ, ut si fiat in Barbara, aut Celarent, aut in Cæsare, aut in Darapti, &c. Et uerus de materia, ut si fiat ex præmissis ueris, & concludatur conclusio uera in debito modo, & debita figura. Vnde iste est uerus

TRACTATUS VNDECIMVS

de forma, & de materia; omne rationale est risibile, omnis homo est rationalis, ergo omnis homo est risibilis, Quidam autem est uerus de forma, sed non de materia; quoniam aut utraque præmissarum, aut altera est falsa, ut hic, omnis homo est lapis, omnis asinus est homo, ergo omnis asinus est homo. Patet, quod est in primo modo primæ figuræ, sed utraque præmissarum est falsa. Paralogismus, id est, apparens, & nō uerus, fit duobus modis. Primo, ex præmissis ueris, sed non fit in debito modo, & debita figura, ut hic, nullus homo est lapis, nullus asinus est homo, ergo nullus asinus est lapis. Valet quidem de materia; quoniam utraque præmissarū est uera, sed non ualet de forma; quoniam arguitur ex puris negatiuis, ideo est paralogismus. Secundo, quando fit ex præmissis falsis, & non fit in debito modo, nec in debita figura, ut hic, Asinus est homo, leo est asinus, ergo leo est homo. Constat utranque præmissarum, & conclusionem esse falsam, & arguitur ex puris indefinitis, ergo est paralogismus de forma, & de materia.

His præpositis aduerte, quod Aristoteles intendit in dialecticis posse committi falsum syllogismum tam de forma, quam de materia, ut patet per ipsum in libro Topicorum, qui est paralogismus, secundo modo, & multo magis primo modo. In demonstratiuis autem non committitur paralogismus, nec primo, nec secundo modo; quoniam semper arguitur in debito modo, & debita figura, sed semper est uerus syllogismus, licet aliquando peccet in materia, ut quando sic arguit Geometra, Omnes parallele concurrunt, a & b , sunt parallele, ergo a , & b concurrunt. Constat, quod arguitur in prima figura in tertio modo, & tamē peccat in materia; quoniam maior est falsa, & est opposita principio geometriæ, quod est hoc, parallele non concurrunt, & ratio, propter quam in demonstratiuis scientiis non cōmittitur paralogismus, est hæc, quoniam in eis arguitur solum ex tribus terminis, scilicet maiore, extremitate, & minore, & medio bis sumpto ante conclusionē, & signo uniuersali appposito medio in prima figura, & non maiori extremitati. In prima autem figura fit præcipua demonstratio, & maxime in primo modo, ut manifestabitur

tur instā. Constat ergo, quòd in doctrinalibus scientiis syllogismus ignorantiae non est paralogismus, sed syllogismus peccans in materia, & non in forma, etiam quòd procedat ex oppositis principiorum scientiae, in qua arguitur, ut docuimus à consensu de paralellis.

Quantum ad tertium, scilicet, quòd in scientiis doctrinalibus minus decipiamur, quàm in aliis, puta in Physicis, & hac de causa Aristoteles magis utitur exemplis mathematicis in toto libro Posteriorum, quàm aliarum scientiarum. Probatur ex intentione Aristot. per duas conclusiones. Prima est hæc. Scientiae Mathematicae sunt certiores aliis, ideo minus decipimur in eis. Secunda est, Scientiae Mathematicae sunt firmiores aliis, ideo minus decipimur in eis.

Prima probatur tripliciter. Primo sic, Scientiae Mathematicae sunt manifestiores intellectui, ergo sunt certiores. Patet consequentia, quoniam maior manifestatio causat maiorem certitudinem. Antecedens autem sic probatur, probationes Metaphysicae magis patet ad sensum, quàm in aliis scientiis, ergo manifestiores sunt intellectui, quoniam omnis nostra cognitio ortum a sensu habet, quod ergo magis patet ad sensum, manifestius est intellectui. Quòd uero probationes Mathematicae magis pateant ad sensum, declarat Aristoteles tali signo, Geometra non concedit absolute istam, Omnis circulus est figura propter æquiuocationem huius termini, circulus, qui dicitur de poemate Homeri, & de figura una linea contenta. Nam si concederet absolute, posset sic argui, Omnis circulus est figura, Poema Homeri est circulus, ergo Poema Homeri est figura. quod constat esse falsum. Geometra ergo solum concedit illam, ut æquiualeat isti, Omnis talis circulus est figura, scilicet demonstrando ad sensum circulum in terra descriptum, & hic propter euidenciam sensus non potest esse, nec causari error in intellectu.

Secundò sic, In mathematicis non datur instantia particulariter, sed tantum uniuersaliter, in aliis aut contingit dare instantiam particulariter, & uniuersaliter; ergo Mathematicae sunt certiores aliis. Probatur consequentia, Nā notitia uniuersalis certior est notitia particulari, & singulari. Illa enim

TRACTATVS VNDECIMVS

non mutatur a ueritate in falsitatem, sed semper est uera, ut hæc est immutabiliter uera, omnis triagulus habet tres angulos, particularis autem & singularis mutatur a ueritate in falsitatem ad mutationem rei particularis. Vnde hæc non semper est uera, Sol illuminat emisphærium nostrum, aliter nunquam esset nox.

Antecedens uero sic probatur, in mathematicis prædicatum inest subiecto, secundum quod ipsum, ergo inest omni contento sub subiecto, & si remouetur ab uno contento sub subiecto, remouetur ab omnibus. Verbi gratia, Si quis probat aliquem triangulum habere tres angulos, probat de omni, quoniam habet tres angulos, est proprium triangulo in quarto modo, & si quis probat aliquem circulum carere angulo, probat quod omnis circulus caret angulo, quoniam carere angulo competit omne figuræ circulari, sicut habere in angulum, competit omni figuræ recti linear. In aliis autem scientiis non ita contingit. Nam in Physicis non probatur omne corpus esse in loco, nec uniuersalis negatiua opposita contrariæ, sed particularis affirmatiua, & particularis negatiua, ut tibi declarabitur in quarto physicorum. Constat ergo mathematicas esse certiores; quoniam in eis non datur instantia particularis, sed uniuersalis.

Tertio ad idem sic, Mathematicæ procedunt ex propositionibus conuertibilibus, non autem aliæ scientiæ, ergo sunt certiores aliis. Probatur consequentia, quoniam in conuertibilibus, quo ad conuertentem, & conuersam non potest esse deceptio. Nam si ista est uera, Omnis homo est risibilis, & hæc est uera, Omne risibile est homo; in non conuertibilibus autem non sic est, nam licet ista sit uera, omnis homo est animal, hæc tamen est falsa, omne animal est homo, quoniam homo, & animal non sunt termini conuertibiles. Si igitur Mathematicæ procedunt ex conuertibilibus, certiores sunt aliis. Antecedens uero sic probatur. In mathematicis demonstratur passio conuertibilis de subiecto per medium cōuertibile cum utroque. Verbi gratia, Demonstrat geometra triangulum habere tres angulos æquales duobus rectis, & eo quod habet angulum extrinsecum

secum æqualem duobus intrinsecis sibi oppositis. Hæc autem tria sunt conuertibilia, triangulum, habere tres angulos; æquales duobus rectis habere angulū extrinsecū &c. Sic & ista sunt conuertibilia, homo risibile, rationale.

Et aduerte, quoniam mathematicæ procedūt ex conuertibilibus, licet in mathematicis arguere in secunda figura ex puris affirmatiuis, nam hoc argumentum ualet, omne risibile est rationale; omnis homo est rationalis, ergo omnis homo est risibilis. Et tu loco risibilis, & omnis, & rationalis, sume in mathematicis habere tres angulos, triangulum, & habere triangulum extrinsecum æqualem duobus intrinsecis sibi oppositis. In physicis autem non licet, quoniam non semper procedunt ex conuertibilibus. Vnde hoc argumentum non ualet in secunda figura, Omne quod mouetur, est in loco, lapis in centro terræ est in loco, ergo lapis in centro terræ mouetur. Nam subiectum, & prædicatum maioris, non sunt termini conuertibiles. In plus est enim esse in loco, quàm moueri.

Constat igitur tibi, propter quid mathematicæ scientiæ sunt ceteriores aliis.

Secunda autem conclusio. scilicet, quod mathematicæ sint firmiores aliis scientiis, probatur tripliciter ad mētem Aristotelis. Primo sic, comparando præmissas ad conclusionē in mathematicis, sequitur uniuersaliter, quod si præmissæ sunt ueræ, conclusio est uera, & econuerso, quoniam in mathematicis, ut diximus semper arguitur ex conuertibilibus, & æqualibus, secundum prædicationem, qualia sunt subiectum, & propria passio, & diffinitio subiecti uel propriæ passionis, & ideo si præmissæ sunt ueræ, conclusio est uera, & econuerso, & hæc de causa syllogismus in secunda figura ex puris affirmatiuis ualet in mathematicis, ut diximus supra. In aliis autem scientiis non sic est, quoniam non proceditur semper ex conuertibilibus, & æqualibus secundum prædicationem, sed ex inæqualibus, ut sumendo genus, & duas eius species, & ideo in aliis scientiis non ualet argumentum in secunda figura ex puris affirmatiuis, ut hic, omnis homo est animal; omnis asinus est animal, ergo omnis asinus est homo. Constat, quod præ-

TRACTATUS VNDECIMVS

missæ sunt ueræ, & conclusio falsa, eo quod animal communius est, quàm homo est asinus. Quia igitur in mathematicis præmissæ, & conclusio, & econuerso sunt semper ueræ, siue arguatur in prima figura, siue in secunda ex puris affirmatiuis, ideo sunt firmiores cæteris scientiis.

Secundo probatur sic, Comparando maiorem extremitatem, & minorem ad medium, mathematicæ non recipiunt in syllogizando nisi ea, quæ sunt per se. Aliæ uero scientiæ recipiunt non solum ea, quæ sunt per se, sed etiã ea, quæ sunt per accidens, ergo sunt firmiores aliis scientiis. Patet consequentia, quoniam firmior est ueritas in his, quæ sunt per se, quàm in his, quæ sunt per accidens. Antecedens autem probatur, quoniam mathematicæ in demonstratione recipiunt subiectum, & propriam eius passionem, & diffinitionem subiecti, aut passionis, quæ omnia de se in uicem prædicantur per se. Verbi gratia, risibile prædicatur per se de rationali, rationale prædicatur per se de homine, & risibile prædicatur per se de homine. In aliis autem scientiis, recipiuntur, quæ sunt etiam per accidens, ut est ista, aqua est calida, ignis est siccus, aer est frigidus, ut tibi declarabitur in Physicis. Cum igitur ea, quæ sunt per accidens, non causent ueritatem æque firmam, sicut ea, quæ sunt per se, constat, quod mathematicæ sunt firmiores aliis scientiis.

Tertio probatur sic, Comparando medium ad propriam conclusionem, mathematicæ scientiæ non procedunt ad demonstrandum aliquam conclusionem demonstratione potissima, nisi per unum medium, aliæ autem scientiæ per plura, ergo mathematicæ sunt firmiores aliis. Patet consequentia, quoniam sicut non potest esse error eunti ad terminum, ad quam est unica uia, sic nec demonstranti conclusionem, ad quam est tantum unum medium. Antecedens autem sic probatur. Declarabitur tibi in 2. Physic. & in tertio Metaphysicæ, quod mathematicæ non considerant nisi causam formalem, & per eam solam demonstrât, aliæ uero per plura causarum genera, puta scientiæ naturales cõsiderat quatuor causarum genera, materialem, formalem, efficientem, finalem, ut tibi manifestabitur, in ii. Phy-

Phyſi.& per eas demonſtrant, Metaphyſica autem cōſiderat omnia cauſarum genera præter materialem, quoniam abſtrahit a materia,& a motu, ut tibi declarabitur in tertio libro Metaphyſicæ. Cum igitur mathematicæ ſolū per cauſam formalem demonſtrent, conſtat quòd ſunt firmitus aliiſ ſcientiis, quo ad cognitionem noſtram. Quoniam igitur Mathematicæ ſunt noſtro intellectui certiorem & notior, & cōformior, ideò minus decipimur in eis quàm in aliis ſcientiis, eo quòd demonſtrationes eius ſunt in primo gradu certitudinis. ut tibi declarabitur in philoſophia. pro nunc ſuſtine. Hæc de præſenti capitulo dicta ſint, in quo terminatur conſideratio de demonſtratione potiſſima, quæ facit ſcire ſimpliciter, & eſt demonſtratio propter quid, & a priori, &c.

*De differentia inter demonſtrationem propter quid, et inter
eam qua eſt, quia.* CAP. VII.

IN ſeptimo capite ſecundum ordinem doctrinæ inueſtigandum eſt ad mentem Ariſtotelis, quomodo differant demonſtratio propter quid, de qua ſuperius eſt actum, & demonſtratio quia, de qua nunc agendum eſt. Pro cuius notitia hic principaliter duo agenda ſunt. Primò, quomodo differant in eadem ſcientia. Secundò, quomodo in diuerſis ſcientiis.

Quantum ad primum aduerte, quòd demonſtratio propter quid in eadem ſcientia differt a demonſtratione quia, in duobus. Primò demonſtratio propter quid in eadem ſcientia, nunquam fit per cauſam remotam & mediatam, ſed per proximam & immediatam, ut docuimus in diffinitione eius, quæ datur per materiam. Demonſtratio autem quia, fit per cauſam remotam & mediatam, dummodo cauſa illa ſit nobis notior eius effectu. Secundò, demonſtratio propter quid, nunquam fit per effectum in eadem ſcientia, ſive fit effectus conuertibilis cū cauſa ſua; ſive nō. Demonſtratio autem quia, fit in eadem ſcientia per effectum utroque modo, dummodo effectus ſit notior ſua cauſa.

Et quidem, quòd demonſtratio quia, fit per cauſam remotam, declarat Ariſtoteles tali exemplo. Non eſſe ani-

TRACTATVS VNDECIMVS

mal est causa remota non respirandi, sicut esse animal est causa remota respirandi, & non habere pulmonem, est causa proxima non respirandi, sicut habere pulmonem est causa proxima respirandi. Siquis igitur probat piscem non respirare, quia non habet pulmonem, est demonstratio negatiua propter quid, sic arguendo in secunda figura. Omne respirans habet pulmonem. Piscis non habet pulmonem, Ergo piscis non respirat. Si autem probat hominem respirare, sic arguendo, Omne habens pulmonem, respirat, Homo habet pulmonem, Ergo homo respirat. Est demonstratio affirmatiua propter quid, quoniam habere pulmonem est causa propinqua & immediata respirationis, ut tibi declarabitur in tract. de expiratione & expiratione, in paruis naturalibus, quæ per epithomata disposuimus. Si quis autem probat parietem non respirare, quia non est animal, est demonstratio quia. Nam esse animal, non est causa propinqua, sed remota respirationis. Multa enim sunt animalia, quæ non respirant, ut omne animal carens sanguine. Si quis igitur sic arguit, Omne respirans est animal, paries non est animal, ergo paries non respirat, est demonstratio quia. Constat igitur tibi quomodo fiat demonstratio quia, per causam remotam.

Quod autem fiat per effectum conuertibilem notior causa sua, declarat Aristoteles tali exemplo, si quis probat planetas, id est septem stellas erraticas, scilicet Saturnum, Iouem, Martem, Solem, Venerem, Mercurium, & Lunam esse propè, id est minus distantes a nobis, quam sint stellæ fixæ, per hunc effectum quia non scintillant, demonstrant per effectum conuertibilem negatiuè, sic arguendo, Omnis stella non scintillans est propè, planeta est non scintillans, ergo est propè. Si autem probat stellam fixam esse distantem, quia scintillat, demonstrat per effectum conuertibilem affirmatiuè, sic arguendo, Omnis stella scintillans est distans, stella fixa est stella scintillans, ergo stella fixa est distans.

Alio autem exemplo declarat Aristoteles demonstrationem quia, fieri per effectum conuertibilem, & est tale, demonstramus lunam esse figuræ circularis per hunc effe-

ctum, quia eius lumen circulariter crescit, & decrescit, & arguitur sic. Illud cuius lumen circulariter crescit, & decrescit, est figuræ circularis, Sed in luna lumen circulariter crescit & decrescit, ut uidemus ad sensum, ergo luna est figuræ circularis. Constat hanc demonstrationē esse quia, & per effectum conuertibilem nobis ad sensum notiore. Nam licet ex parte rei figura circularis sit causa augmenti in lumine circulariter, tamen ex parte nostra augmentum luminis circulariter est causa siue ratio, qua cognoscimus lunam esse figuræ circularis, & ideo prædicta demonstratio est quia, & non propter quid; & non est a priori ex parte rei, sed a posteriori, quoniam omnis effectus est posterior sua causa.

Quodd uero demonstratio quia, possit fieri per effectum non conuertibilem, patet ex prædictis. Nam qua ratione fit per effectum conuertibilem, ita etiam per non conuertibilem. Contingit enim effectum non conuertibilem esse notioem nobis, sicut & effectum conuertibilem. Sed aduerte, quodd effectus non conuertibilis, potest esse duplex. Quidam enim est communior causa, quidam minus communis. Si est communior, poterit per eum demonstrari eius causa negatiue in secunda figura, ut hic, Omnis ignis est desiccatiuus, Nulla aqua est desiccatiua, ergo nulla aqua est ignis. Cōstat, quodd esse desiccatiuum, est effectus ignis ex sua aptitudine naturali, & tamen est communior quā ignis, quoniam competit etiam terræ. Nam ignis & terra habent siccitatem pro qualitate simbola, & idem tam ignis, quam terra sunt ex sui natura desiccatiua. Si autem effectus sit minus communis, quā causa sua, & tamen notior potest per eum demonstrari causa sua affirmatiue in prima figura, ut hic, Omne habens tres angulos est figura, Triangulus est habens tres angulos, Ergo triangulus est figura, Constat, quodd in plus est esse figuram quā habere tres angulos. Nam omne habens tres angulos, est figura, sed non e conuerso. Constat igitur tibi quomodo demonstratio, quia fit in eadem scientia per causam remotam & per effectum conuertibilem, & non conuertibilem magis communem, & minus communem, notioem re-

TRACTATVS VNDECIMVS

men quàm causa sua, & in his omnibus differt a demonstratione propter quid, quoniam nunquàm fit per effectum, nec per causam remotam, sed propinquam, & propriam, aliter non faceret simpliciter scire, ut docuimus supra.

Quantum ad secundum principale, scilicet quomodo differant in diuersis scientiis demonstratio, quia, & demonstratio propter quid, aduerte, quòd de mente Aristotelis tres conclusiones probandæ sunt. Prima est, si aliqua scientia subalternatur alteri secundum se totam, subalternata dicit, quia, & subalternans dicit propter quid, id est in subalternata fit demonstratio quia, & in subalternante demonstratio propter quid. In quo sensu subalternatur perspectiua Geometriæ, Musica Arithmeticæ, Machinatiua Stereometriæ, Naualis Astronomiæ.

Secunda conclusio est hæc, Si aliqua scientia subalternatur alteri non secundum se totam, sed solum secundum partem, subalternata quo ad illam partem dicit quia, & subalternans propter quid.

Tertia conclusio est, Si sint aliquæ duæ scientiæ, quarum una non subalternatur alteri, nec secundum se totam, nec secundum partem, conueniunt autem in aliqua una propositione siue conclusiones respectu illius conclusionis, altera dicit quia, altera propter quid.

Antequàm deueniamus ad probationem prædictarum conclusionum, declarandum est, quid sit scientiam subalternari alteri secundum se totam, quid secundum partem, quid nec secundum totam, nec secundum partem, & tamen in aliqua una propositione conuenire.

Tu igitur aduerte, quòd tunc una scientia subalternatur alteri secundum se totam, quando eius subiectum adæquatum supponitur secundum se totum subiecto alternantis, & non differt ab illo, nisi quia addit super illud differentiam accidentalem siue extraneam, & hoc modo prospectiua secundum se totam subalternatur Geometriæ. Nam subiectum utriusque est linea uel magnitudo, & prospectiue subiectum non addit super lineam, aut magnitudinem, nisi uisuale, quæ est differentia accidentalis lineæ, nõ enim est de
ratione

ratione lineæ esse uisuale. sed esse longitudinem, cuius extrema sunt duo puncta, eodem modo subalternatur Musica Arithmeticæ, quoniam subiectum utriusque est numerus, sed Musica superaddit sonorum, est enim Musica de numero sonoro. Eodem modo subalternatur machinatio Stereometrix, quoniam utriusque subiectum est corpus mensurabile, sed machinatio addit ædificabile siue ædificatum, ita quod machinatio subiectum est corpus mensurabile, ædificabile, siue ædificatum, eodem modo subalternatur scientia naualis Astronomiæ. Vtraque enim considerat corpus cœleste, sed naualis superaddit signum apparens in aere causatum ex motu cœli in aere, ut quando luna habet halo, aut aer rubet in sero. Sunt enim signa aut uenti, aut tempestatis, aut serenitatis, &c.

Vnam autem scientiam subalternari alteri secundum partem est, quando pars unius scientiæ subalternatur alteri, & non tota scientia, & hoc modo pars scientiæ naturalis, quæ est de Iride, de qua iam egimus in Meteoris, subalternatur prospectiui. Nam prospectiua est de linea uisuali absolute sumpta. Scientia autem de Iride, est de linea uisuali conuersa ad nubem roridam, ex qua causatur Iris, ut docuimus in epithomate nostro super Meteora Aristotelis.

Vnam autem scientiam non subalternari alteri, nec secundum totum, nec secundum partem, sed cōuenire in aliqua una conclusionē, est quando, nec subiectum unius, nec pars subiecti alternatur subiecto alterius, sed tantum respectu alicuius conclusionis una respicit alteram, utpote dicentē causam, aut rationem talis conclusionis. Et hoc modo chirurgia subalternatur Geometriæ quo ad istam conclusionem. Vulnus circulare tardius sanatur, cuius conclusionis chirurgicus nescit causam, ut chirurgicus est, sed hoc accipit a Geometra. Nam si quærat a chirurgico, cur uulnus circulare tardius sanatur, respondebit, quia sic experitur. Si autem quærat a Geometra, respondebit quia caret angulis. Nam quia circulus est figura una linea contenta, caret angulis. Omnis autem figura rectilinea habet angulos, ut patet in triangulo, & quadrato, & pentagono.

His

rum, ex consequenti tardius sanatur. Constat igitur tibi, quomodo, & quibus & quot modis differunt demonstratio quia, & propter quid in eadem scientia, & in diuersis. Hæc de præsentī capite dicta sint.

In qua figura syllogistica fiat præcipua demonstratio quæ facit scire simpliciter. Cap. VIII.

IN octauo cap. inuestigandum est, cum sint tres figuræ syllogismorum, ut docuimus in tracta. de syllogismo formali, in qua fiat demonstratio potissima, & hic duo uidentur. Primò, quòd in prima figura præcipuè sit demonstratio propter quid. Secundò, quoniam in prima figura concluditur uniuersalis affirmatiua, & uniuersalis negatiua, ut patet in Barbara, & Cœlarent, & quoniam omnis demonstratio potissima procedit ex ueris, & primis. & immediatis siue sit affirmatiua, siue negatiua, ideò declarandum est quomodo non solum uniuersalis affir. sed etiam nega. propositio potest esse immediata.

Quantum ad primum ponitur hæc conclusio, Demonstratio potissima tam affirmatiua, quàm negatiua, fit præcipuè in prima figura. Affirmatiua quidem in Barbara, negatiua autem in Cœlarent, & probatur sic, Prima figura facit magis, & simpliciter scire, ergo in ea fit demonstratio potissima, siue sit affirmatiua, siue negatiua. Patet consequentia, quoniam ut docuimus suprà, finis demonstrationis potissimè, est facere scire simpliciter, ergo in ea figura præcipuè fiet, quæ facit scire simpliciter. Antecedens autem, scilicet quòd prima figura faciat scire simpliciter, probatur quadrupliciter ad mentem Aristotelis.

Primò sic, sciētix mathematicæ, ut Arithmetica, & Geometria, & Prospectiua, quæ sunt certissimæ scientiæ, demonstrant conclusiones suas in prima figura. Probant enim conclusionem uniuersalem, in qua passio prædicatur ad æquale de suo subiecto, per præmissas uniuersales, ut quòd omnis triangulus habet tres æquales duobus, ex eo quòd omnis triangulus habet angulum extrinsecum, æqualem duobus angulis intrinsecis sibi oppositis, ergo signum est, quòd prima figura facit magis, & simpliciter scire.

Secundò sic, In prima figura semper aut frequenter syllogiza-

TRACTATVS VNDECIMVS

logizatur per mediū propter quid, ergo facit magis, & simpliciter scire. Patet consequentia, quoniā quādo syllogizatur per mediū propter quid, fit demonstratio propter quid, hæc aut, ut docuimus suprā, facit scire simpliciter, ergo &c. Antecedēs autē probatur; quoniā quando syllogizatur conclusio per mediū propter quid, semper aut frequentius concluditur uniuersalis affirmatiua, ut quā concludimus omnem hominē esse risibilem, eò quòd omnis homo est animal rationale. Sed uniuersalis affirmatiua non concluditur nisi in prima figura, ergo illa facit magis, & simpliciter scire.

Tertiò sic, In prima figura demonstramus diffinitionē de diffinito uniuersaliter, & nō in secunda nec in tertia, ergo prima facit magis, & simpliciter scire. Antecedēs patet; quoniā cū diffinitio competat omni contēto sub diffinito, demonstramus eā in Barbara, ut patet quādo demonstramus diffinitionē materialem per formalem de diffinito, ut hic, Omne animal rationale est quid compositū ex corpore, & anima intellectiua, Omnis homo est animal rationale, ergo omnis homo est quid compositū ex corpore, & anima intellectiua. Quòd autē nec in secunda, nec in tertia figura possumus demonstrare diffinitionē de diffinito uniuersaliter, & affirmatiuē, patet discurrenti per oēs modos earū. Consequentia uerò probatur; quoniam potissimū scire nostrū, est quādo scimus diffinitionē de suo diffinito. Costat ergo, quòd prima figura facit magis, & simpliciter scire.

Quartò sic, Prima figura non indiget secūda, nec tertia, sed econuersò, ergo facit magis & simpliciter scire. Antecedens probatur; quoniam modi primæ figuræ concludentes directæ sunt modi perfecti, nec indigēt reduci ad alios, sed alii ad ipsos, ut docuimus in tract. de syllogismo formali, ergo prima figura non indiget secūda, nec tertia, sed econuersò. Consequentia autem patet; quoniam prima facit scire per se ipsam; secunda autem, & tertia non per seipsas, sed per reductionem ad primam. Quòd autem facit scire per seipsum, magis & perfectius, facit scire, quā quòd facit scire per aliud. Constat ergo, quòd prima figura facit magis scire, quā secūda, & tertia.

Quantum ad secundum, ut scias quando propositio uniuersalis

uerſalis negatiua eſt immediata, prius oportet te cognoscere, quādo & quot modis fiat mediata, deinde per oppositum faciliē scies quando & quomodo fiat immediata.

Tu igitur aduerte ad mētem Arist. in primo Posteriorū, ad hoc quod uniuersalis negatiua sit mediata; id est habeat mediū, per quod demonstrari possit à priori, oportet alterū extremorū aut utrūq; eſſe in aliquo toto. i. subiectū aut prædicatū, aut utrūq; contineri sub aliquo superiori generico, quod sit genus subalternum, aut generalissimum, ex quo fundamento sequitur, quod uniuersalis negatiua potest tribus modis fieri mediata, & demonstrabilis conclusio.

Primò, quando prædicatum continetur sub aliquo superiori, subiectum autē sub nullo, in quo sensu hæc est mediata, Nulla substantia est calor. Nam licet substantia non habeat genus, sub quo contineatur; quoniam est genus generalissimum, habet tamen calor; quoniam continetur sub passibili qualitate, & hæc sub qualitate, sicut subalternum sub generalissimo, Vnde prædicta propositio potest sic demonstrari à priori in secunda figura, in Camestres, Omnis calor est qualitas, nulla substantia est qualitas, ergo nulla substantia est calor.

Secundò, quando subiectum continetur sub aliquo superiori, prædicatum uerò sub nullo, in quo sensu hæc est mediata, Nulla uirtus est quantitas, & hæc potest demonstrari in prima & secūda figura a priori. In prima quidem sic, Nulla qualitas est quantitas, Omnis uirtus est qualitas, Ergo nulla uirtus est quantitas. In secunda autem sic, Nulla quantitas est qualitas, Omnis uirtus est qualitas, Ergo nulla uirtus est quantitas.

Tertiò, quādo subiectū & prædicatū continentur sub aliquo superiori, generico, in quo sensu hæc est mediata, Nullū uitium est uirtus, & potest demonstrari à priori in prima & secūda figura. In prima quidē sic, nullū uituperabile est uirtus, oē uitium est uituperabile, ergo nullū uitium est uirtus. In secunda autem sic, Omnis uirtus est laudabile, ergo, in Camestres, nullum uitium est uirtus. Constat igitur tibi quot modis contingit fieri uniuersalis negatiua mediata.

Ad hoc autem, quod fiat immediata, oportet quod neutrum

TRACTATUS VNDECIMVS

trum extremorum contineatur sub aliquo superiori generico, ex consequenti, quando unum prædicamentum negatur uniuersaliter de alio; est propositio immediata. Vnde hæc est immediata, nulla substantia est quantitas, & hæc, Nulla quantitas est qualitas, & sic de alijs. Pro cuius notitia aduerte, quòd ut tibi manifestum erit in tertio Metaphysicæ ens non est superius ad decem prædicamenta, ut genus, nec descendit in ea, ut genus in species; quoniā non est uniuocum, sed analogum, ut docuimus in tractatu de quinque prædicabilibus, & ens non habet differentias essentielles, quibus diuidatur, & quibus constituat diuersas species, sicut inueniuntur in quolibet genere, ut docuimus in tractatu de quinque prædicabilibus. Descendit autem per seipsum in decem prædicamenta, & idè sunt primò distincta, siue primò diuersa, nullum omnino medium uniuocum habentia; & hac de causa propositio uniuersalis negatiua, cuius extrema sunt duo prædicamenta, est immediata, & indemonstrabilis simpliciter, & hinc est, quòd dicit Aristoteles coordinationes prædicamentorum esse impermixtas. Nam sicut nulla substantia est quantitas, sic nullum genus substantiæ est genus quantitatis, nec species substantiæ est species quantitatis, & idem intellige de omni prædicamento. Hoc autem intellige formaliter & nõ realiter, ut tibi declarabitur in tertio Physicorum: quando declarabitur tibi, quomodo actio, & passio sunt idem realiter, & tamen constituunt duo prædicamenta, quoniam distinguuntur formaliter, nec formaliter sumpta unum prædicatur de altero. Haec est enim falsa, Actio est passio, licet hæc sit uera, Res quæ est actio, est passio. Constat igitur quæ & quomodo fiat propositio uniuersalis negatiua immediata, & hæc dicta sint de capite octauo.

De syllogismo generante in nobis ignorantiam. Cap. ix.

IN nono cap. agendum est de syllogismo opposito demonstrationi, per quem generatur in nobis ignorantia, & error, sicut per demonstrationem generatur in nobis sciëntia. Tu igitur in primis aduerte, quòd uterque syllogismus est bonus de forma; sunt enim in modo debito & figura, sed non uterque est bonus de materia, ut tibi declarabitur.

Nam

Nam syllogismus per quem acquirimus scientiam, est semper ex præmissis ueris, & de conclusionibus ueris, ut declaratum est supra. Syllogismus autem, per quem fit in nobis ignorantia, & deceptio, licet sit plerunque bonus de forma, tamen non de materia, quoniam autem syllogizatur conclusio falsa ex utraque præmissa falsa, aut ex altera falsa, ut tibi manifestabimus infra.

His igitur præpositis ad resolutionem procedendo duo agenda sunt. Primò, præponentur distinctiones de ignorantia in sensu, de quo hic intendit Aristot. Secundo, considerabimus de singulis membris.

Quantum ad primum, aduerte, quòd de mente Aristot. in primo Posteriorum, Ignorantia prima sui diuisione diuiditur in ignorantiam prauæ dispositionis, & in ignorantiam simplicis negationis.

Ignorantia prauæ dispositionis est deceptio causata in nobis, uel possibilis causari per syllogismum peccantem in materia. Talis est ignorantia opinantis diametrum esse commensurabilem costæ; quoniam sibi fit talis syllogismus, omnes quantitates continuæ, & finitæ, sunt adinuicem commensurabiles, Sed diameter, & costæ sunt quantitates continuæ, & finitæ, ergo sunt adinuicem commensurabiles, ex tali syllogismo generatur in eo ignorantia prauæ dispositionis, per quam decipitur; quoniam non aduertit maiorem esse falsam apud geometram.

Ignorantia simplicis negationis est simplex carentia ueræ notitiæ alicuius conclusionis in intellectu, eo, quòd nō habet principia ad illam, aut ex ætate, aut ex ineruditione in quo sensu dicimus infantem ignorare Philosophiam, & rusticum ignorare geometriam, & de hac considerabimus in parte ultima huius capituli, & declarabimus unde proueniat, non quidem ex syllogismo, sed aliunde.

Secunda distinctio, Ignorantia prauæ dispositionis potest esse circa propositiones immediatas, & mediatas. Exemplum primi, ut ille, qui credit, partem esse maiorem toto. Exemplum secundi, ut ille, qui credit non omnem triangulum habere tres angulos æquivalentes duobus angulis rectis.

TRACTAT VS VNDECIMVS

Tertia distinctio, Ignorantia prauæ dispositionis, siue sit circa propositiones immediatas, siue mediatas, potest esse circa propositionē affirmatiuam, & negatiuam. Exemplum primi, ut ille, qui credit esse, quod non est, ut extramundum esse uacuum, quod tamen non est, ut tibi declarabitur in 1. cœli. Exemplum secundi, ut ille, qui credit nō esse, quod est, ut qui credit cœlum non esse corpus finitum, quod tamen est finitum.

Quarta distinctio, Ignorantia prauæ dispositionis, siue sit circa propositiones mediatas, siue immediatas, siue affirmatiuas, siue negatiuas, potest esse duplex, scilicet simplex, & syllogistica. Simplex, est deceptio facta in aliquo absque argumentatione, ut quando quis credit ex sola imaginatione sua, & non aliqua ratione ductus, mundum esse infinitum, uel credit simpliciter alicui sic dicenti, dato, quod nullam afferat rationem. Syllogistica est illa deceptio, quæ fit per argumentationem, qua ligatur respondens, utpote nesciens soluere. Hoc modo deceptus est Zeno negans motum, quoniam nesciuit hoc argumentū soluere. Si aliquid mouetur, aut mouetur in pleno, aut in uacuo, non primo, quia duo corpora non possunt esse simili: non secundo, quia non datur uacuum, ergo non datur motus.

Quantum ad secundum præmissis dictis distinctionibus, uidendum est primo, quomodo syllogizabilis est propositio uniuersalis affirmatiua, immediata, & falsa. Secundo, quomodo syllogizabilis est propositio uniuersalis negatiua immediata, & falsa. Tertiò, quomodo syllogizabilis est propositio negatiua, uniuersalis mediata, & falsa. Quarto, quomodo syllogizabilis est propositio uniuersalis affirmatiua mediata, & falsa.

Quantum ad propositionem uniuersalem affirmatiuam immediatam, & falsam, aduerte, quod non potest syllogizari, nisi in prima figura, scilicet in Barbara, quoniam in secunda non concluditur nisi negatiua, & in tertia non concluditur nisi particularis. Potest autem, ut docet Aristo. in primo Posteriorum, syllogizari per syllogismum ignorantæ tribus modis. Primo, per duas præmissas falsas in toto,

id est uniuersaliter. Verbi gratia. Volo syllogizare istam, Omnis quantitas est qualitas, & arguo sic, Omnis substantia est qualitas, omnis quantitas est substantia, ergo omnis quantitas est qualitas. Patet, quod conclusio est utraque præmissarum est falsa uniuersaliter, quoniam suæ contrariæ sunt ueræ uniuersaliter. ut patet. Secundò, per duas præmissas falsas in parte, & non in toto. Verbi gratia, Volo syllogizare istam, Omnis substantia est quantitas, & arguo sic, Omne imperfectum est quantitas, omnis substantia est imperfecta, ergo omnis substantia est quantitas. Patet, quod conclusio est falsa in toto, quoniam sua contraria est uera in toto. & utraque præmissarum est falsa, sed non in toto, quoniam utraque istarum est uera. Aliquod imperfectum est quantitas, & aliquid imperfectum non est quantitas. Similiter utraque istarum est uera, Aliquod imperfectum est substantia, & aliquid imperfectum non est substantia. Tertio, per maiorem ueram, & minorem falsam. Verbi gratia, Volo syllogizare istam, Omnis substantia est quantitas, & arguo sic, Omnis linea est quantitas, hæc est uera. Omnis substantia est linea, hæc est falsa. Ergo omnis substantia est quantitas.

Sed dices, nunquid potest syllogizari ex ma. falsa, & minore uera sicut syllogizatur ex ma. uera, & mi. falsa?

Respondetur, quod non nisi in duobus casibus. Primo, sumendo pro medio terminum transcendentem, ut hic, Omne ens est quantitas, omnis substantia est ens, ergo omnis substantia est quantitas. Si autem sumatur pro medio termini prædicamentalis, puta generalissimum alicuius prædicamenti, utraque præmissa erit falsa, ut hic, Omnis qualitas est quantitas, omnis substantia est qualitas, Ergo omnis substantia est quantitas. Secundo, si arguatur per regulam antepædicamentalem, ut hic: omnis substantia est numerus, Omnis numerus est quantitas, Ergo omnis substantia est quantitas. Si autem arguatur formaliter in prima figura, non est possibile ma. esse falsam, & mi. ueram, nisi ut diximus, sumatur pro medio ter. transcendens.

Quantum ad propositionem uniuersalem nega. imme-

TRACTATUS VNDECIMVS

diatam, & falsam aduerte, quod est syllogizabilis per syllogismum ignorantie in prima, in secunda figura, quoniam in utraque concluditur uniuersalis negatiua, non autem in tertia, quoniam in ea tantum particularis negatiua, & affirmatiua concluditur. Potest autem syllogizari duobus modis, ut patet per Aristotelem in primo Posteriorum. Primo quidem, ex duabus falsis, & altera falsa in prima figura. Exemplum primi. Hæc est uniuersalis negatiua immediata, & falsa, Nullus homo est animal. Nam sicut propositio affirmatiua uniuersalis in qua prædicatur diffinitio, uel pars diffinitionis de diffinito, est immediata, & uera, quoniam inter diffinitionem, & diffinitum, nullum cadit medium, sic eius negatiua uniuersalis est immediata, & falsa. Hæc igitur, Nullus homo est animal, potest syllogizari sic in prima figura ex duabus falsis, Nullus asinus est animal, Omnis homo est asinus, Ergo nullus homo est animal. Constat, quod hæc conclusio, & utraque præmissa est falsa. Exemplum secundi, Syllogizo eandem conclusionem sic, nullus lapis est animal; omnis homo est lapis, ergo nullus homo est animal. Constat, quod ibi ma. est uera, & mi. falsa. Potest etiam syllogizari ex ma. falsa, & minore uera, ut hic. nullum risibile est animal, hæc est falsa. Omnis homo est risibilis, hæc est uera, ergo nullus homo est animal.

Secundò syllogizabilis est in secunda figura, ex utraque falsa, & ex altera falsa, siue sit ma. siue mi. Exemplum primi, Sumo hæc, Nullus homo est animal, & arguo sic in Camesares, Omne animal est rationale, hæc est falsa; nullus homo est rationalis, hæc est falsa, Ergo nullus homo est animal. Exemplum secundi, Sumo eandem, & arguo sic; Nullum animal est lapis, hæc est uera, Omnis homo est lapis, hæc est falsa, Ergo, in Cæsare, nullus homo est animal. Item potest esse ma. falsa, & minor uera, ut sumo eandem, & arguo sic, nullum animal est risibile. hæc est falsa. Omnis homo est risibilis, Ergo nullus homo est animal.

Quantum ad uniuersalem negatiuam mediatam, & falsam, qualis est ista, nullus homo est substantia (nam inter prædicatum, & subiectum cadunt multa media per quæ po-
t est

test syllogizari, scilicet animal, corpus animatum, corpus, ut patet in arbore Porphyrii, ideo est mediata) aduerte, qd est syllogizabilis per syllogismum ignorantie in prima, & secunda figura. Exemplum primi, sumo istam. Nullus homo est substantia, & arguo sic; nullum animal est substantia; omnis homo est aial, ergo nullus homo est substantia. Exemplum secundi, Sumo eandem, & arguo sic, nulla substantia est corpus, Omnis homo est corpus, ergo nullus homo est substantia. Constat ergo, quod est syllogizabilis in prima, & secunda figura. Potest autem ad mentem Aristotelis syllogizari duobus modis. Primo, in prima figura potest syllogizari ex utraque præmissa falsa, & ex altera falsa, idest maiore, sed minore uera. Exemplum primi, sumo istam, nullus homo est substantia, & arguo sic, nullus lapis est substantia. Omnis homo est lapis, ergo nullus homo est substantia. Exemplum secundi de ma. falsa, Sumo eandem, & arguo sic, nullum animal est substantia; omnis homo est animal, Ergo nullus homo est substantia, patet quod ma. est falsa, & mi. uera, & aduerte, quod non potest syllogizari in prima figura, ita quod ma sit uera, & mi. falsa, si sumatur medium proprium, idest, quod est eiusdem prædicamenti cum extremis conclusionis, si autem medium sit alterius prædicamenti ab extremis, ut patet in primo Posteriorum, tunc non est proprium, sed dicitur extraneum, & tunc potest syllogizari uniuersalis negatiua mediata, & falsa ex ma. uera, & mi. falsa. Verbi gratia, Sumo hanc, Nullus homo est substantia, & arguo sic, nulla albedo est substantia, hæc est uera: omnis homo est albedo. hæc est falsa, ergo nullus homo est substantia. Constat igitur quomodo uniuersalis negatiua mediata, & falsa est syllogizabilis in prima figura, ex utraque præmissa falsa, & ex ma. falsa, & minore uera, & ex maiore uera, & minore falsa.

Secundò potest syllogizari in secunda figura ex utraq; præmissa falsa in parte, & ex altera præmissa falsa, siue sit ma. siue minor. Exemplum secundi, Sumo hanc, nullus homo est substantia, & arguo sic; nulla substantia est albedo; omnis homo est albedo, ergo nullus homo est sub-

TRACTATVS VNDECIMVS

stantia. Ibi ma. est uera, & mi. falsa. Quòd autem ma. possit esse falsa, & mi. uera patet hic, Omnis substantia est albedo, nullus homo est albedo, ergo nullus homo est substantia. Exemplum primi, Sumo eandem, & argo sic, Omnis substantia est imperfecta, hæc est falsa in parte, quoniã aliqua substantia est perfecta, & aliqua imperfecta. Nullus homo est perfectus, hæc est falsa in parte, quoniam inter homines aliquis est perfectus, aliquis imperfectus, ergo nullus homo est substantia.

Dixi ex utraque præmissa falsa in parte, quoniam non potest utraque esse falsa ex toto, quoniã non potest inueniri medium, quod sit uniuersaliter in omni contento sub una extremitatum, & uniuersaliter remotum ab alia. Unde tale medium uel est simpliciter extraneum cuilibet extremitatum, uel conueniens alicui illarum.

Si primum, semper negatiua erit uera. Si secundum, nūquam quælibet præmissarum erit falsa in toto. Verbi gratia, Quia color est omnino extraneus ab homine, & à substantia, si arguatur sic, Nulla substantia est color, Omnis homo est color, ergo nullus homo est substantia. Patet quòd ma. est uera. Quia uerò lapis est extraneus ab homine, non autem à substantia, cum sit substantia, si arguatur sic, nulla substantia est lapis, Omnis homo est lapis, Ergo nullus homo est substantia. Patet quòd ma. non est falsa in toto, quoniam aliqua substantia est lapis, & aliqua non. Constat ergo quomodo utraque præmissa non potest esse falsa in toto.

Quātum ad propositionem uniuersalem affirmatiuam mediatam & falsam aduerte, quòd non est syllogizabilis nisi in prima figura, sicut nec propositio uniuersalis affirmatiua immediata & falsa. Nam ut docuimus in tracta. de syllogismo formali, tantum in prima figura, & in primo modo concluditur uniuersalis affirmatiua ex duabus uniuersalibus affirmatiuis, potest autem per syllogismū ignorantie syllogizari in prima figura duobus modis ad mentem Aristotelis in primo Posteriorum.

Primò, ex utraque præmissa falsa, quando syllogizatur per medium, quod est extraneū ab utroq; extremo. Verbi gratia

gratia, sumo hanc, Omnis hō est sapor, & arguo sic, Omnis lapis est sapor, Omnis bono est lapis, Ergo omnis hō mo est sapor. Patet utranque esse falsam, quoniam mediū sumptum, id est lapis, non prædicatur de sapore, nec de homine.

Secundò ex altera præmissarum existente falsa, & hoc tripliciter, quia aut medium est proprium aut extraneum. Si proprium, tunc maior erit falsa, & minor uera. Verbi gratia, Sumo hanc, Omnis homo est circulus, & arguo sic, Omne animal est circulus, Omnis homo est animal, Ergo omnis homo est circulus. Patet maiore esse falsam, & minorem ueram, quoniam medium, id est animal prædicatur de homine. Si est extraneum, hoc dupliciter, quoniam aut extraneum est solum a minore extremitate, & tūc ma. erit erit uera, & mi. falsa. Verbi gratia sumo hanc, Omnis homo est triangulus, & arguo sic, Omnis figura habens tres angulos est triangulus, Omnis hō est figura habens tres angulos, Ergo omnis homo est triangulus. Patet ma. esse ueram, & mi. falsam, quoniam habere tres angulos est remotum ab homine, & extraneum, est autem propriū triangulo, aut extraneum est solum a ma. extremitate, non aut a mino. & tūc ma. tantum erit falsa, sed mi. uera. Verbi gratia, sumo hanc, Oīs hō est color, & arguo sic, Omne animal est color, Omnis homo est animal, Ergo omnis homo est color. Patet maiorem tantum esse falsam, eo quòd medium, id est animal, est extraneum a colore. Constat igitur tibi, quibus modis est syllogizabilis propositio uniuersalis affirmata mediata & falsa. Hæc de ignorantia prauæ dispositionis dicta sint.

Nunc agendum est de ignorantia simplicis negationis, puta de ignorantia coloris, quæ est in cæco, & ignorantia sonorum, quæ est in surdo, & hic duo agenda sunt. Primò declarandum est unde proueniat de necessitate talis ignorantia, ita quòd est impossibile acquirere per inuentionē propriam suum oppositum, id est scientiam tali ignorantie oppositam. Secundò probandum est intentum.

Quantum ad primum aduertè, quòd ad mentē Aristotelis in primo Posteriorum radix huius ignorantie est caren-

TRACTATUS VNDECIMVS

tia siue esse priuatum aliquo sensu a natiuitate. Verbi gratia, Si quis nascitur cæcus, non potest per suam inuentionem habere notitiam de colore, & sic de necessitate ignorat quid sit color, quomodo immutat uisum, quomodo distinguuntur species suæ &c. Idem intellige de priuato quocunque alio sensu, ita quòd deficiente nobis aliquo sensu, necesse est, ut ignoremus subiectum illius siue obiectum, & proprietates talis obiecti, & contenta sub eo, & aduerte, quòd semper hic loquimur de scientia obiecti sensibilis, quæ possit haberi per inuentionem distinctè & determinatè per proprios conceptus. Hanc. n. probabimus impossibile haberi, si caremus sensu talis uel talis obiecti.

Quantum ad secundum probandum est intentum præpositum, quod sub tali conclusione formatur, Deficiente nobis aliquo sensu, est impossibile habere scientiam de sensibilibus illius sensus. Pro illius probatione, præmitto ad mentem Aristotelis, quòd omnis uera notitia scientifica si debet haberi per inuentionem, oportet quòd habeatur aut per demonstrationem, aut per inductionem. Nam omnis notitia complexa habita per discursum, est notitia alicuius uniuersalis conclusæ ex præmissis uniuersalibus ueris, uel conclusæ ex singularibus sufficienter enumeratis. Primo modo habetur per demonstrationem. Secundo modo per inductionem, ut patet ex diffinitione demonstrationis, & inductionis, quas assignauimus suprâ. Hoc supposito, probatur sic conclusio præposita, Omnis notitia scientifica alicuius obiecti sensibilis, habetur ex inuentione, aut per demonstrationem, aut per inductionem, hæc patet ex supposito. Sed siue habeatur per demonstrationem siue per inductionem, necessarius est nobis sensus illius obiecti sensibilis. Nam si habetur per inductionem, cognoscitur uniuersale per singularia. Singularia autem non cognoscimus, nisi per sensum. Est enim sensus singulariū. Verbi gratia, Non possum per inductionem cognoscere hanc uniuersalem, Omne rheubarbarum purgat coleram, nisi per sensum experiar, & hoc & hoc & hoc rheubarbarum, & sic de singulis purgare coleram.

Si autem habetur per demonstrationem, arguitur sic.

Omnis

Omnis demonstratio est ex uniuersalibus, & uniuersalia cognoscuntur per singularia. Cuius signum est, quòd etiā Mathematica, quæ uidentur abstracta a materia sensibili, ut tibi declarabitur in tertio Metaphysicæ, & in secundo Physicorum, non cognoscuntur nisi per singularia. Verbi gratia, Cognosco hanc uniuersalem, Omnes recti anguli sunt æquales, quia uideo hos esse æquales, & illos, & illos, & sic de singulis. Constat ergo, quòd siue acquiramus notitiam scientificam de obiectis sensibilibus per inductionem uel per demonstrationem, necessarius est nobis sensus. Et sic pater, quòd deficiente nobis aliquo sensu, impossibile est nos habere scientiam illius sensus, ex consequenti oportet nos persistere in ignorantia simplicis negationis obiecti sensibilis talis sensus. Hæc de præsenti cap. dicta sint.

De processu demonstrationis in infinitum.

C A P. X.

IN cap. decimo agendum est de processu demonstrationis in infinitum, & hic quatuor principaliter agenda sunt. Primò, quòd in demonstrationibus nō contingit procedere in infinitum, in prædicatis quidditatiuis. Secundò, quòd non in prædicatis substantialibus. Tertiò, quòd non in prædicatis accidentalibus. Quarto quòd nullo modo.

Quantum ad primum aduerte, quòd prædicata quidditiua sunt prædicata diffinitiuia, ut animal est prædicatum quidditativum de homine, quoniam ingreditur eius diffinitionem, & sensitivum est prædicatum quidditativum de animali, & sic ascende in arborem Porphyrii. Tu igitur aduerte, quòd procedere in infinitum in prædicatis quidditatiuis, est non dare statum in diffinientibus, & diffinitis, ita quòd non possumus assignare primum diffiniens, supra quod non sit aliud, nec ultimum diffinitum, infra quod non sit aliud. & quoniam Aristotele in primo Posteriorum in hac materia est maxime diffusus, ideò ne addiscentis, & nouitij ingenium confundatur, compèdiōse procedendum est. Sufficiens igitur tibi pro nunc duæ conclusiones.

Prima est, In demonstrationibus affirmatiuis, non est processus

TRACTATVS VNDECIMVS

processus in infinitum in prædicatis quidditatiuis, probatur sic tibi datur talis processus in infinitum, nullum diffinibile, uel diffinitum poterit perfecte cognosci per diffinitionem suam, quod est falsum. Falsitas consequentis patet, quoniam si per diffinitionem rei non perfectæ rem ipsam cognoscimus, de nullo dabitur perfecta & distincta cognitio, quoniam sola diffinitio indicat nobis rei scibilis naturam per prædicata essentialia, ut tibi manifestabitur in septimo Metaphysicæ. Consequentia autem sic manifestatur. Sumo hominem, ut diffinibile per animal rationale, & arguo sic, Si per diffinitionem hominis debet homo perfecte cognosci, oportet quamlibet partem diffinitionis suæ perfecte cognoscere, ergo oportet perfecte cognoscere animal. & cum animal diffiniatur per sensitium, oportet sensitium perfecte cognoscere, & cum sensitium diffinitur per animatum oportet animatum perfecte cognoscere, & animatum diffinitur per corpus, & corpus per substantiam; & substantia per ens, & ens per a, & a, per b, & b, per c, & sic in infinitum, non poterunt omnia diffinita & diffinentia cognosci, quoniam non possunt infinita pertransiri & deuenire ad primum, quo ignorato impossibile est posteriora cognoscere, ut tibi declarabitur in j. Physic. Ergo constat tibi, quod si est processus in infinitum in demonstrationibus quo ad prædicata quidditiua, nulla res poterit per diffinitionem suam perfecte, & distincte cognosci, & sic aufertur ab intellectu humano, omnis uera, & distincta ac perfecta cuiuscunque obiecti scientia.

Secunda conclusio est hæc, Si non est processus in infinitum in demonstrationibus affirmatiuis, ergo nec in negatiuis, probatur hæc conditionalis sic. Nunquam contingit syllogizare conclusionem negatiuam, nec si est mediata, reduci ad immediatam, nisi altera præmissarum existente affirmatiua, nam ex puris negatiuis non ualet argumentum. Ergo nulla apparet ratio, quod possit esse processus infinitus in negatiuis, stante processu finito in affirmatiuis.

Quantum ad secundum aduerte, quod prædicatū substantiale ad mentem Arist. in. j. Poster. est illud, quod significat

ficat totum subiectum aut partem subiecti, & est in eodem prædicamento substantiæ, sicut subiectum. Exemplum primi. Substantia sensitiva est prædicatum substantiale de animali. Exemplum secundi. Corpus est prædicatum substantiale de homine, est enim corpus pars hominis compositi ex corpore, & animal, & tale prædicatum substantiale tam primò, quàm secundo modo distinguitur contra prædicatum accidentale, eo quòd illud non est subiectum nec pars subiecti, sed significat aliquid in subiecto, ut cum dico, homo est albus, significat albedinem inesse homini. Hoc declarato, ponitur hæc conclusio, In demonstrationibus nō est processus in infinitum in prædicatis substantialibus, neque ascendendo sursum, scilicet ad magis, & magis uniuersalia, sine statu, neque descendendo deorsum, scilicet ad minus, & minus communia sine statu, neque circulariter. Prima pars sic probatur, Si est processus in infinitum in ascendendo, ergo nihil possemus scire, quòd de prædicamento substantiæ per diffinitionem suam, quòd sit falsum. consequentia sic deducitur, cum diffinitio constet ex genere, & differentia si illud sciretur per genus, & differentiam. Sed si esset processus in infinitum in ascendendo, genera essent infinita, & non esset deuenire ad generalissimum, & oporteret ea omnia perfectè cognoscere, modò constat quòd esset impossibile omnia illa perfectè cognoscere, quoniam non est infinita pertransire, ergo constat, quòd nihil possemus scire, quòd sit de prædicamento substantiæ per diffinitionem, si est processus in infinitum in prædicatis substantialibus in ascendendo. Secunda pars sic probatur. Non est processus in infinitum in ascensu, ergo nec in descensu. Antecedens patet ex probatione primæ partis, consequentia probatur, quoniam in descensu est deuenire ad singulare, ut patet descendendo per arborem Porphyrii, puta usque ad Socratem, & Platonem sub homine. In singulari autem est status, quoniam singulare, ut singulare, de nullo inferiori prædicatur. Tertia pars sic probatur, si est processus in infinitum circulariter in prædicatis substantialibus, id est, quæ sunt de prædicamento substantiæ, sequitur quòd omnia genera de prædicamento sub-

TRACTATUS VNDECIMVS

substantiæ de se inuicem æqualiter prædicantur. Quod est falsum, quoniam essent conuertibilia; sicut homo, & risibile, & unum non esset uniuersalius alio, & sic auferretur ordo lineæ prædicamentalis, in qua disponuntur species, & genera secundū sub & supra, usq; ad generalissimū, ut docuimus, in trac. de prædicamētis. Cōsequētia uerò sic probatur, si datur talis processus in prædicamento substantiæ, ergo sequitur, quòd postquā demōstrauero hominē esse animatum, quia est animal, & hominē esse corpus, quid est animatus, & hominem esse substantiā quia est corpus, per circulum reuertar, & demonstrabo substantiam esse hominem per hoc medium, quod est animal, sic arguendo, omne animal est homo, omnis substantia est animal, ergo omnis substantia est homo. Constat autem, quòd hæc demonstratio non esset de conclusione uera, nec ex ueris, nisi substantia, & animal, & homo essent æqualis prædicationis de se inuicem, sicut sunt æqualis prædicationis, homo rationale, & risibile, & quod dico de substantia, & animali, & homine, idem intellige de animato & corpore, & substantia. Cum igitur ex tali processu destruaturs ordo prædicamentalis, non est admittendus. Manifestū ergo est, quòd demonstratio non procedit in infinitum prædicatis substantiālibus, neq; sursum, neq; deorsum, neq; per circulum.

Quantum ad tertium, probandum est, quòd in demonstratione non proceditur in infinitum in prædicatis accidentibus, sed aduerte prius, quòd prædicatum accidentale est duplex, scilicet accidentale per accidens, & est illud quod cum subiecto facit propositionem per accidens, ut homo est albus. & accidentale per se, & est illud, quòd cum subiecto facit propositionem per se, ut homo est risibilis. Primò igitur probandum est propositum primo modo, deinde secundo modo.

Respectu primi ponitur hæc conclusio, In prædicatis per accidens facientibus propositionem per accidens, non est processus in infinitum circulariter, neque sursum, neque deorsum. Prima pars sic probatur, Si est processus in infinitum circulariter in prædicatis per accidēs primo modo, hoc potest esse tripliciter, Primò, ut comparantur adinuicem

adinuicem in eodem prædicamento, puta ut comparatur album ad coloratum, & coloratum ad qualitatem passibilem, & qualitas passibilis ad qualitatem, & iterum retrocedendo, & ut sic processus in infinitum est impossibilis per circulum, quia tunc omnia accidentia eiusdem prædicamenti essent adinuicem conuertibilia, & demonstraretur superius de suo inferiori, sicut etiam docuimus in prædicamento substantiæ. Secundò, ut comparantur ad omnia prædicamenta accidentium, & sic iterum talis processus est impossibilis, quia sicut demonstrarentur accidentia respectiua de absolutis, sic & econuersò, quod est omnino impossibile. Tertiò, ut comparatur ad prædicamentum substantiæ, & sic iterum talis processus est impossibilis, quia cum prædicata sint finita, sicut & prædicamenta, tãdem demonstraretur substantia de accidente, sicut accidēs de substantia, quod est penitus impossibile.

Secunda pars conclusionis, scilicet quòd non sit processus in infinitum in prædicatis accidentalibus, facientibus propositionem per accidens ascendendo sursum, probatur, Si talis processus est possibilis, uel est, quando unum prædicatur de uno, ut homo est albus, uel quando plura prædicantur de uno, ut hō est albus, Musicus, magnus, &c. Nō primò, quoniam cum omne unum prædicatū sit in aliquo prædicamento, & prædicamenta sint finita, oportet etiam prædicata, quæ prædicantur ut unum, de uno esse finita. Non secundò, quoniam si prædicata sunt finita, oportet multiplicationes eorū esse finitas; sicut si unitates sunt finitæ, oportet numeros esse finitos. Sed prædicata sunt finita, quoniam ut diximus, omne prædicatum est in aliquo prædicamēto, & prædicamenta sunt finita, cum sint tãtum decem, ergo cum prædicata sint finita, eorum multiplicationes, in quibus plura prædicata prædicantur de uno subiecto, sunt finitæ, ex consequenti non est possibilis in ascendendo sursum, prædictus processus in infinitum.

Tertia autem pars conclusionis deducitur ex secunda, nam si non est processus in infinitum in ascendendo, multò minus in descendendo, quoniam sicut in prædicamento substantiæ est status in indiuiduis, sub quibus non dantur

infe-

TRACTATVS VNDECIMVS

inferiora, sic & in prædicamentis accidentium. Nam sicut sub hoc homine non datur inferius, sic nec sub hac linea, nec sub hac albedine.

Respectu secundi, scilicet prædicati accidentalis facientis propositionē per se, ut homo est risibilis, ponitur hæc conclusio. Non est processus in infinitum in prædicatis accidentibus faciētibz propositionē per se, neq; sursū, neq; deorsū. Antequā probetur cōclusio aduerte, q̃ talia prædicata sūt illa, quæ prædicātur de subiecto in secūdo modo per se: in quorū diffinitione ponitur subiectum, & dicūtur rerū proprietates, conuertibiles cum his, quorum sunt proprietates, ut risibile in homine, rudibile in asino, par uel impar in numero, habere tres angulos in trigono &c.

His declaratis probatur sic conclusio, si est processus in infinitum & prædicatis accidentalibus, quæ sunt prædicata per se, ut rerum passiones, & proprietates, ergo non contingit per demonstrationem aliquid scire simpliciter quod est falsum; quoniam ut docuimus in tract. secundo demonstratio propter quid, de qua nunc intendimus, est syllogismus faciens scire simpliciter. Consequentia autem sic probatur. Scire simpliciter, est scire conclusionem per reductionem ad immediata, & indemonstrabilia, aliter nō quiesceret intellectus inuestigantis, & addiscentis. Sed si datur talis processus, est impossibile reducere conclusionem ad immediata, & indemonstrabilia; quoniam supra passionem addaretur alia passio demonstrabilis communior, puta b, & super illam alia adhuc communior, & sic in infinitum. & cum non sint infinita, pertransire esset impossibile reducere conclusionem ad immediata, & indemonstrabilia, ex consequēti nihil posset sciri simpliciter. Constat igitur, quod in demonstrando non est processus in infinitū in prædicatis accidentalibus, quæ constituunt propositionem per accidens, nec in illis, quæ constituunt propositionem per se.

Quantum ad quartum probandū est, quod uniuersaliter, & nullo modo procedendū est in ueris demonstrationibus in infinitum. Pro cuius euidētia præponitur, quod omnis demonstratio, & ex his quæ sunt per se, & hoc iam
decla-

declaratum est suprà, vbi docuimus demonstrationem nō esse ex his, quæ sunt per accidens, neq; ex extraneis, neq; ex his, quæ possunt aliter se habere, qualia sunt contingentia. Præponitur ulterius, quòd duplex est propositio per se, quæ ingreditur demonstrationem. Vna in primo modo, & est illa, in qua prædicatum est diffinitiuū subiecti. altera in secundo modo, & est illa, in qua subiectum ponitur in diffinitione prædicati. Exemplum primi, homo est animal rationale. exemplum secundi, homo est risibilis.

His præpositis ponitur duplex conclusio, quarum prima hæc est, Impossibile est procedere in infinitum in demonstrationibus, in quantum constāt ex his, quæ sunt per se in secundo modo. Hæc probatur tripliciter. Primò sic, nullum subiectum habet proprias passiones infinitas, ergo impossibile est procedere in infinitū &c. Cōsequentia est manifesta. Antecedens aut sic probatur. Cū omnia procedentia ingrediantur diffinitionem posterioris, ut patet ex doctrina data in tract. de prædicabilibus siue de quinq; vniuersalibus, eiusdem essent diffinitiuā infinita: quoniam sicut omne superius in prædicamento substantiæ ingreditur diffinitionem inferioris, sicut passio præcedens ingreditur diffinitionem passionis posterioris. Infinita autem diffinita non possunt completè cognosci, ergo de nullo subiecto haberetur resoluta demonstratio, in quantum constat ex his, quæ sunt per se in secundo modo.

Secundò sic, Impossibilis est processus in infinitum in his, quæ adinuicem sunt conuertibilia, secundum prædicationem. Nam omnis processus siue sursum, siue deorsum, siue sit finitus, siue non, est à minus commune ad magis cōmune, uel econuersò. sed in conuertibilibus nō datur magis, neq; minus commune, sed æquè commune, ergo in eis non est processus in infinitum.

Sed omnes propriæ passiones, quæ scilicet fluunt in principijs speciei, sunt conuertibiles cum subiectis suis. Sunt enim propriæ in quarto modo, ergo in eis non est processus in infinitum.

Secunda conclusio est hæc. Non est processus in infinitū in demonstrationibus, in quantum constat ex quo sunt in
primo

TRACTATVS VNDECIMVS

Primo modo per se. Probatur, Si est processus infinitus in illis, ergo non contingit aliquid uerè, & completè diffinire, quod est falsum; quoniam cum diffinitio sit medium in demonstratione, ut tibi declarabitur infra, auferetur omnis uera demonstratio, ex consequenti omnis uera scientia; quoniam non causatur, nisi ex demonstratione; ut declaratum est supra. Consequentia probatur. Nā datur diffinitio causa cognoscendi diffinitum per sua principia essentialia, quæ sunt genus, & differentia. Sed dato tali processu infinito, non posset cognosci completè diffinitum; quoniam oporteret superiora infinita diffinibilia cognoscere, sicut si uolo per diffinitionem hominis cognoscere hominem, oportet cognoscere animal, & animatum, & corpus, & substantiam, & ens, & hic est status. Oportet etiam cognoscere rationale, & irrationale, sensitiuum, & insensitiuum, animatum, & inanimatum, corporeum, & incorporeum, & hic est status ex parte differentiarum. Cum autem sit impossibile infinita superiora genera, & infinitas differentias cognoscere, constat, quòd concessio processu infinito in prædicatis primi modi, per se remouetur omnis uera diffinitio, & omnis demonstratio potissima & omnis uera scientia. Necessè est ergo in demonstrationibus ponere statum. Hæc dicta sint pro præsentia ca. in quo studui breuiare prolixitatem Aristot. in primo Posteriorum, propter utilitatem addiscentium, nec confunderentur.

De comparatione demonstrationum adinuicem quo ad perfectionem, et nobilitatem. Cap. xi.

IN hoc capite agendum est de comparatione demonstrationum quo ad nobilitatem, iuxta doctrinam Aristotelis in primo Posteriorum. Tu igitur aduerte, quòd demonstrationum triplex est distinctio.

Prima est, Demonstrationum alia uniuersalis, alia particularis.

Secunda est, Demonstrationum alia affirmatiua, alia negatiua.

Tertia est, Demonstrationum alia ostensiuæ, alia ad impossibile.

Hic igitur tria agenda sunt. Primò, inuestigabimus quæ sit po-

fit potior, an uniuersalis, an particularis. Secundo, an affirmatiua, uel negatiua. Tercio, an ostensiuua, uel ducens ad impossibile.

Quantum ad primum aduerte, antequam deueniamus ad inquisitionem propositi, quòd demonstratio uniuersalis est illa, per quam demonstratur propria passio de suo primo, & adæquato subiecto, & in qua maior extremitas, & minor, & medium sunt termini conuertibiles. Verbi gratia, Si demonstratur, quòd homo est risibilis per rationale, est deimonstratio uniuersalis, quia risibile primo, & adæquatè homini conuenit, in quantum est homo, & homo, & risibile, & rationale sunt adæquatæ prædicationis, ex consequenti sunt termini conuertibiles.

Demonstratio autem particularis est illa, per quam demonstratur propria passio non de adæquato subiecto, sed de aliquo contento sub eo, siue sit eius species, siue singulare. Exemplum primi, ut quando demonstratur habere tres angulos de ysochele, quæ est species trianguli. Neque enim habere tres angulos competit ysocheli in quantum est ysocheles, sed in quantum est triangulus. Exemplum secundi, ut quando demonstratur Caliam, uel Sortem esse risibilem, neque enim risibile primo conuenit Calix, sed homini, Calix autem conuenit in quantum est homo, & hac de causa in demonstratione particulari, non est necesse tres terminos esse conuertibiles; constat enim quòd habere tres non conuertitur cum ysochele, & risibile non conuertitur cum Calia.

His igitur declaratis, pro resolutione propositi ponitur hæc conclusio. Demonstratio uniuersalis potior est demonstratione particulari. Qua probata, recitabimus rationes sentientium oppositum, & eas soluemus. Tribus autem rationibus probatur ipsa conclusio ad mentem Aristot.

Prima ratio est, Demonstratio uniuersalis magis facit scire, quàm particularis, ergo est potior. Consequentia patet, quoniam cum demonstratio sit syllogismus faciens scire, quæ magis facit scire potior est. Antecedens autem sic probatur. Demonstratio uniuersalis facit scire passionē de subiecto secundum seipsum, ut diximus, particularis au-

TRACTATVS VNDECIMVS

tem facit scire secundum aliud. Puta, quòd ysocheli competit habere tres angulos, non secundum quod est ysocheles, sed secundum quod est triangulus. Sed perfectius est scire secundum seipsum, quàm secundum aliud, sicut perfectius est esse lucidum seipsum, quàm per aliud, quoniam primum est per essentiam, secundum autem per participationem. Ergo clarum est demonstrationem uniuersalem esse potiore, quàm particularem.

Secunda ratio est, Demonstratio uniuersalis est de magis ente, quàm particularis, ergo est potior. Consequentia patet, nam sicut scientia, quæ est effectus demonstrationis, non est nisi de ente, & quæ est de magis ente, est perfectior, sic & demonstratio. Sed uniuersale est magis ens, quàm particulare; quoniã uniuersale est corruptibile, & abstrahit ab hic, & nunc, & uniuersale est semper. Particula re autem est corruptibile, nec abstrahit ab hic, & nunc. Præcipue particulare, quod plurificatur sub eadē specie, qualia sunt particularia inferiora, ergo demonstratio uniuersalis est potior particulari.

Tertia ratio est, Demonstratio uniuersalis magis præseruat intellectum ab errore, & deceptione, quàm particularis, ergo est potior. Patet consequentia, quoniam sicut spectat ad demonstrationem causare scientiam, sic & auferre ignorantiam, ac deceptionem; ergo sicut ea quæ causat magis scientiam est potior, sic & ea quæ magis præseruat ab ignorantia, antecedens uero probatur. Nam quis de facili potest decipi credendo triangulum æquilaterum, secundum quod est æquilaterus, habere tres, eo quòd per demonstrationem particularem concluditur æquilaterum habere tres. Non autem potest decipi credendo triangulum, secundum, quòd est triangulus habere tres; quoniam sic est, & id concluditur per demonstrationem uniuersalem. Alias rationes ponit Aristot. ad probandum eandem conclusionem. Sed istæ tibi sufficiant pro præsentī tractatu.

Probata conclusione, formandæ sunt rationes eorū, qui tenent particularem demonstrationē potiore esse uniuersali. Tu igitur aduerte, quòd Arist. in primo Posteriorum format tres rationes, quarum singulas soluemus.

Prima

Prima est, Demonstratio particularis facit magis scire: ergo est dignior. Consequentia patet. Antecedens probatur; Particularis facit scire secundum seipsum, uniuersalis autem secundum aliud. Nam quando demonstratur omnem ysochelem habere tres angulos æquales duobus rectis, scitur q̄ omnis ysocheles secundū seipsum habet tres angulos æquales, &c. quando autem demonstratur triangulū habere tres angulos æquales duobus rectis, scitur, q̄ ysocheles habet tres angulos, nō secundū quod ysocheles, sed secundum aliud. i. in quantum est species trianguli.

Respondetur, negatur antecedens. Ad probationem, nego, quod particularis faciat scire secundum seipsum, uniuersalis autem secundum aliud, imo est oppositum, ut docuimus in prima ratione. Ad probationē nego, quod demonstretur ysochelem habere tres angulos, secundum seipsum, quoniā falsæ demonstraretur. Nō enim ut ysocheles, sed ut est triangulus habet tres. Triangulus autem secundum ipsum habet tres, quoniā est primum, & ad æquatum subiectum huius passionis, & non ratione alterius.

Constat ergo, quod ratio, hæc nihil concludit.

Secunda est, Demonstratio particularis magis præferuat intellectum ab opinione falsa, quàm uniuersalis, ergo est dignior. Consequentia patet, Antecedens autem sic probatur. Quando demonstratur aliqua passio de suo subiecto uniuersaliter, puta de triangulo, quod habet tres angulos, & de circulo, quod una linea continetur, & de numero, q̄ est par, uel impar, & illud non demonstratur de aliquo in particulari, puta de ysochele, uel de binario, potest intellectus opinari tali uniuersale esse separatum secundum esse a singularibus, sicut imaginati sunt Platonici, & Pythagorici, ut recitat Aristot. in septimo Metaphysicæ, quæ quidem opinio esset falsa, ut tibi declarabitur in primo, & in septimo Metaphysicæ, quoniam etsi Mathematica abstrahant à materia secundum rationem, ut tibi declarabitur, in secundo Physicorum. non tamen secundum esse. Quando autem illud demonstratur de aliquo particulari, puta habere tres de ysochele, uel de hoc triangulo particulari, non potest huiusmodi falsa opinio causari in

in intellectu, quoniam demonstratur passio de hoc singulari, quod ad sensum constat esse in materia, puta in ligno, uel lapide. Ergo demonstratio particularis dignior est uniuersali.

Respondetur, negatur antecedens. Ad probationem dico, quod sanus, & clarus intellectus non habet ueram occasionem oppinandi triangulum, uel figuram, uel numerum, esse separatum singularibus secundum esse, ex eo, quod aliquid de eis demonstratur uniuersaliter. Sed hoc est imperfectione intellectus; Vnde hæc falsa opinio non oritur ex uniuersali demonstratione, sed ex debilitate intellectus, non potentis iudicare, quod hæc duo stant simul. Mathematica abstrahunt a materia, & a singularibus secundum rationem. Mathematica non abstrahunt a materia, & a singularibus secundum esse. Constat igitur quod hæc ratio non concludit.

Tertia ratio est, Demonstratio particularis est magis de ente, quam uniuersalis, ergo est potior. Patet consequentia. Antecedens probatur. Demonstratio particularis est de particularibus, & uniuersalis uniuersalibus, sed particularia sunt magis entia, quam uniuersalia, quoniam uniuersalia non habent esse nisi in particularibus, nam homo, ut homo, non existit, nisi quia hic, uel hic homo existit. Ergo constat, quod demonstratio particularis est magis de ente, quam uniuersalis.

Respondetur, ens potest tripliciter considerari. Primo, in rationi essendi, siue existendi. Secundo, in ratione subiecti alicuius passionis sibi inexistenti. Tercio, in ratione obiecti mouentis potentiam cognoscitiuam, & terminantis actum cognitionis. Primo modo, particularia sunt magis entia, quoniam per se existunt, & uniuersali non competit existere, nisi quia particulare existit. Secundo modo uniuersalia sunt magis entia, quia subiiciuntur per se primo suis passionibus, particularia autem non per se primo, sed secundo. nam ut declaratur apud Porphyrium in tract. de uniuersalibus propriū inest primo speciei, & per speciem inest indiuiduis, neque enim Sortes est risibilis, nisi quia homo est risibilis. Tercio modo uniuersalia est ma-

gis entia, quia prius mouent intellectum ad intelligendū, & directē, particularia autem indirectē, ut tibi declarabitur in lib. de anima. Posita hac distinctione, aduerte, quòd demonstratio non debet iudicari esse magis de ente, iuxta primum modum, sed iuxta secundū, & tertiū, & ideo uniuersalis est magis de ente, ut docuimus supra. Argumentū autem procedit iuxta primum modum, ideo non concludit. Nam hæc consequentia non ualet, Particularia magis existunt, quàm uniuersalia, ergo demonstratio particularis est potior uniuersali. Hæc igitur de perfectione, & dignitate demonstrationis uniuersalis supra particularē dicta sint.

Quantum ad secundū, inuestigandum est, si demonstratio affirmatiua est perfectior, quàm nega. uel econuerso. Sed antequā deueniamus ad resolutionē propositi, aduerte, quòd demonstratio affirmatiua est syllogismus formatus in modo, per quem ex præmissis affirmatiuis concluditur conclusio affirmatiua. siue uniuersalis, siue particularis, ut in prima figura per Barbara, et Darii. Demonstratio autem negatiua est syllogismus formatus in modo, per quē cōcluditur conclusio negatiua ex altera præmissarum negatiua, & altera affirmatiua, quoniam ex solis negatiuis nihil sequitur. Vnde in prima figura fit demonstratio negatiua per Cœlarent, & Ferio, & per omnes modos secundæ figuræ.

His declaratis ponitur hæc conclusio ad mentem Aristot. in primo Posteriorum. Demonstratio affirmatiua est simpliciter, & absolute nobilior negatiua, & probatur quæque rationibus.

Primò sic, Demonstratio affirmatiua procedit cæteris paribus ex paucioribus, ergo est dignior, & perfectior, quàm negatiua. Probatur consequentia. Quæ procedit ex paucioribus, magis appetitur ab intellectu, eo quòd clarius, & citius facit scire, ergo est nobilior. Antecedens autem sic probatur: licet utraque demonstratio procedat ex tribus terminis qui sunt maior, & minor extremitas, & medium, & ex duabus præmissis, tamen quo ad qualitatem, & quantitatem atrentā ex parte medii, nega. est ex pluribus. Quo ad qualitatem quidem, quoniam affirmatiua syllogizatur

TRACTATUS VNDECIMVS

ex puris affirmatiuis, negatiua autem ex affirmatiua, & negatiua, quoniam ex puris negatiuis nihil sequitur. Quo ad quantitatem uero attentam ex parte medii, quoniam in affirmatiua pauciora media sufficiunt. Verbi gratia, Si uolo demonstrare istam, Omnis homo est substantia, tria media sufficiunt, quæ sunt animal, corpus animatum, & corpus. Si autem demonstro istam, Nullus homo est quantitas, oportet ultra prædicta tria, addere substantiam, ut fiat resolutio totalis. Vnde postquam probatum fuerit, quod nullus homo est quantitas, quia est animal, & quia est corpus animatum, & quia est corpus, quorum nullum est quantitas, oportet ultimò sic resoluerè, Nulla substantia est quantitas, hæc est immediata, Omnis homo est substantia, hæc est resoluta per tria media prædicta, ergo nullus homo est quantitas. Constat quomodo affirmatiua est ex paucioribus, & negatiua ex pluribus, ex consequenti est dignior.

Secundò sic, Propositio affirmatiua digniori modo syllogizatur, quàm negatiua, ergo demonstratio affirmatiua est dignior negatiua. Patet consequentia, quoniam conclusio demonstrationis affirmatiua, est propositio affirmatiua, ergo si propositio affirm. dignius syllogizatur, quàm negatiua, pari modo demonstratio affirmatiua est nobilior, quoniam & demonstratio est syllogismus. Antecedens uero probatur. Nam affirmatiua per solas sibi similes, idest per solas affirmatiuas syllogizatur. Negatiua autem non per solas negatiuas, sed oportet alteram præmissarum esse affirmatiuam, ergo dignius syllogizatur affirmatiua, quàm negatiua.

Tertiò sic, In augmento, & resolutione demonstrationis affirmatiua, non requiritur aliqua propositio negatiua, quoniam per solas affirmatiuas potest augeri. In augmento autem demonstrationis negatiua, necessario requiritur propositio affirmatiua, quoniam per solas negatiuas non potest augeri, imò requiruntur plures affirmatiua, quàm negatiua. Nam si uolo augmentare hanc demonstrationem negatiuam. nullum animal est quantitas, Omnis homo est animal, Ergo nullus homo est quantitas, oportet ma. probare per unam affirmatiuam, & alteram

negatiuam, sic arguendo, Nulla substantia est quantitas, Omne animal est substantia, Ergo nullum animal est quantitas, mi. uerò per duas affir. sic arguendo, Omne sensitiuū est animal, Omnis homo est sensitiuus, Ergo omnis homo est animal. Cum igitur negatiua indigeat affir. in sui augmento, & resolutione, & non econuersò, constat affirmatiuam esse nobiliorem.

Quartò sic, Principium demonstra. affirmatiuæ, est propositio affirmatiua. Principium autem demonstra. negatiuæ, est propositio negatiua, Sed propositio affirmatiua est dignior negatiua, ergo demonstra. affirmatiua est dignior negatiua. Maior quidem constat ex eo, quòd hoc primum principium affirmatiuum. De quolibet uerificatur esse uel non esse, est principium super quod stabilitur, & ad quod resoluitur omnis demonstratio affirmatiua, ut tibi declarabitur in quarto Metaphysicæ. Hoc autem primum principium negatiuum, Non contingit, id est, non est possibile idem simul esse, & non esse; est illud, super quod fundatur omnis demonstratio. Mi. autem sic probatur ad mentem Aristotelis. Propositio affirmatiua est prior & notior negatiua, quoniam per affirmatiuam probatur negatiua, & non econuersò. ergo est dignior. Præterea, affirmatiua dicit esse, negatiua autem non esse, sed prius & nobilius est esse, quàm non esse, ergo affirmatiua propositio prior & nobilior est negatiua.

Cum igitur propositio affirmatiua sit causa, & principium demonstrationis affirmatiuæ, sequitur eā esse digniorem. Nobilioris. n. causæ, & principii est nobilior effectus.

Quintò sic, Demonstratio affirmatiua non dependet à negatiua, sed econuersò. ergo est dignior negatiua. Patet consequentia, quia dignius est non dependere, quàm dependere. Vnde & independentia arguit summam perfectionem in causa prima, ut tibi manifestatur in duodecimo libro Metaphysicæ. Antecedens autem sic probatur, Non potest fieri demonstratio negatiua sine propositione affirmatiua, quoniam necesse est alteram præmissarum esse affirmatiuam, quæ non potest demonstrari, nisi per demonstrationem affirmatiuam. Demonstratio autem

TRACTATUS VNDECIMVS

affirmatiua fit sine aliqua propōne negatiua, ut patet in Barbara & Darii, ergo constat demon. affirmatiuā non pendere a negatiua, sed bene ecōuerso. Ex his ergo rōnibus patet demon. affirmatiuā esse potiore negatiua.

Quantum ad tertium inuestigandum est, si demonstratio ostensiuā est nobilior ducente ad impossibile, uel econuerso. Hic igitur duo agenda sunt. Primò, declarandum est quomodo differant, & quomodo fiant. Secundò determinabitur propositum.

Pro euidētia primi aduerte, quòd secundum Aristo. in primo Posteriorum. Demonstratio ostensiuā, & ducens ad impossibile, differunt in quatuor. Primò, differunt in hoc, quòd per ostensiuā concluditur conclusio manifeste uera & necessaria, siue sit demonstratio ostensiuā affirmatiua siue negatiua. Per ducentem ad impossibile, concluditur conclusio manifeste falsa & impossibilis. Exemplum de ostensiuā affirmatiua, Omne sensitiuum est animal, omnis homo est sensitiuus, ergo omnis homo est animal. Exemplū de negatiua. Nullum rationale est asinus, omnis homo est rationalis, ergo nullus homo est asinus. Exemplum de ducente ad impossibile, Pono quòd tu neges istam, Animal rudibile non est homo, & concedas suam contradictoriam, scilicet omne animal rudibile est homo, tunc arguitur sic, omne animal rudibile est homo, omnis asinus est animal rudibile, ergo omnis asinus est homo. Patet, quòd hæc conclusio est falsa & impossibilis. Constat ergo quòd demonstratio ducens ad impossibile concludit conclusionem manifeste falsam, & impossibilem.

Secundò differunt in hoc, quòd in ostensiuā præmissæ sunt notiores, quo ad ueritatem ipsa conclusione. Nam ueritas conclusionis pendet ex ueritate præmissarum, sed propter quod unumquodque, & illud magis. In ducente uerò ad impossibile, oportet conclusionem magis constare esse falsam & impossibilem, quàm aliqua præmissarum. Verbi gratia, notius est hanc conclusionem esse falsam & impossibilem, omnis asinus est homo, quàm istam, omne animal rudibile est homo.

Tertio differunt in hoc, quòd in ostensiuā est processus
secun-

secundum naturam, scilicet ex prioribus, & notioribus quoad ueritatem. Nam ut declarabitur tibi in primo Physicorum, innata est nobis uia procedendi a notioribus, &c. Inducente autem ad impossibile, est processus contra naturam, quia non ex magis notis quoad ueritatem, sed quoad falsitatem. Nam ex conclusione manifeste falsa, retorquemus argumentum ad declarandum falsitatem alicuius præmissæ ut tibi declarabimus infra.

Quarto differunt in hoc, quod ostensua completur unica argumentatione facta in modo, & in figura, ea autem quæ est ducens ad impossibile, non completur nisi pluribus factis argumentationibus, quod tibi manifestabitur declarando quomodo utraque fiat.

Tu igitur aduerte, quod ostensua fit solum ex tribus terminis ordinatis in modo & in figura, ex quibus formantur duæ præmissæ concludentes affirmatiuam ueram, & necessariam siue negatiuam. Exemplum de affirmatiua, Omne rationale est risibile, Omnis homo est rationalis, Ergo omnis homo est risibilis. Exemplum de negatiua, Nullum animal est lapis, Omnis homo est animal, ergo nullus homo est lapis. Vtraque est ostensua, quoniam utraq; completur unico discursu.

Ducens autem ad impossibile non completur nisi quadruplici discursu, per quem manifestatur, & inquiritur ueritas alicuius prius negati. Prima argumentatio est syllogismus concludens manifestum impossibile, ut hic, Pono quod tu neges hanc, Aliquod animal non est homo, tunc sumo eius contradictoriam, quæ est hæc, Omne animal est homo, tunc arguo sic, Omne animal est homo, sed asinus est animal, Ergo asinus est homo. Secunda argumentatio est hæc consequentia, Hæc conclusio est falsa, ergo aliqua præmissarum est falsa. Pater consequentia quoniam ex duabus præmissis ueris non potest concludi conclusio falsa stante bono modo arguendi, quoniam ex ueris non concluditur nisi uerum. Tertia argumentatio est hæc consequentia. Sed in prima argumentatione minor non est falsa, ergo maior quæ fuit hæc, omne animal est homo. Quarta argumentatio est consequentia, qua conclu-

ditur illud esse uerum, quod prius negatum fuerat. Verbi gratia, Ista maior est falsa, omne animal est homo, ergo hæc est uera, Aliquod animal non est homo, quæ est eius contradictoria, quæ prius fuerat negata. Patet consequentia, quoniam lex contradictoriarum est hæc, In omni materia si una est falsa, altera est uera, & econuerso.

Quantum ad secundum, determinabimus propositum duplici conclusione, Prima est, Demonstratio ostensiva negatiua dignior est demonstratione ducente ad impossibile. Probatur, procedit ex ueris & magis notis præmissis, quàm sit ipsa conclusio, aliter non causaret in nobis scientiam de conclusione. hoc autem est falsum, quoniam iste est finis demonstrationis, ea autem quæ ducit ad impossibile procedit ex falsitate conclusionis magis nota, quàm sit falsitas alicuius præmissæ, ut docuimus supra. Sed dignius est procedere ex maiori noticia præmissarum secundum ueritatem, quàm ex maiori noticia conclusionis secundum falsitatem, ergo demonstratio ostensiva negatiua est dignior ea, quæ ducit ad impossibile.

Secunda est, demonstratio ostensiva affirmatiua dignior est ea, quæ ducit ad impossibile, probatur. Demonstratio affirmatiua ostensiva dignior est negatiua, ut probatum est supra quinque rationibus, ut negatiua est dignior ducente ad impossibile per conclusionem præcedentem, ergo multo magis affirmatiua ostensiva, est dignior ducente ad impossibile. Nam si est dignior digniore, longè amplius est dignior indigniore, qualis est illa, quæ ducit ad impossibile. Constat igitur tibi quòd demonstratio uniuersalis, est dignior quàm particularis, & affirmatiua quàm negatiua, & ostensiva quàm ducens ad impossibile. Hæc de præsen-
ti capite dicta sint.

De comparatione scientiarum adinuicem. CAP. XII.

IN hoc capite agendum est de fine demonstrationis, quæ est scientia per ipsam acquisita. Consequens enim fuit, ut postquam actum est de causa, ageremus de eis effectibus. Tu igitur aduerte, quòd Aristoteles in primo Posteriorum de scientia, quinque pertractat. Primò de certitudine, comparando scientiam ad scientiam, quæ nam earum sit

fit certior. Secundò, quæ scientia fit una, & quæ non. Ter-
tiò de quibus potest esse scientia, & de quibus non. Quar-
tò, de unitate, & pluralitate principiorum scientiarum. Quin-
tò, de differentia, & distinctione scientiæ ab aliis habitibus
intellectus, quales sunt, opinio, & intellectus & ars, &c. De
quibus pertractatur in sexto Ethicorum.

Quantum ad primum aduerte, quod ad mentem Aristo-
telis una scientia potest esse certior altera uno trium mo-
dorum. Primo, quia una de eadem conclusione dicit quid,
& quia, altera autem tantum quia, & hoc modo scientia
subalternans est certior subalternata. Puta de hac con-
clusionem, uulnus circulari tardius sanatur, Geometra est
certior quam chirurgicus. Nam chirurgicus scit, & expe-
ritur solum quia sic est, sed Geometra scit, quia sic est, &
scit propter quid, scilicet quoniam circulus caret angulis,
ideò in uulnere circulari partes tardius propinquant &
clauduntur. Cuius oppositum contingit in uulnere trian-
gulari, uel quadriangulari. secundò, quia una est de subie-
cto abstracto, altera est de subiecto applicato materiæ sen-
sibili, & hoc modo scientiæ puræ Mathematicæ, quales
sunt Arithmetica, & Geometria, certiores sunt scientijs
medijs, quales sunt Perspectiua, & Musica, & Astrologia.
Nam Arithmetica est de numero simpliciter, & abstra-
ctè, Musica autem est de numero applicato uoci, uel sono
per consonantia. Geometria est de magnitudine uisuali, &
simpliciter, Perspectiua autem est de linea, & linea, Astro-
logia est de figura, & magnitudine cæli, & de numero
motuum cælestium. Tertio, quia una est de subiecto sim-
plici, uel de paucioribus, alia autem quia addit supra
subiectum prioribus, & ut sic est de pluribus, & hoc modo
Arithmetica est certior, & prior, quam Geometria. Nam
unitas quæ est primum consideratum ab Arithmetico, sim-
plicior est quam punctum. Unitas enim est ens indiuisi-
bile. Punctum autem super unitatem addit positionem, si-
ue determinatum situm in continuo, ut tibi declarabitur
in quarto Physicorum.

Constat igitur tibi, quod tribus modis una scientia est
certior, & prior altera.

Quan-

TRACTATUS VNDECIMVS

Quantum ad secundum duo inuestiganda sunt. Primò, unde habet scientia unitatem suam, secundò unde trahit distinctionem ab alia.

2. Quantum ad primum aduerte, quòd ad mentem Aristotelis in primo Posteriorum illa scientia est una, quæ habet unum subiectum, circa quod uersatur, ut physica est una scientia, quia uersatur circa ens mobile, & Arithmetica est una scientia, quia uersatur circa numerum, ex opposito Geometria, & Arithmetica non sunt una, sed duæ sciētix, quoniam non uersantur circa unum, sed circa duo subiecta, quorum unum est magnitudo, & alterum numerus.

3. Sed aduerte ad hoc, quòd aliquid sit subiectum, in aliqua scientia, tria requiruntur. Primo quòd sit uniuocum, uel saltem analogum. Vnde si est æquiuocum, non potest esse subiectum in scientia. Nam oportet subiectum considerari in scientia, secundum unam rationem formalem, æquiuocum autem non dicit unam, sed plures rationes formales, ut declarabimus tibi in ante prædicamentis, & ideo non est subiectum in aliqua scientia. Dixi uel saltem analogum, ut seruetur unitas Metaphysicæ, cuius subiectum est ens, quod est analogum substantiæ, & accidenti, ut tibi declarabitur in quarto Metaphysicæ, quod tamen dicit unam rationem formalem, licet non æqualiter participatam a substantia, & accidente, sed prius conuenit substantiæ, posterius autem accidenti. Est enim ens, cui debetur esse. Secundò oportet, quòd habeat aliquas partes, uel essentielles uel subiectiuas. essentielles quidem sunt, ex quibus ipsum subiectum componitur, ut forma, & materia sunt partes essentielles entis mobilis, ut tibi declarabitur in 1. Phy. Subiectiuæ autem sunt, in quas diuiditur subiectum scientiæ, ut genus in species, sicut diuiditur ens mobile in ens mobile ad ubi, & in ens mobile ad formam. Sed hæc tibi declarabuntur in principio Philosophiæ naturalis. Subiectum igitur scientiæ debet habere partes essentielles aut subiectiuas. Tertiò oportet, quòd habeat passiones proprias demonstrabiles de subiecto. Hic est enim terminus scientiæ ut, scilicet per demonstrationem notificentur passiones de subiecto, pura quòd triangulus habet tres angulos

gulos æquales duobus rectis.

Item aduerte, quòd non quæcunq; unitas subiecti dat unitatem scientiæ, sed unitas formalis. Nam stat, quòd eadem res cadit sub consideratione distinctarum scientiarum secundum quod consideratur sub distinctis rationibus formalibus. Puta, homo consideratur à Logico, ut est species, à Physico, ut est compositum ex materia & forma, à Medico, ut est corporis sanabilis & ægrotabilis. A Metaphysico, ut est naturæ intellectualis. Vnitas ergo scientiæ trahitur ex unitate subiecti non materiali, sed formali. Vnde sicut obiectum se habet ad potentiã, sic subiectum ad scientiam. Potentia autem trahit unitatem ab unitate formali, & non materiali ipsius obiecti, sicut tibi declarabitur in secundo de anima. eodem modo scientia dicitur una ex unitate formali, & non materiali sui subiecti. Constat igitur tibi unde sumitur unitas scientiæ.

Quantum ad secundum declarandum est unde sumitur distinctio unius scientiæ ab alia. Tu igitur aduerte, quòd ad mentem Aristot. in primo Poste. scientiæ accipiunt distinctionem ex principijs, ita, scilicet quòd si habent diuersa principia, quibus probantur conclusiones suæ, sunt distinctæ scientiæ. Pro cuius notitia aduerte, quòd si sint distinctissimæ naturæ, ut elementum, & cælum, homo & lapis, & tamen sub eadem ratione formali considerentur, quæ ratio dicitur principium scientiæ, ad eandem scientiam spectant puta vox humana, & sonus organi ad eandem scientiam Musicæ spectant, quoniam considerantur ut proportionabiles in consonantiis. Si autem sit una res, quæ possit secundum diuersam rationem considerari, non spectat ut sic ad unam, sed ad distinctas scientias. Nam diuersæ rationes formales sunt distincta principia, quibus diuersificantur scientiæ. Verbi gratia, Quia terra ut rotunda per aliud principium consideratur à Physico, & per aliud ab Astronomo, ut tibi declarabitur in secundo Physicorum, idè spectat ut sic ad distinctas scientias, & distinctæ sunt realiter Physica, & Astrologia. Hinc est, quòd eadem conclusio potest in diuersis scientiis demonstrari per diuersa media, quæ sunt diuersa principia formalia. Puta hæc conclusio,

TRACTATUS VNDECIMVS

ſio, Tertia eſt rotūda, demōſtratur à Phyſico per hoc principium, quōniam eſt grauis, & partes ſe comprimunt in cētro mūdi, eadem demonſtratur ab Aſtologo per hoc principium, quoniā per ipſam circulariter eclypſatur luna; eclypſis enim lunæ cauſatur ex interpoſitione terræ diametraliter inter ſolem, & lunam. Conſtat igitur quomodo cauſatur ueritas ſcientiæ ex unitate ſubiecti, & unitate principiorum. Diſtinctio autem cauſatur ex diuerſitate principiorum.

Sed aduerte, quòd ut inquit Ariſtoteles, duo requiruntur ad hoc, quòd diuerſa principia cauſent diſtinctionem unius ſcientiæ ab alia. Primò, quòd talia principia nō fluāt ex eiſdem principijs prioribus in eodē genere ſcibili. Hac de cauſa ſcientia de triangulo non diſtinguitur à ſcientia de quadrato, quoniam licet per aliud principium probentur paſſiones trianguli, & per aliud paſſiones quadrati, tamen huiusmodi principia deriuantur ex eiſdem principiis figuræ, & ideò conſideratio de figura tam in genere, quàm in ſpecie, ſpectat ad ſcientiam Geometriæ. Secundò requiritur, quòd principia unius rei, ut ſcibilis eſt, non deriuentur ex principiis alterius rei ſcibilis. Hac de cauſa ſcientia de yſochele non diſtinguitur à ſcientia de triangulo, & ſcientia de homine apud Phyſicum non diſtinguitur à ſcientia de animali; & aduerte, quòd hic intendimus de unitate, & diſtinctione generica in ſcientijs. De unitate autem, & diſtinctione tam generica, quàm ſpecifica pertractabitur in libro Sexto primæ Philoſophiæ.

Quantum ad tertium inueſtigandum eſt, de quo ſit ſcientia, & de quo non. Nam uanum fuiſſet pertractare de unitate & diſtinctione ſcientiæ, ſi de nullo poſſet haberi ſcientia. Hic igitur duo pertractanda ſunt. Primò, de quo poſſit eſſe ſcientia, ſecundò de quo non.

Quantum ad primum aduerte, quòd de omni eo poteſt haberi ſcientia, de quo poteſt eſſe demōſtratio, quoniā ipſa facit ſcire, ut docuimus ſuprà. Demōſtratio autem eſt de uniuerſali, & ente per ſe, & neceſſario, ut in cap. tertio declaratum tibi fuit, Ergo de his quæ ſunt entia per ſe uniuerſalia, & neceſſaria, ut ſunt genera, & ſpecies rerum mathematica-

thematicalium, & naturalium, potest haberi scientia.

Quantum ad secundum, aduerte quod Aristoteles in primo Posteriorum duo excipit, de quibus non potest haberi scientia. Primum est, quod est à fortuna uel casu, ut de inuentione thesauri dum foditur sepulcrum, scientia haberi non potest. Secundum est singulare sensibile, quod per sensum primò & directè cognoscitur.

Et quidem quod de eo, quod est à fortuna, uel à casu non possit haberi scientia, probatur sic, Omnis scientia est de eo, quod est necessarium, & per se, & semper, uel frequenter. De hoc enim tantum habetur demonstratio, quæ facit scire, ut diximus supra, in cap. iij. Sed quod est à fortuna uel casu, neque est necessarium, sed contingens, neque est per se, sed per accidens, neque est semper, neque ut in pluribus, sed rarò, & in paucioribus, & hæc omnia de clarabuntur tibi in libro secundo Physicorum in capit. de fortuna, ergo de ente fortuito, & casuali non potest haberi scientia, ex consequenti ne demonstratio.

Quod autem de singulari sensibili inquantum singulare sensibile est, non possit haberi scientia, probatur sic. Scientia non potest haberi per sensum, sed sensibilia singularia cognoscuntur per sensum, ergo de eis non potest haberi scientia. Ma. probatur, quia scientia non potest haberi nisi per uirtutem animæ apprehendentem uniuersale, & potentem habere conceptum uniuersalem. Sed sensus non potest apprehendere uniuersale, nec habere conceptum uniuersalem, ut tibi declarabitur in 3. de anima, eò quod est potentia alligata organo corporali, & ideò non apprehendit, nisi cum conditionibus singularibus, quæ sunt hic, & nunc à quibus abstrahit uniuersale. Quod enim semper, & ubique est, hoc uniuersale dicimus, ergo scientia non potest haberi per sensum. Quod autem sensibilia singularia cognoscantur per sensum, patet ex experientia. Neque enim visus uidet colorem, ut color est. Hoc enim ad intellectum spectat, cuius obiectum est natura uniuersalis.

Videt autem hunc uel illum colorem, idem intellige de quolibet alio sensu. Constat igitur tibi quare de ente fortuito,

tuito,

tuito, & de singulari sensibil non datur scientia.

Et aduerte, quòd Aristoteles ex secunda conclusio, scilicet quòd de singulari sensibili non potest haberi scientia, trahit tria corollaria.

Primum est, sentire non est scire, & hoc est contra antiquos, de quibus dicemus in iij. de anima, quòd non distinguebant inter sensum, & intellectum. Nam sentire est cognitio particularis de re, scire autem est cognitio uniuersalis, quod Aristoteles duplici exemplo manifestat. Primū est, si quis visu cognoscat hunc triangulum habere tres angulos æquales duobus rectis, propter hoc non sciret omnem triangulum habere tres æquales duobus rectis, quia per sensum non potest apprehendere causam uniuersalem huius passionis, sed per intellectum, qui ex singularibus uenatur uniuersale, ut dicemus. Secundum est, si essemus in luna, & uideremus ipsam eclipari, cognosceremus quidē ipsam nunc eclipari. Non tamen haberemus scientiam de eclipsi; quoniam propter hoc nesciremus causam uniuersalem eclipsis, quæ est interpositio diametralis terræ inter solem, & lunam. Hanc enim causam uniuersalem non solo sensu, sed per intellectum comperimus.

Secundum corollarium est hoc, licet sensus sic causatiuus sciētiae, quia omnis nostra cognitio originatur à sensu, & propositio uniuersalis habetur ex multis singularibus apprehensus per sensum, ut declarabitur tibi in primo Metaphysicæ, tamen notitia scientifica est nobilior, & honorabilior; scientifica enim est de uniuersali, sensus autem de singulari. Vniuersalis autem est honorabilior: quoniam dicit causam. Vnde tibi declarabitur in 1. Metaphys. quòd sapiens est qui scit uniuersalia, & maximè uniuersalia.

Tertium corollarium est hoc, licet non sit possibile per solum sensum scire aliquam conclusionem demonstrabilem, tamen sensus plurimum nobis confert ad sciendū. Prima pars constat ex primo corollario, quia per solum sensum non possumus apprehendere causam uniuersalē, quæ est medium demonstrandi (demonstramus enim risibile de homine per hanc causam formalem, quia scilicet est animal rationale) quòd homo est risibilis. Secunda autē pars manifestata

nifestata est in cap. de ignorantia, ubi declaratum est, quòd deficiēte nobis aliquo sensu, necesse est deficere nobis sciētiā obiecti illius sensus, ergo ex opposito si habemus talem sensum, puta uisum, confert nobis ad acquirendā sciētiā illius sensus.

Quantum ad quartum inuestigandum est de unitate, & pluralitate principiorum scientiarum, nam dictum est illam scientiam esse unam, quæ est unius subiecti, & habet eadem principia, illas autem esse distincta, quarum diuersa sunt principia. Necesse est ergo inuestigare, si omniū scientiarum sunt eadem, uel diuersa principia, ut possimus sustinere unitatem, & distinctionem in scientiis.

Pro resolutione propositi, formantur quatuor conclusiones ad mentem Aristotelis.

Prima est, Impossibile, est omnium syllogismorum esse eadem principia.

Secunda est, impossibile est omnium syllogismorum falsorum esse eadem principia.

Tertia est, Impossibile est omnium syllogismorum uerorum esse eadem principia.

Quarta est, Impossibile est omniū scientiarum esse eadem principia.

Prima, sic probatur, Syllogismorum quidam sunt ueri, & quidam falsi, ex primo Elenchorum, sed uerorum principia sunt uera, & falsorum falsa, quoniam ut declaratur in primo Priorum, syllogismi ueri non possunt fundari in falso. Nam ex uero non sequitur nisi uerum, & falsi non possunt fundari in uero. quoniam ex uero nō sequitur falsum.

Sed aduerte, quòd syllogismus potest dici dupliciter falsus. Primò ex forma, sc. qñ non fit in modo debito, & figura, ut si arguatur ex puris particularibus, aut puris nega. & tūc non incōuenit ex præmissis ueris cōcludere falsum, ut hic, nullus lapis est aīal, nullus homo est lapis, ergo nullus hō est aīal. Secundo ex materia, sc. qñ fit in modo debito, & figura, & tñ præmissæ sunt falsæ, aut altera est falsa, & tunc non est possibile, q̃ ex præmissis falsis cōcludatur uerū, nisi raro, neq; ex ueris nisi uerū, aliter talis modus ī quo fieret, esset inualidus, & inutilis modus arguēdi. Qñ igitur di-

syllogismorum pertinētium ad quantitatem discretam, quā considerat Arithmeticus, Sed punctus non est idem cum unitate, quæ est principium numeri quantitatiui, quoniam punctus supra indiuisibilitatem addit positionem in continuo, unitas autem abstrahit a positione, & dicit solum eas indiuisibile in genere quantitatis, ut tibi declarabitur in decimo Metaphysicæ, ergo non sunt eadem principia omnium uerorum syllogismorum.

Secundo sic, Principia cōia, ut de quolibet est uera affirmatio, uel negatio, & non contingit idem simul esse, & non esse, non sunt sufficientia ad omnem conclusionem demonstrandam, quia non ingrediuntur demonstrationē formaliter, sed uirtualiter, ut declaratum est supra, ergo ultra principia cōia requiruntur principia propria. Sed diuersarum scientiarum sunt principia propria diuersa, diximus enim supra, quod una scientia distinguitur ab alia propter distinctionem priorum principiorum. Ergo non omnium syllogismorum uerorum sunt eadem principia.

Tertiò sic, Cōclusiones ueræ distinguuntur in ueras contingētes; ut, coruus est niger, & in ueras necessarias; ut triangulus habet tres æquales duobus rectis. Sed contingentes syllogizantur per principia contingētia, & necessariae per necessaria, aliter non proportionarentur adinuicem, ergo non omnium uerorum syllogismorum sunt eadem principia. Constat enim non esse idem contingens, & necessariū, cum sint opposita.

Quarta conclusio, scilicet quod non omnium scientiarum sint eadem principia, probatur ab Aristotele per rationes proprias, & primo sic. Queritur si principia Geometriæ sunt principia Dialecticæ, & si principia Dialecticæ sunt principia Medicinæ, uel non. Si non, ergo non omnium scientiarum sunt eadem principia: si sic, ergo conclusiones Geometriæ, & Medicinæ, & Dialecticæ sunt eadem, quod constat esse falsum, probatur consequentia. Quæcunque sunt eadem in tertio, sunt eadem inter se, sicut quæ sunt æqualia uni tertio, sunt æqualia inter se. Sed secundum res, omnes conclusiones Geometriæ, & Medicinæ, & Dialecticæ, sunt eadem in principiis, ergo sunt eadem inter se.

TRACTATVS VNDECIMVS

Secundo sic, Non quælibet cōclusio ex quolibet principio indifferenter demonstratur, sed determinata ex determinato, puta hæc cōclusio, Hō est risibilis, ex hoc, quia est rationalis, & hæc Luna eclipsatur, ex hoc, quia iterponitur diametraliter terra inter solē, & lunā; Ergo cōstat, q̄ nō oīum sciārū sunt eadē principia. Et aduerte, quòd hic semper in tēdimus de principia propriis. Nā quo ad prima principia, oēs scientiæ conueniunt, quoniā fundantur in illis, sed quia ingrediuntur formaliter demonstrationem, non sufficiunt ad demonstrandū oēs conclusiones. Tertiò sic, Diuersorū generū scibiliū diuersæ sunt sciæ, ut quoniā quantū continuū differt gñe a quāto discreto, ideo differt Geometria ab Arithmetica, ergo non oīum sciarum sunt eadē principia propria. Probatur cōsequētia. nam quia magnitudo differt a numero, ideo Geometria habet alia principia, quibus demonstrat suas cōclusiones, quātm habeat Arithmeticus. Principia quidem Geometriæ sunt ista, A puncto ad punctū linea ducere contingit. Continuū est diuisibile in infinitū. Omnis tota magnitudo est maior sua parte, & c. Principia uero Arithmetici sūt ista, numerus est multitudo ordinata ex unitatibus; Partes numerus non copulantur ad unum terminum communem. numeri procedunt in infinitum in ascensu, sed non in descensu, & c. Constat igitur tibi quòd non omnium scientiarum sunt eadem principia propria.

Quantum ad quintū principale, inuestigandum est, quō differt scientia, quæ est effectus demonstrationis, ab aliis habitibus intellectus, quales sunt opinio, & habitus primorū principiorum, qui dicitur antonomastice intellectus, & ars & c. & hic quatuor agenda sunt. Primo, declarādum est quō & in quo sensu scientia differt ab opinione, & scitum ab opinato. Pro cuius notitia aduerte. quòd opinio pōt sumi tribus modis. Primo cōiter, & sic est habitus cognoscitiuus cum assensu, & hoc modo se habet ad scientiam est fidem, & opinionē proprie dictam; ut genus ad species suas. nam sciā, & fides, & opinio proprie dicta, conueniunt in hoc, quod est esse habitū cognoscitiuū cum assensu, licet distinguantur propriis differentiis, ut tibi manifestabitur. Secundo sumitur proprie, & sic est apprehensio unius partis contra-

tra-

traditionis cum formidine alterius partis, scilicet timendo ne altera pars sit uera. In quo sensu opinamur hoc anno futuram abundantiam, cum timore tamen oppositi. Tertio sumitur strictè, & ut sic est apprehensio ueri contingentis inquantum contingens est, & per medium contingens, & generatur in nobis, non per demonstrationem, sed per syllogismum topicum. Hac distinctione præposita aduerte, quòd ad mentem Aristotelis in primo Posteriorum scientia differt ab opinione, & scibile ab opinabili, non primo sed secundo, & tertio modo. De primo quidem constat, quoniam diximus quòd se habet ut genus ad speciem, genus autem non distinguitur contra speciem, quoniam continet eam, & prædicatur de illa essentialiter. Quòd autem in secundo & tertio sensu differat sicut oppositum ab opposito, probatur sic, Scientia est de uniuersali & necessario, & acquiritur per medium uniuersale & necessarium: opinio autem est de particulari & contingenti, & acquiritur per medium particulare & contingens, ergo constat quòd scientia differt ab opinione, Consequentia patet, quoniam conditiones earum sunt oppositæ, ergo differunt. Antecedens autem declaratum est ex superioribus. Dictum est enim, scientiam causari ex demonstratione. Determinatum est autem demonstrationem esse de conclusione uniuersali & necessaria, & ex præmissis uniuersalibus & necessariis. Opinio uero est causata per syllogismum probabilem, cuius conclusio & præmissæ sunt contingentes: ut declarabitur tibi in tracta. de locis. Constat ergo differentia inter scientiam & opinionem, ut arguatur sic, Sicut se habet demonstratio ad syllogismum topicum, sic scientia ad opinionem, quia sic demonstratio est causa sciëntiæ, sic syllogismus topicus est causa opionis. Sed demonstratio distinguitur a syllogismo topico, ergo & sciëntia ab opione.

Sed declarandum est quò & in quo sensu intendit Aristoteles scientiam differre ab intellectu. Pro cuius notitia aduerte, quòd apud Aristotelem intellectus sumitur quatuor modis. Primo, pro potentia intellectiua, quam in. 3. de anima distinguit in intellectum possibilem & agentem. Secundo, pro conceptu formato de re intellecta. Tertio, pro phantasia siue cogitatiua, quam in tertio de anima, uocat intellectum passi-

uum. Quarto, pro habitu primorum principiorum, de quo pertractat in sexto Ethicorum. Licet aut scientia, ut est habitus per demonstrationem acquisitus, differat realiter ab omnibus his quatuor modis, quibus dicitur intellectus, tamen intentio Aristo. in 1. Posteriorum est manifestare quomodo differt ab intellectu sumpto quarto modo. manifestatur autem triplici ratione. Primo sic, intellectus quarto modo sumptus, cum sit habitus primorum principiorum in quibus fundantur omnes scientiae, ut patet in 4. Metaphysicæ, est principium scientiæ. Sed scientia non est principium scientiæ, quia nihil est principium sui ipsius, aliter idem esset prius, & posterius: ergo scientia non est intellectus quarto modo.

Secundo sic, Intellectus quarto modo est circa indemonstrabilia, quoniam cognitio primorum principiorum non acquiritur per demonstrationem, sed solo lumine intellectus agentis. Vnde se habent, ut ianua in dumo, in qua non erratur, quoniam omnibus patet. Sed scientia est circa demonstrabilia, cum sit habitus conclusionis demonstratæ, ergo scientia non est intellectus.

Terriò sic, Intellectus est de propositionibus immediatis, id est, quæ per nullum medium notius probari possunt. Sed scientia est de propositionibus mediatis. Est enim de conclusionibus demonstrabilibus ex ueris, & notioribus, ut docuimus supra, ergo scientia non est intellectus quarto modo sumptus. Constat ergo tibi quomodo differt scientia ab opinione, & ab intellectu.

Terriò declarandum est, quomodo scientia opinio, & intellectus conueniunt, & disconueniunt. Tu igitur aduerte, quod ista tria conueniunt in hoc, quod sunt circa uerum, sed differenter. Nam scientia, & intellectus sunt semper circa uerum. Opinio autem est circa uerum non infallibiliter, sed non repugnanter. Licet enim contingat ipsam esse falsam, tamen non repugnat ipsam esse ueram. Vnde opinio, ut opinio, abstrahit a ueritate, & a falsitate. Item differunt, quia scientia, & intellectus sunt circa necessaria, opinio autem circa contingentia, quæ possunt aliter se habere. Deinde in scientia fit resolutio usque ad immediata necessaria, in opinione autem usque ad immediata solum probabilia,

probabilia, quæ uera uidentur aut omnibus, aut pluribus, nõ tamen sunt necessaria, possunt enim esse falsa, ut quoddamnis mater diligit filium suum, Inuentæ sunt enim matres occidentes filios, ut Medea.

Quodd aut opinio sit circa cõtinentia, declarat Arist. Primò ex eo quodd primo aspectu apparet, & est in promptu. Nam habitus & obiectum proportionantur, sed opinio quæ est habitus, dicit quid incertũ & dubium, ergo & circa incerta & dubia, hæc aut sunt contingentia possibilia aliter se habere, ergo opinio est circa fmõi contingentia. Secundò, quia nullus reputat se opinari, sed firmiter scire, quãdo de aliquo obiecto existimat, quod non potest aliter esse, nec aliter se habere, ergo manifestum est opinionem proprie dictam esse circa contingentia, scientiam uerò circa necessaria.

Quarto, declarandum est si de eadem re, uel de eodẽ obiecto puta de æternitate mundi, potest haberi scientia & opinio. Tu igitur aduerte, quodd Arist. in primo Poste. per quatuor conclusiones resoluit propositum.

Prima est, Scientia & opinio non possunt esse de eodem obiecto simpliciter. Probatur sic, Sicut se habet opinio, utra est opinio falsa, sic scientia & opinio ex conuenienti similitudine, Sed de eodem obiecto simpliciter non potest simul haberi opinio uera & opinio falsa, ergo neque scientia & opinio. Maior patet, quoniã sicut opinio uera & falsa opponuntur: sic scientia & opinio, est enim scientia cognitio certa, opinio autem est cognitio dubia & incerta, ut docuimus supra, Minor autem sic probatur. Sicut si significatum propositionis ueræ esset significatum propositionis falsæ, propositio uera esset propositio falsa, ita si de eodẽ obiecto simpliciter, id est, ut stat sub una consideratione & una ratione formali, esset opinio uera & falsa, opinio uere esset opinio falsa, quod est impossibile, quoniã implicat cõtadictionem; ergo de eodẽ obiecto simpliciter non potest haberi simul opinio uera, & opinio falsa, ex cõsequenti de eodẽ non potest haberi simul scientia & opinio. Præterea, declarabitur tibi in 2. de aĩa, quod habitus & actus diuersarũ rõnum, accipiunt distinctione a distinctis obiectis formalibus. Cũ igitur scĩa & opinio, scire & opinari sint habitus & actus diuersarũ rationũ,

TRACTATUS VNDECIMVS

non stat distinctio inter eas, si de eodē obiecto simpliciter. i. secundum eandem rōnem formalem posset haberi sciētia & opinio. Propterea dicit Aristot. in primo Posteriorum, quod eiusdem opinio & scientia non omnino est.

Secunda est, scientia & opinio possunt esse de eodē obiecto quodāmodo. i. materialiter & non formaliter sumpto. Sumitur aut materialiter, quando consideratur ut res, puta diameter ut diameter. Sumitur uerò formaliter, quando cōsideratur ut stat sub tali uel tali prædicato, & hæc distinctio coincidit cum illa, qua dicitur quod obiectū sciētiae & opinionis potest sumi incōplexè, & hoc est sumere materialiter, puta homo, linea triangulus. Et potest sumi complexè, & hoc est sumere formaliter, puta Diameter, ut commensurabilis; homo ut corruptibilis; mundus ut perpetuus.

Stante hac declaratione probatur sic conclusio, De eodē obiecto materialiter sumpto, habetur uera, & falsa opinio, ergo de eodem pōt haberi scientia & opinio. Patet consequentia ex similitudine, quā declarauimus in conclusione præcedenti. Antecedens aut probatur. Nā de diametro potest quis opinari, quod est incōmensurabilis costæ, & hæc est uera opinio, quia sic est, ut opinatur, & de diametro potest alius opinari, quod est cōmensurabilis costæ, & hæc est falsa opinio, quia aliter est quā opinatur, ergo de eodem est uera & falsa opinio, quia de diametro, dūmodo non consideretur sub eodē prædicato, sed sub diuersis cōplexis, quorum unum est hoc, Diameter est cōmensurabilis. alterum est hoc, Diameter est incōmensurabilis. Eodem modo dicendū est, quod de eodem materialiter sumpto secundum diuersam rationē potest haberi scientia & opinio. Nam si quis existimet hominem ita esse aīal rationale, quod nō potest aliter esse, habet scientiam huius cōplexi, homo est animal rationale. Si autē alius existimet hominem ita esse animal rationale, quod potest aliter esse, habet opinionem de eodem cōplexo. Constat autē, quod existimare non posset aliter esse, & existimare posse aliter esse, sunt distinctæ & oppositæ rōnes formales. Patet igitur, quomodo de eodem obiecto sumpto incōplexè, potest esse sciētia & opinio per respectum ad diuersa prædicata. Et si sumatur complexè, etiā respectu eiusdem prædicati, sed secundum

cundum diuersam rationem formalem. Et in utroque sensu uerum est dicere, quòd de eodem obiecto materialiter & nò formaliter sumpto potest esse scientia & opinio.

Tertia conclusio est, impossibile est eundem hoïem puta Sortem pro eodem tēpore habere scientiam & opinionē de eodem obiecto formaliter sumpto. i. secundum idem prædicatum, & secundū eandem rationē. Probatur, Si Sortes sciit triagulum habere tres æquales duobus rectis, tenet pro certo nò posse aliter esse, & si pro eodem tēpore opinatur idē, non tenet pro certo sic esse, quia non stat opinio cum totali certitudine, cū sit contra diffinitionē opinionis propriē sumptæ, ergo in eodē intellectu stant simul contradictoria de eadem conclusione. s. omnimoda certitudo, & non omnimoda certitudo, hoc aut est cōtra principium primū, quod est hoc, impossibile est idem simul esse, & nò esse, ergo conclusio uera. Dixi pro eodem tempore, quoniā pro diuerso tempore, id non inconuenit. Possibile est. n. quòd Sortes addiscēs opinetur triagulum habere tres, non ratione ductus, sed quia assentit Euclydi sic dicenti, Quando aut Geometriam iam didicit, ita quòd sciat demonstrare triagulum habere tres æquales duobus rectis, tunc de eadem conclusione habebit scientiam, de qua prius habebat solum opinionem.

Quarta conclusio est, possibile est distinctos homines puta Sortem, & Platonem, de eodem obiecto respectu eiusdem prædicari, puta de hoc cōplexo, Triangulus habet tres æquales duobus rectis, pro eodem tēpore habere scientiam, & opinionem. Probatur, Stat quod Sortes habeat de illa conclusione rationes necessarias, utpote iam factus Geometra sciit eam demonstrare. Stat quòd pro eodem tempore Plato incipiat addiscere Geometriam, & existimet eandem conclusionem esse ueram. Non quia sciat eam demonstrare, sed quia audiat eam esse famosam apud Geometras: ergo de eadem conclusione pro eodem tempore Sortes habet scientiam, & Plato opinionem. Constat igitur tibi, quomodo de eodem obiecto habetur scientia & opinio, & quomodo non.

Hæc igitur dicta sint de distinctione scientiæ ab opinione, & intellectu. De distinctione autem habituū intellectuum completa, quò. s. distinguantur in rationem. i. opinionē

TRACTATVS VNDECIMVS

& scientiam, & intellectum, & artem, & prudentiam, & sapientiam Aristoteles pertransit, dicens, quòd hæc quidem, scilicet scientia, intellectus, opinio, & sapientia sunt Physicæ considerationi. Spectant enim ad Librum de Anima, ubi agitur de intellectu. Illa uero, scilicet ars, & prudentia spectant ad Ethicam. Vnde Aristoteles in libro sexto Ethicorum pertractat, de eis diffusè, & non de his omnibus consideratione fecimus resolutam in epitomatibus nostris super Ethicam, in libro sexto, ut uidere poteris. Vbi peregrimus de partibus prudentiæ, & quoniam solertia spectat ad prudentiam, sicut & eustochia, de qua Aristoteles uix uerbum fecit in 6. Ethic. idèd ne ignota tibi remaneat, diffinit eam in fine primi libri Posteriorum, & declarat multiplici exemplo Diffinit autem sic, Solertia est subtilitas quædam in non prospecto tempore medij. Et intendit, quòd solertia est uirtus inuentiua medij ad conclusionem in tempore. in perceptibili, id est statim. Vnde in sexto Ethicorum diffiniuimus eam, quòd est idoneitas citò inueniendi medium, & secundum Aristotelem, ille est maxime solers, qui citò cognoscit causas medias, & scit expedite reducere in ultimas. Quod declarat Aristoteles triplici exemplo. Primum est hoc, si quis uidet Lunam splendere semper uersus Solem, statim intelligit quòd hoc est, quia recipit lumen a Sole, hic dicitur solers solertia speculatiua. Secundum est hoc, si quis uidet pauperem, & diuitem litigantes simul, & statim intelligit quòd hoc est, quia diues pauperi pecuniam accommodauit, dicitur solers practicæ. Tertium est, si quis uidet duos ante inimicos, & nunc factos amicos, & statim intelligit, quòd hoc est, quia talis, uel talis pacificauit eos, uel quia concorditer conuenerunt, ut persequantur, & confundant alium, dicitur solers practicæ. Constat igitur tibi, quid solertia sit, & solers.

Sed aduerte, quòd sicut est duplex iustitia, & temperantia, scilicet naturalis, & acquisita. Naturalis quidem est, qua quis a natiuitate inclinatur ad opera iusta, & temperatè uiuendum: acquisita autem est, qua quis ex frequentitatis actibus, & longo exercitio efficitur iustus, & temperatus, sic duplex est solertia: scilicet naturalis, & acquisita. Naturalis quidem est ingenij subtilitas innata, sequens animam intellectiuam

lectiuam dum corpori infunditur, qua idoneus est homo ad subito inueniendum medium pro aliqua conclusione deducenda tam practica, quam speculatiua, & hic dicitur naturaliter promptus ad speculandum, uel prudenter negotiandum, cui opponitur tardus, & hebes ingenio ex sui genitura. Acquisita autem est promptitudo ingenii causata longo exercitio practico uel speculatiuo ad inueniendum cito media opportuna, pro ut occurrit. Hanc solertiam habet ueterani milites, & experti Medici, & exercitati gubernatores reipub. Hæc de præfenti cap. dicta sint.

De medio demonstrationis potissima. CAP. XIII.

IN hoc cap. inuestigandum est de medio demonstrationis potissimæ, & hic complebimus considerationem nostram pro nouitijs de syllogismo demonstratiuo, relinquentes difficiliora lecturæ libri Posteriorum pro adultis. Tu igitur aduerte, quod in doctrina Aristotelis unum clarum est, scilicet diffinitionem esse medium. Nam quia demonstratur passio de subiecto, ut risibile de homine, & demonstratio potissima est per causam, illud erit medium, quod est causa concludendi passionem inesse subiecto. Hoc autem est diffinitio, Nam quia homo est animal rationale, idem est risibilis. Vtrum autem hoc medium sit diffinitio subiecti tantum, uel passionis tantum, uel aggregatum ex utraque, uel utraq; quodam ordine, non uidetur clarum apud Arist. & idem hinc processerunt uariæ expositorum sententiæ, inter quos est Lynconienis, & Egidius, & b. Tho. quorum sententias hic recitabimus, sed determinabimus secundum mentem b. Tho.

Lynconienis tenuit medium in demonstratione potissima esse diffinitionem subiecti, & non passionis, quod uidetur esse de mente Aristotelis in prologo primi de anima, ubi inquit, quod ipsum quod quid est, principium est omnis demonstrationis, & quod diffinitiones per quas non apparet causa accidentium. s. propriorum subiecti sunt Dialecticæ, & uanæ. & in quarto Physicorum dicit Aristoteles, quod tunc pulcherrimè unumquodque diffinitum est, cum ex illa diffinitione apparet causa accidentiū in subiecto. Intēdit ergo Aristot. q. diffinitio subiecti dicat causam, propter quam tale accidens proprium conuenit tali subiecto, puta risibile
homi-

TRACTATUS VNDECIMVS

homini, habere tres triangulos. Sed illud propter quod in est proprium subiecto, est medium in demonstratione, ergo diffinitio subiecti est huiusmodi mediū. Et confirmatur, quia dicit Arist. in ij. Poster. quòd mediū in demonstratione dicit, quid, quid, & propter quid, & hoc cōpetit diffinitioni subiecti. Nā eadē diffinitio dicit quid respectu subiecti. Si. n. interrogatur quid est homo, respondetur quòd est animal rationale, si autē quæritur propter quid homo est risibilis, respondetur quia est rationalis, & ut sic dicit, propter quid respectu passionis. Hæc fuit sententia Lynconiensis, quæ ut uera defendetur infra, pro quanto tenet diffinitionem subiecti esse medium in demonstratione potissima. Pro quanto autem excludit diffinitionem passionis nō sustinebitur; quoniā id repugnat doctrinæ Arist. ut tibi declarabitur præcipue in doctrinis Mathematicis.

Ægidius aut in ij. Poster. tenet absolutē cōtra Lynconiensem, ponēs hāc cōclusionē, Diffinitio passionis, & nō subiecti est mediū in demōstratione potissima, quam sic probat. Sciētix mathematicæ sunt in primo gradu certitudinis secundū Cōmentatorē in ij. Mathematicæ, sed illæ nō demōstrant conclusionēs suas per diffinitionē subiecti, sed passionis; Ergo nō diffinitio subiecti, sed passionis est mediū in demōstratione potissima, Minor probatur. Nā Geometra probās triāgulum habere tres æquales duobus rectis, non assumit diffinitionē subiecti, sed prædicati sic demonstrans; Omnis figura habens angulū extrinsecū æqualē duobus intrinsecis sibi oppositis, habet tres æquales duobus rectis, sed triangulus est talis figura, ergo &c. Ergo constat, quòd apud Mathematicū diffinitio passionis est mediū in demonstratione potissima. Sed aduerte, quòd Arist. in ij. Posteriorū non solum in Mathematicis, sed etiā in Phycis manifestat passionē demonstrari de subiecto per diffinitionē passionis, & nō subiecti. Dicit. n. quòd si quærat propter quid Luna eclypsatur, respondetur quòd propter interpositionē terræ inter Solē, & Lunā, hæc autem est diffinitio eclypsis, quæ est passio ī Luna. Itē si quærat propter quid inter uocē acutā, & grauē inuenitur cōsonātia; respōdetur quia inter eas datur proportio numeralis, hæc autē est diffinitio cōsonantix.

nantiæ. Cum igitur Arist. tã in Mathematicis, quàm i Phisicis siue in scientijs medijs, quales sunt Astrologia, & Musica, exẽpla det de diffinitione passionis, & nō subiecti, signū euidens est, quòd eius mens fuit diffinitionem passionis, & non subiecti esse medium in demonstratione potissima.

Beatus Thomas in ii. Poster. lectione prima, tenet quòd nō sola diffinitio passionis, nec sola diffinitio subiecti, sed utraq; est mediū sufficiens in demonstracione potissima. Hãc igitur opinionē ut ueriorē declarabimus, & sustinebimus.

Pro eius declaratione aduerte, q̃ hæc opinio potest habere duplicē sensū. Primus erit, quòd utraq; diffinitio non ut distincta, sed ut quid aggregatū ex utraq; sit mediū. Verbi g. Mediū ad demonstrandū risibile de homine, sit hoc totū, Animal rationale aptū natū ridere; cuius quidē pars prima est diffinitio hominis, pars autē secūda est diffinitio risibilis. Sūt igitur aliquid dicētes hoc totū esse uerē mediū, & hanc esse mētē Arist. & B. Tho. Quod probant sic. Illud est uerē mediū in demonstracione potissima, quod est maximē immediatū, & maximē propriū. Sed tale est aggregatū ex diffinitione subiecti, & passionis, ergo &c. Ma. patet. Nā declaratū est suprā, quòd demonstratio est ex propriis, & immediatis. Mi. autē sic probatur, Tale aggregatū est maximē immediatū subiecto, ratione diffinitionis subiecti, & est maximē propriū, ratione diffinitionis passionis. Quòd si esset sola diffinitio subiecti, non esset maximē propria passioni, & si esset sola diffinitio passionis, nō esset maximē immediata subiecto. Vt ergo seruetur maxima immediatio respectu subiecti, & maxima proprietas respectu passionis, oportet aggregatū ex utraque diffinitione esse medium.

Præterea, medium in demonstratione potissima, dicit qd & propter quid secūdū Arist. in ij. Poster. Sed aggregatū ex utraq; diffinitione dicit quid de subiecto per diffinitionem subiecti, & propter quid de passione propter diffinitionem passionis. ergo tale aggregatū rationabiliter est medium in demonstratione potissima.

Sed isti sic tenētes, deuiant a mente Arist. Nam docuimus suprā, quòd secūdū eū aliqua diffinitio est principiū demonstrationis, puta ea, quæ datur per formā aut finem, & ali

qua

qua est cōclusio, puta ea, quæ datur per materiã: hæc. n. demonstratur per formalem, sicut demonstrauit Aristoteles demonstrationem esse ex ueris, primis, & immediatis &c. quia est syllogismus faciens scire. Aliqua autem est tota demonstratio positione differens, ut ea quæ aggregatur ex diffinitione subiecti, & passionis, sicut ista, Animal rationale aptum natum ridere, aut aggregata ex pluribus diffinitionibus subiecti, ut ista, Ira est accensio sanguinis circa cor ex appetitu uindictæ. Modò arguitur sic: Quod est tota demonstratio, non est medium, neque principium demonstrationis. Sed secundum Aristotelem diffinitio composita ex diffinitione subiecti, & passionis, est tota demonstratio positione differens; ergo non est medium, nec principium demonstrationis. Præterea, ad mentē Arist. in ii. Poster. mediū in demonstratōne potissima, debet esse diffinitio subiecti, & passionis. Nō est diffinitio sed alicuius unius diffiniti. Sed diffinitio aggregata ex diffinitioe subiecti, & passionis, nō est diffinitio unius diffiniti, sed pluriū, ut patet, ergo &c. Ex quo sequitur, quod licet sit incōueniens demonstrare aliquid per diffinitionē aggregatā ex diffinitionibus pluriū diffinitoriū, non tñ est inconueniēs, quādo talis diffinitio est aggregata ex pluribus diffinitionibus eiusdē diffiniti. Verb. g. hæc cōclusio, Hō est disciplinabilis, & docibilis, pōt cōuenienter sic demonstrari, Omne animal rationale cōpositū ex humano corpore, & anima intellectiua est disciplinabile, & docibile, Homo est tale animal, ergo &c. Error igitur sic sentientiū hinc processit, quod crediderūt ita cōueniēter posse demonstrari aliquā passionē de subiecto per diffinitionē aggregatam ex diffinitione subiecti & passionis, sicut cōuenienter demonstrari potest per diffinitionem aggregatam, ex pluribus diffinitionibus subiecti, uel passionis.

Relicta igitur hac opinione aduerte, quod secundus sensus prædictæ positionis, talis est, medium demonstrationis potissimæ est utraq; diffinitio, s. subiecti, & passionis, nō ut aggregata, sed utraq; ut distincta, & quodam ordine pro cuius euidentiā aduerte, quod oportet primò demonstrare passionem de subiecto per diffinitionē passionis. Verb. gr. hæc conclusio, homo est risibilis, primò sic demonstranda est,

Omne

Omne aptum ridere est risibile, homo est aptus natus ridere, ergo homo est risibilis. Sed hæc diffinitio passionis non sufficit; quoniam utraque præmissa in demonstratione potissima debet esse uel reduci ad immediata. Cõstat autem, quod in demonstratione præposita licet maior sit immediata; quoniam inter diffinitionem passionis & passionem nullum datur medium, sicut nec inter diffinitionem, & diffinitum, tamē minor non est immediata; quoniam inter subiectum, & diffinitionem passionis cadit diffinitio subiecti. Vnde minor probanda est per diffinitionem subiecti hoc modo; Omne animal rationale est aptum natum ridere, Homo est animal rationale, Ergo homo est aptus natus ridere, & sic patet, quo ordine tam diffinitio passionis, quam diffinitio subiecti sint mediū in demonstratione potissima, & quod hoc modo utraq; præmissa sit immediata. Et hæc fuit mens B. Tho. v. patet in ij. Poster. lec. 1. & est ad mentem Arist. cuius signum sumitur ex hoc, quod in 1. Poster. tractans de præcognitionibus, dixit quod oportet præcognoscere quid est, non solum de passione; sed et de subiecto. quod non oporteret, nisi passio concluderetur de subiecto per diffinitionem; deinde diffinitio passionis concluderetur de subiecto per diffinitionem subiecti, Quod manifestatur sic. si volo demonstrare hanc, Triangulus habet tres æquales duobus rectis, accipiam primò primum pro medio, quod est figura habens angulum extrinsecum æqualem duobus intrinsecis sibi oppositis, & hoc est ueluti diffinitio passionis, quod rursus demonstrandum est per diffinitionem subiecti. primò trianguli, arguendo sic. Omnis figura recti linea tribus lineis contenta, habet angulum extrinsecum æqualem duobus intrinsecis, sibi oppositis, Sed triangulus est figura rectilinea &c. ergo &c. Hæc sententia uidetur uerior, & magis sufficiens, utpote media concordans cum Lynconiense, quo ad diffinitionem subiecti, & cum Egidio quo ad diffinitionem passionis. Discordat autem à Lynconiense in hac exclusiua, Tantum diffinitio subiecti est medium in demonstratione potissima. & ab Egidio discordat in hac exclusiua, solum diffinitio passionis est mediū &c. Hæc de præseti c. dicta sint, & hic terminatur trac. de syllogismo demonstratiuo, quæ ordinauimus ut introductorium pro nouitijs ad eam, quæ est apud Arist.

TRACTATVS VNDECIMVS

Aristo. doctrinam in lib. Poster. Erat mihi propositum post tractatum de syllogismo demonstratiuo, formare tractatum de syllogismo Dialectico correspondentem lib. Top. Deinde tractatum de syllogismo sophistico correspondentem libris Elēchorum. Verum quia Petrus Hispanus duos tractatus clarè, & subtiliter disposuit, quorum primum tractatum de locis nuncupauit, secundum autem tractatū de fallaciis, quem etiam habemus editum à diuo Thoma, ideo propositum mutauit, remittēs nouitios ad prædictos authores. Laus Deo omnipotenti in sempiterna secula.

F I N I S.

TRACTATVVM ELENCHVS: ET

quid quisque complectatur.

- I. Est de præcognoscendis.
- II. De partibus propositionis.
- III. De propositione.
- IIII. De quinque uniuersalibus.
- V. De prædicamentis.
- VI. De syllogismis formalibus.
- VII. De suppositionibus.
- VIII. De ampliationibus et appellationibus.
- IX. De consequentijs.
- X. De probationibus terminorum.
- XI. De syllogismo demonstratiuo, in quo continetur Aristotelis doctrina in lib. Poster.



for w.

Handwritten symbol, possibly a stylized letter or mark.

3

7